

## LE CAVALERICE FRANÇOIS.

Composé PAR SALOMON DELA BROVE  
Escuyer d'Escuierie du Roy et de Monseigneur  
Le Duc D'Espernon


Contenant les Preceptes principaux qui s'ont observer,  
essacément pour bien dresser les Cheuaux aux exercices  
de la carriere et de la campagne. Le tout diuisé en trois livres.

Le premier traicte de l'ordre general et plus facile des  
susdits exercices et de la posture du Cavalier.


Le second des modernes et plus justes proportions  
de tous les plus beaux airs et maneges.

Le troisieme des qualitez de toutes les parties de  
la bouche du Cheual et des diuers effets de plusieurs  
brides differentes pourtraites et representees par leurs  
justes mesures aux lieux necessaires.

TROISIEME EDITION REVEUE ET AVGMENTEE  
DE BEAUCOUP DE LECONS ET FIGVRES PAR L'ATHEVR



A. PARIS.  
Chez Abel l'Angelier  
au premier pilier de la  
grand' Salle du Palais.  
1613  
Avec Privilège du Roy.





Pharag  
admiral





# PREMIER LIVRE DES PRECEPTES DV SIEVR DE LA BROVE.

## P R E F A C E.

**L**ECTEUR, si tu as quelque particuliere inclination en l'art du Cavalierice, & si tu desires sçavoir la pratique de bien dresser tes chevaux qui te puissent servir à la capagne, ou à la Carriere, tu honoreras beaucoup ma curiosité, recherchât mes aduis en ce liure, duquel en recompense tu pourras tirer quelque profit. Mais deuant que passer outre, ie te veux aduertir, que si tu esperes de moy quelque secret caché iusques à present, par lequel tu te promettes du premier coup d'efforcer entierement le naturel du cheual, tu te trompes: car ie ne suis ny ne fus iamais en cest erreur, de croire qu'il y puisse auoir des moyens plus excellens & necessaires, que les vrayes reigles de l'art bié entédues, & pratiquées avec dextérité par vn bon iugement. Mais ceste intelligence ne se peut acquerir qu'avec le téps, la patience & l'assidu travail, auquel leuiolêr desir de paruenir à la perfection serue d'allegemens & d'aiguillon. Et si d'aüecture tó desir ne passe pl<sup>9</sup> outre que de sçavoir bié parler de nostre exercice, ie te cõseille de t'adresser à quelque autre autheur plus eloqué & bien versé aux belles lãgues, qui aye mieus escript & enrichy de plus beaux termes, ce que ie me promets d'apprendre à bien faire à ceux, qui se resouldront d'estudier & pratiquer curieusement & souuent les preceptes & leçons, que tu trouueras cy apres mieus expliquees que i'ay peu, & sur tous ils ont l'esprit capable de les comprédre, ioinct avec vne bõne pratique pour les effectuer diligemment à leur téps propre & cõuenable. Cela màquant ils se trouueront en fin plus cõfus que sçauans. Je sçay que si i'estois si heureux d'auoir employé vne partie de mes ieunes ans à l'estude des bõnes lettres, ou que pouslé d'vne vaine ambitio i'eusse voulu emprunter le sçauoir d'autrui, & me parer cõme la corneille d'Horace, qui print les plumes des autres oyseaux, m'ostile, pl<sup>9</sup> exquis & elegãt r'auoit plus contété que cestuy-cy grossier, & sans beaucoup de lustre & ornemêt; mesmes les belles paroles eussent mieus exprimé ma cõceptio. Je me fais accroire toutesfois que tu tiêdras mes leçons, cõme ces pierres exquises d'Oriêt, qui, mises en œuure par vn mauuais orfeure, ne perdêt pourtant leur prix & leur valeur: & que tu auras esgard, que ie n'ay voulu me seruir d'autre artifice pour t'êretenir, que de ma cõmune façõ de parler. Qui me fait te supplier de prédre en bõne part ma franchise, & de n'estre trop rigoureux censeur des fautes que tu trouueras en celiure, mesmemêt au langage François, duquel tout expres ie n'ay voulu vser en beaucoup de termes de l'art, les iugant beaucoup pl<sup>9</sup> brefs & plus propres en Italien, ou tels que tu les trouueras escripts,



qu'en ceste lague, se me suis seruy de la licéce que dōne vn Philosophe, d'aller au puits voisin, quand on a fossoyé chez soy iusques à largille sans trouuer de l'eau. D'autre part, cōsidere que ie suis Gascō, esleué en ma patrie, & nourry Page avec beaucoup d'hōneur en la maison de Monseigneur le Côte d'Aubijoux, où ceste premiere saison de mayie a esté occupee à le suiure aux armées, à la cour, à la chasie, & quelques fois à l'exercice de mōter à cheual, mais le plus souuēt à vne infinité de delbauches & fingeries, aufquelles la ieunesse sollastre & licétieuse portât l'habit de Page se plaist d'ordinaire, autāt qu'elle est ennemie de l'estude, qui avec la vertu apred à bié discourir. Et depuis auoir esté mis hors de Page, i'ay eu presque d'ordinaire les armes sur le dos, pour n'estre inutile ny oyfis en nos guerres ciuiles: où prenant l'occasion du temps plus paisible, i'ay voyagé en diuerfes nations hors de ce Royaume, iusques à la trentiesme année de mon aage, recherchant & pour suiuant la perfectiō de plusieurs exercices violens, & routes fois hōnestes, lesquels i'ay si extremement ayez, que ie les ay preferez nō seulemēt aux bonnes lettres, mais i'oseray dire à toutes les choses du monde. Et qui pis est, ie suis nay, à mō grād regret, avec l'imperfection de ne m'adōner aucunemēt à la lecture: qui est aussi cause, que ie n'ay peu apredre à bien parler, ny escrire, que si peu, que ie ne puis moy-mesme taire le blasme qui m'ē est deu. Ces consideratiōs, que i'ay tousiours deuant les yeux pour ne m'asseurer trop sur la bōne opinion de moy-mesmes, refroidiroient aucunemēt mō dessein, si ie n'auois esgard, mō but proposé, n'estre pas de façon nrv eloquent orateur, mais de dōner des loix & reigles à celui, qui se voudra rēdre bon Cavalierice. Et puis ie prens nouvelle hardiesse, me voyant estre nay en vn temps, où ceux qui ont quelque perfectiō, tashēt d'eterniser leur memoire par leurs escrits, esquels ils choisissent vn sujet selō le mouuement qu'ils maistrise: & cōbien que tous marchēt par des chemins diuers, si est-ce qu'ils ont vne mesme fin pour butte de leurs intentions, qui doit estre de servir d'adresse aux humains, pour lesquels nous auons vne obligatiō naturelle de nō employer: & celui qui s'ē acquitte le mieux, voisine de pl<sup>9</sup> pres l'excellēce diuine. Par ains i'imitāt l'Autruche, qui se pique pour mieux courir, iem'enhardis par la creāce, q̄ mes escrits, quelque mal polis qu'ils soient, apporterōt plus d'vtilité & cōtentemēt aux esprits nobles & genereux, qu'un tas de liures qu'ils ont ordinaiemēt dās les mains, bien que le langage en soit plus disert & affaité: la vertu qui consiste en l'actiō estāt beaucoup pl<sup>9</sup> estimable, que la contēplatiue, & les beaux effects pl<sup>9</sup> à priser que les belles paroles. Puis i'acquerray pour le moins l'hōneur d'auoir esté le premier de ma natiō, qui ait escrit de tel art: & les pl<sup>9</sup> enuieux ne me denierōt l'auātage d'auoir fait la premiere trace, cōuiant quel que plus gētil & suffisant esprit à faire mieux. Et si iusques en ce tēps nostre Frāce n'a produit beaucoup d'excellēs hōmes de cheual pour en bié escrire, ce n'est pas q̄ plusieurs n'ayēt desiré d'estre ten<sup>9</sup> pour tels, ny que parmi les Frāçois ne se trouuēt ordinaiemēt des courages bié nais, fort enclins & propres à cest exercice, & qu'ils ne le recherchèt pl<sup>9</sup> que ne fōt toutes les autres natiōs: Mais c'est plustost faulte de cōmodité. Car les haras & nobles races des cheuaux ne sōt pas cōmunes en Frāce cōme on les trouue aux autres nations, ny par consequent les bonnes escoles. C'est pourquoy tant de ieunesse Frāçoise s'achemine avec beaucoup de fraiz en Italie pour appredre à mōter à cheual. Mais la pluspart, & quasi tous ceux qui fōt ce voyage à ceste intentiō, sont de si bōnes maisōs, qu'ils n'en desirēt sçauoir que pour leur vsage, & pour passer leur tēps: ou, parlāt plus librement, c'est qu'il n'y en a pas eu beaucoup, qui exēpts de presomptiō ou de nōchalance, ayent peulonguement perseuerer en la penible & necessaire patiēce, qui les eut peu rendre bōs maistres. Car si les Frāçois estoient autant constans à la poursuite, de cest art, comme ils sont desireux de le bien sçauoir, sans doute ils y profiteroient autāt, que font les



Italiens. Et qu'il soit ainsi, tous les meilleurs Caualerices estrangers, qui sont venus de nostre temps en ce Royaume, ont quasi admiré le sçauoir & la grace de Monseigneur le Marechal de Dampville, & bien fort estimé l'experience de Monsieur de Carnauallet. Encores y en a-il de nos François, qui se peuvent mettre au rang des meilleurs hommes de cheual. Mais à la verité le nombre en est si petit que ie ne les veux icy nommer, craignant d'offenser beaucoup d'inferieurs, qui peut estre ne s'estiment pas moins, que les plus sçauans. Je diray sans intention d'offenser personne, que la presumption est, ce me semble, plus commune en l'exercice de cest art, qu'elle n'est en beaucoup d'autres: de laquelle procede qu'on void tant de ieunes hommes, qui pour y auoir vaqué seulement quatre ou cinq ans, en pensent tenir la perfection. Ie sçay qu'il y en peut auoir aucuns de si bon iugement & si agiles, qu'ils auront acquis plus de sçauoir & dextérité en cinq ans, que d'autres, qui ne feront nullement nais pour vne si belle vacation; n'auront en trente. Mais pour auoir beaucoup de fonds en cest art, ie tiens qu'il faut premierelement estre assisté d'une grande inclination, & auoir heureusement rencontré d'excellens maistres; liberaux & affectionnez à bien monstrer: auoir aussi commencé d'apprendre fort ieune, & consumé son aage en travaillant & recherchant curieusement les meilleures escoles, iusques à ce que le poil en soit deuenu gris. Et pour moy, il me souuient, que ie travaillois plus hardiment, & pensois faire mieux en l'aage de vingt ans, quelque mal fondé que ie fusse, que ie n'ay fait depuis auoir mieux compris les raisons & l'excellence de cest art. En quoy ie considere, que la cognoissance de la nature & capacité du cheual, & la pratique des vrais moyens pour le dompter & rendre obeissant & facile à l'usage de la guerre, & principalement à celuy de la Carriere, ameine des conséquences, qui poussent l'esprit de l'homme à beaucoup d'autres choses plus hautes. Car pour bien maistriser vn animal si vigoureux & si fier, le Caualerice doit estre naturellement ingenieux, patient courageux & fort. Outre cela il faut que la longue experience des meilleures escoles de cest exercice luy aye donné telle cognoissance, qu'il puisse bien iuger, l'humeur & l'inclination du cheual, & faire industrieusement son profit des bons effets du naturel d'iceluy, entant qu'ils seront propres à l'exercice qu'il pourra vigoureusement fournir: & par mesme moyen qu'il corrige la violence des communs mouuemens coleres & malicieux, l'habitude desquels est cause le plus souuent, qu'on void tant de beaux & courageux cheuaux vicieux & en fin inutiles. Et pour dresser & adiuuster delicatement le cheual à tous les airs & maneges, qui se pratiquent aux meilleures escoles de ce temps, il est aussi necessaire que le Caualerice aye beaucoup de iugement naturel, mesmes aux proportions: d'autât que tous les airs & plus beaux maneges sont composez de nombres, de mesures & de plusieurs egalitez qu'il faut soigneusement obseruer. Et pour parler en comparaison seulement de ce dont ie me suis autrefois meslé, selon la petite portee de mon entendement, & particulièrement de ce que i'ay voulu experimenter à l'endroit de la ieunesse, qui s'est esleue souz ma charge au seruice des grands: ie puis asseurer qu'il est fort mal-aysé que celuy qui ne peut gouter ny comprendre l'harmonie, l'air & la mesure de la musique & consequemment des instrumens & de la dance, puisse iamais bien entendre les airs & proportions de nos escoles. Tellement que voyant vn Caualerice sçauant en son art, sans doute on peut croire, qu'il est nay pour bien faire beaucoup d'autres choses honnestes. Et pour ne point dissimuler, ie pense, qu'il n'aduient iamais que la perfection d'un tel sçauoir se communique à certains esprits foibles & grossiers, qui le profanent tous les iours, & qui neâtmoins s'en honorent en apparence, se faisant admirer aux ignoras. Sans chercher des exéples plus loin, cela nous est assez confirmé par les plus excellens Caualerices qui ont esté en toute l'Italie,



dont la pluspart font yssus de nobles & illustres maisons, & tous ont esté tref-bien  
 & honorablement esleuez & instruits en leur ieunesse. Aussi ont-ils monstré, par  
 leurs belles & honnestes actions la difference, de leur vertueuse nourriture & belles  
 qualitez, à la basse & commune façon de faire d'une infinité d'autres hommes mal  
 creéz, estourdis & presomptueux, qui, comme aveuglez en leur erreur, & pour a-  
 uoir dressé à l'aventure quelque cheual facile parmy beaucoup d'autres, qu'ils au-  
 ront gastez, osent bien aucunes fois esgaler quelque grosse & vieille pratique mal  
 fondee, qu'ils ont acquise par ie ne sçay quelle routine, à la science & reputation  
 d'une si docte & vertueuse troupe. Mais quoy qu'ils en pensent, il est certain, qu'il  
 n'y a que les plus beaux esprits, qui soient propres pour les plus beaux exercices: en-  
 cores faut-il que la iuste stature du corps & des membres y apporte grace & com-  
 modité, principalement à cestuy-cy, qui est vn des plus Martiaux & honorables,  
 que l'homme galland & genereux sçauoit choisir pour paroistre parmy les grands  
 & pour l'usage de sa dexterité, quand bien il seroit vn monarque. Et pour ce ie vou-  
 drois que tous ceux qui ayment cest art, & qui se mettent en frais & en peine pour  
 le bien entendre; ne se laissassent legerement deceuoir aux affections & passions  
 particulieres, le plus souuent fondees seulement sur l'opinion cōcquē de l'excellen-  
 ce de tel Caualerice, qui en effect pourra estre des moins sçauās: & qu'ils ne creussent  
 non plus, que celuy qui ne sçait rendre raison suffisante d'une chose, la puisse bien  
 entendre ny montrer & sur tout qu'ayant acquis quelque bonne reputation par-  
 my les hommes de cheual, ils ne laissassent pour cela, & n'eussent honte de recher-  
 cher l'aduis de ceux, qui sont mieus fondez. Car ie tiens que c'est le vray moyen  
 de paruenir à l'excellence, non seulement de cest art, mais de toutes les plus bel-  
 les sciences. Et si d'aventure ils font difficulté d'accoster les meilleurs maistres, crai-  
 gnans d'estre refusez de leurs honnestes prieres, ils se doiuent assurer que c'est vn  
 contentement à l'homme de bon naturel, qui sçait beaucoup, de se communiquer  
 à ceux qu'il recognoist capables de son sçauoir, & de leur en faire part. Et au con-  
 traire les ignorans & peu sçauans sont les moins accostables, ne se sentans pas de-  
 quoy pouuoir rendre satisfait vn bel esprit, quoy qu'en faisant les entendus ils veu-  
 lent qu'on tienne par foy, qu'ils sont de grands personnages. Et s'il y en a, qui  
 soient des si glorieux & presomptueux naturel, que pour ne vouloir ceder & rendre  
 cest honneur loüable à ceux, qui en sont dignes, ayent seulement leurs recours aux  
 liures, ie les aduise que en cest art la lecture, voire des meilleurs auteurs, ne peut  
 seruir que à ceux, qui entendent & sçauent effectuer proprement ce qu'ils disent. De  
 maniere qu'un apprenthy ne se doit iamais arrester aux discours des choses, qui ne se  
 peuuent bien entendre, sans la pratique. D'autre part il est presque impossible qu'un  
 bon homme de cheual puisse claiement expliquer par escrit une infinité de choses,  
 que l'occasion luy fait entendre avec l'experience, tāt à cause de plusieurs & diuer-  
 ses actions & mouuemens du corps & des membres, qui en dependent, & de la cō-  
 mune difference des complexions des cheuaux, que parce qu'on void fort peu de  
 bons Caualerices, qui soient bons escriuains: de quoy il ne se faut esmerveiller: car  
 il semble que le mestier le porte. La raison est que la pratique de cest exercice est si  
 violente, si longue, & neantmoins si douce, & attrayante, qu'elle occupe tellement  
 l'esprit de celuy, qui l'affectionne, qu'il ne sçauoit prendre le loisir, ny la patience  
 de vaquer suffisamment aux lettres. Et s'il ne commence d'apprendre à monter à  
 cheual, qu'il n'ait auparavant estudié iusques à l'aage, qui peut rendre l'homme  
 disert & eloquēt, les forces & le temps luy faudront deuant, qu'il puisse estre bō Ca-  
 ualerice. Et quād bien il auroit le naturel aussi parfait, cōme d'aucuns, qui sont nais  
 pour bien faire egalemeēt & en peu de temps tous les exercices qu'ils desirent ap-  
 prédre, encores ne sçauoit-il deuenir si sçauāt, qu'il ne se trouuast empesché de biē  
 expliquer



## Des Preceptes.

expliquer par escrit en vn an, les leçons, qu'il pourroit dōner en quinze iours à plusieurs cheuaux: parcequ'il s'en trouue fort peu, qui ne soiēt differens en humeurs & complexions. Sur quoy, Lecteur, ie ne reueux promettre beaucoup de longs & profonds discours, ny sur la significatiō des differētes couleurs des poils, ou autres generales & particulieres raisons naturelles, tant pour ne vouloir faire le Philosopher, que parce q̄ d'autres hōmes de cheual lettrés en ont desia fort biē escrit. Ie ne veux nō plus donner place en mon liure à vn amas de remedes propres aux maladies des cheuaux, ny au moyen de les tenir bien pensez & ferrez: d'autāt que ie le dedie particulierement à l'esprit du Cheualier ou du Caualerice gentil & curieux &, non à l'usage du mareschal. Ioint aussi que plusieurs autheurs ont cy deuāt beaucoup escrit de la mareschallerie. Ie traiteray seulement de quelques aduertissemēs & preceptes necessaires à ceux, qui font profession de biē entēdre cest art, esperant que mō œuvre se trouuera aucunement receuable parmy ceux, qui auront plus de sçauoir en ceste vacation, que de routine, ou de presōption. Peut estre y en aura-il, qui d'vn premier abord penseront recognoistre l'ordre de mes leçons, quoy qu'ils ne les ayent iamais biē entendues: puis tous cōfus trouueront en plusieurs endroits mō discours trop obscur, & l'executiō plus mal-aisce. Mais ie proteste d'adresser mes preceptes seulement à ceux, qui sont bien fondez & capables de les comprendre & mettre proprement en effect. Car pour espaisir le volume de mon liure, ie n'ay voulu assembler vne infinité de leçons, qui traient il y a desia long temps iusques aux escoles plus comunes, & qui toutesfois sont bonnes pour les premieres instructions de cest art, principalement pour les Caualcadours de Bardelle. Mais ie laisse cest honneur au Seigneur Federic Grifon, qui premier en a tres bien & curieusement escrit. Le peu de reigles que i'expliqueray seront plus pour monstrier l'ordre & le stil que ie garde generalement en cest exercice, que pour specifier par le menu vn nombre infiny de chastimēs, d'aydes & demoyēs, que neantmoins le Caualerice doit auoir lōg temps pratiqué pour bien entendre & mettre en execution les leçons, qui se trouuerōt en cest œuvre, sur la moindre desquelles vn maistre sçauāt en cest art trouuera subiect de faire non seulement vn petit discours, mais vn grand liure. Aussi, Lecteur, pourras-tu avec le temps descouurir du petit nōbre de reigles, que ie te presente, vne infinité d'autres beaux moyens, qui en despendent: i'entends si tu es bon homme de cheual, curieux & clair voyant. Ie n'ay pas acquis le peu d'offre que ie te fais en ma parroisse natale, ny par autres moyens, qu'à force d'annees, de subiectiō & de peine, que i'ay endure en d'aussi bonnes, ou meilleures escoles, qui ayent iamais esté là où, au lieu d'auoir despendu le mien comme font la pluspart de ceux, qui recherchent en ce temps cest exercice, mon desir a esté accompagné de tant d'heur, que mes maistres ne m'ont non plus espargné leur sçauoir ny leurs moyens, que si i'eusse esté leur propre fils. C'est chose veritable & que ie puis dire avec beaucoup de personnes d'honneur & de qualité, qui en ont esté tesmoins oculaires, & qui sont encores pleins de vie: mais ce n'est pas sans auoir en fin rendu à cest heur pretendu, vn tribut plus cher, que s'il n'y fust allé que des biens de fortune. Car la violente curiosité que i'ay eu de sçauoir cest art, m'a tellement fait mespriser la santé, le repos & les annees, que me recognoissant tout à coup sur la descente de mon aage, ie me suis trouué n'ayant aucune retraitte, ny presque rien en ce monde, que le caueçon vif & estendu tout prest à mettre au crocq: & qui pis est, les douleurs & la foiblesse, que la violence de mes exercices m'ont causé, ne m'en permettront désormais l'execution. De maniere que ne pouuāt desia plus travailler à cheual, ny à pied, les persuasions de quelques particuliers amis que i'honore, ont eu pouuoir de me faire mettre la main à la plume cōtre mō humeur. Car outre que (cōme l'on peut voir) i'ay le styl d'escire foible & contraint ce qui se peut, ie ne



me plus iamais à discourir beaucoup, mesmement de cest exercice, duquel plusieurs parleurs sans doctrine se plaisent d'en dire leurs aduis, tout ainsi que s'ils estoient bons maistres, & lesquels ie m'asseure ne me pardonneront non plus qu'aux autres, qui ont escrit deuant moy. Mais en fin ie ne redoute pas tant leur ambition, ny leurs iugemens enuieux, que ie ne pense que le plus habille de ceux, qui me voudront reprendre, se trouueroit peut estre bien empesché entreprenant de faire mieux: & que ie ne m'asseure aussi que le petit nombre des bons hommes de cheual & excellens maistres que ie m'imagine, la vertu & le sçauoir desquels i'ay tousiours honoré & recherché avec beaucoup de reuerence, ne blasmeront point mon petit œuvre. Je prie Dieu, Lecteur, que ie puisse à l'aduenir faire chose, qui soit à son honneur & gloire & qu'il leur plaise d'auantage, mesmes à toy particulièrement, comme i'espere.

DISCOVRS





# DISCOVRS SOMMAIRE DES

INDICES PAR LESQUELS ON PEVT IUGER LE

*naturel du cheual, tant par la couleur du poil que autres marques: ensemble de  
ses diuers temperamens, selon la diuersité des climats, sous lesquels  
il sera nay & esleué.*

## CHAPITRE PREMIER.

**N**TRE tous les arts violens plus beaux & plus honorables, il n'y en a point, ce me semble, de si propre & qui donne d'ordinaire plus de contentement à l'homme de genereux naturel & faisant profession des armes, que l'exercice de la Carriere, ny duquel il se promette communément si tost auoir l'intelligence, iusques à ce qu'il commence à le bien comprendre. A quoy sans doute il y va beaucoup de temps, de peine & de patience. Mais deslors qu'il considere & gouste la perfection d'un tel art, il s'estonne & se mocque d'auoir auparauant osé presumer d'une chose, que tant plus il la va descouurant, tant plus il la trouue haute & mal-aysee: & n'estime, ny ne fait plus d'estat que de ce qu'il y acquiert de plus excellent & de plus certain, par un bon iugement ioinct à la longue & curieuse pratique des bonnes reigles, qui sont les moyens qui peuuent rendre le cheualier capable, non seulement des plus belles proportiōs de toutes les sortes d'airs & de maneges, qui se pratiquent aux mieux reglees escoles, mais aussi des principaux fondemens de l'art, qui consistent à la cognoissance de la nature, de l'inclinatiō & des forces du cheual. Ce que les Seigneurs Iodā Baptiste Ferrare, Federic Grifon, Claudio Courr, & quelques autres ont expliqué en leurs liures par un grand nombre de belles & apparentes raisons, & si doctement, que le mieux entendu en ceste profession, qui les pensera surpasser, se mettra en danger de demeurer en chemin comme donnant du nez en terre. Toutesfois celuy qui voudra s'arrester du tout à leurs beaux preceptes, sans considérer qu'il y peut auoir beaucoup d'exceptiōs naturelles & accidentales, qui produisent souuent des effects extraordinaires & differens, lesquels se doiuent quelquefois iuger par d'autres indices, que les tesmoignages de la robe du cheual & plusieurs signes naturels & apparens, sās doute il se trouuera souuent deceu en sō sçauoir presumé. Car cōbien que le poulain naisse pourueu de poil du tout cōtraire à celuy de l'estelō, qui l'aura engendre, neātmoins tāt qu'il viura il pourra tenir beaucoup des complexiōs, & parties naturelles bōnes ou mauuaises du pere. De là vient que le cheual vray allezan montrāt par sa couleur rougeastre estre de sō naturel fougoux, Cheual allezan, colere & de bon nerf, se trouue au cōtraire d'une humeur lente, vile & de peu de force. Et le blāc, qui correspondāt à sō poil doit estre humide, foible & de peu de Le blanc. courage, se trouue aucunesfois courageux & de bonne force, mais communément accompagné de quelque vice. Le vray bay, qui selon le rapport de sa robe bay.



Le vray  
noir.

Le vray  
fauve.

Le gris.

Le vray  
rouan.

Le poil de  
loup.

Des tem-  
peratures  
diuerfes  
des che-  
uaux.

doit estre sanguin, sensible & de bonne inclination, neãtmoins se trouue souuēt de mauuaise volōtē, lourd & sans courage: & le vray noir, qui sēble aussi estre terrestre, aduste & malitieux, se peut rencontrer allegre & de gētille nature. Le vray fauve, qui est en sa couleur vne espee d'allezā laue & deſteint par l'abōdāce du flegme, qui le domine, & qui par cōſequent luy doit diminuer les forces, si est-ce qu'on void aucunes fois qu'il est de bō nerf & de bōne nature. Le gris estāt entierremēt meſlé de blanc & de noir, mōſtre par ces deux couleurs, qu'il est egalemēt dominē d'humeur flegmatique & melancolique, qui le doiuet rendre poiſant & foible: Toutes fois il est communēment sanguin, leger & de bonne force. Le vray rouan, qui mōſtre aussi estre egalemēt dominē d'humeurs colere & flegmatique, qui luy donnēt ceste couleur meſlee de rouge & de blāc, vray indice d'estre bifarce, foible & de peu de memoire, cōme il se void ordinairement: neãtmoins il aduient aucunes fois, qu'il est patient & de bōne esquine. Le poil de loup, qui prēd ceste couleur malteinte d'un ſang aduſté, meſlé avec le flegme qui abōde, fait iuger le cheual de tēperament melancolique & peſant. Mais cela n'empeſche pas qu'il ne s'e trouue de ceste robe, qui ſont allegres & legers. Ainſi arriue-il aux cōmuns iugemēs qui ſe font, quand l'une des ſuidites couleurs generales tient peu ou beaucoup de quelqu'une des autres, & meſmes en la demōſtration des eſtoilles balsānes grādes ou petites, taches, ou pieces de quelques couleurs & en quelques endroits qu'elles ſoiēt, poils blancs ſemez, qu'on ſomme rubicās, moulinets & eſpics, en quelque part qu'ils paroiffēt, yeux verōs & inegaux, & par conſequent de toutes autres choſes apparētes & exterieures, qui ne mōſtrent pas ſeulement que le cheual est cōpoſé des quatre elemēs & de diuerſes tēperatures d'humeurs, cōme ſont tous les autres animaux, mais qu'il a naturellement des inclinations particulieres bonnes & mauuaifes, deſquelles on ne peut bōnement rēdre raiſō, que par vne lōgue experiēce. Et d'autāt que ie ne meveux amuſer à diſcourir plus expreſſément de toutes ces belles queſtiōs, m'en remettāt à ce que les ſuidits auteurs en ont eſcrit, ie diray ſeulement que la vraye cognoiſſance de la cōplēction du cheual, de quelque poil qu'il ſoit & quelques marques & indices qu'on voye en luy, s'acquiēt cōme i'ay deſia dit, par la lōgue pratique des bōnes eſcoles, à quoy la phiſiognomie ſert ordinairement d'un grand teſmoignage. Toutes fois ie cōpare à l'aveugle, qui n'a autre guide que ſon baſtō, tous ceux qui ſe meſlēt de noſtre exercice ſans l'intelligēce & l'experiēce de tous les ſuidits preceptes, & qui ne ſont fondez, que ſur un certain ſtyl de vieille & cōmmune eſcole, que les maquiſgnons ont il y a deſia long temps commencē de pratiquer.

Les meſmes raiſons ſe doiuent aussi conſiderer en la differēce des tēperamens entre les cheuaux d'Eſpāgne, Turcs, Barbes & autres, qui viēnt de toutes les cōtrecs voiſines du midy, & ceux d'Allemagne & autres pays Septētrionaux: à cauſe de quoy les uns nays & eſſeuez ſous les climats chauds & ſecs ſōt cōmunement, ou doiuet estre deſchargez de chair & de poil, coleres, nerueux & courageux: les autres tenās aussi de l'air & de la nourriture du lieu de leur naiſſāce froid & humide, ſe voyēt ordinairement flegmatiques, charnō, velus, poiſās, foibles & timides: toutes fois il ſe trouue ſouuēt des cheuaux d'Allemagne, qui ſōt legers & deliberez & des genets poiſās, qui n'ōt pas beaucoup de vigueur, ny de force, quoy q̄ le tēps paſſe on aye creu, qu'un mauuais cheual d'Eſpāgne deuoit mieux ſeruir à vn cōbat qu'un fort bō rouſſin. Je pēſe que ce prouerbiēt du tēps que les gēdarmes ne ſeruoēt à la guerre que des plus grāds & gros rouſſins, qui ſe pouuoēt trouuer ſe ſouciās peu qu'ils fuſſēt mal adroits, pourueu qu'ils portaſſent & rēpliffent biē les bardes: & ſur leſquels allant aux champs, ils ne marchoiēt que le petit pas pour quelque alarme, qui leur arriuaſt: & n'alloyēt le plus ſouuēt à la charge que le grand



le grand trot ou legalop. Nous trouuons encores ceste opinion fort certaine : car à lauerité la vigueur du plus gros limonnier, que maintenant l'on mette à tirer l'artillerie, ne se doit en rien égaller à celle du moindre genêt, qui puisse seruir à la campagne. Mais pour l'usage des gens de guerre de ce temps, i'estime pour le moins autant vn bon cheual d'Allemagne bien choisy, qu'un genêt de mediocre bonté. Et prenant les vns & les autres tels qu'on les peut trouuer en leur naturelle perfection, ie mets le vray cheual d'Espagne au premier rang, luy donnant ma voix, comme au plus beau, pl<sup>us</sup> noble, plus gracieux, plus braue, & en fin plus digne d'un Roy, & mesmes, celuy d'entre ceux, qui naturellemēt font grāds coureurs, qui court plus tride & de plus belle façon, & qui pare mieux sur les hanches. Mais il se trouue ordinairement d'humeur colere, apprehensif, fougoux & delicat, & notamment le plus plein & trauerse, ou le plus grand ne sera pas souuent le plus sensible & vigoureux. Le vray cheual Turc, ou barbe sera grand trauailleur à la campagne, & avec peu de nourriture, grand coureur, de longue haleine, & fort peu subiect aux communes maladies. Mais il aura de sa nature la teste mal assuree, mesmement le Turc, la bouche seche, & l'appuy d'icelle mal-ayse à refoudre: aura fort peu de memoire, & sera communement colere, melancolic & assez paresseux, si ce n'est tant qu'il sera tenu en soupçon & en action aduertie: il partira de la main à cflans, & à l'arrest s'abandonnera sur l'appuy de la bride, ou sur les espauls: trottera & galoppera froidement & confusement, sur tout au trauers des seillons & autres lieux raboteux, & donnera fort peu de plaisir au manege. Mais le Barbe s'assurera & se dressera plus facilement. Le cheual d'Italie sera nerveux, patient & obeysant aux chastimens, bon à la main, alegre, disposé, de bonne memoire, ayse à affermir de teste, propre à plusieurs sortes d'airs & de maneges : sautera bien les hayes & les fossez : mais il sera timide & ramingue au combat, & subiect à deuenir en fin superbe & vitieux à l'escurie, ou marchât en compagnie d'autres cheuaux. Le cheual d'Allemagne se pourra trouuer bō à la main, sensible, vigoureux, ferme, disposé, grand mangeur & trauailleur, qui partira tride & furieusement de la main, parera seuremēt & facilement au fonds d'une course courte, & sera plus ferme l'hyuer que tous les autres, principalemēt aux lieux mols & mal-aysez: mais il sera colere, malicieux, vindicatif, subiect aux inquietudes, à cause de quoy il comprendra difficilement les plus iustes leçons, craindra biē fort la chaleur, & le plus petit ou le plus deschargé de poil ne sera pas le meilleur, au contraire des communes opinions, & le plus franc sera aucunement desloyal. Cōment qu'il en soit, i'estime bien fort, pour l'usage du soldat, le bon cheual Turc, & beaucoup plus quand il est entier, & qu'il porte la teste en bon lieu, ayant la bouche assuree, & aussi le bon Frison, pourueu qu'il soit leger & gaillard: parce qu'il n'y en a point de plus propres pour resister à la cōmune fatigue des couruees & caualcades necessaires aux entreprinſes, & aux moyens de se garder d'estre surprins, & aucunes fois il s'en trouue de si bon naturel qu'on les peut dresser & rendre bien allans de differens airs & maneges pour l'exercice & plaisir de la carriere, mesmement les rousins de taille mediocre, pourueu qu'ils soient exercez en bonne escole.

Cheual d'Espagne.

Cheual Turc & Barbe.

Cheual d'Italie.

Cheual d'Allemagne.



INTERPRETATION DE PLUSIEURS TER-  
MES DE CEST ART.

CHAPITRE II.

**R**ecognoissant le defect de mots propres pour cest art en nostre langue Françoisse, j'ay eu recours à l'Italienne, tant parce que les Caualliers en vsent plus communement, qu'aussi ils ont ie ne sçay quel air plus gaillard, sont plus significatifs, & peuuent expliquer le sens par vn mot, qui auroit besoin de plusieurs pour le faire entendre en François. Neantmoins par ce que ces mots & autres de l'art ne sont cogneus à tous les François, ie les ay voulu releuer de ceste peine par l'interpretation suyuante.



**P**REMIEREMENT dont Caualerice, est à dire proprement Cheualier bien entendu, & expert en l'art de bien dresser les cheuaux de combat, & de carriere: lequel art les Italiens nomment aussi l'art du Caualerice. Si le mot d'escuyer ne signifioit autre chose en France, que bon homme de cheual, ie m'en fusse seruy: mais d'autant qu'il se peut adapter à plusieurs autres significations j'ay trouué plus expedient d'vsr du mot estranger, ayant aussi eu l'aduiz de quelques vns de mes amis fort suffisans en cest art.

Caualcadour, Signifie proprement celuy qui exerce les poulains & cheuaux souz les preceptes & commandemens du Caualerice: le mot en est receu de long temps en ce Royaume.

Legeresse, Legereté.

Fermeté, Assurance.

Iustesse, Proportion iuste.

Aiuster, Rendre iuste.

Prestesse, Diligence.

Ramingue, Fingard ou espèce de retif.

Terraingol, Quand le cheual fait les mouuemens generalement retenus & trop pres de terre.

Carriere Tride, Quand les temps & mouuemens de la course sont resolus & adreusement gratz & batns.

Parade, Arrest.

Callate ou basse, Terroir penchant.

Passège, Façon de cheminer d'un pas d'escole aduertiy & limité tant sur les voltes que par le droit.

Manège, Maniement.

Cheualer, Passer le bras hors la volte deuant & dessus celuy de dedans en tournant.

Bras, Iambe de deuant.

Main, Pied de deuant.

Voltes, Tours ou ronds.

Redoubler, tourner plusieurs fois de suite.

Racolte, Racourcy ou amoncelé.

Serrer la volte, Finir ou fermer le rond ou tour.

Acofter, Approcher.

Inuestir, Joindre.

Serpeger ou Manier en Bisse, Manier à ondes comme l'allure glissante & sinieuse de la conleure.

Esperonnade, Coup d'esperon.

Risposte, Responce vindicative mesmement d'un coup de pied à l'esperon.

Escaueffade, Secousse de corde du caueffon.

## Des Preceptes.

II

Esbrillade, Secousse de rene, & par consequent de bride.

Caualcade, Cheuauchee.

Subiettion condamnée, Subiettion telleme<sup>nt</sup> limitée & arrestee, qu'elle ne donne point de relache.

Esquiauine, chastiment long, seuer & vio. ent.

Estrete, Effort.

Estrapade, Chastiment de caue<sup>ss</sup>on ou de bride, auquel le cheual obstiné est contraint de ceder.

Estrapasser, Violenter par exercices de sordonnez.

Manege terre à terre, Maniement plus bas & diligent que le galop ordinaire.

Ferme à ferme, En vne mesme place.

La barre, Le plus haut de la gencieue.

L'escaillon, La dent qu'on nomme autrement le crochet ou le croc.

Le canal, La place cauee, à laquelle nature a logé la langue du cheual entre les deux maschoires.

La barbe, La partie demy ronde qui est au bas des maschoires, à laquelle l'appuy de la gou<sup>u</sup>rner<sup>ie</sup> se doit arrester.

Emboucher, ce mot se doit entendre par la partie de la bride qu'il faut loger dedans la bouche du cheual.

Embrider, en ce terme est compris tout le mors accompli & appliqué au cheual.

Tirer, C'est vn mot assés entendu, quand on parle du temperament de l'appuy de la bouche du cheual.

Esparer & tirer, Se dit indifferamment sur le propos des saults c'est le reiet que le cheual fait en l'air avec les pieds de derriere, en finissant la hauteur & resolution du salut, autrement en françois ruade.

Mouuemens d'esquine, Actions nerveuses des reins, par lesquelles le cheual gaillard fournit plus viuement l'air de son exercice, & aucunes fois se dispense diuersement pour s'egayer, ou pour incommoder malicieusement l'asietie du cheualier.

Esbalançons, Esflans de sordonnez.

Boutades, Mouuemens prompts & inopinez.

Escapades, Actions licentieuses, fougou<sup>u</sup>ses & determinees.





## RECOMMANDATION DE L'EXERCICE DE LA BARDELLE, AVEC VNE ASSEZ AMPLE

*explication des commoditez du mors à canon ordinaire.*


### CHAPITRE III.



**P**UISQUE le principal fondement de l'art du Cavalierice dépend du iugement qu'on peut faire de la nature du cheual, il est nécessaire qu'il aye l'og temps pratiqué les haras & l'ordre premier, qui se doit observer en exerçant les poulains, qu'on entreprend estans encôres lauages. Car en ceste ieunesse foible & fade, il apprend à cognoître les différentes complexions & plus naturels mouuemens du cheual, ensemble les effects de plusieurs accidets, qui ne se cōprennent bōnement que par ceste pratique, sans laquelle l'hōme de cheual ne peut estre assez bien fondé en son art. Je diray dauantage que la patience, l'industrie & la diligence sont aucunes fois beaucoup plus requises & nécessaires au Caualcadour de bardelle, qu'à ceux, qui se messent seulement de resoudre, adiufter & affiner les airs & maneges du cheual bien cōmencé. Toutefois encôres que ce premier exercice de bardelle soit rât important on void qu'il est ordinairement vsté par des personnes basses d'esprit & de iugemēt. Or puis que j'ay desia protesté de ne me vouloir amuser à les instruire apres ceux qui deuant moy en ont tres-bien parlé, ie regleray l'ordre de mes leçons, sur l'estat, auquel doit estre le cheual, quādle Cavalierice veut cōmencera l'estressir, ou à le remettre en bonne escole, ayant esté desbauché, rebuté, ou, cōment que ce soit, confus & mal exercé. Et parce que les effects de la bride sont moins naturels, que ceux de to<sup>9</sup> les autres secours, chastimens & remedes de l'art, & par consequent plus difficiles à cōprendre, mesmement au cheual, ie cōmencera par iceux à l'imitation des plus excellens maistres, qui en ont escrit. Lesquels entre tous les preceptes, qu'ils nous ont laissez, nous recōmandent expressement & d'un commun accord, de ne nous seruir d'autre emboucheure que d'un canō simple & ordinaire, & de ne quitter le caueçon, principalemēt estant à l'escole, iusques à ce que le cheual soit dressé, ou cōme l'ō dit, prest à mettre hors de page. Il n'ont en cela mōstré, qu'il est presque impossible de luy biē assurer la teste, & le rēdre plaissant à la main & au manège, si la bouche n'est cōseruee saine & entiere. A quoy sans doute le canon est plus propre que toutes les brides, qu'on scauroit inuenter, commel'on peut facilēmēt iuger par sa forme: car il est gros & rond à l'endroit du banquet & du fonceau, afin que le dehors de la gēciue & la leure du cheual luy puissent seruir de soustien pour conseruer d'autāt la barre, qui pour les meilleurs effects de la bride est la principale partie de la bouche du cheual. Il est pour ceste mesme occasiō menu à l'autre extremité, afin que le vuide, qui est entre le trou du bāquet & le ply, qui ioint & mypartist l'ēboucheure, dōne quelque place moins cōtraincte à la lāgue, cōme il se void par la ligne tiree sous le dessein de ce canō, & qu'estant par ce moyen moins soulee, elle puisse aussi soustenir avecques moins d'empeschemēt le poids & l'effort de l'ēboucheure, en faueur de la barre. De maniere que par la cōmodité du canō l'on peut assurer & resoudre le bō appuy de la bouche du cheual, qui l'a trop sēfible, & mesme le chastier avecques la resne, si l'ō y est aucunes fois cōtraint. Parce que outre que telle emboucheure appuiē egalemēt par tout,

Figure du  
canon &  
commodité  
d'iceluy.

partout, elle n'a rié de raboteux, ny de rude, qui puisse rōpre, ny meurtrir la bouche du cheual. Ceux qui sont bié fondez en cest art, sçauét bien aussi, qu'il seroit besoin que le cheual de bardelle sçeuft trotter librement à toutes mains, & parer sur les hâches seulement avec le caueçon, ou la seguiette: & apres en faire autāt au galop, sans y adiouster que le simple canon vsé, estendu & sans gourmettre, auant qu'on luy appliquast d'autres sortes de brides. Car c'est le vray moyen d'euiter vne infinité d'occasions, qui sont souuent cause, que premier que le cheual sçache seulement bien trotter & galopper, il a desia la bouche tellement vlceree & corrompue, ou endurcie, qu'il est apres fort mal ayse de la reaccommoder & remettre à son naturel.




*Effects & proprietéz du caueçon.*

#### CHAPITRE IIII.

**L**E caueçon a esté inuenté pour retenir, releuer & allégerir le cheual, pour luy apprendre à tourner & à parer, luy dresser le col, luy asséurer & adiufter la teste & la croupe, sās luy offencer la bouche ny la barbe, & aussi pour luy soulager les espaulles, les iambes de deuant & les pieds. Tellemēt que si tous ceux, qui en vsent, en cognoissoient bien les effets, & s'en sçauoient ayder, cōme il est necessaire selon l'art, leurs cheuaux le porteroient ordinairement à l'escole, pour vieux & bié dressez qu'ils fussent. Car quand le cheual sera si facile & si bien adiufté, qu'il n'aye aucunement besoin de l'ayde du caueçon, le portant il ne luy sçauroit nuire. Et si d'auenture il oublie ou falsifie ses leçons, ou comment qu'il se licencie à faire des fautes, qui arriuent souuent mesmes aux cheuaux plus aylez & asséurez, le caueçon se trouuera tout prest & à propos pour y remedier à l'instant plus facilement, & avec aiant de soulagement de bouche. Quelquesvns penseront que le cheual, qui aura accoustumé d'estre exercé avec le caueçon, sera moins obeyssant, quand on le luy osterā, iusques à ce qu'on le luy aura remis. Mais au contraire la pluspart des cheuaux, qui le portent d'ordinaire, se trouuent beaucoup plus legers & mieux allans, quand on les fait manier avec la bride sans caueçon si le Caualerie y a pourueu comme il doit. La raison plus facile en cecy est, que la partie interieure de la bouche, en laquelle se fait le principal appuy de la bride, est beaucoup plus sensible, quen'est l'endroit du nez, sur lequel l'on a accoustumé de loger le caueçon: & par consequent le cheual, qui se trouue tout à coup sans le support accoustumé du caueçon, qu'il luy a cōserué la sincerité de la bouche, doit estre plus leger & plus attētif aux effets de la bride, tellemēt qu'il n'estrié plus propre pour l'exercice de l'escole du cheual, & pour le maintenir en iustesse & legereté, que le simple canon ordinaire & le caueçon ensemble.



*Caueſſon de cheſne communé-  
ment bon pour tous cheuaux.*




*Caueſſon retords pour les chevaux qui ont l'appuy de la bouche, ou de la teſte,  
plus dur qu'à pleine main.*






*Sequette de deux pieces, pour les chevaux qui sont fort durs & pesans de teste.*



*Sequette de trois pieces, pour les chevaux qui ont aussi l'appuy de la teste trop dur.*






**T**ous les homes de cheual de ce temps, qui ont inuenté plusieurs sortes de cançons, ne se font peut estre pas adonnez à rechercher les commoditez qui en peuuent proceder, plus que i'ay fait autrefois, comme ie pourrois encores môstrer, si ie voulois mettre en parade le nombre des desseins que i'ay trafiez en mô temps. Mais en fin venât au but plus raisonnable, ie n'en ay sçeu trouuer de meilleurs, que ceux qui se voyent cy deuât figurez, qui sont les plus antiques & ordinaires. Il y en a bien, qui pour quelque temps pourront assubiectionner beaucoup plus le cheual, mais ie ne les puis du tout approuuer, d'autant que le caueillon ne doit corriger la dureté de la teste, ny du col du cheual, ny luy donner liberté, que tant que le Cavalier tire ou lasche les cordes, selon que le cheual consent ou s'oppose à l'ayde ou au chastiment. Or ceux icy sont propres à cest effect, pourueu qu'on n'y mette que les cordes ordinaires, sans y rien adiouster: car ils ne contraignent, ny ne donnent liberté, que selon qu'on tire, ou qu'on lasche les cordes. Aussi suis-je d'aduiz, qu'on n'en cherche point d'autres, sans quelque occasion extraordinaire & forcee.

Je diray sur ce propos que plusieurs enuieux, ou peu sçauans en cest art, ont souuent blasme ce grand & suffisant personnage le Sieur Iean Baptiste Pignatel, de ce qu'il ne s'est pas fort adonné à la diuersité des brides & des caueillons, & quasi ont voulu qu'on pensast que les effects luy en estoient incogneus. Et au contraire c'est ce qui m'a autrefois fait admirer son sçauoir, & qui m'a plus occasionné de le rechercher & seruir, me proposant en moy mesme que, puis qu'il rendoit les cheuaux si obeyssans, & manians si iustement & de si beaux airs, qu'on les a veus à son escole, sans toutefois se seruir communément d'autres mords, que d'un canon ordinaire, avec le cançon cômune, ses regles & son experience deuoient auoir beaucoup plus d'effect, que la façon de faire de tous ceux, qui se trauaillent tant à l'artifice d'une infinité de brides, & de quelques secrets particuliers le plus souuent inutiles, à quoy neantmoins ils ont recours, quand les plus beaux & principaux moyens de l'art leur manquent. Je ne veux pas blâmer, quoy que ie die, ceux qui sôt curieux, & qui font profession de proportionner iustement & delicatement la bride, selon les parties & qualitez de la bouche du cheual, comme i'expliqueray en lieu plus à propos: ie louë plustost leur industrieuse & necessaire pratique, pourueu qu'elle soit guidée par un bon iugement, & qu'ils n'appliquent leur artifice, que lors que le cheual sçaura obeïr selon la capacité avec un canon ordinaire, tel qu'il vous est icy representé. Car en fin il faut considerer que l'homme mesmes, qui est capable de raison, ne peut bien faire sans beaucoup de difficultez, ce qu'il n'a iamais fait, ny entendu. C'est donc erreur d'y penser contraindre soudainement un animal irraisonnable.

Voicy la figure du simple canon ordinaire, & de la plus conuenable façon de brâche, qui iusques à présent ait esté inuentee pour l'usage general des ieunes cheuaux. Et si elle estoit aussi belle, comme elle est bonne, beaucoup de Cavalierices s'en seruiroient ordinairement, & presque à toutes sortes de cheuaux: car elle ramene, releue & soustient. Il est vray qu'elle fait souuent border & presser la leure trop charnuë entre le canon & le crochet de la gourmette. Mais pour euitier ceste incommodité, ou afin qu'elle aduiene moins, il faut tenir l'emboucheure plus large, ou le fonceau moins gros, que l'ordinaire des autres branches: & faire les crochets de la gourmette en la façon, qu'il est representé en ce dessein.


Des

Preceptes. 19






**S**il le simple canon est percé pour le banquet, de façon que le trou d'en haut soit plus loin du fonsseau, que celui d'embas, comme il se void icy figuré, les plis du mitan se trouueront plus hauts que l'ordinaire: & par ce moyen la lague aura plus de liberté, & ne faudra craindre de faire en cela aucun desordre. Car le vuide commun, qui se void entre les plis & la ligne d'en haut, marquée A, n'est pas seulement inutile, mais il donne souuent occasion à la langue sensible, & serpentine de desloger de son canal, pour se mettre entre le palais & l'emboucheure. Toutesfois si les plis sont plus hauts qu'ils ne sont representez par ce dessein, il aduiédra que le gros du canon chargera trop sur le dehors de la genciue, & sur la lèvre, la renuersant, ou la faisant bien fort border & pinser, comme j'ay dit: tellement que la géeue en demeurera descouuerte, ensemble l'escaillon: & si le plus souuent les branches s'en porteront si mal, que pour empescher qu'elles ne se serrent trop par bas, il faudra mettre vne barre entiere aux tourets des aneaux, qui tesmoignera assez l'imperfection de l'emboucheure.



**I**l y a des cheuaux, qui ont la machoire tant serree, que la langue ne peut auoir sa place suffisante dans son canal: & c'est ce qui la tient haute, & qui la fait souuent paroistre plus grosse, qu'elle n'est. Et quand le premier canon appuye dessus icelle avec violence, il la fait eslargir de façon qu'elle ne couure pas seulement les barres, mais aucunesfois elle les desborde: tellement qu'estant ainsi pressee entre le canon & les barres, outre qu'elle en est ordinairement offensée, elle empesche aussi que l'emboucheure ne batte sur les barres: & par succession de temps le canon la lime & l'vse en telle sorte que souuent ell'est à demy, ou presque du tout coupée: premier qu'on s'en soit aperçeu. Or le second & susdit canon est plus propre à ceste occasiō, que le premier, à cause qu'il appuye plus sur le dehors de la barre, & par consequent donne plus de place à la langue au milieu de l'emboucheure, l'applatit & eslargit moins que le premier.

**S**il le cheual a la maschoire assez ouuerte & le canal prou creux & large, & que neantmoins la langue paroisse haute, c'est lors qu'elle est indubitablement trop grosse, & qu'il se faut seruir de cest autre canon à piston, afin de luy donner ce peu de place vuyde, qui se void au mitan de l'emboucheure.


Il faut




**I**L faut en ce canon iustement obseruer la mesure de la liberté: car si le lieu en est plus large, qu'il n'est représenté en ce dessein, les extremités de ces deux grosseurs & rondeurs, qui donnent & limitent ceste liberté, pourront facilement meurtrir ou rompre les barres, ou en trespachant & appuyant hors d'icelles, rendre inutile la place & distance que ces grosseurs & ronds doiuent donner à la langue. Et si ceste distance est plus estroite, la langue en sera plustost incômodée, que soulagée: parce que le canon l'offensera, ou pincera contre la barre. Voyla pourquoy l'on ne doit iamais vser du piston, quand la maschoire est trop serrée: sur tout quand l'on se veut preualoir de ceste emboucheure il faut que la barre soit naturellement sensible & douce, sur peine que si elle est trop charnue, endormie, ou dure, sans doute ceste emboucheure luy rendra l'appuy plus sourd & plus poissant, à cause que comme il se peut voir, l'endroit qui doit battre sur la barre est gros & remplit la bouche plus que ne font les autres canons, & par consequent le cheual en souffre moins, & s'y appuye d'auantage.

**S**il les barres sont trop charnues ou dures, & la langue grosse, cest autre canon cy apres figuré à demy monté & d'une piece, qui montre la mesme liberté du piston, luy sera plus propre, à cause seulement qu'il remplit & occupe moins de place sur les barres: car pour estre entier, il n'en est pas beaucoup plus rude, quelque iugement que plusieurs personnes en fassent, ce me semble, assez inconsidérément. Car au contraire il assure souuent la bouche esgueree, & la resout à la fermeté de l'appuy de la main: pourueu que les endroits qui appuieront sur les barres, soyent vnis, bien polis & assez gros, & sert aucunes fois aussi, quand le cheual fait les forces, c'est à dire quand il tort & tourne les maschoires d'un costé & d'autre, pensant euirer & fuir l'appuy, que l'emboucheure fait sur les barres, dequoy la raison est assez apparente. Car ceste emboucheure demeure en sa iustesse dedans la bouche, sans qu'elle se serre, eslargisse, ou face aucun faux mouuement, d'autant qu'elle est d'une piece.





La grosseur, ny la largeur de ces emboucheures, ne se peuuent proprement expliquer. Mais en l'usage d'icelles, on se doit gouverner selon que la bouche du cheual est estroite, ou large, & que la fente en est petite, ou grande : mais telle qu'elle soit, il faut tenir ordinairement le canon, plustost trop long, que trop court. Car l'emboucheure en doit estre pl<sup>9</sup> large, que de toutes les autres sortes de brides : parce qu'estant ainsi grosse en dehors, elle remplit plus les ioües, & fait desborder ou renuerser les leures : & par consequent les eslargist. A cause dequoy le cano<sup>n</sup> ne doit estre si gros, qu'il ne puisse loger dedans la bouche, sans toucher l'escaillon, n'y faire rider les ioües. Et quand le cheual seroit si ieune, qu'il n'eust encore poussé l'escaillon : il faut bien prédre garde, que l'emboucheure n'appuye dessus le lieu, qu'on pourra iuger, qu'il doit sortir : car cela le feroit naistre plustost, & mesmes pourroit causer telle douleur au cheual, qu'il s'accoustumeroit facilement à tourner la bouche, ou à faire des mouuemens de teste, mal feans & difficiles à corriger. Et si d'auenture la fente de la bouche estoit si petite, qu'il falust faire le canon presqu'aussi menu, qu'une escache, ou se seruir d'une escache mesme, il n'y auroit point de danger, pourueu que la barre fust temperee, & assez ferme. Mais si elle est trop sensible, il vaudra mieux aux premiers exercices, tenir le canon assez grossier, ostant plustost la ceciliane, afin que l'emboucheure puisse appuyer plus haut, sans rien alterer ny contraindre en aucune partie de son appuy. Car en fin la ceciliane commune sert plus, pour ayder à remplir la place de l'emboucheure, & pour donner plaisir à la langue, que pour fortifier l'action de la bride.







*Les aides qu'on doit rechercher aux premieres branches, pour commencer à former vne belle posture de col & de teste aux ieunes cheuaux.*


## CHAPITRE VI.

**L**A branche qui se void cy apres figuree, rameine communement moins que la precedente, parce que le tour de la rosette fait que le touret d'icelle, est plus en arriere, & par consequent la rend plus foible, d'autant qu'il y a de distance d'iceluy touret, iusques à la ligne droicte: à ceste cause elle sera plus propre pour vn cheual qui portera le nez vn peu trop bas, & en dedans, c'est à dire vers la poiçtrine.

Des

Preceptes.

25





Si le cheual ha les parties de la bouche, & de la barbe tant sensibles & debiles, que l'apprehension de quelques douleurs en icelles, l'enpesche de se resoudre aux effects des canons precedents, & de la gourmette ronde, commune & assez longue, la façon de ceste autre branche, l'attirera plus doucement au vray appuy desdites emboucheures, & de la bonne main: parce que sa foiblesse commence, quasi tout contre le banquet, & par consequent fort pres des susdites parties debiles.

Des

Preceptes. 27



C iii)



CESTE branche à pistolet est faille sera moins foible que la precedente & der-  
niere: toute fois elle fera presque le mesme effect, & soustiendra d'avantage: &  
partant pour en vser, il faudra que la bouche du cheual en soit moins sensible.

Des

Préceptes. 29





Si au contraire de la susdite occasion le poulain naturellement releué de col & de teste, & assez ferme de barres & de barbe, porte le nez trop auancé avec la premiere branche, celle icy le pourra contraindre d'auantage, (& sans l'offenser) à se ramener: parce qu'elle l'auance & le fortifie par le iarret faux, qui se void au mitan d'icelle.

Des

Preceptes:

31



Si le cheual a l'arc du col trop courbé, ceste troiesme branche luy sera beaucoup plus vtile que celles cy deuant portraictes. (I'entens pour seulement luy accommoder la posture du col & de la teste.) Car pour le tenir subiect, l'arrester, ou le faire manier, i'ay desia protesté qu'il faut que cela se gaigne, par l'habitude des bonnes leçons : afin qu'apres la bride serue autant presque, pour l'aduertir de la volonté du Cheualier, que pour le contraindre. Car en fin les plus beaux effects de cest art, sont ceux, qui peuuent gaigner le consentement du cheual avec moins de violence.




Des

Preceptes .33



D


C E S T E branche droicte d'icy apres, seruira aussi pour faire que le cheual ne porte le nez trop en dedans, à cause que le trou du touret, est assez en arriere, & de plus elle le soustiendra, parce que le coude n'est trop haut, trop bas, ny trop ouvert. Toutes fois elle estonnera plus vne bouche nouvelle & sensible, que ne feront les precedētes: Je remets à vne autre occasiō, ce que ie pourois dire en ce lieu des cheuaux, qui s'arment tout à fait.





PLVSIEURS peuuent auoir esté, ou sont en doute, si le coude de la branche la rend foible ou gaillarde. A cela ie dis, que le tour n'en estant excessif, & extraordinaire, il peut faire l'un & l'autre: assauoir que si le trou du touret est fort en arriere, la branche en est autant foible, que si le coude n'estoit point. Toutesfois elle ne peut estre fort gaillarde sans le coude: parce qu'il dōne le seul moyen d'auancer le fonds, & le touret d'icelle: ie dis le seul moyen sans rendre la branche difforme.

CESTE autre branche droicte paroist estre semblable à la precedente: neantmoins elle differe entant, que du coude iusques au mitan elle est gaillarde: qui fait qu'elle r'ameine: & au mitan elle s'affoiblist iusques au trou du touret: qui faiēt aussi qu'elle releue & soustient, selon la preuue, qui se void par la ligne perpendiculaire de cē dessein: de façon qu'elle peut ensemble r'amener, releuer & soustenir: & par consequent sera propre pour le cheual, qui portera le col & le nez bas, & trop avancé: pourueu qu'il n'ait aucuns empeschemens naturels, qui sont le plus souuent irremediables; comme i'expliqueray au liure de la diuersité des bouches & des brides.




CESTE derniere branche suyuant, est plus confuse pour les premiers exercices des ieunes cheuaux, que ne sont les precedentes: mais elle a beaucoup plus de grace, C'est pourquoy l'on en vse ordinairement. I'ay voulu représenter les vnes & les autres, & chacune par les portraits, enuiron de la grandeur qu'on les fait communément aux cheuaux assez forts pour la guerre & pour la carriere: afin que les mesures se voyent & se puissent mieux entendre. Entre lesquelles ie diray seulement pour ceste fois, que celle de l'œil est vne des principales: laquelle sera généralement de bonne hauteur, estant telle, qu'elle se void en ces figures. Et quand à la longueur de la branche premeditee, elle doit correspondre à la taille du cheual: assauoir selon qu'il sera court ou long de la main en auant, se rapportant aussi à ses forces. Car il faut considerer que la branche plus longue, & plus foible, est celle qui confond & estonne moins le cheual, & qui luy soulage plus la foiblesse de la bouche, de la barbe, des espaulles, des iambes, & des reins: & par consequent celle qui le resout plus facilement au vray appuy de la main, quand naturellement, ou par accident il le craint trop, & les effects contraires à ceux-cy naissent de la branche courte & fort gaillarde. Quoy qu'il en soit, il faut tousiours que ceste droicte ligne, qui vient du banquet, serue de guide pour tenir la branche foible, ou gaillarde, selon que le cheual portera de sa nature, le col & la teste, comme il se peut entendre par le discours precedent. Voyla comment du recueil bien consideré de toutes ces raisons, l'on peut faire eslection de telle de ces branches, qu'on cognoistra plus propre pour la ioindre à l'emboucheure, qui conuiendra mieux au cheual selon les proportions de la bouche, & la posture du col, & de la teste d'iceluy, comme ie diray plus clairement au troisieme liure.





Ce n'est pas tout de bien proportionner l'emboucheure, & la brâche selon toutes les susdites considerations: car en fin il en reüssira fort peu d'effect, si la gourmette n'est iustement logee en la place, qu'il semble que nature luy aye preparee & cōme entraillee au fons de la machouere du cheual, laquelle no<sup>s</sup> nōmons la barbe. Il faut dōc pour y pouruoir, que les lōguez des crochets, soient directemēt limitees iusques à la voute, & sūmité du coude de la brâche, & qu'ils soiēt pliez de la façō, qu'ils sōt icy bas figurez. Or tout ainsi qu'ō doit curieusement cōseruer la bouche du cheual, saine & entiere, il faut auoir le mesme soin, en la partie de la barbe, où la gourmette se doit arrester pour faire iustement son effect necessaire. C'est pourquoy il ne faut iamais vser de gourmettes, qui soiēt si rudes, qu'elles puissent en aucune façō blesser ceste partie recomēdable. Cōmunemēt les pl<sup>us</sup> rōdes & assez grosses, sōt celles qui offensēt moins. Et parce que ces mesures de crochets, ne se peuuent obseruer sur les brâches à pistoler, à cause qu'elles n'ōt point de coude, & qu'elles font aucunes fois pincer les iouēs: & les leurs du cheual, cōme i'ay dit cy deuant, il faudra en icelles branches tenir ordinairement les crochets plus lōgs que les cōmuns, ou les faire de plusieurs pieces, cōme i'ay dit cy deuant: autrement il sera mal-aisé d'adiuster l'appuy de la gourmette, ou d'empescher que le cheual ne se blesse enuiron l'extremité de la fente de la bouche.



Nos Premiers maistres, ont vſé de pluſieurs ſortes de canons fort ouuerts, tant pour donner plus de plaifir & de liberté à la langue du cheual, que pour rendre l'emboucheure plus rude. Cela pouuoit eſtre cauſe que leurs cheuaux auoient ordinairement la bouche plus fraiſche & eſcumeuſe, d'autant que ces ouuertures, ne permetēt pas ſeulement le libre mouuement de la langue, mais luy donnent ſouuēt plus d'occafion, & de commoditē des'eſmouuoir, & ſe plaire deſſouz ceſte voulte, & place vuide. Or telle liberté n'eſt pas au canon ſimple & ordinaire, ains faiſant preſque tout ſon appuy ſur la langue trop hauſte, ou trop groſſe, la preſſe de façon, que la peſante ſubiection l'endort, & luy fait avec le temps, perdre ſon action plus libre, la rēdant noire, immobile, & comme ſans eſprits. Mais en fin ceſte incommoditē porte autant de ſoulagement aux barres. Et parce qu'elles ſe doiuent conſeruer en leur naturelle temperature & integritē ie ſuis d'aduis quel'on ne ſe departe point de ces brides repreſentees, que premier le cheual ne ſoit libre, & facile pour le moins au manège, terre à terre, & à l'arreſt, & par conſequent exempt d'vne infinitē de tourmēts, & de deſplaifirs qu'il reçoit ſouuent à la bouche auant qu'eſtre bien dreſſē. Et afin que l'on ne penſe que ie vueille en cecy reprendre racitement, nos deuanciers, ie veux qu'on ſçache que ie ne reprouue leurs brides, ſi ce n'eſt en tant qu'ō recherche maintenant le cheual de beaucoup plus de iuſteſſe & d'obeyſſance, qu'ō n'a fait par le paſſé, & que par ceſte curioſitē les aydes, chaſtimens & remedes ſubiects, violens, & n'eſſaires en nos eſcoles modernes, ſont d'autant augmētēz, meſmes en ce qui depēd des eſſects de la bride, & du caueſſon: de maniere que ſouuent la bouche du cheual, ſe trouue offenſee du canon, quoy qu'il ſoit ſimple aſſez gros, & bien poly.



## PREMIER ADVIS AV CAVALERICE

*pour la propreté.*

## CHAPITRE VII.

**L**E Caualerice digne de la profeſſiō qu'il fait, doit eſtre touſiours ſoigneux de ſe diſpoſer, & accommoder ſi proprement tant en ſes habits, qu'en toutes ſes actions, façons, & geſtes qu'il dōne grace, en tant qu'il luy ſera poſſible, à ſon exercice: au contraire de pluſieurs, groſſiers & nonchalans, qui d'ordinaire pour faire manier de bons & beaux cheuaux, encore qu'ils ſoient en bonne compagnie, ne ſe ſoucient pas d'eſtre ſi mal veſtus & bottez, qu'ils reſſemblent mieux des courtiers ordinaires, ou des maquignōs, que de bons hōmes de cheual: ou quoy que leurs habits ſoient beaux & riches, ſe preſentent à l'eſcole, ou à la carrière ſans auoir autre eſguillette attachee qu'à peine celle de deuant: ou bien ont le plus ſouuent les tricouſes renuerſees, & auallēes ſur les bortes, preſques iuſques en terre, le chapeau grand exceſſif, & dont les ayſles flotantes battent, & eſuentent les iouēs à la meſure de l'air que le cheual manie, la gaule raborteuſe, tortuē, ou autrement mal propre. En ceſt equipage bizarre, & mal baſty, ſe plaiſent à faire, ou pour mieux dire à profaner vn exercice, qui merite bien, ce me ſemble, que le Caualerice s'en honore, & que pour le faire, il s'accomode plus ſoigneuſement, puis que la pratique en eſt bien ſeante, & recommandee aux plus grands & genereux Princes. Auſſi ne croy-ie pas que les hommes de ceſte humeur fantaſque & diſgraciee, ſoient naiz pour vne ſi honneſte & belle vacation. C'eſt pourquoy ie deſire que le Caualerice, ou le cheuallier, qui ayme l'e-



Vestemens  
du Cauale-  
rice.

xercice de la bonne escolle des cheuaux, sache que pour estre proprement vestu pour cest effect, il doit auoir vn chapeau, qui ne soit de trop grande ny de trop petite forme: vn colet, ou vne iuppe ceinte & sans poignard, de chaufes rondes: des bottes assez longues & bien tenduës: des esperons de mediocre grandeur, proprement faits & bië chaufsez: des gands beaux & assez grands, & vne belle, droicte & siflante gaulle en la main. Ie m'assure que la pluspart de ceux qui liront ce chapitre, ne trouueront pas bon que ie vueille reformer la façon de leurs habits, & qu'ils n'oublieront pas à dire, que le sçauoir & la bonne pratique de cest art, ne despend pas de toutes ces particulieres curiositez, il est vray. Mais ie leur voudrois aussi demander, pourquoy c'est qu'on recherche tant les plus belles façons des selles, harnois, saquerelles, estrieux & bossettes: & pourquoy l'on se met en si grande peine, pour en agensser iustement & proprement le cheual. S'ils disent que c'est pour l'embellir, & le faire mieux paroistre, ils confessent leur erreur. Car, il n'y a point de raison, que le cheualier se rende plus curieux del'agencement, & de la grace de son cheual, que de la sienne: au contraire il est plus licite, ce me semble, d'auoir le principal soing de la propreté de soy-mesme.

### LA IVSTESSE DE L'EQUIPAGE DV CHEVAL ET

*autres particularitez, que le Caualerice doit obseruer premier que monter dessus pour l'exercer.*

#### CHAPITRE VIII.



**E**VT ainsi que ie veux que le Caualerice soit propre, & leste en tout s<sup>o</sup> equipage, ie desire aussi qu'il soit curieux de bië aduiser à celuy du cheual lequel il doit generalement & par tout visiter de l'œil, premier que mettre le pied à l'estrieu pour monter sur la selle: assauoir s'il est coëffé iustement de façon, que la souz-gorge, ne soit trop serree, ny trop vague, ny la mueterolle trop large: si la patellette de la testiere est dessus le crin, & directement au mitan des deux oreilles: la bride bië logee dedäs la bouche, sans faire rider les jouës, ny qu'elle touche les escaillons: la gourmette en son poinct ordinaire, ny trop longue, ny trop courte: le caueßon bië mis, assauoir enuiron vn demy doigt pl<sup>u</sup> hault que l'œil de la bräche, afin qu'il n'épésche l'actiō d'icelle, ny l'effect de la gourmette: le bout de la courraye, qui sert de testiere au caueßon, arresté & condané dans ses palfans, de façō qu'il ne puisse branler, ny battre autour des yeux ou des oreilles du cheual: la selle en la bōne place, c'est à dire, ayāt les pointes des harçons de deuāt, fort pres des pallerons des espauls: les sangles fort auancees, bien tendues, & les bouts des contrefanglots cachez: les estriuiers bien passees, & les bouts d'icelles arrestez & couverts: le poitrail assez hault: la croupiere de iuste & aysee mesure: & les bouts des portestrieux aussi cachez. Outre tout cela il doit regarder la face du cheual, par laquelle (s'il est maistre) il pourra souuent iuger le courage, & la fantasie d'iceluy: car la physiognomie en est vn indice principal. L'œil, qui est accoustumé à regarder toutes ces choses, les a visitées & recogneuës, quasi en vn instant. Et si le Caualerice monte sur le cheual, premier que les auoir recogneuës, il est apres mal seant de voir quelqu'un, qui luy accommode, ce qu'on peut penser qu'il a oublié à confiderer, ou qu'il n'a sçeu regarder estant à pied. Toutesfois les mesures & iustesses des estrieux & de la gourmette, ne se peut bien cognoistre ny sentir, que lors que l'on est, ou qu'on a esté vn peu de temps sur le cheual.

## LA IVSTE ASSIETTE DV CAVALERICE

## CHAPITRE IX.




En n'est pas tout que le Cavalier soit curieux de s'équiper proprement & de faire bien agencer le cheual: ie veux aussi qu'il tienne ordinairement la teste droite, & le visage directement à l'opposite de la nuque du cheual: les espaules également droictes & niueles, plustost vn peu pancees en arriere, que trop en auant, sans que la droicte soit plus reculee que la gauche, comme il aduient d'ordinaire, si l'on n'y pense curieusement: à cause de la posture du bras de la bride, qui necessairement est le plus aduancé, & aussi de la pluspart des actions de celuy de l'espee, ou de la gaulle, qui de nature, se font plus facilement en arriere, qu'en auant: le poing de la bride à la hauteur & au niveau du coude d'iceluy, & communément enuiron trois ou quatre doigts plus hauts, que la teste de l'harfon de la selle, & deux doigts plus aduancé: le coude du bras de la gaulle, ordinairement vn peu plus aduancé, que l'os de la hanche, vn peu plus ouuert & loing du corps, que celuy de la bride: la gaulle le plus souuent mouuante ayant la pointe en hault: l'estomac vn peu aduancé pour ne paroistre auoir les espaules vultees: les fesses auancees aussi afin de ne se trouuer assis trop loing de l'harfon de deuât, qui est vne particuliere mal seante: les reins droicts & roides: les cuiſſes fermes, & cōme collees dedans la selle: les genoux ferrez, & plus-tost tournez en dedans qu'en dehors: les iambes autant proches du cheual qu'il se pourra, tendues & droictes, comme quand l'on est à pied, debout & droictement arresté, en quelque lieu plain & vny, assauoir si le cheualier est de grande, ou mediocre taille: & si l'est de petite stature, il doit tenir les iambes les plus auancees & voisines des espaules du cheual, qu'il sera possible: le talon plus bas que la pointe du pied, sans estre tourné en dedans ny en dehors: le bout du pied droitement & feurement appuyé, sur le milieu de la planchette de l'estrieu, & de façon que la pointe de la semelle de laborte, outre passe la planchette, enuiron vn ponce.

Si nous tenons en nos reigles generales, que l'estrieu droit doit estre plus court de demy poinct que le gauche, ce n'est pas sans cause: car c'est celuy qui soustient d'auantage la plus grand part des actions du corps, & mesmes celles du bras doit du cheualier. Et qu'il soit vray, il ne scauroit donner vn grad coup d'espee, ny de gaulle, empoigner vn homme, ny faire beaucoup d'autres mouuemens, forts & violés qu'il ne s'appuye beaucoup plus sur l'estrieu droit, que sur le gauche: ioinct aussi que quand il reçoit vn coup de lance, c'est communement du costé gauche, qui par consequent le pousse sur l'estrieu droit: & si l'on donne vn semblable coup, il en est aussi ramené sur le mesme costé: parce que la lance se doit rompre croissant vn peu en biais sur l'oreille gauche du cheual: & pour la moindre raison, l'estrieu gauche estant le plus long, on y met plus aisément le pied pour monter à cheual.

COMMODITEZ EN LA FACON DES  
selles modernes.

CHAPITRE X

**Q**OMBIEEN que le cheualier aye l'assiette belle de soy, s'il est assis sur vne mauuaise selle, faicte à son desauantage, sans doute cela desrobera beaucoup de sa grace. Car il y a des selles sur lesquelles l'homme ne se peut tenir si me ny droict. Et voicy, ce me semble, la plus belle façon qu'on aye encores veüe (mesmement pour l'usage de la carriere:) le premier qui l'a introduicte à nostre usage est le Seigneur Maxime, suffisant personnage en cest art, lequel nous auons veu commander avec beaucoup de bonne reputation, à la grand'escuyrie de feu Monsieur le Duc de loyculc admiral de France.



Le vulgaire dit, que ces selles modernes sont faites à l'Italiëne: mais' il y a bien à dire: car ces harçons sont beaucoup plus bas, & mieux faits que ceux, qui se font en Italie. Qui est cause que le corps du cheualier se mōstre plus hault, & plus droict sur le siege, & les battes en sont plus courtes & moins grosses: qui luy sont aussi beaucoup mieux paroistre, la forme de la cuisse & du genouil: & tout le siege dōne plus de cōmoditez à tenir la jambe droicte & auancee, & particulieremēt l'eschācreure, qui se void entre l'harçon de derriere & la batte, fait mieux porter l'espee au costé du cheualier. Toutesfois s'il est gras & trop charnu, vne selle à la Françoisē luy cachera mieux la grosseur superflue des cuisses, & des fesses, & mesmes luy rendra l'assiette, & la tenuē plus forte, d'autant qu'elle embrassera & couurira d'auātage.

COMMO-




COMMODITE EN LA FACON DES  
*estrieux.*

## CHAPITRE XI.



**D**EVIS QVE selo ce que i'ay dit, parlât de l'assiette du cheualier, il doit auoir le talon plus bas, que la pointe du pied, pour bien tenir la iambe auancee, droicte & ferme, il est aysé à iuger que pour ce faire, il se doit fermement appuyer sur la pointe du pied, & par consequent l'estrieu doit estre tenu plus court, que la mesure ordinaire. Or si le Cheualier est de mediocre ou de petite stature, sans doute ceste situation nerueusement soustenuë luy fera paroistre la iambe courte & beaucoup d'auantage, si la voute de l'estrieu est si haute, qu'on la fait communément: car ceste hauteur & la coquille, ou l'escuffon, qui couure la chappe, la grosseur de l'estriuiere double, & le bouton d'icelle, cachent & racourcissent tellement la forme de la iambe, que la personne, qui estant à pied void venir à soy, vn homme de cheual en tel assiette, s'il n'est fort grand, il luy paroist estre difforme des iambes, & presque comme vne crotelque. C'est pourquoy ie me suis tousiours seruy de ceste façon d'estrieu, cy apres representee, avec les estriuieres simples, & sans boutons, à cause qu'ils mostrent en ceste sorte la iambe plus belle & plus longue que les autres, d'autant que ceux-cy sont plus bas: & outre ce il ne peut aduenir le danger de passer, & chauffer tout le pied & la iambe dedans & à trauers ces estrieux, comme il aduient aucunesfois avec ceux qui sont plus hauts, au hazard de plusieurs inconueniens & perils. Je pourrois encores dire icy, les façons des harnois, qui conuiennent mieux à la taille que le cheual peut auoir, & selon celle du Cheualier, ou l'occasion, en laquelle il voudra paroistre estant à cheual. Mais parce que les harnois, hors-mis la testiere & les renes, sont d'ordinaire bannis des escoles de cest art, i'en remets la description en lieu plus spacieux & à propos.



## COMMUNES ACTIONS ET GESTES BIEN ET MAL

*seantes au Cavalierice, en exerçant le cheual d'escole.*

## CHAPITRE XII.

**E** ne veux pas seulement que le Cavalierice s'habille & s'accorde proprement, mais ie voudrois aussi qu'estât à cheual toutes ses actions fussent belles ou necessaires: au contraire de la plupart de ceux, qui se meslent de dresser les cheuaux, lesquels en leur donnât leçon, ou en les faisant manier de quelque air qu'ils aillent, marquent les temps & les mesures avec vn certain mouuement de teste, qui accompagnent toutes les battues que le cheual fait en son manege. Et quand ils luy veulent dresser le col, ramener la teste, ou tourner le nez de quelque costé, ils se ramènent & s'arment eux-mêmes, ou tournent leur teste, & leur visage, montrant presque par leurs grimaces, la contenance qu'ils desirent que le cheual face: & s'ils le veulent chasser en auant, on leur void faire la premiere action si grande avec le corps & les deux bras, qu'ils mettent quasi le ventre dessus la teste de l'harçon de la selle: & le voulant arrester, se renuersent tout à coup, comme s'ils estoient prests à cheoir sur la croupe: & quand ils aydent, ou chastient de la iambe ou de l'esperon de quelque costé, ils se penchent & se balancent si fort d'une part & d'autre, qu'il y a souuent aucuns de ceux, qui sont plus ententifs à les contempler, qui ne se peuuent empêcher de les accompagner par quelque semblable action de corps & de membres, ou de rire, voyans telles souplesses & bouffonnes façons de faire, qui seroyent plus propres à faire le pantalon à la comédie, qu'elles ne sont necessaires à la bonne école du cheual. Car au lieu que les iustes mouuemens du corps faits à temps & accortement sont viles pour auister le cheual, ceux au contraire qui sont extremes & grossiers, outre qu'ils ont mauuaise grace, l'incommodent & le mettent souuent en desordre. Tellement que ie ne puis approuuer la raison ny l'excuse que peut auoir ce luy, qui est coustumier de faire ces grandes & superflues actions si peu profitables: lequel neantmoins fera profession de corriger & chastier les fautes du cheual, iusques à ne luy vouloir pardonner le moindre mouuement inutile, & qui luy sieze mal. Il me semble qu'il seroit plus raisonnable que le Cheualier fut soigneux de rendre ses deportemens & gestes plus modestes & plus accords, que de persequer en telles mauuaises façons, preferant la grace d'un animal irraisonnable, à la sienne: & quant à moy ie ne scaurois approuuer le dire de ceux, qui peut estre pour couvrir l'imperfection & habitude de leurs mauuais gestes, veulent qu'on pense que tout ce qu'ils font de mal, sert à la bonne école du cheual. Je dis au contraire & soustiens avec la raison & l'experience, que pour faire aller & manier le cheual iustement gardât l'egalité de quelque bon air nettement soustenu en toutes sortes de maneges, il faut que le Cheualier soit ferme & droit à cheual, sans qu'il face nulle action de bras, de corps, ny de iambes, que ce ne soit pour quelque effect necessaire, & que neantmoins il ne se montre aucunement contraint, mais plustost qu'il face paroistre vne grande facilité en toutes ses actions. Car si les nouuemens du cheual dépendent de ceux du Cheualier, comment se peut-il faire que ces grâds & ordinaires bràlemens de corps, de bras & de iambes ne mettent souuent le cheual en quelque desordre: ie ne veux pas dire qu'il n'y aye des chastimens qui ne se peuuent bien faire sans estre quelquefois accompagnez de l'action apparente de tout le corps, mais d'en faire ordinaire, ie n'y consens, non plus que ie croy que d'autres gestes & mines mal seantes, qu'on void faire à la plupart de ceux qui se plaisent à iouer des instrumens, ou qui font, ou voyent faire beaucoup d'autres exercices, soyent necessaires. En fin l'assiete du Cavalier, ne peut estre vrayement belle & iuste, en prati-



quant tous les plus beaux airs & maneges, si son siege, la selle & le cheual, ne demeurant tellement vnus, qu'ils semblent estre d'une piece, sans que l'action du Cavalier se trouue trop souple ny contrainte,

*HABITUDE MAL SEANTE DE PARLER ORDINAIRE-  
ment au cheual en l'exercant.*

CHAPITRE XIII.

**L**E dis encores, que tout ainsi que la voix du Cavalierice faicte à tēps & à propos destourne souuent les mauuaises impressions du cheual malitieux & vindicatif, & qu'elle donne grace à l'exercice, le parler beaucoup au cheual tiē plus du charlatan que du cheualier. Toutefois on void aucuns hommes, qui ont fort bone pratique en cest art, qui tāt qu'ils sont à leurs escoles dōnans leçon au cheual, ou cōment qu'ils le recherchèt, ne se scauroiēt empescher de luy dire presque tout ce qu'ils veulent qu'il face, tout ainsi que s'ils auoyent affaire à vne personne de raison. Voyla comment estans à cheual ils donnent du plaisir aux assistans amateurs de l'exercice, & par mesme moyen apprestent à rire à ceux, qui au partir de là sont en ce mocquant à qui mieux redira & contrefera l'accent & les paroles inutiles dites à vn animal irraisonnable.

*POUR ASSEVRER LE CHEVAL AU MONTOIR.*

CHAPITRE XIII.

**N**E des premieres choses, que le Cavalierice doit auoir en recommandation pour l'escole du cheual, est de le rendre paisible, & facile au montoir. Car c'est vn grand desplaisir & beaucoup d'incommodité quand, au lieu de se laisser monter librement, il se defend avec les dents, ou les pieds: ou quand il fuit en tournant autour du cheualier, ou en reculant pour luy oster la commodité de mettre le pied à l'estrieu. Cela luy peut proceder de la negligence ou ignorance de celuy, qui premier l'aura exercé en bardelle, lequel peut estre n'aura pas eu l'industrie, ny la patience de le bien asseurer: ou pour auoir esté souuent battu, ou trop tost mis en ceruelle, apres qu'il aura librement permis au cheualier de luy monter dessus: ou pour auoir receu quelque mal ou desplaisir de la selle, ou de la croupiere, ou de la boucle d'icelle: ou pour auoir eu quelque coup mal à propos sur la teste, mesmemēt de quelque hōme à pied dās l'estable ou ailleurs. Toutes ces choses luy peuuent auoir causé vne peur, ou quelque soupçon ou vindeur qui le garde d'approcher de celuy qui le veut monter: quelquefois aussi la mesme imperfectiō peut proceder de sejour & de gaillardise, seulement ou d'vn peruers & meschat naturel. Or cōment & d'oū que ceste crainte ou vice procede au cheual, il faut pour le rapatrier ou chastier, que le Cavalierice vse des plus doux moyens qu'il se pourra aduiser, ayant neantmoins de quoy le pouuoir contraindre s'il est besoin, comme il s'en suit.

**Q**UAND le cheual ne veut approcher du montoir, ou attēdre qu'on luy monte dessus, il faut que le Cavalierice le prenne par le fonds de la renne, & que de l'autre costé vn homme, qui entend l'art, le tiēne par la corde droite du caueillon, & que tous deux ensemble, sans le regarder droit aux yeux, le menēt au long d'une muraille iusques au lieu, qui sera plus cōmode pour le montoir: & s'il ne veut fuiure librement, le Cavalierice le flattera avec la voix douce, en luy donnant à manger vn peu d'herbe, ou du pain, ou de quelque autre friandise propre au goust des cheuaux. Et si pour ces caresses il ne veut nō plus seyrre, ains qu'il s'arreste ou recule, le Cavalierice ne le doit pour cela brauer ny battre: mais celuy qui tiendra la corde du caueillon

raschera de le faire cheminer & suiure, le menaçât ou frappât discrettemēt du bout de la gaulle sur la cuiſſe, ou fesse droite, sās toute fois luy faire beaucoup de mal. Et si pour tout cela il ne veut obeïr, le Caualerice ou celuy qui tiēdra la corde, ne le doit uēt battre ny menacer, car le chastimēt aspre dōné en tel tēps & occasion luy pourroit faire trop craindre le Cheualier, ou celuy qui doit tenir l'estrieu, tāt au montoir, q̄ pour descendre: mais vn autre hōme doit estre derriere le cheual tout prest pour le chasser en auāt, en le brauāt & menaçāt de la voix, & le frappāt s'il est besoin auec vne grosse & lōgue gaulle, ou perche au lōg de la cuiſſe & du flāc du costē oppositē de la muraille. Et si par ce chastimēt il s'auāce & s'approche du montoir, alors le Caualerice doit le caresser & luy dōner quelque friādile, quoy qu'il n'obeyſſe que par force.

S'ESTANT approché il faut que celuy qui tient la corde luy mōstre & presente la gaulle pres de la cuiſſe, afin qu'il ne bouge de sa place. Cependant le Caualerice pour l'appaiser luy maniera la teste & le crin, & frappera souuent de la main sur le siege de la selle, en le flattāt de la voix. Et quand le cheual attendra & se tiendra ferme sans bouger ny remuēr aucunemēt, le Caualerice raschera de metre le pied à l'estrieu seulemēt pour l'asseurer. Car auant que monter du tout, il faudra que le cheual perde l'apprehension & le vice qui luy fait haïr le montoir.

S'PENDANT que le Caualerice leueta la iambe, ou qu'il se voudra soustenir sur l'estrieu, le cheual recommence à fuyr & s'esloigner, l'homme qui tiendra la corde, fera ce qu'il pourra pour l'en empeschier, luy dōnant sagement de la gaulle sur la cuiſſe en le menaçāt de la voix. Et si pour tout cela il ne cesse de s'elargir, ou de reculer, l'homme qui sera derriere, luy fera vne autre charge du mesme costē à grāds coups de sa perche ou grosse gaulle. Et si d'auenture il se dresse contre le Caualerice pour le frapper des pieds de deuant, l'homme qui sera derriere se mettra à costē deuant celuy qui tiendra la corde, pour pouuoir battre le cheual au trauers des iambes de deuant, iusques à ce qu'il soit reuenu à terre. Que si lors qu'il se trouuera gourmādē & empeschē par celuy qui le chastiera, il se veut defendre à coups de pied en tirāt quātité de ruades, il le faudra aussi brauer de la voix, & le battre rudemēt au dessous des iarrets perseuerant tant qu'il continuera de ruēr, iusques à ce que la douleur de ces grands coups de gaulle, continuez en ces parties nerueuses & douloureuses, le contraignent de se rendre & accroupir mettant fin à ses ruades. Et par ces moyens le cheual se gaignera par douceur, ou par force, s'approchera du montoir, & attendra le Cheualier.

APRES qu'il sera montē, il descendra & remontera plusieurs fois sans partir d'une place, afin de l'accoustumer & asseurer d'auantage. Et si soudain apres que le Caualerice sera montē le cheual part de ce lieu licentieusement; il le remettra en la mesme place dont il sera party, sur laquelle le tiendra patiemmēt, iusques à ce qu'il ne soit plus en ces inquietudes, & qu'il soit bien asseuré. Et si apres auoir fait ce remede cinq ou six fois le cheual n'a perdu son vice, il ne s'en faudra estōner: car peut estre sera-il tant fougoux, ou de nature si desobeylante, qu'il ne se pourra vaincre que par le temps & la patience: mais en pratiquant souuent ces remedes, sans doute il se reduira.

IE diray encorēs que s'il est possible le Caualerice, ny l'hōme qui tiēdra la corde ou l'estrieu, ne doiuent iamais battre le cheual au montoir, mesmement quand il y a quelqu'un derriere pour le chastier, sinon qu'il les voulust mordre, ou frapper, ou pour autre occasiō forcee, Car quelque chastimēt qu'il merite, l'on doit tousiours euitier qu'il n'apprehende trop les coups qui luy viennent par deuant. Il faut aussi noter, que ceux qui aydent au Caualerice doiuent auoir du iugement pour ne menacer, ny battre le cheual, que selon la necessitē. Car les chastimens ne seruent, qu'entant qu'ils sont bien iugez & diligemment effectuez.

ADVERTISSEMENT AV CAVALERICE QVI VEUT  
desgourdir & alegerir le cheual en l'exergant au trot & au galop.

## CHAPITRE XV.

**L**E premier exercice qu'on void donner en nos escoles indifferemment, & presques à tous les ieunes cheuaux qui sont pesans & froids de deuât, c'est le trot, & communement dedans & au trauers de forts guerets, ou en autres lieux montueux, raboteux & mal-aysez : afin que ceste commodité de terroir avec l'apprehension des chastimens qu'ils auront accoustumé de receuoir ayant bronché, les contraignent d'estre en ceruelle, & de hausser les iâbes d'auâtage. L'approuue fort ce remede, & le tiens pour necessaire, quand il est bien iugé. Mais estât fait sans iugement, comme il se void assez souuent, il est faux & preiudiciable. Il faut donc que le Caualerice considere premicremét, si ceste pesanteur ou engourdissement d'espaules, ou de iambes, procede de mâquement de courage, de force, ou de souplesse naturelle, ou pour auoir esté peu ou mal exercé, ou trop trauaillé. Et s'il cognoist que le cheual aye les espaules pesantes, ou cōment que ce soit les mouuemens d'icelles & des bras naturellement froids & paresseux, à faute de souplesse naturelle, neantmoins que les mēbres en soyent bons & assez forts, & que ceste force soit aussi naturellement nouée, & retenue : lors le Caualerice se pourra asseurer que le mediocre & cōtinuel exercice de trot, & quelquefois de galop en ces lieux mal-aysez, desgourdira souuent la force de tel cheual, & luy rēdra l'actiō des espaules & des iâbes plus libre. Mais si avec tout cela il est chargé de teste, ou qu'il poise ou tire à la main, la continuation de ces lieux mal-aysez luy pourra rendre l'appuy de la bride encor pl<sup>9</sup> lourd & emdormy. Car tout ainsi que ces lieux difficiles sōt propres pour desgourdir la force & les mēbres du cheual, ils seruēt aussi pour le resoudre à l'appuy de la bride, quand il a la bouche foible ou trop sensible, & fait par consequent qu'il s'abandonne d'auantage, si naturellement il est pesant à la main.

Si donc le cheual de bonne force, & leger à la main est neantmoins naturellement engourdy de membres, & pesant d'espaules, il sera bon de l'exercer assez longuement en ces lieux fort montueux & raboteux. Mais s'il poise ou tire à la main, il le faudra toutes les fois tenir moins de temps en quelque lieu qu'on l'exerce, à la peine de le monter plus souuent. Car pour rendre la bouche aylee aux cheuaux tāt ieunes que vieux, ou d'aage mediocre, il faut ordinairement finir l'exercice & mettre pied à terre, deuant que la lassitude les accable & reduise à se trop soustenir sur le caueillon, ny sur la bride : parce que ce seroit grande erreur si en voulant desgourdir les membres du cheual, on luy falsifioit & endurecissoit l'appuy de la bouche, cōme il aduiēt souuent, quand le Caualerice se depart des bons preceptes, ou quand ils luy sont incogneus.

Si au contraire le cheual est froid & paresseux seulement pour auoir les iambes ou les reins foibles, ces lieux si mal-aysez l'auront plustost foulé, que desgourdy, & luy nuyront en beaucoup d'autres choses : car le principal remede qu'il faut obseruer pour se bien preualoir des forces du cheual, qui en a peu, c'est premierement de trouuer moyen de luy croistre l'haleine en l'exergant lentement, & en augmentant peu à peu la vigueur de son exercice : ce qui ne se peut faire en ces lieux si difficiles, auxquels le cheual foible a tant de peine, qu'il ne scauroit auoir trotté ou galoppé mille pas, sans estre quasi prest à s'abandonner sur les dents, & à se rendre du tour : à quoy l'on ne doit iamais venir sans y estre ne-



cessairement contraint, pour euitier quelque plus grand desordre: car si le cheual a du cœur assez, ceste violence extreme & soudaine le peut facilement mettre en quelque grâde inquietude, & s'il en a peu, il se peut par mesme moyen estôner & rebuiter. Partât faudra faire ele&tiô de quelque terroir plus aysé, là où le cheual foible ou de mediocre force puisse durer plus longuement au trauail, lequel terroir soit neantmoins vn peu montueux ou raboteux en quelques endroits, afin que le cheual puisse mieux prendre terre, & faire les mouuemens des espaules & des iambes plus hardis. Et afin aussi qu'il s'accoustume à regarder tousiours en terre deuant sa piste.

Si le cheual a perdu la souplesse des mēbres, & la force des espaules ou des reins pour auoir esté trop trauaillé, ou pour quelque autre accidēt, à plus forte raison l'exercice du trot & du galop aux lieux fort penibles luy doit estre contraire. Mais l'ayveu des cheuaux retirez de deuant, qu'on a aucunement racommodēz en les promenant peu & souuent à trauers les champs, & principalement par les guerets.

Les cheuaux, qui ont le mouuement des espaules & des bras fort hauts & souples, tels que la pluspart des personnes desirent, s'asseurēt aussi en ces lieux raboteux: d'autant qu'ils s'accoustument à mieux choisir les lieux, ausquels ils peuuent mettre plus seurement les pieds en terre, qu'ils ne font de leur naturel. Quelqu'un pourra trouuer estrange cest aduertissement, parce qu'il semble que ces lieux malaysez ne sont nullement necessaires aux cheuaux, qui ont les mouuemens des iambes libres & hauts: en quoy l'on se peut tromper. Car communément ils sont plus foibles & moins fermes en bronchant, mesmes en sautant les fosses, & moins trauailleurs que ceux qui ont le trot moins haut & plus ferré.

En ces premiers exercices de trot & de galop propres à desgourdir le cheual, le Caualerice ne se doit pas attacher beaucoup au Caueffon, ny à la bride, pēsant par ce moyē luy releuer & assurer mieux le col & la teste, (quoy que du cōmencement la subie&tiō le face ramener & mettre en quelque assez belle posture): car si naturellement il a l'appuy de la bouche à pleine main, & que l'actiō de ce trot ou galop hardy & fort embrassé soit ordinairement retenue en ces lieux mōtueux & raboteux par ceste subie&tiō de caueffon & de bride, sans doute cela luy endormira le nez, les barres, la langue & la barbe. De façon qu'en peu de temps il aura l'appuy tellement endurcy, que peut estre il s'abandonnera sur iceluy en telle sorte, qu'il sera apres difficile de le rendre bon à la main. Et si au cōtraire il a la bouche sensible, & foible de soy, ceste mesme subie&tion mal iugée & trop soudaine luy pourra aussi par mesme moyen offenser les susdites parties de la bouche & de la barbe, ausquelles les vrais appuis de la bride se doiuent faire. Il faut donc que le Caualerice aye le iugement & la pratique d'attirer le cheual doucemēt au vray & temperé appuy de la main, luy ramenant le col & la teste peu à peu, & luy rendant souuent les mains: & sur tout luy laissant en ces commencemens plustost la teste vague, que si par ceste seuerē subie&tion, il cōmençoit à s'accoustumer à tirer, ou peser à la main, ou se faire entier. Car c'est vne maxime qui, est beaucoup plus aysé de donner appuy au cheual, qu'il n'en a pas assez, que de rendre leger & facile celuy qui en a trop, & de ramener celuy qui porte le nez trop auancé, que de releuer celuy qui se couure trop & qui s'arme. Par la bonne pratique de ces moyens & avec le temps necessaire le cheual se pourra mettre & refondre en la plus belle posture, que nature luy permettra, à mesure qu'il se rendra leger, se desgourdira & accroistrā l'alcine.

PLVSIEVRS Cheualiers ont autrefois pensé, cōme font encores à present beau-  
E iij

Erreur de  
faire tirer  
le cheual à  
la charrue  
pour l'al-  
leger.

coup d'autres, que pour aliger le cheual chargé de deuant, qui poise à la main, & qui bröche souuent, il soit bõ de le faire tirer quelque temps à la charrue: mais l'erreur en est fort grossiere. Car au cõtraire cest exercice doit plustost donner l'appuy à celuy qui n'en a point assez: parce que pour faire l'actiõ nerueuse du tirer, le cheual s'abbandõne naturellement appuyant toutes ses forces contre le collier: & pour rēdre ceste actiõ plus forte par l'effort du garrot, il faut necessairement qu'il allonge le col & baissela teste beaucoup plus que la posture naturelle. Il est dõc ayse à iuger que tous ces efforts & mouuemens se rapportent à la dureté, ou pesāteur de l'appuy de la main, & qu'ils sont du tout cõtraires à la legereté. Pour cognoistre facilement que c'est vne autre erreur semblable de pēser, que ce remede soit nõ plus vtile pour desgourdir le cheual qui bronche souuent, il faut considerer que tant plus il met de violence & de force à tirer la charrue ou la charrette, tant moins la difficulté de ce qu'il traîne luy permet le libre mouuement des espales & des bras: tellement que l'on void aussi que le cheual, qui laboure la terre, racle & cho que souuent les mottes des guerets avec les pieds de deuant. Et d'autāt que l'appuy du collier le soustient & l'empesche de tomber en bronchant, l'vsagē & l'habitude de la charrue peut faire aussi que le cheual, bien qu'il soit leger & desgourdy, deuiendra lié & paresseux à leuer & destourner ses pieds des empeschemens & rencontres raboteux, qui le feront souuent broncher & donner du nez en terre, n'estant plus retenu à l'accoustumee du socq & du coustre, ny soustenu du collier.

*L'EXERCICE QVI DOIT ESTRE PLUS AISE AV CHEVAL.*

CHAPITRE XVI.

**L**N T R E toutes les choses qui doiuent estre plus aisees au Caualerice en l'exercice du cheual, c'est de le faire gallopper, courir & tourner: aussi semble-il que nature luy en aye particulierement donné le premier apprentissage. Qu'il soit ainssi, l'on void que le ieune cheual eschappé, ou comment qu'il soit à la campagne en sa liberté, ne trotte que fort peu, & qu'il se plaist à gallopper & courir: & pour mettre fin à ses courses, au lieu des arrester, il tourne d'un costé ou d'autre, non pas deux ou trois fois, ny d'ordinaire estroit & sur les hanches, cõme quād par l'artifice du Caualerice il y est contraint & accoustumé: mais pour le moins il tournera communément la teste du costé, qu'il aura cõmencé sa course. L'on peut iuger par là, que le courre & le tourner luy est plus naturel, que le trotter ny le parer, ny que beaucoup d'autres choses qu'on luy peut apprendre avec l'art: & que si l'on se pouuoit contenter qu'il ne tournast qu'une fois ou deux à chaque main de mediocre espace, & que la façon qu'on fouloit faire les maneges & les anciennes passades, sans doute il n'y auroit tant de cheuaux ruinez, cõme l'on void, depuis que la necessité, ou plustost la curiosité, nous a amené les inuentions de tāt de reparts de main & d'arrests, faiētz coup sur coup, & de redoublemens de voltes, & autres sortes de maneges & d'airs qu'une infinité de personnes vont pratiquant aucunes fois pl<sup>us</sup> mal que bien à propos. De façon que maintenāt chacun desire tant de parties & de perfections en l'exercice du cheual, que entre cēt, qu'il s'en void de belle & forte taille, à peine en peut-on faire election de dix, qui soyent estimez dignes de seruir, & faire paroistre vn hõnest homme en lieu d'honneur: & quand d'auenture, il s'en rencontre aucuns, qui soyent assez legers, nerueux & de bonne & courageuse inclination pour se rendre propres à ceste rare dexterité tāt recherchee, ils tombent ordinairement à la mercy de certains hõmes rigoureux, si presomptueux & mal entendus en cest art, qu'au lieu de se scauoir preualoir dextrement de ceste vigoureux-

se legereté, & du bon naturel, qui pourroient rédre tels cheuaux en quelque perfection de bon manège, au cōtraire ils les recherchèt & les estrapassent avec tāt d'indiscrétion & de rigueur, que les pauures animaux en sont estropiez premier qu'auoir peu seruir, & dōner cōtētement en ce que nature les a destinez: tellement qu'ils se trouuent si confus & quelquesfois reduits à tel desespoir, qu'au lieu de partir de la main, quād on les veut pouffer, ils se defendēt en reculāt, ou en voulant mordre les iābes ou les pieds du cheualier, ou en se couchāt en terre, & en fin avec tous les moyens, qui leur sont dōnez par la rage, à laquelle ils se trouuēt reduits. D'autres qu'au lieu de parer apres vn partir de main, ou à la fin d'vne course longue & determinee, s'abādonnent, & s'envōt eschappāt & desdaignant la bride & le caueffon. D'autres qui ne veulent plus tourner, ou s'ils tournent, c'est seulemēt du costē auquel ils ont plus d'inclination. D'autres qui ne se veulent plus laisser remonter à celuy qui a accoustumé de les battre si rigoureusement, ny autres qu'ils soupçonnent.

TOUTES ces imperfections peuuent aussi proceder d'vne humeur poltrōne & malicieuse, qui naturellemēt possēdera le cheual à faute d'auoir esté bien exercé, ou par quelque autre accident, ou defect de nature. toute fois elles aduiennent souuēt à ceux qui sont plus sensibles & coleres. Or pour mieux expliquer les causes & aduenemens de tous ces vices, & afin d'entendre & mettre plus facilement en effect les remedes d'iceux, voyons premierement pourquoy le cheual peut estre retif.

## DES IEVNES CHEVAUX RETIFS.

## CHAPITRE XVII.



N VOI D peu de cheuaux fort ieunes & nouueaux apprentis que quel quefois au lieu d'aller en auāt, selon l'actiō & le vouloir du Cheualier, ne s'arrestent ou reculent, ou ne facent quelque autre sottise. La premiere cause de ceste desobeissance procede de l'habitude qu'ils ont prins des leurnaissance à fuyre leurs meres, & d'estre en liberté dās le haras, & ordinairement en cōpagnie de plusieurs iuments & poulains, iusques à ce qu'ils cōmencent à se fortifier & se battre entre eux, & à sentir & vouloir monter les iumēs: qui est iustement le tēps qu'on les doit prendre & retirer de haras, tāt pour euitier les premiers efforts, qui desia les pourroient fouler en cest aage tendre & foible, que pour cōmencer à les accoustumer à l'attache de l'escuyrie, & à ce laisser leuer les quatre pieds, gouverner & penser de la main, & en mesme temps leur faire cognoistre & pratiquer peu à peu la bardelle, la croupiere, & le surfaix: & apres les biē assseurer au mōtoir, afin que lors qu'ils auront attainit l'aage & la force pour pouuoir resister aux cōmencemens de l'exercice, le Caualcadour de bardelle aye moyen de mōter dessus plus facilement sans les offencer, ny estonner, & que cela leur puisse oster beaucoup d'occasions de s'efforcer & defendre quād on les dōpte. Et pour voir vne preuue assez pertinente que les cheuaux ieunes & innocēs sont souuent ces difficultez de passer là où le Caualcadour les veut pouffer, à cause de ceste premiere & accoustumee liberté perduē, & pour estre estonnez se sentans persecutez, cōtraints, & separez de leur premiere & naturelle compagnie; c'est que les plus timides sont ceux qui sont le plus souuēt telles fautes, & que lors qu'ils perseuerent, quelque mal qu'on leur face, à ne vouloir partir d'un lieu, ou à reculer, si on leur fait passer vn autre cheual deuāt ou à costē, la pluspart partiront de ce lieu, & fuyront volontairemēt ce cheual qui passera le premier. Voyla pourquoy vn des plus assseurez remedes qui se pratiquēt aux premieres caualcades, qu'o faire aux poulains, mesmemēt pour les empescher de sauter, & faire beaucoup d'autres defences & desordres violēs est de les faire guider par vn

Le temps  
auquel on  
doit re-  
tirer les  
poulains du  
haras.



homme à cheual, qui les meine par la cauesanne, & qui parte du montoir aussi tost que le Caualcadour est monté dessus le poulain encores sauuage.

EN ces communes fautes excusables, qui procedent seulement des premieres impressions & habitudes, le Caualcadour doit vser d'une grande douceur & patience, principalement aux nouueaux remedes, lesquels doiuent estre accortement faicts, afin de conseruer, tant qu'il sera possible, le courage naturel & l'allegresse du ieune cheual: qui est vne des plus notables considerations de cest art. A cause de quoy le bon Caualcadour ne doit iamais auoir recours à la force & à la rigueur, qu'il n'aye premierement essayé tous les plus doux moyens, dont il se fera peu aduifer. Quand donc le ieune cheual refusera à faute de pratique, d'aller en auant, il faudra obseruer la compagnie d'un autre cheual, qui ne ruë ny ne soit aucunement fascheux, sur lequel il y aye un homme entendu en l'art pour le faire aller deuant au trot & au galop, selonc que le ieune cheual consentira, ou se voudra preualoir de l'esquine, ou d'autres defenses: & à mesure qu'il se refoudra de marcher, l'homme qui le guidera luy laissera gagner le costé de son cheual, & puis le deuant pour l'escarter, s'il est possible, sans qu'il s'apperçoie. Et si estant escarté il s'estonne, ou pour quoy que ce soit il seueut de nouueau arrester, le Caualcadour taschera de le chasser seulement avec la voix, & quelque mediocre chastiment: car ce seroit trop grand erreur de le battre ny le braver aiprement, premier que luy auoir fait recognoistre peu à peu les mouuements, la voix & les coups, qui le doiuent pousser & chasser en auant. Cependat celuy, qui sera sur le cheual assésuré, regaignera diligemment le deuant, & au mesme téps le Caualcadour donnera au sien en criant & en le menaçant de la voix tous deux ensemble, quelque coup de nerf à trauers les fesses, si subtilement qu'il ne puisse bonement cognoistre lequel des deux l'aura frappé, afin que la cōtinuatiō de ce remede luy face craindre l'abord de celuy qui viendra apres, ou qu'il attēdra pour le voir passer deuant, & que le sentant approcher il s'en aille le premier cōme fuyant. Et quād avec le téps il commencera de s'assésurer & d'obeyr, on le fera quelquefois cōduire tout de mesmes par un hōme de pied, qui soit biē eniābé & en aleine, iusques à ce qu'il aye perdu le vice de s'arrester & de reculer contre le vouloir du Caualcadour, cōme sās doute il aura dās peu de téps, si ces moyens sont effectuez proprement & à leur téps. Toutesfois il faudra cōsiderer que si le cheual, soit ieune ou vieux, est de sa naturel leumeur aduste & colere, la malice & la poltrōnerie se pourront facilement ioindre à ceste premiere mauuaise & fudite habitude: & par cōsequēt il ne faudra trouuer estrange, qu'il faille employer plus de temps, de moyens & de patience à le refoudre & le rendre obeyssant. Car cōmunément les cheuaux de ceste temperature sont vitieux toute leur vie de faict, ou de volōté, quoy que l'on puisse faire.

DES CHEVAVX APPREHENSIFS ET OMBRAGEVX, ET  
particulierement de ceux qui craignent les enseignes & tambours.

CHAPITRE XVIII.

**I**Ly a aussi des cheuaux qui sont naturellemēt ombrageux, c'est proprement à dire trop apprehensifs, pour auoir les yeux louches ou verōs, ou quelque autre defaut de veuē, qui leur fait le plus souuent voir douteusemēt & imaginer les choses qu'ils regardent, autrement qu'elles ne sont: tellemēt que quelquefois ils n'ē osent approcher. En cecy le Caualerice doit sçauoir, que si soudainemēt il se laisse trāsporter à la colere, & que à force de coups, il les veut contraindre d'aborder ce qui leur fait peur, il en pourra quelquefois venir à bout, selonc qu'il trouuerrā disposé le naturel de tel cheual. Mais aussi pourra-il facilement aduenir, que

## Des preceptes.

55

l'estonnement des coups qu'il receura, ioint à la crainte de l'obiet & qu'il mettra en ces doutes, luy accablant du tout la vigueur & le courage. Il vaudra d'oc mieux auât que venir à la rigueur, rascher à leur faire recognoistre le plus paisiblement qu'il se pourra, la chose qu'ils redoutét, & qu'ils n'osent approcher, soit par la voix mediore ou le commun mouuement des bras & des iambes, qui le pourront pousser & auancer: & quelquefois en leur faisant discrettement sentir les esperons, le nerf, ou la gaule, & mesmes les y faisant accompagner & mener par vn homme de pied, qui les sçache cōduire avec douceur & caresses par l'vne des cordes du caueillon, ou par la testiere. Car en fin il faut cōsiderer que les coups rigoureux ne les gueriront pas de ceste humeur apprehensiue, qui est vn defect naturel, ny de l'imperfectiō de la veuë, qui est aussi vne espee de maladie. Mais que l'accoustumance de bien recognoistre & sentir, (sans receuoir trop de desplaisirs,) ce qu'ils apprehendét & redoutét, les pourra asseurer, & leur donner avec le temps vne pratique, qui supplera ces defects de nature. Toutesfois si la paresse ou malice est ioincte aux susdits accidés, ie veux alors que le Caualerie assemble les chastimés seueres à la douceur, & qu'il en vse diuersement, selon que le cheual se disposera à leurs bōs effects.

IL me souuiet d'auoir eu autrefois souz ma charge vn coursier entre autres, qui estoit de la race de Mantouë, de grâde & noble taille, de bon poil, fort, vigoureux & bon à la main: neâtmoins tât apprehésif, mesmement des enseignes & tabours, que quelquefois ie l'en ay veu en telle alarme, qu'il estoit deux iours sans uoloir mager son auoine, & sans se coucher: & tout ce qu'il voyoit remuër, ou qu'il oyoit bruire durant cetéps, luy sembloit enseignes & tabours: qui estoit grâd domage. Car sans cela il eust esté digne de seruir vn grâd Capitaine le iour d'vn cōbat de main. Voyla pourquoy ie me mis apres cherchant tous les remedes, desquels ie me sçeu aduiser, pour le pouuoir asseurer. Quelquefois ie le faisois promener long téps ayât vn page dessus, qui portoit vne enseigne de plusieurs couleurs arborée, laquelle le vêt faisoit souuent flotter autour des yeux & des oreilles de ce cheual: estât à l'Escuyrie ie luy faisois ordinairement tenir ceste enseigne dâs la mâgeoire, & en le caressât luy en faisois plusieurs fois froter la teste & le col. Quelquefois ie le cōtraignoïs par faim de mager son auoine dessus ceste enseigne: i'en ostois aucunes fois le baston, & faisois mettre & tenir longuement le drapeau tout estendu, comme vn caparaillon, dessus son dos, ou sur vn autre cheual placé tout contre luy: souuent, en luy donnât leçō, ie mettois, ou faisois tenir ce drapeau en tel lieu, que le cheual estoit cōtraint de passer ordinairement dessouz iceluy, le touchant de la teste & du nez. Ie le menoïs aussi plusieurs fois la nuit au clair de la Lune en diuers lieux, mesmement là où ie pensois trouuer les ombres plus apparentes, plus variables & en plus grande quantité, luy faisant recognoistre ceste enseigne en lieux differents: En quoy ie trouuay vn grand remede, & quasi le gain de ma cause. En fin avec le téps & la patience, fut par caresses, ou par contrainte, selon que ie sentoïs la portee de son courage, ié l'accoustumay de façon, que sans difficulté il alloit droit baïser les enseignes, quand ie voulois. Mais ie ne pē pas que iamais cheual aye fait de plus effrayez & de desesperez mouuemens, que feit celuy-là, premier que se pouuoir appaier & resouldre. Ce ne fut pas tout: car le tabour estoit ce qu'il craignoit le plus. La forme de la quaiſſe luy desplaisoit, le bruit l'estonnoit, & ce qui le troubloit d'auâtage, estoit le mouuement des baguettes, à cause qu'outre ce, qu'il estoit naturellement apprehensif, il n'auoit pas la veuë claire. Quifut cause que i'acheptay expressement vne quaiſſe, laquelle ie faisois battre à toute heure dedâs l'Escuyrie, & principalement toutes les fois qu'ō cribloit & donnoit l'auoine à tous les autres cheuaux, & tant qu'ils mettoient de temps à la manger: tellement qu'en moins de quinze iours la pluspart en firent vne

telle habitude, qu'aussi tost qu'on battoit ceste quaiſſe, ils cōmençoient à ſe reſiouyr, faiſans les meſmes contenances qu'ils auoyent auparauant accouſtumé de faire oyant le ſon du crible. Mais particulierement mon cheual ombrageux, au cōtraire demouroit rendu les oreilles droittes, roulant & blanchiſſant les yeux, tremblât & tellement effrayé, qu'il eſtoit quelquefois enuiron demy-quart d'heure tenant vn morceau de foin ſerré entre les dents, ſans faire aucun mouuement des maſchoires, ny de la bouche. Il taſchoit par boutades à ſe ietter dedans la mangeoire, ou à trauers les barres, de ſorte qu'il eſtoit fort mal-ayſé d'épeſcher qu'il ne ſe bleſſaſt. Toutesfois au bout de quelque temps en s'appaiſant il commença de regarder & ſentir de pres la quaiſſe, dedans la mangeoire, pourueu qu'on n'eût fit aucun bruit, & qu'on ne la remuaſt: ce fut à force de friandises, que ie luy fis mager aupres de ceste quaiſſe, & par fois deſus icelle, ie luy fis auſſi accouſtumer le bruit, faiſant frapper peu à peu ſur l'un des fonds de la quaiſſe: & pour luy donner plus d'aſſurance, quelquefois ie montois deſſus, & le menois à la campagne, là où en quelque beau lieu ie faiſois coucher ceste quaiſſe quatre ou cinq pas deuant le cheual: & apres luy auoir donné loisir de la bien recognoiſtre, ie la faiſois pouſſer & rouler en auant: ce pendant ie taſchois de la luy faire ſuiure & choquer, & en fin ſauter, ſans le battre que le moins que ie pouuois, & ce dernier remede me ſeruit beaucoup. Mais quād il fut queſtion de luy faire approcher & ſentir la quaiſſe tandis qu'on la battoit, & qu'il voyoit le mouuement des baguettes, nous penſaſmes tous deux perdre noſtre eſcrime. Ie fus lors quaſi ſur le poinct de le quitter, n'eſperāt plus pouuoir venir à bout de ce que ie m'eſtois propoſé. Car combien que de ſa nature il fuſt extremement ſenſible & ayſé à la main, toutes les fois que l'effray le faiſiſſoit, il perdoit le ſentiment de la bride, des eſperons, de la gaulle & de toutes autres ſortes de contraintes & chaſtimens, & pour fuir le ſubiect de ſes apprehenſions il faiſoit d'eſtranges & dangereuſes reſolutions. D'autre-part il s'eſtoit tellement emmaigry, que ie craignois qu'à la longue toutes ces incommoditez enſemble luy conſommaſſent du tout la vigueur. Mais ce qui me fit pourſuyure mon entreprinſe fut, qu'il eſtoit ieune d'enuiron ſept ans, & de ſon humeur naturelle ſanguin ſlegmatique, qui eſt vn temperament, qui fait que le cheual n'a pas beaucoup de memoire ny de malice, & par conſequent qu'il eſt long temps à comprēdre & retenir ce qu'on veut qu'il apprenne. Mais auſſi eſt-il ayſé à repatrier apres auoir receu beaucoup de deſplaiſirs & de chaſtimens: au contraire de ceux, qui ſont coleres melancoliques, leſquels doiuent eſtre ordinairement timides, malitieux & vindicatifs. Toutes ces conſideratiōs me pouſſerent & me firent paſſer outre: eſtant la pluſpart du temps occupé à reſuer ſur les moyens, qui me ſembloyent propres à pouuoir accouſtumer mon cheual à veoir de pres & ſans ſ'eſtonner, les ſudits mouuemens de baguettes. En fin apres auoir pratiqué pluſieurs remedes, vn iour ie m'aduſay que de nature les cheuaux mangent ſauoureuſement les carottes, & que lors nous eſtions en leur ſaiſon: ſoudāin i'en fis chercher, & en recouray des plus longues & des plus rouges, qu'on peut trouuer: ie dis plus rouges, afin qu'elles reſſemblaſſent mieux aux baguettes, qui ſe font communément de brezil: apres les auoir bien fait lauer, ie faiſois battre d'icelles ceste quaiſſe: & cōme le cheual en eſtoit aſſez pres, celui qui la battoit luy preſentoit vne de ces baguettes, & la luy faiſoit ſentir, battant toujours de l'autre ſur la quaiſſe, ſans faire beaucoup de bruit. Apres qu'il en eut prins deux ou trois morceaux, il commença à ſ'aſſeurer & reſoudre tellement, que dedās ſix iours il alla droit au bruit de la quaiſſe volontairement par couſtume, & pour manger ce que auparauant luy auoit tant deſpleu. Quāt aux armes & au bruit des arquebuzades il y fut bien toſt aſſeuré. En fin ie luy fis apres tant & ſi ſouuent voir & accouſtumer l'enſeigne, le tambour & les armes enſemble, & le rendis ſi ayſé, que ſ'il m'eût ſalu

hazarder



hasarder ma vie sur vn cheual, en quelque lieu d'honneur, ie n'en eusse pas desiré d'autre, à sçauoir tant qu'il estoit en exercice, & en escole: mais à la verité ayant esté quelque temps en sejour, il prenoit quelquefois l'alarme, & mesmes l'apprehension le faisoit, toutesfois ce n'estoit qu'aux premiers mouuemens. En fin c'est vñ tesmoignage, qu'il n'y a artifice qui puisse du tout vaincre ou effacer les vices naturels. Je pourrois encores alleguer sur ce propos par exemples beaucoup d'autres cheuaux extremement ombrageux, que i'ay autrefois exercez, ou fait exercer, & en fin asseurez. Mais pour ne paroistre ambitieux, m'en attribuant l'honneur, ie fuiuray mon discours en general: protestant que si ie mets encores quelquefois en auant aucuns des plus imparfaits cheuaux, que par l'art i'ay rendu bons & bien manians, ce sera seulement pour rendre l'explication des remedes & leçons plus intelligible & plus brefue.

POVR ASSEVRER LE CHEVAL APPREHENSIF

*à l'esclat & à la rumeur des armes, & pour le faire approcher  
des autres cheuaux au combat de l'espee.*

CHAPITRE XIX.

**L**y a vñ infinité de personnes, qui pour asseurer les ieunes cheuaux ombrageux font vñ reigle generale de les surprendre souuent, leur faisant peur avec ce qu'ils craignent le plus, afin d'auoir occasion de les chassier & contraindre d'en approcher. Mais quant à moy ie n'approuue nullement la coustume de ces moyens, combien qu'ils reussissent quelquefois: ie veux au contraire que pour le premier & principal remede, on' empesche tant qu'il sera possible que les cheuaux ne soient surprins par ce qui les espouuante, principalement afin d'euitier les desplaisirs des chastiemens, qui leur pourroient facilement causer vñ desespoir, ou vñ second effroy, autant ou plus preiudiciable, que celuy du premier obiet apprehendé, selon qu'ils seront naturellement dominez d'humeur colere sanguine, ou melancolique aduste: à cause dequoy les meilleurs hommes de cheual doiuent obseruer pour maxime de ne battre iamais avec violence vñ ieune cheual effrayé.

Si donc le cheual a grand peur des armes, il luy faudra souuent presenter à la cāpaigne vñ homme à pied qui soit armé de toutes pieces, & d'assez loin, afin que le cheual aye loisir de s'asseurer en allant à luy: & à mesure qu'il en approchera, le Cavalierice le caressera, luy maniant le col: & l'homme qui sera armé, ne remuera non plus qu'vñ statue. Si le cheual ne l'ose aborder, il ne faut pour cela que le Cavalierice le batte asprement: mais plustost qu'il aye la patience de le faire accompagner par vñ homme de pied, qui le sçache flatter & conduire, ou par vñ autre cheual qui soit sage & asseuré: Et comme les deux cheuaux seront arriuez ensēble assez pres de cest homme armé, il haussera les deux bras le plus lentement qu'il pourra, sans faire claquier les brassals: & donnera à chacun des deux cheuaux du pain, ou de l'herbe, ou quelque autre friandise propre à leur goust: & soudain qu'ils en aurōt prins chacū vñ morceau, il leur fera doucement entendre sa voix, & tascera de leur manier la teste, en leur redonnant souuent des friandises: & au commencement faudra que cest homme armé caresse le cheual qui sera asseuré, le premier: car cela fera plustost resouldre le paoureux ou sauuage. Ayāt fait cecy plusieurs fois, on pourra comēcer à luy faire recognoistre peu à peu en le caressant, le mouuement & la rumeur des armes: & comme il aura perdu les premieres & plus grandes apprehensions, il

faudra quel homme qui sera armé, trouue moyen de luy faire prendre, ce qu'il luy voudra donner à manger, à la pointe d'une espee rabaüé, bien fourbie: & raschera aussi de luy en donner avec la main de ladite espee, la tenant tousiours, & de l'autre main luy frotera la teste, rädís qu'il mangera les friandises: afin qu'en recognoissant & goustât les carettes, il s'assure au mouuémēt & à la lueur de l'espee. Et pour le mieux assurer à la rumeur des brassals, il luy faudra faire souuēt cribler son auoine à sa veüē & d'assez pres, par vn pallefrenier qui soit armé, & qui en la luy donnât le sçache flatter de la voix, & froter, & manier en diuers lieux Il sera bõ aussi de le faire bouchonner & penser longuemēt par ce pallefrenier armé, ou quelqu'autre, qui aye le iugement de faire des mouuémēs des bras petits ou grands, selon que le cheual en aura peur, ou qu'il s'assurera: & se faudra ordinairement seruir d'armes blanches, à cause que ceste lueur trouble communément bien fort le cheual ombrageux, & quelques fois de noires, & comment qu'elles soyent, n'oublier pas l'accoustrement de teste. Car ce qui estonne plus les chevaux poureux, voyäs vn homme armé, est de ne luy recognoistre la forme du visage. Qu'il soit vray, on void communément qu'ils n'osent bonnement approcher d'un homme en pourpoint, s'il met seulement son chapeau, ou quelque autre chose deuant la face.

A Y A N T ainsi assuré le cheual à la forme, à la lueur & au bruit des armes, le Cavalierce prendra vne espee nuē, de laquelle il commencera de frapper peu à peu sur la sallade de cest hõme armé, en tournant à l'entour d'iceluy: lequel cependant carressera le cheual, en luy donnant quelque friandise, & en le touchant doucemēt de la main en quelque endroit du col, ou des espaulles, iusques à ce qu'il soit assuré au son des plus grands coups de ceste espee, & à l'action du bras du cheualier.

A P R E S si l'on a moyen de faire vne statuē de toile pleine de foin, & semblable à la forme d'un hõme, laquelle statuē soit armee de papier peint, ou couuert, de façõ qu'il ressemble estre de fer, il la faudra faire tenir debour, & prestē à tomber facilement, dedans vn pré fauché, ou en quelque autre lieu plain & commode: de ceste statuē faudra approcher le cheual, & après la luy faire choquer & porter plusieurs fois par terre, à sçauoir au commencement allant le pas, & puis le trot, & au galop, & en fin à toute bride, iusques à ce que le cheual craintif en aye du tout perdu l'aprehension.

I L sera après fort ayisé de l'assurer par ce mesme moyen au combat de l'espee. Car il est certain que le cheual craint beaucoup plus vn hõme armé estant à pied, que s'il estoit à cheual, à cause qu'il le recognoist moins: Toutes fois il s'en trouue plusieurs, qui craignent d'accoster les autres chevaux, les vns à faute d'accoustumance, & les autres pour auoir la bouche si legere & sensible, qu'ils craignent de rencontrer quelque chose avec le mors ou le nez. C'est pourquoy vne des principales parties qu'on desire en vn cheual de combat, est qu'il ayt la bouche à pleine main, & qu'il porte le front droit. Il y en a d'autres qui n'osent accoster non plus, à cause qu'ils sont extrêmement apprehensifs & timides, ou qu'ils se sentent foibles de membres. Comme que ce soit, il leur faudra souuent donner leçon, & les promener longuemēt avec vn autre cheual assuré, en tournant estroit, & de façon que les deux chevaux ayent le nez aux fesses l'un de l'autre, & que presque les genoux des Cheualiers se touchent, & que cependant chaque Cheualier caresse & frotte souuent la teste, ou le col du cheual de son compaignon.

## CHAPITRE. XX.

**I**L est certain que le cheual craint naturellement le bruit, & beaucoup plus le feu, que ne font plusieurs autres especes d'animaux: & tant plus est colere, sensible & vigoureux, tant plus se trouue-il communément actif & apprehensif, & par consequent moins asseuré aux arquebuzades. Toutesfois pourueu que la veüe en soit bonne & les yeux semblables, il sera beaucoup plus ayzé de le refoudre, que si estât faisi de la mesme crainte, il estoit de sa nature flegmatique, timide & de peu de force. Si doncques ce doute & cest effroy leur est naturel, tant plustost doit-on commencer en leur ieunesse, de leur faire pratiquer les remedes Et pour les premiers & plus asseurez le Caualerice trouuera moyen de faire souuent voir au cheual vn arquebuzier à la campagne, & d'assez loin, droict auquel il menera le cheual: & comme il sera enuiron quarante ou cinquante pas apres, l'arquebuzier tirera vn petit coup de son arquebuz, & soudain ira le pas au deuant du cheual, luy presentant quelque friandise qu'il aura toute preste en sa main pour cest effect. Et si le cheual n'en ose approcher, le Caualerice taschera de l'asseurer avec la voix & la main, & aura la patience de le faire cheminer autour de l'arquebuzier, & du costé qu'il tournera plus facilement: afin que sans entrer en autre dispute, & sans le precipiter ou tourmenter, il aye moyen de le faire approcher peu à peu pour luy faire sentir & prendre ceste friandise dans la main de l'arquebuzier, qui cependant que le cheual la mangera, le flattera en luy frottant le visage & le col, & luy faisant sentir souuent son arquebuz, & voir & ouyr doucement le mouuement & le bruit de la serpentine. L'ayant ainsi caressé & asseuré, il rechargera plus ou moins son arquebuz, selon que le cheual aura eu peur de ce coup: & cependant le Caualerice le promenera sagement par le droit, passant & repassant fort près de l'arquebuzier, iusques à ce qu'il aye rechargé. Apres le Caualerice s'esloignera pour recommencer la mesme chose au pas, au trot & au galop, renforçant ainsi à tous les coups, iusques à la course: & en continuant fera croistre peu à peu la charge de l'arquebuz, & tirer de plus pres, selon que le cheual se refoudra: sans toutes fois que le feu, ny la poudre touche le cheual. Quoy que ce soit l'arquebuzier luy viendra sagement au deuant toutes les fois qu'il aura tiré, quand ee ne seroit que pour euitier l'odeur de la fumee de la poudre, qui communément desplait aux cheuaux. Car il faut fuir tant qu'il est possible, mesmement en ces occasions, les accidens qui se pourroient ioindre à l'imperfection principale du cheual.

## PRECEPTES PARTICVLIERS POVR LE

*chastiment des cheuaux reuifs.*

## CHAPITRE XXI.

**E**sçay que fort peu de ieunes cheuaux consentirôt à tous les remedes susdits sans estre quelquefois contraints & battus: mais afin que le Caualerice n'employe la force, ny la rigueur, qu'entant qu'il y sera contraint par la raison, ie veux qu'il considere que iusques icy ie ne prens pas les susdites fautes proprement pour vices, mais plustost comme faictes par ignorance ou incapacité de ieunesse, ou par quelque defect, ou imperfection de nature: & qu'il n'y a rien qui confonde tant le cheual, que les chastimens violens, qui luy sont incogneus:



& mesmemēt quand il les reçoit pour des fautes incogneüs & naturelles. Et quād bien le cheual aura autrefois bien seruy, & que seulement pour quelque mutation malicieuse il soit deuenü retif, tousiours les susdits remedes seront bös & assurez: & lors, s'il est besoing, ils se pourront faire avec moins de respect: d'autāt que le cheual ne sera pas nouveau aux chastimens qui le pourront contraindre, quand il sera desobeysant & obstiné. Mais s'il est retif pour auoir esté trop contrainct & gourmandé, il faudra obseruer autant de douceur & de patience que s'il estoit poulain. Je veux aussi que le Cauallerice se souuienne, que les esperons grands & fort poignans sont extremement contraires à l'escole des ieunes cheuaux, mesmement à ceux qui sont sensibles, ombrageux & retifs: par ce que s'ils sont de leur humeur naturelle fort flegmatiques, ou melancoliques, les chastimens de ces esperons les pourront effrayer & rendre plus timides, & par consequent les faire plustost deuenir retifs s'ils ne le sont, que determinez s'ils sont ramingues. Et ceux qui seröt sanguins ou coleres s'en pourront aussi facilement desdeigner ou desesperer, au lieu de se rendre obeissans, voila d'oü vient le plus souuent que les cheuaux pissent de rage, ou d'effroy, ou qu'ils vont cherchant les murailles, ou s'arrestent tout à fait, & pour se defendre se mettēt en deuoir de mordre les iambes & les pieds de celuy qui les pique, ou de luy donner des coups de pied sur les talons: ou quelquefois, à faute d'autre remede, se couchent par terre, ou se mettent en hazard de se precipiter avec celuy qui est dessus. Tellement que pour le plus seur, les esperonnades aspres & si violentes doiuent estre reseruees pour les derniers remedes, vñt plustost des coups de fouët, de nerf ou de gaulle, qui se donent dés la moitié du corsāge du cheual en arriere. Car tels chastimens sont propres à le chasser en auant, & avec beaucoup moins d'estonnement, de quelque humeur qu'il soit.


---

DES CHEVAUX RETIFS POUR AVOIR

*esté trop battus sur la teste.*

---

CHAPITRE XXII.

 I le cheual est ombrageux & retif pour auoir receu de trop grands coups sur la teste, comme il aduiuent souuent, ou pour les craindre de nature, il faudra premierement remedier à ceste crainte, qui est cause de l'imperfection. Et le plus expedient, est d'acoustumer le cheual par caresses & longueur de temps à se laisser espouffeter & frotter, principalement la teste & le visage, dedans & dehors l'Escuyrie, avec vne queuë de renard emmanchee, iusques à ce qu'il n'en craigne non plus le mouuement, ny les coups, que de l'espouffette ordinaire: comme il aduiendra sans doute, si l'on y apporte la patience & la discretion necessaire. Car ceste queuë est beaucoup plus molle & plus douce que la toille, de quoy, l'on a acoustumé de faire les communes espouffettes d'Escuyrie: & le Cauallerice menant le cheual à la campagne, luy en donnera peu à peu ordinairement sur la teste, autour des yeux & des oreilles: tout ainsi comme s'il le vouloit esmoufcher. Et si d'auenture il estoit trop sauuage, il sera bon, pour l'auoir plustost assure, de faire au commencement les mesmes choses à vn autre cheual, qui n'aye poine de peur, & qui soit tout contre le poureux: afin qu'on aye moyen de leur frotter & espouffeter les testes, & les caresser ensemble. Et quand le cheual craintif n'aura plus de peur des coups de ceste queuë, on fera le mesme remede avec vn petit fagot à pleine main de roseau fleury, qui soit bien lié. En continuant la susdite reigle & ostant tous les iours vn peu de la houppe de ce fagot, il n'en craindra plus à la fin le mouuement, ny par cōsequēt celuy du baston, & pour le dernier remede, il luy fau-

dra souuent faire prendre quel que friandise au bout d'un baston, & cependat qu'il la mangera, luy passer & repasser plusieurs fois, & discretemet ce baston aupres des yeux & des oreilles, & luy frotter le visage & le col avec la mesme main, qui tiendra ce baston, ou le susdit fagot. Et si apres qu'il semblera estre exempt de ceste crainte, il continue de s'arrester & reculer à son gré, le Caualerice ne le doit pour cela auenturement battre, ny menacer, s'il est possible, avec le nerf: car il reuiendrait facilement à son premier soupçon: mais plustost raschera de le faire aduancer avec la voix, & quelques coups d'esperon donnez plus en arriere, que l'ordinaire. Et pour le mieux chasser & luy oster ces impressions crainctives, il luy faudra souuent apprestier vn fort homme, quil attende avec vne longue & grosse gaule, ou vn fouët, là où l'on pensera qu'il le voudra arrester, ou le faire suivre iusques en ce lieu, pour le fouëtter fort & ferme, en criant & le menaçant à haute voix: & cependant le Caualerice messlera quelques bonnes esperonnades parmy les cris & les coups de fouët, que cest homme donnera au cheual, iusques à ce qu'il l'aura fait desloger du lieu qu'il se fera arresté: & ne faudra vsér, que le moins qu'on pourra du chastiment de la gaule, principalement sur les espauls, qu'il n'ait auparauant perdu ceste apprehension des coups de la teste.

## DES CHEVAUX RETIFS POUR AVOIR ESTÉ

*trop batus & gourmandez des esperons.*

## CHAPITRE XXIII.



I le cheual est rebuté ou retif pour auoir esté trop rudement & longuement exercé, & trop asprement batu avec les esperons, il le faudra premierement laisser séjourner iusques à ce qu'il aye repris ses forces & premiers esprits: & s'il n'est bien sein dedans le corps, il le faudra purger: car estant malade, ou plein de mauuaises humeurs, le Caualerice perdra le temps & la peine qu'il mettra pensant le remettre en son premier & courageux estat: d'autant que ceste indisposition le rendat par accident colere melancolique, quoy qu'il soit naturellement mieux composé & de bonne inclination, le pourra disposer à quelque nouueauiue. Mais estant sain, seiourné & bien nourry, l'on pourra apres commencer de l'exercer à la campagne, au large & en diuers lieux, peu & souuent, & sans esperons, euitant tant qu'il sera possible toutes les occasions qui le pourront faire battre. Neantmoins toutes les fois que le Caualerice cognoistra qu'il se voudra arrester, & qu'il aura quelque dessein malicieux, il ne manquera de le brauer & menasser à haute voix, & s'il est besoin le fouettera à trauers les fesses & le ventre avec vn fouët, ou vn nerf: & pour plus grande facilité il faudra estre secouru d'un homme, qui suiue ce cheual sur vn bidet ordinairement à vingt-cinq, ou trente pas de distance, lequel se tienne tousiours prest pour mettre diligemment pied à terre, quand ce cheual retif refusera d'aller en auant, & pour le chasser à grands coups de fouët, sur les fesses, & à trauers les iambes, principalement s'il se defend en ruant. Il faudra aussi que le Caualerice soit curieux de le caresser, quand il luy obeyra librement: car la douceur est autant & plus necessaire aux cheuaux estonnez & rebutez, qu'à ceux que l'on n'exerce, que pour leur apprendre ce qu'ils n'ont iamais ieu.

On continuera curieusement ces remedes, iusques à ce que le cheual sera déterminé: & apres le Caualerice prendra des esperons mornez, lesquels il luy fera discrettement sentir peu à peu: & pour luy oster & rompre les desseins & moyens

En quel  
aage on  
doibt cō-  
mencer de  
dōpter les  
ieunes che-  
uaux d'es-  
quine & de  
courage.

de s'arrester ou de se defendre, quand il luy voudra donner quelque aduertissement ou chastiment de ses esperons, il faudra que ce soit en criant & le menagāt à haute voix, & entre trois ou quatre bons coups de fouet, ou de nerf, & au mitan d'un partir furieux de quarāte ou cinquante pas, ou d'une assez longue course. C'est icy proprement vne petite bourrasque de diuers chastimens faits ensemble, afin que premier que le cheual se soit apperceu d'oū luy vient la douleur particuliere des esperonnades, il aye passé l'endroit & le temps, auquel il aura accoustumé de s'arrester soudain apres les auoir receus. Bref il faut en ceste occasion proprement obseruer les moyens par lesquels le bon Caualcadour cōmence à faire cognoistre aux poulains l'aduertissement & les effects des esperons, & s'il se peut avec plus de patience & d'industrie: à cause que les chevaux faits, ou qui passent cinq ans, sont plus capables de malice, & ont beaucoup plus de force, pour s'opposer & defendre à l'escole & aux chastimens, que n'ont les poulains. Voyla pourquoy l'on doit commēcer de les dompter aussi tost qu'ils ont attein trois ans, mesmement quād de race ils ont beaucoup de courage & d'esquine. Car d'autant qu'ils sont en cest aage encores innocens & foibles, ils sont aussi moins de difficultez & de defenses, & par cōsequēt moins d'efforts: de maniere qu'ils peuuent apprendre par vne douce & longue pratique, & sans estre foulez, ce qu'ils ne feront sans beaucoup de desordre & de dangers, si on ne les monte iusques à ce qu'ils soyent en leur grand force. Je veux dire aussi par ceste mesme raison, que si le cheual rebuté & retif trop long temps gardé son vice, sans que l'on y aye pourueu, ou si l'on y a mal opere, il faudra que le Caualerice se garde que, en se rebutant soy mesme, il ne precipite temerairement ses remedes avec le mauuais naturel du cheual. Car en fin il faut considerer que ces accidents vicieux pourront, par la longueur du temps & l'habitude, estre conuertis en nature, mesmement si la complētion du cheual y a esté disposée, & pour y remedier il faudra consequemment se resoudre à vne longue & curieuse patience, sans laquelle tous ces moyens se trouueront inutiles.

### D'AVTRES CHEVAUX RETIFS ET MALITIEUX.

#### CHAPITRE XXIII.



Ly a d'autres chevaux melancoliques, qui sont vrayement rotifs de pure malice, & peut estre pour auoir esté redoutez des cheualiers, qui les ont exercez, ou qui s'en sont voulu seruir: de maniere qu'au lieu que ceux que ie viens de dire, deuiēnt vicieux pour estre trop rigoureusement picquez, le vice de ceux-cy procede en partie pour auoir esté trop respectez. Ce sont les chevaux ramingues & chatouilleux, qui communément se veulent defendre quand on les veut seller ou brider, ou qui souuent aussi tost, qu'ils reçoient vne esgraigneure, ou vn petit coup d'esperon donné par vn mauuais homme de cheual, ne faillēt point de leur rendre quasi au mesme tēps la risposte d'un coup de pied sur vn tallon, en baissant les oreilles, & en s'esmouschant les flancs, & les costez, avec la queue: & quand ils sentēt redoubler mal à propos les esperonnades donnees avec crainte, ils s'arrestent tout court pour reculer, ou pour faire quelque saut disgratié, en intention de mettre le mauuais cheualier par terre: ou aucunes fois vont cherchant les murailles pour luy en rasper les genoux & les iambes: & quelque fois y veulent porter les dents. Ce sōt les effects de leur inclination naturellemēt maligne. Or pour le regard de ces chevaux si mal nais, toutes les fois qu'ils ferōt ces traits villains & desloyaux au bō Caualerice, ie ne le dispēse pas seulement, mais ie le prie d'en auoir sa raison, à grāds cris



& coups d'esperon & de nerf, & encores les faire fouïetter à tour de bras, perfeuerât iufques à ce qu'ils fe seront mis en deuoir d'obeyr. Car s'il est possible il ne faut iamais laisser vaincre les cheuaux, qui ont le courage double & malin. Toutesfois ie ne veux pas que le Caualerice se laisse tant transporter à la colere, qu'il ne soit tousiours attentif & prest à recevoir avec quelque douceur le consentement de tels cheuaux, pour si peu qu'ils obeyssent: car autrement les chastimés seront inutiles ou plustost cause de plus grands desordres. Et s'il aduient que tant qu'ils seront à l'escole, ou autrement sur l'exercice, ils ne facent compte des careffes, le Caualerice ne le doit trouuer estrange: car les cheuaux de bonne nature en font bien quelquefois de mesmes estans en colere: & à plus forte raison ceux icy, qui communément sont coleres, fort adustes de leur naturel, & qui ne peuuent aymer l'homme, ny ses careffes. Mais pour tout cela il ne faut laisser de les flatter, quand ils se chastient: car à la longue les careffes bien dispensées leur pourront faire recognoistre les effects des bons chastimens.

Pour voir vne preueue que le cheual retif & malicieux, contraire directement en ce qu'il peut, à la volonté de l'homme, c'est que si on luy attache à la queue vne corde trainant en terre, & que cependant qu'il recule, outre le vouloir du cheualier, quelqu'un prend diligemment ceste corde, & la tire tant qu'il pourra pour le faire reculer d'auantage, il aduiendra souuent que ce cheual de mauuais naturel se sentât ainsi tiré en arriere, s'aduancera, & partira comme fuyant, montrant presque par cest indice, qu'il pense que le cheualier se vueille preualoir du reculer, qu'il ne fait que pour luy desobeyr & desplaire. Or combien que ce remede chasse en auant le cheual retif, pour cela ie ne le baille pas pour chastiment du vice: au contraire c'est plustost adherer à la desobeyssance, puis qu'il ne s'auance qu'entant qu'il luy semble qu'on le veut faire reculer.

Ie pourrois encores adioufter sur ce propos vne grande quantité de remedes, que i'ay pratiquez autrefois pour chasser en auant les cheuaux retifs, soit par le feu ou l'eau, appliquez en diuerses façons, & aux parties plus sensibles, qui foyent au corsage & aux membres du cheual, & mesmes par le moyen de quelques animaux, & autres choses qu'on luy peut attacher à la queue, ou mettre dessous icelle: ensemble de certains esperons faits par curiosité superstitieuse, qui reussissent aucunes fois. Mais parce que ie suis ennemy de ces petits secrets inuentez à faute d'art, i'en rejets le discours & la pratique à ceux qui s'y arrestent plus que moy.

Auant que passer plus outre, ie veux de nouveau aduertir le Caualerice, qu'il se souuiene de la commune erreur de ceux, qui pensent que la premiere chose qu'on doit faire pour rendre le cheual aysé & bien maniant, c'est de luy affermer la teste & la bouche: ie dis au contraire qu'il n'y a desordre, qui endureisse tant la teste, la bouche & le col du cheual, & qui le rende tant, ny si tost entier, que de luy vouloir affermer la teste, & luy faire vne belle & ferme posture de col, auant qu'il sçache tourner librement, pour le moins de mediocre largeur, & à toutes mains. Il vaut doncques mieux en ces commencemens & premieres leçons luy laisser la liberté des cordes & des rennes, telle qu'en le soustenant mediocrement d'icelles, ou luy puisse aussi facilement attirer la teste du costé qu'on le voudra tourner, afin de luy redre l'action plus libre en tournant: car puis après en estreissant peu à peu la proportion de ses ronds, larges & ordinaires, & en l'adiustant au parer, on pourra par mesme moyen luy ramener le col, & ensemble luy affermer la teste.

DES CHEVAX RETIFS OV' ENTIERS A QUELQUE  
main, & de la difference du retif à l'entier sur les voltes.

## CHAPITRE XXV.



N void beaucoup de chevaux qui seruent, & qui vont en auant par tout, où l'on veut, qui neantmoins sont retifs ou entiers à quelque main, à laquelle ils ne tournent qu'à grande difficulté: ce qui aduient le plus souuent à faute d'auoir esté bien exercez en leur ieunesse. Il faut en cecy que le Caualerice considere, qu'il n'y a cheual, qui ne soit naturellement droitier, ou gaucher, & par consequent, qu'il ne luy soit beaucoup plus facile de tourner du costé, qu'il se sent plus foible, afin que le plus fort puisse mieux faire la plus grande action du tour. Les hommes mesmes le font ainsi: & ie m'en rapporte à ceux, qui ont quelque rare disposition, & qui ayment à dâser, lesquels peuuent sçauoir cōbien il leur est naturellement plus aysé de faire vn passage fort, en tournant, ou vn sault rond, du costé gauche que du droit, s'ils ne sont par nature gauchers. C'est dōc pourquoy la plus part des chevaux ont plus d'inclination sur la main gauche, que sur la droite. L'on attribue coustumieremēt ce defaut à la main du varlete mais sans doute quand le cheual n'aura iamais esté exercé qu'en bōne escole, encores aura-il tousiours vn costé plus libie que l'autre. Et quand il aduient que c'est le droit, c'est aussi vn signe, qu'il doit estre gaucher & souuent de nature maligne. Et de fait on void par experience, que ceux qui sont naturellement retifs, ou entiers à la main gauche, se defendent plus long tēps, & donnēt beaucoup plus de peine au Caualerice, que ceux qui refusent de tourner à la droite. Et pour expliquer la difference de l'entier au retif, c'est que l'entier tourne forcément, & cōme d'une piece, sans vouloir regarder dedans la volte, à faute de souplesse de col, ou de pratique, ou de bōne inclination, ou pour des accidens diuers, que ie diray aux leçons suiuant. Et le retif refuse tout à fait de tourner, quand il luy plaist, cōbien qu'il aye esté dressé, & qu'il le sçache faire, & mesmes s'enfuit de l'autre costé, ou par le droit, quād on le veut cōtraindre: de quoy les remedes sont beaucoup plus longs & mal ayséz, que s'il estoit seulement retif ne voulant aller par le droit. Or pour euitier entant qu'il se peut toutes ces imperfections, ie ne puis approuuer que le Caualerice obserue à son escole ordinaire, la vieille regle de commencer & acheuer tousiours sur la main droite les leçons du cheual nouveau apprentif, ou tel qu'il soit: mais ie veux que la premiere fois qu'il y montera pour le dresser, il le mene à la campagne en lieu qu'il le puisse faire trotter, ou galopper spacieusement pour rechercher & recognoistre à chasque main son inclination naturelle, & apres qu'il face d'ordinaire le commencement, le mitan & la fin de ses leçons indifferemment à main droite, ou à gauche, selon l'art & les remedes propres à la mauuaise habitude, ou de foiblesse, qu'il aura descouuert au cheual, & sur tout qu'il se souuienne, & se represente en toutes ses leçons, que les effectz de la rigueur n'apportent iamais à la fin tant de facilité & de perfection, que sont les vrais moyens de l'art, par lesquels on peut gaigner peu à peu le consentement & le naturel du cheual.

Difference  
du cheual  
retif & de  
l'entier.

LE Caualerice ayant recogneu que le cheual fait beaucoup de difficulté de tourner à quelque main, ou qu'il ne tourne que selon qu'il luy plaist, il obseruera pour quel que temps la compagnie d'un autre cheual paisible & dressé, gardant le mesme ordre; que i'ay dir parlant de ceux, qui sont retifs par le droit. Apres il le menera en

lieu plain & vny, où il y aye des ronds marquez & fort larges. Car ceste figure luy donnera quelque occasion de regarder en terre, & de cheminer plus librement sur la piste ronde & limitée: en ces ronds il le promenera patiemment le petit & le grand pas deux heures le iour, & ordinairement à la main qu'il se defendra, chageant iouuent de rond, pour ne l'ennuyer trop, & quelquefois de main, afin que le tourner trop continué sans changer ne l'estourdisse: & tant qu'il tournera du costé qui luy sera mal-aylé, le Cavalierice taschera de luy faire plier le col, & porter la teste dedans la volte avec la corde du caueillon, sans s'attacher à la bride: & s'il est besoing avec la pointe du nerf, ou de la gaulle, sans toutesfois le contraindre trop. Car le moins de desplaisir qu'on luy pourra faire en ses commencemens, sera le meilleur.

PLVSIEURS fois il le menera en lieu incogneu, & en iceluy le fera cheminer dix ou douze pas par le droit, & puis le tournera estroit vne, ou deux, ou trois fois, selô qu'il obeira librement à la main qu'il sera recherché: & soudain fera encores autât, ou plus, ou moins de chemin par le droit, pour aller tourner de nouveau en vn autre lieu, & du mesme costé: quelquefois faudra tourner sur la main que le cheual fera plus libre, afin qu'il aye moins d'occasio de se fâcher & despiter. Ceste leçon de pas sera fort profitable, si elle est bien effectuée & continuée avec art & patience: parce qu'elle se pourra faire tant longue, qu'on voudra, & mesmes que les leçons de pas sont propres pour fortifier la memoire aux cheuaux, qui en ont moins, & pour leur amollir & faire plier le col du costé, qu'ils sont entiers: à cause qu'elles sont les moins violentes, & par consequent le cheual en est en action moins tendu.

Si le cheual estant fâché peut estre de tourner trop de tours en vn lieu, ou trop estroit, se met en defense en ce cabrât, ou en fuant en auant, ou de l'autre costé, comme font comunémēt ceux qui sont coleres & apprehensifs, le Cavalierice taschera de l'appaiser, s'il est possible, sans le battre, en cheminant à loisir par le droit, luy tendant souuent la main: & quelquefois tournant du costé, qui luy sera plus facile, iusques à ce que ceste mauuaise fantaisie luy soit aucunement passée, pour puis apres recommencer à tourner de l'autre en vne plus large & nouuelle place, en tirant accortement la corde du caueillon à petites secousses, interrompues & differentes, qui seront souuent beaucoup plus d'effect, que si la corde estoit tousiours bandée d'une façon: & principalement à certains cheuaux coleres & despiteux, lesquels au lieu de ployer le col, & porter la teste du costé de la corde, qui les doit attirer sur la volte, s'opposent & se bandent obstinément contre l'effort d'icelle corde. Il est aussi quelquefois nécessaire à tels cheuaux de lascher entièrement ceste corde, pour leur donner druement de petits coups sur le bout du nez, du costé opposite avec la pointe de la gaulle, qui du commencement leur pourront bien fort desplaire: toutesfois estans continuez avec iugement ils seront à la fin profitables.

Et pour l'attirer plus facilement, le Cavalierice en le caressant l'accoustumera sans bouger d'une place, à prendre de l'herbe, qu'il tiendra entre son pied & l'estrieu, du costé qu'il ne voudra tourner librement. Et luy ayant fait recognoistre ce plaisir, continuera la fudite leçon: & toutes les fois que le cheual refusera de tourner, le Cavalierice au lieu de cōtester & de le battre, luy donnera quelque libéré de bride & de caueillon, pour luy faire amollir l'action trop tendue du col: & en auançant le pied & l'estrieu luy montrera l'herbe le plus pres du nez qu'il pourra: & comme le cheual tournera le col, portant la teste de costé pour prendre l'herbe, le Cavalierice reculera le pied peu à peu faisant cheminer doucement le cheual sur la volte, & remettant en mesme tēps les renes & les cordes accortement en bon estat. Ce remede



sera fort profitable au cheual de nature paisible: mais s'il estoit colere & vindicatif & qu'en voulant prendre l'herbe il se sentist piqué de ce costé, ou qu'en ce temps il fust en souuenance de l'auoir peu auparavant esté, il apprendroit facilement à se fendre, & à mordre le pied du Cheualier, au lieu de prendre l'herbe: mais en tel cas on pourra faire la mesme chose, ayant l'herbe attachee au bout d'un baston.

IL sera bon aussi de le tenir attaché avec le caueffon, deux heures du iour, cependant qu'il sera en l'Eſcuyrie, de façon qu'il tiennne le col vn peu plié du costé qu'il tournera difficilement, & faut le mettre en telle place, qu'il puisse ordinairement voir de ce mesme costé la porte de l'Eſcuyrie: afin que l'entree des viures & des personnes, & mesmes le son du crible & l'arriuee de l'auoine, luy attirent de ce costé le col & la teste avec le courage.

A mesure que le cheual se rendra facile à tourner de pas, le Caualerice le laissera quelquefois halster en' essargissant la volte, afin qu'il se glisse, & se mette de soy au trot sur icelle: & premier qu'il se soit raduisé, ou qu'il commence à ce fascher du trot, le Caualerice le remettra doucement au pas, sans l'arrester, en le flattât & resserrant sa piste, iusques à sa premiere proportion: Si ces moyens sont continuez avec ordre & bon iugement, le cheual apprendra à tourner facilement de pas à toutes mains, & se mettra par pratique du pas au trot sur les voltes larges, sans vser de plus grande importunité.

LE cheual estant reduit en cest estat, le Caualerice le refoudra viuement au trot à chaque main, & l'exercera souuent à l'entour de quelques arbres, ou des mottes, pour ayder à luy tenir la croupe hors la volte, qui est vne action du tout contraire à celle qui red les cheuaux entiers: & tout ainsi qu'il aura esté gaigné du pas au trot, il faudra aussi le mettre d'une mesme ordre, du trot au galop, en l'escueillant souuent de la voix & du son de la langue, ou du mouuement du bras, & du nerf: & luy aydant s'il est besoing, (en tournant à la main difficile,) quelquefois de l'esperon dedans la volte, & de la gaulle, ou du nerf sur l'espaule contraire: ou comme j'ay dit, sur le bout du nez. Quant à l'espace des ronds, il ne se doit limiter en toutes ces leçons, ny pour l'ordre general de l'escole: parce qu'il les faut obseruer large ou estroit selon la durté du col, & de la bouche, l'obstination, l'obeissance, la stature, & disposition du cheual.

Si le cheual se defend trop à tous ces remedes, l'approuue lors l'ayde d'un homme à pied dedans la volte, qui tiennne la corde du caueffon, de la façon que les Caualerices scauent qu'il la faut tenir: & de ceste corde l'homme de pied luy donner des secouffes, pour le chastier seulement quand il voudra fuir la volte, & nō autrement. Mais il aura ordinairement de l'herbe ou quelque autre friandise en ses mains, pour l'attirer à soy par douceur: car si le cheual, de nature rebelle n'en receuoit que du desplaisir, au lieu d'en approcher il se mettroit souuent en deuoir de luy eschapper, pour euitier le chastiment trop continué & mal à propos. Voyla pourquoy il faut que, tant que l'homme de pied tiendra la corde, le Caualerice face ce qu'il pourra pour faire tourner le cheual sans que l'homme de pied s'en mesle: si ce n'est quand le cheual voudra forcer la main du Caualerice: & encores faut-il que le cheual reçoie du cheualier tousiours le premier & le dernier desplaisir du chastiment, afin qu'il luy obeyffe micux, & qu'il craigne moins l'homme de pied.

A VŒVNS Caualerices se seruent en cecy d'un arbre, d'un pillier, ou poteau assez

haut & fiché fort auant dans terre, auquel y a vn gros aneau entaillé, qui l'acolle à vne aulne, ou enuiron, de haulteur sur terre: lequel aneau tourne facilement sans pouuoir monter ny descendre: & en cest aneau ils attachent le cheual entier, ou retif, avec vne corde, qui tient à vn autre petit aneau expressément mis au mitan de la voure d'vn cauesô retors & d'vne piece, ou d'vne segnette, assauoir au mitan, tât pour luy faire mieux plier le col, & tenir la teste dans le rond, que pour auoir plus de moyen de chager de main. Apres ils fôt trotter, ou galopper le cheual large, ou estroit autour de ce pieu, ayant des hommes tous prests pour le fouëtter s'il s'arreste, ou se met en defense, & par ce moyé le contraindret de tourner & d'obeir. Je ne veux pas du tout reprotuer ce remede: car ie scay qu'il peut aucunes fois reussir & aduancer l'obeyssance de certains cheuaux de peu de courage, & durs de col & de teste: mais ie veux bié que le Caualerice cōsidere que si le cheual entier ou retif est colere, sanguin & fort vigoureux, ce remede tant contraint sera du tout contraire à son humeur, & le mettra plustost en desesper, qu'en obeyssance: & s'il est aduste & malicieux, ceste grâde lubiection luy engendrera facilement quelque vile & nouveau vice, au lieu de le terminer sur la main entiere. Et quand bien il sera facile & de bon temperament, ceste corde limitee & condamnée luy pourra faire hayr l'escole & l'exercice, à cause de la trop grâde contrainte. De maniere que tous ces plus forts chastimés doiuent estre reseruez en general pour les cheuaux chargez, pesans, & qui ont beaucoup pl<sup>e</sup> de force, que de courage ny de vigueur. Et encorcs n'approueie pas en ce remede, que ceste corde soit du tout arrestee, mais plustost qu'un homme la tienne en cest aneau, qui accolle le pilier, estant tout contre iceluy: de façon qu'il aye moyen de l'alonger, retenir & accourcir, selon que le cheual se defendra, ou consentira, & qu'il pratiquera l'action du tourner: afin que par ce moyé il puisse cognoistre peu à peu l'effect & la cause du chastiment.

Il faut icy noter, que si pour contraindre le cheual entier à tourner fort estroit, on luy acoursit & arreste souuent & long temps la corde du caueson au poteau, de façon que presque la teste y touche, & que cepédant en le chastiant on luy pousse sans cesser la croupe en dehors, de sorte que les pieds de derriere facent le tour, & que par la cōtrainte du poteau la teste & les pieds de deuât soient au cētre: Il est à craindre que cest effort, en auillissant ou estourdissant le cheual, luy cause aussi quelque accident fort domageable en la ceruelle, mesmes vne desluction sur les yeux qui le priue de veü, & tant plus s'il est colere & fort sensible ou aduste. Partant il faut tousiours obseruer, que tous les remedes de cest art, se rapportēt au naturel du cheual à qui on les applique.

Si quelquefois en ceste occasiō le Caualerice se veut seruir de la corde du caueson attachee aux sangles, ou pour plus de cōmodité, à la teste de l'harçon, & passée entre le liege de la selle & de son genoüil, (afin d'auoir moyé de la lascher diligēment si le cheual recule, ou se cabre, ou pour quelque autre necessité,) & encore repasser s'il est besoin l'autre corde par le mesme aneau de celle qui sera ainsi arrestee, (afin de la pouuoir tenir à la main de la volte mal-aysee, de façon que les deux cordes soyēt ensemble du costé que le cheual se defendra,) il est necessaire que ce cheual aye desia quelque pratique d'escole: car autrement l'incongruité seroit trop grande. Et sur tout ceste corde ne le doit tant incommoder, ny contraindre, qu'il aye occasion de s'opposer obstinément au remede, en se bandant & tirant au cōtraire d'icelle corde: principalement en changeât de main, & en tournât du costé plus facile: car cela luy feroit faire vne action d'espaules & de col diforme & tant penible, qu'elle l'induiroit à craindre & hayr d'auantage la main difficile. Mais afin de l'attirer &


vaincre avec plus d'art & de douceur, & moins de desordre, il suffira que quand la bride sera en son appuy ordinaire la corde condamnée puisse tenir le col & la teste du cheual vn peu plus sur le costé entier, que sur l'autre: & que s'il faut vser de plus grande violence, ce soit avec le bras & la main, & l'autre corde passée du mesme costé. Et pour rendre la raison pourquoy le chastiment fait avec la corde, qui ne prend sa force que du bras & de la main du Caualerice, est ordinairement en cecy beaucoup plus profitable que l'autre, c'est que celuy de la corde arrestee n'a que le seul effect de tenir le col & la teste du cheual au point limité par la longueur d'icelle corde, & celuy qui se fait avec le bras & la main estant guidé du bon iugement du cheualier, peut contraindre le cheual, & luy donner liberté selonc qu'il se defend ou qu'il obeit: & par consequent le remede en est plus naturel, & luy doit mieux faire cognoistre la franchise, qu'on recherche en son exercice, ensemble l'occasion du chastiment. Et combien qu'aux communes escoles l'on voye faire vne reigle generale de chastier & gagner toutes sortes de cheuaux fort entiers à force de les contraindre à tourner longuement du costé mal-aisé, si faut-il que le bon Caualerice considere, qu'il se peut faire en cela beaucoup d'erreurs. Car toutes les humeurs & complexions des cheuaux ne sont pas propres à ceste grade subiection extraordinaire, ny tous les cerueaux disposés à ceste continuelle actiō de tourner, ny les forces capables de fournir tant de voltes d'vne aileine, & en vn lieu. De maniere que tāt s'en faut que ce remede puisse bien faire la souplesse du col, ou des espaulles sur les voltes, & gagner le consentement de toutes sortes de cheuaux entiers, que plustost il emmenera l'occasion de rebuter en peu de temps celuy, qui sera aysé & déterminé en quelque bon manège. Que si l'on en void quelcun vn qui se reduise en obeissance, par les moyens plus contraincts & violens, il faut croire que c'est par hazard, & qu'il doit estre de fort bon tēperament, ou de peu de vigueur. Il sēblera par aduēture à quelque esprit curieux, q̄ tout ainsi quel'on void chastier le cheual singart en le chassant & poussant rudement en diuers lieux, & plusieurs fois par de longues courses, & celuy qui tire à la main, en le faisant souuēt & longuement reculer, q̄ par mesme raison il doit estre licite de cōtraindre celuy, qui est entier, à tourner souuēt & grade quantité de tours, du costé qu'il se defend. Il faut en cecy cōsiderer deux choses: la premiere que la course, ny le reculer, n'est ou dit pas le cheual, comme fait le tourner: l'autre qu'en toutes occasions il aduient cōmunelement, que les plus excellens remedes & chastimens estās excessiuement effectuez, ou trop continuez & recognous, perdent à la longue leur proprieté plus vtile à l'escole & à l'obeissance du cheual. Et partāt il vaudra beaucoup mieux l'attirer peu à peu sur la main plus mal-aysee par la mediocrité des chastimens & des caresses, sans le precipiter, ny luy donner, que le moins d'occasion que l'on pourra, de se mettre en defense: & ne laisser, (pour quoy que ce soit,) del'exercer vn peu du costé qu'il tournera facilement. Car la pratique & facilité d'vne main peut seruir à celle de l'autre, quād ce ne seroit que pour diuertir le cheual d'aucuns desseins, qu'il fait souuēt pour se defēdre estāt trop importuné. C'est pourquoy la premiere fois que le bon Caualcadour de bardelle veut faire comprendre l'action du tourner au poulain neuf & sauuage; pour eui-ter l'occasion de contester & le mettre en defense, il doit prendre le premier tour du costé auquel le poulain a plus d'inclination: & mesmes quand aucune fois le cheual desobeyssant & obstiné à quelque main, ne se peut vaincre, il vaut mieux finir l'exercice de l'escole sur le costé, qu'il tourne librement, que sur le refus de l'autre. En fin les plus beaux moyens de cest art sont ceux qui sont moins contraires au naturel du cheual.

Il se trouue souuent des cheuaux entiers ou retifs à quelque matin, qui n'ot pas  
le co



le col trop dur ny trop tendu, mais quand ils ne sont en humeur de tourner du costé qui leur desplaist, & qu'on les y veut contraindre, ils se haussent, se cabrét & s'elancent fuyans sur la main contraire. En ses defences les effects de la camarre bien-pratiquez apportent ordinairement beaucoup d'aide. Mais d'autant qu'il pourra estre que le cheual ne craindra pas assez le cauesson ny la segnette, ou qu'il sera si malicieux qu'aussi tost qu'il n'aura plus la camarre, & recognoissant sa liberté il refera ses premiers desordres, alors ie veux que le Cavalierice prene en double vne corde, semblable à celles de quoy l'on se sert pour tenir les cheuaux tournez au filler, & qu'il passe le mitan & le ply de ceste corde dedás la bouche du cheual: de façon qu'elle luy accolle & serre ensemble la langue, les barres, les leures, & la barbe: Et si elle prend aussi l'emboucheure du costé qu'il aura accoustumé de se ietter, ou de strober, le remede en sera meilleur, pourueu qu'icelle emboucheure soit d'un simple canó. Ce ply de corde doit entrer par l'archet de la branche du mors, du costé que le cheual refuse à tourner, & sortir par le mesme archet, ayant fait le tour de la barbe: & les deux bouts assemblez de ceste corde doiuent passer dedans le ply & mitan d'icelle, de sorte que tout contre ledit archet il se face vn las qui serre & s'elargisse, à mesure que le Cheualier tirera & laschera ceste corde doublee. Ce chastiment donnera quelque occasiõ au cheual de tenir la bouche ouuerte, & de faire les forces: mais il aydera beaucoup aucunes fois à le gaigner sur la volte qu'il refusera, toutes fois il ne doit estre long temps continué.

En la susdite imperfection l'on peut vser aussi d'une muserolle entiere & canallée, laquelle soit dentelée en forme de segnette, seulement du costé que le cheual fuyra la volte, ou qu'il portera trop la teste: & outre les detelures, on y adioustera trois ou quatre vis, qui percent ceste muserolle, desquelles les pointes aduanceront autánt comme les dentelures ou moins ou d'auantage, s'il est besoin, par le moyen des escroües faites en ladite muserolle, ou segnette, à laquelle il ne faut point de cordes appliquees à la façon du cauesson ordinaire: car elle se doit arrester dessous la mâchoire, & au dessus de la gourmette par la courroye & la boucle, qui tiendront aux aneaux des deux bouts d'icelle muserolle: parce que d'autant que le cheual tient ordinairement le nez, ou le courage, trop d'un costé, l'incommodité & la douleur du remede doit estre aussi continuelle. Et par le moyen d'une longe, qui tiendra à vn autre petit aneau attaché & bien riué du costé que la volte desplaira au cheual, il se pourra aucunes fois faire des chastimens extraordinaires, selon son obstination, & non autrement.



## Des Preceptes.

71

L'APPROUVE en ces imperfections le remede de mettre & peigner souuent le crin, du costé que le cheual tourne plus difficilement, si d'aucuntre il estoit de l'autre part: car tout ainsi que le crin attire naturellement à soy l'humeur, qui le nourrit, il peut par mesme raison dōner quelque occasion au cheual de tourner, & porter la teste plus librement du costé que ceste humeur est attirée. Toutesfois le Cavalierice impatient ou mal fondé pourra souuent precipiter, ou du tout empescher les effectz des plus beaux & naturels remedes de cest art, qui ne réussissent qu'entāt qu'ils sont entendus & faits à leur temps.

### CHEVALX QUI PORTENT ORDINAIREMENT

*le nez plus d'un costé que d'autre.*

#### CHAPITRE XXVI.

**L**aduient aucunes fois que le cheual a la posture du col belle & iuste & la teste ferme, neantmoins il tient ordinairement le nez tourné d'un costé. A cela l'ayde du caueillon ne profite pas beaucoup, quoy que la corde soit passée en aucuns petits ancaux, qui se peuuent ioinde à l'espace qui est depuis le gros aneau ordinaire, iusques au ply, ou au mitā de la voute du caueillon: parce qu'il ne se peut mettre assez bas pour dresser le visage du cheual sās luy faire plier le col, ou sās mettre l'œil de la branche du mors en desordre: mais la fausse rene y est propre avec le canō simple. Car s'il estoit ouuert, ou qu'il fust accōpagné d'autre chose que de la ceciliane ordinaire, sās doute la fausse rene luy feroit offenser, & falsifier la bouche.

ENCORE vaudra-il mieux luy tenir d'ordinaire les deux renes du costé, qu'on luy voudra attirer le nez, soit en l'exerçant à l'escole, ou en allant par pais: car les deux branches du mors estans mises d'un mesme costé, & par consequent hors du rencontre du col & de la poitrine, elles ferōt tourner la bouche & le nez du cheual sans luy incomoder le col, ny la teste, pourueu que le Cavalierice tiēne la main de la bride iustement au droit de l'harfon, comme si le col du cheual estoit entre les deux renes & la corde du caueillon de l'autre costé, ou la fausse rene fort pres du col, afin qu'elle auffleure le cheual au defaut de la rene, sans que pour cela elle laisse de faire son commun effect. Chose qui sera assez mal-aycée au Cavalierice, s'il ne se sçait biē & diligemment ayder de la bride & du caueillon, également avec les deux mains. Ce qui ne se void pas souuent, combien qu'il se doie.

L'APPROUVE en cecy quelquefois les petites pointes, qu'on met aux portemors ou enuiron d'iceux, pourueu qu'on en vse avec discretion, & principalement quand le cheual est sensible & leger à la main. Mais s'il est pesant, ou que de nature il ayt la bouche dure, ce remede ne seruira pas beaucoup: parce que le cheual faisant peu de compte de la bride, (laquelle fait la principale operation dedans la bouche, & par consequent sur la chair despourueüe de cuir,) à plus forte raison deura-il moins craindre ces petites pointes, qui ne sont appliquees que sur la iouē.

PAR ses moyens le cheual fera la souplesse du col, & s'accoustumera à porter la teste droite, & la veuē sur la piste de la volte, & se rendra facile à toutes mains, si le Cavalierice y comportē avec iugement & patience: & au contraire s'il est mal fondé, ou si en se presumant faire en trois iours ce qui sera peut estre impossible en vn mois, il precipite le bon ordre de ses leçons, & le consentement du cheual, il fera ordinairement à recommencer ces moyens: & le plus souuent à la fin de ses peines mal employees il n'en receura honneur ny plaisir.



Si quelque accident, ou empeschement naturel, rend le cheual du tout incapable de tous ces remedes, tant moins en faudra-il vser, mesmemēt avec violēce, ains plustost tascher de remedier par autre voye à la cause de l'incapacite: & si elle est incorrigible ou incurable, il faudra cesser par consequent tous les moyens de l'exercice de l'escole, & faire seruir ce cheual à ce qu'il se trouuera plus propre. Car ce seroit trop grand erreur de vouloir contraindre nature à plus qu'elle ne peut. L'on void quelquefois des hommes qui naturellement, ou pour quelque accident, ont le col & le visage tousiours tendu, & tourné d'un costé, à quoy il est impossible de remedier: autant en peut-il aduenir au cheual.

Aucuns accidens qui peuvent rendre le cheual entier.

L'ay dressé autresfois vn beau genet de la campagne de Rome, d'aussi bōne nature, & autāt aysé à toutes mains, qu'il s'en pouuoit voir, auquel suruint vne defluxion dedans vne oreille, qui le rēdit sourd d'icelle l'espace de six mois. Cest accident le fit aussi tost venir si entier, qu'il sembla n'auoir iamais apprins à tourner du costé de la surdité, & iusques à ce qu'il en fust guery, il ne tourna libremēt de ce costé, ny ne tint la teste droite. L'ay veu depuis deux autres beaux & bōs cheuaux en vne bōne escole, dont l'un a esté extrememēt entier d'un costé, quoy qu'on aye sçeu faire, pour auoir eu vne arquebuzade au trauers du col: & l'autre deuint retif à toutes les deux mains, pour vn coup de pierre, qu'il reçeut sur la nuque. Aucune fois vn coup sur vn œil, ou quelque difficulté de veuë, soit accidentale ou naturelle, peut aussi faire venir le cheual entier à quelque main. Je le puis dire pour auoir vne fois esté quasi sur le point de faire inciser vn œil veron, du costé duquel le cheual ne vouloit tourner qu'à grād force, si ce n'estoit quand ie l'épēchois de veoir de cest œil: qui estoit signe que ce, qui luy estoit rapporté par la veuë d'ou l'œil imparfait, luy desplaisoit. Mais en fin ie m'aduifay de le laisser seulement veoir de cest œil veron, & luy faire tenir l'autre fermé tant qu'il y auoit quelqu'un dessus: & me resolu de le faire ainssi monter & exercer vn peu tous les iours, & d'attendre patiemment l'effect final de ce moyen qui me reüssit de telle façon, qu'en moins de deux mois le cheual tourna facilement à toutes mains. Mais la premiere fois que ie le voulus faire manier sans l'engin, qui auoit accoustumé de luy tenir le bon œil fermé, ie le trouuay fort desbauché, & eusse bien rost perdu le fruit de mes peines, n'eust esté que ie luy remis ledit engin, auquel ie fis plusieurs petits trous à trauers pour donner quelque clarté: & tous les iours l'aggrandissois vn peu ces trous, tellement que dans deux mois cest engin fut tout ouuert, & le cheual libre & bien maniant, subiect toutesfois à estre souuent exercé, & contraint sur ceste main.

Cheual de manege du tout auilly par vn chastiment trop rigoureux & malugé.

Vn accident en vn pied, à vne iambe, ou à vne espaulle peut estre aussi cause que le cheual sera entier, du costé qu'il aura la douleur, ou l'incōmodité: vn mal de reins, ou de hanche, vne courbe, & mesmes les esparuins, & espauēts le peuuent aussi empeschier de se bien appuyer sur les iarrets, & par consequent de bien tourner. Puis donc que les maladies & incommoditez naturelles & accidentales, le plus souuent incogneuës, peuuent empeschier le cheual de bien manier, il me semble, quand cela aduient, que les plus aspres & violens remedes de l'escole ny apporterōt pas beaucoup d'vtilité: mais plustost augmentans la cause principale del'imperfectiō, pourrōnt amener de nouueaux & plus grands inconueniens. Je diray encores sur ce propos, que j'ay eu vn cheual d'Italie souz ma charge, qui manioit & redoubloit sur les voltes d'un bel air, également & fort iustement à toutes mains, quand il estoit en aleine & en escole. Il aduient qu'un Gentil-homme mien amy, & bien entendu en cest art, en eut si grand enuie, qu'il ne cessa de chercher tous les moyens, qui luy semblerent propres à son desir, iusques à ce que ce cheual fut à luy. Bien tost apres

L'auoir recouuert, il luy suruint des affaires, qui l'empeschèrent quelque temps de monter sur son cheual, ce qui fut cause que la premiere fois, qu'il y remonta, il ne le trouua plus si ayfé, comme il pensoit, mefmement à main gauche: à laquelle, quand il auoit esté trop seiourné, il estoit moins ayfé. Cela l'incita à le battre asprement, & à luy faire vne longue esquiavine à sa façon, pensant le remettre en vne caualcade, à la iustesse qu'il l'auoit autresfois veu. Mais trouuant à la seconde qu'il estoit plus desbauché, & à la troisieme plus confus & estonné, il en fut si mescontent, qu'il se resolut d'en auoir sa raison par la violence. Et parce qu'il auoit veu, du temps que le cheual estoit en mon pouuoir, que pour le tenir en escole, entre autres remedes ie le faisois souuent attacher estâr à l'Escuyrie, de façon qu'il estoit contraint de plier vn peu le col, & de regarder sur la main gauche, il voulut vser de ce moyen, mais il en abusa, car dès la premiere fois, & tous les iours apres, il l'attacha si court & si contraint, que le cheual en estoit (de trauail & de desplaisir) à toutes les fois dans demy quart d'heure, tout mouillé de sueur, mefmes à cause que c'estoit en la plus chaude saison de l'esté. Et voyant que pour tout cela, reuenant à l'exercice, il n'en pouuoit tirer ce qu'il pretendoit, il le battoit de colere, & d'ordinaire du costé droit à grands coups de baston ou de nerf sur le nez, & souuent sur la teste, selon que le despit le transportoit, sans considerer que ce cheual estoit de son humeur flegmatique, melancolique, & par consequent de peu de vigueur & de courage. Il estoit auſſi vicieux & desia foulé, tellement que ces chastimens du tout contraires à ses aage & temperament, à son indisposition & à la saison extremement chaude, furent conuertis en tels desordres, qu'ils firent vn accident dedans le cerueau du cheual, qui le rendit si retif du costé gauche, qu'au lieu de cheminer droit estant au long d'vn grand chemin, ou en autre part, il alloit de biais sur la main droite, iusques à ce laisser cheoir quelquefois dans les fossez, cōme s'il eust esté au eugle quoy que sceust faire l'homme qui estoit dessus pour l'empeschier: & quand on l'arrestoit en vne place, luy dōnant entiere libeté de la bride & du caueſſon, il tournoit de foy incessamment le petit pas à main droite, pensant tousiours tirer & résister au chastiment de la corde gauche du Caueſſon, bien qu'il n'eust que la bride: & depuis il n'a bien seruy. Il y a plusieurs Caualerices hazardeux, que si ce cheual fust tombé entre leurs mains en ceste estat, ie m'assure qu'ils eussent tasché de le rebuter sur la main droite par tous les desordres & desplaisirs, qu'ils luy eussent peu faire, afin de luy oster le desir & le recours de fuir & se ietter sur icelle, estant recherché de tourner à la gauche outre sa voloté, & moy-mesme en eusse peut estre fait autant, si d'autres moyens m'eussent manqué, & s'il eust esté plus ieune, plus sain & d'autre naturel.

VNE autrefois i'ay veu vn tresbeau & courageux cheual d'Espagne, entier à vne main, qui estoit ordinairement exercé à l'escole d'vn bon Caualerice, lequel pensât vser d'vn remede pour luy faire le ply, ou la souplesse du col, du costé qu'il estoit dur, luy attachoit aucunes fois la teste contre les sangles avec les cordes du caueſſon: & apres le faisoit menacer & foïetter, sans qu'il y eust personne dessus, le contrainant par ce moyen de tourner incessamment: iusques à ce que quelquefois il tomboit estourdy par terre. Ce cheual estant bien fort, sensible, colere & vigoureux, se rendoit d'autant plus obstiné & resistoit plus long temps, & avec plus de defences à ce chastiment rigoureux & mal iugé, selon le naturel du cheual: tellement, que au lieu de se corriger de ceste dureté de col, il se desespera de telle sorte qu'il ne voulut plus tourner d'vn costé ny d'autre, ny ne se vouloit laisser approcher pour estre monté. En fin ces estourdissemens trop continuez luy causerent le mal caduc, auquel il a esté depuis sujet, iusques à ce qu'il est mort. Voila cōme les chastimens violens & trop extremes offenserēt tellemēt ces deux cheuaux differés en cōplectiōs, que ce-

Accident  
aueu à vn  
bon cheual  
pour l'a-  
uoir trop  
contraint  
à tourner  
trop es-  
troit.

luy, qui estoit flegmatique & melancolique, perdit du tout le courage & la vigueur: & l'autre, qui estoit colere, sanguin & trop actif, se desespera, & en fin tous deux tomberent en des accidens irremediables. Je sçay que de fort bons Caualerices font profession d'vser ordinairement en leurs leçons des remedes, violents à toutes sortes de cheuaux, lesquels reüssissent aucunes fois: mais aussi sans doute la pluspart de leurs cheuaux sont plustost foulez, que bien dressez.

Si le lecteur a quelque bonne pratique en cest art, & que taschant quelquefois de vaincre le vice des cheuaux entiers à quelque main, il aye essayé les effectz de ses derniers remedes extremes, ie m'assure qu'il les aura trouuez communement inutilz, & qui pis est, fort preiudiciables à la vigueur & sàté du cheual obstiné. En quoy il pourra facilement considerer que tel cheual, ayant la teste ainsi attachée, par les cordes du cauetson, contre les fangles & par consequent, le col tant & si long tēps plié, il ce fait par ceste action trop forcee, vn tel effort en nature, que les nerfs & les tendons du costé opposite, en sont grandement offensez par des douleurs si extremes, que soudain qu'o a destaché les cordes, le cheual cherchât la liberté & le soulagement de son plus grand mal, portela teste de l'autre costé plus qu'il ne faisoit auparavant, & se trouue par ceste violence extreme, fort estonné, harassé & plus ennemy de la main entiere:

IL me souuient d'auoir veu donner vne infinité d'autres tourmēs mal cōsiderez à plusieurs cheuaux entiers & retifs, & moy-mesmes, en cela trop curieux imitateur m'en suis autrefois meslé à mon tour assez indiscretement, & à d'aucuns cheuaux six ou sept mois d'ordinaire, voire vn an. Que si tels desplaisirs eussent esté faits sur la main, que le cheual tournoit librement, ie m'assure, que dās peu de iours il y eust esté rebuté. Aussi en ay-ie veu attriuer plusieurs inconueniens. C'est en quoy ie me trompois, cōme font beaucoup d'autres, qui, à faute de cognoistre le naturel du cheual, veulent remedier à quelque vice par des moyens inconsiderez, qui seroiēt suffisans de le faire naistre, s'il n'estoit pas. Quoy qu'il en soit ceste rigueur peut aucunes fois reduire plusieurs sortes de cheuaux à quelque obeysance: mais c'est lors qu'ils n'ot plus force ny courage pour se defendre, & seulement tāt qu'ils sōt en ce piteux estat. Au contraire ie voudrois que le Caualerice prinst plus de loisir, & qu'il cogneust & sçeust si bien attirer le naturel & le consentement du cheual, que generalement en toutes ses regles il luy cōseruast la vigueur & l'allegresse naturelle. En fin ie ne veux pas tāt blâmer les remedes violés, que ie n'aduoue qu'ils sont en ce tēps biē fort necessaires, & que ie ne sçache aussi que les desordres peuuent aucunes fois faire plustost perdre le vice d'un cheual, que ne ferōt beaucoup d'autres remedes faits par raisōs. Toutefois il faut que ces desordres soient pratiquez avec ordre, & subtil dessein; mais l'vsage d'iceux n'appartiet qu'aux Caualerices, qui par l'art & l'experience en cognoissent biē les occasions, & en preuoyēt les effectz, & sur tout qui en les effectuant ont le iugement capable de se pouoir dispenser & retenir, ielon la nature & les forces du cheual, & les dommages & vtilitez, qui peuuent aduenir de ces desordres premeditez & necessaires.

L'ON void fort peu de cheuaux borgnes, qui tournent egaleement & librement aux deux mains: les vns sont, ou deuiēnt entiers ou retifs du costé, qu'ils ont perdu la veuē, pour ne pouoir regarder dās la volte: & les autres pour les mesmes incommoditez pliēt le col, & portēt trop la teste de ce mesme costé, afin d'auoir moyen de veoir avec le bon oeil sur icelle main. De maniere que l'ay autres fois diuert des cheuaux qui auoyent trop d'inclination, ou d'habitude particuliere sur vne main, en leur bouchant l'œil du costé d'icelle: & en ay attiré & gaigné d'autres, qui estoient entiers & retifs, en leur bouchant aussi l'œil, du costé qu'ils refusoient à tourner.

QUAND il aduient qu'aucuns cheuaux bien dressez perdent par quelque acci-



dent, & peu à peu, la veüe des deux yeux l'un apres l'autre, l'on void ordinairement qu'ils manient plus aysément & plus librement, qu'ad ils sont dutoit aucugles, que durant le temps, qu'ils sont seulement priuez de la veüe d'un œil, & qu'ils ne voyent que fort peu de l'autre. Tellement que par ces experiences il y a eu des Escuyers de grande Escuyrie, qui pour sauuer la franchise du manege de tel cheual excellent, qui auoit perdu un œil par quelque accident, luy ont osté expressément la veüe de l'autre: chose que ie ne voudrois faire, que pour la commodité necessaire de quelque ieune Prince, ou grand Seigneur, que l'exerceasse à cheual.

## EMPESCHÉMENTS QUE LE CHEVAL PEUT

auoir à bien parer.

## CHAPITRE XXVII.



A plus grâde & generale preuue que le cheual puisse môstrer de ses forces & obeissance enséble, est de faire un bel arrest, ferme & leger à la fin d'une lûgue & furieuse course. Quelques-uns en pourront douter, parce qu'il se void beaucoup de cheuaux de grand nerf & qui ont les iambes bones & fortes, qui neantmoins parent avec beaucoup de peine: & d'autres, qui ont fort peu de force & de vigueur, qui s'arrestent facilement. En cela l'on doit premierement sçauoir, que la plus grâde facilité procede du cōsentement que le cheual y apporte. Apres il faut considerer la stature & proportiō d'iceluy, & de quelle façon il employe sa force en courant. Car combien qu'il soit fort de iambes, d'espaules & de reins, s'il est bas de garrot, ou que naturellement il coure sur le deuant, sans doute il aura beaucoup de peine à se ramener sur les hanches pour bien parer.

Au cōtraire s'il est bié releué d'espaules & d'encoleure, & qu'il coure sur le derriere, il pourra parer plus facilement, cōbien qu'il n'aye pas beaucoup de force: à cause qu'il est naturellemēt planté & cōme cōtrepoisé sur les hanches pour faire de beaux arrests. Toutesfois s'il est foible & mal fondé, mesmemēt sur le deuant, il sera en danger de tomber & de faire la culbute, pour si peu qu'on le precipite en l'arrestant.

S'il est foible, & qu'il coure abandonné sur le deuant, à grand peine se pourra-il bien disposer à faire un bel arrest.

S'il est fort bié party & releué de deuant, & qu'il coure sur le derriere, à sçauoir tenant l'eschine droite, il aura la plus grâde partie des qualitez principales, pour pouuoir parer facilement & de bonne grace, sans donner beaucoup de peine au cheualier.

Les cheuaux, qui ont le corlage generalemēt trop lûg, s'arrestent cōmunement de mauuaise grace, & avec la teste mal assuree, à cause de la difficulté, qu'ils ont de rassembler en si peu de tēps leurs forces pour se ramener sur les hanches. Et ceux qui ont le corlage fort court & le col gros, parent ordinairement sur le deuant. Toutesfois il semble que d'autant qu'ils ont la taille fort vnue, au cōtraire de ceux qui sont trop longs, il leur doit estre plus aysé de faire l'arrest soustenu sur le derriere. Mais il faut considerer, que quand le cheual court, les forces des reins, des hanches & des iarets sont entieremēt employees à pousser tout le corps en auant: & celles des espauls & des bras à soustenir ceste action, embrassant neantmoins spacieusemēt le terroir. Or estant les forces de derriere ainsi furieusement agitees & de trop pres sur celles de deuant, elles apportent telle violence, que les espauls, ny les bras n'en peuvent suffisamment soustenir, ny ramener l'action pour faire l'arrest si releué, si iuste & si beau, comme si le cheual estoit de stature moins raccote & plus allegre, par laquelle il eut moyen, en recueillant & distribuant nerveusement ses forces, de se do-

ner vn certain contrepoids naturel sur les hanches, qui n'est bien cogneu que des bons hommes de cheual. C'est en quoy l'on peut iuger, qu'une des causes principales de la facilité de l'arrest, procede de la force des espauls & des bras, & non seulement des hanches & des reins, comme la pluspart des cheualiers pensent.

Il y a encores en cecy d'autres consideratiōs, qui consistent particulièrement aux proportions du col & des maschoires du cheual, à la disposition des pieds, & au temperament de son humeur naturelle. A sçauoir que pour rédre l'arrest aysé & beau, le cheual doit nécessairement faire la premiere action d'iceluy en ramenant le col & la teste: car de là dépend la facilité, l'obeissance & la grace du parer. Or si le col est faux & naturellemēt renuersé, ou si la maschoire est si estroite: ou le col si gros qu'il ne puisse estre libre autour du gosier dans la place naturelle, qui est entre les deux maschoires, l'action susdite ne se peut bien faire, ny par consequent l'arrest bon ny agreable.

Si le cheual a le col trop vouté ou serpentin, au lieu de se ramener sur les hanches, il s'armera contre la poitrine, & fera l'arrest dur, courbé & desplaissant.

Si il a les pieds foibles & douloureux, cela luy pourra faire haïr & fuir le parer, ou le luy faire faire timide & tout à coup, aucune fois plus abandonné sur le deuant, & sur l'appuy de la bride, que si la foiblesse venoit des iambes ou des espauls.

Et quand bien ces defauts ne se trouueront au col, aux maschoires, ny aux pieds, si le cheual porte naturellemēt le nez auancé, & qu'il aye le dos foible & enfoncé, tel que le comun appelle encellé, il luy sera quasi impossible de ramener la teste, pour bien dresser & presenter le front à l'arrest: parce que la force de la nuque & du col depend de celle de l'eschine. Or telles forces estans desunies, ou venās à māquer, sās doute le cheual parera nécessairement avec le nez trop auancé, & ordinaiement sur les espauls. En fin toutes ces raisons n'empeschent pas qu'on ne voye beaucoup de cheuaux mal proportionnez, lesquels ne laissent pas d'estre naturellemēt determinez à la course, & fort aylez à l'arrest, qui sont de deux des pl<sup>s</sup> principales qualitez ensemble, qui se puisse desirer au cheual de guerre: d'autres, sont de iuste taille pour biē parer, qui ne se peuuent arrester, que par grāde cōtrainte. Mais ce sōt exceptiōs & particuliers effects de nature: & encores faut-il, pour la facilité que ce qui defaut en quelque partie de la stature du cheual, abōde aucunemēt en vne autre, & outre ce que le cheual y apporte beaucoup d'obeissance. En cela l'o peut apprédre, que la cognoissance de l'humeur & cōplection du cheual de quel que taille & poil qu'il puisse estre, est vne science tres nécessaire au Cavalierice, puis que la iuste stature & proportion & la force ensemble, est peu sans la bōne inclination. Aussi void-on qu'une des plus belles preuues que le Cavalierice puisse faire en son art, est de rédre leger & bō à la main, tāt au manege que par le droit & à l'arrest, le cheual qui de nature est colere & impatient, principalement quand il a la bouche dure ou faulse, pour si biē proportionné qu'il soit du reste. La raison est que toutes les fois que l'apprehensio fougouze luy suruient & le possede, elle luy precipite la vigueur, la force & l'alcine, & luy empesche la memoire & le sentimēt de la bouche: & par consequent red inuiles les effects de la pluspart des regles & remedes de nos escoles, tellemēt qu'il est impossible, qu'il puisse gouter, ny cōprendre les leçons de l'obeissance du manege ny du parer, que premierement il ne soit desaisy de ceste inquietude extreme. En quoy il faut que le Cavalierice aye beaucoup de iugemēt, de pratique & de patience, pour se preualoir des moyens de l'art, par lesquels on peut remedier aux susdites imperfections en aydāt à nature. Il semble que ces raisons ne se rapportent pas fort aux communes opiniōs d'une infinité de personnes, qui pensent qu'une bride puisse remedier à tant d'incommoditez du tout contraires à la facilité de la bouche, & mesmement à l'action leger de l'arrest. Je remets l'explication de la diuersité des

## Des Preceptes.

77

bouches & des effectz diuers des brides differētes à vne autre occasiō, pour dire ce pendant le styl, qu'il faut tenir en l'art, pour apprendre le cheual à bien parer selon sa capacité, & pour le remettre, s'il est egaré & desbauché avec le simple canon, qui est la mere des bonnes emboucheurs.

### DES CHEVAUX ESGVEREZ DE BOUCHE

*ou desesperez.*

#### CHAPITRE XXVIII.

**S**il le Cavalier veut que le cheual, en quelque façon qu'il soit desbauché, esgaré de bouche, ou desespéré, face son profit des leçons du parer pour se remettre en obéissance, il luy doit premierement faire perdre l'apprehension de la course & de l'arrest trop cōtraint, & de toutes sortes de chastimens, qui le peuuent auoir rebuté: car autrement il luy sera impossible de gaigner le consentement de tel cheual, (sans lequel les moyens & la peine se trouueront inutiles:) & pour ce faire il le faudra ordinairement promener dans des carrieres, ou autres lieux soupçonneux & propres à le tenir en alarme, ausquels le Cavalier se facherà de l'appaiser patiemment par caresses, & l'arrestera de quinze ou vingt en vingt pas, & à chaque fois le fera soudain reculer à loisir quatre ou cinq pas, en luy redant souuēt la main de la bride. Et si par boutades la colere & les inquietudes luy font faire quelques desordres, le Cavalier ne cōtestera, ny vsera d'aucune sorte de chastimens, soit qu'il refuse de reculer, ou qu'il aille de biais, ou de trauers: Mais il essayera encore de l'appaiser par les plus doux moyens, qu'il se pourra aduiser, en cheminant le petit pas par le droit. Et quand la fougue luy sera passée, il l'arrestera de nouueau, & facherà à tous les coups de le faire reculer, comme i'ay dit. Et si estant esmeu de colere & despit il se obstine à ne vouloir reculer, il le faudra chastier avec le caueçon, & quelquefois avec la bride, pourueu que ce ne soit qu'un simple canon: & s'il est besoin, le battre sur les bras & sur le nez avec le nerf, ou la gaulle, & sur tout bien à propos. Toutefois s'il est colere, sanguin & bien fort sensible, il vaudra mieux luy tourner aucunes fois la teste tout court du costé, qu'il sera venu au lieu qu'il fera l'opiniastre, recherchant soudain de le faire reculer. Et par ce moyen il obeyra plus facilement: parce que bien souuent le cheual cōlere & impatient se fache de s'arrest & de reculer, quād il a la teste droite au lieu, qu'il desire se rendre, mesmement quand il est en action fougouze. Plusieurs hommes de cheual pourront penser que ce soit incongruité de ne tirer quelque raison d'un cheual à l'instant, & au mesme lieu, qu'il fera vne si grande faute, estant mesmement à la campagne. Je l'aduouē pour la consequence generale: mais sans doute pour bien iouir des cheuaux coleres, s'aguins & qui ont beaucoup de feu, il est souuent necessaire de leur permettre & pardonner beaucoup de fautes: parce que d'ordinaire ils se despitēt & desesperent des remedes & chastimens, qui peuuent corriger ceux, qui sont de plus facile & douce temperature. A cause de quoy il vaut quelquefois mieux adherer aucunement à leurs inauaies fantasies & habitudes licentieuses, que les vouloir corriger & vaincre, en ce qu'ils ne veulent, ou ne peuuent consentir, & en fin estre cōtraint de laisser le chastiment imparfait & inutile, qui pourra par apres estre cause que le cheual persuerera d'auantage en son obstination. Or s'il est si fougoux qu'il ne se veuille tenir ferme, ny cheminer droit dedans la Carriere, il faudra faire marcher à reculons, un homme de pied, qui se tienne cinq ou six pas deuant le cheual: car il luy osterà vne partie de l'apprehension, l'empeschant de voir le bout de la carriere: lequel hōme l'attendra souuent pour le caresser, & luy donner quelque friandise: & faut que cest hom-



me regarde ordinairement le cheual droit aux yeux, afin de luy tenir la veuë occupee sur la siéne, & qu'il sçache ayder, s'il est besoin, au Caualerice, pour adiufter, ou faire reculer le cheual en le menaçant, ou en le touchant, ou frappât avec discretiô, de la gaulle, ou du nerf sur le bras, sur la poitrine, sur le nez, ou aux flancs: & quelquefois en le poussant avec la main sur le ply, ou le mitan de la voute du caueillon, pour luy ayder à reculer, ou contre l'espaule, ou le flâc, pour le dresser, au lieu des chastimens de l'esperon ou de la gaulle, lequel hôme aussi s'aduancera & s'esloignera plus ou moins, selon que le cheual perdra la fougue & l'apprehension. Cependant le Caualerice ne s'attachera à la bride, que le moins qu'il pourra, au contraire rendra souuent la main au cheual.

APRES donc que le cheual sera assuré à ce premier exercice de pas, & qu'il commencera de reprendre, ou comprendre l'ordre du parer & du reculer, le Caualerice l'assurera tout de mesme au trot, & apres du trot, au petit galop, obseruant tousiours la mesme regle, hors-mis qu'il ne l'arrestera plus si souuent. Et par ce que ces leçons longuement & souuent continuees pourroient trop importuner le cheual impatient, il sera bon & necessaire, le mettant quelquefois en plus de liberte, de le faire assez long temps trotter & galopper à la campagne de mediocre largeur à chasque main, & par le droit, sâs l'arrester iusques à la fin de l'exercice. Et pour luy oster plus facilement la fougue, ou le soupçon de la course, ce galop se doit faire le plus lent, qu'il se pourra, & le moins subiet de la main: sur tout en ses premieres leçons, il ne faut nullement contraindre le cheual en l'arrestant, quelques desagrees mouuemens qu'il face: au contraire, on doit le laisser arrester à la commodité. Car les principaux remedes & chastimens des defences, que les cheuaux esgarez & desesperez ont accoustumé de faire, craignant la violence de l'arrest, faut qu'ils naissent peu à peu de la patience & douceur du Caualerice, & sur tout de la facilité & commodité du reculer, fait avec art & iugement. D'autant que toutes ces choses ensemble peuuent, avec le temps, assurer & disposer le cheual, à la pratique & facilité de l'arrest, beaucoup mieux que ne feront les remedes violents.

AYANT ainsi appaisé & assuré le cheual, auparauant fougoux & esgaré, le Caualerice luy fera apres passer d'assez longues carrieres au petit galop, luy rendât souuent la main, & sans le picquer; ny battre en façon quelconque: & comme il aura perdu la fougue & l'apprehension du courir, il n'y aura point de danger de le haster peu à peu, & en fin le chasser à toute bride, sans toutefois luy faire desplaisir avec les esperons, ny la gaulle, que le moins qu'il sera possible, & sans obseruer vn bout de la Carriere plus que l'autre, pour commencer, ou pour finir la course, afin qu'il ne reconnaisse & apprehende trop le lieu du partir. Et pour empescher quel ardeur & les inquietudes ne le repréent, il le faudra ramener le petit pas sur la mesme piste, (soudain qu'il aura couru & paré) iusques au lieu dont il sera party, pour luy faire repasser encor vne ou deux carrieres au petit galop, & apres vn autre de trot, ou plus, s'il est besoin, & en fin le promener au petit pas, passant & repassant sur icelle piste, pour l'appaiser, auant que mettre pied à terre, ou que le réuoyer de la Carriere. Car communément le cheual se resouient plus de la derniere chose, qu'on luy fait à la fin de son exercice, (principalement quand c'est quelque desplaisir,) que de tout le reste de sa leçon: & pour ceste cause le bon Caualerice le doit tousiours laisser en bonne bouche. Cest ordre estant bien obserue & continué, ie m'assure que le cheual se repartiera & remettra en escole, pourueu aussi qu'on y mette le temps necessaire à son naturel & à sa memoire.

SANS doute auant que les cheuaux coleres & fougoux, qui comme l'ay dit; auront esté gourmandez & desesperez, ayent bien retenu l'ordre de ceste escolle; & qu'ils y puissent patiemment consentir, ils entreront souuent en tels soupçons des desplaisirs precedents, que peut estre en naistra il plusieurs desordres, & entre autres, ceux qui auront la bouche dure, ou fausse, se fâchâs de demeurer fermes en vne place, & beaucoup plus de reculer, forceront communément la bride & la main du Caualerice pour fuyr l'obeyssance de l'escole, comme vn supplice: & ceux, qui l'auront trop sensible & esgaré, se cabreront, en dangar de se renuerser, au hazard de la vie de celuy, qui sera dessus: & ceux, qui l'auront temperée, & qui neantmoins seront coleres, sensibles & singards, baisseront la teste, mettrâs presque le nez entre les iambes pour reculer, ou pour mordre les greues, ou les pieds du Caualerice, & quelquesfois se mordront eux-mesme de colere & de despir.

Or en cecy il faut considerer que le cheual pourra estre tant sensible & desdaigneux, que la subiection & la douleur du caueillon luy fera aucunes fois plustost faire les desordres, que ne feront tous les autres desplaisirs; qu'il pourroit receuoir: mais quand cela aduendra, il faudra vser des caueillons de cuyr, ou de corde, encores qu'ils ne luy portent pas beaucoup de cōtrainte: car par l'appuy d'iceux, il recuera par fois avec le temps celuy du caueillon de fer: & s'il ne peut souffrir en aucune façon l'un, ny l'autre, il vaudra beaucoup mieux l'exercer seulement avec le simple canon, & le secours des fausses renes, avec celuy de la gaulle, que d'estre trop long temps en contestation, pour luy faire recognoistre & accoustumer cōtre son naturel, les chastimés & les aydes du caueillon, qui luy pourront quelquesfois faire hayr la plupart de tous les autres bons moyens de l'escole. Et puis c'est vne maxime qu'en ces cheuaux coleres & desdaigneux, il faut euitier, tant qu'il est possible, toutes les occasions, qui les peuuent plus offenser en l'exercice de l'escole, autrement il sera mal-aysé d'en venir heureusement à bout.

Et parce que quelques-vns pensent que la fausse rene offense la bouche du cheual, ie les aduise de nouveau que cela ne se doit point craindre: pourueu que l'em-boucheure, à laquelle on la ioindra, ne soit composée que d'un simple canon: si ce n'est qu'on s'y attache trop, ou qu'on en vse indifferetement, mais pourtât ie n'en ay presque point vû en mon escolle.

### DES CHEVAUX COLERES REBUTEZ ET

*impatiens, qui forcent la bride pour fuyr  
la bonne escolle.*

#### CHAPITRE XXIX.



QUAND le cheual desdaigné & desesperé s'en ira forçât la bride, le Caualerice le doit bien garder de le battre, & des s'attacher à l'appuy d'icelle: mais plustost lachera souuent la main, pour apres reprendre l'appuy. Car tant plus il tiendrait le poing ferme les tenes tenduës, ce seroit lors que le cheual s'armeroit; & s'en iroit avec plus d'assurance, & au contraire se sentant souuent comme abandonné de l'appuy de la main, la crainte d'une estrapade de bride le tiendra en soupçon, si bien qu'il se retiendra beaucoup mieux, sentant apres tirer les renes. Quant à l'ayde du caueillon, elle sert peu en ces extremités: Au contraire, quand le cheual

se peut appuyer en iceluy bien souuent, il en craint d'autant moins la bride.

La pluspart des cheuaux coleres & courageux, qui forcent le bras & la main du Cheualierne s'enfuyent pas seulement à la course, mais en s'abandonnant ils s'eslancent, renforçans les esbalançons, comme s'ils se vouloient precipiter. Le premier remede en cecy est de se tenir ferme, & laisser passer, comme l'on pourra, la premiere furie de ces desordres licentieux, taschant tant qu'il sera possible, de les appaiser avec douceur & patience : & sur tout rendant souuent la main de la bride. Mais si le cheual desdaignoit tant la douceur, qu'il n'en tint aucunement compte, lors il luy faudra faire vne charge à grands coups de nerf à trauers le visage, communément des yeux en bas, quelquefois entre les deux oreilles, sur la fin de ses efforts : afin qu'il aye moins de desense, & à l'extremité prendre, s'il est besoin, l'une des cordes du caueillon, ou vne rene, ou la corde & la rene ensemble avec la main droite, laschant en mesme temps la main de la bride, pour auoir moyen de luy faire plier le col, & tourner la teste d'un costé. Car par ceste action, il peut perdre la force de tirer à la main, le temps des esbalançons, & la furie de la course.

Et quand le cheual est si dur de bouche & desesperé, que les moyens ordinaires de l'escolene ne peuuent faire consentir à l'obeyssance de l'arrest, l'on pourra prendre vn gros ruban de soye, ou de laine, & d'un bout d'iceluy lier les genitoires de ce cheual par vn neud coulant ou arresté, & attacher l'autre bout à l'arson de la selle, laissant la longueur de ce ruban tant auantageuse, que le cheual n'en puisse estre aucunement contraint, si ce n'est quand le cheualier voudra : & lors qu'il emportera la bride & le caueillon à la desesperade, le Caualerice tirera discrettement ce ruban, cependant qu'il se mettra aussi en deuoir de retenir le cheual avec la main de la bride : & à mesure qu'il s'arrestera, il faudra lascher le ruban : & par ce moyen aucuns cheuaux soupçonneux s'arrestent, assauoir, tant qu'ils en seront en doute : parce qu'il leur semblera que pour les arrester, on les tirera en arriere par les genitoires. Mais si le Caualerice ne se preuaut discrettement de ce remede, le cheual le pourra tellement recognoistre, & accoustumer, que quelque douleur & incommodité qu'il en recoiue, il n'en fera non plus de compte que de la bride desdaignée. Et partant il en faudra seulement vser selon que le cheual en fera son profit.

DES CHEVAUX COLERES ET SOUPCONNEUX,  
*qui se cabrent d'impatience, ou  
de desespoir.*

CHAPITRE XXX.



Pour les cheuaux qui se cabrent, on se peut ayder ordinairement en trois façons lōg temps y a pratiquées. La premiere, si le cheual a naturellement la voultre du col bone, & qu'il tiennet le frōt droit le Caualerice peut tenir les renes fermes & basses contre l'arson de la selle, & peser avec la main droite sur le col du cheual, en mesme temps qu'il se haulsera pour se cabrer, sans pour cela le laisser acculer, mais plustost le pousser en auant avec les esperons. Ceste subiection & fermesse de main, l'empeschera de dresser & allonger le col & le nez, qui est l'action premiere, par laquelle il s'abandonne pour se renuerser, lors qu'il se sent la teste en liberré, & qu'on le laisse arrester & reculer.

POVR



POUR l'ayde seconde, le Caualerice le battra avec la gaulle, ou le nerf sur les bras les plus bas qu'il pourra, en mesme temps qu'il hauffera le deuant pour se cabrer: & continuera les coups, afin que la douleur d'iceux le contraigne de se rabaïsser & retourner en terre, empeschant aussi sur tout, qu'il ne s'arreste ny recule.

LA troisieme & plus affectee, pour ceux qui n'ont pas beaucoup de pratique en cest art, est, quand le cheual se dresse de le chasser en auant avec les esperons voisins des flancs, & à coups de gaulle dessous le ventre, & au trauers des fesses, pour luy oster l'occasion de se charger tant sur le derriere, que la cheute ou quelque autre dâgers s'en ensuyue.

ET si le cheual est si desesperé que tous ses moyens luy soyent inutiles, ou si le Caualerice se mesfie de les effectuer diligemment & bien à temps, & de pouoir corriger par iceux l'apprehension & la fougue du cheual, lors il se pourra preualoir des effects de la camarre, qui est propre pour quelque temps à cecy. acde, pourueu que le cheual ne soit trop actif, sensible & despourueu de memoire. Car par ces contrarietez la subiection iointe à la douleur continuë qu'apporteroit ce remede, le mettroit communément en telle rage & inquietude, qu'il luy seroit quasi impossible, de comprendre l'occasion du desplaisir, & mesmes il s'en trouueroit aucuns qui se defendroyent obstinément par des actions presque enragees. Tellement que les Chastimens plus aspres & plus contrains, les confondroient doublement, au lieu de les vaincre. Toutesfois en vñant de la camarre de corde, ou de cuir, & tenant les tirans d'icelle de mediocre longueur, & les accourcissant & alongeant peu à peu, selon que le cheual se corrigera, elle pourra aucunesfois beaucoup ayder aux susdits remedes.

IAPPROUVE en cecy à l'extremité, (mais rarement,) les coups de nerf sur la teste du cheual à scauoir sur les oreilles ou enuiron, en mesme temps qu'il se dresse pour se vouloir cabrer, Car c'est vn chastiment que de nature tout les cheuaux craignēt bien fort: & de fait, pour rascher de s'en garentir, quād l'on en vse, ils baïssent communément la teste, la tournant d'vn costé & d'autre: qui sont actions du tout contraires à celle du cabrer. Voyla comme les coups de la teste, qu'on doit tenir en general pour vrais desordres, peuuent aucunesfois seruir de chastiment profitable en ceste occasion, & en beaucoup d'autres: mais ie remets ceste pratique seulement aux meilleurs Caualerices.

ON se peut seruir en cecy du chastiment de la corde de laine, ou du rubā attachee par vn bout aux genitoires du cheual, & de l'autre à l'harçon da la selle, comme i'ay desia dit ailleurs, lequel le Caualerice peut prendre & tirer en mesme temps, que le cheual se hauffe pour se cabrer, aucuns attachent ce ruban à la camarre au lieu des tirans, qui d'ordinaire tiennent aux fangles: Mais d'autant que ce remede, & beaucoup d'autres desquels, i'ay autresfois vñé sont tres-dangereux la pratique n'appartient non plus que seulement à ceux, qui auront plus de dexterité & discretion.

## DES CHEVAVX COLERES, FINGARDS ET MALITIEVX,

QVI DE DESPIT RECVLENT, OV QVI VEULENT MORDRE

*les iambes de celuy, qui les pique : ensemble de ceux qui eschappent, forsans la bride & la main du Cavalierice.*

## CHAPITRE XXXI.



N combattant le vice des cheuaux retifs qui reculent, ou qui tachent à mordre les iambes du Cheualier, les menaces de la voix violente, & les coups de nerf, d'ônez des yeux en bas, iusques au bout du nez, & dessous le ventre, & quelquefois de grâds & fermes coups d'esperons meslez parmy, chageant souuêt de place, les diuertira communement de leurs malignes & rebelles fantasies: au contraire s'ils sont batus sur la nucque, ou sur les oreilles, ce chastiment leur fera baisser la tēste d'avantage, & leur donnera plus d'occasion de reculer: & les esperonnades timides les attireront à se defendre avec morsures, ou coups de pieds, & par autres vices vindicatifs: comme aussi pourrôt faire les plus grands coups d'esperons trop continuez. En fin il faut necessairement battre le cheual en telles occasions, sans toutefois se departir de toutes ces considerations, & seulement tant qu'il perseverera en son vice: & particulierement pour ceux, qui se mettent en fuite, ou qui se cabrent, i'aduise le Cavalierice que durant le temps qu'ils seront en apprehension, & en extreme fougue, qui est vne espeece de frenesie, estans lors incapables de memoire; & par consequent de corrections, il les faudra ramener au pas avec beaucoup de douceur, selon l'art & les occasions, iusques sur le lieu, duquel ils seront partis licetieusement: afin que par les caresses, & plaisirs, qu'ils y reccuront, & par la patience & discretion du Cavalierice, ils ne craignent ny apprehendent plus celieu, ny le desplaisir des moyens rigoureux.

Si nonobstant les caresses tels cheuaux font difficulté de retourner au lieu, duquel l'inquietude les aura chasséz, lors il les faudra menacer avec voix furieuse, & leur donner quelques coups d'esperons, de gaule ou de nerf, enséble quelque chastiment de Cauceffon, pour leur rompre le dessein & l'occasion du fuyr, ou de se defendre, assauoir tant qu'ils seront loin de celieu craint & soupçonné. Car si estant pres, ou sur iceluy, on les battoit, cela leur redoubleroit l'apprehension, & les desplaisirs: tellement qu'il vaudra mieux à l'extremité, les y faire conduire par vn homme de pied, qui les tienne par vne des cordes du cauceffon, ou par vn costé de la testiere.

DES CHEVAVX QUI SE DEFFENDENT A L'EXERCICE de l'escole par grande obstination, ruans incessamment iusques à l'extremité de leurs forces.

## CHAPITRE XXXII.



N des plus apparens, indices, qu'on puisse recognoistre de la malice naturelle du cheual retif, est quand pour s'opposer à la volonté & aux mouuemens du cheualier il a recours aux ruades extremes, & autant persequerées que ses forces en peuuent fournir. Or pour remedier à ce vice les Caualerices vsent communément des chastimens des esperons avec grande violence, qui toutesfois ne reussissent pas tousiours, mesmement à certains cheuaux obstinez & vindicatifs, lesquels au lieu de desloger, euitans d'estre ainsi asprement picquez, au contraire s'arrestent tout court, ou reculent renforçant l'action maligne des ruades, ou taschent de mordre les iambes, & les pieds du cheualier. En telles fautes les menaces de la voix & les coups de nerfs donnez bien ferréz dessous le ventre, pourront souuent diuertir & chasser le cheual de tel naturel, comme feront aussi les cris furieux, & les coups de foiet d'un fort homme qui soit à pied. Le ruban attaché aux genitoires (comme i'ay dit cy deuant en diuers lieux) seruira aucunes fois de remede à ceste imperfection, pourueu qu'il soit accorrement & sagement appliqué & pratiqué. Et si pour tous les moyens ordinaires le cheual ne se peut corriger, il luy faudra mettre vn brassilet d'entraue renforcé & bien fourré; ou feutré à chascun pasturon de derriere, auquel brassilet y ayt vn fort anneau de fer, & attacher en ses anneaux deux bouts de deux plattes longues d'egale longueur, lesquelles se iointront apres, entre les bras & au bas de la poitrine du cheual, & de là se separeront encores & s'estendront iusques à la teste de l'harçon de la selle, à laquelle il les faudra attacher & arrester, le col du cheual estant entre ces deux plattes longues. Mais en icelle il faut obseruer vne mesure si bien considérée, que le cheual n'en soit empesché de trotter, de galopper ny de courir, & que neantmoins il ne se puisse estendre pour finir du tout, l'effort & le reiect de la ruade, ce qu'on a moyen de faire facilement en passant les plattes longues entre le poictal & la poitrine du cheual, & en les faisant hausser & soustenir de derriere par deux petites cordes assez fortes, qui tiennent à la bouche de la crouppiere, & qui descendent sur le flanc iusques à l'endroit plus commode.

SANS doute ceste façon d'entraues empeschera le cheual de ruer, & aucunes fois le chastira du tout, s'il n'est extremement bisarre, incorrigible & éuicillé en son vice: Pourueu aussi que le Caualerice aye la patience d'vsér de ce remede ordinairement & assez long temps, lequel temps ne ce doit limiter, si ce n'est en tant que le cheual oubliera, ou delaissera l'habitude de sa vitieuse desfence: Car autrement ce sera autant d'industrie & de peine mal employee, & vne occasion de le rendre plus rebelle & obstiné, quand il recognoistra sa liberté premiere. Iusques à present ce remede a esté peu pratiqué, & ie croy que le premier homme de cheual qui l'a mis en vsage est le Sieur du Trauet, l'un de mes meilleurs escolliers, qui par beaucoup d'honnestes & belles qualitez honore le desir que i'ay long temps eu de le voir tel, qu'il se fust cognoistre de ceux qui iouissent de sa douce & vertueuse conuersation.



Il pourrois encor' dire d'autres chastimens faits sur la croupe avec vn esperon, ou aguillon, qui seruiroient à corriger par fois la susdicte imperfection: Mais d'autant que la queue du cheual en feroit ordinairement esmeuë & falcifiée, ie les remets à ceux, qui seront plus curieux.



## REGLES GENERALES POVR ASSEVRER LA TESTE ET LA BOUCHE

*au cheual, & luy apprendre à bien parer.*

### CHAPITRE XXIII.

**L**es moyens plus certains pour vnr les forces du cheual, luy asseurer la teste & les hâches, le rëdre leger, à la main, & capable de la iustesse & fermeté de toutes sortes d'airs, & de maneges, dependent de la perfection du parer. Et pour cōmencer l'ordre des plus belles leçons propres à cest effet, il est, tout premier necessaire que le cheual tourne à toutes mains, au trot, & au galop, & qu'il ne refuse iamais de partir de la main: car ce seroit trop grãd incōgruité de le vouloir resoudre à la iustesse de l'arrest, s'il estoit ramingue ou retif par le droit, ou entier à quelque main: mesmement, comme i'ay dit ailleurs, que les remedes, qui asseurent plus le col & la teste du cheual, sont ceux qui le font plustost deuenir entier & ramingue, si premierement il n'est libre à tourner egalelement à chasque main.

ESTANT doncques ainsi disposé à faire son profit des bonnes regles du parer, le Caualerice l'entreprendra: & pour les premieres leçons le menera dedans vn grãd chemin droit, long & vny, auquel il le fera trotter par le droit, ayant les renes & les cordes du caueßon en tel estat dedäs les mains, qu'il puisse mediocremēt sërir l'appuy de la teste & de la bouche du cheual: & comme il aura trotté enuiron soixante pas, le Caualerice l'arrestera, en reculant vn peu le corps, & tirant esgalement & ferme, les deux cordes du caueßon. Soudain qu'il l'aura arresté, il le fera reculer quatre ou cinq pas, en tirant les cordes l'une apres l'autre. Car ce mouuement luy destêdra souuēt le col, & le gardera des'appuyer cōtre le caueßon, ou fera qu'ils'appuyera moins, que si les cordes estoient egalelement tirees & tenduës. Apres que le cheual aura reculé, le Caualerice en luy rendant les mains, le fera auancer le petit pas sur la mesme piste, enuiron autant d'espace, comme il l'aura fait reculer, sans pour cela luy abandonner la teste, ny l'appuy, & à l'instant le caressera & le tiendra vn peu de temps sans bouger d'une place. Apres il le fera cheminer encores vn pas ou deux par le droit, & soudain le tournera, du costé qu'il voudra, deux ou trois tours, de pas ou de trot, estroit ou large, selō la pratique que le cheual aura de tourner: ayāt acheuë ces deux ou trois tours, le Caualerice le fera encores reculer, auancer & tourner cōme dessus, à la main qu'il cognoistra estre necessaire, luy tenāt tousiours le col & le corps le plus droit, qu'il sera possible sur la iuste piste, & apres repartira encores de trot, pour aller faire vn autre arrest, & tourner tout de mesmes plus auant, ou vers le lieu d'où il fera party selon que le cheual recognoistra la leçon: & s'il veut, il pourra tourner autant en vne main, comme en l'autre, auant que repartir.

Ceste leçon sera tous les coups continuee, iusques à ce que le cheual commencera de se lasser, & ordinairement finie en tournât. Et avec le temps il faudra allonger le chemin & la distance des arrests, selon que le cheual apprehêdera & attendra l'action du parer, ou accourir ceste distance, selon qu'il s'abandonnera sur la bride & le caueſſon allant par le droit.

Si le cheual ne veut reculer par la douleur du caueſſon, & le ſuſdit mouuement des cordes, il faudra tirer les renes d'auantage: & toutes les fois qu'il se bandera, & qu'il se voudra opiniaſtrer contre la bride & le caueſſon, le Caualerice pour luy en oſter l'occaſion luy rendra les mains, & le fera cheminer à loifir, & par le droit & deux ou trois pas, ou tant qu'il voudra: & puis taſchera d'erechef à le faire reculer paifiblement: & ſi le cheual ne luy veut encores ceder, ou qu'il n'en puiſſe tirer que ſeulement vn pas, il luy rendra de nouueau & auſſi toſt les mains, & l'auancera vn peu, pour ſoudain apres le rechercher de reculer, ſans s'attacher trop aux cordes, ny aux renes: & par ce moyen il le gaignera plus facilement, que ſ'il vſoit de plus grande contrainte. Et afin de le faire mieux conſentir au parer & au reculer, ceſdites reigles ſe doiuent faire auant qu'il ſoit las, ou hors d'aleine, principalement ſ'il n'a pas beaucoup de force.

## PERFECTION DV PARER DE TROT.

### CHAPITRE XXXIIII.

**L**A perfection du parer de trot eſt, quâd le cheual s'arreſte court & à l'impourueu au gré du cheualier ſans traifner, & ſeulement en vn temps, auquel le cheual doit vnir, ramener & appuyer également les forces ſur les hanches & les iarrets, aſſeurer la queuê, eſlargir & ancrer les deux pieds de derriere en terre droit à droit & de façon que l'un ne ſoit nò plus auancé que l'autre. De ces choſes enſemble depend la ferme action, & la iuſte poſture du col & de la teſte du cheual, & en fin la facilité & la grace du parer: à quoy la premiere & ſuſdite reigle perſeuerce par ordre, & avec patience, peut donner vn còmençement fort profitable, & quelquefois la perfection, ſi le cheual eſt naturellement leger & de bonne inclination.

AYANT aſſez long temps continué les leçons precedentes de trot par le droit, il en faudra faire autant au galop, còtinuant de tourner ſeulement de pas ou de trot, pour auoir moyen de faire la leçon plus tranquille, plus longue & plus profitable.

Et afin que le Caualerice face ces regles avec plus de conſideration, & qu'il ne ſe ſerue iusques au moindre mouuement d'icelles, que entant qu'il ſera beſoin, il doit ſçauoir que l'eſlection de ce grâd & long chemin ſuſdit, auquel il n'y a nulle figure d'eſcole, ſe fait pour oſter l'occaſion au cheual de premediter le lieu de l'arrest, & celui du tourner: afin de le rendre par ce moyen plus attentif aux actions du cheualier, que ſi on l'exerçoit en vne eſcole figuree & l'imitce.

Le reculer apres l'arrest eſt vn moyen mis au nombre des chaſtimens qui ſeruent pour faire cognoiſtre au cheual la faute de n'auoir pas aſſez diligemment obey en s'arrestât, & vn remede pour luy faire ramener ſes forces ſur les hâches, & par còſequent luy affermer la croupe & la queuê, le fortifier ſur les iarrets, luy accòmoder & adiuſter les pieds de derriere, luy aſſeurer la teſte & le rendre plus leger de deuant

de forte que s'il parelegerement & de iuste proportion, c'est erreur de le faire reculer: & s'il s'arreste trop soudainement, il faut au contraire le faire auancer, autant comme il aura fait l'arreste trop court & retenu.

Les deux ou trois petits pas faits par le droit apres auoir reculé, seruent quand il consent librement à l'action de la main, afin de luy faire moins hayr, ou craindre la subiection du reculer, principalement quand il est nouueau apprétif: & s'il est colere & dur de teste & de col, ces petits pas en auant seruent aussi pour le desbander, quand il est en fougue, & trop bádé contre le caueffon & la bride: & mesmes afin, s'il est sensible & singart, qu'il ne couertisse ceste leçon de reculer en quelque vice.

Le tourner apres l'arreste se fait pour maintenir, ou rédre le cheual plus facile au manege, & pour le diuertir des inquietudes, & de plusieurs mauuais desseins, q̄ les premiers remedes & chastimés propres à la iustesse de l'arreste luy pourriét causer.

Les deux ou trois pas faits en reculant apres auoir tourné, seruent pour oster au cheual le trop grand desir qu'il aura, ou qu'il pourroit conceuoir de partir trop tost du lieu de l'arreste, & de celuy, auquel il aura tourné. Mais si sans apparence de ces occasions, l'on obserue indifferemmēt & sans propos les susdits remedes, à l'imitatiō de la plupart des communs hommes de cheual, on les pourra conuertir en vrayes desordres, qui confondront facilement la memoire & obeysfance du cheual.

Il se trouuera vne infinité de cheuaux extrememēt pesans ou durs de teste & de bouche, qui ne feront pas grád cōpte du canō, ny du caueffon, ny des susdites leçons & qui tāt plus le Caualerice tirera les cordes & les renes, tāt plus fort s'appuyrōt ou tirerōt à la main, principalemēt à l'arreste & en les faisāt reculer. Quād cela aduiēdra il faudra vser de la seguetre, & si nō obstāt icelle & les susdits moyēs, le cheual refuse de reculer, il faudra qu'un hōme de pied le chastie avec le nerf sur les bras, & quelquefois sur le nez, dōnant fagemēt sur la seguetre. Mais d'autāt que ce chastimēt estāt fait & cōtinué avec violence, peut quelquefois offenser les iābes du cheual & luy faire craindre le mouuemēt de l'espee, & autres coups de main, il vaudra mieux que l'hōme de pied prēne vne grosse pierre, de laquelle il dōnera sans la lascher, vn grád coup sur le mitā du tour de la seguetre ou du caueffō. Mais il faut que cela se face avec cautelle, soit en la luy mōstrant assez lōguement, auāt que de dōner le coup, ou en luy faisāt boucher les yeux, afin de pouuoir frapper pl⁹ iustemēt & cōmodēmēt, sans que le cheual s'en apperçoie, & de façon qu'il soit cōtraint par la douleur & estōnement de ce coup, d'aller en arriere: & pour auoir en cela plus de cōmodité, il le faudra mettre au lōg d'une muraille, afin qu'il aye moins d'occasion d'euitier & fuir ce chastiment: Apres lequel toutes les fois que le cheual fera difficulté de reculer l'hōme de pied luy mōstrera sa pierre d'assez pres: & sans doute ce moyen bien effectué trois ou quatre fois, commencera de mettre le cheual en quelque obeysfance, apres laquelle il faudra que l'homme de pied l'assure & le caresse, afin qu'il n'en aye plus de peur, & qu'il ne refuse à se laisser librement manier la teste & le visage.

Si le Caualerice pense allegerir le cheual foible, poissant, ou dur de bouche & de teste, seulement à force d'exercice de trot ou de galop, & de chastimés extremes de caueffon, ou de seguetre, sans estre secouru de personne, ny d'autres moyēs, que de ses forces, il se trouuera souuent trompé. Car c'est vne maxime, que dès que la lassitude se ioint à la foiblesse, ou pesanteur, il faut que toutes sortes d'exercices cessēt, sur peine d'abatre trop les forces, & le couragē du cheual, & de luy endurcir dou-



blement l'appuy de la bouche: d'autre part il faut considerer, que tout ainsi qu'il se peut desesperer, ou auillir, & du tout assoupir sous les aspres tourmens de la bride trop rude, autant en peut-il faire par les mesmes desordres du caueffon: & s'as doubte aussi tost que le nez du cheual est fort rompu, enflé & assoupy, tous les chastimés de caueffon, qu'on luy peut apres donner, ne sont pas seulement inutiles, mais qui pis est, autant d'occasions pour l'estonner & appelantir, ou le faire tirer & defendre d'auantage. Partât il ne faut iamais, s'il est possible, reduire le nez, non plus que la bouche & la barbe du cheual, en telle ruine, qu'il ne reste tousiours le sentiment naturel, par lequel on doit faire reussir les meilleurs & plus beaux effects de la bride, & du caueffon.

Si apres que le cheual sera passé par ces leçons, & qu'il les aura comprises & pratiquées, il est neantmoins si delobeyssant, ou naturellement chargé, ou dur de col ou de bouche, qu'il refuse aucunes fois de reculer, apres auoir fait l'arrest trop abandonné sur les espauls, ou sur l'appuy de la bride, ou si quand on le vouldra tenir en vne place, arresté, ferme, aduert & en posture pour faire vn beau partir, ou pour commencer quelque autre actiō nerueuse, il tient le nez aduacé & bandé cōtre l'appuy du caueffon ou de la bride, monstrant par cest indicel l'extreme desplaisir, qu'il receura, ou sa mauuaise inclination, le Caualerice ne fera comme la plupart de ceux, qui ont accoustumé, quand cela arriue, de le chastier à force de grandes caueffonnades & esbrillades: car au contraire la crainte & l'estonnement d'icelles, luy doneroient encorés plus d'occasion de hausser la teste: & parce il vaut beaucoup mieux, estant le cheual reduit par les premieres regles en quelque bon commencement d'escole, tenir le bras & la main de la bride fermes, & les renes & cordes tendues d'vne mesure egale, s'as luy doner, tât soit peu, de liberté, pesant ce pendant de la main droite sur le crin, iufques à ce qu'il aye desbandé le col, & par consequent baissé le nez: ce qu'il fera communément pour se soulager de la subiection & douleur du caueffon, ou de la bride, & particulierement pour auoir moyen de mouuoir & remuer la langue & prendre mieux son haleine, pour ueu que le cheualier aye la patience d'attendre, & se tenir ferme assez long temps, sans bouger d'vn lieu: & soudain que le cheual aura desbandé & ramolli le col, & consequemment baissé le nez, il luy faudra rendre les mains, pour luy donner plus de plaisir, soit en la mesme place, ou en partant d'icelle. Et en continuant ce moyen, il pourra avec le temps, recognoistre sa faute, & se chastier sans estre tourmenté par de plus aspres remedes, quoy que du commencement il demeure long temps obstiné, premier que vouloir ceder à la subiection du caueffon ou de la bride.

Il semble que ceste reigle soit contraire à ce que j'ay dit, aux premieres leçons du parer & du reculer: mais ie n'entends qu'elle se face, que seulement pour ramener le col & le nez des cheuaux, qui se bandent sur l'appuy de la bride, estans en soupçon de quelque chastiment, ou de quelque action violente, & qui neantmoins ne laissent, pour estre ainsi badez, de reculer libremēt en estans recherchez. Or comme j'ay dit cy deuant en quelques leçons des cheuaux entiers, tout ainsi qu'en picquât & pressant del'esperon sur ceste partie chatoüilleuse, qui est enuiron le coude du cheual, entre l'aisselle & la premiere sangle, ou peut par le chatoüillemēt, ou par la douleur qui en procede, attirer la teste du cheual, du costé que ce moyē est pratiqué: aussi le peut-on quelquefois contraindre de baisser la teste, & d'approcher le nez vers la poitrine, (mesmement s'il est ramingue & fort sensible,) en le serrant discrettement des deux esperons, ensemble aux deux costez, & es susdites parties, tenant les iambes les plus fermes qu'il sera possible. Toutesfois comme j'ay dit cy deuant, quand

ces remedes & chastimens sont mal iugez, & faits à certains cheuaux coleres & malitieux, cela leur peut estre aucunefois autant d'occasions, entrant en quelque espeece de rage, de porter les dents aux iambes, & aux pieds du cheualier, & peut estre de se mordre eux mesmes, en quelque endroit des espaulles, ou de faire quelque autre acte vindicatif & enragé: principalement si le Caualerice n'a le iugement & la pratique de preueoir & remedier à ces euenemens, par les chastimens necessaires tant du nerf, que de la voix, tels que ie les ay ailleurs expliquez parlant des cheuaux coleres & mordeurs.

COMMODITEZ DES BASSES POVR L'ARREST.

CHAPITRE XXXV.



A plus grand part des Caualerices se seruent indifferément des calates gaillardes, pour cōtraindre plus facilement le cheual à parer sur les hâches: mais tous n'en sçauent pas bien les differēts effects. Pour moy ie les approuuefort, & tiens qu'elles sont necessaires aux cheuaux naturellement estēdus, abādonnez & pesāts, principalemēt quād ils s'arrestent sur le deuāt: car le remede en est propre pour les ramener sur les hâches, leur asseurer la teste & la queue, & les rēdre legers de deuāt: pourueu que les forces des pieds, des iābes, des espaulles, des reins & du courage y puissent resister. Autremēt ie blasme infinimēt les calates fortes: d'autāt qu'elles peuuent estre cause de la ruine du cheual, qui en sera tourmentē à faute de la capacitē des susdites parties necessaires, lequel apres y auoir estē poussē & arrestē pour mōstrer vne preuue euidente des efforts & incommoditez qu'il y receura, peut estre ne voudra-il plus partir pour y aller, ou s'il part, ce sera avec tel regret, qu'en aprochant de la pente, il se mettra souuent en deuoir de fuir d'un costē ou d'autre, ou de s'accroupir & se retenir cōtre la volōtē du Caualerice: de maniere que quelquefois il le faudra cōtraindre & chasser à coups d'espēro & de gaulle pour le faire dōner dedās la calate. Voyla cōment par la crainte d'icelle, les cheual peut aucunefois plustost apprēdre à fuir, ou à soupçonner & trop premediter le lieu de l'arrest, que à biē parer par vne nerueuse, obeyssante & legere pratique. Ce n'est pas à dire pourtāt qu'on ne doie iamais parer les cheuaux foibles dedās les basses, & qu'elles ne leur puissent souuēt apporter quelque cōmoditē, & aucunefois beaucoup: mais il est necessaire que le Caualerice aye le iugemēt & l'experience de sçauoir choisir la calate, facile ou forte, selō le naturel & les forces du cheual: & encores quād il s'en voudra seruir, ce doit estre seulesmēt au trot, & au petit & mediocre galop, selon la proportion, ou disproportion, qui pourra estre de la calate, à la capacitē des forces, & disposition du cheual: car par mon aduis on ne le poussera iamais tel qu'il soit, à toute bride dans vne forte descente sans necessitē.

QVAND le Caualerice parera le cheual, principalemēt dedans la basse, il doit appuyer son action & sa force sur ses cuisses & ses genoux: car si en tirant les cordes du cauesson, il tient les iambes trop auancees & bandees sur les estrieux, il tirera la selle avec les estriuieres sur les espaulles du cheual, au contraire de la pretenduē vtilitē de la calate, qui doit alliger le deuant du cheual: & par ce moyen l'incommodera bien fort, mesmement en reculant: à cause que l'un des plus grands travaux & desplaisirs, qu'on sçauoit donner au cheual timide, ou foible, ou tel qu'il soit, s'il est trop las, ou hors d'aleine, est de le faire reculer cōtre mont, & tant plus si la basse est forte. C'est pourquoy en ces occasions on doit peser le moins qu'il se peut, sur le de-

uât du cheual: & parce que la pente de la çalate empesche, que le Caualerice le puisse bonnement soulager de ceste incommodité, il vaudra quelquefois beaucoup mieux vser du chastiment & de la commodité de la muraille, tres-necessaire aux cheuaux foibles & de peu de memoire, qui s'abandonnent sur le deuant, & qui neantmoins sont coleres & courageux.

## COMMODITÉ DE LA MURAILLE POUR FAIRE

*bien parer aucuns cheuaux.*

## CHAPITRE XXXVI.



I par les regles & leçons precedentes le cheual ne se peut disposer à faire l'arrest leger & sur les hanches, il le faudra exercer au trot & au galop par le droict, au long d'une logue muraille, qui face angle & espaulé par les deux bouts, aupres desquels le Caualerice arrestera le cheual, & le fera reculer & tourner, comme j'ay desia dit:

& selon qu'il s'abandonnera, le Caualerice l'arrestera pres de la muraille, ou espaulé du bout de la courtine, afin que la crainte de choquer ceste muraille contraigne le cheual de se mettre ensemble, pour s'arrester sur le derriere: & s'il continue de s'appuyer trop sur le caueillon & la bride, il n'y aura point de danger de luy laisser heurter vn peu la muraille avec le nez & le caueillon, sans toutesfois l'y contraindre: au contraire quand le Caualerice voudra vser de ce chastiment, il se doit mettre en quelque deuoir, d'arrester le cheual, pour luy faire cognoistre, que le mal qu'il receura, ne luy aduiedra que par sa seule faure. D'autre part il pourroit receuoir si grand coup contre le front, que quelque accident dommageable, & peut estre incurable, luy en aduierendroit d'as la ceruelle, à l'ouye, ou aux yeux: & pour empescher qu'il n'esquie ce chastiment de muraille, il fera bon qu'il y ait vn homme de pied à chascun bout de la courtine, ayant vne longue gaulle, pour ayder, s'il est besoin, à le tenir à l'obeyssance de ceste regle. Or il ne faut point douter, qu'en peu de temps ce chastiment ne tienne le cheual bien fort aduerty: en quoy le Caualerice doit sagement employer son iugement pour arrester le cheual loin, ou pres de la muraille, du bout de la courtine, selon la crainte, qu'il en aura, ou qu'il continuera de s'appuyer, & peser sur la bride & le caueillon: afin qu'avec le temps, & par ce moyen bien continué, il puisse faire vne habitude, qui sans le fouler le face parer facilement en s'esloignant peu à peu, & puis se rapprochant, s'il est besoin, de la muraille iusques à ce qu'elle ne soit plus necessaire. Et afin que le cheual, de quelque complexion qu'il soit, ne se rebute, mais au contraire, qu'il face mieux son profit de toutes ces leçons, il fera bon aucunes fois de les varier & mesler: car les regles trop continuees, tant soient elles excellentes, luy peuuent souuent amener tels desplaisirs, qu'ils luy feront faire des mutations diuerses & inopinées: mesmement tant plus qu'elles le contraindront en son naturel.

Or cōbien que generally les cheuaux qui ont les iambes, les pieds & les espauls, foibles, ne se puissent bonnement arrester à la course: si est-ce qu'ils s'en trouuent aucunes fois, qui pour les mesmes imperfections, s'arrestent trop court sur les espauls, & sur les dents: combien qu'ils soient naturellement releuez & legers, à la main, & en toute autre action. Voyla comment les vns ne peuuent, ou n'osent cōfentir & se disposer à l'arrest à cause de l'incapacité des membres: & les autres pour la mesme incommodité & imperfection, font vne trop promptre resolution, employans tout à coup toutes leurs forces, sans espargner reins, espauls, iâbes, pieds, ny bouche, pour plus soudainement mettre fin à la douleur, & importunité, que leur



apporte la violence de l'arrest. La mesme briefueté peut proceder de quelque imperfection de veuë, qui leur fera soupçonner qu'on les arreste pour estre pres de quelque danger, qu'ils s'imagineront confusément, & qu'il soit vray, on void fort peu de cheuaux aucugles, qui ne s'arrestent facilement.

A ces cheuaux qui s'arrestent ainsi tout à coup, les basses & le rencôtre de la muraille sont extremement contraires, & le reculer ne leur est nullement necessaire: parce qu'ils ne s'assemblent que trop pour s'arrester. Au contraire pour les asséurer & attirer à vn appuy plus resolu, il leur faut ôster au commencement la gourmette, ou la tenir fort large, & les arrester lentement, & en traissant, iusques au trot & au pas, & mesmes en montant, regagnât peu à peu, & avec le temps le terroir plat, à mesure que le vray appuy de la main se fera, vsant sur tout d'autât de douceur, comme on doit apporter de rudesse à ceux, qui sôt singards, & qui desirēt s'arrester par malignité de courage, ou par poltronnerie. Quelques vns pourront penser, que le caueillon de corde soit propre à téperer l'appuy de ces arrests trop cours & precipitez: mais aucune fois ce sera vne occasiō au cheual de se soustenir plus pesamment sur le caueillon, & partant elle luy donnera moyen de faire l'arrest entores plus bas & plus court. C'est pourquoy le caueillon doit plustost estre de fer, pour releuer & chastier le cheual, qui fera ceste action sur les dents: & ce chastiment doit estre quelque fois accompagné de bonnes & fermes esperonnades, pour le chasser, pourueu que le cheual ne soit trop sensible, colere, & aysé à desesperer.

La raison pourquoy la susdite leçon de la muraille, est propre pour le cheual foible, est parce que le terroir ne le contraint aucunement, & que l'apprehension de ceste muraille, luy peut faire mettre ses forces ensemble, & le ramener sur le derriere, sans luy offenser la bouche, la barbe, les iambes, les espaules, les reins, ou les hanches: ny le desesperer, s'il est fort sensible & courageux. Et pour le regard des cheuaux coleres, c'est que les lieux contrains & limitez leur peuuent souuent ôster beaucoup de desirs licentieux, desquels naissent le plus souuent les inquietudes & la fougue, qu'ils faist, quand ils sont recherchez en lieu plus spatieux. Et quant à ceux qui ont faute de memoire, (pourueu qu'ils ne soient ramingues,) la muraille fait aussi qu'ils ont la veuë & la pensée plus occupee à l'escole, que s'ils estoient à la campagne, ou en part qu'ils eussent moyen de voir plusieurs obiects propres à les diuertir de l'attention de l'escole.

Je veux encores que le Caualerice sçache, que les calates & autres lieux contrains & limitez, sont generalemēt inutiles, & contraires aux cheuaux legers, coleres, sanguins & apprehensifs, quoy qu'au reste ils soient bien partis de membres: parce qu'estans de ce téperament, ils ont d'ordinaire trop d'inquietude, qui est cause que souuent ils s'offensent de la grande subiection & obeysance, principalement de l'arrest & du reculer: & si le Caualerice obstiné les pense gagner, ou contraindre par les plus aspres chastimens, & plus fortes, ou plus iustes caualcades, & leçons de l'escole (combien que les effects en fussent propres à d'autres cheuaux de differente nature) il y perdra souuent son latin, tant sur les voltes, comme au parer. Car l'apprehension (qui les faistra d'ordinaire) des aydes & chastimēs contraires à leur humeur, & mesmes recognoissans les lieux de la subiection, cela les mettra souuent en tel soupçon ou desesperoir, qu'au lieu de se rasséurer, & de comprendre, l'obeysance desdites leçons contraintes, ils chercherōt plustost les moyens d'eschapper, forçās la main du Caualerice pour fuyr l'escole. Et pour moy ie conseil le celuy, qui voudra bien dresser les cheuaux de telle humeur impatiente, de leur apprendre plustost

à manier, que s'amuser à la iustesse de l'arrest, qu'il les trouble si fort: n'entends manier librement & legèrement, large & estroit seulement, au trot & au galop aisé, & dene les arrester que rarement, & lors qu'ils ne penseront nullemēt à l'action de l'arrest, ou seulement en faisant la fin de la leçon. Ceste regle est bien fort esloignée de ce que j'ay dit parlant des cheuaux chargez, qui poissent, ou qui tirent à la main: & qui sōt naturellement moins coleres & sensibiles, que ceux-cy, & par consequent plus patiens pour supporter les remedes, & chastimens violens de l'escole, lesquels, ayans quelque commencement d'obeyssance & de pratique sur les voltes de trot & de galop, se doiuent le plus souuent allegier par les regles du parer, afin de les rédre apres plus libres & faciles au manège plus estroit: & au contraire, si l'on veut biē iouyr de ceux, qui sont esceruelez, & qui ont la bouche desdaigneuse, il les faut asseurer & faciliter sur les tours ou ronds avec beaucoup de douceur & de patience, au parauāt que les adiuſter à l'arrest. Plusieurs hommes de cheual trouueront possible ceste regle estrange, & au rebours des communes escoles. Toutesfois la raison en est fort naturelle: car l'action du parer estant generalement la plus subiecte & la plus penible de toutes celles, que le cheual peut faire, & à laquelle il doit rendre plus d'obeyssance, sans doute s'il est naturellement desobeyssant, colere & courageux, tant plus on le voudra rechercher & cōtraindre à la iustesse de l'arrest, tant plus entrera-il en fougue, & en inquietude: & quelquesfois: comme j'ay dit, se mettra en defense tōbant d'ordinaire en quelque dangereux vice, selon qu'il sera superbe, malitieux ou apprehensif. Je veux donc qu'on le gaigne en l'exercant, premieremēt au trot & au petit galop sur les voltes larges, & peu à peu estressies & haſtees par la pratique de l'escole, en diuers & differens lieux: & sur tout sans s'attacher à la bride, & sans rien oublier de la douceur & patience necessaire en telles occasions: car il est certain, que l'action de tourner est beaucoup plus naturelle que celle du parer: c'est pourquoy par l'exercice desdites voltes on peut appaiser & asseurer les esprits, & l'aleine du cheual fougoux & impatient: & par mesme moyen l'attirer plus facilement, & sans le troubler, à l'obeyssance de plusieurs & necessaires mouuemens de la main & de la iambe. Qu'il soit vray, on void vne infinité de cheuaux sensibiles & impatiēs, qui neantmoins sont attentifs à l'escole, lesquels assemblēt leurs forces, & ont l'appuy de la bouche temperé, tant qu'ils vont sur les voltes: & toutesfois partant d'icelles, ou comment qu'ils aillent par le droit, ils se mettent en fougue, & tirent bien fort à la main: qui est vn vray telmoignage que l'exercice des voltes, fait avec iugement & douceur, les asseure & leur occupe plus attentiuement les forces & la memoire que celuy qui se fait par le droit.

Or ayāt repatrié & reduit le cheual fougoux, à l'obeyssance & pratique des voltes du trot & du galop, le Cavalier aura moyen, à la fin des leçons, de luy faire entendre doucement & avec le temps, les proportiōs & iustesses du parer, pour deux raisons principales. L'vne que le cheual desia exercé, & accoustumé à beaucoup d'actions & mouuemens du Cavalier, n'en sera plus ignorant, ny par consequēt, en si grand soupçon: L'autre que n'estant d'ordinaire arresté que seulement pour mettre fin à l'exercice & pour la descēte du Cheualier, il aura plus d'occasion de desirer & bien faire l'arrest pour son repos, que de craindre & fuir: toutesfois, quelque grand respect que ie vueille qu'on porte au cheual colere & sensible, ce n'est pas à dire, qu'on doive tousiours supporter toutes les fautes, qu'il fera: car en fin il est necessaire qu'il entēde & cognoisse tous les chastimens de l'escole, sur peine que quād il sera en humeur de faire, ou lors qu'il fera quelque action faulſe & maligne, & que tout à l'heure le Cheualier le pēsera diuertir, ou corriger, il aduendra facilement que le cheual entrant en plus grāde colere, mesprisera les remedes & chastimens, ou se

defendra contre iceux, ne pouuant supporter ce, qu'il n'aura accoustumé de sentir. A cause de quoy le Caualerice doit aucunes fois desirer que le cheual luy face de son propre mouuement quelque faute fort licentieuse, & quelque trait & procedant de mauuais & obstiné naturel, pour auoir occasion de contester, & de le chastier & vaincre par les bons moyens de l'art. Car c'est autant d'auantage, pour apres le faire plus facilement ceder à ces leçons & aux chastimens des fautes moindres & ordinaires: & si pour le tenir aux premieres caualcades, en quelque crainte sans le mettre en action inquiète, ou en desesperoir, le Caualerice luy veut aucunes fois donner quelque coup d'esperon, ou de gaule, il faut que ce soit lors, qu'il n'attend, ny soupconne le chastiment: & si soudain apres l'auoir receu il se met en fougue: pour le diuertir à l'instant de quelque insoléce extraordinaire, le Caualerice doit changer de place, & en le menaçant varier l'ordre de sa leçon, sans pour cela se departir du tout de la proportion d'icelle, & apres le remettre accortement & à temps sur le stil des regles susdites.

DU CHEVAL DUR, ESGVERE ET  
*desesperé de bouche*

CHAPITRE XXXVII.



**A** V C V N S Caualerices esuentez sont d'aduis, quand le cheual ne se veut arrester par quelques moyens, peut estre mal propres, ou mal appropriez au naturel d'iceluy, de le laisser eschapper par sa fougue: voire d'accompagner sa fuite à grands coups d'esperons, & de la gaule, iusques à ce que l'aleine & les forces luy venàs à maquer, il soit contraint de s'arrester de soy-mesmes, prest à tomber par terre, du tout outré, & comme demy estouffé. Il semble que ceste reigle vienne de l'escole de ce fol, duquel on racompte, qu'un iour se plaignant de son cheual, qui l'emportoit outre son gré, disoit, tout esmerueillé, qu'il ne cessoit de le piquer de toute sa force, & si pourtât ne le pouuoit retenir: ou de l'imitation du medecin, peu sçauant & trop hazardeux, qui pour son dernier remede met au fort la guerison, ou la mort du malade. D'autres Escuyers tirent quelque consequence d'aucuns, qui estant emportez par des cheuaux, lesquels eschapans & courans de desesperoir, dressoyent fortuitement leurs fuites à quelques precipices, & dit-on que ces hommes, se trouuans pres des extremes dangers, ont voulu follement pousser, & mesmes contraindre les cheuaux effrenez, à se precipiter avec eux: dont il est aduenü que la frayeur du peril à retenu ses cheuaux tout court, leur laissant le souuenir d'une crainte si grande, que depuis ils n'ont ose refuzer l'obeissance de l'arrest: pour moy ie m'en raporte à la verité, & tiens que la pratique de ces moyens tant scabreux n'est propre qu'à ceux, qui ne sont gueres sages, ou qui ont faute de meilleur recours. Je pense qu'il ne sera pas hors de propos que i'allegue icy quelques traits estranges, que ma fait vn cheual Gascon, qui estoit ieune, de bon poil, & de fort belle taille, mais naturellement le plus dur de bouche & plus court de memoire, qu'on eust, peut estre, sçeu trouuer au monde: & ce qui estoit encores pis, il auoit esté tellement tourmenté & desesperé par plusieurs mains & diuerses brides, rudes & rigoureuses, qu'il en auoit la bouche du tout corrompue & falsifiée, à laquelle desia les cals estoient formez, & à plusieurs fois vlceréz sur les parties, qui se doiuent conseruer saines, & en leur naturel, pour iouyr des bons effects de la bride. Je ne trouuay mords qui l'embouchast mieux, qu'un vieux canon vscé, par le moyen duquel ie le promenay long temps en diuers



diuers lieux, luy tenant ordinairement du miel rozat dās la bouche, avec des drappeaux qui enueloppoiēt ceste emboucheure, iusques à ce que ces vlcères furent gueris, & presque du tout consolidez. Apres ie voulus cōmencer de luy apprendre à parler: mais il auoit receu tant de desplaisirs par la diuersité des brides precedentes, qu'aussi tost que ie le voulois arrester allant le pas, il ouuroit & tornoit la bouche, faisant les forces, & entrant en alarme se mettoit au trot: & si allāt le trot, il sentoit extraordinairement tirer les renes, ou les cordes du caueſſon, soudain il prenoit le galop: & quand il entroit en fougue, si ie ne luy laschois diligemment la main, le mettant en sa liberté, il prenoit vne fuite de desesperce, autāt quād la gourmette estoit en bon & iuste poinct, comme n'en ayant point du tout: de maniere que quād cela aduenoit à la cāpagne, ie n'auois autre remede que de tirer vne corde du caueſſon, pour luy tourner le col & la teste d'un costé, afin que ceste action me donnast quelque moyē de l'arrester: car de me seruir de la bride, c'eust esté vn plus grād desordre, à cause du soupçon qu'il en auoit, & aussi des cicatrices de la bouche, encores fraiches & sensibles, lesquelles ie ne voulois rompre ny alterer en aucune façon: tellement que si ie ne me fusse souuenu vne fois entr'autres estāt à la chasse, de luy ietter mon manteau sur la teste, pour luy bouscher les yeux cependant qu'il m'emportoit en sō desesperce, sans doute il m'eust precipité, & mis en quelque peril. Cela me mettoit quelquefois en rētatiō de hazarder le susdit extreme & bizarre chastimēt. Mais quād ie me representois que les lōgues & furieuses courses, sont ennemies capitales de la facilité de la bouche, de la memoire & de l'obeissance du cheual, & cōbien ce luy, à qui i'auois affaire, estoit naturellement disposé aux inconueniēs & desordres, qui procedēt des courses extremes, ces raisons me retenoiēt, & me faisoient naistre vne infinité d'autres moyēs, qui me promettoiēt beaucoup plus d'effets, que ie n'e voyois reüssir, à cause de l'obſtinee resisťce du peruers naturel, & encores plus de la mauuaise habitude de cest animal desesperé: si est-ce que ie l'adoucis peu à peu, & trouuay moyen avec le temps & la patience, de luy faire aucunemēt gouter la bride, & de le parer au pas & au trot, & quelquefois au petit galop. Mais il me fut impossible de le faire reculer deux pas: car la douceur y estoit inutile: & quād ie le voulois tāt soit peu contraindre, aussi tost il se preparoit pour s'en fuir & m'emporter: tellement que pour empescher aucuns de ses traits licēcieux, ie l'exerçois ordinairement dedās vneallee estroite, longue & fermee de muraille, tāt par les costez que par les bouts, laquelle par bonne aduenture me vint à grande commodité. Ie cherchois toutes les cauteles & tous les moyens, que ie me pouuois aduifer, pour le faire reculer: mais c'estoit autant de peine perduē. Or vn iour ie me trouuay si mescontēt & reburé d'auoir tant respecté & caressé ce meschant & incorrigible cheual, & d'en estre si mal satisfait, que la patience m'eschappa, & luy donnay deux ou trois grāds coups de nerf entre les deux oreilles, & au long du frōt, afin que le bout de ce nerf arriuaſt iusques sur le caueſſon, pensant me véger par le chastimēt, & tirer d'iceluy quelque satisfactiō, cōme i'auois fait de plusieurs autres cheuaux. Mais au cōtraire il se mit à secouer la teste, & à tendre le nez en auant, m'arrachāt presque les cordes & les renes des mains: & s'en alla courāt à toute bride, droit à vn des bouts de cesteallee, là où il y auoit vne petite porte de la hauteur d'un homme, qui par bōheur fut fermee: cōme ie me vis enuirō à cinquāte pas pres de ceste porte, ie cognus biē que le cheual & moy couriōs vnefole & hazardēse fortune: car il estoit des plus vistes, qui se pouuoit voir: & au lieu d'apprehēder le bout limité de cesteallee, il sembloit qu'il renforçast sa course contrē ma volonté: tellement qu'il estoit comme impossible, d'euter vn choc estrange & furieux. La crainte de ce danger fut cause que ie ne me peux empescher de tirer & m'attacher à la bride, & au caueſſon: ce qui le mit en plus grand desesperce, & donna si grand coup cōtre la porte, que peu s'en salut qu'il

ne l'enfonçast & mist en pieces, quoy qu'elle fust double, fort espaisse & presque neufue: & de ce coup il se rôpit la bouche, le nez, & vn sourcil, s'escorchea vne espaulle, pour le moins aussi grand comme la main, & se donna vne grâde atteinte à vn pied. Il n'y eut plus moyé de faire seruir la bride, les deux harfos de la selle furēt ouuerts, & le caueffon tout faussé. Pour moy, Dieu merci, ie n'eus pas beaucoup de mal, & me iettay soudain en terre, estonné tant du danger que i'auois couru, que de voir ce miserable cheual estourdy & tout en sang, lequel ie tenois pour perdu. Ie le fis promener enuiron vn quart d'heure, cependant qu'on me promenoit aussi me soustenant par des sous les bras: & apres ie le renuoyay à l'escuirie pour le faire pesser, là où de tout ce iour il ne cessa de trembler, & durant iceluy ne voulut mager ny boire. Et par ce que ces grands chastimens ne se peuuent, & ne se doiuent faire souuēt, & que ce cheual auoit naturellemēt fort peu de memoire, & point d'obeyssance, ie remontay le lendemain dessus, en quelque mauuais estat qu'il fust, & le menay dedans cesteallee seulemēt pour le promener, & pour descouuoir ce que ie pouuois esperer de ce chastimēt: là ie prins ses façons de faire pour bōs indices car aussi tost qu'il eut fait enuiron trente pas dedans l'allee, il commença à dresser les oreilles, signe de quelque soupçon: & comme il fut au bout & pres de la porte, qu'il auoit le iour auparauant choquée si rudement, il en eut peur, & se mit à rôfler, & à trembler: toutesfois il en approcha assez pres, sans y estre fort contrainct. Ie cuiday lors le faire reculer, par ce que les murailles, & la porte me dōnoient occasion de me seruir de la bride, du caueffon & du nerf, pour le contraindre, sans qu'il me peust eschaper: ioinct que i'estois secouru de deux hōmes de pied, qui tenoient les deux cordes du caueffon, & qui vsoyent de tous les remedes, dont ie me pouuois aduiser, tant par la douceur que par la force. Mais pour tout cela il n'y eut moyen de le tirer en arriere, que tant qu'il se pouuoit bander, & acculer en allōgeant les espaulles & les bras, sans partir les pieds de deuāt de terre. Ie ne le voulus rechercher, ny tenir trop longuement pres de ceste porte, craignant qu'il en perdist l'aprehension, ou que le second desplaisir, qu'il y eust peu recevoir, luy fust oublier le premier, qui estoit plus consequent. Mais ie le menay doucement à l'autre bout de l'allee, où il y pouuoit auoir trois cens pas, & puis le remenay au petit galop: parce que l'action en est fort propre, pour appaiser les cheuaux fougoux & desesperez, & mesme pour assseurer les bouches esgarées. Ie voulois aussi mieux recognoistre, auant que le renuoyer au logis, la memoire qu'il auoit de l'auertissemēt de l'arrest, & du choc de la porte, & ne faillis à l'aduertir fort doucement, dès qu'il en fut pres enuiron vingt pas: mais d'aussi tost qu'il sentit tirer les renes, il secoia la teste par des mouuemēs estranges, & en haulsant le nez il s'elança de telle sorte, qu'il redōna encores contre la mesme porte: & quoy que ce fust beaucoup moins rudemēt que le iour auparauant, il se fit de grandes douleurs, à cause de ses playes, qui furēt renouuellées: & croy qu'il n'eust point donné ceste fois à la porte, n'eust esté qu'il auoit la teste si enflée du premier choc, que la veuē en estoit trouble. Ie le renuoyay tout à l'heure au logis, pour euitier l'occasion de quelque plus grād desordre. Cinq ou six iours apres il eut la veuē esclarcie, & par ce qu'il auoit ce grand defect de memoire, ie le ramenay dans nostre allée, là où sans faire autre ceremonie ie le fis partir au petit galop: pour aller encores droit à la porte, laquelle il apperceut d'assez loing, & en se retenant il racourcissoit son galop à mesure qu'il approchoit de la porte: tellement que sans aucune difficulté il l'arresta aussi tost que ie l'eus aduertey en tirant medio cremēt la bride & le caueffon: & ce qui plus me contenta fut, qu'au lieu qu'il souloit haulser le nez, quand on le vouloit arrester, il fit cest arrest en dressant les oreilles, en se ramenāt & regardant fixe ceste porte: qui fut signe qu'il commençoit à recognoistre le chastiment: mais de reculer il y eut aussi peu de moyen;

qu'au parauant. En fin ie m'aduifay de prendre la porte d'une petite maison, qu'il y auoit dans ce iardin, laquelle ie fis porter & mettre, sans que le cheual s'en apperçust, dedans l'allee, à quatre ou cinq pas pres de l'autre porte, qui auoit receu les deux chocqs & secouffes du cheual, & la fis tenir en celieu toute droicte, par vn hōme de pied, que ie mis en grand hazard. car si le cheual eust encore choqué ceste secōde porte, il ne l'eust pas seulement renuersée sur cest homme, mais il eust passé dessus son corps & moy-mesmes n'eusse pas esté quitte de quelque mal. Mais le mescontentement, auquel i'estois, m'auoit tellemēt esmeu, que ce doute neme garda pas de reuenir encores au petit galop d'assez loing sur ma premiere piste, & mō cheual ne faillit non plus ceste fois d'obeir à l'actiō que ie fis pour l'arrester, estant à quatre ou cinq pas pres de la porte empruntée: mais ce fut bien par le plus incōmode & soupçōneux arrest, que i'iamais i'aye senty: toutes-fois il me cōtenta selon l'ocasiō. Apres que i'eus caressé mon cheual, ie me mis de nouueau en deuoir de le faire reculer: & cepēdant ie fis aduācer cest hōme, en poussāt la porte deuant soy. Cōme le cheual la vid approcher, sans recognoistre ce qui sauāgoit, il en eut vne telle peur, qu'il en recula confusēmēt cīq ou six pas: lors ie fis arrester cest hōme, afin d'auoir moyē de flatter & appaiser le cheual, & de peur aussi, qu'il ne tournast la teste de l'autre costé, pour se mettre en fuite. Deslors ie me seruis ordinairement de ce remede pour l'arrester, & toutes les fois qu'il ne vouloit reculer par la bride, ou le caueffō, ie faisois encores aduācer ceste porte, me faisant ayder par des hommes à pied. Par ce moyen & vne infinité de caresses & cōtraintes, trop lōgues à discourir, ie le fis consentir à la parade, & luy apprins peu à peu à reculer: sans cela ie croy qu'il n'eust iamais entendu l'aduertissement de la bride, ny la proportiō de l'arrest. Iel'exerçay apres si long temps dedans cesteallee, & l'arrestay si souuent, esloignāt peu à peu la porte, que dans sept ou huiēt mois il oublia, & perdit entièrement ses soupçōs & frenesies, & se rendit à force d'escole & de pratique, le plus franc & plus aylé cheual, tant au parer qu'au manege terre à terre, que i'eusse pour lors sous ma charge: ie dis si franc, que combien que les courses continuées, loyēt du tout cōtraires à la franchise de la bouche du cheual, ie m'en seruois ordinairement à courir la bague, à cause qu'il couroit aylément & rondement, & que de sō naturel il n'estoit pas fort colere, ny sensible: & par ce mesmement que tous les cheuaux de bague: qui durant leur course premeditée recognoissent le lieu, auquel ils ont accoustumē s'arrester, sans doute, en y arriuant, ils se disposent à la parade, pour finir leur effort, si le cheualier ne les chasse plus auant. Par ce discours particulier il est aylé à iuger, que le reculer bien considéré & fait à son temps cōuenable, est vn moyen necessaire pour apprendre le cheual à bien parer, & pour le rendre obeyssant & leger, quand il est pensant, ou qu'il l'appuye, ou tire plus qu'à pleine main. Toutes-fois, s'il est trop continué & mal à propos, plusieurs cheuaux l'a coustumeront, & en feront vne telle habitude, qu'en fin, ils ne s'en chastieront plus: mesmemēt ceux qui sont extremement fougoux & durs de bouche, à cause quel'impatience & ardeur, qui les possede, quand ils sont eschauffez, les empesche de recognoistre la cause & l'effet du reculer: & ceux qui sont trop courts d'ecolure en sont quasi de mesme: parce qu'ils sont communement chargez d'espaules, & qu'à cause de la difficulté qu'ils ont de se ramēner sur les hāches, ils appuyent facilement les brāches du mors, cōtre leur poitrine, & par ce moyē rēdent souuēt le reculer inutile. Et si le cheual, duquel ie viēs de parler, n'eust esté assez lōg à la main, à grād peine eust-il choqué la porte avec le nez, cōme il fit: & s'il fust aduenu autrement, le chastimēt n'eust pas esté si profitable: car il n'est necessaire que aux cheuaux, qui n'ont point de creāce qui ēportēt & s'en vōt le nez en l'air à la desesperade. La raison est, que le nez est vne partie des plus sētibles qui soit au cheual, & en laquelle par



consequent, il craint extremement les coups: de maniere que pour la garentir du chocq & de la douleur, qu'il aura desia recogneuë, il sera cōme contraint de baisser la teste, pour hazarder le front. Puis donc que le propre de ce remede, est de ramener le nez du cheual esgaré de bouche, c'est à dire, qui n'a nulle obceyffance ny fermeffe de teste, ny d'arrest, il ne peut estre necessaire à ceux, qui s'armēt, quoy qu'on ne les puisse arrester; car ce seroit plustost vne occasion de leur faire baisser la teste d'auantage. Mais ie diray vn autre chastiment, lequel neantmoins ne se doit faire, non plus que cestui-cy, sans y estre contraint apres tous autres remedes.

DU CHEVAL DUR DE BOUCHE ET PESANT  
CHAPITRE XXXVIII.



L se void peu de ieunes cheuaux, qui ne pesent, ou ne tirent à la main, quelque chose qu'on puisse faire, iusque à ce qu'ils ont atteint l'aage de cinq ans: combien qu'ils soient de taille bien partie. La raison est, que plustost ils ne peuēt estre en leur vraye force, ny ne scauroient auoir formé, & assuré la iuste posture du col & de la teste. Toutes-fois pour cela on ne laisse pas aux communes escoles, de les rechercher aussi viuement en la quatriesme annee, comme s'ils en auoiēt dix. Ces desordres sont cause, que cōmunement ils sōt plustost foulez, que bien dressez: & ceux, qui sont de leur naturel chargez d'espaules & de teste, ne se rendent legers, qu'ils n'ayent neuf ou dix ans: & le plus souuent point du tout, si ce n'est quel-que espace de temps à force d'art & d'exercice: & si nonobstant ceste grosseur de stature, il s'en récontre quelqu'un, qui soit nerueux & courageux, & qui aye la taille belle, & legere sous l'homme, l'on ne doit faire estat de ceste vigueur, & legereté, que pour partir de la main à la Françoisē, & pour en tirer tout au plus, cinq ou six passades étroites & furieuses. Car de penser qu'ils puissent resister à vn effort de longue haleine, comme s'ils estoient de legere & nerueuse taille, ce seroit erreur: puis que l'on void par leur stature, qu'il semble que nature s'y oppose. Voyla d'oū viēt que, pour courir le cerf, les bons piqueurs treuēt que les plus excellēts courtauts, doiuent estre plustost vn peu estroits de deuant, longs à la main, & hauts sur terre, que fort trauez & racourcis. Aussi à la verité pour galopper longuement & legerement, le cheual a plus besoyn d'aleine & de facilité, que de fougue, ny de grāde force, & celuy qui a la posture plus racourcie, & plus belle, n'en faute pas plus seurement les hayes & les fosses: Au contraire pour bien partir & parer ferme avec iustesse, & pour repartir tride & furieusement, mesmes pour redoubler les voltes de ferme à ferme, le cheual doit estre trauez, & fort de reins & de tous ses mēbres. Car pour fournir longuement le manege iuste & serré, & principalement celuy des fauts, il est necessaire que naturellement il aye moyen de tenir ses forces assēblées, & neantmoins prestes à les distribuer en l'ordre des bonnes leçons. Or parmy les cheuaux chargez d'espaules & de teste, il s'en trouue qui ont quelque gaillardise legere, neantmoins naturellement liée & retenue, de laquelle la Caualerice ne se peut preualoir pour en tirer vn bel air releué, combien que tels cheuaux soyent de bon aage, à faute de moyen de les faire parer legerement, & de les rendre bons à la main. Quant à moy ie les renuoyray tousiours aux premieres leçons de celiure: mais si elles ne sont suffisantes, & que par curiosité, ou par necessité il soit questio d'vser à l'extremité de remedes excessifs, il faudra trouuer vne allée fermée par les costez, dedans laquelle on puisse plāter & accōmoder vis à vis & de la hauteur d'vn

homme, deux forts crâpons, ou aneaux de fer, aufquels l'on attachera deux fortes cordes, chacune par vn bout, longues également, enuiron quinze ou dix-huict pas, assauoir vne de chafque costé. Apres il y faudra amener le cheual, & l'on ioin-dra les autres bouts de ces cordes, à celles du caueffo, obseruât les logueurs pareil-les: & afin qu'elles n'entrauēt ou enbarassent les iâbes du cheual, il faudra qu'elles soiēt soustenues & haulsées iusques enuiron les cartôs de la selle, par d'autres petites cordes, qui tiendront à la boucle de la croupiere. Cela fait, le Caualerice fera partir ce cheual de trot, par le droit, & pour la premiere fois ne fera nulle actiō pour l'ar-rester, mais luy laissera sentir l'effect de ces cordes, & cōme elles l'auront arresté, le Caualerice le fera reculer dix ou douze pas, plus ou moins, selon qu'il pourra auoir reconnu le lieu & la secousse de cest arrest contrainct, & limité. Et afin que le Cau-alerice n'aye occasiō de s'attacher beaucoup à la bride, & que la bouche & la barbe du cheual ne patissent trop, il doit estre secouru d'un hōme à pied, qui sache me-nacer & battre discrettemēt ce cheual avec la gaulle, ou le nerf, sur les bras ou sur le nez, selō qu'il refusera de reculer. Et apres luy auoir rendu la main, & fait quelques careffes vn peu de temps, le Caualerice le fera repartir. Et cōme il sera pres du lieu, iusques auquel lesdites cordes se pouiront estendre, il se mettra en deuoir de le pa-rer: afin que s'il n'obeist assez diligēment, il aille soudain prēdre de foy le chastimēt, selon la faute. Ayant cōtinué cecy plusieurs fois, il en faudra faire tout de mesmes au galop: & si le cheual n'a bien reconnu l'effect desdites cordes, & qu'il ne se dis-pose pour obeir prōptement à l'actiō du Caualerice, & à l'aduertissemēt de la bride, sans doute ces cordes luy donneront vn grand chastiment. Et si d'auenture estant en inquietude, & fâché de reculer, ou d'estre recherché longuement en ce lieu, il entreprend de faire quelque escapade licentieuse, ce chastimēt l'arrestera, & le ra-mennera si rudemēt sur les hanches, que peut estre il en sera porté par terre, & fust-il aussi pesant qu'un taureau.

**F**ORT peu de cheuaux receurent ces grandes estretes, que quelque temps apres n'en soient estonnez, & ne s'en ressentent, voire les hommes qui serōt dessus, n'en demeureront pas quitres: car elles sont extremement violentes, & dangereuses. Aussi void-on que là où les cheuaux en ont esté deux ou trois fois surprins, ils re-partent apres avec tel soupçon, que tant s'en faut qu'ils tirent ou qu'ils pesent à la main, que au contraire le Caualerice a plustost de la peine à les pousser, & les chaf-fer en auant.

**O**R quand le cheual sera en ces grands soupçons, il le faudra faire reculer d'avan-tage, assauoir doucemēt, & à plusieurs fois, luy rendant souuent la main de la bri-de: & apres estre reparty, l'arrestar, deuant qu'il arriue si pres de l'extremité du lieu limité & reconnu, à peine de racourcir les cordes, s'il se fait trop soustenir, l'ar-restant en vne nouuelle place. Et s'il ne veut plus repartir, & qu'il se defende quād on le voudra contraindre, le Caualerice fera destacher les cordes des crâpons, & en les laissant traîner par terre, meînera le cheual en quelque autre lieu incogneu, où il le fera partir, & parer cōme deuât: & si le cheual recognoissant la liberté, ne se veut bien arrester, le Caualerice, fera prendre chaque bout des cordes trainantes, à deux ou trois forts hommes qui sans bouger d'une place les tiendront fort & ferme: & fera reculer assez loin son cheual, sans luy forcer la bouche, ny la barbe, & apres re-partira de trot ou de galop, & par le moyen de ces hommes à pied, luy laissera en-cores prendre vne estrapade, assauoir selon la difficulté, qu'il fera de s'arrester: car de luy continuer ces chastimens extremes, sans se mettre en quelque deuoir de l'arrester, estant pres d'iceux, ce seroit plustost vne occasion de le rebuter, ou de s'esperer, que de le faire obeyr.

QVAND il aura esté de nouueau ainsi chastté pésant estre en liberté, ie m'assure qu'il sera apres ordinairement en doute, quoy qu'il change souuét de place, mesmes tant qu'il traînera ces cordes, & qu'il verra des homes de pied autour de soy, craignât qu'ils ne prennent & tiennent lesdites cordes pour l'arrester de secousse. Qui sera cause qu'il se disposera à l'obeissance del'arrest & du reculer, & qu'il se pourra rendre bon à la main, avec la longue habitude, la discretiō & la patience du Caualerice: mais s'il ne peut attendre que le cheual aye vne assez longue pratique de se ramener & aligerir sur les hanches, par cest effort qui se fait à nature, & que plustost il le vueille mettre en sa premiere liberté, ou en d'autres leçons, & exercices esloigne de l'estroite obeissance du parer, à grād peine en sortira-il à son honneur.

LA commodité de l'allée fermée ne sert pas seulement pour attacher & tenir les susdites cordes, mais aussi pour empescher que le cheual aye la veuë & la memoire occupée ailleurs, qu'à l'escole, afin qu'il entreprenne moins de defences & qu'il comprenne & retienne mieux les effects de ces remedes. Quoy que ce soit i'aduise icy le Caualerice que les cheuaux, qui sont naturellemēt les plus choleres, impatientés, & apprehensifs, sont aussi extremement ennemis des plus grādes subiectiōs, & qu'ils ne l'ont souuēt appris à mes despēs, par estrāges actes, se sentāt trop cōtraints. De maniere qu'il m'a fallu plusieurs fois auoir recours à d'autres remedes plus lōgs & moins rudes: mais aussi ay-ie exercé d'autres cheuaux plus patiēs, qui par les susdits moyens se sont en fin rendus obeissans & legers à l'escole, ou en autre lieu premedité, & ont esté en fort bōne reputatiō: quoy que de leur naturel ils fussent extremement chargez & pesants d'espaules, & de teste: mais non pas peut estre en si peu de temps, que voudra mettre en semblable occasion quelque ieune, ou impatient Caualerice. Toutesfois si tous ces remedes ne peuuent rendre obeysans, aucuns cheuaux disgraciez, il ne s'en faudra estonner, puis qu'entre les hommes mesmes, qui sont, ou doiuent estre capables de raison, il sen trouue de si mal nez, que les plus sages ne peuuent persuader, ny cōtraindre leur mauuais naturel aux honnestes occupations. Je pense que ceste difference se peut considerer en toutes especes d'animaux domestiques, mais pour les cheuaux j'en suis assuré. C'est pourquoy ie ne cōseilleray iamais à homme de cheual, de se mettre en peine pour certaines roffes, qui ne seront propres que pour la charrette, ou pour la malle, si ce n'est tant qu'il sera ieune, & encores en doute d'une infinité de choses de cest art: desquelles il se faut necessairement rendre expert par la diuersité des cheuaux bons & mauuais, & de toutes sortes de complexions.

DES CHEVAUX QUI ONT L'APPROPRIÉTÉ  
de la bouche foible.

CHAPITRE XXXIX.



EST vne belle partie de sçauoir aligerir le cheual, qui a la stature pesante ou autrement imparfaite, & l'inclination licentieuse: mais le Caualerice ne doit pas estre moins curieux de rechercher les moyens, qui peuuent assseurer la bouche de celuy qui naturellement l'a trop sensible, foible & incertaine: car il est impossible de luy redoudre en bonne posture la teste, ny le col, & par consequent, qu'il se puisse redre ferme, ny iuste à quelque sorte d'air ou de manege propre au plaisir de la carriere, ny aux necessitez des combats, si premier on ne luy rend l'appuy de la



bouche, ayfé & solide. Et pour ce faire aucuns bôs Caualerices, veulēt en telle occasion qu'on exerce le cheual, fans le parer, que pour finir l'exercice, & fans le faire reculer. La regle en est bonne pour l'ordinaire: mais quand à moy ie suis d'aduis, que par caualcades variées on le pate souēt: assauoir en galopāt, & lors qu'il n'at, tend ny esperel'arrest, pourueu que ce soit avec iugemēt & douceur, & sans le faire ordinairement reculer: mais au contraire qu'on le face repartir sans le precipiter: aussi tost qu'il aura paré. Car les arrests aysez estendus & continuez, avec le tēperament de la bonne main, le pourront diuertir de diuers soupçons, qui peut estre l'empeschent de s'appuyer; principalemēt des efforts excessifs, qu'il aura plusieurs fois receuz, en s'arrestāt trop court, & aussi des douleurs desordonnées, qu'il aura souffert à la bouche ou à la barbe, par les brides & gourmettes trop rudes, ou mal appliquées.

OR en cecy il faut cōsiderer, que tout ainsi que les lieux limitez sont ordinairement propres pour allegier les cheuaux, qui pesēt à la main, aussi ceux, qui ont l'appuy de la bouche foible, doiuent estre exercez à la cāpaigne, où il ne se voye nulle figure d'escole, qui leur puisse dōner occasiō de premediter l'arrest, ny autre proportiō estroite & limitée. Et tout ainsi qu'on ne leur doit iamais permettre de reculer, sās y estre cōuiez, ou cōtraints: il est aussi tres-necessaire, qu'on leur apprenē à reculer par les accoustumez mouuemēs de la main de la bride, & du cauefio: à cause que l'ō void souēt que les cheuaux qui ont la bouche foible, se bādēt autāt ou plus sur le mords, lors qu'ils sōt las, ou hors d'aleine, ou ayās les barres eschauffées, que s'auoient faire ceux, qui naturellement sont chargez & pesans. De maniere, qu'il est mal-ayfé, quād cela aduiēt, de les faire reculer, s'ils ne l'ōt auparauāt appris par pratique: & si en ces extremitez le Caualerice les y veut cōtraindre par la force, il se peut asseuerer que, outre qu'il les trouuerra bien fort desobeissās & obstinez, les efforts qu'ils receueront au barres & à la barbe (qui pour lors sont partie endormies, & presques insensibles) leur causeront apres telle douleur, que la bouche en demeurera plus falcifiée, qu'elle n'aura auparauant esté. Enquōy l'on peut appréhendre qu'il n'est pas seulement bon que le cheual trop leger à la main, (pourueu qu'il ne soit retif) apprenne à reculer par l'effect de la bride: mais qu'il se faut garder de luy travailler tant les forces & l'aleine, que la bouche, qui est de foy trop delicate, en soit offensée, sur peine des desordres qui en pourront naistre.

Tous ceux qui ont pensé que les faulces renes, qui s'attachent aux archets des branches du mords, offensent la bouche delicate, se sont bien fort trompez: car plus tost elles la soulagent, & mesmemēt la barbe: pourueu qu'en vsant des faulces renes on tire moins les renes ordinaires, & que l'éboucheure soit vn simple canō, & la gourmette ronde, assez longue & grosse, comme i'ay dit ailleurs. Pour tirer vne preuve suffisante de ce precepte, c'est que les antiques & premieres brides estoient presque des filets, & des longes ou renes attachées aux archets: depuis pour tenir le cheual en plus grande subiectiō, les Caualerices ont inuenté les branches & la gourmette. Or donc les faulces renes bien appliquées ne ferōt point rudes, ains apporteront sans doute beaucoup de commodité, pour fortifier & resoudre l'appuy de la bouche du cheual, qui l'aura foible & trop sensible.

DES CHEVAUX QUI TIENNENT LA  
bouche ouverte & tournée.

## CHAPITRE XL



**Q**UAND le cheual de sa nature, ou par accident, a quelque défaut aux pieds, aux iambes, aux espaulles, ou aux reins, qu'il épeschent de fournir facilement à quelque exercice nerveux & principalement à l'action de l'arrest ferme & léger, il ouvre ordinairement la bouche & fait souuent les forces: en quoy il montre le soupçon & la crainte qu'il a d'estre contraint par les violents effects de la bride. Qu'il soit ainsi, l'on void par experience, qu'il ouvre & tourne la bouche d'auantage, qu'ad il soupçonne la course furieuse, ou qu'il est recherché de quelque iustesse, estant fort las, & hors d'aleine. Il y en a d'autres aussi qui font ceste desagréable cōtenance, seulement pour n'auoir point d'inclinatiō au manege, ou pour auoir la bouche tant desdaigneuse, ou la barbe tāt gastée, qu'on ne peut inuēter aucune bride, ny gourmette, à la quelle ils puissēt prendre plaisir. Or quāt aux remedes de ceux, qui ont ceste imperfectiō, à faute de force & d'aleine, il leur faut premieremēt oster le soupçon des plus violēs desplaisirs, qu'ils peuuent auoir receus, & qu'ils redoutēt, principalement l'apprehēsiō de la course violēte, & de l'arrest trop contraint & limité. Pour ce faire il n'y a moyen plus propre, que aucunes fois le trot ayssé, & cōmunément le petit & paisible galop continué, en tournāt fort large, & par le droit, sās parer que sur la fin de l'exercice, & encores le plus lentemēt, qu'il se pourra, ne laissant toutes fois le cheual trop abādonné d'appuy de bouche: sur tout la douceur de la main, est requisite en cecy, avec la fermeté d'icelle. Par ce moyen le cheual se peut appaiser, & en se repatriār se mettre avec le tēps en bonne aleine, & par cōséquent se fortifier: & si pour tout cela il ne redresse, & ne rassure sa bouche, ce sera vne apparece qu'elle pourra auoir esté si long tēps offēlée, par les differēs efforts de plusieurs & diuerses brides & gourmettes, que l'abitude de ceste imperfectiō l'aura tellement gaignée & falsifiée, qu'il faudra necesseremēt vser de remedes, comme si le cheual auoit de nature la bouche faulse & desdaigneuse.

**Q**UAND doncques le cheual fera les forces pour ne vouloir gouter aucune sorte de bride, il faudra en l'exercant vser du simple canon, & de la gourmette ronde, & assez longue, avec les faulx renes: car par le moyen d'icelles, le Cavalierice pourra avec le temps corriger le cheual, en le chastiant, par quelques secousses bien considérées, & propres au naturel de sa bouche, lesquelles luy seront données à tous les coups, du costé qu'il tournera les maschoires: & pour bien comprendre les effects de ce chastiment, il faut considerer que la faulx rene est attachée à l'archet de la brāche, qui est vn endroit fort voisin de la barre, & que au tēps que ceste faulx rene fait son operatiō, elle ne peut offenser la barbe, ny que fort peu la barre, à cause que la gourmette demeure en telle occasion cōme inutile. Or est-il que plusieurs cheuaux desdaigneux font les forces, tāt à cause de l'importunité de la gourmette: que pour l'incommodité de lemboucheure: c'est aussi en quoy l'on peut iuger, que les faulx renes sont nécessaires au remede de telle imperfectiō. Toutes fois si le cheual boit sa bride, elles luy donneront plus de commodité en ce vice, & mesmes pourront faire que le canon pressera extraordinairement la langue, & par cōséquent dōnera occasion au cheual, qu'il a grosse, ou trop sensible & serpentine, de la passer dessus l'enboucheure, & de tenir la bouche trop ouverte: à quoy la cōmune

De l'utilité des faulx renes.

contrainte du caueſſo, pourroit beaucoup ſeruir. Mais d'autât qu'il eſt beaucoup, plus facile de faire, que le cheual continue de tenir la bouche fermée, & la langue en ſon canal, & que l'enboucheure ſoit en ſa iuſte place, que de l'épeſcher de faire les forces, y eſtant accouſtumé ie ſuis en ce cy d'aduiſ, ſ'il eſt aſſez auancé en exercice & en aage, qu'on mette aucune fois le caueſſon à part, pour vſer deſdites faulſes renes, tenant la muſerolle fort eſtroite, & plus baſſe que ſon lieu ordinaire. Et ſi le cheual a l'appuy de la bouche dur, & tendu, il faudra neceſſairement que ſon exercice ſoit fait pariemment, & ſouſtenu par vne grande douceur, accompagnée d'une ferme legerreſſe de main, principalement ſi le cheual eſt ſenſible, apprehenſif & fougoux.

## POVR METTRE LE CHEVAL DV

*trot au galop,*

## CHAPITRE XLI.



N ne doit iamais exercer le cheual au galop, tant qu'il peſe, ou tire à la main en trotant, ny iuſques à ce qu'il ſoit deſgourdy & alegery par l'actiō du trot, car autrement ſans doute le mouuement du galop le fera abandonner d'auantage ſur l'appuy de la bride, & tant plus ſ'il eſt chargé de deuant. Et quand bien il ſera libre au trot ſur les grands, & premiers ronds, & que le Caualerie vouldra commencer à le faire galopper ſur la piſte d'iceux, il le faudra faire encor, trotter quelques iours au parauât, plus eſtroit que l'eſpace ordinaire des ronds, enuiron vne tierce partie, ou la moitié, afin de l'attirer apres plus facilement: car de le precipiter, peſant tout à coup luy faire refoudre le galop ſur la meſme proportion, qu'il aura eſté exercé ſeulement au trot, cela luy pourroit dōner occaſion de ſe rebuter & ſe departir de la piſte premiere, ou de ſe deſſendre par quelque autre moyen, & ſe rendre entier. Mais ayant eſté pluſtoſt extraordinairement ferré & cōtraint au trot, & venât apres à eſtre eſlargy, ceſte liberté le fera conſétir plus facilement à l'actiō du galop, ſur les premiers rōds: & pour le laiſſer en moins de fougue, & plus de legerreſſe & d'obeiſſance, il faut finir ceſte leçon ſur le meſme trot & eſtroite proportiō des tours, qu'elle aura eſté cōmencée: ſur tout ſi le cheual tourné difficilement, il le faudra longuemēt promener à la fin de la leçon, beaucoup plus eſtroit qu'il n'aura trotté, ny galoppé, ſans toutes fois le cōtraindre beaucoup: car bien ſouuēt ſi le caualerie eſt patient, & aduiſé, ce paſſage pourra ſeruir autât, cōme tout le reſte de la leçon: & ſi le cheual a la bouche ſi leger, ou ſi foible, qu'il ne puiſſe bonnemēt prendre appuy ſur le trot, il ſera bon de luy faire cōmencer ſon exercice au galop, apres l'auoir promené & vn peu recherché pour le faire trotter. Et cōme le Caualerie ſentira qu'il ſe refoudra ſur l'appuy de la bride, il le remettra peu à peu au trot eſtēdu, & fureux, duquel il ſera le pl<sup>9</sup> ſouuēt la fin de ceſte leçon: & de ces moyens peut naiſtre avec le temps le bon temperament de l'appuy de la bouche, autant au trot, cōme au galop: & quād le cheual, leger ou peſāt, ſera libre à toutes mains au trot & au galop ſur les rōds mediocres & au parer, lors il ſera tēps de cōmencer à l'adiuſter plus eſtroitement, le mettant premierement par le droit aux premieres regles des paſſades.





POVR ADIVSTER LE CHEVAL  
AV TROT SELON SON NATVREL.

CHAPITRE XLII



N peut desia comprendre iusques icy, que l'exercice de trot est le premier & plus necessaire fondement de la legeresse, & de toutes les leçons, qui peuuent rendre le cheual adroit & obeysant, & sur lequel se doiuet bastir toutes sortes de maneges: mais il faut qu'en cest exercice les principales consideratiōs soyent diligēment obseruées. A sçauoir que si le cheual est naturellement leger à la main, le trot estendu & resolu luy est propre, d'autant que s'il est besoing, il luy peut desgourdir les membres, assseurer la teste, & les hâches, refouldre le col & les espauls à la facilité des voltes: & mesmes luy peut communément donner le premier sentiment & la cognoissance du vray & ferme appuy de la bride. Au contraire si le cheual est naturellement pesant, ou que pour quelque autre imperfection, il tire à la main, ce trot long & resolu l'abandonnera sur les espauls, & le fera tirer d'auantage. Il faut doncques en ceste derniere occasion, principalement si le cheual est long de corsage, tascher à l'exercer d'un trot le plus court & releué, qu'il sera possible, afin de le mettre & tenir ensemble, sans toutes fois s'attacher trop à la bride, ny au caueillon: afin aussi que par ce mesme moyen, il s'accoustume à porter la teste en belle & bonne posture.

DIFFERENCE DES CHEVAUX QUI PESENT  
à ceux qui tirent à la main.

CHAPITRE XLIII.



A difference qu'il y a des cheuaux qui pesent, à ceux qui tirent à la main, est que ceux qui pesent, s'appuyent & s'abandonnent sur la bride & le caueillon, pour estre foibles, ou trop chargez, ou pour auoir la bouche naturellement trop charnue & endormie: & ceux qui tirent ont les barres dures, & communément rondes & descharnées: à cause de quoy ils bandent le col, & les maschoires pour se deffendre & forcer le bras, & le poing du cheualier, lors qu'ils ne peuuent ou ne veulent fournir à cé, qu'on les recherche. Or quant à ceux qui pesent, ils se peuuent allerger selon l'art en se fortifiant, par l'exercice du trot: & ceux qui tirent se peuuent aussi ramener & amolir en leur accroissant l'alcine, & leur ostant la fougue par l'exercice du trot, & du petit galop. Mais en fin ceux qui pesent sont ordinairement fots, & paresseux, & ceux qui tirent sont impatiens, desobeysans, & par consequent les plus dangereux & incorrigibles.

DIFFERENCE DES BOUCHES TROP SENSIBLES,  
foibles & fermes.

## CHAPITRE XLIIII.



Une bouche trop sensible & soupçonneuse est celle qui s'offense de toutes sortes de brides, & qui bat, ordinairement à la main. La foible est celle qui est trop legere: c'est à dire, qui ne prend appuy sur quelque bride douce qu'il luy puisse mettre, quoy qu'elle ne batte iamais à la main. Et par celle qui est ferme, se doit entendre cest appuy mediocre, assauoir solide & temperé, que les bons hommes de cheual ont en tres-expresse recommandation.

## PREMIERE LECON DE TROT

sur les passades.

## CHAPITRE XLV.



OVR cōmencer d'exercer & adiufter le cheual aux passades & aux voltes de trot, & pour euitier qu'il ne face au commencement de ces leçons plusieurs desordres cōmuns, ou afin qu'il en face moins il luy faudra plustost faire cognoistre communément deux ou trois fois la proportion des passades & des ronds, allant le pas, assauoir le pas de l'escole, qui doit estre aduertty, racourcy & leger. Car il ya differēce du pas de l'escole, à celuy qui se fait abandonné, ou lētemēt en allant par pays, ou en promenant le cheual auant ou apres la leçon. Ceste proportion de ronds, & de passades se doit faire selon que le cheual sera de suny, engourdy, ou pesant c'est à dire, que s'il s'abandonne sur le deuant, & sur l'appuy de la bride, il faudra tenir la passade plus courte, & les ronds plus estroits, qu'es'il estoit leger, ou ramingue. Mais pour l'ordinaire la passade doit auoir enuiron trente pas de longueur & chaque rond quatre pas de diametre ou largeur, mesurant à trauers en ligne droite, & passant par le centre. Or cependant que le Caualerice aduertira ainsi sō cheual, il aura moyen d'adiuster les renes en tel poinct dedans la main, & en si bon & temperé appuy, qu'il puisse tenir la teste du cheual en belle situation, sans le trop contraindre: ensemble de se bien asseoir dedans la selle, de redresser s'on corps & ses iambes, de s'asseurer sur les estrieux, & de bien accommoder son chapeau. Mais tout cela se doit faire si accortement, que à peine ceux qui assisteront le puissent cognoistre. Car tout ainsi que le Caualerice ne doit estre grossier en ses façons de faire, aussi ne doit il rien monstrier de trop affecté. Apres il doit commencer à vn bout de passade, de mettre le cheual par le droit, au trot, qui sera propre à sō naturel, comme i'ay dit.

PLUSIEURS sont d'aduis, lors que le cheual est arriué presque au bout de la passade, auant que le tourner à vne main, de l'elargir plustost vn peu, feignant de le vouloir tourner à l'autre. I'approuue fort ceste reigle, quand elle se fait pour tropier & corriger le cheual ramingue, qui se retiēt, ou desrobe pour prendre la volte, premier que le cheualier l'aye aduertty: & mesmes si en failāt la volte, il s'elargist trop de derriere, le Caualerice a moyen aussi par ceste feinte, de luy asseurer aucunement la

crouppe. Mais quand le cheual ne fait telles fautes, ie veux que la passade soit droite, du partir iusques à l'autre bout, auquel iustement se doit commencer l'action, & le circuit de la volte, ou demy volte, autrement ce manège sera imparfait. La raison en est fort apparente : car le temps & l'espace qui se pert à faire la feinte susdite auant tourner, ne falsifie pas seulement la droicte ligne de la passade, mais cela faict que le serrer de la volte en est d'autant retardé.

D'AVTRES font aussi vne regle generale, d'arrester ferme le cheual à tous les coups, qu'il est arriué pres du bout de la passade, premier que prendre le tour : & d'autres qui ne l'arrestent iamais en ses larges & premieres leçons par le droit : mais ie veux que le Caualerice, sçache, que le style de parer sur le trot, deuant la volte, ne se doit obseruer, si ce n'est quand le cheual est desuny ou qu'il tire ou pèse à la main. Car ce seroit vne grande faute de le tourner estant abandonné sur les espaulles, ou sur l'appuy de la bride, & vne autre incongruité grossiere de l'arrester, luy sentant au bout de la passade ses forces vnies, & l'action generale legere, & en estat de bien commencer & fournir la volte. En fin le parer ne sert en ses leçons, que pour faciliter le cheual à bien tourner quand il n'y est pas disposé.

OR doncques le cheual estant arriué d'un bon trot, & léger au bout de la passade, le Caualerice le mettra sur le rond à telle main qu'il voudra, & luy fera faire, selon le style des communes escolles, deux ou trois tours bien arondis : & en finissant le dernier, remettra le cheual sans confusion sur la droicte piste de la passade, pour en aller faire autant à l'autre main, & à l'autre bout, sans croistre, diminuer, ny rompre aucunement s'il est possible, la iuste battue du trot, propre à l'appuy de la bouche, à la stature & au naturel du cheual : & continuera ceste leçon du mesme ordre, iusques à ce que le cheual l'aura comprinsé selon sa capacité, & qu'il sera temps de l'arrester. Et afin qu'il s'accoustume à regarder d'ordinaire, là où il luy faudra poser les mains, & que ce moyen le rende plus franc & plus facile au manège, il faut necessairement que le Caualerice luy face tousiours faire soit avec la corde du caueçon, ou la pointe de la gaulle ou du nerf, la premiere action de la volte, & fournir apres tout le reste d'icelle, en portant vn peu la teste sur le costé qu'il tournera. Ceste premiere action se doit entendre, auparauant que tourner le point de la bride sur la volte, ou pour le moins en mesme temps, sans pour cela acculer le cheual, le faire partir de sa ronde piste, ny luy interrompre la iuste battue du trot.

IL se void fort peu de cheuaux, qui en ces premieres leçons non accoustumées par le droit & sur les voltes, ne se penchent sur le rond en esslargissant trop les iambes de derriere, iettant par ceste action la crouppe au dehors, principalement ceux qui sont plus coleres, sensibles, & impatientes : à cause que toutes les fois qu'ils ont fait vn tour, ils pensent aller par le droit, ou voudroyent auoir desia mis fin à la leçon des voltes : tellement que le desplaisir, qu'ils recoiuent de rentrer à l'obeissance d'icelles, estant à l'autre bout de passade, leur faict ainsi falsifier en cor la iuste rondeur des voltes. Car en fin ce des-aggreable mouuement de porter, ou ietter les pieds de derriere hors du vray circuit de la volte, procede le plus souuent de malignité.



## DV CHEVAL QVI AVX PREMIERES LECONS

*des passades ierte la croupe hors du circuit des voltes.*

## CHAPITRE XLVI.

**Q**VAND le cheual fasché d'estre contraint de trotter sur les voltes assez estroittes, portera la croupe hors de leur iuste rondeur, il faudra auoir la patience d'essayer, durant trois ou quatre leçons, s'il se vouldra adiufter sans estre rudemét battu: car aucune fois il se pourroit eslargir seulemēt à faute de pratique: & si l'on void qu'il perseuerer comme malicieux & obstiné, l'on vsera lors des chastimens ordinaires de l'esperon, du nerf & du caueillon hors la volte falsifiée. Et en ce temps le Caualerice retiendra vn peu le cheual, & le soustiendra, en aduancant le poing de la bride & le poussant vn peu par le droit sortant du rond: car autrement le chastiment se trouueroit inutile. Et quoy que pour la premiere, ou seconde fois, que ce chastiment se fera, le cheual ne s'adiuste selon le desir du caualerice, pour tant il ne s'en faudra trop fascher: car tous les cheuaux ne sont pas prompts à comprendre les effectz des mouuemens differens de la iambe, ny de la main.

Et si en faisant ceste leçon, il se trouue à commodité quelques lieux enfoncez ou creusez, à la forme d'un fonds de bassin, pour en iceux trotter & tourner le cheual, s'as doute ce sera vn grand secours pour le refondre, & empescher de trop eslargir les iambes de derriere en tournant: & quand le Caualerice vouldra partir d'un lieu, pour aller par le droit changer de main, ou pour continuer de tourner du costé pl<sup>s</sup> mal aysé en vne nouuelle place, il n'aura que faire d'observer aucun endroit particulier du rond: mais il en pourra desloger par tel lieu qu'il vouldra choisir, s'en allât à son gré reprendre la mesme volte, ou changer de main, pres ou loing, selon les deportemens du cheual. Et souuent en partant du rond, il sera bon de luy pousser la croupe, en dedans, soit de l'esperon, ou du nerf, ou de l'un & de l'autre ensemble, du costé qu'il continuera d'eslargir & falsifier la volte, sans le laisser, pour ce chastiment, trop retenir ny trop aduancer. Et par ce moy il se rendra libre & iuste à toutes mains, sans se dispenser de mettre fin aux voltes, de parer, ny de tourner, que selon l'action & l'aduertissement du cheualier.

Comodité  
de trotter.

Il adient ordinairement en ces leçons, que le cheual impatient tournant à vne main au bout de la passade, desire tāt finir la volte & de partir de la place, à la quelle il tourne, pour aller à l'autre bout de passade changer de main, ou finir la leçon, que souuēt quād il a tourné la reste du costé, où il espere serrer les voltes pour aller par le droit, & qu'on le veut tourner d'auantage, il se plie, se couche, s'acule, ou cōment que ce loit, se fait souuēt battre, en passāt à regret ce lieu remarqué, pour redoubler les voltes. Quand cela adient, le Caualerice luy fera chāger de main au mesme lieu qu'il desire serrer & finir la volte, & quelque fois en vn autre endroit: & soudain le remettra sās desordre sur la mesme piste de la mai chāgée, pour luy faire cōtinuer sa leçon en vn seul rond, iusque à ce qu'il ne s'atēde pl<sup>s</sup> d'en partir: & puis à l'impourueu, le menera bien droit & esueillé au long de la premiere passade, ou par tel autre lieu qu'il vouldra, pour luy faire chāger de mai, & pour luy faire ceste leçon qui seruira beaucoup pour les cheuaux, qui contēt & veulēt limiter le nōbre des voltes, & qui ne peuēt attendre le mouuemēt & aduertissement du cheualier: mais ie veux sur tout, que le Caualerice le soustiēne par vn appuy, le plus leger & tēperé

qu'il se pourra, tant du caueſſon que de la bride, & qu'il ſe garde de faire tant tourner le cheual à la main, qui luy ſera plus difficile, que au lieu de le gagner, il le rebute du tout. Car en fin ce ſont vices ou imperfections, qui ſe doiuent vaincre avec les bonnes regles, le temps & la patience, principalement tant plus que le cheual eſt colere, apprehenſif, ou fort timide.

Il eſt ayſé à iuger à l'hôme de cheual, que la pluſpart de toutes ces leçons, ſe doiuent faire en lieu ſpacieux, & qu'elles ſont pluſ propres aux cheuaux coleres, bizarres, & neâtmois legers à la main, qui ſe retiennent, ou qui ont la bouche trop legere ou molle, qu'à ceux qui ſont lourds, & qui ont trop d'appuy, & faute de memoire: leſquels au contraire doiuent eſtre coſtumièrément exercez en lieux ordinaires & recogneus, tant pour leur faire mieux retenir les leçons, que pour leur oſter l'occafion de ſe trop appuyer & de tirer à la main, ſur l'eſperance de changer ſouuent de place pour mettre fin à l'exercice, ou pour fuyr de tout l'eſcole.

OR ces autres leçons de memoire aſſauoir ordinaires recogneuës & obſeruées ſe doiuent ſouuēt faire en lieu auquel le terroir panche, de façon que la volte ſe puiſſe commencer contre bas, & ſerrer & finir en montant, pour r'entrer dans la paſſade: car ceſte pête de terroir peut beaucoup ſeruir à la facilité, & à la juſteſſe du manege, par ce que le cheual prenant la volte cōtre bas, il eſt preſque contraint de ramener ceſte action ſur les hanches pour ſe tenir dans l'eſpace du rond: & ſi cependāt qu'il eſt au pluſ bas du terroir de la volte, il veut deſrober & jeter la croupe hors de la juſte rondeur de ceſte leçon, la cōmodité de ce terroir ſe trouue tout à propos pour y remedier: d'autant qu'il faut de neceſſité, que pour cōtinuer de tourner, il mōte: & ceſte autre action, qu'il fait en montant, eſtant auſſi extraordinairement ſouſtenuë ſur les hāches & es iarrrets, luy oſte vne partie des moyens de ſ'eſlargir deſrobāt la croupe. Et outre que ce terroir qui pāche eſt propre à la juſteſſe il ſert auſſi à deſgourdir, allegierir le cheual, pourueu que ſes forces y correfpondent.

LE commun des Caualerices, pour empeschier que le cheual ne ſe couche ſur la volte, & ne jette la croupe hors la piſte d'icelle, veulēt que l'on face le chaſtimēt de l'eſperō, du coſtē qu'il fait la faute, fort en arriere: & que l'on tiēne d'ordinaire la jambe, qui chaſtie, reculée, & l'eſperō d'icelle voiſin du flanc. Pour moy, ie ne veux pas dire que ce remede ne ſerue à quelques cheuaux peſāns, ou de peu de vigueur, & neâtmoins aſſez ſēſibles, & que ie n'en aye pluſieurs fois vſē: mais il a ſi mauuaife grace, que ie voudrois, que ceux qui receurent mon aduis ne le pratiquaſſent, que par grāde neceſſité: car il eſt beaucoup mieux ſeāt & meilleur, de faire le chaſtimēt de l'eſperō ſur la partie ordinaire, aſſauoir enuīrō trois ou quatre doigts arriere des ſāgles, pourueu que ce chaſtimēt ſoit en meſme temps ſouſtenu, & accōpagné d'une action de poing, contraire à la volte, ou aduancée par le droit, ſans toutesſois chaſſer le cheual que fort peu hors de ſa piſte rōde, ſ'il ne ſe retient trop ou ſ'accule. Mais ceſte ayde de poing ſe doit faire avec beaucoup de fermeſſe, & de cōſideratiō, ſoit ſeulement avec le capcſſō cōtraire à la volte, ou avec la bride, ou tous les deux enſēble: afin que l'actiō de la main & le chaſtimēt ſe raportēt également à la faute du cheual, & à l'appuy & tēperamet de ſa bouche, ſelō l'eſtat, auquel le Caualerice ſurpris, ou préparē, ſe trouuera auoir les renes & les cordes aux mains. Et au lieu de tenir la ſuſdite ſābe ordinairement en arriere, ie veux que le Caualerice la tiēne droite, & qu'il l'appuye fermement ſur l'eſtrieu, du coſtē que le cheual ſ'eſlargiſt. Car outre que ceſt appuy ſert de cōtre poids pour redreſſer le cheual, qui ſe couche ſur la volte, & qui ſ'eſlargiſt de derriere, il redreſſe auſſi l'aſſiette du cheualier: & ſi

quelquefois en faisoit ce contrepoids, l'estrieu touche & passe l'espaule du cheual à l'endroit, ou fort pres, du coulede, cela pourra beaucoup seruir à luy tenir le corps droit, mesmement s'il est chatouilleux: d'autant que c'est vne partie fort sensible, & que se sentant ainsi touché de cest estrieu, & aucunes fois de l'esperon en ce lieu inaccoustumé, il y aura par necessité le courage occupé: & mesmes il aduiedra souuēt qu'il y voudra regarder, ou pour le moins il portera la teste avec le courage, plus de ce costé que de l'autre: qui est vn tesmoignage que le remede en est propre, d'autāt que le cheual ne peut que difficilement, tourner la teste du costé qu'il desrobe la croupe pour eslargir la volte. Enquoy l'on peut aussi cognoistre l'erreur de ceux qui pour chastier & determiner sur la volte le cheual, qui est entier à quelque main le picquent ordinaiement d'un esperon, pres de l'espaule hors la volte, & de l'autre enuiron le flanc dedās icelle. Pour le chastiment du flanc, il est quelquefois necessaire: mais pour celuy de l'espaule, il est aysé à iuger par ceste explication, que le remede en est cōtraire, ou pour le moins inutile. Et pour le contêtement des esprits subtils & curieux, qui penseront peut estre, que puis que l'esperonnade donnée au flanc du costé que le cheual se desrobe, peut chasser, ou pousser la croupe à l'opposite, que le coup d'esperon, qui se dōne à l'espaule doit faire de mesmes: ie diray que l'une & l'autre partie sont naturellement fort sensibles & delicates, & que les soupçons & chastimés des esperons, peuēt estre faits en chacune d'icelles, d'une certaine façon si chatouilleuse, ou du tout si aspre & trop continuee, qu'ils attireront aucune fois plustost le cheual colere & malicieux, du costé & à la defēce de l'aprehēsiō & de la douleur, qu'ils ne le disposeront à la crainte & fuite d'iceluy. Néanmoins il faut cōsiderer, que la cōmune & lōgue habitude de l'ecole apprend au cheual, que les coups des esperons luy sont donnez aux costez & aux flancs, pour le pousser & chasser en auant, ou de quelque costé: & cest artouchement d'estrieu, ou d'esperon, cōtre le bout de l'os de l'espaule, entre l'aisselle & la premiere sangle, est extraordinaire, & fait en lieu tant sensible, & auquel le cheual a si peu de deffense, & tant ne cōmodité de veoir ce qu'il chatouille, ou l'importune, que nature l'incite à ietter l'œil, & par consequent porter la teste de ce costé. Et si en ceste mesme occasion l'on met aussi en cōsequēce le chastimēt de la gaulle, qui se fait communément sur l'espaule du cheual hors la volte, & qui reüssit souuēt à luy resoudre le deuant dedans icelle, il faut aussi entendre, que ce chastiment de gaulle, ne se fait pas ordinaiement en ceste partie, que maintenant ie veux que l'estrieu & quelquefois l'esperon touche, ou batte: & que (outre la commune habitude des esperonnades données aux costez & aux flancs, & l'inaccoustumance de celles qui se donnent aucunes fois si pres des espaulles, ou aux espaulles mesmes) la nature des coups qui fouētrent, est de chasser beaucoup plus, que ceux qui picquent, ou qui chatouillent. Encores faut-il que le Cavalierice sçache, que tout ainsi que les coups de gaulles bien cōsiderez, aydent beaucoup à la legeresse du cheual, & à le chasser, quand il se retient, les plus violents & trop continuez, le peuuent aussi intimider & retenir tant sur les voltes, que par le droit.

Pour ne confondre le lecteur, sur ce que i'ay desia plusieurs fois noté, que pour rendre le cheual libre au tourner, il est necessaire qu'il porte d'ordinaire la teste sur la volte & d'autant qu'il semble que ie varie par ces derniers remedes & chastimés, ie desire qu'il cōsidere que ie les baille seulement pour adiuſter la croupe du cheual, qui la desrobe en dehors, & que mon intention est que à l'instant, qu'il aura le corps droit sur la iuste piste du rond, on luy redresse diligemment le col, & la teste, en continuant de tourner.



Et parce qu'on est souuent contrainct d'vser d'aucuns chastimens extremes, & bizarres, ie ne baille pas celuy de l'esperô fait à l'espaule du cheual, & hors la voltre, pour vn si grand desordre, qu'il ne puisse quelque fois seruir, mais c'est à certaines actions, si malicieuses, qu'il semble quasi qu'elles sont contre nature. Comme (entre autres) quand le cheual porte le col, & la teste du costé qu'il est entier (chose difficile à comprendre sans vne grande pratique, & à quoy il est malaysé de remedier avec le caueillon, ou la bride.) Alors ce chastiment se peut faire, d'autant qu'il en prouiet souuent deux effects cōtraires en vn-mesme temps: car la douleur d'iceluy attirer, cōme i'ay dit, la teste du costé qu'il est fait, & par mesme moyen pousse l'espaule de l'autre, mais en fin ces chastimés tant extraordinaires sont seulemēt permis au Cavalier discret & bien fondé, qui n'en vse que par grande necessité, & selon qu'il cognoist le cheual disposé aux bons effects diceux.

O Ray ie desia dit la longueur ordinaire que doit auoir la passade du trot, & aussi l'espace des voltes. Il faut maintenāt entendre, que la fin & le ferrer d'icelles, pour r'entrer dans la passade, sās corrompre, ny desfordōner le trot, se doit faire de biais comme l'on void communément pratiquer, en nos escoles.

L'ON peut aussi faire que chasque bout de passade, my-partisse chacū des ronds, de façon que la voltre se commence par vne moitié, & se ferre par vn autre: afin que pour repartir, le cheual r'entre dedans la passade iustement, par là où il aura commencé la voltre: & pour ce faire il est necessaire de tenir les voltes plus larges que les precedentes: & afin de les proportionner plus facilement, il faudra faire ceste leçon en lieu, où le terroir soit plein & vny: lequel ne sera pas moins propre à soulager le cheual foible, que celuy qui pāche, à desgourdir le cheual nerveux, & fort sur ses membres. Et encores peut-on aux lieux plains ayder à la souplesse des membres debiles, sans les offenser, en mettant des mottes de terre assez grosses, qui trauersent en plusieurs lieux la piste des ronds observez: comme ie pēse que le Sieur, Federic Grifon, entendoit en escriuant aucunes de ces reigles.

## PRINCIPALX EFFECTS DV GALOP.

### CHAPITRE XLVII.



Le propre du galop: est d'asseurer la bouche du cheual: car si elle est foible, ou trop sensible, le cavalier, a moyen en galoppāt) mesmes au large, & à la campagne,) de l'attirer & resoudre peu à peu à l'appuy de la bride. Et si le cheual tire à la main, pour auoir trop de fougue, & de desir de courir, ou pour eschapper licetieusement ou estant effrayé, le galop lent & doucement retenu luy peut appaiser & asseurer les esprits, augmenter l'aleine, & par consequent temperer la trop violente apprehension. Il est aussi generalemēt necessaire pour diuertir les mauuais desseins des cheuaux, qui ont le cœur double & fingart, & pour desnouër & bien disposer la vigueur superflue de l'esquine des cheuaux trop gaillards. Or tout ainsi que le cheual se met à vn trot plus franc, quand il a esté plustost aduertuy au pas, aussi d'ordinaire se resoult il plus facilement au galop, quand il a vn peu trotté auparauant.

## POUR COMMENCER A METTRE LE CHEVAL

*du trot au galop, sur les voltes larges, & doubles des  
passades communes.*

## CHAPITRE XLVIII.



**Q**UAND le cheual fera librement les susdites leçons, & que le Cavalierice le voudra mettre aux premières reigles du galop, sur le même manege, il commencera ordinairement la leçon au trot, selon le style susdit, continuant ce trot, iusques à ce que le cheual soit assez desfourdy. Lors estant environ quatre pas près du bout de la passade, le Cavalierice hastera & chassera le cheual discrettement par le droit, selon sa vigueur & legeresse, le mettant au galop le plus aisé qu'il pourra, duquel il luy fera commencer la volte, & soudain qu'il en aura fait au moins vn quartier, il le remettra doucement à son premier trot, & d'iceluy, sans le plus interrompre, continuera de luy faire tourner & fournir au moins deux voltes, les fermât comme l'ay dit au leçons precedentes: & allant apres de ce même trot, à l'autre bout de passade, il luy en fera faire tout de mêmes à l'autre main.

APRES que le cheual aura pratiqué ceste entrée & commencement de volte, au galop, le Cavalierice augmentera peu à peu les temps du galop, de quartier, en quartier, sur la iuste piste de la volte, sans precipiter le cheual, reprenât à tous les coups le trot, iusques à ce que avec le temps, & par la bône pratique, il fournisse entierement, & facilement ce manege, sans plus interrompre le galop, gardant sur tout en galoppant toutes les proportions de la susdite piste du trot.

Si le terroir de ceste leçon panche vn peu du costé de la volte, comme l'ay cy-devant expliqué, sans doute il portera beaucoup plus de commodité, que s'il estoit plain & uni Car si le cheual est leger & sensible de bouche, outre que ceste descente l'attirera, & resoudra à prendre plus facilement la volte, la même commodité luy pourra affermir les hanches, la teste & l'appuy de la bride ensemble: par ce que naturellement le cheual se ramaine, & se laisse pluost soustenir en galoppant contre bas, que en toute autre commodité de terroir.

Si le cheual a l'appuy de la bouche plus dur ou pesant, que à pleine main, soit de nature, ou pour quelque accident & mutation, il sera bon, principalement en ces leçons & forme de terroir, de le surprendre souuent le mettant sur la piste qui ferme les voltes, & par icelle luy faire commencer le rond à rebours & contre mont: & apres auoir fourny le nombre de ses tours, s'entrer droit dedans la passade, au contraire de la commune reigle: car ceste commodité luy donnera moins d'occasion de s'abandonner en prenant la volte, & même aydera beaucoup au mouvement du galop, & à la fermeté de la teste: à cause que ceste surprinse & entrée de volte, se fait en montant, & par vne certaine feinte & action de corps, qui luy assure & adjuuste les hanches, comme l'experience fait sentir au bon Caluarice.

## POVR LA IVSTESSE DV MANEGE DE GALOP.

## CHAPITRE XLIX.



**A**ME SVRE que le cheual pratiquera les fusdites leçons de galop, & qu'il se rendra facile sur les voltes, le Cavalierice proportionnera peu à peu le galop aux forces, legeresse & inclination du cheual, & à la disposition de bouche: assauoir le hastant, & luy faisant eslargir la volte selon qu'il fera paresseux, ou singard, ou qu'il se preuaudra de Pesquine ou qu'il s'acculera, ou se couchera sur la volte: le retenant selon qu'il se mettra en fougue, ou qu'il tirera à la main: estreiffant la piste du tout, selon qu'il se rendra libre & contestant ainsi, iusque à ce que le manège de galop soit à la proportion, qui conuiendra mieux au naturel, & à la pratique du cheual.

Et soit que le cheual trotte, ou galoppe sur les voltes, ie rediray encores, que toutes les fois que le Cavalierice sentira qu'il voudra jeter la croupe hors de la iuste rōdeur de son manège, il le portera diligēment en auāt, sans tourner le poing de la bride du costé de la volte, mais plustost à l'opposite, tirāt le caueffon hors le rond, & en ce mesme tēps, se soustiendra pesamment sur l'estrieu contraire, touchāt & pressāt d'iceluy cōtre l'espaule du cheual. Et s'il se ferre retenāt trop la croupe dans le tour, le Cavalierice aduancera aussi le poing, le tenāt & baiffāt du costé qu'il tournera, tirāt aussi le caueffō dedās la volte, & se soustenāt fort sur l'estrieu du mesme costé, faiffāt toutes fois la moindre actiō de corps, qu'il sera possible, tāt à l'une main qu'à l'autre, empeschāt, autāt qu'il se pourra, par to<sup>s</sup> ses mouuemēs necessaires, que le cheual ne rōpe le tēps ny la proportiō de sō manège. Et si l'effect de la bride & du caueffō, ou le cōtre poids donē sur l'un ou l'autre estrieu, ne suffit à redresser le cheual sur la iuste piste des voltes, il faudra vser du chastimēt de l'esperō, ou du nerf, ou de tous les deux ensēble, du costé que la faute se fera, & sur les parties cy deuāt dites: mais sur tout avec iugemēt. Car il faut cōsiderer, que si les chastimēs se fōt ordinairement extremes, & pour des petites fautes, le plus souvent excusables, ils pourrōt aussi tost estōner le cheual flegmatique & timide ou desesperer celuy qui sera naturellemēt colere, sâguin & sēfible, que corriger l'un & l'autre, principalemēt quād les fautes procedent d'ignorance, ou d'impossibilité.

## AUTRES PRINCIPAUX ADVERTISSEMENTS

*pour l'air & la iustesse du galop.*

## CHAPITRE L.



**L**Y a encores trois choses entre autres, que le Cavalierice doit diligēment obseruer en l'exercice du galop, soit à la campagne, ou aux leçons ordinaires. La premiere & principale, est d'accompagner l'air du cheual avec telle legeresse, & temperature de main, qu'il aye moyen de luy sentir l'appuy de la bouche, & luy tenir la teste en belle posture, sans s'attacher à la bride: car cela luy osterā beaucoup d'occasions de se deffendre, mesmement par la duresse du col, ou des barres. Qu'il soit ainsi, l'on void cōmunément que le cheual, qui tire naturellemēt à la main, ou qui est coustumier de faire des escapades licentieuses & malicieuses,



reuient plustost en son vice, & se rend aucunes fois plus obstiné lors qu'on le pèse tenir plus subiect de la bride. La seconde que le cheual accompagne & suiue iustement des pieds de derriere, la piste de ceux de deuant, sans porter la teste, ny la crouppe en dedans, ny en dehors, côme i'ay dit aux dernieres leçons de trot. La troisieme, que selon la fougue qu'il aura donné au galop, par le droit sur les passades, le cheual soit, auât tourner, aduertí, retenu, & soustenu par vn si bon & téperé appuy de bride & de caueillon, & si bien à temps, qu'il ne soit contraint de faire la volte trop abandonnee sur les espaules, ny trop ramenee & retenue sur les hâches. La quatrieme, de mettre fin ordinairement á l'exercice, premier que le cheual soit filas, ou hors d'aine, que par necessité il s'abandonne sur les espaules, & sur la bouche, autrement la leçon sera le plus souuent inutile.

ADVERTISSEMENT GENERAL POVR  
les susdites leçons.

CHAPITRE LI,

**Q**UOY que les reigles generales doiuent communément estre obseruées aux bonnes escoles, si est-ce qu'il est permis aux meilleurs maîtres de se dispenser en plusieurs choses: car puis que le cheual à tousiours plus d'inclination naturelle à vne main, qu'en l'autre, & qu'il est subiect à faire diuerses mutations en ses leçons, il sera souuent nécessaire de le ferrer à vne main, & le sargir à l'autre: de le hafter ou retenir, & mesmes le faire trotter à vne main, & galopper à l'autre, de croistre ou diminuer le nôbre des tours, & les chager d'une main l'autre, & d'accourir ou allóger les passades, les faisât vne fois de trot, vne autre de galop, ou s'il est besoing, à toute bride, vñt de toutes ces varietez, seló que le cheual se rendra obeissant ou difficile. Toutes fois s'il est aysé & de bone nature, mesmemét quád on le voudra môstrer, & faire paroistre en son manege, le Caualerice gardera les proportions de la reigle ordinaire: assauoir de ne faire que deux ou trois voltes à la fois, à chasque main, pareille de vigueur, d'air, & de circuit: de faire les passades de mesme vitesse & longueur: de comencer & finir sur la main de l'espee: & sur tout que outre la iustesse, toute la leçon soit viuemét soustenue: A sçauoir que tant qu'elle se fera au trot, ce soit vn trot vif releué, de iuste battuë & continué d'un mesme tó, iusques à la fin de la leçon: & la faisât au galop, que l'air estoit aussi egal & vigoureux, renforçant plustost que diminuer la vigueur, sans toutefois estre precipité, iusques au parer.

**Q**UAND le cheual a pratiqué l'obeissance & la fermeté du parer, l'arrest du galop se doit faire en tirant discrettement la bride & le caueillon, sans esbrâler, ny alterer tant soit peu, l'appuy de la bouche, & en reculant vn peu le corps, pour accompagner ceste actiõ, & mesmes pour soulager d'autât les espaules du cheual. Et ce tẽps se doit prẽdre sans secousse par la fermeté du bras, & du corps ensemble, iustemét quád le cheual dõne des pieds de deuant en terre, au temps du galop: afin que soudain en les relevant apres par le mouuemẽt naturel, qui suiura le cheual, se trouue appuyé sur les hanches. Car si au contraire le Caualerice fait la premiere actiõ du parer, cependant que les espaules du cheual s'aduanceront ou ferót en l'air, ce sera autant d'occasion de luy endurcir l'appuy de la bouche, & souuent de le faire parer sur les espaules, & sur la bouche, & mesmes de l'attirer à quelque faux mouuement de la teste, estant ainsi surprins au temps de la descente des espaules. Et parce que ie ne puis propremẽt expliquer en combien de temps ces arrests de galop & de la cour-

Se se doiuent faire, ie les remets à la discretion du bon Caualerice, qui aura le sçauoir & le iugement pour s'y cōporter, selon la fougue qu'il aura donné au cheual, & les forces qu'il luy sentira aux reins, aux espaules, aux iambes & aux pieds, & selon la fermeté de la teste, & l'appuy de la bouche.

POVR ADIVSTER ET ALLEGERIR AV MANEGE

*des passades, les cheuaux qui tireront à la main, de fougue ou de pesanteur.*

CHAPITRE LII.

**D**es susdites reigles par le droit, & sur les voltes, tant de trot que de galop, peuuet naistre vne infinité d'autres leçons, propres aux cheuaux patients & legers à la main, & mesmes à determiner par le droit sur les passades, ceux qui sont singards, & aussi pour resoudre à l'appuy de la bride ceux, qui ont la bouche foible. Mais pour les cheuaux pesans, & qui s'abandonnent sur le deuât, ou qui tirēt à la main de trop de fougue, ou autrement, il faut garder en general vn autre stile, scauoir est, qu'estât party d'un bout de passade, & arriué assez pres de l'autre bout, le Caualerice parera le cheual bié droit & ferme, premier que le tourner. La regle en est assez commune, & souuent mal pratiquée. C'est pourquoy ie veux que le Caualerice sçache, que ce parer se doit faire par dessein bié iugé, selon les forces & l'inclinatiō du cheual, & non comme font ceux, qui aux leçons des passades parent indifferēment par le droit, & d'une mesme façon toutes sortes de cheuaux sans cōsiderer que, comme i'ay dit cy deuant, le parer ferme & entier ne se doit faire en telle occasiō, que pour accoustumer le cheual à ramener & assēbler ses forces sur les hâches, quand naturellemēt, ou en autre façon, il est desuni, & qu'il s'abandonne sur les espaules, & sur l'appuy de la bride en galoppāt & en courāt: affin que par l'action & proportiō du parer, il ait moyen de faire la volte seure, iuste, legere de deuant & avec la teste asseurée d'autāt que toutes ces parties necessaires dependēt de la ferme posture des hâches. Or si le cheual, pare avec trop d'appuy à la main, & trop sur les espaules, il le faudra arrester tout à fait, pour le faire reculer sans desordre deux ou trois pas, plus qu'il n'aura forcé l'actiō de la volōté du Caualerice à l'arrest: & soudain: ou vn peu apres, le faire auācer de ce mesme pas, iusque sur la place, qu'il deuoit estre preparé pour bien prédre la volte: à laquelle place il le faudra tenir droit & ferme, quelque espace de temps, selon la fougue qu'il aura, & l'appuy & qualité de la bouche, lās en partir, iusque à ce que l'inquietude luy soit passée, ou qu'il aye cedé legeremēt à la subiectiō de la bride, & du caueffō: & pares le Caualerice le fera cheminer paisiblemēt deux ou trois pas par le droit, pour soudain commencer de tourner, selon l'ordre de de ceste leçon.

ENCORE que i'aye desia expliqué l'action, que le Caualerice doit obseruer en parant le cheual, ie ne lairay de redire en ceste occasion, qu'il doit tenir les reins droits, les espaules vn peu reculées, les coudes fermes & assez pres du corps, assauoir s'il a le caueffō, & s'il n'en a point, i'entens que seulemēt le coude de la bride soit tenu pres du flanc, & l'autre en liberté, sans toutesfois, le trop reculer: les cuisses & les genoux roides & ferrez, les iambes pareillement tendues & fort proches du cheual, afin d'auoir moyen par le soupçon des esperons, & sans faire grād mouuement, de le tenir bien droit sur la passade en faisant l'arrest.

Et à mesure, que par l'obeyssance le cheual recognoistra, & pratiquera la pro-

portion de la parade propre à le preparer aux iustesses & facilité de la volte, le Caualerice fera l'action de la main & du corps moins violente, le fera moins reculer, & le tiendra moins de temps sur la place de l'arrest: & par ce moyen le cheual apprendra peu à peu à ioindre la volte à la parade, sans interualle, & fera en fin l'un & l'autre legerement, & d'une mesme vigueur.

Si l'inquietude saisist le cheual fougoux en parant, & premier que commencer de tourner, à plus forte raison finira-il & fermera impatiemment les voltes pour repartir, sans escouter, ny attendre le mouuement & la volonté du Caualerice: mais pour corriger ceste impatience, il le faudra arrester droit d'as la passade ayant ferré les voltes, & selon l'occasion de la desobeysance, le faire reculer & le tenir ferme & patiemment, sur le lieu qu'il aura droittemēt ferré la volte: & apres que l'inquietude luy sera passée, le Caualerice le fera repartir, comme j'ay desia dit aux precedentes leçons: & faut continuer tel ordre iusques à ce, que l'habitude de ces reigles: luy ayent appris d'attendre l'action, & le mouuement du cheualier, tant en commençant, en serrant, que apres auoir ferré la volte.

MAIS si ceste obeysance fait deuenir le cheual ramingue, de façon que reconnoissant, ou soupçonnant le lieu limité pour l'arrest, il se retienne de foy, pour s'arrester, ou prendre la volte, sans attendre l'action du cheualier, lors il le faudra chasser par le droit, & le faire passer plus auāt, iusques à ce qu'il se delibere d'un courage franc à tourner indifferement, soit du costé premedité ou inespéré en une nouuelle place incogneue, sans estre arrestit, non plus que s'il estoit naturellement singart.

O v s'il a si peu de force, qu'apres auoir bien paré sur les hanches, il ne luy en reste plus pour bien fournir la volte, il faudra soudain apres l'auoir paré, le chasser sagement par le droit trois ou quatre pas, qui luy seruiron comme de course, pour luy ayder à tourner plus vigoureuement.

CETTE mesme regle ainsi aduacée, est aussi propre pour certains cheuaux qui sont assez nerveux, mais que leur naturelle legeresse d'espaules & de teste, ou la grande obeysance qu'ils rendent au parer, & quelquefois la delicatesse de la bouche, leur occupe tellement les foyes, ou les tient en telle attention qu'ils n'ont moyen de fournir, ou n'osent refoudre l'action de la volte. Ceuxicy ne se doiuent parer d'ordinaire qu'à demy, & seulement pour les faire presenter a la volte premier que tourner la main: & encores les faut-il un peu auancer par le droit en prenant le tour.

IL n'est aucunemēt besoing que le caualerice accōpaigne l'actiō de ce demy arrest en reculant le corps, si ce n'est un peu, pour embellir son assiette. Car, cōme j'ay dit aux premieres reigles du parer, le reculemēt d'espaules que le cheualier fait, ne doit seruir que pour fortifier le bras & le poing de la bride, & pour donner un certain contrepoids, qui ce fait par ceste actiō, lequel peut aucunemēt soulager le cheual, qui se charge trop sur les espaules en parāt. En fin l'erreur est aussi grande de parer le cheual au bout de la passade, quād il se retiēt de foy pour prendre la volte, comme de l'aluy presenter, quād il est en trop grande fougue, & premier qu'il soit disposé en bonne & ferme posture, pour bien commencer, fournir & serrer la volte, & de le chasser avec violence au partir de la main sur la passade, quand il est en fougue, comme de ne le solliciter assez quād il se retiēt. Partant ie ne puis approuuer la leçon qui est obscurce & cōtinuée d'un mesme style, si ce n'est entant que le cheual n'y cōsent, que d'une mesme sorte. Mais quand il varie ses actions & mouuements



ie veux aussi que à l'instant le Cavalier change l'ordre de la leçon, selon les diuers mouuemens du cheual, iusques à ce qu'il soit reduit à la vraye proportion du manege qu'on luy vouldra apprendre, lequel sur tout se doit rapporter à son naturel.

Il ya beaucoup d'hommes de cheual, qui pour cōmencer l'ordre de ces leçons par le droit, font vne reigle generale, soit au trot, ou au galop, de ne faire qu'une demy-volte à chascun bout de passade: les vns afin, ce disent-ils, de rendre le cheual confus, en entreprenant tout à coup vne leçon trop forte: les autres tiennent simplement ceste maxime, que le manege plus necessaire, & le premier, que le Cavalier doit apprendre au cheual, est celuy des passades simples: Assauoir celles, qui n'ont que demy-volte à chascun bout, pour tourner & pour repartir. C'est vn style que i'ay autrefois tenu, mais maintenant ie suis d'une autre opinion: par ce que la pratique m'a appris, que si du cōmencement le cheual se fâche de faire deux voltes au bout de la passade, aussi sâs doute, apres qu'il sera accoustumé à ne faire que demie volte, fera il plus de dificultez, quand il fera recherché de tourner d'auantage: à cause de quoy le Cavalier n'a que faire de perdre le temps, qu'il pourroit mettre à ces premieres demy-voltes. Car enfin les deux ou trois tours, qu'on fait faire coustumierement au cheual au bout des passades de guerre, soit autât de remedes pour le redre plus libre à prēdre & serrer la demie volte seule: tellement que pour biē mettre, & tenir le cheual en escole, sur les passades simples, terre à terre, le Cavalier doit ordinairement doubler les voltes, & sur tout à la fin de ses leçons, pour le laisser en plus d'obeyssance & d'aleine: & faut necessairement cōme i'ay desia dit, que le cheual trotte & galoppe librement à toutes mains, aux ronds premiers & mediocres & qu'il sçache bien, ou au moins passablement parer, premier qu'on le mette aux leçons par le droit. Et pour la iustesse generale de ce manege, il faut que le partir de la passade soit vigoureux, le parer auât la volte bien rapporté aux forces, & obeissance du cheual, la demie volte, ou les voltes entieres ou doubles, viuement & iustement cōmencées, fournies & fermées sans fougue ny confusion, & pareilles d'air, de force, & de toutes proportions, autant à l'une main qu'en l'autre, du cōmencement iusques à la fin de la leçon, & le dernier arrest iustement contrepesé sur les hâches, droit, facile & nerveux, sans aucun faux mouuement de teste, de bouche ny de queue, & sur tout, point precipité, ny trop estendu. Mais ceste iustesse ne se doit obseruer, que lors que le cheual y sera disposé par le temps, & la pratique de ces leçons.

Iustesse generale des passades.

### COMMUNES LECONS POUR LES passades simples.

#### CHAPITRE LIII,

Serrer & fermer est vne meisme chose.

**T**ous les cheuaux, qui doubleront librement les voltes de trot & de galop, ne serreront pas iustement les demy-voltes des passades simples & fort resolues: à cause qu'elles doiuent estre plus estroites & diligentes, que les voltes doubles: & communément aux premieres leçons, ils porteront la croupe tant en dehors, que par necessité la demy-volte demeurera ouuerte, ou autrement imparfaite, à raison de quoy ils repartiront, ayans les pieds de deuant dessus la piste de la passade, & ceux de derriere trop eslargies & escartez d'icelle piste. Tellement que partans ainsi de biais, ils s'abandonneront sur les espaulles, & ne poulseront le corps en auant, qu'avec la hanche, du costé de la volte. De maniere qu'ils seront

presque arriuez à demy passade, deuant qu'ils ayent les quatre pieds sur la droite ligne & piste d'icelle.

Le terroir qui descend du costé que la volte se doit commencer, est fort propre aux remedes de ces desordres, & soit en iceluy terroir, ou en quelque autre, le Cavalierice se doit ayder sur la main droite, en ferrant la iambe gauche contre le cheual, & tournât vn peu le poing de la bride en haut: de façon que avec la corde & la rené hors la volte, il puisse soutenir la teste du cheual, & le tenir si subiect du col, & des espaules (le portant neâtmoins en auant avec le bras, & le poing de la bride, ou pour le moins l'empeschant si bien, qu'il nes'accule,) que avec le temps & peu à peu, il apprenne & s'acoustume à s'errer si iustement la demy-volte, qu'en la ferrant, les pieds de derriere arriuent presques aussi tost dessus la droite ligne & piste de la passade, que ceux de deuant, pour estre par ce moyen tousiours ferme, & prest à repartir vigoureusement, avec le corps droit, & également poussé des deux hâches enséble, soit soudain qu'il aura ferré la demy-volte, ou en tel autre tēps que le cheualier voudra prendre: & à main gauche il redressera le poing de la bride, le tenant tousiours ferme, enséble le bras: & soutiendra la teste du cheual avec la corde droite, selon qu'il eslargira les iâbes de derriere, ou qu'il en sentira d'autres occasiōs, la tenant cōmunement contre ou fort pres du col du cheual. Et pour mieux l'empeschier qu'il ne desrobbe la croupe en dehors, & afin de le cōtraindre plus facilement à la iustesse de la demy-volte, le Cavalierice s'appuyera, pour contrepoiser, tāt qu'il pourra sur l'estrieu de dehors, lequel il tiendra voisin de l'espaule, ayant la iâbe du mesme costé fort poussée contre le cheual, & luy faisât quelque fois sentir l'esperō pres des sangles, & le nerf à la cuisse, & souuent à l'endroit de l'esperon du mesme costé, en le frappant & chastiant, selon qu'il fera desobeissant. Ces aydes seruiront beaucoup au cheual, qui aura la bouche legere, temperée & ferme: mais s'il l'a dure & qu'il tire, ou poise, ou comment qu'il aye l'appuy plus qu'à pleine main, il faudra faire ceste mesme leçon au long d'une muraille.

Commo-  
ditez en la  
forme du  
terroir.

## LECON POVR FACILITER ET CONTRAINDRE

*le cheual au manege des passades simples.*

### CHAPITRE LIII.



I doncques le cheual s'abandonne, tant sur les espaules & sur la bride, qu'en faisât les demy-voltes des passades ordinaires, il force la main du Cavalierice, lors il l'exercera, faisât premieremēt les passades au trot, le long d'une muraille droite, & au commencement distantes d'icelle, enuiron deux grands pas.

AYANT du tout, ou à demy paré le cheual, pres du bout de la passade, selon la dispositiō de la bouche & des forces d'iceluy, & apres l'auoir rechassé en auāt par le droit peu ou beaucoup, selon aussi qu'il se fera abandonné ou retenu au parer, le Cavalierice le tournera doucemēt au pas, du costé de la muraille, luy faisât ferrer la demy-volte, le mieux qu'il pourra, sur tout le portāt en auāt, & le ferrāt sur la droite piste & ligne de la passade, s'il est possible sās le battre, ny beaucoup contraindre.

APRES que le cheual aura recogneu ceste premiere leçon, il le faudra faire tourner de trot, gardāt au reste l'ordre precedent: toute fois s'il est entier sur les voltes,

ou trop sensible & colere, il sera bon au commencement, & mesmes si la leçon luy est incognüe, de le faire trotter par le droit, & tourner du mesme trot, sans l'arrester, à peine de faire la passade pl<sup>s</sup> loing de la muraille: car peut estre qu'estant recherché & contraint d'aborder de si près la muraille, ceste nouuelle obeysance luy causeroit quelque colere & inquietude, qu'il pourroit contraindre à plusieurs desordres.

QUAND le cheual trottera libremēt par le droit & sur la demy-volte, sans apprehender la subiectiō de la muraille, il le faudra mettre au petit galop: & s'il fait difficulté de faire la demy-volte, du mesme galop, le Caualerice le parera, assauoir à demy, s'il est leger à la main: & s'il a trop d'appuy, il l'arrestera du tout, & apres l'auācera sagemēt au trot, trois ou quatre pas par le droit, j'entends de celuy qui sera leger, & de ce mesme trot fera la demy-volte sans le haster: & au contraire tournera plus estroit au pas, & au petit trot celuy qui tirera à la main, sans le faire cheminer par le droit premier que le tourner, si ce n'est vn pas ou deux pl<sup>s</sup> auant que la place, sur laquelle il l'aura paré, & luy fera ferrer la volte sur la droitte ligne, & piste de la passade, pour soudain le faire repartir sur icelle, & aller à l'autre bout faire la mesme chose, à l'autre main.

Et parce que le desplaisir d'une leçon trop continuée, peut aucunes fois causer au cheual sensible & colere, quelque mutation maligne, & aussi estonner & rebuter celuy qui est naturellement timide, il sera necessaire de varier souuent ceste reigle: assauoir que lors, que le cheual aura bien recogneu ses leçons, il le faudra remettre au trot le long de la passade: & quand il sera enuiron trois pas pres du bout d'icelle le Caualerice le poussera discrettemēt, sans le parer, trois ou quatre pas par le droit, pour le mettre à l'air du galop, bas & aysé, duquel il taschera de luy faire prédre & fournir la demy-volte: & l'ayant ferrée, soudain il reprendra & continuera le trot sur la droitte ligne de la passade, obseruant le mesme stile à l'autre main. Et si d'auēture en ces comencemens le cheual confus s'embarrasse, & rompt souuēt l'air du galop sur la demy-volte, il ne faut pour cela que le Caualerice vse de violence, s'il n'y est bien fort cōtraint. Car pourueu qu'estāt pres du bout de la passade, le premier mouuement du galop, se face communément enuiron deux ou trois pas par le droit, pour comēcer ceste demy-volte, & que en mesme temps que le cheual ferrera celle qui se fera de pas ou de trot (selon l'ordre precedēt,) le Caualerice le face diligemment partir au galop, par le droit sur la piste de la passade, sans doute le cheual iointra par pratique en peu de temps, & sans confusion l'air de ce commencement de volte terre à terre, à l'ordre du partir du galop de la leçon precedente: & par ce moyen il comprendra & assèurera à l'air, au temps, & à la vraye iustesse des demy-voltes de ces passades.

AUCUNES FOIS il aduendra, que lors que le cheual commencera à bien prédre le temps de la demy volte, il entrera en telle inquietude, qu'il voudra repartir impatiemment, sans ferrer & par faire la demy-volte: mais pour remedier à ce desordre il luy faudra faire fournir au trot la volte entiere, (sans perdre temps, l'estressir ny precipiter) à l'instant qu'il aura faite la demy-volte de l'air du galop, ou de terre à terre, & apres l'arrester sans luy permettre de s'auancer sur la ligne de la passade à tous les coups, iusques à ce que par ce moyen il aye perdu l'impatient desir de repartir, auant qu'auoir iustement ferré la demy-volte.

PAR ces explications le cheualier peut apprendre, que la muraille n'est pas seulement



lement propre, pour allegier en ces leçons les chevaux pesans, & qui ont trop d'appuy, mais aussi pour faire plus facilement consentir à la iustesse ceux, qui sont coleres & bizarres, & pour leur faire la memoire, sans vser de chastimés extremes: & afin quel'on comprenne mieux ces leçons, ie diray l'erreur cōmun, que font la pluspart de ceux qui se veulent preualoir en ces passades, de la commodité de la muraille.

# ADVERTISSEMENTS POUR BIEN FAIRE LES

*leçons des passades, au long de la muraille, & les voltes du costé d'icelle.*

## CHAPITRE LV.

**Q**UASI tous ceux qui se messent de faire les susdites leçons, font la piste de la passade fort pres de la muraille: & pour tourner du costé d'icelle, ils s'elargissent necessairement de l'autre, afin d'agrandir la place, à laquelle ils veulent soudain faire la demy-volte. En cecy ils errent beaucoup ce me semble, principalement en deux choses. La premiere, ils falsifient la passade, laquelle pour les raisons que i'ay desia ailleurs amplement dites, doit estre droite depuis le partir de la main, iusques au premier mouuement du tour: i'entends le premier mouuement qui se fait du costé, qu'on veut resoudre & serrer la volte: L'autre, ils ostent l'occasion au cheual de regarder, & porter la teste du costé qu'il doit tourner, & serrer la volte, qui est l'actiō que ie recommande si souuent sur toutes celles, qu'il peuuēt empescher de deuenir entier, ou retifa quelque main. Quelqu'un se souuendra que i'ay ailleurs approuué, que ceste feinte qui se fait d'un costé, pour soudain tourner de l'autre, peut quelquefois seruir pour adiuſter les hanches du cheual, qui s'elargist trop de derriere sur la volte. Il est vray, mais c'est rarement, & lors que le cheual ne veut aucunement entendre, ny consentir à la fermeté des hanches, & mesmement lors qu'il se desrobe, pour tourner de soy impatientement (sans attendre l'actiō entiere de la main du cheualier) aussi tost qu'on commence à le vouloir parer: mais d'en faire vne reigle generale, ce seroit proprement vn desordre. l'en ay dit les raisons plus apparentes aux reigles des premieres leçons par le droit, & des voltes entieres & doubles.

O R pour faire ces leçons plus profitables, soit au long de la muraille, ou sans le secours d'icelle, il faudra communément faire vne passade courte, vne autre lōgue, vne autre de mediocre longueur, & puis vne autre plus longue, ou plus courte, variant ainsi la distance des voltes, selon que le cheual se retiendra, ou s'abandonnera, afin de le tenir tousiours attentif à l'actiō de la main & de la iambe du cheualier, sans luy laisser premediter, ny fuir les lieux de la parade, ny des voltes: & sur tout, il faut que les premieres leçons se fassent au trot, & au petit galop, sans augmēter la vigueur du manege, qu'à mesure que le cheual pratiquera l'obeyſſance & la facilité. Car il n'est rien plus contraire à la iustesse des passades: que la trop grande fougue. A cause de quoy pour tenir longuement en escole, & en bon estat le cheual sur les passades viues & determinees, le Cavalier doit auoir la discretion, de faire communément la fin de ces leçons, au petit ou mediocre galop, & quelquefois au trot: assauoir si le cheual tire à la main, & si de son temperament il est colere, sanguin & impatient: mais s'il est ramingue, il sera bon de finir viuement ces leçons, & souuent par vne assez lōgue & furieue course. Car le parer soudain apres le partir, & par consequent les passades sont extremement contraires à la determination des chevaux singars. Comment que ce soit toutes ces varietez d'escole ne sont inuentees, que pour diuertir le

cheual de ses mauuais fantasies, & pour le reduire en fin à l'obeissancé, & à la iustesse & facilité des bonnes leçons. Et quât aux iustes & dernieres proportions de ce manege, j'ay desia dit, que les passades & demy-voltes doiuent estre pareilles d'espace, de vigueur, d'air, & de tous mouuemens.

COMMENT que le cheual soit composé, & laquelle de ces leçons qui se trouuerra plus conuenable à son inclination, le Caualerice la luy continuera d'ordinaire, obseruant patiemment toutes les iustesses, tant que le cheual en fera son profit, & changera la leçon, la place d'icelle, & la forme du terroir, selon les fautes & occasions que j'ay desia deduites, lesquelles peuuent aucunes fois proceder des diuerses mutations, que le cheual faict auant qu'il soit bien dressé principalement celui qui remarque mieux l'escole, qui se souuient plus des chastimens, & qui est de son humeur colere, aduste & malicieux, ou trop sensible & ramingue. Voyla d'où vient, qu'apres qu'o a vn iour donné avec beaucoup de soin & de patience vne bonne leçon & quelque chastiment propre pour estreffir vn peu le cheual, qui s'elargit trop en son manege, il se ferrera tant à la leçon suyuate que le Caualerice aura quelques fois la mesme peine à l'elargir, & puis encore vne autre fois autant à le restreffir. Ce sont les cheuaux, ausquels i'entends, qu'on change souuent l'ordre & les lieux de l'escole pour les empêcher de deuiner, & premediter la volonté du cheualier, & afin de les tenir en ceste varieté auertis & attentifs aux actions & aduertissemens iustes & neantmoins variez du poing & de la iambe du cheualier.

EN ceey l'on peut apprendre que tout ainsi que le souuenir est vne partie belle : & tres necessaire au cheual de bon temperament : pour pouuoir bien reigler les leçons, qui le peuuent bien acheminer à l'air & à la iustesse d'un bon manege, le cheual de mauuaise nature & singard : ou trop sensible se peut aussi preualoir aucunes fois de ceste mesme partie de memoire, pour falsifier les leçons ordinaires, & mesmes pour ce defendre contre les chastimens necessaires. Toutes fois ce n'est pas à dire qu'il faille que le cheual malicieux soit du tout despourueu de memoire, n'y qu'on ne doieue quelques fois varier les leçons à celui qui est de bonne & paisible nature. Mais il est necessaire que le Caualerice soit diligent pour diuertir par plusieurs bōs moyes le cheual, quel qu'il soit des susdites fautes. Car ce n'est pas assez de le sçauoir chastier, apres qu'il a failly, il faut necessairement que le bon Caualerice aye le iugement & la pratique de le preuenir, taschant de l'empêcher de faillir quand il s'y dispose.

Des escoles  
figurees, ou  
autrement  
limitees.

IE ne veux pas du tout blasmer le style de ceux, qui obseruent ordinairement les escoles marquées & limitees, par ce que beaucoup de suffisans personnages en cest art sen sont preualus, & en vsent encores : mais i'osse bien asseurer, que si on exercee souuent le cheual d'escole, es lieux non accoustumez & incogneus, & parmy d'autres cheuaux, il en deuiendra plus facile & attentif, & le Caualerice aura beaucoup plus de commodité de choisir & donner tel temps, telle proportion d'escole, & tel chastiment qu'il voudra, mesmement si le cheual est ramingue, ou trop leger & sensible soit au trot ou au galop, ou en toute autre sorte d'air & de manege. Car si le cheual se retiet & s'accule sur la volte, le Caualerice est maistre de la cāpaigne pour le chasser à son gré, tât pres ou loin, qu'il sera necessaire pour le resoudre en vne nouvelle place. Et s'il part d'un lieu avec trop de fougue, le Caualerice le peut aussi retenir, & faire reculer tât qu'il voudra, pour puis apres cōtinuer, ou varier son manege en tel endroit, qu'il cognoistra pl<sup>9</sup> à propos, & s'il se serre trop à vne main, ou s'elargit en l'autre, le Caualerice a par tout la place libre pour l'elargir, & serrer en quelq part qu'il se trouue, augmentât & diminuât le nōbre des voltes de l'une ou de l'autre main selon la bō-

ne, ou mauuaise fantaisie qu'il s'etira au cheual. Et pour moy, ie tiés que c'est la meilleure escolle, quise puisse donner au cheual destiné pour la guerre, pourueu qu'il soit de leger appuy: car comme l'ay desia dit, les cheuaux pesans qui s'appuyent trop, & qui tirent à la main, ont ordinairement besoin de certains lieux premeditez, limitez, & propres à les disposer par grand artifice, à l'obeissance, à la pratique & legeresse de quelque bon manège. Mais en fin ceux, qui sont naturellement nerueux, & bons à la main, se doiuent rendre plus parfaits aux maneges, principalement à celui du combat de l'espee estans exercez en diuers & differés lieux, j'entends bons à la main, qu'à la bouche n'en est ny dure, ny trop delicate: qui est celle qui se doit proprement nommer ferme, ou à pleine main.

APRES que le cheual sera libre & assuré à ces maneges, ie permets au cheualier de varier le stile commun de l'exercice, soit en luy faisant redoubler les voltes, & charger de main en vn mesme rond, ou en deux ioints ensemble, ou en faisant la bisse, au lieu d'aller par le droit, ou partant d'un lieu, pour aller changer de main en vn autre, ou en faisant le ymasson, & en plusieurs autres diuerses façons de maneges. En fin il sera en liberté de le manier, comme il luy plaira, car le cheual estant facile & bien en l'escole, luy respondra sans s'estonner ny confondre, à tous les iustes mouuemens: mais si premier qu'il soit accoustumé à tourner librement & plusieurs fois, autant en l'une main, comme en l'autre, le cheualier le fait manier souuent en bisse ou en le surprenant, & ne faisant que demy-volte, ou vn seul tour entier à la fois, sans doute apres, il refusera souuent d'en faire d'auantage, s'il en est recherché. Et combien qu'il soit libre & déterminé en tournant, si ne faut-il pour cela laisser de faire d'ordinaire la fin de la leçon varice, en redoublant les voltes, afin de le tenir en plus de souplesse & d'obeissance.

## POVR APPRENDRE LE CHEVAL A SALTER

*les hayes & fossez.*

## CHAPITRE LVI.



LE cheualier qui aymela guerre, sçait bien, qu'une des parties plus convenables au cheual de campagne, apres la fermeté de la teste & de la bouche, le partir déterminé de la main, & l'obeissance de l'arrest, est la disposition & la pratique de sauter les hayes & fossez: & qu'il faut beaucoup mieux que le cheual ne sache tourner, qu'au pas, ou au trot, pourueu qu'il parte, & reparte viuent, & qu'il s'arreste bié, que s'il estoit fort aysé à tourner plusieurs fois à chaque main, & que neantmoins il fust subiet à cheoir souuent dedans les fossez, ou que les communes & petites hayes l'estonnassent ou l'arrestassent tout court. Car en fin les maneges si estroits & redoublez, qu'on void comunément pratiquer aux escolles, ne sont pas tant necessaires aux combats, qui se font en gros, que beaucoup de personnes pensent: mais leur propre est quand l'on s'attaque à l'escart vn à vn, ou qu'à deux petits nobres de cheualiers, s'assignent ou se rencontrent à vn combat espacieux & particulier. Or les cheuaux ne se trouuent pas empeschez par ces petites hayes, ny ne tombent dans les fossez seulement à faute de legeresse, ou de force: mais ordinairement pour ne sçauoir, ou ne pouuoir bien prendre le temps du saut. Qu'il soit vray, l'on en void souuent, qui sont bié fort nerueux, legers & courageux, qui pour auoir trop de fougue & d'actiō de partir de la main pour sauter vn fosse, se cōfondent & precipitent tellement,



qu'ils ne peuuent recognoistre ny bien premediter le faut, ny par consequent euitier vne cheute dangereuse. D'autres, qui ont la bouche tant sensible, que cōbien qu'ils prennēt bien le temps du faut, l'apprehension d'une esbrillade, les met en tel desordre, estans en l'air, qu'ils ne peuuent franchir le fossé. Aussi est-il certain, que le cheual ne peut bien faire nul bel exercice, soit pour la guerre ou pour la carriere, si premier il n'a la teste & la bouche assurees.

OR pour leur enseigner à bien prendre le temps du faut par pratique, & sans danger, il faut auoir vne claye, qui aye enuiron douze pieds de lōgueur, & trois & demy de hauteur, laquelle l'on couchera toute platte par terre, à trauers d'un chemin, là où le terroir soit droit & doux, afin d'euitier l'estonnement des iambes, & des pieds, & les accidens des cémes & faux quarties. A chasque bout de ceste claye, il y doit auoir vn homme à pied: & le Caualerice menera le cheual au pas, ou au trot, le lōg de ce chemin, & droit à la claye, laquelle il luy fera sauter ainsi abattue à plat, en luy aidāt doucemēt de la voix gaye, ou seulement du son de la lāgue, & toutes les fois qu'il marchera dessus la claye, le Caualerice luy baillera quelques bons coups d'esperons, des deux costez ensemble, & au contraire le caressera, s'il a sauté nettement. Neantmoins s'il est hien fort fougoux & sensible, il vaudra mieux ne le point battre, & luy laisser recognoistre le faut tout à loisir & à son ayse.

QUAND il aura passé la claye enuiron douze ou quinze pas, le Caualerice le tournera de pas ou de trot, deux fois; ou tant & si peu de tours qu'il voudra à vne main, & puis le ramenera droit à la claye, & le fera resauter dessus icelle, allant tourner de la mesme façon à l'autre main, pour reuenir continuant la mesme chose.

APRES que le cheual aura sauté ceste claye abattuē, quatre ou cinq fois de trot, il faudra commencer à le resoudre au petit galop: & ces deux hommes qui seront aux deux bouts, hausseront vn costé de la claye enuiron vn pied: & à mesure que le cheual pratiquera le temps du faut, & qu'il fera la disposition & legeresse, ces hommes tiendront la claye plus haute, la dressant avec patiece, & peu à peu, iusques à ce qu'auec le temps, le cheual la saute toute droite: & tant de fois qu'on aura hausé la claye, & que le cheual l'aura sautee, il faudra remettre en terre le costé qu'on aura leuē, pour releuer l'autre de façon que la claye soit tousiours haussée de la part, que le cheual aura la teste tournée en allant prendre le faut, & qu'il ne puisse veoir le vuide qui sera entre ce costé de la claye haute & la terre: car autrement il pourroit quelquefois rencontrer le trenchant de la claye, qui peut estre le blesseroit, principalement aux iambes de derriere, ou le feroit choir au preiudice du cheualier, qui seroit dessus.

QUAND le cheual sautera ceste claye estant droite, il la faudra garnir fort espais par le haut de fucilles de houx, ou de aious, afin que s'il ne la franchist gaillardement, ces fucilles ou ces aious luy piquent les bras & les iambes, & que cela serue de remede pour le faire hausser & retrousser d'auantage, sans le tourmenter, ny le mettre tant en fougue, que pourroient faire les chastimens communs. Toutes fois s'il est pesant ou de nature endormie, il le faudra battre souuent à coups d'esperons, & de gaule, quand il sera paresseux à se bien hausser & retrousser: mais il se faut souuenir, que les grāds coups de gaule trop continuez sur les bras, ne font pas les plus propres en ces occasions. Au contraire ils rabaisent le cheual, qui se hausse trop: c'est pourquoy l'on s'en sert quand il se cabre: & ceux qui se donnent trop en arriere, chassent en auant, & mettent en fougue le cheual sensible: partant il faudra faire ce chastiment pres des fangles, & sur les espaulles.

Si le cheual choque la claye en sautant, les hommes qui la tiendront droitte ne doiuent empescher aucunement qu'elle ne tombe: car s'ils la tenoient ferme elle pourroit porter preiudice au cheual. Ceste claye doit estre forte, & faite comme vn rastelier d'escuyrie, & les rouleaux entrelassez de perches, tout du lóg: car si elle estoit faicte comme les clayes ordinaires, les bouts des rouleaux ou bastons qui la traufferoient pourroient blesser le cheual, mesmement quand quelques perches des extremitez seroient rompues ou eschappees.

APRES que le cheual aura pratiqué le temps du saut de ceste claye, & qu'il y sera assure, sans doute il sautera beaucoup plus aisément les fosses: parce que la force & disposition, qu'il aura accoustumé d'employer à se hausser pour franchir la hauteur de la claye, se pourra plus facilement dispenser à esclancer & pousser le corps, pour estendre & alonger le saut du fossé.

---

SI L'EXERCICE DE LA CHASSE EST PROPRE

*au cheual de combat.*

CHAPITRE LVII.

**L**ON doit aucunes fois mener à la chasse le cheual qu'on veut faire servir à la guerre, & ordinairement quand l'on est long temps arresté, escoutant ou voyant chasser les chiens, luy donner à l'impourueu & en diuers lieux quelque petite & bonne leçon, propre pour le cōbat, sans le trop presser. Car outre que c'est vn remede pour luy croistre l'aleine, & luy rédre le manège plus libre en tous lieux, le son & la rumeur des trompes, les voix, & cris des chasseurs, la diuersité des fosses & des hayes, & autres lieux mal-aisez quel'on trouue, & quel'on est souuent contrainct de sauter & passer suiuant la chasse, assure le cheual, l'alégerist & le fortifie. Et s'il est extremement fougoux, & ennemy de l'escole, ou qu'il soit poltrō & ramingue, la chasse le peut aussi diuertir de plusieurs fantasies melancholiques desbordees & malicieuses. Peut estre que quelqu'un lisant cecy, entrera en doute, ayât appris que ce qui est propre au cheual ramingue, doit estre cōmunément contraire à celui, qui est fougoux & fort courageux, à quoy il y a beaucoup d'apparence, d'autant que ces deux complexions differentes procedēt de deux temperamens contraires. Toutes fois la chasse peut beaucoup seruir au cheual ramingue, entant que ie veux que le cheualier le pousse & repousse viuent d'un & d'autre costé, selon que l'occasion de la chasse l'appellera, le faisant souuent courir & passer deuant les autres cheuaux, quelques fois allant parmy la troupe, & autrefois derriere, & aucunes fois rebroussant chemin à l'improuueu pour l'elcarter de la cōpagnie, & le faire galopper & courir au rebours de la route des autres: car sans doute, c'est vn remede tres-necessaire pour le diuertir de plusieurs fantasies retifues & malicieuses. Au contraire ie veux qu'on se serue de la chasse, pour appaiser & faciliter le cheual colere, trop sensible & apprehensif, assauoir en le retenant patiemment, & s'il est possible, sans luy forcer, meurtrir, ny blesser la bouche, ny la barbe, cependant qu'il se veut dispenser de courir plus que les autres: & en luy faisant fuire la chasse au petit, ou mediocre, ou grand galop, à l'escart, ou meslé parmy les autres cheuaux, luy rendāt souuent la main selon qu'il perdra le trop ardāt desir de courir, & se precipiter, & faut perseuerer ainsi iusques à ce, qu'il aye perdu la fougue. C'est en quoy le iugement & la pratique, sont necessaires au Cavalierice pour bien cognoistre le naturel du cheual, & pour faire distinction, & bien juger des

effects differents, qui peuvent naistre d'un mesme remede, duquel l'on doit quelquefois user sagement en plusieurs occasions differentes.

Tous les  
chevaux  
qui sont  
aysez à l'es-  
cole ordi-  
naire, ne le  
sont pas  
ailleurs.

Je baille ce remede, parce qu'on void souvent des chevaux, qui semblent estre faciles, & propres pour la guerre, quand on les void manier en leur escole, ou en quelque autre lieu recogneu: mais si estans en la campagne, en troupe de caualerie, on les surprend & recherche de ce qu'on leur aura veu si bien faire en particulier, il aduendra souvent que les vns estans adustes, timides, ou malicieux se defendront, ou se feront battre pour ne vouloir abandonner la compagnie: & quelquesfois ne voudront manier non plus, que s'ils n'auoient iamais esté en bonne escole: d'autres, qui seront coleres, sanguins, & apprehensifs, voyans courir, ou galopper plusieurs chevaux deuant eux, ou sentans & oyans venir furieusement quelque autre troupe à leur queue, ou se trouuans escartez de la compagnie accoustumee, entreront en telle fougue & impatience, qu'ils se fouiendront fort peu de l'obeissance, & iustesse de l'escole. & d'ordinaire le trouueront tellement saisis d'ardeur & de colere, & tireront autant à la main comme si auparauant ils n'auoient esté alleges & bien dressez: & quelquesfois desdaignant la bride, se dispenseront de forcer la main du Cavaliercel l'emportant à leur gré où la fougue licentieuse les agitera. Ce sont les lieux & les moyens par lesquels on peut facilement cognoistre l'inclination naturelle, & la facilité du manège du cheual, & là où le Cavalier doit curieusement tascher de le rendre libre & paisible: & pour ce i'ay souvent dit, que le cheual doit estre ordinairement exercé en diuers lieux incogneus, & mesmemēt en compagnie d'autres chevaux pour le rendre plus propre à seruir à la guerre.

#### DES ACTIONS ET GESTES BIEN SEANS AV

*cheualier, en exerçant le cheual au manège de combat.*

#### CHAPITRE LVIII.



L faut aduouër, que le manège du galop facile & resolu, & des passades determinees, n'est pas seulement le plus necessaire aux plus honorables & hazardeuses occasions, mais il est aussi fort propre à bien faire paroistre la grace du cheualier, qui se plaist à tel exercice. C'est pourquoy, (tout ainsi que ce manège est martial, & qu'il ne doit estre nullement contraint,) ie voudrois qu'en le faisant le cheualier fust libre & gaillard à cheual, & que toutes ses façons de faire fussent belles & braues: Assauoir qu'il fust tousiours droit & tendu, comme i'ay dit parlant de son assiette, sans faire vn certain & inutile mouuement, qui est si commun à quelques Cavaleries mal propres, lesquels marquent d'une action de corps & de teste, tous les temps de galop que le cheual fait. Je ne voudrois non plus qu'il penchast les espaulles, baissast la teste, ny tournast le visage pour regarder en terre, ny ailleurs: comme ceux, qui peut estre pour faire les entendus, ou pensans faire vne belle contenance en galoppant, se penchent d'ordinaire en auant, ou de quelque costé, comme s'ils vouloient regarder le visage ou le mors du cheual, ou les mouuemens qu'il faict des espaulles, & des bras: ie ne voudrois aussi qu'il fist des iambes ces grandes allees & venues en auant, & en arriere, qu'on souloit tant faire le temps passé, mais que les tenant droites & fermes, serrant le cheual du dedans des gras d'icelles, & des genoux, il le tint tousiours en ceruelle, & en tel soupçon, que sans s'esbranler trop, il luy fist employer vigoureusement ses forces. Il semblera peut estre à quelqu'un, que



ie fois d'aduis que le cheualier soit immobile & entier à cheual, presque comme vne statue: Je veux, tant s'en faut, que sans se contraindre aucunement, il consente au temps du galop, & de tous les autres ayrs avec le corps, les bras, & les iambes, par telle industrie & facilité, que presque on ne s'en puisse appercevoir: car les plus grâds mouuemens ne sont pas ceux, qui aydent mieux au cheual. Et si quelquefois il veut regarder la piste d'iceluy, soit par le droit, ou en tournant, il faut que ce soit environ deux pas deuant les pieds: car l'experience luy doit assez faire sentir & cognoistre (sans l'office de l'œil) tous les mouuemens que le cheual fait de la bouche, des espauls, des iambes, de la croupe, & de la queue, & mesmes iuger des lieux, d'où partent & où se doiuent poser, tant les pieds de derriere que ceux de deuant. Et quand le cheual dressé meritera vn bon coup d'esperon, il le luy doit donner nettement & si ferme, que le son d'iceluy se puisse entendre à cinquante pas à l'entour, remettant soudain les iambes en leur premiere & iuste place si diligemment, qu'à peine ceux, qui le regarderont de pres, ayent peu veoir le mouuement d'icelles.

Je veux aussi que le cheualier en poussant ou chassant le cheual, & quand il tournera à main droite, mesmement estroit, il hausse souuent le bras de la gaule, faisant l'action d'iceluy, presque comme s'il auoit l'espee en la main, & qu'il allast au combat: & qu'ad il tournera à main gauche, qu'il face quelquefois siffler la pointe de la gaule, la tenant du costé droit, basse & pres du visage du cheual, ayant le bras d'icelle tendu en bas, droit à droit, & pres de la cuisse, sans pour cela baisser, ny reculer l'espaule de ce costé: Que le poing de la bride soit ordinairement au lieu, que j'ay dit au chapitre de l'assiette, sans le porter du costé que le cheual tournera, que le moins qu'il pourra, s'il n'y est contraint par la desobeissance, pesanteur ou durteté du cheual: que quelque mouuement que face le cheualier, sa iambe demeure estendue & fermée, & le corps aussi tousiours droit & assuré, sans aduancer, ny reculer vne espaule plus que l'autre. Qu'il accompagne aucunes fois le partira avec la voix gaye & mediocrement haute, en hausant le bras de la gaule: car, si j'ay dit cy deuant que le parler beaucoup au cheual, sied mal au cheualier, ce n'est pas à dire pourtant qu'il doie estre muet estant à cheual: Qu'en faisant l'ayde de la langue le bruit d'icelle ne s'entende que le moins qu'il sera possible, & qu'il suffise que le cheual en soit aduertý, & tenu en certuelle: Sur tout, si le cheual luy obeyst, qu'il se cõtente de la force & de l'aleine, qu'il pourra vigoureusement fournir, sans le reduire à telle extremité, qu'il aye occasion de tascher à se defendre, ou qu'il se rebute. Car quand le cheual est de bonne volonte, il faut pour beaucoup de considerations, que la fin de son manège soit soustenue avec autant de vigueur, comme le commencement.

## PRECEPTES POVR FAIRE DE BELLES ET

*iustes courses en courant la bague,*

## CHAPITRE LIX.



NE des pl<sup>s</sup> honestes & vtils dexterités, que le cheualier puisse acquerir: est celle des belles courses de la bague: mais c'est aussi vn moyen pour desesperer, ou au moins pour desbaucher & desordonner le cheual courageux, mesmes qui fait deuenir plus impatient l'homme, qui se plaist à tel exercice & qui le pratique souuent, & par consequent qui lerend incapable de bien entendre les bonnes reigles de cest art. C'est pourquoy nous ne voulons que les cheuaux bien dressez, & adiestez aux maneges & plus beaux

Les cour-  
ses de la ba-  
gue defen-  
dus à l'es-  
colier, &  
au cheual  
mal fondé  
à l'escole.

ayrs, courent souuent, si ce n'est quand ils sont ramingues de leur naturel ; ny que l'escolier gouste le plaisir des belles courses de la bague que premier il ne soit fondé en la pratique de bones leçons de tous les maneges, mais puis que l'vsage de telle d'exterité est bien seant au cheualier, ie diray le stile que i'en ay appris de Monseigneur le Comte d'Aubijoux, mon premier maistre, lequel, entre ses belles & braues parties, outre ce qu'il est bon homme de cheual, on n'a point veu de son temps, vn plus iuste homme d'armes, & qui aye fait de plus belles & delicates courses.

Actions  
preparati-  
ues auant  
que pren-  
dre la lince.

PREMIEREMENT donc, auât que le cheualier prenne la lance, il doit visiter les renes, & les mettre en tel estar dedans la main, que son cheual puisse librement courir, sans toutesfois luy tât abandonner la teste, qu'il n'aye moyen de sentir aucunement l'appuy de la bride, selon que le cheual sera leger & sensible de bouche, & qu'il courra retenu, ou desuny car sans doute le sentiment de cest appuy, quâd il est leger & ferme apporte en courât quelque assurance au cheualier, & au cheual. Il se doit aussi iustement asseoir dedans la selle, & en mesme temps s'asseurer également sur les estrieux : de façon qu'ils ne luy puissent eschapper, en faisant sa course. Il ne doit oublier non plus d'accommoder si bien son chapeau, qu'il ne luy tombe sur la carriere. Tout cela se doit faire avec le moins de tēps, de geste & de demonstration qu'il se pourra & sur tout sans afeterie. Apres il prendra la lance, & la posera sur le milieu de la cuisse, tenant la poincte d'icelle haulte & droite, toutesfois vn peu panchée en auant, & plustost en dedans qu'en dehors : & la portant ainsi s'en ira au bout de la carriere, là où pour faire vn beau partir, il tiendra (s'il luy est possible) son cheual quelque peu de temps droit & ferme, ayant la teste tournée du costé de la potence : & premier qu'il parte furieusement, luy fera faire deux ou trois pas par le droit, mais, comme il arriue communément, si le cheual estoit tant impatient, que pour l'asseurer au bout de la carriere, il fallust estre lōguement à cōtester, & faire trop le Caualerice hors de temps conuenable, il vaudra beaucoup mieux le laisser partir avec le moins de desordre qu'il se pourra, soudain qu'il sera dans la carriere, ou en tournât, j'entēds quand l'on court en partie, ou seulement pour paroistre : car à l'escole on ne doit iamais permettre au cheual les fautes, qui se peuuent corriger.

Auertisse-  
ment pour  
biē porter  
le corps en  
courant.

ET parce que la pluspart de ceux, qui se messent de courir, reculent l'espaule du costé de la lance, mesmement quand le fer d'icelle arriue pres de la bague, il faut pour euitter ceste action mal seante, que le cheualier auance ceste espaule, & la hanche du mesme costé vn peu plus que l'autre, auant qu'il parte, ny qu'il haulse la lance de dessus la cuisse. Il faut aussi considerer premier que partir, la longueur que la carriere peut auoir : car tant plus elle sera longue, tant plus faudra-il, que le fer de la lance descende de plus haut en couchant, & tant plus elle sera courte, tant moins faudra-il tenir le fer de la lance haut en commençant la course.

L'endroit  
auquel le  
cheualier  
doit met-  
tre la lince  
en partant  
pour faire  
la course.

EN partant le cheualier tiendra le corps ferme & droit, ensēble toute son assiette, mettant diligemment le fer de la lance, comme à vn bout de ligne diagonale, qui face l'autre point au mittan de la bague, & ne permettra quel'ayr, où le vent de la course puisse hauser, baisser, ny esgarer son boys en dedans, ny en dehors : & ne haussera la lince en l'ostant de dessus la cuisse, pour la mettre dessous l'esselle, que tant qu'il sera besoing, pour euitter que le tronc, ne heurte contre l'harçon de derriere, ou contre ses chausses : car cela la pourroit tellement esbranler au partir, qu'elle seroit en desordre tout le long de la course. Il doit aussi en mesme temps mettre le tronc de la lince si bien à poinct, comme au dessus de l'arrest de la cuyrassse, qu'il ne luy touche tant soit peu le bras, ny le costé : mais que seulement la main soustienne la lance, sans

qu'elle soit autrement appuyee. Car c'est vne maxime, que toutes les fois qu'en courant la lance est soutenue d'autre chose que de la main, & de l'ayr, ou que le tronc touche ferme en quelque autre part, elle est esbranlee durant la course. Or pour mettre le bras, & la main de la lance en belle & iuste posture, il faut considerer qu'au partir, l'arrest d'icelle ne doit estre tout au plus que demy pied plus auancé, que l'arrest des armes, & qu'il faut mettre le tronc de la lance, vn ponce ou deux doigts plus haut que l'arrest des armes; afin qu'il ny touche aucunement, & qu'il soit aussi environ vn ponce ou deux doigts pres du costé de la cuyrasse, & autant du brassal. Car pour courir de bonne grace, iustement & en bon homme d'armes, il faut faire les courses estant desarmé, tout ainsi que si l'on estoit armé de toutes pieces. L'explication de ces preceptes est longue, mais l'execution en doit estre faite en vn instant, & sans esbranler en façon quelconque le corps, le bras, ny la lance.

L'arrest de la lance est ce bord de cuir qui est cloué fermement au tronc environ trois doigts au-dessus de la main.

A v temps que le cheual partira, quelque action que face le bras de la lince, & quoy que le tronc d'icelle soit osté de dessus la cuyssse, le bras & le poing doiuent estre en si ferme, & iuste situation, que la pointe de la lance ne se puisse baisser ny esgarer d'un costé ny d'autre, principalement en dehors, mais qu'elle soit mise gayement & iustement, comme en la ligne susdite.

Pour bien partir du trou de la carriere.

Ainsi faut que le cheualier porte la lance assez haute, ayant le fer d'icelle droit dedans le fil & vent de la course, sans la mouuoir aucunement, que premier il n'aye accompagné vne ligne parallele de l'horisonale & piste de la carriere, iusques au premier point de la course, qui se verra en la figure prochaine, & qui sera environ vne troisieme partie du chemin, qu'il y pourra auoir du bout de la carriere, iusqu'à la portence, & puis il commencera de baisser le fer de la lance à loysir, comme par vne autre ligne pendante, d'une mesure si droite, esgale & bien iugée, que sans branler aucunement il aye acheué de coucher nettement, & d'un fil, quand le fer sera arrivé à trois ou quatre doigts pres du bord d'en-haut de la bague: & à mesure qu'il couchera, il ouurira & haussera vn peu le coude du bras de la lince, afin que le tronc n'appuye, ny ne touche contre le bras ou le corps: mais pour cela il ne faut hausser ny reculer l'espaule, ny bouger le corps, ny la teste. Et d'autant que ceux, qui font les plus belles courses, sont souuent subjects à passer le fer de la lance dessous la bague, & mesmes lors qu'il leur semble tenir le dedans assés, ie conseille à celui, qui desirera mon aduis, de premediter le but & le point de sa course, au bord d'en-haut de la bague, comme ie viens de dire.

Pour bien conduire la lance iusques au bout de la carriere.

SOVDAIN que le cheual aura passé la portence, le cheualier rehaussera diligemment la pointe de la lance, haussant & dressant le bras, tant qu'il pourra, commençant aussi à parer son cheual bien droit, sans le precipiter, & luy faisant faire la plus belle fin d'arrest qu'il pourra, selon qu'il aura esté dressé: & faut noter que pour finir les arrests de ces courses, le cheual ne doit faire au plus, que cinq ou six courbettes, ou groupades: & apres, auant que le tourner d'un costé ou d'autre, pour sortir de la carriere, on le doit faire cheminer trois ou quatre pas, par le droit, ce pendant le cheualier s'empeschera soigneusement de regarder derriere soy, ny si la bague est à la lance, encor qu'il ait fait vn dedans.

Quand le cheualier a passé la portence.

Il se souuendra aussi en courant de ne faire nulle grimasse, mesmement des yeux, ny de la bouche: de ne tourner le visage, comme l'on dit, en arbalestier: de ne baisser ny bouger aucunement la teste, en passant dessous le balon de la potée: de ne solliciter son cheual avec trop grande action de iambes: de tenir les reins fermes & droits.

Auvertissemens pour euer certains malheurs.



de ne reculer que fort peu le corps en parant, (car l'action n'en est point belle, tant que l'on a la lance en la main) ny renuerfer trop la lance en arriere au parer, apres l'auoir ostee de l'arrest & releuee.

Erreur de  
ceux qui  
portēt mal  
la lance en  
courant.

Tous ceux qui pensent faire de belles courfes, ne gardent pas cest ordre. Les vns au partir haussent & alongent tant le bras de la lance, que l'arrest d'icelle est quelque fois esloigné pour le moins vn pied & demy, de celuy des armes: Les autres ouurent tant ce bras, que l'on void beaucoup plus de iour qu'il ne faut entre les deux arrests: qui sont, ce me semble, des mouuemens inutiles & mal ceants: car enfin tousiours faut-il reuenir approcher, & presque ioindre ces deux arrests, pour acheuer de coucher, si l'on veut rompre, ou comment qu'on veuille parfaire iustement la course.

Le point  
de la ba-  
gue.

La bague doit estre ordinairement pendue en tel endroit du baston de la potence, que quand le cheualier fera droit dans la carriere, & dessous le baston, elle luy arriue droit à droit, & vn peu au dessus ou au mitan du front: mais afin que la lance se trouue plus belle, en courāt il vaudra mieux tenir la bague vn peu plus en dehors, assauoir droit au dessus l'oreille droite du cheual: & si le cheualier craint qu'elle le blesse, au temps qu'il passera de vitesse dessous le baston: ie l'aduise que tant plus son cheual courra fort & tride, d'autant plus se trouuera-il plus bas que son plan naturel.


Plusieurs hommes d'armes, sçachant que pour bien rompre en lice, il faut necessairement que la lance soit sruce de façon qu'elle croise sur l'oreille gauche du cheual, & sur la lice, n'approueront pas ceste reigle, mais il est certain que si la lance est portee ainsi de biays, le vêt de la course la peut pousser du costé qu'elle biaise ou croise, contraignant le cheualier, pour resister ou remedier à se desordre, de faire vn effort extraordinaire en ferrant le poing d'icelle. Et toutes les fois qu'on est ainsi contrainct en courant, de ferrer si fort le poing, la lance ne cesse de branler. Or en ceste difference des courses de lice & de carriere, celles de la bague se trouuerōt sans doute beaucoup plus aisets & plus belles, la lance estāt bien mise & tenue presque droit dessus la ligne, & pisle de la carriere. Car par ce moyen le vent de la course la soustiendra commodement: sans la pousser d'aucun costé, & le cheualier aura moins d'occasion de tourner le visage ou la veuë vers la potence, comme plusieurs font par mauuaise habitude.

La lōgueur  
de la car-  
riere.

La carriere doit auoir au moins quatre vingts & dix pas de longueur, depuis le partir iusques à la potence: & si elle est bordee, elle doit auoir deux pieds & demy de large, & doit plustost monter que descendre, tant pour l'assurance & commoditē du cheualier, & du cheual, que pour la grace de la course.

La propor-  
tion de la  
lance selon  
la taille du  
cheualier.

La lance assez lōgue & forte, donne beaucoup plus de grace & de fieretē à la course, que ne font ces petites lances foibles, trop legeres & courtes, qui ne sentent pas beaucoup à l'usage de Mars; & si elle est trop grosse aux fonds des canaux, elle cachera trop dedās la carriere, le corps d'un petit homme, & luy sera aussi mal seante (mesmement quād il portera vn chapeau, qui aura les aydes fort grandes) comme à vn cheualier de grande taille, vne lance fort menuē pres de la main, ayāt vn petit chapeau trop estroit de bord. C'est pourquoy ie voudrois que le cheualier fust curieux de s'accommoder proprement, & à son aduantage: car il vaut beaucoup mieux n'estre point de la partie de ceux, qui font bien quelque exercice en bonnē compagnie, que de seruir de lustre à ceux, qui se font mieux paroistre.



Par ceste figure demōstrative, on peut mieux comprendre les susdits preceptes des belles courbes : mais ces lignes doivent estre imaginees, droit à droit, les vnes des autres, cōme en ligne perpendiculaire.

## DES CHEVAUX IMPATIENS, A LA CARRIERE,

*Et les incommoditez que les courses continues leur apportent, principalement quand ils sont capables de servir au manege du combat, ou de reussir pour la carriere aux ayrs releuez Et gaillards.*

## CHAPITRE LX.



VE des choses plus malaysees en nostre art, est d'asseurer au bout de la carriere le cheual, qui a couru souuent, & qui recognoist & soupçonne la lance & la course, principalement si de nature il est colere, déterminé & apprehensif, ou s'il a esté plusieurs fois battu en courant. Je sçay, que le bon Caualerice, par ses bonnes reigles, & sa patience, luy pourra faire perdre avec le temps les apprehensions, en le flattant & promenant plusieurs fois, & longuement sur la carriere avec la lance, luy faisant ordinairement passer & repasser la carriere au trot, & quelquefois au petit galop, cōmençant vne fois par vn bout, & apres par l'autre, mettant souuent pied à terre, & remontant en l'un, & en l'autre bout, luy faisant plusieurs caresses & plaisirs. Mais de continuer à le faire courir, & neantmoins le pouuoir rendre sage, & paisible au bout de la carriere, c'est vne chose fort malaysee, & quasi impossible, quoy que le Caualerice soit extremement patient s'il n'est secondé de la bonne & paisible nature du cheual: & si d'auenture l'on en void quelqu'un qui attende sagement l'action & aduertissement du partir, & qu'apres sans estre chassé & battu, il fournisse rondement la course assez longue, il faut necessairement que de son naturel, il soit sanguin-melancolique, qui est le temperament plus propre à l'obeyssance. Car ceux qui sont fort coleres, sont aussi naturellement disposez à ce laisser tellement trāsporter à l'inquietude, & à la fougue? qui procede de la violence de la course, ) que quelque douceur qu'on y apporte, il n'y a remede de les pouuoir bien asseurer & tenir fermes au bout de la carriere, pour là leur faire regarder paisiblement, & pour auoir loysir de se bien accommoder auant partir, mesmes s'il a recogneu la lance. Et si le cheual est paresseux de son naturel, timide, aduste ou fort flegmatique, il pourra estre que le desplaisir & difficulté, qu'il aura de se resoudre à la diligence & à l'effort de la course, ( contraire à son humeur ) ou la crainte des coups, qu'il aura accoustumé de receupir pour la bien fournir, luy feront aussi hayr la lance, & la carriere: & quipis est, il en naistra vn extreme soupçon, qui se pourra avec le temps, conuertir en quelque grand vice. Voylà d'où vient que tant de cheuaux se defendent au bout de la carriere, les vns en reculant au lieu de partir, les autres qui ne veulent entrer, ny seulement regarder la carriere: d'autres qui taschent à mordre les iambes du cheualier, d'autres qui se cabrent, & quelquefois se renuersent, ou s'ellancent desespereement, pour euitier & fuyr la patience, & la iustesse du partir. Tellement que cest exercice rend les vns & les autres subiects à quelque vice, propre à leur complexion: & outre qu'il empesche la memoire & l'obeyssance du cheual, en toutes les reigles de la bonne escole, la santé en patit. Car si le cheual est iuste à quelque beau manege, la furie de la course le mettāt en extreme fougue, le rédra incapable d'obeyssance, & par consequent de iustesse, & s'il a la teste asseuree, & la bouche fine, la grande violence de la course, ne pouuant quelques fois estre suffisamment retenuë, par les forces naturelles de tel cheual, la necessité le mettra souuent en desordre, & le contraindra à s'abandonner sur la bride, ou à plusieurs autres imperfections. Toutes fois, comme j'ay dit ailleurs, il aduiant souuent, quoy que les cheuaux ayent la bouche mal-

che mal-



chemalaysée, qu'ils s'arrestent facilement au bout de la carrière, quand ils ont couru plusieurs fois la bague, non pas tant pour obeyr à l'action du cheualier, cōme desirās mettre fin à la course, au lieu recogneu & premedité, auquel apres l'arrest, on aura accoustumé de les laisser quelque temps en repos: mais au partir de la course & mesmes quand on les voudra seulement faire galopper sur la carrière, ils monstrent vne grande fougue, & beaucoup de desobeissance. Par ceste facilité d'arrest premedité, on peut particulièrement iuger, combien le libre consentement du cheual amene plus de commoditez, que les remedes par lesquels on tasche de le contraindre.

Les courses de la bague continuées peuvent disposer le cheual dur de bouche à l'arrest d'icelle.

Si le cheual resolu & déterminé à la course, rend beaucoup ou trop de consentement à l'arrest, les espaulles, les iâbes, les pieds & les reins en patiront. Qu'il soit vray on void fort peu de cheuaux vistes & courageux, dediez & accoustumez à courir la bague, ou autrement à faire souuent de grandes courses, qu'en peu de tēps telles violences ne leur amēnent vn tremblement de membres qu'ils ne se retirent de deuant, se fendent les pieds, ou qu'ils ne s'ouurent ou desfilent: tellement que ie suis d'aduis qu'on ne face courir les cheuaux, qui sont naturellement vistes, courageux & propres pour la guerre, qu'une fois le mois pour le plus: & seulement afin de leur maintenir la viftesse: & encores apres auoir couru, leur doit on faire repasser ordinairement vne autre carrière de mesme lōgueur, au petit galop sur la mesme piste, ou ailleurs, leur redonnant souuent la main pour les appaiser & mettre hors de soupçon: & ceux qui avec la determination seront coleres, bizarres, & malaysez de bouche, ne doiuent courir, si ce n'est à la necessité, ou iamais ils n'auront la ceruelle, ny la bouche assourée,

Le domage qui peut aduenir quand le cheual rend trop d'obeyssance à l'arrest de la course siuieuse.

Ie ne suis pas en cecy seul en mon opinion: car de tout temps l'on a veu, aux grandes escuyries des Princes, que les bons Escuyers ont voulu fort peu exercer à courir la bague, ny rompre en lice les cheuaux, qu'ils ont pensé estre plus propres à seruir le maistre, vn iour de combat. Si est-ce que tout cela n'est pas cause qu'il n'aye vne infinité de personnes, qui pésent que tels exercices sont propres au cheual de guerre: parce qu'il semble que le rompre souuent l'assure, & que les courses continuées luy augmentent la viftesse, en quoy l'on se trompe. Car au contraire il aduiet d'ordinaire que le cheual, qui a plusieurs fois rompu, redoute tellement la lance, & l'effort du coup d'icelle, que si en courant il n'est retenu de la contrelice, il s'elargist pour esquiver & fuyt l'endroit, auquel il pense rompre, ou auoir auparauant rompu. En quoy l'on peut iuger que le cheual vifte, qui a le moins seruy à cest exercice, en court plus droit, & avec plus de resolution: pourueu qu'il ne soit ramingue ny paoureux. Et quant à ceste maxime que l'on tient, que la continuation des courses rend le cheual plus vifte, ie l'aduoue: mais aussi elle amene plusieurs accidens, dommageables cy deuant expliquez. Et puis ceste viftesse extreme, n'est pas tant necessaire au combat comme la mediocrité accompagnée de la legeresse, & facilité de la bouche: car l'on ne part pas ordinairement de fort loing à toute bride, pour charger ce qu'on veut combattre: & ceux qui se font, se trouuent bien empeschez, quand leurs cheuaux, voire les plus vistes & courageux, sont les premiers hors d'alcine, auant que venir aux mains, ou aussi tost qu'ils y sont. En fin le bon Cavalier doit curieusement conseruer la santé l'aliene, la franchise de la bouche & la iustesse du manège tant aux cheuaux de guerre, qu'à ceux de carrière, se contentant de sçauoir qu'ils sont assez vistes, pour seruir à la necessité, & reseruer l'exercice de la bague pour d'autres, qui soyent moins precieux & necessaires.

Si on doit exercer souuent à courir ou à rompre le cheual propre pour la guerre.

La taille du cheual de mediocre stature, est generally la plus propre à tous les exercices, & principalement pour courir la bague: & par ce que ceste medio-

crité n'acompane pas tousiours la franchise & viffesse, & autres parties necessaires aux plus belles courfes, & qu'il se faut feruir des cheuaux tels qu'on les a, l'aduife le cheualier, qu'il aura auffi peu de grace en courât armé sur vn petit cheual, que de far-  
 mé sur vn qui soit fort grad. Or quel que soit le cheual, il faut que pour faire la cour-  
 se belle, il parte rondement de la main, tenant la teste assez haulte & en bonne postu-  
 re, & qu'il fournisse la carriere tride & renforcée, iusques au lieu de l'arrest, sans qu'il  
 soit besoin que le cheualier s'esbranle, & s'imcommode pour le solliciter & chasser;  
 & sur tout les proportions & forces des membres, doiuent correspondre à la violéce  
 de la course: car c'est vn subiect principal des plus beaux effects de la bride, non seule-  
 ment à l'arrest, mais en toutes autres occasions. Et d'ailleurs si le cheual vifte tombe  
 en courant, comme il aduient aucunes fois par la debilité des membres, celuy qui est  
 dessus, est en beaucoup plus grand hazard de sa vie, que si le cheual se renuerfoit, ou  
 prenoit quelque autre cheute: car s'il tombe en se cabrant, il se tourne d'ordinaire,  
 d'un costé ou d'autre, estant encores en l'air, tellement que la cheute en arriere, ne se  
 fait pas tout à plat sur le dos, si ce n'est que le cheualier se tienne tant attaché à la bri-  
 de, qu'il oste le moyen au cheual de faire ceste action de costé. Mais quand il tombe  
 en courant à toute bride, c'est avec vn desordre precipité, par vne si grande violence  
 que le cheual ny l'homme n'ont loisir ny commodité de s'ayder en façon quelcon-  
 que, & partant le danger en est plus à craindre.

Le cheual  
de la bague  
doit estre  
ferme sur  
ses mēbres.

La cheute  
de la course  
est pl<sup>us</sup> dāge-  
reuse que  
celle du ca-  
brer.

#### POVR FAIRE ESTENDRE ET RESOVDRE

- le cheual, qui en courant retient ses forces  
 & son courage.

#### CHAPITRE LXI.



O V T ainsi que par les raisons sūsdites, le Caualerie doit fort peu  
 faire courir le cheual, qui naturellement est fougoux, & grand cou-  
 reur, il doit aussi trouuer moyen de resoudre à la course celuy qui est  
 ramingue, & qui ne se veut estendre: car vne des plus belles parties  
 que le cheual puisse auoir, est la resolution & perfection de la cour-  
 se. Or d'autant que l'action en est beaucoup plus naturelle, que celle de l'arrest, aussi  
 fera-il par consequent beaucoup plus facile de chasser le cheual, qui se retiendra, que  
 de faire bien parer celuy, qui se precipitera en courant. Mais il faut plustost reco-  
 gnoistre & considerer, que l'irresolution de la course vient aucunes fois de quelque  
 defect de veuë ou de cerueau, ou bien de timidité, qui ne permet au cheual de ha-  
 zarder ses forces en courant. Il y en a aussi qui se mesfient des forces de leurs mem-  
 bres, à cause de quelque imperfection naturelle, ou accidentale: de sorte qu'ils n'o-  
 sent librement consentir à la furieuse diligence, & perfection de la course: d'autres  
 qui sont pesants, & paresseux de leur nature, laquelle ils ne peuuent forcer: d'au-  
 tres qui pour auoir esté trop gourmādez & battus en courât, ou pour auoir trop sou-  
 uent couru, sont tellement rebutez, que la seule apprehension de la carriere, les rend  
 vicieux & restifs: d'autres qui ont la force de l'esquine naturellement retenuë, de  
 telle façon, qu'ils ne la peuēt bonnemēt distribuer à l'action de la course: mais bien  
 plustost à fournir vn bon nombre de fauts, & autres ayrs gaillards, s'ils y sont dres-  
 sez: d'autres singards, qui sont seulement retenus de vraye malice & poltronnerie. Or  
 pour les remedes en general, il les faut premierement accoustumer à passer souuent  
 des carrieres assez longues au grad galop, sans les battre, ny precipiter, que le moins  
 qu'il se pourra, mesmement au partir, & leur laisser prendre la fougue peu à peu. Car  
 peut estre qu'avec le temps, l'habitude leur amenera la resolution & la viffesse, & s'ils

ne se veulét refoudre d'eux-mesmes, il leur faudra ayder de la voix, & des plus grands-mouuemens des iambes, y adioustant quelques bons coups d'esperons parmy. L'on vsera aussi du foüet à trauers des cuysses, & des fesses, principalement au milieu de la course: & ce foüet doit estre fait de cordes de boyau, reuestu de fil d'archal, comme on les fait en Italie. Et s'il aduient que du commencement que le cheual sentira ces coups extraordinaires, il se defende en ruant, ou par quelque autre moyen, il faudra continuer de le frapper en criant, & redoublant les coups de ce foüet sur les fesses iusques à ce que le cheual parte viuement de la main, cessant aussi tost de foüetter & de crier: afin qu'il s'apperçoie de la cause du chastiment. Toutefois si le Cavalierice recognoist, que ces coups d'esperons & de foüet, au lieu de chasser le cheual, l'estonnent ou desesperent, il le seruira de la cōpagnie d'un autre cheual, assez viste & assuré, & fera courir les deux ensemble, faisant partir celuy qui sera assuré, le premier, & l'homme qui sera dessus, laissera gagner peu à peu le deuant à l'autre, iusques à ce que par ce moyen le cheual ramingue (determinant son courage,) s'estende librement. Mais ie ne veux pas, que le Cavalierice recherche, & presse si seuerement le cheual singard, de quelque naturel qu'il soit, que par la trop grande violence, il luy vueille tout du premier coup, faire naître la resolutiō, la diligence, & la pratique de la course, ou l'obeyssance & facilité de l'arrest: car au contraire, i'entens qu'en iugeāt les forces, le courage, & l'inclination du cheual, il luy gaigne sagement, (auec le temps & l'accoustumance du bon exercice,) le consentement, le pouuoir & l'aleine & qu'il n'employe le voix, le foüet, ny les esperons, qu'entant qu'il cognoistra l'utilité, qui en pourra reüssir, & non pour accabler indiscretement le naturel & les forces du bon cheual, le faisant deuenir vnerosse, comme il arriue assez souuent.

I'aduise aussi le Cavalierice, que si la carriere, ou le lieu auquel il vouldra refoudre les cheuaux ramingues à la course, est vn peu en montant, cela apportera beaucoup de commodité à celui, qui sera foible de membres, & sera cause qu'il s'estendra plus librement: d'autant que les iambes de deuant, & les espauls, en seront moins foulées, que si la course se faisoit en descendant, ou en lieu plain. Et si le cheual a) comme i'ay dit ces forces naturellement retenues, & qu'il soit de grande esquine, il aura en montant beaucoup moins d'occasion, & de commodité de s'agrouper, ou sauter. Et parce que les cheuaux ramingues sont communément legers à la main, & faciles au parer, & que les reigles & tous les remedes, qui sont propres à la vistesse, sont aussi cōtraires à la frachise de la bouche, ie ne veux pas, s'il est possible, qu'elle soit forcée, ny falsifiée par la furie de la course: à cause de quoy ie suis d'aduis (en ceste occasion, & cōtre les communes opinions) que les arrests se fassent plustost en montant, qu'en descendant iusques à ce que le cheual coure librement. La raison est, que le cheual de grande esquine, ou cōment qu'il soit ennemy de la course, ne se resolt & ne s'estend aux premiers exercices, que le pl<sup>s</sup> tard qu'il peut, & à mesure que la vigueur luy diminue: & par consequent la force luy venant plustost à manquer en courant. qu'en la pluspart de tous les autres exercices, il sera contraint à la fin de la longue course, de s'abandonner sur la bride pour faire l'arrest comme il pourra: en quoy la montee de la carriere luy sera fort fauorable, à cause que le deuant se trouuera plus haut, & comme i'ay dit, des cheuaux foibles, les bras & les espauls en patiront moins.

PAR ces raisons le Cavalierice peut iuger que, outre que les courses continuës desbauchent les cheuaux, qui sont adiustez à quelque ayr & manège, elles abarrent & desunissent la vigueur, & dispositiō nerueuse des cheuaux gaillards & sauteurs, & sans doute ceux qui sōt foibles de reins, courēt pl<sup>s</sup> libremēt, & sōt d'ordinaire pl<sup>s</sup> vistes, que ceux qui ont grand force d'esquine: i'entens foibles, & neantmoins sus-



fiamment courageux : car tout ainsi que la perfection du trot vient de la souplesse des membres, & celle du galop de la legeresse des espaules & du temperamēt de l'appuy de la bouche, la resolution de la course procede d'ordinaire du courage, & de la franchise naturelle du cheual. Or reuenant à la commodité de la carrière & du parer, il faut necessairement, que le Caualerice aye le iugement de cognoistre quād le cheual employe toutes ses forces en courant, & qu'il se contente de ce que nature peut fournir, & mesmes de proportionner la longueur de la carrière, selon la capacité de l'aleyne & des forces du cheual, & d'amortir discrettement & à loysir la furie de sa course, pour luy donner moyen à la fin d'icelle, d'assembler & preparer ses forces premier que refoudre la fin de l'arrest.

EN France, plus qu'en toutes les autres nations, les cheualiers se plaisent à faire souvent partir, & repartir de la main à toute bride, & soudain parer sur les hanches, Le partir & repartir de la main furieusement & coup sur coup, contraire à la legeresse & facilité de la bouche. en quoy ils monstrent qu'ils sont nais avec ie ne sçay quoy de gaillard, & de Martial, qui les esmeut impatientement à ses petites furies, toutefois communēmēt contraires à la perfection de nostre art: car si le cheual est déterminé, grand coureur & obeysant à l'actiō del'arrest, le surprenant & precipitant si tost apres le partir, & lors qu'il fait son plus grand effort pour obeyr, & respondre fraîchement au premier mouuement du cheualier, qui le pousse & le chaste, sans doute cela luy pourra facilēmēt amener plusieurs accidents preiudiciables : entre autres la bouche en sera bien tost gastee & falsifiée, ou le cheual sera en danger de se desesperer, forçant la main du cheualier, pour fuyr l'effort de la subiectiō insupportable, & trop continuee, ou avec le temps il deuiendra fingard, pour n'oser refoudre viuement le partir, craignant de ne pouuoir fournir à la violence de ces arrests, impourueus & precipitez: & s'il est naturellemēt malicieux & ramingue, cōme l'on void estre d'ordinaire les cheuaux d'Allemagne, il pourra peut estre partir furieusement vingt ou trente pas: mais sans doute soudain apres il commencera à se retenir de soy, pour se presenter à la parade, & souvent contre la volonté du cheualier. Doncques le Caualerice se doit refoudre à ne faire ordinairement partir le cheual fingard, qu'il ne luy face passer vne bonne carrière, auant que le parer: & de le menasser de la voix, le rechaissant en auāt toutes les fois, qu'il se representera pour faire l'arrest, sās en estre aduertie par l'actiō de la main de la bride. Et par ce, que j'ay dit cy deuant, parlant de certains cheuaux qui ont trop d'appuy, ou qui tirent ou pesent de fougue ou autrement, que pour les rendre bons à la main, il est necessaire de les parer & faire reculer souvent, ie ne veux que maintenant l'on pense que ie retracte nul des remedes precedens en deffendant le partir de la main, i'entens icy estant trop violent & continué au cheual, naturellemēt sensible, vigoureux & coltre ou de double courage. Mais ie veux bien, que si le Lecteur est de cest art, qu'il considere les differens effects, qui peuent naistre d'vne mēme reigle diuersēment effectuée, assauoir avec ordre & patience, & selon le naturel du cheual: ou avec violence & indiscretion, sans auoir esgard à son inclination, comme j'ay dit cy dessus.

EN fin i'approuue fort que le cheual parte courageusement, & rondement de la main, toutes les fois qu'il en sera recherché: car c'est vne tres-belle & necessaire partie, pourueu qu'elle soit secondee de la fermeſſe & facilité de l'arrest. Doncques pour tenir le cheual (naturellemēt fougoux & déterminé) en estat de bien respondre, à l'vne & à l'autre obeysſſance, ie veux que le Caualerice ne le face partir & courir à toute bride, que le moins qu'il pourra, & qu'il l'exerce souuēt au galop: afin d'euitier que l'apprehensiō de la course, le face tirer à la main, & luy offēse la bouche & la memoire, & aussi pour le tenir assure à l'actiō de l'arrest. Car il peut faire estat que toutes

les fois, qu'il le voudra chasser furieusement, il le trouuera plus disposé de nature à courir, que facile à l'obeyssance du parer. Et au contraire ie luy permets de pousser & faire viuement & souuent courir celuy, qui est singard & malicieux: afin qu'il soit tousiours plus aduertty & deliberé: & melmes d'autant que, comme l'ay desia dit, le temperament maling & aduste, qui le rend ainsi ramingue & malicieux, le dispose plus facilement à la legeresse de l'arrest, & par consequent l'exempte des plus grands forts des iambes, des pieds & de la bouche.

COMBIEN que l'ay cy deuant parlé des effects differens des esperons, ie redi-  
ray encores sur ce propos, que les grands coups, qui en sont donnez en arriere, sont  
les plus propres à chasser le cheual en auant. Toutesfois quand ils sont trop voisins  
des flancs & trop aspres, ils le peuuent contraindre de se retenir, & quelquesfois s'ar-  
rester pour se mettre sur l'esquine, ou pour ruër, melmement s'il est nerveux, gaillard,  
ou fort charoüilleux. Voila pourquoy l'on souloit anciennement vser de ce remede,  
pour haulser fort de derriere les cheuaux fauteurs. Et si les molettes des esperons sont  
trop grandes & trop pointuës, les grandes esperonnades trop continuees, au lieu de  
chasser le cheual, le pourront à la fin faire deuenir retif, s'il est timide & ramingue:  
& mettre en desespoir celuy, qui de nature sera colere & sensible, ou luy falsifier la  
bouche principalement s'il manque de force ou d'alcine.

Les trop  
grands es-  
perons con-  
traï-  
nent à la fran-  
chise de tou-  
cheaux.

## PARTIES GENERALES PROPRES A

*cheual de campagne & de combat.*

## CHAPITRE LXII.



Il semble que de tout temps il y ait eu des cheualiers, qui ont pensé Cheuaux  
que communement les vieux cheuaux estoient les plus propres pour vieux des-  
la guerre: à cause qu'à la verité ils sont d'ordinaire plus paisibles au rez d'aucuns  
montoit, plus legers à la main, moins apprehensifs & ombrageux, pour seruir  
moins fougoux au manege, & en toutes leurs communes actions, & aux cobars,  
par consequent plus assurez & faciles aux combats. Et ce qui a confir- & iugement  
me ces opinions, sont les exemples d'aucuns Princes & grands Capitaines, qui ont qui se doit  
faire de ces  
opinions.

mieux aimé se seruir le iour d'une bataille, de quelque vieux estelons, qu'ils gardoient  
pour leurs harats, que de beaucoup de ieunes cheuaux, desquels ils pouuoient dis-  
poser à leur gré. En cela ie m'imagine que ces estelons auoient esté si excellemment  
bons, en leur ieunesse, qu'ils se ressenoyent encores beaucoup de leur premiere  
bonté, & que les ieunes cheuaux, qui estoient lors aux escuyries de ces grands per-  
sonnages, n'estoient pas des meilleurs. Car sans doute si le cheual aagé de sept, ius-  
ques à quinze ans, est naturellement nerveux & courageux, il resistera mieux à vn  
grand effort, & à la commune fatigue de la guerre, melmes avec moins de nourriture,  
que s'il estoit fort vieil. Et qu'il soit vray, l'on void souuent que les vieux cheuaux man-  
quent plustost de courage, à faute de manger, que ne font les ieunes. Toutesfois cela  
n'empesche pas qu'il ne se trouue encores des guerriers, qui aymeroient mieux vn  
vieil & bon cheual pour vn iour de combat, qu'un ieune, bié qu'il fust bon aussi. Mais  
si pour arriuer à ceste iournee, il estoit necessaire de tracasier deux ou trois mois, &  
faire beaucoup de telles caualcades, qu'on fait souuent aux armées, ie m'assure qu'à  
ce iour d'affaires, ils verroient leur vieil cheual en tel estar, qu'ils voudroient  
qu'il fust moins aagé: & s'ils pensent le faire mener en main, iusques au temps de la  
necessité, cela luy pourra soulager les pieds, les iambes, les reins, & la bou-



che (si l'appuy en est ferme) mais aussi l'accoustumance d'estre mené par vn homme de pied, luy peut abattre le courage, quoy que pour demy-heure, il se trouue plus frais & vigoureux, quád le cheualier sera monté dessus: & si on luy fait accompagner, ou suiure vn autre cheual, estant tiré par la faulse rene, ou par vne longe, cela le peut aussi avec le tēps rendre ramingue, ou retif. C'est pourquoy il vaut beaucoup mieus qu'un garçon leger soit dessus, que de le faire mener en main, mesmement, s'il est allegre, ou s'il a la bouche delicate. Or pour toutes ces choses, ie ne veux pas blasmer les vieux cheuaux, pourueu qu'ils ne passent quinze ans. Au contraire ie tiens que s'ils ont esté bien nourris, & qu'on ne les aye souuent precipitez par des travaux trop lōgs & violents, leur plus grande force, bonté & beauté, doit estre en l'aage de sept, iusques à quatorze ans: mais ayāt atteint la seiziesme ou dixseptiesme, annee, il me sēble qu'ils sont plus propres, à seruir aux querelles particulieres, & combats premeditez, qu'ils peuuent presenter enuiron le vol du chapon, qu'à faire de grādes coruees, ou à monter les iuments. Car sans doute pour tirer de bons & vigoureux cheuaux d'une race, l'estelon doit estre aussi frais & gaillard, comme pour seruir au manege, & aux combats. Il est vray qu'il y a dēs naturels, qui ne monstrent pas les cheuaux si vieux à vingt ans, que d'autres à dix: & ceste difference se void communément entre ceux, qui naissent aux pays meridionaux, & ceux de septentrion: car (selon la diuersité des climats,) les vns sont naturellement plus humides que les autres, & par consequent plus pesants & subiects aux communes defluxions: à raison dequoy ils durent moins de tēps en leur vigueur plus nerueuse. Mais reuenant, à la reigle generale le cheual de douze ans, qui n'a encores esté trop gourmandé ny foulé, doit estre en sa vraye force en quelque climat qu'il puisse estre né.

ne quel aage doit estre l'estelon pour en tirer de bons poulains.

Quelle stature de cheual est la meilleure.

Le Cheual grand & preallant à la guerre la nuit.

TOUT ainsi qu'il se fait entre les hommes de cheual, des iugemens differents, de quel aage les cheuaux sont plus propres pour seruir aux combats: Aussi en y a-il qui sont de diuerses opinions pour les statures: les vns trouuent qu'ils ont quelque auantage estans montez sur vn cheual grand, comme veritablement il y a beaucoup d'apparence pourueu qu'il aye assez de force, & qu'il soit maniant, courageux & bon à la main. Car outre que ceste grādeur de corsage paroist beaucoup, & embellist la grace du cheualier, soit en troupe, ou à l'escart, il doit mieus soustenir vn grand choc, & sortir plus aisément d'une meslee, principalement la nuit, que s'il estoit de moindre taille: & pour maxime, le cheualier allant la nuit à la guerre doit desirer vn plus grand & plus fort cheual, que le iour: parce que s'il aduient qu'il se trouue meslé, ou embarrasé, parmy les ennemis, il chocquera en diuers lieux beaucoup plus souuent, que si c'estoit le iour: à cause que l'obscurité empesche de voir & bien iuger là où l'on dōne. Et par ceste mesme raison les cheuaux, qui ont la ceruelle & la veuë asseuree, & qui fauent bien les fosses & les hayes, sont plus necessaires la nuit que le iour. Les autres ne s'estimēt pas moins asseurez, sur vn petit cheual fort & trauersé, parce que communément il se trouue plus grand traueilleur, & plus diligent & vigoureux, soit à la course, au manege, & à se releuer d'une cheure. Et croyent que si ce petit cheual estant viste & determiné, récontre & choque au plus fort de sa course, vn autre cheual beaucoup plus grand & moins viste, il portera le grand par terre, cōme l'on a veu quelque fois aduenir plus, ce me semble, par hazard que par raison. Car ie tiens que tant plus grand coup le cheual donne en choquant, tant plus le reçoit il grand aussi: tellemēt que les deux cheuaux estans grands courreurs, il faut que le fort emporte le foible. Et puis il est certain, que pour si courageux que puisse estre vn petit cheual, le poids du cheualier armé de telles armes qu'on porte en ce temps, le doit plus facilement & plus tost accabler, qu'à vn plus grand: mesmemēt en lieu qui enfonce, & en tous les efforts ou les reins, & les iambes patissent beaucoup, quoy que le petit monstre vne extrēme



vigueur, tant qu'il peut fermement soutenir le fais, & l'action du cheualier. Car en fin tant plus le cheual, quel qu'il soit, employe sa force avec violence, plustost doit-il estre vaincu & hors d'aleine, & par consequent abandonné sur les dents. Or d'autant donc que les petits sont ordinairement plus sensibles, & courageux que les grands, aussi doiuent ils plustost flechir souz vne pesante charge. Mais ils sont propres pour la carriere, ou pour l'homme de querelle, qui ne va le plus souvent armé que d'une cuyrassine, & d'un pistolet, & sur tout en pays sec. En fin la plus noble & riche taille & la meilleure, soit pour la guerre ou pour la carriere, est la mediocre, que le vulgaire nomme entre deux selles.

Q V O Y que le cheual soit grand, mediocre ou petit, la plupart de ceux, qui se connoissent aux statues & à la bonté, desirent qu'il soit plein & traucré deuant & derrière : parce que sans doute la proportion en est beaucoup plus belle, que s'il estoit trop estendu. Toutesfois quand il est vn peu estroit & haut, il n'en doit pas estre moins estimé, pourueu que le flanc en soit assez plain & releué, & les jambes bien jointes & fermes : car s'il n'est aussi beau que celui qui est plus racolt, il se trouuera communément plus nerveux, & moins subiect à se charger, & deuenir païson.

I L y a encores entre les hommes de guerre, & de cheual, des opinions différentes sur les temperaments des bouches des cheuaux : les vns veulent que l'appuy en soit de bonne est le meilleur. fait par consequent que le cheual doit mieux accoster & donner dans vne foule : & mesmes qu'il semble que par ce ferme appuy, le cheualier se sente aucunement plus ferme à cheual : les autres veulent qu'il soit fort leger à la main : & pour moy ie suis de ceste opinion, pourueu que la bouche soit assuee. La raison est, que le cheual qui estant en sa force entiere se laisse, ou se fait naturellement soutenir à pleine main, sans doute se trouuant las, ou pressé par quelque effort violent, s'abandonnera sur l'appuy, & travaillera plustost le bras, & la main du cheualier, que ne fera celui, qui de sa nature aura la bouche fort leger : pourueu qu'elle ne soit trop descharnee. Or est-il qu'une des plus grandes imperfections que puisse auoir le cheual de guerre, & vne des choses qui lasse, & combat plus le cheualier, qui est dessus, mesmement armé de toutes pieces, est quand son cheual pese ou tire à la main, soit de fougue ou pour quelque autre occasion. Et pour ce ie n'ay jamais conseillé honnestement homme de mettre beaucoup d'argent en cheual, qui n'eust de soy la bouche leger & ferme, & les pieds bons : ie desire que le Lecteur tienne tousiours ce precepte de moy, auquel j'ay adiouste l'imperfection des pieds : pour vne infinité de desplaisirs & d'afflictions : que ie sçay que souffre le soldat, ou l'homme de guerre quel qu'il soit, qui n'a qu'un bon cheual de combat, lequel a les pieds fort mauvais, soit pour auoir la folle trop molle & sensible, le tallon bas ou ferré, ou le sabot si brusque, ou corrompu, qu'il se fende souvent aux cartiers, ou qu'il ne peut longuement porter les fers, & sur tout ie l'aduise, qu'il ne se doit laisser gagner à la commune opinion, qui trompe la plupart de ceux qui pensent remedier à la pesanteur, ou dureté & desobeissance de la bouche du cheual, seulement par l'artifice des brides rudes & fortes, & en ce que nature défait aux pieds, à force d'onguens & de remedes : car le plus souvent ce sont vrays pipperies.

L E cheualier doit sçauoir aussi que le cheual, qui est bas de deuant, & qui court Par quelle tride & vn peu sur les espauls, sans doute s'il n'est ombrageux ou poreux, rompra action de vne forte lance de droit si plus rudement, & se ressentira moins de l'effort du coup, coule le cheual cha- & communément inuestira & accostera avec plus d'assurance, à vn combat de main, que plus tost & in-

nestit plus  
hardimētou  
auec moins  
de dāger de  
tomber.

& meslé, que s'il estoit fort releué, & qu'il courust plus soustenu sur les hanches: mais sans doute, il sera plus subiect à peser, ou à tirer à la main, à donner du nez en terre, & à tomber tout à fait, non seulement en galoppant & en courant, mais aussi en bronchant, allant au pas, ou au trot: & par-ce que l'homme qui est monté sur vn cheual viste, & qui le fait courir à toute bride, estant pour quelque imperfection en danger de tomber, cependant qu'il fournit furieusement la courle, ou à l'arrest d'icelle, se met en grand peril de sa vie, comme l'ay desia dit. P'estime aussi beaucoup plus le cheual, qui est naturellement releué, & léger de deuant. Ioinct que ceste posture haulte fait paroistre beaucoup plus belle l'assiette du cheualier: & mesmes que si le cheual bien releué est viste, courageux, & que la bouche en soit assuree, & principalement qu'il porte le front droit, il ne laissera pas de bien rompre, n'y d'entrer furieusement dans vne foule, & d'accofter & ioinde pour venir aux mains.

Du dange-  
reux vice du  
cheual cole-  
re & mor-  
deur.

Le cheual re-  
tif se deter-  
mine en cō-  
pagnie de  
plusieurs au-  
tres che-  
uaux.

I E VEUX aussi sur ce propos aduertir le cheualier, que tel que puisse estre le cheual, s'il est enclin ou accoustumé à se jeter sur les autres cheuaux pour les mordre, qu'il euite tant qu'il pourra de se trouuer dessus à la guerre, principalement au combat meslé: d'autant que ce vice n'est pas seulement tres-dangereux, & propre à faire perdre vn honneste homme: mais plus malaisé à chastier, que s'il f'arrestoit ordinairement pourruer, ou qu'il fust retif tout à fait. Car en fin l'on void fort peu de cheuaux, tant loient-ils timides ou fingards, qu'estans en compagnie de Caualerie, ne donnent & ne chargent, s'il est besoing, à toute bride, (pourueu qu'ils partent dans la furie de la troupe,) & qui ne se retirent parmi les autres: & l'on en trouue rarement de ceux qui aprochent, & qui ioignent franchement & par obeissance la rumeur des armes, en attaquant quelque cheualier à l'escart, quoy qu'ils ayent beaucoup de vigueur: ie dis à l'escart, parce que c'est l'occasion, à laquelle se cognoist l'assurance, & la franchise du cheual, mieux qu'estât accompagnē & poussé iusques dans vne meslee par plusieurs autres cheuaux, lesquels partant & courant, ensemble apportent vne certaine furie qui peut aucune fois diuertir l'apprehension, ou la malice de ceux qui de nature sont plus ramingues, paoureux, ou ombrageux.

Si le cheual  
de combat  
doit estre  
fougoux &  
sensible.

L'ADVISE aussi le cheualier qu'il ne se doit arrester au iugement de ceux, qui veulent que les cheuaux de guerre soient ardans, & bien fort sensibles: & tant s'en faut que ceste temperature si violente, soit necessaire au cheual de combat, qu'il doit estre au contraire de nature facile & paisible. Car comme l'ay dit si souuent, il est impossible que le cheual colere & fougoux, qui naturellement precipite & abandonne sa force, & son aleine par grande inquietude, sans pouuoir attendre l'action du cheualier, puisse tant resister & durer à vn effort, ny estre si bon à la main, soit en maniant, estant meslé, ou en luyuant vne victoire, ou à quelque longue retraicte, mesmement quand l'on veut souuent tourner pour faire teste, & rendre combat en se retirant, comme fera celuy qui sera moins actif & violent, neantmoins vigoureux, courageux & assuré: lequel n'employera son aleine, sa vigueur ny sa vistesse, que tant & a mesure que le cheualier y consentira, ou l'en recherchera: & ceux qui pensent pouuoir retenir, & mesnager la force & l'aleine du cheual colere & fougoux, estans engagés en vn combat de main, se trouuent souuent trompez: car en ces occasions il arriue d'ordinaire que les hommes mesmes, iusques aux plus assurez sont tellement esmeus & empeschez, qu'ils ne sentēt la lassitude du poids des armes, ny des extremes efforts, qu'ils font en combattant, iusques à ce qu'ils soyent desnuiez d'aleine, & de force. De façon que combien qu'ils soyent montez sur d'excellens cheuaux, fort vistes, sensibles & vigoureux, qui employent librement tous leurs efforts, sans que la contrainte soit necessaire, si ne laissent-ils pour cela de les piquer, le plus souuent sans

y penser, en telle sorte qu'ils se trouuent à la fin du combat auoir les esperons tous sanglans, comme s'ils estoient montez sur des rosses: en cela lon peut iuger que l'homme, qui est meslé dans vn furieux combat, n'a pas loisir de penser à la complexion de son cheual: & c'est aussi en quoy les cheuaux coleres, mordeurs, rueurs, ou trop fougoux & sensibles, ont occasion de se deffendre, ou se desesperer, forçans le bras & la main du cheualier pour se mettre en fuite ou faire quelque autre action rebelle & dangereuse, ne pouuans souffrir d'estre ainsi desordonnément piquez, & gourmandez contre leur naturel, ou de s'arrester, s'abandonnans du tout sur l'apuy de la bride, & (comme l'on dit communément) sur les dents, ayans precipité leurs forces & aleine trop soudainement, & presque tout à coup. Or c'est chose fort certaine, que toutes les fois que l'aleine & la force manquent au cheual, l'on recherche en vain l'obeissance du manege, & principalement celle de l'arrest par les effects de l'escole, ou de la bride. En fin le cheual de campagne & de combat, pour estre digne d'un braue cheualier, doit estre d'age, qui passe six ans venant aux quinze: d'assez grande & forte stature; paisible au monoir & à descendre; vigoureux, ferme de teste & de bouche; leger à la main, au pas, au trot, au galop, & à la course, hardy & asseuré, grand coureur, & facile au parer & au manege, également à chasque main: disposé & seur en sautant les hayes & les fossez, & de nature sage & docile.

Par les reigles iusques icy desduites, le Caualerice peut rendre le cheual obeyssant & capable de bien seruir à la guerre, & aux combats particuliers: & si outre cela, il le veut rechercher & dresser de quelque air plaisant & releué, il doit premierement bien considerer, & iuger ce que le cheual pourra faire, Car de le vouloir cōtraindre, à ce que nature ne pourra fournir, ou à ce qu'elle s'opposera directement, le Caualerice y aura beaucoup plus de peine que de contentement, ny d'honneur: mais s'il fait bonne eslection des exercices, & qu'il s'arreste à l'ordre, & à l'air qui conuendra mieux aux forces & inclinations du cheual, sans doute son dessein luy reussira: & par ce moyen il conseruera sa reputation, ensemble les bonnes & naturelles parties du cheual.





# LECONS POVR LES AIRS ET MANEGES RELEVEZ.

## CHAPITRE LXIII



OMMUNEMENT l'on oyt dire parmy ceux, qui viennent veoir nos escoles, c'est grand dommage de dresser ce cheual par haut, qui pourroit bien servir à d'autres choses plus necessaires: mais bien souuent tel, qui tient ce langage, se trompe fort: car l'erreur est presque aussi grande de vouloir faire servir à la guerre le cheual, qui est nay pour les sauts, comme de faire sauter celuy, qui n'est propre que pour le manège bas. Qu'il soit ainsi, c'est vn grand desplaisir au cheualier armé de toutes pieces, qui est sur vn cheual nerveux & naturellement sauteur, duquel il ne peut tirer quatre passades où voltes de guerre, qu'il n'aye plustost souffert l'incommodité d'un nombre de sauts sur lesquins, qui seront quelquefois suffisans de le mettre hors d'aleine & de combatre. Il est vray qu'un bon homme de cheual luy pourra faire perdre avec le temps la gaillardise de ces sauts à force d'exercices, & de chastimens selon l'art. Mais pourtant, il n'ostera pas à ce cheual l'inclination, ny le desir de sauter, ny ne l'empeschera qu'il ne face souuent quelque tour de force mestier, à certains premiers mouuemens, mesmement quand il sera de sejour. Quel contentement peut non plus aduenir au Cauallerice, qui pour contraindre de sauter, ou agrouper le cheual, qui n'est propre que pour le manège du combat, ou de demy-air, l'aura recherché par tant d'efforts, & de moyens violents & variables, que premier qu'il l'aye reduit en estat de faire six bons sauts bien à temps, trois iours de rang, il l'aura desia foulé, ou souuent rebuté. Et qui pis est, si apres tant de soing & d'artifice mal employé, il est seulement huit iours sans exercer tel cheual, ou s'il le veut faire manier en quelque lieu qui luy soit inaccoustumé ou incogneu, il sera ordinairement à recommencer ses premieres leçons. Ce sont les effets, & les succez de la peine, que l'on employe mal à propos. Le dis de vouloir trop forcer le naturel du cheual. Car l'exercice ne le gaste iamais, quand il est propre à son humeur & complexion, & a ses forces, s'il n'est excessiuelement effectué: au contraire cela l'embellit, & le conserue, sain & allegre. Qu'il soit vray, l'on void communément aux grandes escuyries des Princes, de vieux cheuaux, qui ont autresfois manié gaillardement, enuiron douze ou quinze ans, lesquels donnent encores du plaisir à la carriere, & qui ont les iambes belles & saines. L'on peut iuger par là, que les airs releuez ne sont dommageables qu'au cheuaux, qu'on y employe forcément outre leur capacité: & que pour les y contraindre, & maintenir, on leur fait ordinairement tant de maux, qu'il est impossible qu'ils puissent durer long temps. En cela le Cauallerice peut perdre sa bonne reputation,

en gastant plusieurs cheuaux, desquels peut estre l'on pourroit retirer beaucoup de seruice; si l'on en vsoit selon, & à ce que nature les a destinez. Il faut auoir esgard que tous ne peuuent pas estre nez, pour le plaisir de la carrière, & que mesmes l'on fait tort au cheual, qui n'est propre que pour la charruë, ou pour le bast, de le faire seruir à la selle. Je ne doute pas, qu'il ne s'en trouue, qui ont tant de bones & naturelles parties ensemble, qu'on peut avec l'art les faire également bien reüssir aux sauts, & au maneges bas: mais ils sont fort rares. Je sçay aussi qu'il semble, qu'il y aye en ce réps presque plus de Caualerices que de bons cheuaux, & que pour môstrer leur sçauoir, ils sont quelquefois contraints de pratiquer par necessité, vn fracas de toutes sortes d'airs & de maneges, avec le peu de cheuaux qu'ils ont, bons ou mauuais, & aux despens de qui il appartient. Mais ie remets ces coups d'essay à ceux, qui ne sont encore bien cognus, ou experimentez. Car pour moy, il me semble que le Cheualier qui a reputation d'estre bon Caualerice, & qui en a fait assez de preuues, peut paroistre pour le moins autant sur vn cheual facile, bien dressé, & bien adiußté au manege de guerre, qu'il sçauoit faire sur celuy, qui maniera de quelque air releué, duquel neantmoins l'action en soit desplaisante, assauoir forcee, & faite comme par despit. Et par comparaison des exercices de l'homme curieux: ya-il peine plus mal employée, que celle qu'il met à vouloir danser gaillardement & par haut, quand son inclinatio n'y est aucunement propre: ne vaudroit il pas mieux, qu'il se contentast de bien faire de beaux cinq pas, & des passages bas, pourueu que ce fust d'un temps net, delicatement proportionné, & avec grace, que de faire rite ceux, qui le voyent travailler grossierement & contre son naturel en vne chose, qui ne doit estre estimee, qu'en tant qu'elle est faite gayement, & avec facilité: tout ainsi en est-il des cheuaux: car en fin ce que le Caualerice leur peut apprendre, outre le manege de guerre n'est que pour vne delectation particuliere, & pour faire mieux paroistre le cheualier, en faisant l'amour, ou comment que ce soit, passant honnestement le temps, en exerçant à cheual ses forces & dexterité. Or ce qui trompe d'ordinaire en cecy plusieurs Caualerices, est que d'aussi tost qu'ils voyent faire deux ou trois sauts volontairement, à quelque cheual allegre & seiourné, soit en s'esgayant, ou pour y estre aucunement conuié, ou pour se desfaire malicieusement de la charge, ils se promettent à l'instât de le faire bien reüssir, à quelque air releué & gaillard sans considerer, si outre l'inclination qu'ils luy pensent auoir descouuerte, les forces & autres qualitez necessaires à soustenir les ayrs plus penibles, accompagneront leur dessein. De façon que lors qu'ils veulent apres rechercher & contraindre ce cheual à ce, qu'ils luy ont veu faire pour son plaisir, ils y trouuent le plus souuent si peu de fonds & de subltâce, ou tant de flegme, ou d'humeur colere aduste maligne, & du tout contraire à l'ordre des bonnes leçons, qu'ils sont contraints de reculer leur entreprinse, & de se cōtenter à leur honte & grâd regret, de beaucoup moins qu'ils ne se sont persuadez. Toutes fois, si le Caualerice a beaucoup de sçauoir & de pratique, & qu'il face vne resolution obstinee de haulser le cheual, & luy donner quelque air obserué, ie ne dy pas qu'il ne le puisse faire pour vn temps, bien qu'il n'y soit nullement propre: car lors que ie trouaillois à Rome, souz les preceptes de deffunt le Sieur Renaldo, fort digne personnage en ceste profession, l'on à veu à son escole vn mulet, qui manioit de longue aleine & librement terre à terre, & qui faisoit des voltes redoublees à caprioles iustes & bien fournies. Et vne vache qui souffroit les esperons & la bride, & qui parloit de la main de toute sa force, s'arrestoit & tournoit également de chaque costé au trot & au galop. L'on doit à plus forte raison tirer quelque obeïssance, & quelque air bon ou mauuais, d'un cheual, quoy qu'il y soit mal né, pourueu que la taille en soit assez bonne, mesmement quand le bon Caualerice se resout, de n'y espargner l'art, la peine, la patience, ny le cheual: mais en fin ce fera tousiours quelque chose

goffe, de beaucoup de peine, & de peu de plaisir. Il en est passé par mes mains, de plusieurs sortes de naturels, de disposition, & de force, depuis que ie manie le caueillon, lesquels m'ont donné quelque intelligéce de ce qui se peut faire par l'art. C'est pourquoy ie ne conseilleray iamais à vn honneste homme, qui ayme ceste profession, & qui soit bon Cavalierice, d'entreprendre tant 'contre le naturel du cheual, qu'il aye ordinairement plus de fatigue, & de desplaisir à contester & à le combattre, que le peu d'obeyssance, & de legeresse qu'il en pourra tirer, ne luy donera de cōtētemēt. Mais ie veux que tousiours la capacité & l'inclination naturelle du cheual, soit l'object & le subiect principal du Cavalierice, dont en toutes ses leçons il ne se departe mal à propos, pour chose que le cheual face, mesmement aux airs gaillards, ausquels est requis beaucoup de patience, & d'industrie pour le maintenir en disposition & en courage. D'autant que tels airs sont plus violents & moins naturels, que les autres exercices & par ce moyen le Cavalierice pourra iouir du fruit de son sçauoir, & de son labeur, avec honneur & contentement.

COMBIEN D'AIRES RELEVEZ ET DIFFERENTS ON  
*a pratiquez iusques à present, & ausquelz ils sont reduits.*

CHAPITRE LXIIII.



N mes ieunes ans, l'on exerçoit encores sept sortes d'airs releuez, assauoir pesades, sauts du moutō, le galop gaillard, qu'à present on n'ōme vn pas, & vn saut: saults de ferme à ferme, qu'on a depuis nommez caprioles: balorades, que nous appellons groupades, & courbettes, qui est le plus moderne, & qui n'a encores changé de nom. Depuis ils ont esté reduits à trois assauoir capriolles, groupades & courbettes, qui sont à la verité les plus propres & gentils. Toutesfois il me semble que ce luy d'vn pas, & vn saut, (qu'on a presque delaisé du tout,) outre qu'il est le premier & plus naturel, est aussi celui qui fait mieux paroistre le cheualier à l'entree de quelque tournoy, ou mascarade faicte à cheual: car cest air apporte plus de furie, de gail lardise, & ie ne sçay quoy de plus apparent & Martial, que ne font tous les autres. Et peut estre que tous ceux, qui se messent de faire bien aller toutes sortes de cheuaux de manege, n'entendent pas bien les proportions de ce galop gaillard, combié qu'il leur semble estre assez facile. Et parce que ie l'ay particulierement aymé, & qu'il m'a donné quelque reputation en mes premieres escoles, ie me mettrois volontiers en deuoir d'en renouueller l'vsage, si la santé me le permettoit, & que i'en eusse les moyens. Or le moins, violent & plus commun de ces quatre airs derniers, est celuy des courbettes aussi en veux ie escrire leurs regles les premieres.

REGLES DE L'AIR DES COURBETTES ET GROUPEDES.

CHAPITRE LXV.



Pour mettre le cheual à l'air des courbettes, il doit estre premiere ment ferme de teste, aysé & déterminé au trot & au galop, aux voltes larges & estroittes, & à toutes mains, obeissant à l'arrest, aduert y & asséuré aux actions & communs mouuemens de la main, & de la iambe du cheualier. Estant ainsi fondé, il se pourra trouuer aucunes fois de si bon appuy, de si gentille nature, & si leger, que facilement on le pourra



on le pourra mettre à l'air des courbettes, ou des groupades sur le trot, sans l'arrester, ou sur le petit galop, le retenant par vn doux appuy, & l'esueillant gayement du son de la langue, luy aydant aussi de la pointe de la gaulle sur l'espaule, pour luy faire releuer peu à peu, & sans violence, les temps de ce galop, ce pendant qu'on les r'acourfira, & soustiendra à loisir : par le moyen de certains arrests longs aysez, & attendus propres à la legeresse du cheual. Et en ceste reigle les basses aîlées, & mediocres apportent beaucoup de commodité à la fermeté des hanches, & par consequent à la legeresse releuee des espauls.

QUAND le cheual commencera par ceste reigle, à former quelque air selon sa force & disposition, on le pourra mettre sur les premieres leçons des demy-voltes, par le droit. Assauoir à chascun bout d'vne passade bien droite, luy faire faire, vne demy-volte. Et pour mieux expliquer ceste reigle, ie diray qu'il faut mettre le cheual au trot par le droit enuiron trente pas ou plus, ou moins, selon l'impatience & difficulté, ou la franchise qu'il monstrea à prendre la iuste battue d'un trot, esgal, ferme & resolu: auquel il le faut resoudre necessairement, auant que cesser d'aller par le droit, quand bien l'on deueroit allonger la passade de cinquante pas, ou d'auantage. Mais s'il le met franchement au bon trot, la mesure d'enuiron trente pas, sera propre à tous cheuaux.

QUAND le cheual trottera rondement par le droit, il le faudra pater à demy, ou pour mieux entendre ceste leçon, le retenir peu à peu, luy aydant doucement à se mettre sur l'air de sa legere disposition, iusques à ce qu'il aye fait sur la droite ligne de la passade, pour le moins trois courbettes, les mieux proportionnées & plus esgales, qu'elles se pourront faire, selon le bon commencement, & la pratique que le cheual aura en sa premiere & bonne escole: car de rechercher la perfection de quelque air, en ces leçons si nouuelles, il en naistroit souuent plusieurs desordres.

APRES il le faudra encores auancer par le droit, enuiron trois pas du mesme trot, assauoir s'il se retient de soy, ou au pas, s'il se laisse trop soutenir, & de l'un ou de l'autre, prendre la demi-volte vn peu estroite, s'il se veut trop eslargir, & assez large, s'il s'accule ou se serre: & si c'est à main droite, en fermant la demi-volte, le Caualerice tournera le poing de la bride en dedans, & vn peu en hault sans l'esbranler aucunement: & en mesme temps ferrera la jambe contraire contre le cheual pres l'espaule, luy aidant & le contraignant par le soupçon, ou mediocre chastiment de l'esperon, de se remettre, allant de biais & presque de costé, sur la droite ligne de la passade, (ayant la teste tournée droit au lieu d'où il sera parti,) pour luy faire refaire autant de battues de son air, comme il en aura fait auant que prendre la demi-volte. Apres auoir bien finy ces battues le Caualerice le fera partir (par le droit,) de ceste place, pour en aller faire autant à l'autre main, & sur tout il le faut si bien porter de deuant, qu'il ne se puisse acculer, & qu'il ne haste trop les battues droites.

PARCE qu'il est necessaire en cecy que le Caualerice sçache la distinction de ces <sup>Ladifferen-</sup> termes, haulser, soutenir & porter, ie diray en passant que haulser, est seulement le- <sup>ce de haul-</sup> uer & mettre le cheual sur son air releue; soutenir est empecher qu'il ne redonne <sup>ser, souste-</sup> trop tost des mains en terre, sans qu'il recule ny s'auance: porter est proprement haul- <sup>nir, & por-</sup> ser, soutenir & auancer ensemble, cependant qu'il est en l'air.

PEUT estre que le cheual sera si leger & de si facile nature, que en le releuant, (au parer du petit galop) sur les courbettes, & ayant desia recogneu & pratiqué le

temps & les mouuemens d'icelles, on le pourra mettre legerement, sur la demy-volte, sans interrompre l'air, & la luy faire peu à peu fournir. Mais pour le plus assésuré, le Cavalierice doit auoir la patience de laisser pratiquer au cheual la leçon precedente iusques à ce qu'il y soit assésuré: car sans doute en continuant durant quelques calcadés de prendre le temps de l'air, ayant serré la demy-volte de pas, & apres en la serrant cela luy fera naistre le desir de se rendre sur la droite ligne de la passade, ou il aura accoustumé de faire ses dernieres battuës, & sera cause qu'en peu de temps, il se mettra de soy à son ayr, en arriuant de trot ou de pas, au demy circuit de la demy-volte, (& quelquefois plustost,) pour la fermer & finir: de sorte, que formant desia par ceste habitude, volontairement la fin, & la moitié de la demy-volte par son ayr releué: il ne faudra plus sinon qu'en faisant les battuës precedentes du parer, le Cavalierice commence, à le tourner, cependant qu'il fera celle qui auparauant aura esté la dernière par le droit, & d'icelle faire maintenant la première action, & soudain toute la demy-volte releuee. Mais en faisant ceste leçon, le Cavalierice doit estre curieux de porter le cheual en auant, ou pour le moins empêcher qu'il ne s'accule, ny ne se haste, & sur tout de le faire tousiours regarder dessus la piste de la demy-volte: mesmes en la commençant: & par ce moyen il apprendra facilement à la fournir, sans interrompre l'egalité de son air. Et combien que du commencement ceste première action de volte releuee, (le surprenant sur ces battuës par le droit) luy face faire quelque petit desordre, il ne le faudra pour cela chastier rigoureusement, de peur de l'estonner, ou rebuter. Car sans doute en continuant avec patience cest ordre, il comprendra en peu de leçons l'entiere proportion de l'air, & de la demy-volte ensemble. Et pour le faire consentir plustost, & plus facilement à ceste leçon, il se faudra seruir de la commodité d'un terroir, qui panché vn peu du costé que le cheual prendra la demy-volte. Et faut noter, que tant plus il sera enclin à porter la croupe hors du circuit de la demy-volte, tant plus pour y remedier, le faudra-il soustenir de la main, la tenant auancee, sans la porter au dedans de la piste, le serrant aussi de la iambe contraire, en finissant la demy-volte, & mesmes luy tenant la panthe du terroir plus gaillarde du costé qu'il tournera. Et à mesure qu'il s'adiustera, il le faudra aussi soulager peu à peu de ceste panthe de terroir.

APRES que le cheual sçaurabien, & nettement faire ceste demy-volte, autant à l'une main comme à l'autre, si le Cavalierice luy recognoist assez de force, pour fournir son air d'auantage sur les voltes, il changera de terroir, & augmentera la leçon, en quelque endroit plain & vny, assauior qu'au lieu de faire les iusdites battuës par le droit ou de ferme à ferme sur la droite ligne de la passade, & d'arrester le cheual apres auoir serré la demy-volte, il passera outre sur le rond, soudain que la battue, qui ferrera la demy-volte sera faicte, le mettant au trot, ou au grand pas, pour d'iceluy continuer de tourner, croissant & arrondissant le reste de la volte entiere, iusques à ce qu'il sera arriué, (& qu'il aura les pieds de deuant) sur le lieu, qui souloit commencer la demy-volte precedente, au quel lieu sans l'arrester ny perdre temps, le Cavalierice l'aduertira & luy aydera pour le faire refaire, sur la iuste rondeur du terroir, encores vne demy-volte de son air, comme deuant: & à la fin d'icelle luy fera battre par le droit, ou de ferme à ferme, (selon que l'appuy de la bouche sera foible ou pesant,) pour le moins trois battuës de son air, & s'il est possible, sans interrompre la plus nette & iuste mesure.

OR tout ainsi que cōme j'ay dit en la leçon precedente, l'accoustumance des battuës, qui doiuent serrer la demy-volte, occasionne & attire le cheual à se mettre sur sō air, auant qu'il arriue sur la fin d'icelle, il aduiendra aussi que l'habitude de la reprin-

se de ces battues, en trotant ou allant le pas, pour arrondir ceste volte, & en arriuant sur le lieu, qu'il aura auparauant accoustumé de la prendre & commencer, le fera remettre de soy sur son air releué le plus souuent, plustost qu'auoir fait ceste demy-rondeur de trot ou de pas, qui se commence à la fin des battues de la demy-volte premiere, pour esslargir & faire l'entier circuit de la volte: de sorte qu'ayant ainsi disposé le cheual, on luy pourra faire continuer son air, en tournant sans le mettre au trot ny au pas, & sans l'interrompre, finissant d'ordinaire, & serrant la volte sur la droite ligne de la passade, bien planté pour aller à l'autre bout. Et par la pratique de ceste leçon, il fournira en peu de temps l'air de la volte entiere: & du mesme ordre l'on pourra croistre les leçons, d'une volte ou de deux, & puis de trois, si le cheual ne manque de force & de legeresse: tellement qu'il ne restera plus qu'à luy apprendre à changer de main. Et si en faisant ces leçons le cheual se serre trop, ou se fait entier, ce sera à faute de l'auoir accoustumé à regarder deuant soy, & sur la piste de sa volte; ie rendray ceste regle intelligible au second liure.

## PREMIERE REGLE POVR LE CHANGEMENT

*de main des voltes redoublees.*

## CHAPITRE LXVI.



**Q**UAND le cheual doublera iustement les voltes à chascue main, soustenant également l'air de son manege, sans manquer de vigueur, ny d'aleine, le Caualerice luy accourcira peu à peu la passade & distance des voltes, continuant l'ordre susdit, iusques à ce que les ayant presque iointes ensemble, il n'aye plus qu'un pas à s'auancer, pour reprendre les voltes, & que conuertissant en fin ce pas en vne battue par le droit, il puisse changer de main, sans interrompre la mesure de son air, pour redoubler le manege de ferme à ferme, suyuant tousiours vne seule piste & iuste rondeur.

Si en suyuant l'ordre de ces leçons le Caualerice sent, que la force & disposition du cheual, soit incapable de soustenir vigoureusement l'air releué des voltes redoublees, de ferme à ferme, soit à courbettes, ou à groupades, ie suis d'aduis qu'il se contente de ce qu'il en pourra tirer, sans le trop contraindre: car, comme i'ay desia dit cy deuant, il n'y a rien qui descouure tant l'indiscretion, ou l'ignorance du Caualerice mal fondé, que de luy veoir rechercher & contraindre, obstinément le cheual à ce, qu'il ne peut fournir: ny qui contente moins le cheualier bien entendu en cest art, que de veoir un manege contraint, sans vigueur & engendré à force d'aides & de chastimens rigoureux. C'est pourquoy il vaudra beaucoup mieux s'arrestier aux voltes separees simples ou doubles; ou aux demy-voltes & passades ordinaires, pourueu qu'elles soyent iustes, nettes & esgales d'air & de toutes proportions.



## PERFECTION DES PASSADES ORDINAIRES

*de releuees.*

## CHAPITRE LVII.



I donques le cheual est iuste, & asséuré sur la demy-volte, le Caualerice le pourra mettre au petit galop sur les passades, & du petit au mediocre, & puis au grand, croissant & fortifiant ainsi peu à peu l'action du galop, à mesure que le cheual s'asséurera, & qu'il pratiquera ensemble la velocity du partir bien accompagné, l'obeissance & fermeté du parer, & la iustesse & facilité de la demy-volte, également à chaque main. Car de le vouloir autrement, ou plustost pousser furieusement, à toute bride, si ce n'estoit qu'il fust fingard, ou qu'il se retint trop, il sembleroit que le Caualerice ne sceust pas les communs desordres, qui procedent du parer desluy & abandonné, duquel entre autres choses, despend la fauceté de la volte, & par consequent l'incommodité du repartir comme l'expliqueray mieux en lieu plus à propos. Cependant ie diray, que le Caualerice doit obseruer en ces passades trois choses principales. La premiere que le cheual parte viuement, estant droit dessus la ligne de la passade. La seconde, il soustiendra & retiendra discrettement la violence de la passade, auant qu'arriuer au bout d'icelle, afin de mettre le cheual en estat de bien proportionner son air releué, & par consequent de commencer nettement la demy-volte à la troisieme battue, (assauoir la troisieme, si elle est iustement & nettement faite.) Et fera ferrer la demy-volte, sur la droite ligne de la passade, sans acculer, ny trop estreffir le cheual. La troisieme, il ne laissera, ny fera repartir le cheual, qu'il n'aye encores fait deux battues entieres, fermes & droittes sur la passade, & en la mesme place, qu'il aura ferré la demy-volte. L'on souloit anciennement nommer ces passades de l'air, de tout temps: mais d'autant que la plus grand part des vieux termes de cest art, ne sont plus en vŕage, ie les passeray sous silence.

Le Caualerice peut recognoistre par l'ordre de ces leçons, qu'elles doiuent estre propres aux cheuaux qui sont naturellement bons à la main, & qui ont plus de legeresse que de force. Car le premier fondement des airs susdits faicts au galop sur l'arrest estendu, & neantmoins soustenu, se fait afin que ce galop serue comme de courŕse, pour resoudre le cheual à l'appuy de la bride, si d'auanture il a la bouche foible & molle, & pour luy ayder à releuer & racourcir, peu à peu les temps du parer, iusques à ce qu'ils soient conuertis en courbettes, ou groupades, selon la disposition du cheual, comme i'ay desia dit. Et ceste distance, qui se doit obseruer entre les voltes de l'une & de l'autre main, sert pour luy soulager & maintenir le courage & l'alcine, iusques à ce qu'il soit asséuré à l'air, & à la iustesse de son manege. Car tous les cheuaux ne peuuent pas bien respondre aux leçons estroittes, & mesme-ment à celles de ferme à ferme, combien qu'ils ayent quelque legere disposition.



## REGLES DE L'AIR D'VN PAS ET VN SAVLT, ET DES CAPRIOLLES.

### CHAPITRE LXVIII.

**I**L O V T ainsi que les cheuaux d'allegre nature, & legers à la main, se mettent avec peu d'aide & de contrainte à l'air des courbettes, & des groupades seulement sur le trot, ou en soustenant & s'accourcissant legerement les temps du galop, aussi peut-on faire naistre de ce mesme stile, l'air d'un pas & un saut, & celui des capriolles, pourueu que avec la bonne inclination, le cheual soit assez nerueux, & naturellement leger. Or pour bien fonder ces deux airs, il faudra premierement que le Cavalier reduise le cheual, à quelque facilité sur l'air des pesades, courbettes ou groupades legeres, lentes, & assez hautes, de deuant, car ainsi faut-il qu'elles soyent faites pour donner au cheual plus de fermeté, d'appuy, d'air, de course, & de loisir, pour prendre mieux & plus gayement le temps du bon saut. Et parce que le saut & sa grace, se doit commencer en haussant assez le deuant, il faut aussi de necessité pratiquer plustost la facilité de ceste premiere action.

Q V A N D le cheual aura quelque commencement d'air releué, peut estre qu'en partant legerement de trot par le droit, pour prendre son air, ou en raccourcissant & relevant les temps du galop, presentera-il aucunes fois de soy la legeresse du derriere, pour accompagner la hauteur du deuant, & formera entierement le saut oyant la voix gaye du Cavalier, & le siflet de la gaulle. Et si pour cela il ne se presente à la vraye action du saut, le Cavalier luy recherchera la legeresse de la croupe, avec la pointe de la gaulle, en le fouettant d'icelle diligemment sur le mollet des fesses cependant qu'il haussera le deuant. Et si la croupe respond à ceste aide de voix & de gaulle, il faudra en ces commencemens faire suyure le saut, à l'instant qu'il fera fair bon ou mauuais, par quelque nombre de battues de l'air precedent, ( assauoir hautes, & lentes) sans perdre temps car en recommençant, & faisant souuent ceste reigle en diuers lieux, il apprendra peu à peu la iuste proportion, des sauts ensemble la facilité de leur temps, & de la suite d'iceux.

A P R E S que le cheual aura comprins, & pratiqué la disposition & le temps de ce premier saut, il luy faudra augmenter sa leçon à tous les coups, seulement d'un saut faisant ainsi entrer les deux & apres le dernier, quelque nombre de battues des airs mediocres & susdits, ou des temps du galop raccourcy, s'il se retiét trop, choisissant & prenant celui, qui donnera plus de loisir & de commodité à l'homme, & au cheual de faciliter le saut. Car en ces premieres leçons, l'on ne doit obseruer le nombre des teps & battues, qui separent les sauts, ny de ceux qui se font apres le dernier saut, pour finir l'air, que selon que le cheual s'allegerist, se presente & s'assure.

Q V A N D le cheual sera sans confusion. & nettement quelque nombre de sauts, ainsi meslez parmy son premier air de pesades ou courbettes assez lentes & atten-

dues, il sera aisé au bon Caualerice de iuger, & eslire l'exercice, qui conuiédra mieux au naturel du cheual, assauoir du temps d'un pas, & un saut, ou des capriolles : & sur tout s'il recognoist que le cheual manque de force, ou qu'il soit ramingue, & se retienne aucunement ou beaucoup, celui d'un pas & un saut, luy sera plus propre parce que le temps qui separera les sauts, & qui se doit entendre par le pas, l'aduançera, & luy seruira comme de course pour faire le saut suyuant, plus gaillard & plus net. On n'aura donc plus à faire apres, qu'à retrancher peu à peu les pesades ou autres temps que le cheual aura faits auparauant, separant les sauts, iusques à un, que maintenant il fera seulement entre les deux sauts, qui est proprement ce temps, qu'on nomme le pas auant le saut. Et si le cheual a quelque fougue, ou qu'il s'abandonne trop sur l'appuy de la main, l'air des capriolles se rapportera mieux à c'est appuy & à son humeur : parce que pour ioindre & ranger les sauts, sans interualle de temps, il sera plus contrainct de se ramener, & de tenir ensemble sa disposition, sa force & son attention : Et pour rendre cest air de capriolles en sa perfection, le Caualerice reduira peu à peu, tous les temps de l'air de ces dernieres leçons, en sauts ioints, suyuis & pareils de toutes proportions, faisant esparer le cheual également à tous les tēps, hormis les deux ou trois derniers, qui se doiuent tousiours faire avec le deuant seulement en l'air, & par consequent soustenus sur les hanches, pour bien finir cest exercice.

Q V A N D le cheual du naturel, que ie viens presentement de parler, aura quelque pratique & bon commencement au temps des capriolles, si le Caualerice le veut mettre sur les voltes du mesme air, il obseruera iustement l'ordre, & les reigles des voltes precedentes & dernieres, tenant neantmoins d'ordinaire, (& mesme au commencement,) le circuit & la rondeur d'icelles, un peu plus spatieuse : à cause que l'action du saut, est beaucoup plus malaysee & plus grande, que celle des courbettes, ou des grougades. Et afin que le cheual prenne le temps des capriolles sur les voltes, avec plus de facilité & d'assurance, il luy faudra faire encores commencer, les prinſes & reprinſes de l'air de ces leçons, par quelque pesade, ou groupade assez auancee, qui luy seruira de commodité (& s'il est besoin d'aide & de course) pour mieux proportionner l'air & la volte, & doit aussi faire toutes les fins sur les hanches & sur tout sans s'acculer.

I E VEUX en cecy aduiser le Caualerice, que les prinſes & reprinſes de l'air de toutes ces leçons, tant par le doiſt que sur les voltes, se doiuent faire par fois differentes, selon les deportemens du cheual, & les diuerses mutations qu'il fera. Assauoir au pas, quand il s'estend ou s'appuie trop sur la bride, ou le caueſſon : au trot, quand il se maintient en un bon & temperé appuy, & au galop, s'il se retient trop, ou s'il à la bouche foible.

O R quoy que i'aye dit cy deuant, que l'un des principaux fondemens de tous les airs gaillards, & mesmement de celui des sauts, se doit ordinairement faire sur l'appuy de la bouche temperé, & à pleine main, ie veux aduertir le cheualier sur ce propos, du naturel des cheuaux fort legers à la main, (pour lesquels i'ay commencé de discourir ces leçons) que l'action que le cheual doit faire en haussant la croupe, pour bien accompagner le deuant, & pour esparer & parfaire le saut, & mesme la descente du saut le peut souuent resoudre à l'appuy de la bride, si naturellement il a la bouche molle & foible.



## DES CHEVAUX QVI SE PRESENTENT

*naturellement à quelque ayr gaillard.*

## CHAPITRE LXIX.

**L** faut encores considerer en l'ordre de ces leçons, que les chevaux qui se mettent gayement, & presque d'eux mesmes aux airs releuez, qui sont plus propres à leur disposition, sont aussi ceux, qui se rebu- tent avec moins d'occasion, estans trop recherchez & contrainsts: à cause de quoy on leur doit pardonner beaucoup de fautes, en les adiustant. La raison est, que communément ils sont tant sensibles & d'un naturel si gentil, que les aydes & chastimens faits avec plus de iustesse & de violence, les estonnent; & l'exercice long & trop continué, leur raut aussi ceste allegresse, qui les fait naturellement presenter aux airs gaillards: tellement que ne leur pouuant bien faire comprendre & accoustumer les effects des leçons, & moyens de l'art, rudes & ordinaires, il faut par necessité remettre la plus iuste proportion de leurs airs & maneges, à vne douce & assez longue habitude d'escole, & leur conser- uer curieusement la vigueur & le courage, les exerçant plus delicatement & avec beaucoup plus de patience, & de respect, que ceux, qui estans au contraire d'un naturel plus robuste & retenu, se peuent ou se doiuent contraindre à force d'exerci- ce, d'aydes & de chastimens.


QV'ELQV'VN pensera peut-estre par ces raisons, que les chevaux, qui ont la dispo- sition & la force naturellement liee & retenue, & qui ont esté dressez par grand con- trainte & à force d'artifice, doiuent estre ceux qui donnent plus de plaisir, & qui moins se desbauchent, ie ne l'entends pas ainsi: il est vray qu'ils endureront & cōprendront avec plus de patience, toutes sortes d'aydes & de chastimens. Mais leur disposition & gaillardise ne paroistra, ny ne reüssira que tant qu'ils seront tenus continuele- ment en aleine, & en escole: & qui pis est, ayant eu quelque relasche d'obeyssance & de iustesse, & mesmes ayant du tout discontinué quelques iours leur exercice plus obserué, ce sera apres à recommencer le plus souuent iusques aux premieres leçons: & faudra tousiours mettre beaucoup plus de temps & de peine à les alegerir & adiufter, que ceux qui sont naturellement allegres & legers.



AVTRES REGLES PLVS  
AMPLES POVR LES COVR-  
BETTES ET GROVPADES  
AVEC AVCVNS PRECEPTES PARTICV-

LIERS POVR BIEN IVGER LE CHEVAL  
qui pourra mieus reüssir à tels airs.

CHAPITRE LXX.



**D**OVR vn cheual, qui reüssira facilement aux airs des courbettes & des groupades par les leçons cy deuant expliquees, il y en aura cent de differente nature, qui au commencement refuserôt tout à fait les fúsdites reigles: mais pour cela il ne faudra laisser de les rechercher par les bós moyens de l'art. Car aucunes fois on void tel cheual, qui s'est extremement defendu à la bonne escole, qui neantmoins s'est à la fin rédu, bien maniant & fort ayse. Quand dóc le cheual sera ferme de teste & de bouche, assuré au manege de trot & de galop large & estroit, & à l'obeyssance des còmons & bòis chastimés, le Cavalierice le menera (s'il est leger à la main) en diuers lieux pleins & vnís, là où en allât le pas par le droit, il taschera à le haulser de deuant, sans l'arrester, le sostenât de la main, & luy aydant avec le gras des iambes, la pointe de la gaulle, & le son & aduertissement de la langue. Et s'il est naturellement colere, terraignol, ou trop sésible, & que au lieu de se haulser, il trepigne, s'accule, s'auillisse, ou se defende, alors, il luy faudra souvent changer de place, au trot, & quelque fois au galop, selon qu'il se retiendra, car c'est vn moyen de le diuertir d'aucuns desseins malicieux. Et si pour tout cela, il ne se presente pour se leuer gayemét, ou par obeyssance, il n'y aura point de danger à l'extremité, de le contraindre avec la bride, la gaulle ou les esperons, iusques à ce qu'il aye haulsé le deuant mal ou bien, l'empeschant sur tout de s'arrester, & de reculer, afin de luy oster beaucoup d'occasions de se defendre. Soudain qu'il aura fait vne pesade bonne ou mauuaise, le Cavalierice luy rendra la main, & le caressera en cheminant le petit pas par le droit, & luy fera donner quelque friandise par vn homme à pied, qui se tiendra expressement deuant ce cheual.

AVANT encores cheminé quelque peu de temps, & còme l'apprehension de ceste legé extraordinaire, & au còmémét incogneu & fort còtrainte luy passera, le Cavalierice recommencera à l'aduerter, & rechercher doucement de haulser le deuant, & s'il est besoin le contraindra de nouueau, pour en tirer encores vne autre pesade, comment qu'elle soit faite, sans s'amuser beaucoup à la iustesse, si d'auenture il ne vouloit tenir le corps droit, ou s'il faisoit quelque autre desordre des bras ou de la te-

ste: car en ces commençemens, la diuersité des chastimens le confondroient d'auantage. Continuant ceste reigle avec iugement & patience, il faudra venir peu à peu, & lentement d'une pesade à deux & de deux à trois, haultes, aduancées, neanmoins legeres, augmentant le nombre & les carresses, à mesure que le cheual s'assurera, & qu'il consentira au temps, & aux mouuemens de la main, & de la iambe. De sorte que venant apres à ferrer, halster & raccourcir peu à peu, & par pratique le temps des pesades, elles se conuertissent en courbettes.

La difference des courbettes aux pesades est, que les pesades se font lentement, fort haultes de deuant, & peu accompagnées de derriere: & les courbettes doiuent estre plus basses de deuant, plus auancées, plus prestement battues, & accompagnées, avec la croupe ferme: les iattres accroupis & tendus: & les deux pieds de derriere sans leurs actions ensemble & pareilles, en auançant & prenant terre à chaque temps & battue, par vn mouuement raccolt, si iuste & limité, quel'un ne haulte, ny aduance non plus que l'autre.

REVENANT à l'ordre de ceste leçon: si le cheual est chargé de deuant, il le faudra arrester premier que le haulser, au contraire de celuy qui sera leger: & s'il a trop d'appuy, il sera bon de le faire aucunes fois reculer deux ou trois pas, auant les battues: afin de luy accommoder & assurer les pieds de derriere. Et pour le contraindre de se mieux soustenir sur les iattres, & de leuer le deuant plus facilement, sans qu'il s'appuye trop à la main, il se faudra seruir de la calate, & continuer ces mesmes reigles, à sçauoir, quand il sçaura librement faire trois ou quatre pesades: car par la pratique d'icelles il receura moins de desplaisir à la calate.

Les courbettes bien appropriées au cheual, qui en sera capable, ne sont pas seulement belles, & plaisantes au cheualier, mais elles sont quasi necessaires pour assurer la teste du cheual: d'autant qu'elles sont, ou doiuent estre fondees, & adiestrees sur le vray appuy de la bouche. Elles sont aussi propres pour luy allegier le deuant, parce qu'elles ne se peuuent faire, que le cheual ne ramene ses forces sur les hanches, & par consequent, luy peuuent soulager les iambes de deuant, & les espaulles, mesmement à l'arrest. Aussi tenés nous l'action des pesades, vn remede principal pour les cheuaux qui sont bas de deuant, & qui de nature parent pesamment sur les espaulles.

MAIS si le cheual n'a nulle inclination aux courbettes, & que pour les luy faire pratiquer, il soit besoin de le contraindre ordinairement, à force de leçons aspres & fatigables, à la verité elles pourront à la fin estre cause de sa ruyne, & beaucoup plus les chastimens, & les longues esquiaines, qu'il receura souuent, que ne feront les courbettes, groupades, ou sauts.

Si le cheual a les pieds mauuais & douloureux, les courbettes luy seront contraires, & d'ordinaire reüssiront mal, quelque legeresse & autres bonnes parties qu'il puisse auoir: parce que la descente & cadence des airs releuez, luy mettront souuent la teste en desordre, ou le contraindront à quelque autre vice, ou imperfection, quoy que le Cavalier puisse faire, à cause de la doulueur qu'il receura en donnant des pieds de deuant en terre, mesmement sur vn paué, ou en autre lieu trop dur. Communément on void que le cheual monstre la certitude de la doulueur des pieds par l'action de la teste en cheminant.

Et s'il est singard de nature, l'action des courbettes, sera souuent son recours

Difference  
de courbette  
aux pesades.

A quoy sôt  
necessaires  
les courbettes.

Les leçons  
qui contrain-  
nent le  
cheual à  
quelque air  
contre son  
naturelle  
peuuent  
fouler.

Les airs releuez  
font les plus contraires  
aux pieds faibles.



Les cour-  
bettes ac-  
compaignent  
le vice du  
cheual ra-  
mingue.

quand il refusera la volonté & l'aduertissement du cheualier: & notamment l'on ne scauroit eslire exercice plus conforme au vice du cheual retif & ramingue, que celui des courbettes: car elles se font en le tenâr subiect, & par vn ordre limité: & au contraire pour le diuertir de ces impressions viles, ou aduertes, & malicieuses, qui luy font retenir ses forces & son courage: la pluspart de ces leçons doiuent estre determinees, variees, & communément incogneues, ou inopinées.

Les che-  
uaux trop  
fougoux  
sont mal  
propres  
pour la iu-  
stesse des  
maneges  
teleuez.

Courbettes  
bien rabat-  
tues.

Le cheual qui est extrememēt fougoux, sēfible & determiné, est plus propre pour la capaigne, que pour les courbettes, ny les sauts: à cause que les inquietudes extrêmes le priuent communément de memoire & d'obeyssance: de sorte que le plus souuēt au lieu de battre vne mesure iuste & nette, il ne fera que trepigner, pl<sup>9</sup> par despit & de colere, que pour consentir à l'action, & mouuement du cheualier: qui est vn vice tres-desplaisant & difficile à corriger, mesmemēt quand l'habitude en est faite: par ce que les chastimens & leçons ordinaires des courbettes, augmentent la colere qui tient le cheual en impatience: & neantmoins sans estre chastie, il ne peut bonnement perdre l'inquietude, qu'il ne soit tousiours subiect d'y retomber aussi tost que le cheualier le recherchera de quelque iustesse extraordinaire. Mais les remedes & chastimens necessaires à tels cheuaux, ne se laissent pas pratiquer à tous ceux, qui se meslent de les vouloir dresser: & peut estre que telles pensera bien comprendre en lisant les leçons suyantes, que long temps apres il sera bien empesché de les effectuer si proprement & patiemment qu'il est necessaire. Aussi faut-il croire qu'il n'y a chose en nostre art, en quoy l'on puisse mieux cognoistre, l'experience & bonne pratique du cheualier, qu'aux remedes qui empeschent l'inquietude du cheual colere, mesmemēt quand il trepigne. Il y a toutesfois aucuns peu scauans, qui tiennent ces courbettes trepignees, & malicieuses pour fort bonnes, & disent que c'est vn air prest & rabatu. Mais tant s'en faut, il est plustost confus & precipité: d'autant que la vraye prestesse des beaux airs nettement rabatus ne consiste pas à la diligence que le cheual peut faire en redonnant des pieds de deuant en terre, soudain apres les auoir haulsez: car si cela estoit, il n'auroit pas le temps suffisant pour se haulser assez de deuant, ny pour bien plier le bras, qui sont deux des plus belles actions faictes ensemble, en tous les airs releuez. Mais le vray & plus beau son du iuste rebat se fait, quand les pieds de derriere accompaignent bien & legerement, & qu'ils respondent promptement à ceux de deuant, les rehaulfant soudain qu'ils donnent en terre.

Difference  
d'inquietude.

Il y a plusieurs sortes d'impatience & d'inquietude, qui saisissent souuent le cheual, & deux qui sur toutes sont plus contraires à la franchise necessaire des bonnes reigles de cest exercice: assauoir celle qui procede proprement d'humeur colere, violente & d'vn courage superbe, & celle qui ne prouient que de crainte & de timidité. Toutes les deux peuuent bien fort interrompre la memoire du cheual, & par consequent empeschier les bons desseins du Caualerice: car de l'vne vient que le cheual entre souuent en desesper, ou se defend en plusieurs sortes contre les vrayes remedes, aydes & chastimens de l'escole, ne les pouuant endurer, ny comprendre: l'autre fait aussi que pour les mesmes occasions, le cheual se confond, s'effraye & s'auillit: tellement, que ie ne scaurois bonnement dire, laquelle de ces deux imperfections doit estre plus blasmable, ny à laquelle il est plus mal-aysé de remedier. Toutesfois l'on verra par le discours de ces leçons, ce qui se doit obseruer selon l'art, pour euitier plusieurs desordres, qui peuuent naistre de ces inquietudes,

ENCORES veux-iefur ce propos notāmēt aduertir le Caualerice que cōmunément il tirera meilleur party du cheual colere, sanguin & superbe, qui aura le courage & la

force d'effectuer ses folles & violentes fantaisies, s'il n'est trop despourueu de me- Advertisse- ment des effets dif- feren des cheuaux co- leres & de terminez & de ceux qui sont ramin- gues & pol- trons.  
 moire, que de celuy) qui sera naturellement melancolique, malicieux & poltron. Car en l'un on peut user de la patience & des remedes de l'art, propres à le diuertir, peu à peu des resfolus efforts, par lesquels il s'oppose à l'obeyssance: mais en l'autre: on ne peut pas si bien iuger les mauuais desseins: d'autant qu'il retient ordinairement la pluspart de ses actions, & n'obeyt que par cautelle. Tellement qu'il aduient sou- uent, ou que les chastimens de l'escole trop continuez, luy accablent facilement la vigueur & le rebutent, ou que la douceur & le respect luy rend son double, & vilain courage plus obstiné, & plus entreprenant contre le caualerice.

Ce n'est pas sans cause, si ie veux que les premieres leçons des courbettes, se fassent L'air volon- tairement & trop tost rabatu, si- gnifie quel- que accidēt d'imperfe- çion.  
 lentement & fort hautes de deuant: car ceste espace de temps que le cheual met, pre- mier que redonner des pieds de deuant en terre, luy donne moyen d'asseurer les hâ- ches, & la teste, de bien plier les bras, le diuertit des apprehensions & les inquie- tudes, & par consequent l'empesche de trepigner. Par ceste mesme action la queue faulse & trop mauuaise, se peut aussi asseurer avec le temps: & qu'il soit vray l'o void fort peu de cheuaux, qui en maniant soient bien appuyez, & tendus sur les hanches & les iarrers, (sans neantmoins estre acculez,) & qui battent également & nettemēt la mesure d'un bon air releué, qu'ils n'ayent aussi la croupe, la queue, & la teste fer- mes: & au contraire presque tous ceux, qui manient bas de deuant, & haut de der- riere, portent d'ordinaire les bras droitz, & ont la teste, la croupe, & la queue mal as- seurees. Et si au commencement le cheual se mer de foy à rabatre diligemment les ba- rières de ces premieres leçons, c'est vn tesmoignage de sa colere & impatience, & vn indice de trois aduenemens. Assauoir que sa force ne fournira pas longuement au ma- nege de cest air fortuitemēt rabatu, que bien tost il trepignera, ou qu'il se fera en- tier. Mais si le cheual se leue librement & assez haut de deuant, sans se halster, ny se tenir trop tendu & roide, il sera apres fort aysé au Caualerice de luy estre sūr, & resou- dre sa mesure, pour rendre l'air des belles courbettes en sa perfection, selon les forces & legeresse du cheual.

## REGLES POVR LES VOLTES DE L'AIR

*des courbettes ou groupades.*

### CHAPITRE LXXI.

**L**A plus grand part des Caualerices, tiennent d'un commun accord, que le cheual doit estre libre & adiuſté aux courbettes par le droit, premier qu'on le mette sur les voltes du mesme air: & moy mesme ay autrefois esté en ceste opinion: mais j'ay depuis trouué, qu'il se peut faire mieux: car le cheual ayant desia fait ceste habitude seulement par le droit, quand apres on le voudra rechercher sur les voltes, la peine & le desplaisir nouveau, qu'il receura en faisant les premieres actions du tourner, sans rompre son air releué, luy donnera occasion d'hayr la volte, & de se desrober, ou faire quelque autre desordre, pour ne se haulser qu'à la commodité, sās bouger d'une place ou s'auangant par le droit. Ceste reigle est souuent cause que plu- sieurs cheuaux refusent de tourner, & se font entiers: il vaudra donc beaucoup mieux commencer de luy faire pratiquer le temps & les proportions de la volte, d'ausſi tost qu'il ſçaura faire cinq ou six pesades, comme il s'enſuit.

A PRES que le cheual aura la teste asseuree, qu'il sera libre & determiné à toutes mains au trot & au galop, & qu'il ſçaura seulement faire cinq ou six pesades, ou cour- bettes par le droit, le Caualerice le pourmenera sur la volte assez large, & de la plus

parfaicte rondeur, qu'il sera possible, cheminant d'un pas, qui ne soit abandonné ny trop aduerty & luy faisant porter la teste vn peu dedans ceste rondeur, afin qu'il s'accoustume de regarder ordinairement dessus la volte, sans toutesfois que les pieds de derriere, s'esgarent tant soit peu de la piste de ceux de deuant.

Luy ayant ainsi montré à chasque main, par ce passage le premier espace de la volte, le Caualerice luy fera faire de trois, ou de quatre en quatre pas, vne pesade paisiblement & legerement sans l'arrester, & sans partir les quatre pieds de sa ronde & iuste piste: & comme il aura fait ainsi enuiron deux voltes à vne main, il luy en fera faire à l'instant, & d'une aleine, encores autant de trot, & puis l'arretera sans le haulser, le caressant cependant qu'il se reposera & reprendra son aleine. Apres il changera de place pour faire tout de mesmes à l'autre main, car ce changemēt de terroir luy maintiendra aucunement le courage plus franc, & fera par consequent que la leçon luy desplaira moins, que si elle se fournissoit entierement en vn lieu.

Quand le cheual entendra ceste leçon, il faudra ioinde deux pesades ensemble & soudain cheminer comme deuant: & gardant cest ordre, sans rien precipiter, on pourra croistre le nombre des pesades, & diminuer celuy des pas, selon que le cheual se rendra facile. Et par ce moyen, il fournira en peu de temps vne volte entiere de l'air des pesades, & peu à peu viendra à vne & demie, & puis à deux, & en fin à tant que sa force pourra fournir. Sur tout il faudra tousiours faire les commencemens de ces premieres leçons au pas, & les fins au trot: tant afin que le cheual s'accoustume à prendre plus gayement son air dessus la volte, que pour l'empeschier de deuenir entier, ou de premediter le lieu auquel il voudroit finir de foy, l'air & la volte ensemble sans attendre la iuste action du cheualier. Et pour faire qu'il s'accoustume à tourner encor plus librement & longuement, il ne faudra iamais fermer, n'y finir s'il est possible, les voltes de ses premieres leçons, deux fois de rang, en vn mesme endroit: car ceste coustume luy donneroit autant d'occasion de s'arrester à tous les coups, qu'il se trouueroit sur le lieu, ou il auroit accoustumé de faire la derniere battue de la volte. Et quant la colere & l'inquietude saisira le cheual en ces leçons, tant par le droit que sur les voltes, il sera bon de faire quelquefois cheminer à reculons vn homme à pied, deux ou trois pas deuant le cheual, & iustement sur sa piste, lequel aye quelque friandise en sa main, pour l'asseurer & le caresser souuent. Et à toutes les fins de ces leçons, premier que le Caualerice mettē pied à terre, il fera faire quelque nombre de pesades, par le droit au cheual afin de le maintenir plus leger & en courage, mais il faut que ce soit apres qu'il sera party de la place, où il aura fait la derniere volte de la leçon: car pour rendre le cheual plus libre au manege, l'air des leçons des voltes se doit communément finir en tournant, & sur le pas ou le trot & nō de ferme à ferme, ny par le droit comme plusieurs Caualerices obseruent indifferement, ie dis des leçons de l'escole. Car pour faire manier le cheual bien dressé, en parade ou deuant quelque personne de respect, il le faut haulser quelque nōbre de battues de ferme à ferme, ou par le droit, en finissant toutes les proportions de son manege releué.

APRES que le cheual aura compris, & qu'il sera librement ces voltes larges & lētes, le Caualerice estressira peu à peu (sans rien precipiter) la rondeur & l'espace du terroir, ensemble la mesure des pesades, iusques à ce que l'air & la volte soient également en leur iuste & entiere proportion, empeschant par les chastimēs, ou le soupçon des esperons, & de la gaulle & du caueillon, qu'il ne mette la croupe dehors, ny trop dedans la volte, & qu'il ne face aucune mauuaise action de la teste. Et pource  
faire, le




faire, le Caualerice sera tousiours attentif, & curieux de le soustenir temperement, & de tenir ses iambes fermes, aduerties & près du cheual: afin de ne perdre point le temps en la mesure de l'air, ny en la proportion du terroir.

Si en ceste occasion le cheual porte la croupe trop dedans la volte, & s'accule, ie veux bien que le Caualerice vse du chastiment ordinaire avec la corde du caueillon, l'esperó & le nerf, du costé qu'il se ferrera, pour luy tirer la teste sur la main qu'il tournera & luy remettre les hanches en leur rondeur limitée: mais s'il porte la croupe en dehors, ie n'approuue pas que pour le redresser, le Caualerice s'attache beaucoup à la corde de dehors, la tenár ordinairement tendue, ny qu'il tienne l'esperó long téps ferme & planté, contre le ventre du cheual, comme plusieurs font: car cela luy plieroit & falsifieroit bien tost le col, & luy feroit porter la teste, & le courage du costé de ce chastiment: qui est vne action fort faulce & desplaisante: d'autát que par reigle generale & infaillible, il faut que le cheual tienne tousiours l'œil & le cœur sur le terroir, & le lieu qu'il doit marcher en toutes sortes de maneges, où il n'y durera pas long temps sans se rebuter, ou tomber en quelque autre vice.

QuAND d'ócques le cheual portera la croupe dehors la volte, en faisant ces leçons, le Caualerice le chastiera premierement avec le nerf, dessus le mitan du vêtre ou sur la cuisse pres du iarrer à sçauoir du costé qu'ils s'ellargira: & en mesme téps, l'anacera deux ou trois pas sans tourner portát le poing de la bride plus en dehors que dedans la volte: & soudain qu'il sentira que son cheual sera redressé, il cōtinuera de tourner en quelque part qu'il le trouue droit, & assez souple: & si nonobstant ce remede, le cheual continué de s'ellargir du derriere, il faudra ioindre à ce chastimét quelque bon coup d'esperó du mesme costé, & quelque fois chäger en mesme téps le coup du nerf, à vn coup de caueillon, cōtraire à la volte, laschát bien tost apres la corde en le menaçát, & touchát, s'il est besoin, du bout du nerf, ou de la gaulle, sur le nez du mesme costé, pour luy faire regarder sa piste, & afin aussi qu'il s'apperçoieue que l'escaueffade d'ónce en ce temps, n'est pas pour luy attirer la teste, (quoy que ce soit son effect plus naturel,) mais seulement pour chastier, & remettre la croupe en sa yraye place limitée. Sur tout, il faut que ces chastimens, & tous en general, soient discrettemét effectuez: assauoir avec violence, ou mediocrité, seló que le cheual fera la faute grande ou petite: car autrement ce seroit pluस्तost desordres que remedes.

Amesure que le cheual pratiquera l'air & la volte, le Caualerice le disposera au changemét de main, de ferme à ferme, approchát peu à peu, la piste de main droit: de celle de main gauche, iusques à ce que les deux soient iointes ensemble.

Pour faire ces leçons, avec beaucoup plus de comodité & moins de chastimens, il se faut seruir de ceste escolle anciéne & limitée, qui est cauee enuirió deux pieds dás terre, à laquelle il y a vne passade large, d'enuirió deux pieds & demy, droite & longue de quinze ou vingt pas: & à chasque bout de ceste passade deux rōds, qui ont chascun trois pas de diametre, lesquels rōds sont separez par la passade, & y a au mitán de chacú diceux, cōme d'un noyau de la grosseur d'une barrique ou pippe, effeué de deux pieds & demy ou enuirió. De façon que la piste de la volte se limite entre l'extremité & hauteur, qui la circuyt, & ce noyau au moyé de quoy on peut contraindre le cheual à tenir en sa légó les quatre pieds dans vne mesme rondeur, & de regarder droit sur sa piste: d'autant que ceste extremité & circonferance rehaulsee l'empesche de s'ellargir, & le noyau de se ferrer, comme l'on peut comprendre par ceste figure.



**F**AISANT aucune fois ces reigles dedans ceste escolle cauee, le cheual profitera beaucoup, pourueu que le Caualerice entende l'art, & qu'il aye bien disposé la posture de la teste, & l'appuy de la bouche du cheual, qui ne soit timide, ny singard: & quand bien il le feroit, la mesme escolle luy seruira à quelques leçons: principalement pour l'empescher de s'acculer. Et s'il tire à la main en faisant ces leçons, on le peut aussi faire reculer dedans ceste escolle limitee, autant en tournant comme par le droit: qui sera vn tres bon remede pour la legeresse, s'il est effectué bien à temps, & avec bon ordre. Et en quelque part que ces leçons se fassent, le Caualerice doit considerer que le tourner assez, sans changer de main, est propre à la facilité de la volte: & que le trop, peut facilement estourdir & rebuter le cheual, mesmement s'il a le cerueau foible.

CESTE escolle cauee, est aussi propre pour tenir la veuë du cheual occupee avec son courage & sa memoire, à la leçon qu'on luy donne, & sans ceste attention, il ne se peut bien resoudre, ny faciliter à pas vn bon manege.

Pour affiner & adiufter l'air & les voltes, apres que le cheual sera alegery de deuant, & qu'il tournera lentement & facilement à toutes mains, le Caualerice proportionnera sans confusion l'espace & la rondeur de la volte, selon la taille, la disposition & la force du cheual. Premièrement au pas racourcy, & releué: & pour ce faire, il le soustiendra de la main, selon qu'il luy sentira l'appuy de la bouche leger ou pesant & le tiendra d'ordinaire aduert, par la corde du caueffon contraire à la volte, ensemble du bout du nerf, ou de la gaulle sur le flanc, & s'il est besoin, sur la cuisse du mesme costé, sans pour cela luy incommoder la teste, le col, ny la queue, n'y l'empescher de regarder sur la rondeur de sa piste: il le pressera aussi avec le gras des iambes, pour le tenir subject, & plus de celle du costé hors la volte, que de l'autre: luy faisant quelque fois sentir l'esperon, afin qu'il s'auance tousiours, & que les pieds de derriere ne s'escartent, & ne debordent la piste de ceux de deuant.

AYANT ainsi adiufté le passage de la volte, le Caualerice aduertira le cheual, & sur la mesme piste le resoudra à son air releué: & gardant curieusement ceste rondeur & iustesse, il continuera l'air & la quantité des voltes, selon qu'il sentira l'estat du courage, & de la force du cheual.

COMBIEN que la proportion de la volte soit iuste, pour cela elle ne satisfera pas vn bon homme de cheual, si elle n'est accompagnée de la perfection de son air, tel que ie l'ay desia expliqué, & que i'en ay fait la difference des courbettes aux pesades. Or pour faire que le cheual rabatte son manege nettement, & d'une mesure egale, le Caualerice tiendra les renes en bon appuy, le bras & la main de la bride fermes, les jambes auancées & bien jointes contre les sangles, & d'icelles battra la mesure à tous les coups, & à mesmes temps que les pieds de deuant donneront en terre, en serrant le cheual, non seulement du dedans des gras des jambes, mais s'il se peut ordinairement vn peu avec les estrieux enuiron les bouts des espaulles, principalement du costé hors la volte. Ceste battue faut que se face sans ouuir les jambes & sans faire certains mouuemens en auant, & en arriere trop mal seans. Mais en serrant le cheual près des espaulles, comme i'ay desia dit, & d'un temps semblable à celui, qui se fait en iouant à la paulme, quand on prend l'esteu entre le bon & la volee: Aussi le Caualerice portera le cheual en auant, de façon qu'il ne puisse auoir moyen de s'acculer, ny de redonner trop tost des pieds de deuant en terre, afin qu'il ne s'accoustume à trepigner.



IL faut icy noter, que la reigle de tenir ordinairement les pieds assez auancez, & pres du cheual, est fort importante, non seulement pour embellir l'affiette du cheualier de mediocre stature, mais aussi pour les iustesses des airs & des maneges. Car sans doute quand le mouuement de la iâbe vient de loin, soit pour ayder ou pour chastier, il met le cheual en trop grâde incertitude, & par consequent luy interrompt la bonne habitude de l'ordre de ces leçons. Mais le talon estant cômuni-  
mēt tenu en lieu voisin de la partie, plus propre aux aydes & chastimēs de l'esperō, le cheual en peut estre aduerty, aydē & chastié aux occasions, en moins de tēps : & partāt il en sera maintenu en plus iuste obeissance. Dequoy on tire vne preuue, que les hommes petits, & de mediocre stature, sont beaucoup plus propres pour les iustesses des maneges, & pour la diligece de tous les airs, que ceux qui sōt fort grāds.

REGLES POVR LE CHANGEMENT DE  
*main des voltes redoublees.*

CHAPITRE LXXII.



POVR adiuſter le cheual au changer de toutes mains, ſur la proportion des voltes, redoublees de ferme à ferme, tant au paſſege, que ſur ſon air releué, le Caualerice le fera auancer, & ſortir par vn petit pas ou deux, ou ( ſ'il eſt ſur ſon air ) par autant de batuiēs, hors du circuit de la volte. Et au meſme temps luy pouſſera, & ſerrera la croupe, avec le gras de la iâbe, ou l'eſperon, autant dedans la rondeur du tour, comme il l'auancera par le droit. Et ſoudain que par ce moyen, il aura le corps dreſſé cōme dans la ligne du mitan, & diametre du rond, il changera de main allant reprendre la meſme piſte de la volte deſia proportionnee, pour continuer & redoubler les voltes en vne place, ſans rompre ny precipiter le temps, ny la iuſteſſe, iuſques à la fin du manege, laquelle ſe peut faire au choiſ en auant par le droit, ou de ferme à ferme, pourueu que le cheual ne ſ'accule, & qu'elle ſoit autant nerueuſe, & de meſme air, que tout le corps du manege.

IE ne veux pas blaſmer le ſtyle de ceux, qui changent de main en partant la volte par le mitan, ſans ſortir du circuit d'icelle : car ceſte action chaſtie le cheual qui a le col dur, ou les eſpaules peſantes, en tournant, meſmement quād elle eſt accompagnée d'vn temps, iuſtemēt pris avec l'eſperon dedans & quelquefois d'vne ſecoüſſe de caueſſon, ou de rene dedans la volte, ou des deux coſtez enſemble, ou de quelque coup de nerf ſur l'eſpaule hors la volte, & aucunefois ſ'il eſt beſoin, ſur le bout du nez du meſme coſté de dehors ſur tout donné diligemment & à propos empeschant que le cheual ne ſe retienne & ne ſ'accule.

IE tiens auſſi pour bon le changer de main, qui ſe faiſt aux voltes, en ſortant les eſpaules du circuit du rond, ſans trop auancer le cheual, ains luy tenāt les hanches ſubieſtes ſur la piſte de la volte meſmement ſ'il a la croupe trop legere & mal aſſeuree. Car ceſte ſurprinſe peut ayder, à luy tenir les pieds de derriere vnīs & fermes, iuſques à ce que ceux de deuant ſoient remis deſſus la piſte, & rondeur de la volte changée : mais ſ'il eſt libre & iuſte à toutes mains, & qu'il entende bien l'aduertiffement de l'eſperon & de la jambe, le premier changement, que ie viens d'expliquer, eſt le plus parfait : parce qu'il tient le corps du cheual droit, & luy fait moins abandonner le circuit de la volte. Comment que le changement de main

## Des Preceptes.

157

se face le Caualerice doit obseruer trois choses: Assauoir, que le cheual face la premiere action (soit au passage ou estant sur quelque air releué) avec le courage & la teste: c'est à dire, en regardant sur la piste, sans retenir le libre mouuement des espaulles, ny plier le col: La seconde, qu'il ne s'escarte tant du circuit de la volte laissant la main qu'il changera qu'il ne se puisse remettre au plus, en trois temps sur la piste desia arrondie: La troisieme, qu'il ne s'acculle, n'y ne change nullement la cadence de son air: & que tout ainsi qu'il faut que les voltes soient pareilles de toutes proportions, qu'il face aussi tout de mesmes les reprinses semblables.

QUAND le cheual sera libre, & bien asséuré à ces regles, le Caualerice luy pourra lors varier quelquefois le manege, soit en changeant de main à chascque volte, ou de demy en demy-volte, ou par le droit, en façon de passades fort courtes, ou en serpegeant, selon qu'il sentira le pouuoir & l'obeissance du cheual, & quoy que i'aye dit, cy deuant, qu'il ne le doie iamais arrester deux fois de rang, en vn endroit, estant à l'escole: neantmoins s'il est en quelque lieu pour paroistre, soit deuant vn grand, ou en presence des dames ou autres personnes de respect, ie veux qu'il face les commencemens, & les fins de tous ces maneges, droit à droit, ou à costé de ceux qu'il voudra plus honorer: de façon qu'ils ayent moyen de bien voir la grace, & la face du cheualier, & du cheual ensemble, & s'il est possible, du costé dextre.

TOUT ainsi que la perfection de l'air des courbettes, tant sur les voltes que par le droit, vient premierement de la facilité des pesades, celuy des groupades despéd aussi des mesmes reigles, hors mis que le circuit de la volte se doit tenir vn peu plus large, afin de contraindre moins l'agillité & legeresse du cheual, & l'action des espaulles vn peu moins haulte: afin aussi qu'il aye la croupe plus libre, & que par ce moyen elle puisse mieux, & plus legerement accompagner l'air & le manege ensemble: Car les groupades sont differentes des courbettes, entant qu'elles sont plus releuees de derriere, & par consequent batuës d'une mesure plus alegre & plus attendüe. C'est pourquoy le Caualerice doit aucunesfois faire sentir au cheual le bout de la gaulle, enuiron les fesses, pour luy tenir la croupe aduertie, le soustenir vn peu moins de deuant: & doit faire aussi le temps de ses jambes, vn peu moins halté & auancé, que celuy des courbettes tenant, d'ordinaire les pieds assez pres du cheual. Toutefois pour quelque ayde, qui se face du gras de la jambe, ny del'esperon, ie ne veux que le talon recule qu'environ quatre doigts plus arriere, que la derniere sangle, si ce n'est aucunesfois pour chastier & pouller le cheual, qui se retient, ou qui s'accule: car c'est le vray endroit où l'esperon doit faire l'ayde de tous les airs gaillards, & plus beaux: come i'expliqueray mieux en lieu plus expres: & quand le Caualerice voudra adiufter, & affiner les voltes & l'air des groupades, il obseruera en tout le reste, les susdites reigles & proportions, & au lieu du nerf, il se seruira d'une gaulle ferme & siffiante, par le moyen de laquelle sans doute le cheual se leuera beaucoup plus gayement, que s'il n'auoit seulement accoustumé, le nerf. Mais il aduient souuent, que ceux qui sont estroitement & nettement rabatre l'air des courbettes, ne peuent ou ne scauent pas bien prendre le temps des groupades.

OR il faut que les cheuaux que i'entends, qu'on mette à l'air de ces groupades, ayent la bouche reduite en ferme & leger appuy, & qu'ils ayent la disposition naturellement alegre & nerueuse: car si le Caualerice luy pensoit engendrer à force d'exercice, & à coups d'esperons & de nerf, ou de gaulle, vne nouuelle force, & quelque gaillardise suffisante pour soustenir & maintenir long temps le manege

des groupades, il se trouueroit à la fin trompé: car c'est l'air mediocre, & celuy qui sur tous les autres doit estre delicatement effeâtué, & fondé sur vne legere & vigoureuse disposition, iointe à vn bon naturel: les Italiens ont ainsi nommé cest air, Agropato, c'est à dire, Noué, & par consequent nerueux, vny & viuement accompagné.

L'APPROVE l'escole de ceux, qui pour mettre le cheual sur les voltes des airs fufdits, veulent reigler les premieres & ordinaires leçons par le droit, en recherchant à chasque bout de passade, vne demy-volte à tous les coups, commencee & finie d'vn mesme ordre, en ses lieux communs & limitez, sur la droite ligne qui separe les demy-voltes: & apres auoir pratiqué & facilité ceste demy-volte, l'accroist d'vne autre, pour rendre la volte entiere, augmentant par ce moyen le manège de demye en demye-volte, iusques à la perfection qu'il se peut reduire, selon la capacité du cheual, comme i'ay dit, cy deuant: L'ordre en est tres-beau, & fait bien paroistre la grace du cheualier: & d'auantage ce style est presque necessaire pour reigler l'escolier, qui est desia exercé & disposé à comprendre les premieres proportions de la iustesse des voltes, d'autant que telles reigles sont en tout limitees. Mais pour tirer en moins de temps le subril de la force & de la legere disposition du cheual, & pour le rendre obeyssant, si par les moyens de l'art, il le doit estre, sans doute les dernieres leçons, que ie viens d'expliquer, auront beaucoup plus d'effect, si le Caualerice s'en sçait bien preualoir. La raison en est assez facile. Car l'on void par experience, que le cheual ayant remarqué l'endroit, où il doit finir les demy-voltes, ou les voltes entieres, apres il tasche communément de desrober quelque temps, ou quelque espace de terroir, pour se rendre plustost au lieu, où il espere faire la fin de ce qu'on le recherche: Et qui pis est, si le Caualerice le veut faire tourner d'auantage, ce cheual se met souuent en deuoir de s'arrester, en ce lieu reconnu. Et au contraire ne sçachant quand n'y où, il doit commencer, ou finir les proportions de ses leçons, il ne s'amuse qu'à obeyr, & par consequent il employe beaucoup mieux & plus longuement sa disposition & sa force. Il est vray, que si en ces leçons le Caualerice est indiscret & infatiable, le cheual se pourra facilement estonner & rebuter. C'est pourquoy ie remets l'usage de ces reigles seulement à ceux, qui s'en sçauront ayder par bonne pratique & saine iugement.





REGLES POVR L'AIR DES CAPRIOLLES PAR LE DROICT ET  
SVR LES VOLTES.

CHAPITRE LXXIII.

**S**l'air des groupades se donne au cheual, qui en soit capable il le pourra avec le temps, & l'ayde de la gaule & de la voix, peu à peu conuertir en caprioles, sans vser d'autres remedes contrains, & violents. Ie ne veux pas dire, que pour venir à l'air des caprioles, il soit necessaire de passer par ceux des courbettes, & des groupades: car il y a des cheuaux, qui naturellement ont la gaillardise de l'esquine beaucoup plus legere, que nerueuse, & ceux-là reüssissent quelques fois aux sauts, qui neantmoins ont fort peu de vigueur aux airs, où il faut plus estroittement vnir, & mesnager la disposition & la force. Mais il est certain que si le cheual peut renforcer, & releuer peu à peu les airs mediocres, iusques à celuy des sauts, il se foulera beaucoup moins, donnera plus de plaisir, & se tiendra plus aisément, & plus longuement en escole, que celuy qui aura esté mis sur les sauts, aux premieres leçons releuees. Or les reigles precedentes, montrent assez ce me semble, les moyens par lesquels on peut hausser le cheual, selon & à mesure qu'il augmente & assure sa disposition, & qu'il comprend les reigles de l'escole, par l'action du bon Caualerice: mais puis qu'il faut contenter plusieurs personnes curieuses, & de differentes opinions, i'escriray encores quelques leçons plus briefues, pour l'air des caprioles.

I'ay desia dit, que les reigles des pesades, & des courbettes releuees, sont propres pour assurer, & aliger le col & la teste du cheual, chargé du deuant, d'autant que leur principale action se fait sur les hâches, & par l'appuy téperé de la bouche: mais les caprioles n'apportent pas ceste commodité. Au contraire elles donnent communément trop d'appuy, ou esgaré la teste au cheual, qui a les espaulles, les iambes, ou les pieds foibles: parce qu'au contraire des courbettes, la fin & la descente de la plus forte action du saut, (laquelle se fait en esparant) est soudain soustenue sur le deuant du cheual. Il faut donc necessairement qu'il ayt la teste bien assuree, qu'il soit bien alegery de la bouche & des espaulles, pour le moins aux pesades, & qu'il aye bon appuy de main & s'il est possible, qu'il soit exempt de singardise, d'inquietude & de crainte superflue, auant que le mettre à l'air des caprioles. Car l'exercice des sauts apporte de soy beaucoup d'occasions, qui peuuent disposer le cheual tant soit-il paisible & bien composé, à se rédre en peu de temps, impatient & à faire beaucoup de mutatiôs licentieuses, si le Caualerice n'est sage. Apres doncques que le cheual sera en ce bon estat, le Caualerice le menera en vn chemin plain & vny, là où en cheminant au pas par le droit, il le tiendra vn peu subiect de la main, sans toutefois l'arrester tout à fait: & pendât le fouettera tout doucement avec la pointe de la gaule sur la croupe, & sur le moller des fesses, iusques à ce qu'il aura haussé le derriere. L'ayant apres caressé & fait encores cheminer quelque espace de temps, il recommencera à le fouetter tout de mesmes, pour luy faire rehausser la croupe, sans

luy donner occasion de leuer le deuant, ny l'empescher non plus, s'il s'y presente de foy: & le carassera en cheminant au pas, soudain & à tous les coups qu'il aura haulsé la crouppe. Il faudra continuer cecy quelques iours, & aucunes fois estant tourné au filet & aux poteaux en sa place de l'escurie ou attaché en lieu semblable: car par ce remede, il commencera à faire la legeresse du deuant & de la crouppe ensemble, & mesmes à esparer, sans y estre autrement forcé.

QVAND le cheual entendra bien cest aduertissement de gaule, le Caualerice le remenera à la campagne où il le mettra sur les pesades de mediocre hauteur par le droit: & comme il commencera de haulser la seconde ou troisieme, en ce mesme temps, il le fouëttera diligemment sur les fesses, pour le faire accompagner & tirer tout ensemble: & si le cheual respond, il le rehaussera de deuant en mesme tēps, qu'il donnera des pieds de derriere en terre, pour faire encores deux ou trois pesades sur les hâches: & apres le caressera sans bouger d'une place, assauoir s'il a l'appuy ferme: ou le fera reculer, si la bouche en est trop dure: ou l'auancera doucemēt par le droit, s'il est fort leger & bon à la main. Apres il faudra refaire la chose mesme, commençant de luy faire entendre peu à peu le temps, & l'ayde de la voix mediocre.

Et pour donner plus d'occasion au cheual, de bien prendre ce premier temps du saut apres qu'il l'aura recogneu, le Caualerice n'observera plus de nombre aux pesades, deuant n'y apres le saut: mais selon qu'il le sentira disposé, tandis qu'il sera sur les pesades, il luy aydera diligemment de derriere, faisant en ces commencemens le temps qu'il choisira pour le saut, moins haut de deuant, que les precedens: afin que le cheual aye la crouppe plus libre, & que par ce moyen il espere plus facilement. Et à mesure qu'il pratiquera la legeresse de la crouppe, le Caualerice le-haulsera peu à peu, & le soustiendra dauantage de deuant, iusques à la vraye proportion du saut.

QVAND le cheual fera bien ce premier saut, le Caualerice ne mettra plus fin aux pesades suyuanes, qu'il ne luy aye fait faire vn autre saut, sans le precipiter, & sans garder aucun nombre aux pesades: mais choisissant à loysir le temps d'icelles, qui donnera plus de commodité au cheual de haulser la crouppe, & d'esparer legerement. Car la cholere, l'apprehension ou l'inquietude, ne luy permettront pas, durant ces commencemens contrainsts, de garder d'ordinaire l'esgalité des bonnes pesades: partant ie dis, en ceste occasion, qu'on tasche de prendre le temps de la pesade qu'on rencontrera ou qu'on sentira plus propre à refoudre le saut, lequel doit estre tousiours suiui par les pesades, faisant la derniere à toutes les fins, plus haute que les autres pour auoir moyen de conseruer la legeresse du deuant, mesmes si le cheual est tāt soit peu pesant de son naturel: & principalemēt pour le garder de trepigner, s'il est colere & subiect aux inquietudes extremes. Mais s'il est fort leger, ou ramin-gue, il faudra aucunes fois finir les pesades par des temps, & mouuemens de galop auancé, sans neantmoins abandonner l'appuy de la bouche ny precipiter les forces du cheual. Par ceste reigle le nombre des sauts, se pourra croistre peu à peu parmi les pesades, selon que le cheual pratiquera le temps, & qu'il se fortifiera de legeresse, d'aleine & de memoire.


APRES que le cheual entendra l'aduertissement & l'ayde de ces leçons, le Caualerice commencera de retrancher peu à peu, le nombre des pesades, qui aurōt separé les sauts, iusques à ioindre deux sauts ensemble, pour puis apres venir de mesme ordre, (& avec le temps & la patience) de deux à trois, de trois à quatre: & en fin à

tât qu'il s'en pourra tirer de mesme air, & de pareille force, faisant tousiours les fins sur les hanches: car en telle occasion c'est vn remede principal, pour diuertir le cheual de plusieurs desordres, ausquels l'inquietude & la trop grande apprehension le peuent precipiter.

PLVSIEURS bons Caualerices se sont autrefois seruis, pour l'ayde des sauts, & L'ayde de se seruient encores, d'une longue perche, ferree d'une molette d'esperon, ou d'un es-  
guillon, par vn bout: avec laquelle estant à pied, ils suiuent le cheual, qui ne tient cõ-  
pte de l'ayde de la gaulle, qui se fait sur la croupe. Et pour le faire tirer, le piquent de  
cette perche dans les fesses, en mesme tẽps que celui, qui est dessus, luy hausse le de-  
uant pour commencer le saut. En cecy aucuns mauvais imitateurs, qui ont pensẽ  
que l'effect de cette perche, a legerist la croupe du cheual, se sont tellement trom-  
pez, que le plus souuent, au lieu d'aider à la disposition & legereffe pour faire le saut,  
l'õt rebute & fait deuenir vicieux, à faute de sçauoir que cẽ remede ne sert, que pour  
le contraindre de ruer, & que par consequent il ne se doit faire que lors, que le che-  
ual hausse assez la croupe, sans se vouloir resoudre à esparer: & encores doit-il auoir  
bon appuy de bouche. Car s'il se laissoit soutenir plus qu'à pleine main, ces poin-  
sonnades continuees dans les fesses, le pourroient avec le temps desesperer & met-  
tre en fuite. Je n'escri pas ce remede estã d'auis qu'on le pratique, si ce n'est à quel-  
que extremitẽ: & s'il aduient qu'on soit contraint d'en vser, il faut que celui qui tiẽ-  
dra la perche, aye beaucoup de pratique & de iugement, pour sçauoir bien prendre  
le temps, & choisir l'endroit, auquel il doit avec cette perche piquer le cheual: car si  
son coup estoit negligent, & que le cheual le rencõtrast d'un contre temps, en espa-  
rant, il se pourroit bien fort blesser, mesmement si la rencontre se faisoit en la par-  
tie, depuis le fondemẽt du dos, iusques aux genitoires: il pourroit aussi aduenir, que  
de ce coup la perche seroit repousee, de telle roideur contre celui, qui la tiendrait  
mal, qu'il en patiroit autant ou plus que le cheual, comme i'ay veu plusieurs fois ad-  
uenir. C'est pourquoy il doit estre diligent, pour faire son coup à temps, & à point  
prefix, plus sur le dehors de la cuisse, que en dedans. Et afin que le cheual ne s'accou-  
stume à esparer plus d'un costẽ que d'autre, il le faudra piquer vn temps, à vne fesse,  
& vne autre fois à l'autre, accompagnant ces poinçonnades de perche, de l'ayde de  
la voix. Assauoir que quand le cheual commencera de hausser le deuant, celui qui se-  
ra dessus, fera la voix du saut, & à l'instant qu'elle finira, celui qui tiẽdra la perche, le  
piquera si diligemment, que le coup soit donnẽ presque en mesme temps, quẽ les  
pieds de derriere, partiront de terre: & par ce moyen l'on euitera la rencontre du  
contre-temps de la perche, & le cheual apprendra à recognoistre l'aide de la voix, &  
à respondre à l'effect d'icelle.

QUAND le cheual respondra facilement à la voix, & à ce remede de perche, apres  
il luy faudra ayder seulement de la voix, & de la gaulle sur la croupe, & quelque fois  
des esperons ensemble, faisant tenir neantmoins l'homme de la perche, derriere le  
cheual, tout prest & en garde attentue pour le picquer, toutes les fois qu'il refusera  
de tirer: & si le cheual force la main du Caualerice pour fuir les susdits remedes, il se  
faudra lors seruir d'une encoigneure de muraille, semblable à celle que i'ay dit, à  
quelques leçons de l'arrest: car ceste contrainte empeschera ( avec l'ayde de l'hom-  
me, qui tiendra la perche ) quẽ le cheual puisse euitier & fuir les susdits moyens, &  
chastimens.





Il aduendra quelque-  
foiſ que l'homme, qui luy-  
ura ainſi le cheual le pi-  
quant ſouuent avec ceſte  
perche, luy fera ſi grand  
peur, que ne pouuant  
fuyr, n'y ſe mettre en de-  
ſenſe (à cauſe de la ſubie-  
ction de la muraille ou  
des poteaux) il en perdra  
le courage & la vigneür,  
ſ'il eſt fort ſlegmatique:  
ou deuiendra malicieux  
& parauanture retif, ſ'il  
eſt colere-aduſte & me-  
lancolique. En tel cas il  
faudra que le Cavalerice  
face tout ſeul, eſtant ſur  
le cheual, le meſme eſſect  
de la perche, ce qui ſe  
peut facilement par le  
moyen de ceſt inſtrumēt  
repreſenté.

**L**E propre de cest esperon, consiste en deux effects necessaires à la perfection du saut: Le premier il haulse le derriere du cheual, qui en est piqué à temps, bien iugé & bien prins sur la croupe, depuis l'endroit de la boucle de la croupiere, iusques enuiron la fourcheure du culeron, ce qui ne se peut faire que fort difficilement avec la perche. Le second, il peut souuent contraindre le cheual d'esparer, sans le chasser trop en auant: d'autant que le Caualerice a moyen de le piquer avec cest esperon, en tel endroict charoüilleux des fesses & des flancs, qu'il veut choisir, & la douïlle, qui se voit en cest esperon, sert pour y plâter, si l'on veut, le gros d'une bonne gaule, ferme & siflante: afin que le Caualerice ne se serue de la mollette de cest engin, que lors que le cheual ne voudra respondre aux aydes ordinaires de la gaule, des esperons & de la voix: & fin aussi que sans perdre temps il se puisse preualoir de ceste mollette, quand il sera besoing.

Les effects  
de l'esperon  
propre à pi-  
quer le che-  
ual sauteur  
sur la croup-  
pe ou aux  
flancs.

**P**eut estre que pour quelque temps, cest engin incommodera & esbranlera la queue du cheual: mais il faut cōsiderer en cecy, qu'il ne se peut bien remedier, à plusieurs choses à la fois, quand elles sont differentes, sans faire quelque desordre: mesmement quand il est question de contraindre nature: Toutefois quand le cheual cognoistra l'ayde ordinaire des sauts: & qu'il y respondra sans autre sorte d'artifice, la queue se pourra apres asseurer avec le temps & les bonnes leçons, comme i'expliqueray mieux ailleurs.

**L**E remede des deux cordes de pareille longueur, iointes chacune par vn bout à celles du caueillon, & par l'autre attachees & retenues dedés, & aux deux costez d'un ne allec assez estroite, ou à deux forts poteaux, de la façon que i'ay dit aux dernieres leçons de l'arrest des cheuaux pesans d'espaules, & durs de nez & de bouche, sert beaucoup, quād tels cheuaux ont quelque disposition solide, parmy ces imperfections, & qu'on les veut dresser & contraindre à l'air des capriolles: car par ces cordes le cheual de telle nature, est chastié & retenu, si pour ne se vouloir aider à la legeresse & obeysance des sauts, ou si pour fuyr aux susdits remedes, il veut eschapper au Caualerice. De sorte qu'apres s'estre donné de soy quelque bonne estrette par le moyen de ces cordes, indubitablement le soupçon d'un autre, & pareil chastiment le retiendra, & le fera haulser beaucoup plus legerement: mesmes quand il sera, ou pensera estre pres du lieu, iusques auquel la longueur des cordes sera limitee: & si il remarque si iustement ce lieu, que premier qu'il en soit pres, il ne se veuille alegerir, ny retenir, il le faudra faire suiure à deux forts hommes de pied, qui tireront les cordes vers eux, à mesure que le Caualerice voudra faire reculer le cheual, tant pour empêcher qu'elles ne s'embarassent parmy ses jambes, que pour les accourir egale-ment aux crampons ou agneaux, qui les retiendront contre les murailles de l'allée, ou aux poteaux, ou seulement en leurs mains: afin de tenir ce cheual en ceruelle, & en obeysance. Quand a l'ordre des leçons de la muraille, comme de celuy de ces cordes, l'homme qui aura bien pratiqué cest art, le comprendra assez, ce me semble, par les regles precedentes: Toutesfois, ie diray encores, que si le cheual à trop d'appuy, & qu'en haulsant le derriere, il face l'action du saut trop abandonnee sur le deuant, il faudra pour l'alegerir, que la plus grand part de ces leçons, se facent en reculant: assauoir que comme le cheual aura fait trois ou quatre temps en esparant, ou sans tirer, ou meslez selon la pratique qu'il aura de la mesure & proportiō des sauts, soudain le Caualerice le fera reculer, trois ou quatre pas premier que le caresser, ny le tenir ferme en vn lieu: & vn peu de tēps apres, le fera reculer encores vn pas ou deux, pour apres le rehausser sans partir d'une place, taschant de le faire esparer, prenant les sauts au temps des pesades plus commodes, & selon la disposition & la pratique

La subiectiō  
des cordes  
au caueillon  
arrestees &  
cōdamnees  
aux poteaux  
ou boucles  
peuvent ay-  
der à la lege-  
resse des  
sauts.

du cheual. Et pour faire ceste leçon plus profitable, il faudra aucunes fois recevoir, & soustenir par vn temps bien prins, la descête du dernier saut avec vne ferme secouffe, des deux cordes du caueſſo ensemble, & soudain tirer le cheual en arriere: car par ce moyen, il craindra avec le temps de s'abandonner sur l'appuy de la bouche, en re donnant des mains en terre.

Aduertisse-  
ment nota-  
ble pour les  
leçons qui se  
donnent face  
à face de  
la muraille,  
pour alléger  
l'appuy  
de la bouche  
& la disposi-  
tion du che-  
ual.

COMME le Cavalierice cognoistra que par le moyen de ceste leçon faite en reculant, le cheual tiendra ses forces assez vnies, & qu'il se rendra leger, il luy fera faire la mesme chose allant en auant & le caressera selon qu'il rendra d'obeyſſance: & toutes les fois, qu'il s'appuyera lourdement, ou qu'il se felicitera de se trop aduancer, en tirât à la main, soudain le Cavalierice le chastiera modestement avec le caueſſon, ou quelquefois avec la bride, le remettât à ceste reigle & leçon reculee. Et si le cheual continue en la difficulté de s'alégerir, il faudra faire ces leçons face à face d'une muraille, l'approchant d'icelle selon qu'il se foustiendra pesamment sur l'appuy de la main: car cela le contraindra à raccourcir les sauts, & à penser mieux à sa leçon: Toutefois ie ne veux pas qu'on l'accoustume tant à la contrainte de la muraille, qu'estât en autre part, ceste reigle ne luy serue plus, à la facilité & iuste proportion des sauts: car il aduient souuent que les cheuaux, qui ont esté trop exercez & chastiez continuellement, contre la muraille, ne s'alégerissent plus par le moyen d'icelle, si ce n'est lors qu'ils y ont le front presque tout contre: & mesmes la craignent si peu, que quand on les met sur les sauts vn peu loing, & face à face de la muraille, tant s'en faut qu'ils en apprehendent la subiection & l'abord, que plustost ils se mettēt en fougue, precipitant avec impatience, l'air des sauts, sur l'appuy de la main, comme estans extrêmement desireux de se rendre le plus pres qu'ils peuuent de la muraille, & semble qu'ils referuent en celieu trop recogneu la legeresse des sauts: tellement, que par là on peut iuger, que ce n'est pas, assez de trouuer les moyes propres à l'obeyſſance, & à la memoire du cheual: mais aussi qu'il faut bien cognoistre, iusques à quand ils peuuent apporter l'vtilité qu'on en desire. L'on doit donc continuer les bonnes leçons, tant que le cheual en fait son profit, & les diuersifier selon qu'il les neglige, ou qu'il s'y arreste trop par malice ou autrement. Continuant ces regles avec iugement, ainsi en diuers lieux le cheual se pourra alégerir, & refoudre avec le temps & la diligence, à l'air des capriolles, si bien que la faueur de la muraille, des cordes des poteaux ny de tant d'autres moyens extraordinaires, ne sera plus necessaire. Toutefois le cheual qui aura esté dressé par tant d'artifice, ne sera pas propre à l'escole de ceux qui font vne reigle generale, de faire l'ayde principale des sauts, à coups d'esperons dedans les flancs: chose que ie ne puis approuuer, au contraire ie tiens, qu'il est quasi impossible, que le cheual qui aura esté contraint, & qu'on continuera d'exercer par ce moyen à l'air des capriolles, ou à celuy d'un pas & un saut, puisse durer long temps sans estre rebuté, mesmement s'il est leger sensible & colere. Et quand bien il sera naturellement chargé, ou qu'il tirera à la main, les grandes esperonnades ne seruiron pas beaucoup à la disposition releuee: car tant s'en faut qu'elles apportēt quelque remede à la durté de la bouche, que plustost elles y contraindront le cheual. Or il ne peut bien commencer, ny finir la capriolle, s'il est abandonné sur la bride. C'est pourquoy en ceste occasion on doit faire le principal fondement des leçons des capriolles, sur l'obeyſſance & legeresse du cheual, & sur le bon temperament de l'appuy de la bouche d'iceluy.

Erreur de  
ceux, qui font  
l'ayde prin-  
cipale des  
sauts avec  
les esperons.

Si la disposition du cheual est si fort liée & retenue, que le Cavalierice ne s'en puisse preualoir, sans l'ayde des esperons, il doit obseruer pour maxime, que tant plus le cheual a l'appuy superflu, tant moins doit-il reculer la lambe, pour faire l'ayde & les chastimens.



chastimens. Car communément les coups d'esperons, qui se donnent plus en arriere, que l'endroit ordinaire, que l'ay cy deuant dit en diuers lieux, sont ceux qui chassent plus le cheual en auant: pourueu qu'ils ne portent du tout dessus les flancs, qui est vne partie tant sensible & chatouilleuse, que les esperonnades donnees en icelle arrestent aucunes fois le cheual, & le font ruer malicieusement.

PAR toutes ces raisons le Caualerice pourra iuger, qu'à lieu de desgoutdir le cheual au trot, auant les leçons des sauts, selon les reigles generales des cheuaux de grande esquine & legers à la main, il est souuent necessaire de faire seulement trotter, & aucunes fois galopper apres cès leçons, ceux qui sont chargez, & qui ont la bouche plus qu'à plaine main: afin que l'apui des sauts, soit plus leger & temperé, & que l'exercice du trot apres iceux serue pour croistre l'aleine au cheual, & pour le distraire de la trop grande apprehension des aydes & chastimens qu'il aura receuz, & de la violence des sauts: & aussi que par ce moyen il consente & se presente apres plus librement & plus gayement à la leçon du iour suyuant. Mais si sur la fin de cest exercice de trot ou de galop, qu'il entend qui se face, apres la leçon des sauts, le Caualerice impatient veut encores le plaisir de quelque nombre de caprioles, il pourra rendre sa caualcade confuse, desordonnee & domageable. Car il n'est rien qui rebute plustost le cheual, qu'on met aux leçons des sauts, que de le contraindre à sauter lors qu'il est las & hors d'haleine, ou comment que son courage soit trop abbatu, & ses forces defunies.

IL ya vn autre naturel de cheuaux, qui ont assez de legeresse & de force pour sauter, mais ilz ont la bouche si foible, qu'on ne les peut bonnement attirer au vray appui de la bride, qui est vne grande imperfection pour tous les airs releuez, & principalement pour les sauts: parce que manquant ceste fermesse d'appui, on n'a pas beaucoup de moyen de leur aider de la main, ny seulement de leur sentir la teste (quant l'action du deuant se fait trop lente, & trop basse,) sans les acculer, ny de les porter quant ils haussent le derriere, & qu'ils esparent, ny de les soutenir à la descente du saut: & par consequent il est difficile de leur assseurer la teste, & de leur faire obseruer l'egale mesure, & proportion des bons sauts: & outre ce le Caualerice n'en peut estre si droit, ny si ferme à cheual, comme quand l'appui de la bride est à pleine main, ou enuiron.

OR pour disposer le cheual, qui aura ce defect de bouche, au meilleur appuy, qui se pourra selon son naturel, il est necessaire, que le Caualerice face le commencement de toutes ces leçons au trot resolu & auantageux, & souuent au galop en quelque lieu spacieux: afin que le continuel & libre mouuement des membres, le face resoudre au vray appuy de la bride.

MAIS pour vouloir rendre cest appuy plus ferme, que la nature du cheual ne permet, il ne le faut pas tant faire trotter & galopper, qu'il ne luy reste assez de vigueur, & de force pour fournir à la leçon des sauts. Ceste mediocrité ne se peut bien entendre, que par vne bonne & longue pratique: aussi ie la remet à ceux, qui la comprendront, & qui sont maistres en cest art.

SI le cheual est nerveux, leger, de bon appui & de bonne nature, qui sont les parties necessaires à l'air des caprioles, il faut necessairement que le Caualerice le tienne tousiours, s'il est possible, en courage & en allegresse: car c'est le propre de tous les airs gaillards, lesquels ne peuuent reussir en leur perfection, si le cheual est continuellement tourmenté de cris violents, & de coups d'esperon & de nerf, qui au contraire.

Le cheual  
sauter  
doit estre  
maintenu  
en courage  
& en safor-  
ce & vi-  
gueur.

traire le mettront souvent en confusion, ou luy accableront le courage, & la vigueur: mais l'ayde de la voix gaye, & le siflet & chatoüillement de la gaulle, y apporteront beaucoup plus d'effect, que la rigueur, ie dis quand le cheual est leger & de bonne nature.

Et d'autant que l'exercice des sauts, est l'un des plus violents: c'est aussi vne regle generale, qu'il ne faut ordinairement faire les leçons tant aspres, ni si longues aux cheuaux, qu'on y veut employer, qu'ils en soyent reduits à l'extremité de leur force. Au contraire on leur doit tousiours conseruer la disposition & gaillardise temperée, par les bonnes leçons courtes & continuées, sur peine de les rebuter. Toutcfois si le cheual estoit de si grand nerf, qu'il se retint long temps sur l'esquine, auant que vouloir librement conientir à la iustesse des susdites leçons, ie ne veux quoy que ce soit, qu'on l'etrecisse que premierement on ne luy oste, au trot, ou au galop, ceste vigueur superflue, qui engendre les sauts desunis & incômodés: afin qu'il soit apres plus disposé à l'escole, & aux bonnes reigles. Mais sur tout ie desire, que le Cavalierice cognoisse à quoy, & iusques où peut fournir la forte & legeresse du cheual, & qu'il se contente de la satisfaction, qu'il en pourra sagement tirer en ces leçons, sans venir souvent aux extremitez.

**Le cheual chargé d'espaules & dur de bouche se met difficilement sur les voltes à l'air des caprioles.** LE cheual naturellement chargé, ou dur de bouche, qui contre son inclination sera aligeri, & reduit à force d'artifice à l'air des caprioles par le droit, se mettra malaisément sur les voltes iustes, & de mesme air: parce que le consentement & les forces de tel cheual estans necessairement & du tout occupées à retenir & temperer ceste dureté de bouche, & à haulser & soustenir l'excessive pesanteur d'espaules & de corps, il ne luy restera plus de souppléssé, n'i d'autre suffisant moyen, pour faire l'action du tourner en sautant.

**Le cheual ramingue ennemy de la iustesse des voltes fournies de l'air des caprioles.** IL aduient cōmunément aussi, que le cheual trop ramingue, ayant quelque pratique par le droit à l'air des caprioles, & qu'apres on le veut mettre sur les voltes de ce mesme air, quelque force & gaillardise qu'il puisse auoir, se serre & s'accule d'ordinaire en telle sorte, que le Cavalierice a beaucoup à faire à le chasser en auât, pour empescher que les plus iustes proportions du manege, ne lui accablent la vigueur, ou le reduisent plustost à quelque vice, qu'à la perfection des voltes, comme il aduient facilement, quand le Cavalierice n'est sage & bien expérimenté, pour preuenir le malicieux, vile, ou timide naturel du cheual, en le chassant souvent du lieu, auquel il se retient & s'accule, & en luy diuersifiant les leçons, de façon qu'il ne puisse premediter les effects malicieux de son courage double & singard.

**Le cheual qui a la bouche foible & mole, n'est pas propre pour les sauts.** E T combien que le cheual soit vigoureux & déterminé, & que par l'art il soit reduit à l'air des caprioles par le droit, s'il a le col trop mol, & la bouche foible, comme i'ay desia dict, il réussira mal aux voltes du mesme air: parce que n'ayât point d'appuy suffisant, il sera fort difficile de l'empescher, qu'il ne plie le col, ou le corps en tournant: & s'il se couche sur la volte, & jette la crouppe trop en dehors, le principal remede, pour l'adiuster manquera: car c'est vne maxime, que pour tenir le corps du cheual droit, & luy assseuer la crouppe, & pour redre l'air de son manege net, & d'egale mesure, il est necessaire, qu'il se laisse soustenir la teste par vn ferme, & temperé appuy de bouche. Et si nonobstâr ces difficultez, le Cavalierice curieux & obstiné recherche, & se presume de faire plus par ces remedes, qu'il ne doit esperer, il recevra si peu de plaisir à la fin d'une infinité de peines, qu'il sera contraint de quitter l'entreprinse des voltes, pour retenir à ce qui se pourra faire seulement par le droit: à quoy

peut estre le cheual harassé, & confus par la diuersité des caualcades longues & violentes, respondra moins qu'auparauant, & quelquefois point du tout: tellemét que pour le repatrier, il le faudra remettre aux premieres leçons.

MAIS si le cheual a l'inclination, l'appuy de la bouche, la disposition & la force qu'il doit auoir, pour bien reussir à l'air des caprioles sur les voltes le Cavalierice commencera de luy faire esbaucher l'espace, & la rôdeur de la volte, aussi tost qu'il sçaura faire quatre ou cinq caprioles de suite, sans attendre d'auantage: afin qu'il face l'habitude de l'air & de la volte ensemble, comme i'ay dit aux leçons des courbettes & groupades. Et parce que l'action, que le cheual fait du derriere en accompagnant, & en esparant est penible, & luy jettela croupe beaucoup plus hors la volte, que ne fait celle des courbettes ny des groupades, il faudra moins vser de chastimens aux premieres leçons, & faire le circuit & la rondeur de la volte plus large: afin d'auoir moyen de luy tenir le col, & le corps droit, avec moins de contrainte & de desplaisir.

LE Cavalierice fera donc recognoistre au cheual l'espace, & circuit de la volte assez large à chaque main, allant d'un pas aduert & obserué, apres il le haulsera sur l'air des caprioles, luy en faisant faire, vne ou deux, suyues d'une pelade ou deux: & soudain le fera cheminer sur la piste de la volte, deux ou trois pas, & puis le rehaulsera semblablement sur le mesme air des sauts, empeschât tant qu'il pourra, avec la corde du caueçon, & la iambe hors la volte, qu'il ne s'elargisse trop du derriere: & à mesure qu'il fera la pratique de cest air, & du tourner ensemble, il faudra croistre avec le temps necessaire, la suite & le nombre des caprioles, sans precipiter cest ordre, tout ainsi que i'ay dit, aux leçons des courbettes, iusques à ce que la volte entiere en soit fournie. Et combien qu'il l'acheue parfaitement, il ne le faudra pour cela arrester, pour luy donner aleine, ny le caresser qu'il n'aye plustost fait, trois ou quatre pas en auant, sur la piste de la volte, afin de le tenir tousiours en action, d'employer sa force, & de continuer l'ordre de sa leçon, sans premediter l'endroit qu'on le voudra arrester, non plus qu'il ne doit cognoistre celuy-là, où il doit faire le premier temps de la volte. Et si le cheual a plus de legeresse, que de force, ou si naturellement il retient sa disposition, il faudra souuent changer de place, en luy donnant leçon, principalement pour changer de main: & sur tout luy faire commencer viuement & gayemét les premiers temps de la volte, en le chassant vn peu au côtraire de celuy, qui est trop fougoux, & qui tire à la main: ce sera vn moyen de luy faire mieux employer sa vigueur & son courage.

QUAND le cheual fournira & fermera facilement la volte, sans interrompre l'air des caprioles, soudain le Cavalierice luy fera reprendre, & continuer sans arrester, le premier style sur sa mesme piste, luy faisant encores faire d'une aleine vne autre volte composée, & meslée de pas, & de caprioles, iusques à ce que retrancheant encor peu à peu, les pas de la seconde volte, & augmentant le nombre des caprioles, il fournisse à la fin les deux voltes, d'un mesme air, sans l'interrompre: & selon qu'il se rendra leger, & qu'il tournera facilement, le Cavalierice pourra estreffir le circuit de la volte, & raccourcir l'air & la mesure des caprioles, iusques à leur vraye proportion. Et pour adiufter le cheual à ce manege avec moins de chastimens, & de peine, il le faudra seruir de l'escole limitée, & cauée dans terre, telle que ie l'ay figurée aux leçons des voltes precedentes, par le moyen de laquelle le cheual sera empesché de se trop serrer, ou elargir: & si dedans icelle il tire à la main, le Cavalierice aura moyen de le faire reculer côm il voudra, tât en tournant que par le droit, pour le cha-



stier & alegerir, & de le chasser & determiner sur la mesme piste au trot, ou au galop, selon qu'il se retiendra. En fin la proportion du terroir de ces voltes, doit estre semblable à celle des courbettes, & des groupades, hors mis que pour tenir le corps du cheual plus droit, ayant la croupe sur la rondeur de la volte, le circuyt d'icelle doit auoir vn peu plus de largeur: d'autant que le mouuement de la capriole, est plus estendu, & plus penible: & notamment quand le cheual redouble les voltes à caprioles, il faut communément finir ses leçons, le laissant en courage & legeresse, ou en estroite obeysance: assauoir sur les bons sauts: s'il est en disposition d'esquine pour les bien fournir, ou du tout sur la resolution du manege bas, s'il est las, ou hors d'aleine.

COMBIEN que generalement l'escole soit bonne & souuent necessaire, de promener longuement le cheual de manege sur le lieu, qu'on le veut faire manier, ou auquel on l'aura manié, mesmement quand il est impatient, entier à quelque main, ou de peu de memoire, si est-ce que quand le cheual sauteur tourne librement de chascque costé, & que neâtmoins il n'a pas beaucoup de vigueur, ou pour quoy qu'il se face communément ayder, & solliciter avec les esperons ou la gaulle, en maniant, ie ne suis pas d'avis, qu'on tienne d'ordinaire ceste reigle de tant le promener: car le temps & le passage lent & superflu, qu'on employe deuant & apres l'exercice releué, peut assoupir la disposition & la legeresse du cheual, qui n'en a pas assez, lequel au contraire, se doit tenir en telle apprehension de l'escole des sauts, qu'il se mette de foy en ceruelle, & en posture racolte & legere, aussi tost qu'il apperceura la place, en laquelle il pensera qu'on le vueille faire manier. Tant s'en faut donc que le passage lent, paisible & abandonné, qui se fait long temps deuant, ou apres la leçon estroite, soit tousiours propre à ceste action nerueuse & determinée, que pour l'effect d'icelle, on doit souuent commencer & finir l'exercice gaillard, par les mouuemens du cheual plus hardis & vigoureux: afin que les aydes & chastimés propres à iceux, le tiennent plus esueille & aduertý, il vaut donc mieux, ayant affaire à tels cheuaux, ne les guiere promener auant la leçon releuée, & à la fin d'icelle mettre soudain pied à terre.

OR pour faire la capriole en sa perfection, il faut que le cheual, leue le deuant & le derriere d'esgale hauteur: Assauoir que quand il esparera le milieu, & la cyme de la croupe, & le garrot, soyent hancez au niueau l'un de l'autre: que la teste, ny la bouche, ne fassent aucun mouuement esgaré, en haussant le deuant, en esparant, ou à la descente du saut: mais que le front soit tousiours droit & ferme: que tant que le deuant se haussera, les bras soyent bien & egalement pliez: qu'en esparant, les iarrêts s'estendent nerueusement, & que les deux pieds de derriere, ne s'ascartent tant soit peu: mais que voisins de mesme hauteur, & de pareille action, ils fassent gaillardement & en vn temps leur reiet en l'air. Que la queue soit asscuree: & que le cheual retombe à tous les coups ordinairement à vn pied, & demy ou deux pieds pres du lieu, qu'il se fera haufé pour faire le saut.

DIVERSES OPINIONS DE LA IVSTESSE  
des voltes.

## CHAPITRE LXXIIII.



N void fort peu de Caualerices, qui s'accordēt en la iustesse des voltes redoublées: les vns veulent, que le cheual tienne toute la croupe dedans le circuit de la volte, les autres vne hanche seulement: Les autres, que les pieds de derriere suyuent ceux de deuant: Aucuns veulent que la volte soit fort large, autres d'espace mediocre, & d'autres si estroite, qu'elle soit faicte & ferrée, en quatre ou cinq temps: chacun tient son opinion pour la meilleure: & qui pis est, il y en a qui n'estiment que ceux, qui sont de leur aduis en ces iustesses differentes: comme si toute la science de cest art ne consistoit en autre chose. Pour moy, ie ne m'arreste pas à ceste seule partie; pour iuger du sçauoir d'un homme de cheual: car chacun se peut plaire à quelque proportion particuliere. Au contraire, ie tiens pour bons tous ceux, qui obseruent vn bel ordre pour bien assseuer la bouche, la teste la croupe & la queue du cheual, luy dresser le col, & l'asseuer en belle posture, l'alegerir & le rendre obeysant, & facile à toutner egalemant à toutes mains, à courir rondement & à bien parer: & que pour arriuer au but de la proportion qu'ils approuuent & affectionnent, comment qu'elle soit large, estroite, ou mediocre, cherchent & pratiquent de beaux, & industrieux remedes, propres à se bien preualoir du naturel, & des forces du cheual. Toutefois il y a vne proportion en ces voltes, qui m'a semblé la plus belle, & plus commode, apres auoir longuement pratiqué toutes les autres, qui ont esté vísitées de mon temps, de laquelle ie traicteray le mieux que ie pourray, au second liure. Mais il n'y a ordre, ny iustesse, qui ne puisse naistre commodément, des reigles de ce premier liure, le cheual estant facilité & assseuré à la pratique d'icelles: C'est pourquoy ie les ay escrites les premieres, comme le fondement de toutes les autres: or reuenons encores à la definition de l'air des caprioles.

L'AY desia dit ailleurs, que ces caprioles se souloyent nommer sauts, de ferme à ferme, c'est à dire, faits en peu de place, & sans aucun temps different entre les sauts. Mais depuis les Neapolitains luy ont ainsi changé le nom, disant, que c'est à l'imitation de l'air des sauts, que le cheureul fait en courant: & parce que au lieu de ce mot cheureul, ils disent en leur langue (caprio,) ils ont attribué à cest air le nom de caprioles: mais s'ils eussent prins en cecy l'aduis d'un bon veneur, ce terme n'eust pas esté si mal adapté: car le vray air de la disposition, & diligence du galop, & fuite du cheureul, est celuy que nous appellons, vn pas & vn saut: d'autant qu'il fait ordinairement en courant, vn temps de galop & vn saut, continuant en sa course les mesmes mouuemens. Et de là nos premiers maistres ont prins le nom du galop gaillard, comment que ce soit, ie ne me veux rendre reformateur des termes de cest art, mais les laissant tels, qu'ils sont, ie diray encores l'ordre qu'il faut tenir aux leçons, de l'air d'un pas & vn saut.



## REGLES DE L'AIR D'VN PAS ET VN SAUT.

### CHAPITRE LXXV.

**N**OTRE toutes les sortes d'exercices que le cheual peut apprédre, l'air d'un pas, & vn saut, est celuy, qui apres la course, le met plus en ardeur & inquietude: c'est pourquoy auant que le reigler sur les leçons de cest air, le Caualerice le doit mettre bien en aleine, & luy ôster la fongue, sans toutesfois luy abattre le courage, ny la gaillardise necessaires à la perfection des sauts. Il luy doit aussi faire perdre la trop grande apprehension des chastimens, principalement des esperons; luy asséurer la teste, luy redre l'appuy de la bouche temperé & à plaine main, plustost moins que plus dur, l'alegerir de deuant sur les pesades, & luy faire entédre l'aduertissemēt de la gaulle sur la troupe, comme l'ay dit aux premieres leçons des caprioles.

ESTANT reduit en cest estat, le Caualerice le menera en vne carriere, où le trottoir soit doux & ferme, laquelle il luy fera recognoistre en le desgourdissant de pas, & de trot par le droit, sans toutesfois le mettre trop hors d'esquine. Apres il le haulsera, & luy fera faire pour le moins quatre pesades de suite, & soudain le fera cheminer quatre; où cinq pas assez retenus, s'il tire tant soit peu à la main, ou autant de trot, s'il se veut trop retenir, au bout desquels il le rehaulsera, & luy fera encores refaire quatre autres pesades, pareilles de temps, & de hauteur, apres lesquelles il le fera semblablement cheminer, pour continuer le mesme ordre, iusques au bout de ceste carriere: & en rebroussant chemin dedans icelle, il continuera la mesme chose, selon son aleine & disposition allant & reuenant iusques à la fin de la leçon.

QUAND le cheual sera asséuré à ceste reigle, le Caualerice continuera de l'exercer sur la carriere, ou en quelque autre lieu semblable, gardant le mesme style, hors mis que de la seconde pesade, il en fera vn saut, en aydant au cheual avec la voix, & la pointe de la gaulle sur les fesses, & vn peu des esperons ensemble, s'il est besoing, mais rarement, & le tout en vn temps, iustement prins, cependant que le cheual haulsera le deuant. De sorte qu'au lieu des quatre pesades susdites, ce sera apresent vne pesade vn saut, & deux autres pesades de suite.

Pour bien faire ceste seconde leçon, il faut principalement obseruer deux choses, l'une de faire le temps qui commencera le saut, vn peu plus bas de deuant, que les pesades: afin que le cheual aye moyen de haulser le derriere, & d'esparer plus facilement: L'autre de faire tousiours la pesade derniere plus retenue, & plus haulte de deuant, que toutes les autres, tant pour garder que le cheual ne s'accoustume à trespigner, s'il est impatient & d'humeur cholere, que pour le tenir en obeissance, & leger à la main, s'il est naturellement chargé, ou s'il prend trop d'appuy: toutesfois s'il est fort leger, & qu'il se retienne trop, il le faudra au contraire chasser ou porter en auant, avec ordre & sans rigueur, pour le refoudre à l'appui de la bride.

APRES que le cheual fera bien & facilement ceste seconde leçon, sans entrer en



fougue, ny en soupçon, le Cavalierice reduira encores le quatriefme temps des pesades, en vn autre saut, semblable au premier, auquel il ioin dra à l'instant deux autres pesades de suite: & soudain fera cheminer le cheual quatre ou cinq pas paisiblement pour recommencer autant de pesades semblables, & d'un mesme ordre. Et selon que le cheual comprendra, & pratiquera ces leçons, il faudra augmenter ainsi les sauts vn à vn, sans hastier ny alterer cest ordre, faisant tousiours vne pesade seule, entre deux sauts plus basses, que celle de la premiere leçon, & encores deux autres pesades assez haultes, apres le dernier saut. Et à mesure qu'il pratiquera la legeresse du derriere, il le faudra haulser & soutenir d'auantage de deuant, afin de reduire par vne habitude bien reiglee, le saut en sa perfection. Et si en faisant ces leçons le cheual tire à la main, ou se licentie de s'auancer plus que le Cavalierice ne voudra, soit de fougue, ou de pesanteur, il faudra faire quelquefois ces pesades, & ces sauts sans partir d'une place, & les pas en reculant: afin que se chastiant par ce moyen, il se retienne ou perde le desir de se trop auancer. Et par ainsi on pourra diminuer peu à peu les pas, qui se font par le droit, pour recommencer les temps des pesades, iusques à ce que l'air soit en sa vraye proportion: apres on continuera à le faire pratiquer au cheual, selon la force & l'agilité qu'il aura. I'ay desia dit aux leçons precedentes, qu'il s'en trouuerra plusieurs, qui se mettront quasi naturellement, & en peu de temps à cest air, sans estre reiglez par tant de leçons & de patience: Mais d'autant que ce sera vn air proportionné par hazard sans doute, il sera aussi subiect à beaucoup plus de mutations, que s'il est apprins & bien fondé.

AYANT ainsi monstré, & fait pratiquer au cheual ces leçons, & proportiōs, le Cavalierice leur donnera peu à peu, le vray air naturel du galop gaillard, qui est beau-<sup>Perfection de l'air d'un pas & d'un saut.</sup> coup plus diligent que celui des caprioles, à cause du temps qui separe les sauts, & qui sert comme de course, pour le resoudre & haulser d'auantage. Toutesfois ce temps doit estre beaucoup plus leger que furieux: & pour la vraye iustesse de cest air, il faut que l'action du saut soit accomplie, & semblable à celle que i'ay dit, à l'air des caprioles, hors mis qu'il doit estre vn peu plus estendu, & la pesade, qui se fait entre les sauts, se doit aussi conuertir en vn temps de galop raccourcy: assauoir nerueusement accompagné des deux pieds de derriere ensemble, comme les courbettes de demy-air, mais plus auancé & déterminé, & moins releué. Or en la perfection de cest exercice, le Cavalierice doit obseruer plus de particuliers mouuemens, qu'en ce-<sup>Pas s'entent icy le temps de galop raccourcy qui se fait entre les sauts.</sup> luy des caprioles, n'y en tous les autres, qui se font par le droit: car s'il retient trop ce temps, qui se fait entre les deux sauts, le saut qui s'ensuyura, n'aura plus sa vraye & necessaire vigueur: & s'il abandonne trop ce temps & pas, le saut sera aussi trop estendu: & s'il haulse trop le deuant du cheual, pour faire le saut, l'action du derriere demeurera basse, & imparfaicte: & s'il laisse les espaules du cheual trop basses, & que par ce moyen il haulse trop le derriere, (si le cheual n'est extremement leger, & bien fôdé sur les membres,) ceste improporcion le contraindra d'auancer le nez ou à faire quelque autre mauuais mouuement de la teste, sur la descente du saut, ou de faire le temps & pas suyuant si precipité, quel autre saut d'apres sera trop abandonné, ou trop appuyé sur la bride: mais pour bien pouruoir à tous ces mouuemens, le Cavalierice ne doit iamais forcer, esbranler, ny abandonner le ferme & vray appuy de la bouche de son cheual, (quoy qu'il tire à soy le bras & la main de la bride, ou qu'il l'auance,) pour haulser, soutenir, retenir, ou chasser le cheual.

P O U R bien faire ces aydes & aduertissemens de bride, il ne faut pas seulement que Diligence le Cavalierice tienne le bras, & la main en ferme action, mais il est necessaire que tou-<sup>du cheua- lier en fait- sant aller</sup> te son assiette soit droicte, iuste & forte, depuis les bouts des pieds, iusques à la teste.

le cheual à  
l'air d'un pas  
& vn saut.

Deux aydes  
d'esperons  
faits en deux  
temps, cepē-  
dant que le  
cheual fait  
le saut.

Action mal-  
seante de re-  
culer fort  
les iâbes, ce-  
pēdāt que le  
cheual espa-  
re.

Le cheual  
ramingue  
propre à  
l'exercice  
du galop  
gaillard.

Car puis que le bras de la bride tient au corps, il ne faut point douter, que si l'action du cheual esbranle, & incommode le corps, ou si par mauuaise habitude le corps, consent trop par quelque moleste ou debilité, à l'action du cheual, le vray soustien de la bride ne soit souuent esbranlé & falcifié, par l'excessif mouuement du corps, quoy que la faute ne vienne nullemēt de l'action particuliere du bras, ny de la main, D'autre part, quand bien le Caualerice aura les reins, les espaulles, le bras & la main, en bonne situation & que neantmoins il aye l'affiette si foible, que ne pouuant resister à la violence des sauts, les iambes luy eschappent, mesmes qu'il se trouue à tous les coups en desordre, rompant plustost le temps au cheual, que luy apporter ayde & commodité pour bien soustenir son bon air : ou s'il a le talon si gaillard, & si aspre, que au lieu de se preualoir de la disposition du cheual, (qui peut estre sera colere-sanguin, & trop sensible,) par l'ayde mediocre des esperons, il le pousse à vn desespoir, ou en quelque autre vice : en telles fautes la iustesse & temperature de la main, ne seruira pas beaucoup. Il faut donc que la fermeté du corps, du bras, & de la main ensemble, se rapporte à l'appuy de la bouche du cheual, & le mouuement & l'ayde des iambes, & des esperons, à ses forces, disposition & complexion naturelle. Toutefois il y a des Caualerices, qui sans auoir esgard à toutes ces raisons, pensent & veulent que les sauts, s'engendrent & naissent des esperonnades, quoy que plusieurs choses, qui leur sont incogneuës, s'y opposent. Il me souuient qu'en mes premieres escoles, l'on ma fait pratiquer en cest air pour vn singulier secret, deux aydes d'esperons, faites soudainement en deux temps, premier que le cheual eust acheué le saut : assauoir vn à quatre doigts, ou enuiron pres des fangles, soudain qu'il auoit haussé le deuant, & l'autre fort reculée & serrée pres des flancs premier qu'il eust acheué de hausser le derriere, afin de le faire esparer plus haut & plus roide, & ce remede m'est souuent reüssi, mais c'estoit aucunes fois plustost sauts, de desplaisir & de defence, pour mettre le cheualier par terre, que faits de gaillardise, ny de bonne pratique : & encores estoit ce, à certains cheuaux ramingues, & neantmoins de bonne force & dispositiō, lesquels à la verité sont propres pour cest air, à cause qu'il apporte plus de fougue que tous les autres, & principalement pour l'usage de certains hommes de cheual, qui estans encores stilez à la vieille coustume, ne se soucient pas beaucoup commēt que le saut soit fait, pourueu que le cheual ruē fort haut, & roide & que par ceste ayde d'esperons, ils ayent moyen de se fortifier dedans la selle, en s'accrochant presque iusques aux panneaux, cependant que le cheual espere. La raison est, que le cheual ramingue se trouue communément leger à la main, & d'ordinaire il retient sa force, mesmement quand on le veut faire partir viuement : & s'il est leger & fort nerueux, il se met cōmunément sur l'esquine, pour se defendre quād on le veut cōtraindre, & chasser à coups d'esperons. Voyla pourquoy, il ne faut pas tant craindre que l'aprehension de l'ayde des esperons, luy rompe le temps des sauts, ny le mette en desespoir & en fuyte, comme s'il estoit naturellement fort sensible & déterminé. Toutes fois ie ne baille pas ceste ayde d'esperons, pour estre necessaire, ny de bonne grace : au contraire, i'aduertis de nouueau le Caualerice, que si elle est continuee au cheual colere-sanguin & courageux, cela le mettra en desordre, & en fougue extreme, & pourra rebuter, & auilir celui, qui sera flegmatique & timide. Aussi ceste ayde ne sert qu'au cheual singard, & encores le contraint-elle, (mesmement si les molettes des esperons sōt trop pointues,) de iouer de la queue, de s'arrester & quelque fois de pisser, qui sont indices d'un tres-grād desplaisir, d'une crainte effroyable, ou d'une humeur extremement vile ou malicieuse. D'autre part l'action en est mal seāte : car quād l'on void le cheualier ainsi accroché, ayant les talons si pres des fesses, cependant que le cheual hausse le derriere, & qu'il espere, il ressemble mieux vne crotesque, qu'un homme bien proportionné. Mais si l'ayde des esperons, se fait ordinairement enuiron le



mitan, & au costé du ventre, le cheualier en fera plus droit, le cheual moins affligé, & le faut plus net, plus égal, & plus facile. Car quand le faut, tant haut puisse il estre, est fait selon les plus belles & iustes proportions de la bonne eschole, l'assiette du bon cheualier n'en est iamais incommodée, & si le faut bien recherché & soustenu secoué & incómode le caualier, sans doubte il n'a point les iustes proportions requises à la bonne escole.

Mais c'est peu que le Caualerice face l'ayde des esperôs en lieu propre, s'il n'observe curieusement la iustesse du temps: car s'il picque le cheual, auât qu'il aye les espauls en l'air, ou trop tost apres qu'il aura haulsé les pieds de deuant, le faut se trouuera trop estendu & defuny: & s'il le picque sur la descente du faut, il reussira trop contraint, & sans vigueur. Il faut doncq ferrer le cheual, avec le gras des iambes, & les aydes de talons, & l'aduertir de la gaulle à mesme temps que le deuant sera en sa vraye hauteur, ou (pour luy donner plus de vigueur) vn peu auparauant, sans ouuir aucune-ment les iambes, ny les talons, que le faut ne soit finy. Or pour bié soustenir la gail- lardise du cheual, à la descente du faut, & pour se rendre plus propre, & plus fort de- dans la selle, le Caualerice tiendra le corps ferme & droit, en son plan naturel, cepen- dant que le cheual leuera le deuant, & quand il haussera le derriere, & qu'il esparrera, le Caualerice se trouuera les espauls vn peu reculées, sans tourner la teste d'vn co- sté, ny d'autre, & sans abandonner le mouuement du bras de la gaulle. Mais en se roi- dissant sur les reins si accorrement, qu'à peine ceux qui le regarderont se puissent ap- percevoir de ceste actiō, laquelle doit estre égalemēt accompagnée de la iuste posture du bras, & du poing de la bride: afin que l'appuy de la bouche du cheual correspōde à tous les mouuemens susdicts. Il est donc aysé à iuger par toutes ces considerations, que pour bien aduulter & affiner le cheual, principalemēt aux airs gail-lards, le Caua- lericie doit estre diligent, droit, ferme, tendu, & par consequent beau à cheual.

Iustes pro-  
portions  
pour bien  
prendre les  
temps des  
aydes de  
l'air d'vn pas  
& vn faut.

L'AYDE del'esguillon, ou esperon sur la croupe, ou par les fesses, faicte par celuy mesmes qui est à cheual, comme j'ay cy deuât dit, sert beaucoup plus en cest air, que celle de la gaulle, assauoir aux cheuaux, qui ont l'appuy plus qu'à pleine main, & qui font les sauts trop longs, à cause que l'effect de ce remede, haulse le derriere du che- ual, sans le chasser: mais aussi l'ayde de la gaulle, est beaucoup plus necessaire à ceux, qui se retiennēt trop, parce que son propre est de haulser, & chasser ensemble. En fin tous les moyens qu'on cherche pour haulser le cheual, & pōur luy faire parfaire ses leçons, ne se doiuent pratiquer, que pour faire la disposition, & l'habitude de l'air, qui luy est propre: & à mesure qu'il comprend les mouuements & la voix du cheualier, on doit retrancher les remedes extraordinaires. Or tout ainsi que ie veux, que tous les susdits mouuemens, se facēt subtilemēt, & avec vigueur & bel ordre, j'entens aus- si que l'ayde de la voix soit faicte modestement, & avec consideration, & non à l'i- mitation de certains cheualiers, qui comme estourdis font des cris si extremes en haulsant le cheual, qu'au lieu de luy soustenir, ou augmēter le courage & la legeresse, (comme il se peut par la vraye ayde de la voix alegre,) ils le troublent & mettēt sou- uent en desordre, & outre ce, au lieu de donner grace à l'exercice par ceste voix, ils faschent les assistans, & quelquefois se confondent eux-mesmes. En telle sorte que perdant le iugement, ils ne sentent plus les fautes, qu'eux & les cheuaux font & par lesquelles la perfection du faut est empeschée. Quand à la plus belle posture du bras de la gaulle, en faisant l'ayde de la croupe, c'est celle qui se fait par dessus l'espaule, pourueu que la gaulle donne droit au mitan des fesses du cheual, qu'on ne recule la- dicte espaule, & qu'on ne tourne tant soit peu, le visage d'vn costé ny d'autre, com- me font la pluspart des hommes de cheual. Toutesfois ceste ayde de gaulle se fait d'ordinaire, par vn mouuement de bras si grand, si haut & si apparent, que si le che-

Propriété  
de l'ayde  
de l'esguil-  
lon ou es-  
peron sur la  
croupe,  
& la dispo-  
sition de la  
gaulle.

La voix  
trop haul-  
te est mal  
seante au  
cheualier  
en faisant  
sauter le  
cheual.



nal fauteur est naturellement fort apprehensif, le soupçon d'iceluy mouuement, luy desreglera souuent la ferme situation de la teste, le temps, & l'ordre de ses leçons. C'est pourquoy aucunes fois, il vaudra mieux tenir la gaule deffouz le bras, & la pointe d'icelle en arriere. Il est vray que la tenant de ceste façon, l'ayde en aura moins de grace, mais aussi les effectz en seront plus diligens & plus certains.

OR i'ay desia dit, qu'un des plus extremes & violens exercices, que le cheual de carriere puisse faire, est celuy des sauts, à cause dequoy le Caualerice ne scauroit rendre vne plus belle preuue de sa passiee, & de son scauoir, que de maintenir le cheual fauteur long temps en bonne & iuste escole, mesmement si de sa nature il est colere & fort sensible. Et l'un des plus notables preceptes, que ie puisse redire & recommander en ceste occasion, est de ne rechercher iamais l'extremite de la disposition, & de la force du cheual en l'exercant principalemēt aux leçons ordinaires des sauts: mais au contraire s'il se presente comme de soy, pour se vouloir hausser tant qu'il pourra, le bon Caualerice ne doit ordinairement consentir à ses grandes & gaillardes resolutions, si ce n'est pour luy laisser quelque fois exercer sa gaillardise, & legeresse plus nerueuse, ou quand il le voudra faire paroistre, en quelque compagnie extraordinaire: mais communement il luy doit suffire que les sauts soient bien, & nettement proportionnez, luy laissant, ou luy faisant dispenser ses forces, par vne telle mediocrite, qu'il aye moyen d'augmenter & fortifier peu à peu, sa legerie disposition, en faisant vne habitude attendue & bien confirmee, qui luy donne occasion d'aymer, plus que craindre l'escole: & que par ce moyen il en parte le plus souuent plus desirieux de sauter apres sa leçon, que las, n'y en apprehension des extremes efforts des sauts trop precipitez & continuez: car en fin il faut curieusement conseruer le courage, & l'alegeresse des cheuaux sauteurs, autrement ils ne donneront pas beaucoup de contentement au cheualier, qui scaura beaucoup en cest art, ou ne dureront pas long temps, sains & entiers. Et pour bien obseruer tous ces preceptes & proportions, il faut aussi que le bon Caualerice rencontre les cheuaux bien nez, & enclins aux plus beaux exercices, & qu'il face bonne election de l'air, & des maneges qui seront plus propres à leurs forces & dispositions.

IE me suis voulu exactement & longuement expliquer aux reigles & preceptes de ces airs plus gaillards. Parce que ie n'en parleray pas beaucoup au second liure. Et ie m'assure que les bons Caualerices, qui comprendront bien toutes ces proportions, cognoistront assez qu'elles se rapportent à la perfection de cest exercice, & que la verite & bonne experience les recommande fort à ceux qui sont capables, de les bien pratiquer. Peut estre s'en trouuera-il plus grand nombre que ie ne pense: Mais ie tiens, qu'il n'y a cheualier peut estre au monde, qui en puisse iuger plus dignement que Monseigneur le Duc de Mont-morency à present Connestable de France, qui a mieux haussé & soustenu les cheuaux sauteurs que Caualerice ny autre que i'aye encor veu.

Pour le dernier precepte de ce premier traicté, i'admoneste tous ceux qui ayment cest art, d'euitier soigneusement l'imitation de plusieurs, qui se plaisent à faire les biens disans, depeignans les perfections des cheuaux qu'ils veulent louer, par vne infinité de comparaisons superflues, & tant esloignees de la verite, que le style n'en est propre qu'à faire le charlatan de cest art: car en discourant des belles & bonnes parties que le cheual peut auoir, tant en ces forces & courage, en sa generale stature, qu'en l'adresse des bons exercices, le cheualier bien entendu doit dire nettement, & en peu de mots, ce qui en est, par des bons termes & raisons propres, veritables, ou au moins vray semblables.

*Fin du premier Liure.*









# TABLE DV PREMIER LIVRE DES PRECEPTES DV SIEVR DE LA BROVE.



## PREFACE.

Discours sommaire des indices par lesquels on peut iuger le naturel du cheual, tant par la couleur du poil qu'autres marques: ensemble de ses diuers temperamens selon la diuersité des climats, sous lesquels il sera nay & esleué.

page 1.

Interpretation de plusieurs termes de cest art. Chap. 2.	7
Recommandation de l'exercice de la Bardelle, avec vne ample explication des commoditez du mors à canon ordinaire. Chap. 3.	10
Effets & proprieté du caueffan. Chap. 4.	12
Les aydes qu'on doit rechercher aux premieres branches, pour commencer à fermer vne belle posture de col & de teste aux ieunes cheuaux. Chap. 6.	13
Premier aduis du Caualerice pour la propriété. Chap. 7.	24
La iustesse de l'equipage du cheual & autres particularitez, que le Caualerice doit obseruer premier que monter dessus pour l'exercer. Chap. 8.	41
La iuste assiete du Caualerice. Chap. 9.	42
Commoditez en la façon des selles modernes. Chap. 10.	43
Commoditez en la façon des estrieux. Chap. 11.	44
Communes actions & gestes bien & mal seantes au Caualerice, en exerçant le cheual d'escole. Chap. 12.	45
Habitude mal seante de parler ordinairement au cheual en l'exercant. Chap. 13.	47
Pour assseurer le cheual au montoir. Chap. 14.	48
Aduertissement au Caualerice qui veut degourdir & alegerir le cheual en l'exercant au trot & au galop. Chap. 15.	ibid.
L'exercice qui doit estre plus aisé au cheual. Chap. 16.	50
Des ieunes cheuaux retifs. Chap. 17.	52
Des cheuaux apprehensifs & ombrageux, & particulièrement de ceux qui craignent les enseignes & tabours. Chap. 18.	53
Pour assseurer le cheual apprehensif à l'eslat & à la rumeur des armes, & pour le faire approcher des autres cheuaux au combat de l'espee. Chap. 19.	54
Pour assseurer le cheual aux arquebuzades. Chap. 20.	57
Preceptes particuliers pour le chastiment des cheuaux retifs. Chap. 21.	59
Des cheuaux retifs pour auoir esté trop batus sur la teste. Chap. 22.	ibid.
Des cheuaux retifs pour auoir esté trop batus & gourmandez des esperons. Chap. 23.	60
D'autres cheuaux retifs & malicieux. Chap. 24.	61
Des cheuaux retifs ou entiers à quelque main, & de la difference du retif à l'entier sur les voltes. Chap. 25.	62
	64

Cheuaux qui portent ordinairement le nez plus d'un costé que d'autre. Chap. 26.	91
Empeschement que le cheual peut auoir à bien parer. Chap. 27.	75
Des cheuaux esguerez de bouche ou de desesperez. Chap. 28.	77.
Des cheuaux coleres, rebutez & impatiens qui forcent la bride pour fuir la bonne escole. Chap. 29.	79
Des Cheuaux coleres, & soupconneux qui se cabrent d'impatience ou de desespoir. Chap. 30	80
Des cheuaux coleres, singards & malicieux, qui de despit reculent, ou qui veulent mordre les iambes de celuy qui les picque: ensemble de ceux qui eschapent, forçans la bride & la main du Cavalier. Chap. 31	82
Des cheuaux qui se defendent à l'exercice de l'escole par grande obstination, ruans incessamment iusques à l'extremité de leurs forces. Chap. 32.	83
Regles generales pour assseurer la teste & la bouche au cheual, & luy apprendre à bien parer. Chap. 33.	84
Perfection du parer de trot. Chap. 34.	85
Commoditez des Basses pour l'arest. Chap. 35.	88
Commodité de la muraille pour faire bien parer aucuns cheuaux. Chap. 36.	89
Du cheual dur esguerez & de desperé de bouche. Chap. 37	92
Du cheual dur de bouche & pesant. Chap. 38.	96
Des cheuaux qui ont l'appuy de la bouche foible. Chap. 37.	98
Des cheuaux qui tiennent la bouche ouuerte & tournée. Chap. 40.	100
Pour mettre le cheual du trot au galop. Chap. 41.	101
Pour adiufter le cheual au trot selon son naturel. Chap. 42.	102
Difference des cheuaux qui pesent à ceux qui tirent à la main. Chap. 43.	ibid.
Difference des bouches trop sensibles, foibles & fermes. Chap. 44.	103
Premiere leçon de trot sur les passades. Chap. 45.	ibid.
Du cheual qui aux premieres leçons des passades iette la croupe hors du circuit des voltes. Chap. 46.	105
Principaux effects du galop. Chap. 47.	108
Pour commencer à mettre le cheual du trot au galop, sur les voltes larges, & doubles des passades communes. Chap. 48.	109
Pour la iustesse du manège de galop. Chap. 49.	110
Autres principaux aduertissemens pour l'air & la iustesse du galop. Chap. 50.	111
Pour adiufter & allegier au manège des passades, les cheuaux qui tireront à la main de fougue ou de pesanteur. Chap. 52.	112
Communes leçons pour les passades simples. Chap. 53.	114
Leçon pour faciliter & contraindre le cheual au manège des passades simples. Chap. 54.	115
Aduertissement pour bien faire les leçons des passades, au long de la muraille, & les voltes du costé d'icelle. Chap. 55.	117
Pour apprendre le cheual à sauter les hayes & fossez. Chap. 56.	119
Si l'exercice de la chasse est propre au cheual de combat. Chap. 57.	121
Des actions & gestes bien-seans au Cheualier, en exerçant le cheual au manège de combat. Chap. 58.	122
Preceptes pour faire de belles & iustes courtes courant la bague. Chap. 59.	123
Des cheuaux impatiens à la carriere, & les incommodez que les courtes communes leur apportent, principalement quand ils sont capables de seruir au manège du combat, ou de reussir pour la carriere aux airs releuez & gaillards. Chap. 60	128

Pour faire l'estenduë & resoudre le cheual qui en courant retient ses forces & son courage.	
Chap. 61.	130
Parties generales propres au cheual de campagne & de combat. Chap. 62.	133
Leçons pour les airs & maneges releuez. Chap. 63.	138
Combien d'airs releuez & differents on a pratiquez iusques à present, & ausquels ils sont reduicts.	
Chap. 64.	140
Regles de l'air des courbettes & groupades Chap. 65.	ibid.
Premiere regle pour le changement de main des voltes redoublees. Chap. 66.	143
Perfection des passades ordinaires & releuees. Chap. 67.	144
Regles de l'air d'un pas & un saut, & des caprioles. Chap. 68.	145
Des cheuaux qui se presentent naturellement à quelque air gaillard. Chap. 69.	147
Autres regles plus amples pour les courbettes & groupades, avec aucuns preceptes particuliers pour bien iuger le cheual qui pourra mieux reussir à tels airs. Chap. 70.	148
Regles pour les voltes de l'air des courbettes & groupades Chap. 71.	115
Regles pour le changement de main des voltes redoublees. Chap. 72.	156
Regles pour l'air des caprioles par le droict & sur les voltes. Chap. 73.	158
Diuerses opinions de la iustesse des voltes. Chap. 74.	169
Regles de l'air d'un pas & un saut. Chap. 75.	170

Fin de la table du premier tome.





# SECOND LIVRE DES PRECEPTES DV CAVALERICE

FRANÇOIS. COMPOSE PAR  
LE SIEVR DE LA BROVE.

Sur l'ordre des plus iustes proportions de tous les beaux airs & manèges  
qu'on peut apprendre au cheual qui en est capable.

*Troisiesme Edition, reueüe & augmentee par l'Auteur, outre les  
precedentes Impresions.*



A PARIS,

Chez la vefue Abel l'Angelier, au premier pillier  
de la grand' salle du Palais.

---

M. DC. X.

AVEC PRIVILEGE DV ROY.

SECOND  
DEPT  
7





A MONSIEUR LE DUC  
DE MONT-MORENSY PAIR ET  
CONNESTABLE DE FRANCE.



MONSIEUR.

Il y a peu de personnes entre tous ceux qui me cognoissent en ce Royaume ou ailleurs, qui ne sçachent que i ay l'honneur d'auoir esté domestique de vostre illustre Maison: mais tous ne sçauent pas les obligations particulieres que ie doibs aux biens & honneurs qu'il vous a pleu me faire par dessus mon merite, ny la cause principale, qui de bien loing m'attira si près de vostre grandeur, en mon aage plus vigoureux. Je m'assure que la plupart aura pensé que ce fust quelque necessité de biens de fortune, & l'espoir d'en acquerir par les honorables effects de vostre liberalité: neantmoins beaucoup de ceux qui ont mieux & plus long temps recogneu mon libre naturel, & la curiosité par laquelle i ay tousiours recherché les qualitez plus sçaites au Gentil homme bien né, n'ont pas fait difficulté de croire, que rié ne me poussa & retint tant à vostre seruice, qu'un honeste desir de pouuoir comprendre & retenir quelques traités de beaucoup de nobles & loüables parties qui se pouuoient aprendre, comme en vne escole de vertu, ayant moyen de veoir d'ordinaire vos accorts & genereux deportemens. Et ceste passion auoit commencé à me posseder dès mon enfance: car estant page & encor fort petit, ie commençay à veoir que tous les Princes, & generalement toute la plus braue & curieuse Noblesse de la Cour, raschoient soigneusement à se façonner à la Danulle, recherchant l'exemple de tous vos gestes iusques à la moindre propreté qu'il voyoit en vos habits, ce qui pouuoit aucune fois reussir aux plus habiles. Mais en ce que vous vouliez particulièrement monstrier vostre merueilleuse grace & Martiale dextérité, mesmemēt estant à cheual armé ou desarmé, ie puis dire avec verité n'auoir veu en ma vie Cheualier qui vous aye peu bien imiter. Par ainsi quand vous n'eussiez esté que simple Gentil-homme, tant de belles qualitez qui vous faisoient admirer m'eussent tousiours adstraint à vous dōner comme ie feus ma tres humble affection. I'vsay encor à present s'il vous plaist, Monseigneur, de ceste mesme franchise, vous offrant en toute humilité ce secōd traité de mon Canalerice, cy deuant voué à Monsieur le Comte d'Osemon vostre fils defunct, à qui i auois heureusement donné les principes de tous ces plus beaux exercices à cheual & à pied, & lequel ie cherissois par vne extreme amitié pleine de reuerence & de respect, tant à cause du bon vouloir dont il luy plaisoit m'honorer, que parce qu'il promettoit desia en son aage pueril, par ses douces mœurs & agreables actions, l'imitation de vos vertus; & ceste belle ame quittant le monde pour aller à Dieu, me laissa le dueil perpetuel de la plus grande perte que ie pense auoir iamais faite. Or en cest offre que ie vous fais, Monseigneur, qui est comme mon chef-d'œuvre, se trouueront expliquees & figurees beaucoup de belles & viles proportions modernes qui ne pourront estre bien cogneues ny practiquees que par les plus excellens hommes de cheual. C'est pourquoy ce subiect ne regarde pas seulement la protection de vostre grande autorité, mais plu-

si, si la longue & rare experience que vous auez acquis en l'exercice de cet art, & la certitude que vous estes plus capable d'en iuger que Seigneur ny autre qui o ait iamais veu en ce Royaume. Je scay, Monseigneur, que cest a uure n'est pas digne de vostre veuë, ny de l'appuy de vostre grandeur; toutes fois ie la supplie tres-humblement de la vouloir agreer & accepter, puis qu'elle vient & vous est offerte par

Vostre tres-humble & tres-fidele seruiteur,  
SALOMON DE LA BROVE.

SONNET.

**R**appant d'un pied pondreux le pied du  
mont Parnasse,  
Pegase fit sortir le doux coulant ruisseau,  
Qui va precipite, abreuer de son eau,  
Le vert des prez herbeux qui iamais ne se passe.

La BROVE tout ainsi regardant face à face  
Et pressant de sa main le beau tetin gemeau  
De la neuuaine trope en tire vn suc nouveau  
Qui de bonté, douceur, le doux Nectar surpasse.

Vi donc, cheual heureux au milieu de la pree  
Que tu fais ondoyer de ta diuine onglee:  
Et toy Bellerophon raiui sur les sommets;

Du haut mont consacré aux Nymphes Pierides,  
Après l'auoir armé de selle, mors, & brides,  
Succede doux Nectar & te pais de ses mets.

A. ROUSSEAU:

SONNET.

**L**A BROVE, c'est auurer surnaturellement  
Qu'auurer en ta façon: Raison la raison tire  
Comme le feu, le feu, la terre, terre attire,  
L'eau coule avecques l'eau, de leur droit mouuement.

Mais douër de Raison, adresse & iugement  
Ce qui est sans raison, est chose qu'on admire  
Autant que si le feu, ou l'eau pouuoient eslire  
Leur domicile es cieus, dans le haut element.

C'est toutes fois ainsi que tu auures la BROVE,  
Digne d'estre admiré: ainsi ta raison douë  
Le cheual de raison, tes escrits en font foy.

Et ces contraires ioints par ta belle science,  
De toy avec la mort ont fait telle alliance,  
Que des mesmy tu n'es plus suiet à sa loy.

I. BOYSSEVL:

SONNET.

**E**gètil Rossignol au mois delicieux  
Dégoise ses fredons sur le mollet herbage,  
Aux oyseaux debattant l'honneur du vert bocage,  
Son chant est dessus tous le plus melodieux:

La Brouë, tout ainsi vos écrits gracieux  
(Adoré d'un chacun admirant vostre ouurage)  
Debatent les lauriers aux premiers de cet aage,  
Qui defia vous sont deuz comme victorieux.

C'est pour auoir trouué parfaitement l'adresse  
Des cheuaux façonnant la Françoisë ieunesse,  
A toute autre vertu qu'on vous en doit l'honneur.

Quant à moy, s'il vous plaist accorder m'a demande,  
De grace receuez ces vers pour mon offrande,  
„Le recueil entre amis oblige le donneur.

Le Seigneur du Bourdet,

Pulchrum mori succurit in armis,



## SECON D LIVRE DES PRECEPTES DV SIEVR DE LA BROVE, SVR L'ORDRE DES PLUS

IVSTES PROPORTIONS DE TOVS LES

beaux airs & maneges.

### PREFACE.

**D** OVS les hommes de cheual, & mesmes les meilleurs maîtres, ont toujours eu certaine inclination à quelque air, ou manège particulier, qu'ils ont aussi mieux pratiqué que tous les autres, qui se peuuent exercer selon l'art: qu'il soit ainsi, l'on void ordinairement que les vns ont beaucoup de naturel à dresser les cheuaux terre à terre, qui neâtmoins ne rencôtrrent pas facilement les temps des maneges releuez: Les autres à demy air, & aux courbettes rabatuës, qui resoluët mal les cheuaux de guerre, & qui se perdent aux airs plus gaillards: les autres donnent beaucoup de legeresse, & de grace aux groupades, qui ont de la peine à faire rabatre nettemēt vne mesure plus estroite, & ne sont assez nerueux ou n'entédēt pas bien les vrais temps, & mouuemēs des bōs sauts: d'autres qui leuent & portent les sauts par des aydes grādes & faciles, sur tous les airs & maneges que le cheual les peut fournir, qui toutesfois n'ôt pas beaucoup de iustesse aux proportions plus basses: d'autres luy donnent ou cōseruent en maniant, la legeresse & facilité de la bouche, qui luy laissent la teste vague avec trop de liberté: d'autres qui luy assurent curieusement le col & la teste, mais ils endurent d'autant l'appuy de la bride: d'autres qui generallemēt entédēt bien les temps, de tous les airs releuez, qui ne gardent pas beaucoup de iustesse aux proportions du terroir, & d'autres qui obseruent si estroittement vne grāde iustesse, (auāt qu'auoir acquis la facilité suffisante, en ceste pratique) que la franchise, disposition, & legeresse du cheual en est amortie: & ceux qui ont plus de iugement, & de dexterité peuuent plus acquerir de ces belles, & principales parties ensemble, sans que les sūldits desordres s'en ensuiuent. J'ay veu en diuers lieux aucuns excellens hōmes en cest art, mais fort peu, qui également ayent bien fait & entendu les aydes, chastimens, & iustesses de tous les beaux exercices qui en dependent. Et sur tous les plus dignes maîtres que j'ay cogneus, ie dōne la supreme loüāge au Seigneur Iean Baptiste Pignatell, dōt la memoire doit estre à iamais honoree parmy les hōmes de cheual, cōme de celuy, qui le premier inuēta la iustesse de nos escoles, & qui a cōmencé de nous mōstrer le vray ordre des plus belles proportions de tous nos airs & maneges bas, mediocres, & haūts: Toutesfois ie ne sçay si pour cela, ie dois dire qu'il aye apporté beaucoup d'vtilité, d'autāt que pour vn qui pourra auoir bien cōprins la perfection de ces reigles, ie m'assure qu'il y en aura vne infinité qui les penseront sçauoir, & qui neâtmoins ne les entédērōt peut estre iamais, quoi que desia il n'est si petit escuyer de quatre, ou cinq ans, d'escole, qui ne tasche de les mettre à son vsage, à tort ou à tra-



uers. Et ce qui en est plus fascheux, il n'y eut iamais tât de cheuaux retifs, ramingues, auillis, falsifiez de col, de bouche & de queue, rebutez & estropiez, que nous voyôs à present. Ce sont aussi les communs effects des régles plus iustes, & plus excellentes, estant mal effectuees: car par icelles le Caualerice presumptueux, impatient, & mal fondé, peut gaster vne infinité de bons cheuaux, en se flattant, & presumant de faire aussi bien, ou mieux, que les meilleurs maistres. Et au contraire elles peuuent reduire le cheual à beaucoup de perfectiôs, estans bien entredues, & appropriées selô les conceptions des doctes inueteurs. A cause de quoy ie voudrois, que ceux qui ont plus de sçauoir en cest art, tinssent pour maxime, de ne faire ny laisser iamais recognoistre, l'estroît & plus obseruée iustesse de nos exercices, aux ieunes hommes escoliers, non plus qu'aux cheuaux, si premier il ne sont bien fondez & disposez pour en faire leur profit: & si le commun de ceux qui font les maistres, yeulét prendre mon aduis en bonne partie les conseille de, ne s'amuser pas, par vne trop curieuse presumption en certaines iustesses modernes recherchez de plusieurs: mais seulement cōuenables à ceux, qui sans presumer d'eux mesmes plus qu'ils ne deuoiēt avec le tēps, le traual & la patience sont venus de degré en degré, quasi à la perfection de cest exercice. Ains plustost qu'ils se mettent en deuoir par vne exacte diligence, de bien cōprendre toutes les raisons, proportions & mouuemens que i'ay voulu expliquer, le plus facilement que i'ay peu en ce Second Liure, sur peine d'estre contraincts, (apres beaucoup de traual d'esprit, & de corps) de reculer, & retourner tous cōfus, & mal cōtents à leur premier & ordinaire style, ou de n'auoir autre contêtement en leur erreur, que celuy que leur apportera l'esperance de rencontrer & apprēdre deux mesmes ce qu'ils cherchent, à quoy ils ne sçauoiēt paruenir, sans l'aide de ceux qui auront plus de sçauoir, auxquels peut estre ils penseront faire trop d'honneur, où estans saisis de la commune & vaine ambition, craindront d'offencer leur reputation, recherchant en la suffisance d'autrui, ce qu'ils n'auront peu bien comprendre. Combien de Caualerice ay-ie veuz, & yail encores de ceste humeur glorieuse, qui ne voulans ceder aux plus excellents maistres, cherchent couuertement les moyens de les voir traualier, aux iustesses de leurs escoles, pensans au partir de là effectuer iustement, & bien à temps, ce qu'ils se presument auoir desrobé, & estre exempts d'obligation, comme du regret d'en confesser l'imitation: sans considerer que par ceste finesse inutile, ils ne peuuent descouurir ny recognoistre, que ce qui est le plus general & apparent, ny rien conceuoir de ce, qui excède leur capacité. Et quand bien ils auront comprins beaucoup des plus belles & iustes proportions, c'est assauoir si pour cela, ils en cognoistront les fondemens, ou s'ils iugeront bien en quel estat d'escole, & à quelle nature de cheuaux, elles seront propres. Et si est-ce que sans ceste cognoissance, leur acquisition fortuite, ne sera pas seulement vaine, mais le sujet d'une infinité d'erreurs. Nonobstât tout cela ils presumeront que ce leur sera vne grande preuue de suffisance, de faire manier des cheuaux à courbettes, groupades ou sauts, chose qu'on a pratiqué bien ou mal, il y a enuiron cinquante ans, aux moindres escoles d'Italie: Mesmes ie puis dire avec verité, qu'en mes premiers coups de sçay, estant encore presque ignorant en cest art, i'ay aidé à dresser a tels airs & maneges, vn asne, qui faisoit esmeruiller le peuple badin. Mais depuis ce temps, tels exercices se sont rendus si familiers, qu'à present il n'est pas iustiques aux laquais qui ne les sçachent apprendre aux singes & aux chiens. Je m'attens de voir encore que les bergers en feront faire de mesme à leurs moutôs & aux boucs: ie dis aussi bien pour le moins, que plusieurs de ceux, qui pensent estre bien entendus & subtils Caualerices, les font faire à leurs cheuaux mieux dressez. Surquoy ie ne diray sinon, que ce n'est pas de ce temps seulement, que les plus beaux arts ont esté diuersement pratiquez ou prophanez par plusieurs sortes de personnes: toutes fois en tous aages on n'a veu reussir que fort peu d'excellens artizans, principalement en

ceste exercice, qui semble estre si cōmun. Je suis donc d'aduis que les cheualiers mieux nés & plus industrieux, taschent de s'acquérir l'honneur & contentement d'estre de ce petit nombre, & non pas s'arrester à certaine routine grossiere, rigoureuse & depourue de bon fondement & de raisons pertinētes. Aussi n'est-elle approuuee que de ceux, qui sont les moins iudicieux & sçauans en ceste honneste vacation. Je ne m'ebahi plus si plusieurs suffisans Caualerices de ma cognoissance ont souuent voulu faire leurs maneges à l'escart & quasi seuls. Entre lesquels, ie sçay que le seigneur Horace de la mare, nepueu du seigneur Iean Baptiste Pignatel, se cachoit d'ordinaire; quand il vouloit adiuſter & affiner l'air, & le manège de quelque cheual, digne de ses plus belles leçons, non pas estant fâché, (comme chiche de son sçauoir,) qu'on decouurist vrayement l'excellence de ses reigles: car il en estoit assez liberal: mais seulement pour ne pouuoir patiemment supporter, le desſeins de les voir pratiquer sans ordre, ny iugemēt, à certains mauuais & presumpueux imitateurs, qui ne s'estimoient pas beaucoup moins sçauans que luy, quoy qu'en son art, il fust le principal chef-d'œuvre, que son oncle eust iamais fait. Or me resſentant, comme ie dois, du bien & de l'honneur, d'auoir fraternellement possédé, tant que j'ay voulu, non seulement l'entiere amitié, de ses deux tres dignes, & rares personnaiges, mais aussi leur vertueuse & domestique conuersation. Je veux faire paroistre en ce second liure, leur belle & artificielle curiosité, à tous les hōmes de cheual de ce temps, & à l'aduenir aux successeurs de nos escoles: & vsant de ma franchise & liberalité naturelle, ie ioin dray aux enseignemens de ces deux, & de quelques autres excellens personnaiges les obseruations, que mes longues peines on fait naistre, en mon peu d'entendement. Je m'assure que la plupart des hommes de cheual, qui seront capables de comprendre, & de bien effectuer ce qu'ils trouueront icy apres assez grossierement expliqué, confesseront en leurs consciences, qu'ils auront auparauant esté fort esloignez de leurs pensees, d'autres entendront aussi peu ce qu'ils liront, comme si le discours n'auoit rien de commun avec leur profession, & d'autres qui tous confus entreront en doute de la vraye pratique des reigles, & leçons representees par les raisons, & figures qu'ils ne pourront bien entendre. Surquoy ie les aduise de nouveau, que tout ainsi que le bon Caualerice ne doit iamais rechercher, & contraindre le cheual, à ce que ses forces, disposition & memoire ne peuent fournir, il ne doit non plus temerairement entreprendre de faire plus qu'il n'entend soy mesmes, que pour se mettre en deuoir de l'apprendre des meilleurs maistres, & veux encore redire, que c'est erreur de croire qu'on se puisse rendre bon Caualerice, seulement par la lecture, puis que les effects d'un tel exercice, consistent en l'action & aux iustes mouuemēs du corps & des membres, si ce n'est que voulant effectuer ce qu'on aura leu, on soit assisté & secouru des maistres plus excellens: i'entens pourtant, que l'ample & profond discours de ce qu'on entreprendra, en soit vn principal gouuernal. Mais il doit estre secondé de la bonne pratique, & entre autres de mes communs desirs, c'est que l'escolier de c'est art, se souuienne pour l'amour de moy, qu'il est mal ſeant à celuy, qui ſçait bien faire quelque honneste exercice, d'en parler long temps & trop souuent, mesmement quand il en dit beaucoup plus qu'il n'en ſçauoit faire.

PROPOSITION GENERALE POVR

LES LECONS DE CE SECOND LIVRE.

CHAPITRE I.

**T**OUT ainsi que l'architecte qui a cōmencé vn edifice, sans auoir pluſtoſt recogneu si la place de son plan, est capable de'en ſouſtenir les fondemens, ne se doit esmerueiller si lors qu'il pense auoir beaucoup aduancé son œu-



ure, il trouue ses peines, & despenſes perdues & ſa bõne reputation d'autant amoindrie, auſſi quand le Caualerice entreprẽd de bien dreſſer vn cheual, ſans recognoiſtre le naturel, & les forces d'iceluy, il ne doit trouuer eſtrange, ſi la pluſpart de ſes moyẽs & trauaux, ſont cõmunẽment inutiles, quoy qu'en exerçat des cheuaux dreſſez, il ſcachẽ iuſtement garder les proportions de tous les plus beaux airs & maneges: car la iuſte pratique & le tẽps de la main, & de la iambe, ſe peut apprendre en trois ou quatre ans. Et quoy que ſes parties ſoyent belles & neceſſaires, ſi eſt ce que les effets en ſont incertains & ſouuent preiudiciables, ſans la cognoiſſance & le propriẽgement, tant de l'inclination & complexiõ du cheual, que des occaſions auſquelles, il faut diuerſement vſer des leçons, & bons remedes de l'art, choſe qui ne ſe peut bien comprendre q̃ par l'affectiõ naturelle de l'eſprit curieux, & la longue experiẽce des bõnes eſcoles pourueüs de pluſieurs cheuaux de diuers courages & tẽperamẽs: & pour pouoir paruenir en la bonne pratique de tel exercice, il eſt neceſſaire que le Caualerice ſcachẽ premierement que le cheual eſt de ſa nature generalẽment moins adroit que nerveux, plus timide que courageux, plus colere que mal faiſant, qu'il a beaucoup d'aprehenſion & peu de memoire, meſmes tãt plus il eſt ſenſible & vigoureux: que ſi aucunes fois on luy voit faire des choſes appriniſes, auſquelles il obſerue pluſieurs actiõs & mouuemens d'obeiſſance, de iuſteſſe & d'eſgalitẽ, c'eſt plus par la crainte des bons chaſtimens, qu'il a accouſtumẽ de recevoir, ou par la longue habitude des bonnes reigles bien pratiquẽes, & refaites vne infinitẽ de fois, en leur vray temps & occaſiõs que pour ſe bien ſouuenir de l'ordre des leçons qu'on luy a donnẽ: & quãd il entre en quelque deſeſpoir, c'eſt plus pour euitẽ & fuir l'extreme douleur, ou la lubiectiõ qu'il reçoit ou qu'il apprehende, que pour entreprẽdre contre celuy qui le tourmẽte. Il eſt bien vray qu'il y a des exceptions en certains cheuaux, auſquels auſſi il ſe faut ſeruir des remedes extraordinaires: mais pour bien obſeruer les maximes generales, & plus neceſſaires en la bonne eſcole, & auſquelles pluſieurs tenus pour bons maĩſtres neãmoins ſe perdent manquans de iugement. On doit vſer d'vne grande patience, ayant affaire aux cheuaux coleres ſanguins, les tenans plus en crainte qu'en ſubiection, parce que d'autãt qu'ils ſont naturellement ſenſibles & apprehenſifs, les remedes & chaſtimens plus contrainsts, les peuuent rebuter & deſeſperer: & à ceux qui ſont coleres aduſtes, il faut auſſi obſeruer en leur exercice beaucoup de diſcretion, & de diligence pour les diuertir de leurs mauuiſes impreſſions, premier qu'ils facent les deſordres qui ſe peuuent euitẽ: parce que communẽment ils ſont timides & malicieux, & par conſequẽt la douceur & les careſſes, ne les reduitẽ pas à l'obeiſſance, & la rigueur de l'eſcole les auiliſt ſouuent: & en recherchant ceux qui ſont coleres ſlegmatiques, il eſt neceſſaire d'vſer de leçons courtes, faciles, & ſouuent refaites en diuers & differẽs lieux, tant à cauſe qu'ils ſont ordinairement plus foibles de memoire que les autres, que parce qu'ils n'ont pas beaucoup de force ny de courage: & quoy que d'ordinaire les ſanguins melancoliques, ſoyent plus patients, & moins malicieux que ceux qui de leur nature, ſont autrement compoſez, il faut auſſi en les exerçant, garder cõmunẽment vne mediocritẽ ſagement iugee, entre la douceur & la rigueur de l'eſcole afin de conſeruer toujours leur facilitẽ & bonne inclination. Pour toutes ces conſiderations, le Caualerice doit toujours proportionner en ſon eſcole l'exercice du cheual, aux forces qu'il deſcouure en luy, l'habitude de ſes leçons, à la memoire qu'il y recognoiſt, & les menaſſes, chaſtimens, & careſſes à la diſpoſition du courage qu'il peut auoir, cõme il ſe trouuera cy apres en leurs lieux par ordre, & ſi i'vſe ſouuent de redites, le Lecteur doit auſſi auoir eſgard, qu'il eſt communẽment beſoin en la pratique de ces exercices, de faire pluſieurs fois vne meſme choſe, en diuerſes occaſions.



## EFFECTS PRINCIPAUX DV TROT ET DV

*galop, qui peuuent disposer les bonnes parties que le cheual doit auoir pour rendre les plus beaux maneges en leur perfection.*

## CHAPITRE II.

**L**A premiere, & principale obeysſſance neceſſaire en to<sup>s</sup> les airs & maneges du cheual de cāpaigne & de carriere, deſpend de ſa bōne inclinatio<sup>n</sup>, de ſes forces, diſpoſition, legerreſſe, facilité d'aleine, & ſincerité de bouche. Toutes ces Parties neceſſaires ſe doiuent, & ſe peuuent generalement bien diſpoſer par le trot, & le galop, diſcrettement & iuſtement pratique: Aſſauoir les forces, diſpoſition, facilité d'aleine, & bonnē inclination: parce que les mouuemens du trot, aduert<sup>y</sup> & bien ſouſtenu, & du galop ayſé, & neantmoins vigoureux, ſont les mediocres exercices, qui par l'art ſe peuuent donner au cheual, & par conſequent ſe trouuent plus tempe- rez, ſupportables & amis de nature, que les moindres ou plus violens: la legerreſſe, à cauſe que tous les mouuemens du trot ſe font, le corps du cheual eſtant touſiours porté d'un coſté ſur vne iambe de deuant, & de l'autre ſur vne iambe de derriere: tel- lement que le deuant, & le derriere eſtans enſemble, ainſi également ſouſtenus de biaux, le Caualerice à moyen d'alegerir l'appuy, & la teſte du cheual, ſans luy rompre ny alterer la bouche, & de luy deſgourdir les membres ſans les offenſer. Le tempera- ment de la bouche ſuuiuent auſſi, par la commodité de l'action du galop: d'autāt qu'il faut neceſſairement que le cheual leue à tous les temps, les deux eſpaules & les bras enſemble: de façon que le deuant n'eſtant ſouſtenu en tels mouuemens, iuſques à ce que les mains redonnent en terre, cela ſert de commodité au Caualerice de receuoir, & ſouſtenir peu à peu, la deſcente deſdits mouuemens de galop, par la fermeſſe & ſubtilite du bras, & de la main de la bride, & de dōner par ce moyen l'appuy à la bou- che, qui en a faulte: mais il faut en ceſte derniere occaſio<sup>n</sup>, que le galop ſoit aſſez reſolu: partant les principaux effets du trot ſont propres à la legerreſſe, & ceux du galop à la fermeſſe de la bouche, j'entends, comme j'ay deſia dit, le trot eſueillé, racourcy & ſou- ſtenu: car au contraire quand il eſt abandonné & trop continué, il appelle tant & quelques fois plus, les eſpaules, le col, la teſte, & l'appuy du cheual, qui eſt bas ou chargé de deuant, ou qui a la bouche trop charnuē ou dure, que pourroit faire le ga- lop mediocre: & le galop trop retenu peut aucun fois faire deuenir ramingue, & af- foiblir de bouche le cheual qui naturellement eſt leger à la main, tout ainſi qu'eſtant trop furieusement agitē, il peut trop endurcir l'appuy, qui de ſoy eſt à pleine main.

**Q**UOY que par ces raiſons l'exercice du galop, n'eſt pas neceſſaire à la ſoupleſſe les membres, ny à l'obeysſſance des cheuaux trop chargez, qui peſent à la main, ſi eſt ce qu'il ſert beaucoup à faciliter la bouche de ceux, qui ont trop de fougue: d'autant que ſi d'ordinaire le galop eſt legerement & lentement, ou mediocrement diſpenſé, il leur peut avec le temps accroiſtre l'aleine, & faire perdre l'apprehenſion ou trop gran- de affection de courir, qui eſt la cauſe principale des difficultez des bouches, de la pluſpart des cheuaux fort ardens & courageux. C'eſt pourquoy, j'aduife le Caua- leric qui faiſt vne reigle generale d'appaiſer, & rendre bon à la main le cheual ſouſpōnneux, & de peu de memoire, en le faiſant longuement trotter, que le re- mede en eſt trop lōg & incertain: car quād il l'aura exercé cinq ou ſix mois, voire vn an, couſtumierement au trot, & qu'il penſera l'auoir deſia bien appaiſé, voulant a- pres commencer à le faire galopper, il le pourra remettre par ce moyen en ſa premie- re action, fougouſe & ſouſpōnneuſe, à cauſe que la furie & velocité de la courſe, n'eſt autre choſe que les mouuemens du galop eſtendus, halez & determinez: ſelle- ment que pour diuertir le cheual impatient, de ce grand, & naturel ſouſpōn, qui le tient ordinairement hors de l'obeysſſance de l'eſcole, il eſt neceſſaire de luy faire douce-

ment accoustumer, par vne longue pratique, le commun exercice du petit galop, l'et & facile, afin que par l'habitude diceluy, il perde le trop grand desir d'aller plus viste, & sur tout, il ne le faudra faire courir à toute bride, qu'une fois le moys au plus, & encores le doit-on remettre à tous les coups, vn peu sur le petit galop, par le droit, auant que descendre: c'est comme il faut iuger, & se seruir des diuers effects du trot, & du galop. Mais ce n'est pas tout de comprendre tous ces preceptes, car on les doit scauoir proprement pratiquer estant à cheual, selon les leçons suyuantcs.


PREMIER ADVERTISSEMENT SUR LA IVSTESSE

*de tous les airs & maneges, & pour alegerir & faciliter l'appuy de la bouche du cheual, qui poise ou qui tire à la main.*

CHAPITRE III.



A principale curiosité que doit auoir le Caualerice desireux de reduire par son art & sa diligence, le cheual en la perfection de ses plus beaux exercices, est de le rendre premierement paisible, & bon à la main: car de la faut que naisse la fraîche, & facilité de tous les beaux airs & maneges. Or pour ranger ainsi le cheual, qui a desia quelque bon commencement d'escole, & qui neantmoins pour estre pesant ou trop fougoux s'abandonne, se bande ou s'appuye trop sur la bride en trottant, & en galoppant tant aux voltes, que par le droit, il luy faut assembler & retenir en obeissance les forces: Mais il est aucunes fois necessaire de se departir des reigles ordinaires: d'autant que le plus souuent elles sont inutiles à tels cheuaux, à cause que, comme j'ay desia dit au premier Liure, les communs exercices & chastimens longuement continuez avec violence, leur peuuent souuent, ou amortir la souplesse des membres, ou plustost assouplir, & endurcir que alegerir l'appuy de la bouche, tant à cause de la lassitude, qui suruient facilement aux foibles ou plus pesants que de l'aprehension, qui laisist d'ordinaire ceux qui ont plus de fougue. C'est pourquoy ie veux maintenant que le Caualerice obserue en chacun de ces ronds, grands & ordinaires quatre quartiers, comme ils sont icy representez.



## Des Preceptes.

ii

Si le Caualerice veut faire recognoistre ces ronds ordinaires au cheual, allant le pas, auant que le mettre au trot, sans doute il le trouuerra apres plus libre en trottant & tournant, que s'il commençoit de trotter, sans estre plustost aduertý de l'espace, & rondeur de sa leçon: toutesfois quand le cheual sçait trotter & galopper facilement large & estroit également à chaque main, & bien parer, ie n'approuue pas qu'on luy continue tousiours la reigle d'estre pourmené sur la proportion de son manege, premier que le resoudre en iceluy, car l'habitude de cest aduertissement le pourroit rendre negligent: mais en quelque sorte que le commencement se face, si apres que le Caualerice luy aura fait faire deux ou trois voltes de trot à chaque main, il le sent tirer ou trop appuyer sur la bride, lors il l'arrestera tout court & droit, côme dessus vn des cartiers qui se voyent cy auant marquez, choisissant tel qu'il voudra, & s'il est besoing le fera reculer de pas, selon qu'il aura trouué abandonné ou dur à l'arrest, sans que pour cela, les quatre pieds partent, ny s'esgarent de la piste arrondie,

L'AYANT ainsi assemblé, il le faudra faire doucement repartir d'vn bon trot d'escole, & le parer tout de mesmes sur l'autre cartier plus proche, continuant ceste reigle de cartier en cartier à chaque main, & faisant en l'vne & en l'autre, à tous les coups, trois tours ou plus ou moins, selon qu'il sera besoing pour le tenir en l'obeyssance de ses larges, & premieres leçons.

IL faudra obseruer la mesme reigle au galop, hors mis que d'autant que les mouuemens sont plus auantageux, au lieu qu'en trottant la voltre doit estre au commencement composee de quatre arrests, celle du galop le sera de trois, principalement si elle est plus estroite que les ronds medietes & ordinaires.





MAIS si en faisant ces leçons le cheual apprehende recognoist tellement les surprises de ces arrests continuez, qu'il ne vucille ou n'ose repartir apres auoir paré ou reculé: ou que arriuant au quartier plus proche ou autre il s'arreste de soy, alors il le faudra faire passer outre, sans interrompre s'il est possible le trot ou le galop, & l'arrest.



ster sur le cartier qu'il soupçonnera moins, gardant tousiours les iustesses de l'arrest. Et en le supprenant ainsi d'ordinaire sur tous les cartiers qu'il cuydera licentieusement passer, transporté d'impatience, ou qu'il s'abandonnera trop pesamment sur le deuant, & le chassant par des menasses & chastimens, propres à son naturel, de tous les cartiers qu'il se voudra arrester, outre le gré du Cavalierice, sans doute le continuel soupçon de ces subiects remedes diligemmet pratiquez, fera cause qu'il s'abandonnera moins sur les espauls, & sur l'appuy de la bride) s'il est naturellement pesant) ou qu'il distribuera ses forces, vigueur & disposition, avec moins de violence, s'il est trop sensible & fougoux, tellement que par le stil de ces leçons, il se pourra rendre leger & aysé à l'exercice & manège du trot & du galop.

Si en l'exercice susdit, les ronds sont placez comme ils sont icy representez, le cheual recognoistra moins les changemens & separations d'iceux, & par consequent se rendra plus attentif aux actions du cheualier.





A pour entrer ou pour fortir. B pour changer de main en croissant.

Je diray icy en passant que les cordes du caueſſon, & les renes eſtant ordinairement tenuës aſſez longues & hautes, allegeriſſent la bouche, & relèuent la teſte du cheual, qui de ſoy eſt parreſſeux ou trop chargé, moyennant le vray temps & l'air du bras & de la bonne & legere main: mais elles n'apporteront point de fermeſſe ny de reſolution à la teſte ny à la bouche, qui ſeront naturellement eſgarees, ou foibles: & les cordes & renes eſtant tenuës aſſez baſſes & ferrees, elles rameneront & aſſeureront les reſtes & bouches qui ſeront trop vagues: mais elles endurciront l'appuy qui de ſoy fera à pleine main, & la mediocrité de ces deux poſtures de bras & de main, & de ces meſures de cordes & de renes, pourra a legerir, ramener & aſſeurer enſemble, les teſtes & bouches communes.

QUAND LE CHEVAL REFUSE DE GALOPPER  
aux ronds plus communs soit à faute de pratique ou estant rebuté.

## CHAPITRE III.



PARCE que ie sçay que le cheual peut faire plusieurs mutations aux premiers & susdits exercices de galop sur les ronds ordinaires, & mesmes qu'il se peut aucunesfois rebuter par telle obstination que seulement il ne refusera de tourner en galoppant, mais aussi se defendra ou se mettra en fuite, quand on le voudra contraindre, il me semble que tels vices suruenans, on doit vser des communs remedes & chastimens de cest art, lesquels, peut estre, rameneront & rengeront le cheual licetieux: Toutesfois si le Caualerice n'est sage & bien entendu, par les mesmes moyens, trop continuez ou mal effectuez, il le pourra auillir ou desesperer, selon qu'il trouuera son temperament diuersement disposé avec les forces & haleine: Et pour eui-ter en telles occasions la rigueur, qui amene souuent beaucoup d'accidens differens & preiudiciables, ie suis d'aduis qu'ayant battu ou menacé le cheual, (taschant de luy faire recognoistre sa desobeysance) au lieu de s'ahurter opiniaistrement recou- rant aux effects des plus aspres contraintes de nos escoles, on cesse pour quelques caualcades, les coups, les douleurs & les menaces, & qu'on eslargisse beaucoup l'espace des premiers & plus grands ronds: Asçauoir premierement au pas & au trot: Et quád le cheual aura recogneu ceste grande largeur du tout extraordinaire, il le faudra met- tre paisiblement au petit galop sur la mesme piste & d'iceluy faire seulement vn tour, commencé & finy comme au lieu de la lettre A, marquee en ceste figure, & soudain le remettre au trot & en fin au pas estrechissant la piste paisiblement peu à peu en forme de limaçon iusqu'au centre de ce rond marqué B, & en ce lieu l'arrester pour luy ren- dre la main & redonner haleine, le caresser & le rassurer. Apres il faudra allant dou- cement au pas prendre le tour à l'autre main & faire la semblable reigle au mesme rond ou en autre place.





AVANT ainsi commencé d'appaiser le cheval par ceste escole extraordinaire, il faudra augmenter le galop à toutes les caualcades d'un quartier ou demy rond sur la mesme piste, observant tousiours les susdites fins iusqu'à ce qu'il face deux tours sans rompre le galop, continuant encor' apres le mesme stil, pour croistre d'un troisieme tour finissant sur tout au centre par le trot & le pas: Car au moyen de ceste fin estrechie de si loing, & par les caresses receuës sur le lieu du centre marqué, B. le cheval perdra peu à peu (& sans estre plus asprement tourmenté) le desir vile ou malicieux des'escarter de l'escole, commel'on pourra voir en l'experience bien recherchée: Et de la bonne habitude de ceste premiere proportion ( apres l'auoir discrettement reduite en moindre espace ) naistra avec le temps, la facilité du manège de guerre.

C piste pour partir du centre alant changer de main sur la circonference.

B b ij

## LES CHEVAUX QVI TIRENT PLUS A LA

*main en galoppant par le droit que sur  
les ronds.*

## CHAPITRE V.



L'adient communément que les cheuaux plus courageux pefent ou tirent plus à la main, en trotant ou galoppant par le droit que sur les voltes, principalement s'ils ont les membres foibles: La raifon eft, que le cheual chargé & puiant, fe trouue naturellement plus cōtraint de tenir fes forces vnies pour pouuoir bien tourner, que pour aller par le droit: & s'il eft impatient, l'action de la volte eftant auffi raccourcie & circonuë en fon efpace limité, luy occupe beaucoup plus la force des reins, la memoire, & la veuë que ne fait l'alle de long, qui au contraire fe rapporte à l'inquietude, d'autant qu'il femble n'eftre point borné, ou l'eftre beaucoup moins que les voltes. Il faut donc faire communément vne partie, & mefme la fin des fufdites leçons, en allant par le droit, faifant les diftances des arrefts courtes, mediocres, ou longues: felon que le cheual fe vouldra trop auancer, ou qu'il rendra le galop leger & attendu efcoutant l'aduertiffement du cheualier, & fur tout ne le laiffer iamais repartir apres l'auoir arrefté, tant que l'impatience le fera tirer à la main pour fe vouloir auancer, fans attendre l'action de celuy qu'il exerce, ny quoy qu'il perde la fougue, que premier il ne luy ait fait faire pour le moins vn ou deux pas de patience, autrement cefte reigle feroit imparfaite, & peut eftre inutile: mais eftant pratiquée avec bon iugement, elle apportera en peu de temps beaucoup de legeresse, & de facilité aux cheuaux des fufdits naturels, pourueu qu'ils foient affez nerueux & fermes fur les membres pour refifter à l'exercice.

Et parce qu'une leçon, tant soit excellente, ne peut communément eftre propre à tous cheuaux, bien qu'ils fuissent d'une mefme cōpōfition, l'aduife le Caualerice qu'il aduendra ordinairement en la fufdite reigle, que le cheual fenfible, qui eft trop long de corfage ou foible de reins, d'efpaules, de iambes, ou de pieds, fe ramencra avec tant de peine pour bien faire & continuer les fufdits arrefts fur le derriere, qu'il fera de trois defordres vn ou deux, & quelques fois tous les trois enſemble. C'eft qu'il refuſera de repartir, ayant eſté ſouuent ſurpris au parer, ou qu'eſtant party il ira trop retenu comme vne eſpece de tracanart, n'oſant reſoudre le vray mouuement du galop, ou au lieu de ſe mettre au galop ayle & attendu, il conuertira le temps d'iceluy en des eſſans abandonnez, penſant par le moyen d'iceux, euitier, & fuyr la ſurprinſe & ſubiection des arrefts: En quoy il faut neceſſairement que le bon Caualerice viſe de beaucoup d'art & de patience, affauiſſer, qu'il luy rende la main ſubtilement, ſouuent & bien à temps: car il faut que la ſincerité du courage & celle de la bouche, ſe rapportent ſi l'on veut iouir de l'obeyſſance: qu'il ne le batte que le moins qu'il ſera poſſible, pour ne le mettre en plus grande confuſion ny en deſeſpoir, ains doucement luy laiſſer prendre de ſoy le temps du petit galop: qu'il ne l'arreſte plus ſi ſouuent, meſmement lors qu'il ſouſpōnnera trop la ſubiection de l'arreſt, afin de l'appaiſer peu à peu, luy donnant moins d'occafion de craindre la ſurprinſe & l'effort du parer: qu'il le laiſſe affez long temps galopper le plus lentement qu'il ſera poſſible, pour luy oſter la violente apprehenſion de la courſe & pour luy aſſeurer & accroiſtre l'alcine: Et finalement qu'il le pare d'ordinaire aupres de quelque muraille, ou en autre lieu qu'il le contraigne de ſe retenir, & de cōſentir à la parade ſans

qu'il soit besoin de tirer beaucoup la bride, ny les cordes du caueffon, cōtinuant cest ordre iusques à ce que la pratique l'ayt disposé à l'obeyssance & facilité du parer. Bref il faut considerer que les cheuaux foibles, qui neantmoins sont courageux & sensibles, sont aussi ceux qui doiuent estre plus respectez, à cause que les plus aspres remedes & chastimens, leur precipitent tellement les forces & vigueur, qu'ils en sont, non seulement bien tost accablez, & souuent desesperez & rebutez, mais aussi rendus apres incapables de memoire & d'obeyssance, & mesmes c'est vne maxime, qu'il faut tousiours euitier tant qu'il est possible, les occasions par lesquelles le cheual, qui est naturellement malaysé de bouche, peut recognoistre les moyens de fuyr & eschapper la subiection de l'arrest, & rascher par la longueur du temps, & tous les plus doux remedes, de luy faire oublier les traits licentieux, qu'il pourra auoir faits en forçant le bras, & la main du cheualier pour se mettre en fuyte, le meslant de ses forces, ou par sa malignité.

*ADVERTISSEMENTS NECESSAIRES SVR LA DIFFERENCE qu'il y a des cheuaux impatiens, qui n'ont point d'obeyssance de bouche, à ceux qui sont ramingues & malicieux.*

## CHAPITRE VI.



Vcvs ont en doute, lequel de ces deux cheuaux imparfaits est plus ou moins blamable, celuy qui a la bouche mauuaise & pour quoy que ce soit trop dure, pesante, ou forte, ou celuy qui est fort ramingue. Je tiens que pour la guerre le cheualier est tres-mal monté estant sur vn cheual sujet à des fantaisies fougouuses, bizarres & desobeyssantes, ou à certains effrois qui le feront aucunes-fois precipiter desdaignant les effects de la bride, peut estre iusques dedans quelque troupe d'ennemis, ou à trauers pays, & en plusieurs endroits malaysez & dangereux, fuyant la rumeur des armes & du combat, quel que effort que le cheualier puisse faire pour l'en empescher. Il n'est pas ce me semble beaucoup mieux assuré sur vn cheual qui ne se veut escarter ny departir d'une troupe, ou s'il en part, c'est à regret, & à force de coups d'esperons, retenant tellement sa vigueur, ses forces & son courage singard, qu'il semble que le cheualier rendroit pour le moins autāt de combat estant à pied, que monté sur telle roffe. Toutesfois si l'occasion se presentoit de combattre en troupe, j'aymerois mieux estre sur le cheual ramingue, parce que generally il ne refusera point d'aller en cōpagnie d'autres cheuaux, par tout où ils pourront donner & se retirer: & ceux qui sont extremement ardents, se mettent d'ordinaire en action trop violente, voyant ou sentant l'emotiō fureuse de plusieurs autres cheuaux, qui courent & qui donnent deuant ou apres eux: mais pour les plus iustes & obseruez exercices de nos escoles, horsmis la course & l'air du galop gaillard, j'entreprendrois communément plus volōtiers le cheual desdaigneux, ou desobeyssant de bouche, pourueu qu'il ne fust trop pesant, & qu'il n'eust vn trop grand defaut de memoire, d'autant que sans doute il seroit plus ayté à le reduire sur les maneges retenus & limitez, que de contraindre le ramingue à fournir & distribuer ses forces & disposition, à quelque iuste proportiō d'escole: car par la longue patience & les bonnes reigles, le cheual desdaigneux, fougoux & licentieux de bouche, se peut appaiser, aligerir, & apres adiufter à quelque exercice de memoire, estroit & mediocre: à cause que les leçons plus iustes, bien & patiemment effectuees, sont pro-



pres à la memoire, & par consequent peuuent avec le temps diuertir la fougoufe apprehension. Tellement que les forces du cheual sensible & cholere, (toutes fois desia repatrié & assuré,) estans vnies par les effects des reigles d'une bonne escolle, & des caresses faictes à temps & à propos, se peuuent apres dispenser avec fort peu d'aydes, & de chastimens d'esperon ou de gaulce, à quelque bon air ou manège iuste & aysé, au contraire le cheual qui de sa nature est ramingue & retif, quelque force & legeresse qu'il puisse auoir, ne se peut bonnement resoudre, ny bien adiufter aux airs & maneges des voltes estroittes, ou de mediocre subiection: parce que retenant naturellement ses forces, disposition & courage, il rend communément ses leçons si acculees, ou autrement faulces & retenues, que le bon Cavalier n'en peut estre suffisamment satisfait, & s'il entreprend de luy faire distribuer également & viuement sa vigueur, par les moyens ordinaires & plus violens, il trouuera le plus souuent qu'il aura fait deux choses ensemble, estant allé de mal en pis: assauoir qu'à mesure qu'il aura vaincu son cheual ramingue, & abattu l'humeur rebelle & malicieuse, qui empeschoit qu'on se preualeust de ses forces & disposition, il luy aura par mesme moyé tellement assoupy & auiuy le courage, qu'il se sentira redoubler de peine & le desplaisir, le voyant harassé & rebuté: si qu'il ne luy faudra pas moins d'art, & d'industrie à le rassurer & remettre, qu'il aura vſé de rigueur à le chastier & vaincre, durant le temps qu'il se sera defendu retenant ses forces. C'en est pas à dire que le cheual ramingue ne se puisse aucunes fois adiufter: mais il faut plustost auoir bien & diligemment trauaillé, à le resoudre & determiner diuerſement, au trot estendu & au galop hasté & furieux, tant sur les ronds larges & mediocres, que par le droit, sans obseruer place particuliere, espace limité, ou nombre de tours, au contraire le chasser souuent par le droit, & quelques fois à toute bride, changeant assez loing de placé pour l'esslargir & resoudre en diuers lieux, selon qu'il se voudra serrer & retenir, & puis l'estrecir peu à peu, à mesure qu'il employera viuement ses forces; En fin les plus patientes, douces & industrieuses escolles, sont les plus necessaires aux cheuaux trop ardents & determinez, & les plus variables & hardis exercices, conuiennent mieux au cheual ramingue: car ils le peuuent aucunes fois diuertir de ses desseins malicieus, & apres par consequent disposer peu à peu, à la iuste obeysſſance de l'escole, pourueu qu'elle se rapporte à ses forces & disposition.

### REIGLES POVR ESTRECIR ET ADIUSTER

*le cheual aux voltes du trot.*

#### CHAPITRE VII.



Les communes iustesses des diuerſes leçons de trot, sont assez expliquées au premier Liure, sans qu'il soit besoin que i'vſe icy de beaucoup de redittes, mais ie veux d'auantage que le Cavalier pratique d'autres reigles, qu'il trouuera plus briefues & plus belles, lors que le cheual y sera disposé. Assauoir que toutes les fois qu'il voudra tourner son cheual, soit au bout d'une passade, ou pour changer de rond, sans aller par le droit, il luy face faire, avec l'ayde du caueſſon ou de la gaulce, la premiere action de la volte, enportant vn peu la teste sur le costé qu'il tournera, comme i'ay cy deuât dit plusieurs fois, afin qu'il s'accoustume à regarder tousiours sur la place, où il luy faudra poser les mains, & par ce moyen il rende son manège plus facile. Il faut aussi en ce mesme temps, que le cheual face le premier pas du tourner en auançant libremēt l'espaule, & le bras hors la volte, & en passant & croy-

fant sans desordre, ce bras dessus celuy de dedans : & pour bien prendre le temps de ce premier pas, le Caualerice doit tousiours sentir quels des pieds sont en terre, & par consequent quels sont en l'air. Estant ainsi attentif, il tournera & portera le poing de la bride sur la volte, cependant que le cheual aura le pied de deuant en l'air, du costé qu'il le voudra tourner, iustement quand ce pied descendra de son mouuement, & presque au mesme temps qu'il se posera en terre, afin qu'en leuant apres l'autre pied de deuant, le cheual soit aduertý de tourner & contraint ensemble d'auancer l'espaule & le bras hors la volte, pour faire le premier pas d'icelle en cheualant ce bras de dehors, dessus celuy de dedans : & pour bien faire ce mouuement, il faut discrettement soutenir & porter le cheual en auant, avec le bras & la main de la bride, & le presser du gras des iambes, & s'il est besoin luy faire sentir les esperons, pour l'empescher de se trop serrer, ou retenir, de plier le col, ou faire quelque faux mouuement de la teste, & aussi pour luy donner plus de moyen de bien auancer l'espaule & le bras de dehors, afin qu'il ne se heurte du fer contre le nerf de l'autre bras, ou qu'il ne se marche d'un pied sur l'autre. Il y a beaucoup de diligences comprises ensemble, sous la briueté du temps de ce commencement & premier pas de volte, qui de nécessité doiuent estre iustement effectuees par vne facilité d'ayde, bien pratiquee. Car si le Caualerice tourne le poing de la bride sur la volte, pour la commencer, cependant que le cheual aura la main dedans icelle, en l'air & trop haute, sans doute il sera contraint de faire ce premier pas, en eslargissant le bras dedans la volte, qui est vne action qu'inaturellement luy donne beaucoup moins de commodité de porter la teste, avec la veüe sur la volte, que s'il fait ce premier pas en auançant l'espaule & le bras opposite : & si l'on commence de tourner le cheual, le surprenant durant le temps qu'il aura la main dedans la volte, en terre, ce temps luy sera si court, pour pouoir auancer l'espaule & le bras de dehors, & faire ce premier pas de volte en cheualant librement dessus celuy de dedans, que ceste premiere & sultre action restera imparfaicte. Il faudra donc diligemment considerer le temps auquel le cheual fait la descente du pas, & du bras dedans la volte, & qu'il a la main à quatre doigts ou enuiron pres de terre.

Le cheual ne laissera pas de bien trotter & tourner à chasque main, sans obseruer tant de iustesse : mais il faut entendre que les mouuemens sultits ne sont pas seulement beaux, mais ils seruent à plusieurs commoditez, principalement à deux qui sont de grande consequence. La premiere est que le cheual qui commence la volte en auançant l'espaule de dehors, ne se peut coucher, acculer, ny rendre entier sur la volte, pourueu qu'on luy face gwyder ceste action avec le col & la teste : car c'est vne maxime que pour le faire tourner librement, & tant qu'on veut, il le faut tousiours accoustumer à porter la teste dessus la volte, c'est à dire, droit dessus la piste arondie, sans toutesfois luy plier ny falsifier le col en aucune sorte. L'autre il luy adiuſte les hanches, d'autant qu'il ne peut leuer vn pied de deuant, & vn autre de derriere, d'un mesme costé, en vn mesme temps, & faisant ce premier pas du tourner en haussant & auançant l'espaule & le bras hors la volte, il faut par nécessité que ce mouuement soit soutenu de la hanche du mesme costé, & par consequent la croupe du cheual ne peut eschapper au Caualerice, que ce premier pas ne soit fait apres lequel s'il est diligent à porter le cheual en auant, il ne pourra falsifier la rondeur de la volte, qu'il n'en aye fait au moins enuiron vne moitié,

Pour neant le Caualerice pensera effectuer proprement ces reigles, si premier il

n'a bien recogneu, entre tous ces chastimens, lequel tient ordinairement mieux en obeyssance le cheual qu'il exerce, sans luy troubler trop la memoire, l'estonner, ny le desesperer. Car il trouuera plusieurs cheuaux, qui ne pourront iamais patir les grâds coups d'esperon (principalement si les molettes sont trop longues & pointuës) sans s'aillir, ou faire quelque desordre, & communément ils auront le courage plus tēdu à se defendre de la douleur, qu'à l'ordre des leçons: mais ils craindront le nerf, & se corrigeront par le chastiment d'iceluy. D'autres qui tout au contraire feront leur profit des aydes & chastimens des esperons, qui neantmoins tiendront fort peu de compte des coups de nerfs. D'autres qui ne pourront patiemment consentir à l'incommodité & subiection du caueffon, ou qui ne le craindront nullement, mais qui obeyront avec plus de facilité aux bons effects de la bride, & d'autres qui chercheront tous les moyens qu'ils pourront pour empescher les effects de la bride, qui d'ailleurs craindront bien fort le caueffon. Or en vsant d'ordinaire du secours & chastiment qui avec moins de desordre pourra contraindre le cheual à la iustesse de la bonne escole, il faudra que le bon Caualerice le corrige, le gaigne & l'adiuste, & que par ce remede, luy face aussi, avec le temps, recognoistre les bons effects des autres aydes & chastimens qu'il n'aura encor peu, ny voulu souffrir ou comprendre.

QUAND LE CHEVAL IETTE LA CROVPPE

*hors la volte du trot.*


CHAPITRE VIII.



Si le cheual a la crouppe si legere ou si fausse, que d'aussi tost qu'il aura fait le premier pas de la volte, ou en quelque autre temps ou endroit d'icelle, il se penche en eslargissant les iambes de derriere, & les iettant en dehors, comme font communément les cheuaux coleres & de mauuaise inclination, il faudra en mesme temps, à tous les coups, vser discrettement des chastimens de l'estricu, du gras de la iambe, de l'esperon & du caueffon, hors la volte, & du nerf ou de la gaule, sur le mesme costé. Mais en faisant ces chastimens, le Caualerice ne portera nullement le poing de la bride dedans la volte, au contraire il soustiendra l'appuy de la bouche du cheual avec la rene du costé qu'il tournera, le faisant ou le laissant marcher par le droit, trois ou quatre pas, assez retenus, sortant de la iuste & ronde proportion, comme il se void en ceste figure, pour cependant auoir moyen de luy redresser la crouppe, & soudain apres le remettre sur son trot ordinaire, recommençant de tourner sans perdre tēps, là où le cheual se trouuera redressé par le droict, soit pres ou loin du lieu auquel il aura failly.



Pour la main droite.



A ligne de la première passade.

B commencement du premier rond.

C pour redresser par le droit, le cheval qui falsifie la

volte

D pour reprendre la volte quand le cheval sera chassé &amp; adoulté.

E pour se remettre dessus la droite piste de la première passade, quand la volte est injustement fournie.

En tous les endroits de la volte, ou le cheval se voudra de nouveau trop esslargir de derriere, il faudra continuer la susdite action avancée par le droict, sans observer aucun lieu ny espace limité, ny nombre de tours, que selon l'obeyssance que le cheval rendra, & iusques à ce qu'il ne parte plus les pieds de derriere de la iuste piste de ceux de deuant, & mesme qu'il porte le corps, & le col en droite posture, estant sur les voltes, autant en l'une main, comme en l'autre, sans se coucher, plier ny acculer, comme sans doute il fera en peu de temps par ces leçons. Et quoy que le cheval corrigé de la susdite imperfection, ne face plus difficulté de tourner iustement, si ne faut-il laisser pour cela de finir aucunes fois les leçons ordinaires, en le portant ou chassant souvent de droit en droit, sur les voltes, selon la susdite figure, & comme il sera cy apres encores mieux representé, afin de le maintenir en iuste escole, principalement quand il a esté difficile à corriger. Ceste mesme leçon peut aussi servir au cheval, qui naturellement porte les hanches trop dedans la volte, & qui est entier ou en danger de l'estre, pourueu qu'on face les susdits chastimens du costé qu'il se ferrera, afin de l'esslargir de derriere, chassant la croupe dehors en mesme temps, que sortant du rond on l'avancera par le droit, pour continuer apres de le tourner, soudain qu'il portera la teste du costé qu'on le voudra faciliter.


REIGLES POVR LES VOLTES  
*de galop.*

## CHAPITRE IX.



Nprenant la volte de galop, soit allant par le droit, ou en changeant de main, le cheual doit faire la cadance du premier temps dudit galop, & apres de tous les autres suyans, avec le bras du costé qu'il tournera, qui est tout le contraire de la reigle precedente du trot: & pour mieux entendre ceste cy, il faut considerer que lors que le cheual galoppe à main droite, la iambe droite de deuant doit faire la cadence de tous les temps, c'est à dire qu'elle doit deuancer l'autre, en donnant en terre, & consequemment à main gauche, la iambe gauche en doit faire de mesmes. Ce mouuement est naturel, & presque commun à tous les cheuaux qui ont le galop leger, & qui manient franchement, & quand il ne se fait en ceste sorte, le cheualier & le cheual sont en desordre, & en dâger de s'abatre, si le terroir est tant soit peu mauuais. Or pour ayder au cheual, qui ne sçait ou ne peut faire ce premier temps, il faut que le Cavalierice sente, & comprenne bien tous les temps du galop, & que lors qu'il veut prendre la volté, il tourne le poing de la bride, ( en soustenant le cheual & le portant en auant ) iustement quand il haülsera les espaules, pour faire l'action du galop, & en ce mesme temps, le cheualier doit peser du pied, & du corps sur l'estrieu, du costé qu'il veut tourner, afin que pour soustenir ceste action & ce poids, le cheual soit cötraint, ( ayant le deuant en l'air, ) d'auancer le bras du mesme costé, pour d'iceluy faire la cadance du galop dedans la volte: & par ce moyen le mesme changement de bras, se peut faire en galoppant par le droit, avec fort peu de feinte ou d'ayde de la bride, pourueu que le cheual soit bon à la main.

CESTE action d'espaule ou de bras, outre la commodité que ie viens de dire, donne beaucoup de grace au cheualier & au cheual, quand elle est nettement faicte au premier temps du galop, qui commence la volte. Mais il faut que le Cavalierice redresse son corps diligemment, soudain qu'il aura bien rencontré ce premier temps, auquel la commodité de la pante du terroir peut aussi beaucoup seruir, mesmement si le cheual est trop chargé d'espaules ou de teste, ou s'il pese ou tire à la main, qui sont les imperfections plus contraires à la facilité du susdit mouuement. Sur tout en faisant ce premier temps, il faut soustenir temperément le cheual, qui est leger de deuant: & à pleine main celuy qui a beaucoup de poids: afin que cest appuy luy donne moyen, & loisir de mieux haülser & auancer l'espaule & le bras du costé de la volte: & toutes les fois qu'en galoppant sur les voltes, il falsifiera la iuste rondeur, il faudra obseruer la mesme reigle cy deuant expliquée aux leçons de trot, tenant au commencement les ronds plus larges, & les retrecissant apres peu à peu, selon que le cheual pratiquera la facilité.

*Pour les deux mains.*

CESTE quantité & diuersité de lignes, qui par auenture ressembleront confuses à plusieurs, peuuent neantmoins monstrier au Cavalier clair-voyant, comme il faut auancer le cheval par le droit, & s'il est besoin le chasser & chastier sur icelles, en quelque endroit de la volte, qu'il vueille trop eslargir les iambes de derriere, iettant la croupe hors du iuste rond & circuit de ladite volte, ou qu'il se vueille endurcir ou trop ferrer, soit au trot ou au galop Ces lignes se doiuent faire courtes & longues, selon que le cheval mettra de temps, à se redresser en icelles, par les chastimens proprement faits du costé qu'il se fera esgaré, ou sans estre battu: & apres en quelque part qu'il se trouue droit & bien disposé, il faut recommencer & continuer la volte du mesme costé, la tenant estroite, mediocre, ou plus large, selon que le cheval fera difficulté d'obeyr soit en se desrobant d'un costé ou d'autre, en deuenant entier, ou en quelque sorte qu'il falsifie l'action du tourner: & à tous les coups qu'il fera les suddites fautes, il faudra garder ceste metode, iusques à ce que le cheval soit libre & asseuré à son manege. Voilà pourquoy les ronds sont ainsi placez en ceste figure sans egalité, chose qui ne se peut bien marquer en terre, par la piste de l'exercice, à cause qu'elle ne doit auoir lieu prefix, ny autrement limité, que seulement selon que le cheval desobeyt, ou consent à la facilité & iustesse de l'escole. Et partant ces leçons ne doiuent estre guidées ny effectuées, que par le bon iugement & la docte pratique du bon Cavalier. Si ceste figure semble estre longue, ce n'est pas pourtant que le cheval la doie suivre & fournir entierement, premier que changer de main, si ce n'est qu'il se rende extremement obstiné en sa desobeissance. Car au contraire ie veux que le Cavalier se garde soigneusement de le tant presser & chastier, pour quelque faulxeté qu'il puisse faire, que l'excessif effort, ou le trop aspre desplaisir, le rebute du tout, ou le desespere. Il faut donc considerer que ceste figure n'est faite que pour la



demonstration des diuers endroits de la volte ou le cheual peut faillir, & ceux auxquels il se peut diuertir & chastier, & que l'on n'en doit prendre que tant qu'il sera besoing conseruant tousiours la memoire, la mediocre force, & l'haleine du cheual: & si en ces voltes de galop, il se defend ou s'oppose autrement à la iustesse, avec plus d'obstination qu'il n'a de force ou d'haleine, lors il faudra mesler le trot, & le galop ensemble, trotant aucunes fois sur le rond, & galoppant sur la ligne droite, & faisant vne autres fois le rond au galop, & la ligne au trot, afin d'auoir moyen de faire la leçon plus longue, sans arrester le cheual, & sans luy precipiter la vigueur ny la memoire. En fin si le cheual qui falsifie les voltes en dehors ou en dedans, est quelque temps exercé & chastié par ceste reigle proprement obseruee, il ne faut point douter qu'il ne se corrige & dispose beaucoup mieux à la iustesse, que si l'on auoit vŕ des remedes plus communs & plus contrains.

Pour mieux comprendre que ceste reigle apporte plus de commodité en la iustesse que les autres chastimens communs, il faut considerer que selon l'escole ordinaire, toutes les fois que le cheual iette la croupe hors la volte, on le doit chastier de l'esperon & du nerf, ou de la gaulle, du costé qu'il s'eslargist: mais c'est en allant & en tournant, & sans que les pieds de deuant partent de la rondeur de leur piste. Or si le cheual obeyssant veut ceder à ce chastiment ordinaire, sans doute premier qu'il aye réparé sa faute, il aura desia passé l'endroit auquel elle aura esté faite, tellement qu'au lieu de s'adiuster par ce chastiment, il estremera & falsifiera d'auantage la rondeur de la volte, en voulant obeyr, & peut estre là où il aura auparauant mieux obserué la iustesse d'icelle.

IE m'assure que quelqu'un qui ſaura beaucoup, voudra alleguer en cecy que le chastiment qui aura esté fait sans arrester le cheual sur la volte, ny le faire sortir du circuit d'icelle, le peut tenir aduerty & que par iceluy il s'adiustera repassant apres sur le mesme lieu qu'il aura esté baŕtu, & rendra ceste obeyssance craignant la nouuelle punition d'une semblable faute: ie ne veux pas dire que cela ne puisse estre: mais si en faisant ledit chastiment, on continue de tourner le poing de la bride sur la volte, au cheual qui se rendra obeyssant, l'offence & la douleur de l'esperon & du nerf, le pourra souuent contraindre à quelque autre desordre, auant qu'il soit reuenu & remis sur le lieu où il aura desia receu le chastiment: & si le Cavalierice pense l'en pouuoir diuertir, ce sera proprement le vouloir chastier de sa faute, & l'empescher en mesme temps de consentir au chastiment, & par consequent le troubler & mettre en confusion. En fin, c'est vne maxime que toutes les fois que l'on veut pousser la croupe du cheual d'un costé, il luy faut vn peu porter la teste & les espaulles de l'autre, ou au moins par le droict: autrement l'on fera deux actions contraires, qui n'apporteront pas beaucoup d'effect à la iustesse, si ce n'est par vne grande longueur. Pour bien faire ces mouuemens, il est necessaire que le cheual aye la bouche assouree, & qu'il commence à ceder de costé à l'esperon & à la gaulle: & quoy qu'il ne soit d'un ny entier d'un costé ny d'autre, si neantmoins il galoppe confusément, il est aucunes fois necessaire en galoppant de le faire tourner plusieurs fois d'extraordinaire à chaque main, premier que la changer, afin de luy faire pratiquer l'action du bras, qui doit faire la cadence du galop. Quand à celuy qui est naturellement fougoux & exercé coustumierement en lieu plein & vny, se trouuant apres dedans de forts garetz, ou autres terroirs mal aysez, il entrera facilement en inquietude desordonnee.

QUAND

## QUAND LE CHEVAL APPREHENDRE TROP LES

*esbrillades, & tous les mouuemens de la main de la bride.*

## CHAPITRE X.



Le cheual a la bouche trop sensible, peut estre fera-il difficulté aux reigles susdites, de cōsentir à l'appuy & aux mouuemens de la main, tant fermes & temperés qu'ils puissent estre. De sorte que pour les bien effectuer, il faudra necessairement luy oster plustost la trop grande apprehension des esbrillades en luy assurant la bouche, par les moyens ordinaires des douces emboucheures & gourmeters, des branches foibles & assez lōgues, du caueffon de corde ou de fer sans estre dételé, retors ny rayé, mais autrement propre aux cheuaux trop sēsibles & desdaigneux, & quelquefois avec les faulces renes, & principalement par le bon temperament de la main. Surquoy ie veulx aduertir le bon Caualerice, que quelquefois parmy les chastimens du caueffon, ceux de l'vne ou de l'autre rene, faits à temps, bien prins & bien iugé peuuent beaucoup corriger, (aucunefois plus que le caueffon seul,) les ordinaires battemēs de main, ensemble la durté de la bouche & du col, & la commune defence que le cheual fait en s'armant, & en plusieurs autres occasions, tant sur les voltes que par le droit. Car si le cheual se defend en appuyant la bride contre sa poitrine, ou en se courbant pour se mettre sur l'esquine, le seul chastimēt de la rene d'un costé ou d'autre, aura souuent plus d'effect pour le desarmer, & releuer, que celuy du caueffon: & s'il se couche sur la volte, ou s'edurcit à quelque main, avec l'vne ou l'autre rene, on luy peut parfois, mieux gagner la teste & le col, soit pour luy tenir la croupe, ou pour le plier sur la volte, que ne fera le chastiment ordinaire du caueffon, principalemēt s'il est obstiné & de ceux qui ont la teste dure, & qui se bandent cōtre le caueffon. Mais il faut que le Caualerice aye le iugement, & la pratique desçauoir faire ledit chastiment de rene, avec tant de discretion & si à propos qu'il serue autāt pour assouir la teste du cheual, comme pour le desarmer ou luy faire la souplesse du col. Assauoir si pour ne vouloir porter la teste sur la volte, ou pour quelque autre occasion, le Caualerice luy veult donner vn chastiment de rene du costé de ladite volte, il faut que ce soit en auançant le bras & la main de la bride, & en l'eslargissant ou poussant en mesme temps, par l'action hardie des iambes, & si besoing est avec les esperons: car par le mouuement general que le cheual fera estant agité sur le deurtā, & par consequent sur l'appuy de la bride, il se diuertira de beaucoup d'occasions & de moyens d'incommoder & eslancer sa teste, ou de se retenir ou cabrer par la douleur ou importunité qu'il pourra receuoir sur la barre & gēsue, ou à la barbe: en outre ce mouuement discrettement poussé en auant, determinera le cheual sur la main qu'on le voudra gaigner. Mais il faut bien obseruer le temps de ce chastiment de rene, assauoir iustement & à l'instant que le cheual aura fait le premier & resolu mouuement, pour respondre à l'esperon & à la gaule en s'auançant viuement, car autrement il en pourroit naistre plusieurs desordres.

De ceste ayde & chastiment ne naistra pas seulement l'obeyssance & facilité de la bouche du cheual, sur la main qu'on en vsera discrettemēt, mais aussi vn remede pour empescher qu'il n'eslargisse trop la piste des pieds de derriere, & ne se desrobe apres en tournant de l'autre costé: & qu'il soit ainsi, quād le cheual ne veult libremēt tourner à main droite, l'on a accoustumé de le tirer & chastier avec le caueffon droit, & par la subiection de la mesme corde droite, on le peut aussi cōtraindre tournant à main

gauche, de tenir les pieds de derriere dedans ou sur la piste de ceux de deuant, si d'adventure il veut jeter la croupe trop en dehors. La rene (i'entends avec le simple canon, & par le temperament de la bonne main (en peut faire de mesme, & d'ordinaire avec plus de commodité, principalemēt à certains cheuaux pesans ou durs à l'appuy, qui se bandent souuent contre le caueffon: d'autāt que l'effect d'icelle rene procede de l'appuy que l'emboucheure prent sur la barre, qui est vne partie interieure, musculeuse, & beaucoup plus sensible que n'est celle où le caueffon doit faire sō vray effect ordinaire. En fin tous les moyens qui tirent la teste du cheual d'un costé, doivent estre propres à luy chasser en mesme temps la croupe de l'autre, & ceux qui sont plus naturels apportent generalement plus de facilité. Or en ceste occasion l'on peut prendre ce remede de rene plus naturel, que ne sont les communs mouuemens des deux renes ensemble. Aussi voit-on que le cheual nouveau à l'vsage de la bride, veut tourner au contraire de l'action du poing d'icelle, à cause que ce poing estant porté sur le costé droit, la rene gauche tire la bouche & la teste du cheual à l'opposite, tellement que pour luy faire cognoistre & pratiquer la volonté du cheualier, par ce mouuement confus de foy, & neantmoins necessaire, il faut vser long temps de l'ayde du caueffon & de la gaulle, en quoy l'on doit iuger que le remede de la rene selon la reigle susdite, doit aucunes fois apporter beaucoup d'utilité. Comment que ce soit, il faut tousiours cōseruer en la bouche du cheual les barres entieres & la peau de la barbe saine, & en son naturel.

IE m'assure que plusieurs hōmes de cheual, auront opinion que ceste reigle doit estre faulx: parce qu'il semble qu'il n'y ait nulle apparence que les esbrillades puissent estre propres pour assseurer la teste du cheual: au cōtraire ils soustiendront que c'est le vray moyen de la mettre en desordre si elle est ferme, de luy rompre & falsifier la bouche, comme à la verité il aduient quand les esbrillades sont données sans fermesse ny iugement, ou estant trop continuées. Mais il y a en cecy beaucoup de choses à considerer, lesquelles peut estre beaucoup de ceux qui les liront n'aurōt iamais bien entendu, ou tel les pourra bien entendre, qui n'aura pas l'experience suffisante pour les bien effectuer.

PREMIEREMENT il est certain que non seulement les esbrillades, mais tous les chastimens qui sont nouveaux & incogneus au cheual, le troublent & le mettēt souuent en quelque desordre: qu'il soit ainsi on voit que du commencement qu'on luy fait sentir l'aduertissement ou les coups de nerf, de la gaulle & des esperons, il s'en estonne ou se met en defense en plusieurs façons, selon que de son naturel il est timide, ou courageux & sensible. Les premiers sentimens de la bride l'importunent aussi: toutes fois quand le bon Caualerice par son art, luy a fait industrieusement recognoistre & accoustumer les effects de tous ces nouveaux desplaisirs, tant s'en faut qu'apres ils amēinent les desordres premiers, qu'au contraire, ils sont les vrais moyēs de l'obeyssance & franchise du cheual, (i'entends si l'ordre des bonnes reigles est biē gardé.) Il ne faut dōc trouuer estrange que les esbrillades douteuses & incogneues, soient si cōtraires au vray appuy de la bouche delicate & sensible, & par consequēt à la iuste posture de la teste du cheual: mais sans doute si le Caualerice a la main assseuree, & qu'il luy sçache bien faire recognoistre & pratiquer les chastimens de la rene, faits par vn ferme temperament de main, adapté selon la nature de la bouche, & au temps propre à la cause du chastiment, les effects n'en seront point inutiles, pourueu que sur tout le cheual soit embouché d'un simple canon, si proprement garny que le chastiment de rene ne luy puisse rompre ny trop offenser la bouche ny la barbe.



IE ſçay que ſur le doute de ces preceptes, l'on peut alleguer l'imperfection & difficulté de certains cheuaux qui ſont tant ſenſibles de bouche, que ſeulement le ſoupgon de la moindre ſecoüſſe de bride les font battre à la main. Or quand à ceux-là, ſi ceſte crainte leur procede d'aucunes bleſſeures & vlcères, que la bride rude & mal ordonnee leur aye fait dedans la bouche, ou à la barbe, le remede premier & plus neceſſaire eſt de les faire bien penſer, les laiſſant ſejourner iuſques à ce qu'ils ſoyét bien gueris: mais ſi ce battement de main ne vient que d'inquietude, d'apprehenſion ou de l'incertain appuy de la bouche, n'ayant le cheual, ainſi deſdaigneux, peut eſtre, iamaïs bien recogneu le temperament & la vraye fermeſſe d'une bonne main, lors il eſt quelquefois bon d'en faire punition avec la bride, pourueu qu'on puiſſe empêcher que la teſte n'eſchappe & ne s'eſgare du tout, & qu'on garde l'ordre ſuſdit auant que le cheual au temps qu'on fait le chaſtiment. Et combien que du commencement ce remede incogneu luy face faire d'eſtranges & dangereuſes actions, ſi eſt-ce que le Cauallerice preuoyant & ſage, ſe doit promettre qu'apres les premieres apprehenſions paſſees, le cheual pourra recognoiſtre & comprendre peu à peu, les aſſez & doux mouuemens de la main maiſtreſſe: & que perdant par ce moyen le premier ſoupgon, il ſe reſoudra par conſequent à l'appuy ferme & temperé. Toutefois la pratique de ces remedes, n'eſt permife que ſeulement aux plus excellens maiſtres.

## IUGEMENT SVR LES TEMPERAMENTS

de la main du Cauallerice.

## CHAPITRE XI.



**O**VSTVMIEREMENT on dict, pour louer vn hōme de cheual, qu'il a la main fort douce: & pour le blaſmer, qu'il l'a extrêmement rude: mais tous ceux qui ſe meſſent de faire ces iugemens ne ſçauent pas bien d'où procede la douceur ny la rudelle de la main. C'eſt pourquoy i'aduertis telles gens, que la main douce ne ſe doit pas entendre pour celle qui eſt lente & foible: car au contraire eſtant ainſi, elle conuie pluſtoſt le cheual à l'irreſolution de la bouche, parce qu'elle ne donne point d'appuy ordinaire, & par conſequent peut beaucoup offencer la barre delicate & ſenſible, à cauſe que la teſte du cheual eſtant par quelque occaſion ou ſoupgon esbranlée & comme abandonnée, à faulte d'appuy & de fermeſſe de main, les mouuemens en ſont plus vagues & plus diuers: qui eſt cauſe que ſouuent il ſe ſurprend ſoy-meſmes, ſe faiſant de certains rabats & contre temps ſur les barres & à la barbe, avec la bride mal conduite, de forte qu'il en eſt quelquefois plus offencé que ſ'il receuoit de fortes eſbrillades, d'une main bien ferme.

LA main rude ne ſ'entend non plus pour la plus forte, & pour celle qui tient les renes plus tendues: car au contraire eſtant ainſi elle fera ordinairement que le cheual, qui a trop d'appuy, ou qui a la bouche trop dure, ſe reſoudra à tirer d'auantage: & qu'il ſoit vray, on voit cōmunémēt que lors qu'il force la main du cheualier, le remede plus prompt & neceſſaire, eſt de laſcher ſouuent les renes, afin que la crainte d'un rabat de bride, luy rompe & oſte la commodité de tirer ou de ſ'appuyer ſi fort. En fin la rudelle & la foibleſſe de la main, procede ſeulement de faulte d'art, d'experience & de iugement: & la douceur & la force, vient du temperament ſubtil & ſolide, qui ſe doit entendre pour la vraye fermeſſe, laquelle ne ſe peut acquerir que par la

longueur du temps, employé à l'exercice des bones escoles, & en la pratique de plusieurs bouches différentes. Car ceste fermeté ne vient pas seulement de l'action du bras & de la main: mais il faut nécessairement que l'assiette generale du cheualier, soit forte & iuste, parce qu'ayant le corps esbranlé & en desordre, par les fauts ou autres rudes & diuers mouuemens d'esquine, que le cheual peut faire, le bras & la main sont aussi hors de leur bone situation & mesmes quand le cheualier se trouue en telle extremité, que ses forces sont entierement occupees à se tenir ferme dedas la selle, lors il perd le iugement & les moyens, non seulement du temperament de la main, mais aussi de toutes les autres iustes proportions de l'escole.

ENCORE ne suffit-il pas en ceste partie d'estre fort à cheual, ny de bien sentir & iuger la qualité de la bouche d'iceluy: car les plus subtils & temperéz effects de la bride procedent du prompt raport qui doit estre es iustes mouuemens de la iambe, & de la gaule, avec ceux de la main de la bride: assauoir que quand ceste main s'ameine, met & retient en bon lieu la tette du cheual, qui a la bouche foible & vaine ou trop sensible, il faut qu'en ce temps le mouuement de la iambe, ou le soupçon du chastiment d'icelle, auance ou pousse temperément l'action du cheual, contre l'appuy de la main, autrement il se retiendra trop, ou l'acculera, & si est ramaingue, ou qu'autrement il donne occasion d'estre viuement poussé, & chassé par les plus hardis mouuemens de la iambe, ou par les chastimens de l'esperon, la main doit recevoir, soustenir & accompagner bien à temps, l'action violement agitée en auant, tant par le droit qu'en tournant, afin que l'obeyssance limitée ne puisse estre confuse ou precipitée, & sur tout que la tette demeure en sa droite & ferme posture. Par tous ces rapports on peut encores cognoistre l'erreur de ceux, qui disent, vn tela la main bonne, mais le temps de la iambe est imparfait: l'autre tient & bat vne iuste mesure avec la iambe: ayde & chastie proprement & diligemment avec l'esperon: mais il n'a point de iustesse ny de fermeté de main. La vraye cognoissâce de ces choses n'est pas si facile, comme la plupart des cheualiers pensent. En fin la fermeté & le temperammét de la main est, quand par les susdites proportions bien rapportees, tous les nécessaires mouuemens de la bride, se font sans contraindre ny abandonner le vray appuy de la bouche du cheual.

#### RECEPTE TOVCHANT LE NATVREL DV CHEVAL,

*qui se presente plus librement à sauter qu'à manier terre à terre.*

#### CHAPITRE XII.



L se trouue souuent aucuns cheuaux lesquels estans de sejour, ou autrement en leur humeur plus gaillarde, se mettant naturellement & d'eux mesmes, sur certains essans inégaux & incommodes, persueuerat en ce caprice, tant qu'ils se sentent duis en leur esquine plus nerueuse: de quoy on ne les peut du tout corriger que par beaucoup de fatigue, & vne grande longueur de temps, & encore apres tout ce qu'on y aura peu apporter, ils ne laisseront de faire à tous les coups quelque trait de ceste gaillarde inclination: mesme au commencement de quelque exercice limité, ou estans recherchez cepédant qu'ils ont leurs forces trop vnies. J'ay desia dit au premier liure, l'ordre des vrais remedes de l'art qu'il faut observer ordinairement pour chasser & resoudre les cheuaux qui par vn mauuais courage retiennent trop leur vigueur & légereffé,

& aussi pour leur retenir celle qu'ils abandonnent & précipitent par impatience ou debilité. Toutesfois ie veux encores en ceste occasion aduertir le Caualerice, que si le cheual continue long téps en l'imperfection de ces eslans, nonobstant les chastimens ordinaires, il pourra estre tellement nay pour les airs plus releuez, qu'il luy sera presque impossible de se tenir tousiours à la franche & aysee obeyssance du manege de guerre, & se haussant aucune fois par allegre esmotion, il se souuiendra à l'instât des chastimens qu'il aura accoustumé de receuoir en semblables mouuemens licéceux: de sorte qu'estant sayssi d'une craintiue apprehension, au lieu de se ranger soudain à quelque iustesse, il renforcera impatiemment ses esbalançons & sauts desordonnez, pensant euitier la punition ou pour se deffendre: mais la superfluité de ses gayes humeurs, & de ses gaillardises naturellement mal dispensées, se peut aucune fois mieux moderer & en fin diuertir, par les leçons des courbettes ou groupades bié pratiquées, que si on n'auoit recours que seulement aux menaces & chastimens, desquels on vse generalement en nos escoles pour desnoüier, determiner ou retenir les forces & le courage du cheual, qui se dispense licentieusement de sauter outre le uoloir du cheualier. La raison en est assez apparente: Car le Cheual qui est souuent possédé de ceste disposte & legere inclination, se doit mieux resoudre à distribuer sa vigueur, par l'action & l'ordre d'un air à demy releué, qu'à contraindre du tout le naturel qu'il aura à sauter: & apres par la bonne habitude de l'exercice & manege à demy-air, il consentira mieux à la franchise & facilité de celuy du combat, que si en pensant le diuertir du desir de sauter, on le vouloit rigoureusement reduire tout du premier coup aux reigles plus basses, sans l'attirer doucement par quelque mediocre proportion. Toutesfois ie ne donne ce precepte qu'à ceux qui sçauront bien reconnoistre le naturel du cheual, & preuenir diligemment les mutations de courage, qu'il pourra faire en ceste escole, si elle n'est bien entendüe, reiglee, & aucune fois diuersifiée, ou (s'il est besoin) delaissee, & puis reprise à temps bien ingé, & selon les dissemblables mouuemens que le cheual fera.



## REIGLES DES PLUS IVSTES PROPORTIONS QVI SE PEVENT OBSER-

uer en tous les beaux maneges.

### CHAPITRE XIII.

**I**E veux maintenant entrer aux plus belles & subtiles reigles & leçons, par lesquelles le bon Caualerice peut adiufter & afiner les airs & maneges des cheuaux d'escole, commençant par les passades & demy-voltes. Non que ie sois d'aduis que d'ordinaire ce soit le commencement des maneges qu'on peut apprendre au cheual: car l'ay desia remis au premier liure, l'eslection de tous les exercices, au bon iugement, qui se doit premierement faire de la nature & capacité du cheual: mais c'est plustost pour rendre l'explicatiō desdites reigles plus facile par la briefuete de la demy-volte. Et premier que passer outre, ie veux aduiser le Caualerice curieux, qui les voudra pratiquer, que son cheual doit estre desia exempt de trop de fougue & d'apprehension, bien desgourdy, alegery & determiné au partir dela main, facile à tourner plusieurs fois estroit, ou pour le moins de mediocre lar-



geur, au trot, & au galop, obeïssant au parer, en reculâr & allant de costé, entant qu'il en sera aduerty & recherché, & non de malice, de confusion, ou de timidité, comme font communément les chevaux presque ou du tout rebutez, ou qui sont naturellement ramingues, retifs ou d'humeur colere aduste, trop sensibles & despitieux. Mais parce qu'il me semble auoir parlé au premier liure, trop sommairement des moyens pour faire que le cheual apprenne, & s'accoustume à ceder iustement à la iambe, à l'esperon & à la gaulle, allant librement de costé, & que ceste obeïssance est vne des plus necessaires à la iustesse de tous les maneges, ie diray encores en ce lieu quelques reigles propres à cet effect.

---

DE L'OBEISSANCE DV CHEVAL ALLANT


*de costé par les expres mouuemens du Caualerice.*

---

CHAPITRE XIII.



POUR faire que le cheual puisse entendre facilement l'obeïssance par l'action & chastiment qui le doit faire aller de costé, il faut sur tout, comme en tout autre exercice, que le Caualerice obserue les moyens plus propres au naturel du cheual, & recognoissant qu'il est sensible, colere & leger à la main, il le menera en quelquelieu plain & assez spacieux, auquel allant le petit pas, par le droit, il taschera à le pousser doucement de costé, par les aduertissemens & chastimens ordinaires, tant de la bride & du caueçon que de la iambe, de l'esperon & du nerf, le faisant tousiours auancer, de façon, que sans rompre le pas, il chemine en auant & de costé comme de biaux, selon qu'il est icy representé par ces deux lignes.



PAR la ligne de la lettre A, on peut iuger le plein droit & naturel auquel le cheual doit estre maintenu sans luy laisser plier le corps ny le col : par celle du B. est representé la piste que doit tenir en ceste premiere reigle le pied de deuant, qui deuanee & cheuale : la ligne du C. signifie la piste du pied de derriere & du costé de l'obeyssance, comme il est aussi figuré par la peinture des fers.

L'AYANT ainsi fait cheminer enuiron douze ou quinze pas à vne main, il le faudra auancer par le droit, trois ou quatre pas, comme sur la ligne de la lettre D, cy apres figuree, & puis luy en faire autant à l'autre costé, empeschant sur tout qu'il ne plie le col, ny porte la teste plus d'une part que d'autre.


MAIS si le cheual fait beaucoup de difficulté de ceder aux susdits chastimés, mesme-mét à faute de les entendre, il ne se faudra pour cela opiniastrer sur les remedes violés, de peur qu'ils n'ameinent l'occasion de plus grâds desordres, ains plustost se faire ayder à vn homme, qui estant à pied & du costé du chastiment, tienne vne main cõtre l'espaule du cheual, & l'autre derriere, tout contre la barre de la selle pour pousser le cheual, toutes les fois qu'il haulsera le bras dudit costé, afin de le contraindre par ce moyen à passer & croyer ce bras desia haussé, dessus l'autre, qui necessairement fustendra ceste action auancée, & à mesure que le cheual comprendra l'effect des susdits aduertissemens & chastimens, il le faudra retenir peu à peu, iusques à ce que sans estre ainsi aydé par cest homme à pied, il chemine librement de trauers, à sçauoir de costé, portant le corps & le col droit, sans s'auancer, ny se heurter des pieds, ny s'embarasser des iambes. Mais il faut que cest homme qui le poussera estant à pied soit Cavalier, ou pour le moins qu'il ayt iugement pour le pousser iustement quand le cheual haulsera & auancera le bras & l'espaule qu'il voudra faire auancer & cheualer & que celuy qui sera dessus, soit diligent & attentif, à le bien soustenir & porter en auant, cõpendant que celuy qui sera à pied le poussera, & aussi d'arrester & caresser le cheual: selon qu'il se rendra obeyssant.





CESTE reigle se doit continuer également à chaque main, assavoir tant qu'il sera nécessaire pour rendre égale l'obeyssance des deux costez : & si d'adventure le cheval ne peut ou ne veult souffrir, que cest homme estât à pied le pousse ny le touche, il faudra neantmoins qu'il se tienne assez pres du cheval, ayant vne bonne gaule en main, de laquelle aucunes fois il le menassera au droit de l'espaule & du flanc, ou le battra, selon qu'il sera nécessaire pour le faire obeyr, sans toutesfois le mettre trop en colere ny l'estonner, si ce n'est qu'il soit fort obstiné, & apres avoir essayé les plus doux moyens.

Si ceste obeyssance est tant contraire au naturel du cheval, que la susdite reigle se trouue trop forte, il ne le faut faire cheminer au commencement qu'un pas ou deux de biays, l'auçant soudain quatre ou cinq pas par le droit, & puis le faire encores cheminer de biays, & par ce moyen il consentira plus facilement à l'ayde & au chastiment : & l'homme qui sera à pied, pourra prendre avec plus de commodité le temps propre à pousser le cheval, cependant qu'il haulsera la iambe de deuant, qui doit auancer & cheualer sur celle qui soustient ceste action. A mesure que le cheval recognoistra & comprendra ceste reigle, il faudra subtilement retrancher les pas auancez par le droit, & augmenter ceux qui se feront de biays, le retenant peu à peu, iusques à ce qu'il chemine librement & iustement de costé selon ceste autre figure.




## Des Preceptes.

35

L'ON peut iuger par la facilité de ceste reigle qu'elle est propre, cômé i'ay desia dit, au cheual sensible, impatient & leger à la main. Parce qu'estant de ce naturel, il doit estre aussi ennemy de la subiection fort contrainte, & par conséquent des plus estroites & iustes leçons & aspres chastimens, mesmement aux commencemens de l'obeissance. Mais si naturellement il est paresseux, ou qu'il tire & pèse à la main le Cauale-ricer cherchera la commodité d'une muraille droite & assez longue, & menera ce cheual à vn pas ou enuiron, pres & face à face d'icelle.

IL taschera peu à peu, de faire cheminer le cheual de costé, au long de ceste muraille, autant d'une part que d'autre, non pas au commencement tout à fait de trauers: car il se pourroit marcher d'un pied sur l'autre, ou se heurter contre les bras: mais de biays, laissant la croupe plus sur le costé contraire que les espaulles, afin qu'il aye plus de moyen de regarder sur le lieu qu'il doit passer, & de hausser l'espaule & le bras qui doit auancer & cheualer: & selon qu'il pratiquera la facilité de ceste obeissance, il faudra faire accompagner peu à peu la croupe à l'egal des espaulles, iusques à ce qu'il aille iustement de trauers, sans plier le corps ny le col, ny remuer la queue.

LE secours d'un homme à pied pour pousser le cheual, cômé ie viens de dire, peut beaucoup seruir au commencement de ceste reigle, lequel s'il est besoin le pourra contraindre d'aller de costé, par les menaces & chastimens d'une grande & longue gaule ou d'un nerf, qu'il tiendra en sa main comme i'ay dit cy deuant.



A ligne de la muraille,  
B ligne de la piste des pieds de deuant.  
C ligne de la piste des pieds de derriere.

LA raison pourquoy ceste reigle est propre au cheual pesant, où qui tire à la main est, parce qu'estant ainsi pres, & face à face de la muraille, il n'en est pas seulement plus contrainct d'aller de costé, mais aussi de se raccourcir & alegerir avec moins d'ayde de la bride & du caueillon. Toutesfois s'il est ramingue tenant du retif, ceste reigle, ensemble toutes les plus estroites leçons, le disposeront d'auantage à son vice naturel. Et pource au cheual singart, il vaudra beaucoup mieux vser de la reigle precedente, (mais avec moins de douceur,) principalement de l'ayde du nerf, qui est vn instrument propre à chastier & resoudre les cheuaux retifs, ausquels le respect & les caresses n'apportent pas communément beaucoup d'utilité, si ce n'est en leurs premiers exercices, & tant qu'ils sont ignorans, ou si nouueaux à l'escole, qu'ils ne cognoissent encores les aduertissemens, aydes & chastimens d'icelle, & qui par conséquent n'ont pratiqué les moyens de se defendre. Surquoy ie veux expressément aduertir le Caua-



lerice qu'il ne doit pour quelque occasion que ce soit ( si elle n'est contrainte par necessité ) yfer de violence par des chastimens nouueaux & incogneus, principalement aux poulains & mesmes, aux cheuaux flegmatiques & timides, ou trop sensibles, coleres & aduſtes, de peur d'abattre & accabler la force & le courage aux vns, & desespérer les autres.


REIGLES DES PASSADES ET DEMY-VOLTES.

CHAPITRE XV.



**P**RES que le Caualerice aura ainsi sagement réduit son cheual aux susdites obeyssances, il le menera en quelque endroit, où le terroir soit plain & vny, sur lequel il le promenera patiemment, luy faisant recognoistre pour le moins deux fois l'espace commun, & les premieres proportions de l'ordre des passades, assauoir estant en ce lieu, il luy fera faire allant d'un bon pas d'escole, vne passade droite de la longueur qu'il cognoistra propre à son naturel, facile, ramingue ou trop déterminé, au bout de laquelle il le tournera à main droite, allant du mesme pas, & commencerà de tourner au temps qu'il posera la main droite en terre, sur le point de la lettre B, ainsi que i'ay dit aux reigles precedées de trot, afin que par le mouuement naturel de l'espaule gauche, il soit contrainct de faire le premier pas de la demy-volte, & apres tous les autres, en auançant & passant librement le bras gauche sur le droit: En mesme temps il luy faut faire porter la teste droit deuant sa piste empeschant neantmoins par le soutien de la bride & du caueſſon, & par le soupçon & chastiment de la iambe & de l'esperon contraire, & quelquesfois du nerf ou de la gaulle, qu'il ne s'accule ou qu'il n'essargisse, ny parte les pieds de derriere hors de la piste de la passade, & du lieu où est marquee ceste lettre A, iusques à ce que les pieds de deuant soient arriuez sans confusion, au lieu de la lettre C, qui se voit sur la seconde ligne.

Pour la main droite.



D ligne premiere.

E ligne seconde.

F ligne troisieme, assauoir sur la passade fer-


mant la demy-volte commencee au B.

G passade.


Et si au lieu de cheminer des pieds de deuant, iustement sur le tour figuré, & les poser directemēt cōme sur la lettre C, ils'estoit estreuy ou trop essargy, lors il le faudra faire auancer, ou reculer, ou aller de costé, iusques à ce qu'il soit placé droitement sur la ligne seconde & les lettres marquees en icelle.

L'AYANT

L'AYANT arresté sur ceste seconde ligne & iuste place limitée, autât de temps qu'il sera besoin pour le diuertir de l'inquietude, qui le pourra auoir saisy, & pour le disposer à l'obeyssance, & à la memoire: il luy faudra apres faire continuer du mesme ordre le reste du cerne de la demy volte, & la finir en mesme temps des quatre pieds ensemble, sur la ligne de la passade qui se doit à present entendre pour la troisieme posant les pieds de deuant iustement sur la lettre D, plus aduancez que demeurez en arriere, selon cest autre dessein, gardant curieusement l'ordre susdit.



QUAND le cheual aura bien & patiemment commencé, & finy la demy-volte à main droite, il le faudra faire auancer par le droit, cheminant du mesme pas au long de la ligne de la passade, & estant arriué à l'autre bout d'icelle, luy en faire autant à main gauche.



TOUTES les fois que le cheual demeurera long temps, auant que vouloir cōlenter, ou que pouuoir cōprendre & bien faire ceste premiere proportiō de demy-volte de pas à vne main, il faudra tenir la passade plus longue que l'ordinaire, principalement s'il a receu beaucoup de desplaisir, & si quelque inquietude l'a saisy sur le lieu de la demy-volte d'où il sera party. Car par la distance qui se fait sur les passades, entre les deux demy-voltes, il se peut souuent diuertir de plusieurs desdains, estonnemens ou mauuaises impressions, qu'il pourra auoir conceües, estant contraint en ces iustesses: auxquelles s'il obeit facilement sans se retenir & qu'il soit assez bon à la main, tât plus courte se fera la passade, tant mieux se souuiendra il de sa leçon: il entend que la plus



courte aye fix pas. Mais s'il est ramingue, ou s'il a la bouche foible & trop legere, les passades courtes seront contraires à la resolution du manege, & au ferme appuy de la main, & partant, ie remets tousiours ces considerations au Cavalierice, qui en aura le iugement capable.

IL faut bien considerer que pour effectuer ceste premiere iustesse, le cheual doit faire la passade droite, & le circuit de la demy-volte, avec les pieds de deuant, sans se haster ny embarrasser: & cependant ceux de derriere doiuent garder le centre, & le point de ceste demy-volte, soustenant également les hanches, sans que le corps du cheual s'accule ny le col se plie: car ce sont les communes fautes que font ou que permettent la plupart de ceux, qui se messent de faire ces reigles.

PLVSIEURS maistres tenus pour excellens, faillent beaucoup plus qu'ils ne pensent à la perfection de ceste iustesse de pas, & generalement en trois actions, desquelles le Cavalierice clair-voyant se peut appercevoir, assistant quand ils font ces leçons. En la premiere erreur, ils font ou laissent plier le cheual qui naturellement est sensible ou foible, tenant la teste & l'attention hors la iuste figure de la demy-volte, retenant par consequent en l'espaule contraire le mouuement qui doit estre libre & necessairement le plus auantageux, à cause qu'il marque l'espace de la demy-volte, & duquel depend la facilité d'icelle. Les autres communes fautes seconde & troisieme, sont lors qu'ils laissent haster & trespigner le cheual impatient, ou retenir & accroupir celuy qui est ramingue, en finissant, & fermant la demy-volte, sur la ligne de la passade. Au contraire, ie veux que le cheual la commence & finisse d'un pas mesuré, soustenu, & du tout égal, portant ensemble, la teste, la veüe, & le courage, sur le iuste tour de son manege, ayant aussi le corps droit & ferme, depuis la queue iusques à la teste, & également soustenu sur ses membres, & sur tout l'action de l'espaule contraire libre & auancée: à quoy le Cavalierice doit user d'une diligence aysee & neantmoins si attentive, qu'il ne perde point de temps, ny d'action en ses iustes mouuemens.

IL se trouuera communément des cheuaux coleres & impatiens, qui naturellement se desplairont à ceste premiere obeysance: de façon qu'ils y feront beaucoup de difficultez, principalement premier que vouloir tenir la croupe ferme en la iuste place limitee de ceste demy-volte. Toutesfois le Cavalierice ne doit pour cela user de plus aspres chastimens, qu'il n'aye auparauant tasché de le gaigner par la douceur, se seruant s'il est besoin de l'ayde d'un homme à pied, pour le caresser & pousser subtilement avec les mains ou par le soupçon ou chastiment du nerf ou de la gable du costé que les moyens ordinaires de celuy qui sera dessus, ne suffiront à le contraindre: encores faudra il faire les fins de ces leçons, au trot ou au galop, sur la volte d'une piste entiere & redoublée, selon que le cheual sera d'humeur violente ou ramingue, afin que par les diuers, & derniers mouuemens de l'exercice, il puisse estre diuertie du desplaisir de la nouvelle subiection de l'escole, qui luy sera incogneüe ou contraire à son naturel. Car si en ces commencemens, le cheual sensible & d'humeur trop ardante, ou aduste & vindicative, se sentoit trop rudement batu & gourmaded, peut estre tomberoit-il en telle confusion, qu'ils s'ensuyuroit quelque acte de desesperoir, ou pourroit concevoir telle hayne en ses premieres iustesses, que le Cavalierice seroit contraint de le remettre comme rebuté, sur quelque autre stile d'escole plus commun & moins parfait. Mais si par une ingenieuse patience, il luy scait faire comprendre & accoustumer ces premieres reigles, sans doute beaucoup d'autres plus belles proportions s'en pourront ensuyure, & luy seront plus aysees, que s'il n'auoit eu recours qu'aux remedes plus communs & violens.



*Pour la main droite.**Pour la main droite.*

A ligne de la passade.  
 B volte d'une piste,  
 C pour se remettre sur la ligne de la passade.  
 D pour commencer la volte.


E pour serrer & mipartir ensemble ceste  
 volte & se remettre sur la ligne de la  
 passade.

Il laisse aux choix du Cavalier ces deux ordres de passades: toutesfois ie l'advisé que le premier donne plus de liberté au cheual, qui naturellement se retient, & que la proportion de ces voltes d'une piste est recognoissable quand les pieds de devant & ceux de derriere ne font qu'un mesme chemin.


Lors que le cheual aura bien compris ceste premiere reigle de pas, il le faudra mettre au trot par le droit sur la passade, & l'arrester aux bouts d'icelle, gardant l'ordre de l'arrest selon la necessité de son naturel: c'est à dire, que s'il est pesant ou qu'il tire à la main, soit d'ardeur ou pour estre trop chargé de chair, ou seulement par paresse: il le faudra arrester sur les hanches, avec beaucoup plus de subiection, que s'il estoit leger à la main, & naturellement obeyssant, ou qu'il se retint estant ramingue- & non comme font ceux, qui en ces leçons arrestent d'une mesme façon toutes sortes de cheuaux, sans éconsiderer la diversité de leurs naturels, ny à quoy l'arrest est nécessaire en ceste reigle.

AYANT ainsi bien paré le cheual au bout de la passade, il le faudra avancer pour le moins un pas ou deux par le droit, sur la premiere ligne marquée B, pour bien commencer la demy-volte, laquelle doit estre iustement faite comme ie l'ay cy dessus representée: & si d'avanture le cheual se haste, s'accule, s'elargist, ou comment qu'il falsifie le commencement de ceste demy-volte de pas, (à cause du trot par le droit non accoustumé, & de la subiection du parer sur la passade) le Cavalier le retiendra sur ceste seconde ligne marquée C, qui limite le premier quartier, côme il se verra mieux aux leçons des voltes entieres:

Dd ij




SOVDAIN le ramènera par son iuste passage, à loysir & sans desordre sur la mesme piste figurée, iusques à la premiere ligne marquée B, sans que les pieds de derriere se partent du centre, là où est marquée la lettre A: & le caressera estant sagement arriué des pieds de deuant dessus le point du B, ou le fera auancer sur ladite ligne premiere, selon qu'en faisant ce retour, il se fera acculé, plié ou couché, ou le fera reculer en icelle ligne, selon qu'il se fera trop chargé ou abandonné sur les espaulles, ou sur l'appuy de la main: ou le chastiera du costé qu'il se fera eslargy, serré ou endurcy: puis luy fera recômmencer, (sur la premiere ligne, & en la place qu'il le trouuerra plus disposé à l'obeyssance) la mesme quartier de volte, qui se doit finir sur la seconde ligne de la lettre C, qui fera la moytié de la demy-volte, vsant en la iustesse, de la plus grande patience & diligence qui se pourra.




PAR ce que ceste figure pourroit troubler l'esprit de celuy, qui n'auroit leu ce second liure que iusques à ce precepte, ie diray seulement, (attendant vne autre occasion plus necessaire) que les traicts qui se voyent figurés, outre le premier quartier marqué par les susdites lettres, signifient, que si le cheual se met en inquietude, à cause des chastimens receües pour les fautes qu'il pourra auoir faictes, estant mal reuenü par sa iuste piste sur la ligne premiere, que ie viens d'expliquer, ou commet que pour quelque autre occasion il ne soit nullement disposé pour bien commencer ce premier quartier, les pieds de deuant estant au lieu du B, il faudra lors passer outre par le droit, alongeant la ligne premiere non seulement s'il y manque vne fois ou deux: mais aussi souuent qu'il ne voudra bien commencer ledict quartier. Car en quelque part qu'il le face bien durant ces premieres leçons, le lieu est bon pourueu qu'il soit bien commencé sur la droicte & premiere ligne.

Or toutes les fois qu'estant arriué sur la seconde ligne, marquée C, le Cavalierice sentira quelque fausseté en ce premier quartier, aussi souuent fera il pariemment & iustement retourner son cheual sur la premiere ligne, pour luy faire recommencer & refaire le mesme quartier, & par ce moyen recognoistre peu à peu la faute, ou pour le chastier s'il est besoin: Mais s'il commence à bien & iustement tourner, & qu'il arriue sur la seconde ligne, sans auoir failly en ceste iuste proportion, il le faudra faire passer outre, acheuant la demy-volte d'un mesme pas, & d'un mesme ordre, sans l'arrester ny l'interrompre en son action bien obseruee: mais à tous les coups qui falsifiera le second & dernier quartier de ceste demy-volte, il le faudra iustement ramener sur la seconde ligne marquée C, pour luy faire encores reparer la faute, tout ainsi qu'au premier quartier, & apres reuenir encore sur la premiere ligne, pour recommencer toute la demy-volte: & quand il l'aura iustement & entierement faite, lors le Cavalierice le remettra sur son trot, par le droit pour aller faire tout de mesmes à l'autre main. Ceste regle est communément propre aux cheuaux sensibiles, & de bonne inclination, qui neantmoins se desplaisent naturellement à tenir les hanches subiettes dedans la volte,



Plusieurs cheuaux se trouueront, que pour auoir le col naturellement dur & bande, ou pour estre trop chargez d'espâles, ou pour auoir l'appuy de la bouche trop pesant, & quelque fois de bisarrerie, & de despir, se rendront entiers ou tardifs sur ceste demy-volte de pas à cause des retours & reprinses, & du sejour, qu'il se fait souuent sur la seconde ligne de ceste leçon pour les adiufter: & d'autres qui seront tât sensibiles & impatiens que ceste regle les rendra plustost confus que faciles à la leçon. Or de quelle de ces humeurs, que le cheual puisse estre composé, au lieu de l'arrester sur la seconde ligne, il luy faudra ordinairement faire acheuer la demy-volte, sans interrompre son pas, quelque faute qu'il face: neantmoins le plus iustement qu'il se pourra, & ayant failly en la iustesse, soit au commencement, au milieu, ou à la fin de la demy-volte, il le faudra faire auancer droit dessus la ligne de la passade, deux ou trois pas ou plus ou moins, selon qu'il se sera retenu, ou le faire reculer selon qu'il se sera trop auancé, ou abandonné sur les espâles, ou sur l'appuy de la main: & au lieu de l'auancer par le droit, pour aller à l'autre bout de la passade, il le faudra ramener iustement & à loysir & le remettre droit dessus la premiere ligne, dont il sera auparauant party, & apres luy faire recommencer, & mieux obseruer la demy-volte, cōtinuant ainsi toutes les fois qu'il fera des fautes en la iustesse, iusques à ce qu'il s'apperçoie qu'il ne peut auoir liberte d'aller à l'autre bout de passade, que le premier il n'aye bien comencé & finy ceste demy-volte. Mais quand il l'aura faite iustement & nettement, il le faudra caresser, & puis le faire partir, trotant droit & viuement sur la ligne de la passade pour en aller faire de mesmes à l'autre main.





A premiere demy-volte.

B premier retour.

C reprises de la demy-volte premiere, plus auuancée s'il est besoïn.

Le Cavalier doit sçauoir en ses retours de quartiers & de demy-voltes, comme aussi à ceux des leçons qui se verront cy-apres, que si au lieu que le cheual doit estre libre à tourner à toutes mains, il est naturellement, & en effect, dur & mal-ayse d'un costé, & qu'il s'accule de l'autre, comme il aduient souuent, il faudra faire sur la main difficile, les retours plus larges des pieds de derriere, afin que ceste liberté diuertisse le cheual de deuenir paresseux ou entier: & s'il s'abandonne sur l'appuy ou s'elargit trop de derriere, il le faudra serrer plus que la proportio ordinaire, & mesmes l'acculer si besoing est. Mais s'il est ayse & déterminé au trot & au galop, également à chaque main, (comme il doit necessairement estre, auant qu'on le mette en ces leçons estroittes,) il faudra obseruer autant de iustesse, & les mesmes proportions, à tous les retours, comme aux vrayes quartiers & demy-voltes de la principale leçon. Il faut aussi considérer que les retours & reprises, qui sont representees en diuers endroits de ces figures, outre la proportion de la demy-volte premiere, signifient qu'il ny doit point auoir d'autres lieux limitez, que selon que le cheual se trouuera bien disposé à l'obeyssance & à la memoire: assauoir qu'il le faudra aucunes fois aduancer ou retenir sur la droite ligne de la passade, auant que refaire & adiufter le quartier falsifié, (comme aussi apres l'auoir refait,) selon qu'il s'acculera & se retiendra, ou qu'il s'abandonnera ou sera trop desireux de s'auancer. Car notamment premier que faire les retours de ces demy-voltes, ou des voltes entieres, il est à tous coups necessaire, que le cheual recognoisse, par les menaces ou chastimens, en quoy il aura failly. En fin tous les mouuemens de ces reigles, doiuent estre en tout si bien obseruez, que s'il est possible, il ny en aye point d'inutiles à la iuste obeyssance.


Ivsques icy les susdittes leçons assemblées, desgourdissent & resoluient le cheual, par le trot, qui se fait sur la passade: l'alegerissent à la main, & luy assurent la teste, & l'appuy de la bouche, par les bons arrests continuels: l'adiufter & luy font la memoire, par les proportions des retours & reprises des demy-voltes, patiemment & diligemment obseruées.

## SECONDE REIGLE DES PASSADES

*& demy-voltes, terre à terre.*

## CHAPITRE XVI.

**Q**UAND le cheual trottera librement & legerement sur la passade, qu'il sera au parer obeyssant & bon à la main, iuste & facile à la demy-volte de pas : lors il faudra que le Cavalier considere l'air ou l'exercice, qui sera plus propre au naturel du cheual. Et s'il recognoist que le manege terre à terre, se rapporte plus à ses forces & complexion que les airs releuez, il continuera encores l'ordre susdit : hors mis qu'en mesme temps que le cheual arriuera de pas, droit sur la seconde ligné de la demy-volte, il le faudra aduertir haster & auancer ensemble, pour luy faire fermer le dernier quartier, par deux ou trois temps de galop raccourcy, & neantmoins bas & diligent, finissant par iceluy ladite demy-volte, en arriuant des quatre pieds ensemble, droitement sur la ligne de la passade, posant ceux de deuant sur la lettre D.



A piste du passage de la susdite proportion.  
 B piste des susdits temps de galop raccourcy.  
 C piste des retours au pas.

IE desire que le cheualier considere en combien de lieux & d'occasions, ie luy recommande la iustesse & facilité de tous les commencemens de ces proportions, afin qu'il ne face comme le commun des Cavaliers, lesquels quoy que le cheual commence mal son manege, ne laissent pourtant de passer outre, soit pour ne sentir la faulseté, ou pensant le chastier en continuant de tourner, & luy faire reparer la faute par vne meilleure fin. Ie ne veux pas dire que cela ne se doiue faire aucune fois, quand le cheual gaillard & de grande esquine, s'agroupe trop en commençant son air & son manege, ou quand il veut deuenir entier, mais en ces leçons d'obeyssance & de memoire, propres au cheual de bon temperament & de bon nerf, ie n'entends pas seulement que quád le cheual (desia accoustumé à leur ordre,) aura falsifié vn quartier de volte, on le doiue ramener sur la ligne plus proche, & dont il viendra de partir. Ains ie veux qu'en quelque part, & endroit de son passage, ou en quelque temps de son air, & sult-ce au premier, qu'il falsifiera tant soit peu, les iustes proportions de ces demy-voltes, le Cavalier le rameine tout court, le plus paisiblement qu'il pourra, & sans desordre sur la place qu'il aura commencé la faute, & encores plus outre, afin qu'en la luy faisant reparer, il la recognoisse & se corrige, comme ie diray mieux aux leçons des voltes entieres & redoublees. Et pour bien faire toutes ces regles, le Cavalier doit premierement auoir dispose à toutes ces leçons, les forces, l'halaine

& le courage du cheual, par le bon exercice du pas, du trot ou du galop, selon qu'il aura recogneu son naturel.

A grand peine fera le cheual ceste derniere leçon, sans que au commencement il ne se ferre, s'accule, se plie, ou s'elargisse trop: mais pour faire qu'en tournant, il tiene les deux pieds de derriere iustement sur le centre de la demy-volte, & que sur icelle il resolue viuement le mouuement des espauls, il faudra auancer vn peu le bras, & le poing de la bride, afin de porter le cheual en auant, sans toutesfois le chasser hors du circuit de ladite volte, le sollicitant en mesme temps avec la gaulle, discrettement sur le col pres des rennes, ou sur l'espaule contraire, & le tenant aduert, auancé & ordinairement en soupçon, par le subtil & iuste mouuement des iambes, & beaucoup plus du costé, qu'il se vouldra trop serret ou elargir.

TOUTES les fois qu'il manquera tant soit peu, en ceste seconde reigle de demy-volte, soit à l'air ou en la iustesse du terroir, il le faudra remettre aussi souuent, & sans passer plus outre, sur la premiere ligne: pour luy faire recommencer & refaire la demy-volte, iusques à ce qu'il l'aye proportionnee iustement & nettement, ie dis sur la premiere ligne, parce que le premier quartier qui se fera de pas, seruira d'ayde à la resolution de l'air du galop raccourcy, qui doit fermer le second quartier & la demy-volte, apres on le pourra mener à l'autre bout de passade, pour continuer la mesme leçon à l'autre main.

A mesure que le cheual pratiquera la facilité de ces deux, ou trois temps du galop raccourcy, par lesquels il aura fermé le dernier quartier de la demy-volte, sans doute il se disposera à se mettre de foy mesme à cest air, auant qu'il arriue de pas sur la seconde ligne, & lors il fera temps de commencer à le faire galopper paisiblement par le droit sur la passade, & non plustost.

TROISIEME REIGLE DES SVSDITES  
*passades & demy-voltes.*

CHAPITRE XVII.



QUAND le cheual sera reiglé, cōme i'ay dit iusques icy, le Caualerice luy augmētera l'ordre de ses leçons, luy faisant faire la passade au galop lent ou vigoureux, selō que naturellement il se vouldra retenir ou precipiter en galoppant, & au bout d'icelle, il le parera discrettement sans le ramener trop sur les hāches, ny le laisser abandonné sur les espauls ou trop appuye, mais de façon qu'estāt vny en bone & ferme posture, il puisse nerueusement dispenser ses forces & legeresse à l'air & à l'obeyssance de la volte. Et toutes les fois que la parade se trouuera imparfaicte, le Caualerice fera reculer, auācer ou aller de costé son cheual, selon qu'il se fera trop estendu, appuyé, ou trop retenu ou acculé, ou qu'il aura falsifié d'vn costé ou d'autre la droitte ligne de la passade, & non autrement. Pour mieux expliquer l'ordre & les moyens de bien proportionner ces arreſts, ie diray qu'à chasque fois que le cheual se retiendra, & s'acculera en parant, le Caualerice le fera repartir à l'instant droit, & sans perdre temps, le faisant viuement outrepasser l'endroit premedité, pour luy faire refaire, en vne autre place la parade plus hardie & plus nerueuse. Et si en le faisant, ou l'ayant ainsi fait repartir, le Caualerice sent qu'il retienne encore ses forces, il le doit rechasser plus fort, & plus auant, ne




ceffant d'alonger la paffade & la courfe, qu'il ne foit diuertý du defir de s'arrefter.

Mais au contraire fi en l'arrestant au bout des paffades, il fe charge trop fur les efpauls, ou fur l'appuy de la main, il le faudra à tous les coups faire reculer, feló qu'il aura failly, fut-ce iufques à demie-paffade, voire au lieu d'où il fera party, fans pour cela le laiffer efcarter de la droite ligne: & apres luy auoir rendu la main, le tenant arrefté fur la place qu'il aura fai& le dernier pas en reculant, le Caualerice le fera fagement repartir fans le precipiter, pour prendre l'occafion & le temps, & luy faire mieux ramener & raccourcir l'a&tion de l'arreft.

Or tout ainfi que ie veux que le cheual ramingue foit hardiment chaffé, quand il refufe la diligente refolution de la paffade, i'entends auffi qu'on retienne fur les hanches legerement & avec patience, celui qui eft trop impatient & determiné, ou qui s'abandonne trop fur le deuant: foit à caufe de quelque foibleffe de membres, ou poureftre naturellement trop chargé: car par ces moyens on pourra difpofer l'un & l'autre à l'obeyffance, & aux iuftes proportions de l'arreft.

Et quand le cheual aura rendu au parer de ces paffades, la legeresse & facilité, qui pourront naiftre de fes forces, & difpofition ioin&tes à la pratique qu'il aura des leçons precedentes: le Caualerice le fera auancer deux ou trois pas par le droit, & fans confufion, pour foudain prendre l'air & la demy-volte enfemble, luy aydant fans violence de tous les fecours neceffaires, principalement de celui de la gaulle, qui eft fort propre à refoudre l'air de ces premieres leçons: & empeschant fur tout en ces commencemens, qu'il ne s'accule ny ne fe hafte trop: car de ces deux premiers defordres peuuent naiftre plusieurs autres fautes, mefmement la moleffe, ou le trepigement de tous les airs, qui font deux imperfections differentes & bien fort defagreables.



Si du commencement iufques à la fin de ceste demy-volte, le cheual manque à la iufteffe, & à l'air tout enfemble, il faudra à tous les coups, & fans paffer plus outre, le remettre par fon iufte paffage, fur la premiere ligne de la demy-volte, pour la luy faire recommencer & refaire, iufques à ce qu'il l'aye iuftelement & nettement fournie, & apres le laiffer repartir au galop, pour en aller faire tout de mefme à l'autre bout de paffade, & à l'autre main gardant curieufement l'ordre fufdit.

Quand il fera affeure aux proportions & à l'air de ceste demy-volte il le faudra refoudre fur la paffade, hafant peu à peu le galop, afin qu'à mefure qu'il fe determinera, il aye auffi le temps & les moyens de pratiquer & fortifier l'a&tion du parer. Car fi pluftoft on le chaffoit à toute bride par le droit, (quoy que defia il fuffit facilité, & affeuré à la demy-volte, la parade fe pourroit trouuer foible & des-vnie à faute de pratique, & apres par confequent la demy volte defordonnee: à caufe que la iufte

proportion d'icelle, despend de la bonne disposition du parer. Et lors que le cheual aura comprins & bien pratiqué ces leçons, il le faudra resoudre luy faisant ioindre discrettement, & sans l'arrester du tout, la demy-volte facile & bien fermee, à la passade droite & furieuse, par les moyens de la fermeté & temperee proportion du parer, & apres sans interuale, ou perte de temps, le faire repartir droit & vigoureusement, assauoir si la demy volte se trouue vnie, & nettement fermee & fournie d'air, de iustesse & de vigueur. Mais si elle se trouue imparfaicte, il faudra retenir le cheual tout court sur le lieu qu'il l'aura finie, & apres l'auoir auancé quelque pas, le ramener par son iuste passage sur la premiere ligne, pour luy faire recommencer & refaire la demy-volte terre à terre, iusques à ce qu'elle soit en sa vraye & iuste proportion: & si en la fermant la fougue saisit tellement le cheual, qu'il precipite le repartir sans attendre le mouuement du cheualier, il le faudra aussi arrester tout court apres auoir fermé la volte, & le tenir avec patience sur la mesme place, iusques à ce que l'ardeur superflue, & le trop grand desir de partir de ce lieu ne le possèdent & confondent plus. Mais s'il a la pratique, & la patience de iustement commencer & finir la demy-volte, & de bien & seurement se presenter au partir, attendant & escoutant l'action & aduertissement du cheualier, il ne le faudra point arrester, ains continuer d'une alciene l'effort de ce manège, sans vouloir surpasser la vigueur du cheual.

PAR ces reigles, le bon Caualerice peut avec le temps, la patience, le iugement & la bonne pratique de l'art, rendre aucuns cheuaux faciles, iustes & determinez aux vrayes passades du combat de l'espee, lesquelles ne sont pas bien cogneues de tous ceux, qui les pensent bien faire. Et pource ie desire que le Caualerice confidere curieusement tous les mouuemens & proportions de ces leçons qu'iluy en feront naistre beaucoup d'autres en l'entendement, selon les occasions différentes des actions des cheuaux, qu'il y vouldra reduire: Mais ie ne scay s'il se trouuera beaucoup de ieunes ceruelles, capables de bien comprendre ces preceptes, & les reigler avec la patience & diligence necessaire, veu que la nature de ce manège, estant fait viuement, & en sa perfection, precipite plus la memoire & les forces du cheual, que tous les autres exercices qui se pratiquent en nos escoles. Tellemēt que le Caualerice doit estre tenu au nombre des bons maistres, quand il maintient longuement le cheual en l'obeyssance & resolution de ces passades & demy-voltes: aussi voit-on beaucoup plus de cheuaux, qui se rendent aylez & obeissans à chascune main, au manège du galop, & terre à terre, & presques à tous les autres qui se peuuent faire, que de ceux qui sont propres pour ces passades de combat: car pour bien faire ce manège, le cheual doit estre accompagné de beaucoup de parties, qui ne se trouuent pas souuent ensemble. Premièrement il doit estre bien fort vifte & déterminé, pour partir tride & aussi furieusement de la main, que s'il se vouloit mettre en pieces, sans apprehender ny premediter aucunement le lieu, là où il faut qu'il s'arreste, ny là où il doit tourner: & neantmoins il doit auoir l'obeyssance iointe tellement à ses forces, & la bouche si franche & d'un si bon appuy, que dès que le cheualier luy presentera le parer, soit pour le disposer à bien tourner, ou pour l'arrester du tout, il se prepare & se mette nerveusement en garde sur les hanches, pour obeir, sans faire aucun faux mouuement, sur tout de la teste, de la bouche, ny de la queue. Il faut aussi qu'il aye le col ferme, & les espaulles legeres & fortes, pour pouoir faire la demy volte diligente & nette, sans se plier ny acculer aucunement, & par consequent, pour repartir avec vigueur: & sans toutes ces parties ensemble, les susdites passades ne se peuuent faire en leur perfection: voila pourquoy nous trouuons si peu de cheuaux, qui en soyent capables. L'on void souuent que ceux qui sont les plus vistes & determinez, ont quelques imperfections & incommoditez de bouche, de pieds, de iambes, d'espau-

les, de reins ou de memoire, qui les empesche de reunir leurs forces, pour se disposer à tourner iustement, au temps qui est necessaire: & pour si bien quel'on aye travaillé à les faciliter par beaucoup d'artifice, si on les met à l'exercice deses passades, sans doute en peu de temps la determination & furie dicelles, les emportera & mettra en fuitte. Il y en a d'autres, qui naturellement sont si ramingues, qu'ils ne se peuuent resoudre à partir viuement, ou que d'aussi tost qu'ils ont fait rondement trois ou quatre temps de la course, ils commencent à s'arrester d'eux mesmes, n'allans que d'un certain galop contraint & singard, pour pouuoir parer ou tourner plus facilement selon leur dessein & commodité. De façon que se desrobans aucunes fois, ils parent & tournent outre le uoloir du cheualier: d'autres qui ont les espauls si foibles ou pesantes, ou le col si mol, que quoy qu'ils fassent bien le partir, la course & la parade, ils ne peuuent apres tourner sur les hanches, sans se plier ou acculer, & mesmes n'ont plus moyen de fermer nettement la demy-volte, ny de repartir vigoureusement. Tellement qu'il ne faut pas trouuer estrange, si aucuns disent communément, qu'ils se contenteroyent que leurs cheuaux maniasent iustement à toutes mains, terre à terre, & qu'ils fussent de belles & furieuses passades. Et tel dict, que pour son v'sage, il luy suffiroit de sçauoir seulement bié faire ces maneges, qu'il desire plus qu'il ne pense, ne sachant pas la difficulté de son souhait.

Pour rendre les demy-voltes de ces passades en leur iustesse plus parfaite, il faudroit qu'elles fussent fournies & serrees en deux temps, ou battues: mais il se trouue à present peu de cheuaux, qui les puissent bien faire en ceste façon: & si par cas fortuit on en rencontre quelqu'un, qui aye l'obeyssance & la prestesse naturelle propre à fournir la prompte facilité de telle proportion, encore faudra-il que ce soit cependant qu'il sera aduerty, & que ses forces seront vnies & bien disposées: car pour si bié qu'il soit dressé, si on le recherche à l'improuiste, quand il aura fait seulement deux ou trois lieus par pays, il n'observera pas ceste diligence. C'est pourquoy ie suis d'auis que communément en ce manege, on adiu'ste & assure le cheual à parfaire par trois ou au plus quatre temps la demy-volte.

Lors que le cheual est assuré à ces passades, pour les reduire en leur perfection, il faut premierement que le cheualier aduertisse son cheual & le mette en garde, afin de le bien faire partir: apres il le poulsera droit, & à toute bride ordinairement environ trente pas, & premier qu'il soit arriué au lieu qu'il le vouldra tourner, il le doit auoir discrettement soustenu, retenu & mis ensemble, comme i'ay desia dit, afin qu'il aye moyen de faire la demy-volte en trois temps, iuste, nette & sur les hanches, ayant les deux pieds de derriere également appuyez dessus le centre d'icelle, sans toutes fois qu'il s'accule ny se plie, si bien qu'en mesme temps qu'il luy aura tourné la teste du costé qu'il sera party, les quatre pieds ensemble (ayant entierement finy & fermé la demy-volte,) se trouuent iustement posez dessus la droite ligne de la passade, pour pouuoir viuement repartir, également agité au premier temps de la course, par les deux hanches droit & ferme sur ladite ligne de la passade.

Ie redis & aduise encores expressément le cheualier, qu'il doit vser d'une grande discretion, pour soustenuir & retenir mediocrement le cheual au bout de la passade: afin que premier qu'il tourne, il y soit bien disposé: car estant trop retenu il sera contraint (pour estre plus ramené sur les hanches, qu'il ne ce doit) de faire la demy-volte lente & acculee, & par consequent cela luy otera le moyen de se preualoir de sa force, pour repartir viuement, soudain qu'il aura fermee sa demy-volte. Et s'il ne le retient assez, il faudra necessairement aussi, que se trouuant abandonné sur les espau-

Serrer la vol-  
te & fermer  
la volte, n'est  
qu'une mes-  
me chose.



les, ou sur l'appuy de la bride, il porte la croupe hors du iuste circuit de la demy-volte, ou qu'il la face trop large, & que de ce mesme desordre le repartir le face de biais, & hors de la droite ligne des passades. Au contraire, il faut s'il est possible que le partir de la main, & tous les reparts se fassent de pareille vigueur, les quatre pieds du cheual estans ensemble, droitement dessus la ligne de la passade, & les demy-voltes semblables d'air, de proportion, & de terroir, & consequemment que tout le manège soit soustenu du commencement iusques à la fin, d'une mesme force & de terminacion, & d'un ordre pareil.

---


PASSADE A DEMY AIR.

---

CHAPITRE XVIII.



Si le cheual se trouue assez leger & nerveux, pour reussir au manège de demy-air, au lieu du galop raccourcy de ces demy-voltes terre à terre, elles ne seront pas ordinairement si diligentes, mais on les trouuera beaucoup plus fermes sur vn mauuais terroir, & feront mieux paroistre la grace du cheualier, & celle du cheual à cause qu'elles seront plus releuees de deuant, & par consequent plus soustenues sur les hanches. Pour faire ce manège de passades à demy-air, l'on doit obseruer les mesmes reigles & leçons susdites, hors-mis qu'au parer il faut soustenir le cheual d'auantage, luy faisant faire par le droit, (quand on voudra du tout resoudre son manège) vn ou deux temps, ou battues de plus, & vn peu plus releuez de deuant, afin de luy mieux adiufter les hanches & les pieds de derriere, & que par mesme moyen, il puisse mieux ioindre son air, à la iustesse de la demy-volte, laquelle bien qu'elle soit plus releuee, doit estre neantmoins pour la proportion du terroir, semblable à celle de terre à terre, & ordinairement commencee & finie en trois temps, & sur la mesme place du troisieme (qui doit estre fait directement dessus la ligne de la passade) il en faudra encores faire vn ou deux fermes, de pareilles mesure & fort peu auancez, comme l'on peut iuger par la lettre D, qui se void en ceste figure.



Pour faire les reparts de main de ces passades, avec plus de grace, d'art & de furie, il faudra pousser le cheual à la seconde, ou troisieme battue des courbettes, faites de ferme à ferme par le droit, prenant le temps cependant que le cheual aura le deuant en l'air: de façon qu'il parte sur les hanches premier que redonner des pieds de deuant en terre: mais il faut considerer en ce temps du partir, que si l'on pousse le cheual ayant le deuant trop hault, il aduiendra qu'au lieu d'un beau & ferme mouuement, ce sera vn essans des-agreable: & s'il a les pieds de deuant trop pres de terre quand on le poussera, il fera aussi vne autre action sur les espaulles en baissant la teste, qui ne  
fera

fera gueres moins desplaisante. C'est pourquoy la perfection de ce temps n'est pas commune à tous les hommes de cheual.

QUAND ce partir est nettement fait il n'est pas seulement tres-beau & furieux dōnant beaucoup de grace, & de force au cheualier & au cheual: mais si en cōbattant à l'espee, le cheualiera le iugement & la pratique de l'effectuer cōme il se doit, & que son cheual luy obeye bien à propos, indubitablement si le coup qu'il donnera se rencontre iustement sur la furie & facilité de ce partir de main, & principalement à six ou sept pas du lieu que le cheual aura esté pouff, & à vn des tēps de la course auquel le deuant du cheual descendra, le poids & l'estonnement en fera beaucoup plus grand. Mais l'on ne trouue pas quantité de cheuaux determinez & couraueux, qui ayent la patience d'attendre ce temps, qu'il faut choisir & prendre sur les hanches, & avec le deuant en l'air, ny d'hommes nō plus qui le sçachent bien effectuer. Quant à l'arrest & à la fin de ce manège, il se doit faire par deux ou trois pesades ou courbettes, ou tant qu'on voudra, selō que le cheual aura esté dressé. Et pour le maintenir en l'obeyssance & en la iustesse de ce manège, il faudra estant à l'escole, finir ordinairement les passades au petit galop, arrestar le cheual tout à fait & le carēssant, premier que faire la demy-volte, comme aussi apres l'auoir bien fourni & fermee, mesme si de son temperament, il est apprehensif & colere, ou s'il tire à la main de trop d'ardeur: afin qu'estant assēuré & repatrié par cestē douceur & patiēce, il puisse estre diuert de l'apprehension qu'il faisoit d'ordinaire, à cause de la violence du susdit exercice: & encores le faudra-il quelquefois eslargir de la plus iuste proportiō de ces demy-voltes: assauoir, que si naturellement il se serre plus qu'il n'est besoin, soit pour soupçonner & craindre trop les aydes & chastimens, ou pour estre impatient ou rammingue, il faudra sur la fin de l'exercice tenir les demy-voltes plus spacieuses, que de leur ordinaire iustesse: & s'il s'esslargist trop outre le uoloir du Caualerie, on doit par consequent finir ces leçons en estreissant les demy-voltes, iusques à la subiectiō necessaire: & par ce moyen le Caualerie de bon iugement, pourra tousiours maintenir le cheual en si bonne escole, sur ces passades & demy-voltes, que quand il voudra, il les fera pareilles de toutes proportions, autrement elles ne pourroient estre en leur perfection.

I E pense auoir veu vne grande partie des plus excellents hommes de cheual, qui ont esté de mon temps, & avec beaucoup de peine me suis rendu curieux de les pratiquer & seruir, ou de pouoir par d'autres moyens, voir le stile de leurs escoles en quelque part de la Chrestienté, que ie les aye peu trouuē. Mais en fin ie n'en ay point veu, qui fissent ce dernier manège, avec tant d'art & de grâce, qu'a fait Monseigneur le Marechal de Damp-uille, maintenant Connestable de France. Je puis dire avec verité, luy auoir veu dōner en faisant ces passades, en deux combats, deux coups d'espee à deux braues cheualiers, bien armez & montez de tous les aduantages, qui sepeuent honnestement desirer, dont l'vn estoit Prince des plus genereux & gallands, qu'il y eust en ce Royaume, & l'autre auoit reputation d'estre vn des meilleurs hommes de cheual de son tēps. Chacun d'eux receut vn si grand coup d'espee, donné si brauement, & d'un temps si iuste & si heureux, que l'vn en fut reuerlé tout à fait sur la croupe de son cheual, & l'autre separé de la selle, & porté par terre: chose si mal-aysee à croire que ie ne l'oserois escrire, si vn grand nombre de personnes d'honneur ne l'auoyēt veu commemoey. Le premier coup fut donné à Bayōne, quād la Roynē d'Espagne y fut trouuer le feu Roy Charles son frere, & l'autre à Paris, au iardin derriere le Louure, & aux combats, qui furent faits durant le temps des nopces de feu Monseigneur le Prince de Portian, & tous les deux en presence du Roy, de la

Roynie la mere, & de tous les Princes, Princesſes, Seigneurs & Dames de la Cour. Il a auſſi tres-bien fait en general tous les autres plus beaux exercices, qui ſe peuuent faire à cheual: de ſorte que tant que nous ſommes, faiſans profeſſion de ceſt art, & qui auons eu l'heur de voir ce vertueux & braue Seigneur, deons confeſſer librement qu'il n'y en ſçauoit auoir au monde, ny peut eſtre n'en fut iamais, vn plus accompli en toutes actions honorables & grandes, & particulièrement tât amateur des bons hommes de cheual, qu'il a eſté, ny meſmes qui ayt pratiqué avec tant de grace & de ſçauoir, toutes les plus belles reigles de ceſt art. Or pour reuenir à nos paſſades, on peut comprendre par leurs leçons, que le cheual doit faire la demy-volte, tenant les deux pieds de derriere ſur le centre d'icelle, cependant qu'il fait le tour, & le circuyt avec ceux de deuant. Mais pour acheuer la volte entiere, ou pour en faire pluſieurs il faut tenir le manege plus large, autrement il n'auroit grace ny vigueur: ioint qu'il n'eſt pas neceſſaire, que les voltes redoublées ſoyent ſi eſtroites, comme les demy-voltes des paſſades: car en fin l'un & l'autre manege ſe pratique pour ſeruir au combat de l'eſpee. Et pour en bien comprendre les raiſons, il ſe faut imaginer que le cheualier ayant donné vn coup d'eſpee à ſon ennemy, en faiſant la paſſade, tant plus diligemment aura-il apres tourné ſon cheual au bout d'icelle, pluſtoſt ſera-il preſt à repartir pour donner vn nouueau coup: c'eſt pourquoy la demy-volte doit eſtre eſtroite & diligente. Je rediray encorres qu'elle ſe fait ſur les hanches, parce que le cheual eſtant ainſi r'accourcy, & le manege également ſouſtenu ſur les iarrers, les pieds de derriere ſe trouuent ſi fermement ſituez en terre, que le cheual ne peut gliffer ny tomber en tournant que par grand hazard: meſmes par ceſte ferme poſture, il ſera touſiours pluſtoſt preſt (quand le cheualier voudra) à repartir également ſur les deux hanches, & avec le corps droit, ſur la ligne de la paſſade, pourueu qu'il ne ſoit trop acculé: & d'autre-part, le cheualier en ſera moins incômodé. Quant aux voltes redoublées, leur propre eſt de ſeruir lors que deux cheualiers ſont accoſtez & aux mains, tournans l'un autour de l'autre, ſe frappans & chamaillans à coups d'eſpee, & raſchans chacun de gagner la croupe du cheual de ſon ennemy, en quoy il eſt ayſé à iuger que ce manege doit eſtre plus large, & plus libre ſur le deuant, que n'eſt la demy-volte des paſſades. Toutesfois ie veux, en ces voltes entieres & redoublées, que le cheual tienne ordinairement vne hanche vn peu dedans la volte: d'autant que par ce moyen, il ſera empeſché de ſe coucher ou de pancher ſur le tour, & par conſequēt le manege ſera plus ſeur en vn mauuais terroir, & le cheualier plus droit, & plus fort en ſon aſſiette.

---

## VOLTES. ENTIERES ET REDOVBLES


*terre à terre, & à demy-air.*

### CHAPITRE XIX.



**Q**VAND le cheual ſera facile, & aſſeuré aux iuſtes demy-voltes, terre à terre, & qu'on luy voudra faire fournir, ou redoubler d'un meſme air, les voltes entieres aux deux bouts des paſſades, il faudra commencer la volte au trot, les quatre pieds ne faiſant qu'une piſte: aſſauoir ſ'il eſt leger à la main, & principalement ſ'il retient ſes forces: & au pas, ſ'il s'appuye trop, & ſ'il eſt aſſez nerueux pour fournir à la iuſteſſe ſans eſtre pouſſé au trot, & en ce paſſegel luy faudra tenir la croupe, vn peu dedans la volte.



*Pour la main gauche.*

- A paffade.  
 B pour prendre & faire la fufdite volte d'une pifte au trot.  
 C pifte du fufdit paffage, fait avec les pieds de devant.  
 D pifte des pieds de derriere fur ledit paffage.

Lors qu'il finira vne ou deux voltes de ce pas, ou de trot, iufte mēt fur la lettre A, qui fe void en la figure fuiuante, il luy faudra encores faire fournir fans l'arrefter, vne demy-volte terre à terre, plus large des pieds de derriere, que celles des leçons precedentes, gardant neantmoins la iufteffe tāt qu'il fera possible, & finiffant ceste demy-volte terre à terre, droitement des quatre pieds fur la ligne de la paffade, posant ceux de devant fur la lettre B, & puis l'auancer par le droit, & le faire aller le pas ou le trot, selon ses forces & obeyffance, pour faire la mefme reigle à l'autre main.




- D pifte des pieds de devant, faite fur lair de la fufdite demy-volte.  
 E pifte des pieds de derriere fur l'air d'icelle volte.  
 F pifte feule de la demy-volte, de pas ou de trot.

En ceste figure, il faut entendre par la marque, ou raye marquee C, qui change la rondeur de la pifte des pieds de derriere, & qui se ioint à celle des pieds de devant, que quand le cheual prend l'air du galop r'accourcy, terre à terre, fur la lettre A, laiffant le trot de la volte d'une feule pifte, les pieds de derriere, doiuent tenir tel ordre en s'adiuftant, & allant prendre l'estroite place & rondeur, en laquelle les hanches doiuent soustenir l'air du manège fufdit: & apres pour reprendre le trot arrondy, il faut garder par les pieds de derriere, la mefme proportion auffi marquee C.

Ee ij

APRES que le chéual aura côprins ceste leçon, il la faudra augmenter comme en la mesme figure, la comméçant par la demy-volte, terre à terre, finie des pieds de deuant sur la lettre B: & soudain sans l'arrester luy faire continuer le tour entier, au pas ou au trot, selon les occasions susdittes, empeschant soygneusement qu'il ne se serre, se plie, ny s'elargisse, ny qu'il parre les pieds de deuant, ny ceux de derriere, de leurs iustes places limitees, & cy deuant representees. Et aussi tost que les pieds de deuant seront arriuez en tournant sur la lettre A, il luy faudra encores faire refaire d'une haleine, vne autre demy-volte terre à terre, iustement finie dessus la ligne de la passade, ayant les quatre pieds sur icelle ligne, & ceux de deuant au lieu de la lettre B. Sans doute apres que le cheual fera bien ces deux dernieres leçons, il sera fort ayse de luy faire commencer, & fournir la volte entiere, terre à terre, ou à demy-air selon ceste autre figure suyuant, & apres on pourra accroistre peu à peu, l'ordre de la leçon & redoubler selon qu'il pratiquera avec memoire, toutes ces proportions, & tant que ses forces & haleine luy permettront l'effort de l'exercice.




C posture du corage du cheual, sur le manege de la susdite volte.


IE scay qu'il pourra aduenir en ceste derniere leçon, que le cheual fera quelque desordre à l'air, ou en la iustesse du terroir, ou en tous les deux ensemble, au commencement qu'on le voudra refoudre du tout à prendre, & fournir la volte entiere, terre à terre, commencee & finie, ayant les pieds de deuant sur la lettre A, & tout le corps dressé sur la ligne de la passade, & apres en la voulât encores accroistre d'une moitié, iusques à la susdite lettre B, sans interrompre l'air du galop, diligent & raccourcy. En cela, il faudra considerer que ces desordres viendront communément, de ce que le cheual se trouuera surprins, par la nouueauté de la leçon. Mais sans doute aussi tost, qu'il l'aura recogneüe, il y apportera la facilité necessaire, moyennant la patience, & les iustes & subtils mouuemens du bon Canalerice.

Si d'auanture le cheual a si peu de memoire, ou s'il est d'humeur si colere, qu'il ne vueille, ou ne puisse assez tost fournir l'air de ceste volte entiere: il faudra tascher à le contraindre, par les aydes & chastimens ordinaires, & plus propres. Mais s'il estoit tant sensible & despitueux, qu'au lieu de se laisser vaincre, il deuient plus obstiné: lors sans attēdre qu'il soit rebuté, il faudra cesser lesdits chastimens, ensemble cest ordre dernier, pour le remettre à la reigle de la leçon precedēte: & apres l'auoir bien remis & assuré en icelle, au lieu qu'on aura auparauant essayé de le refoudre, terre à terre, en la demy-volte, iusques icy faite au pas, ou au trot, ie veux maintenant qu'on gaigne peu à peu, sur le circuit d'icelle, en commençant l'air & la diligence de la demy-volte, (desia prinse) quelque espace du terroir arōdi, auant que le cheual arriue des pieds de deuant

Sur la lettre A, ainsi qu'il est cy apres figuré, antispât vn peu à la fois, comme sur les marques, qui se voyent en la circonference de ladite figure, assauoir avec le temps, & à mesure que le cheual se rendra aisé, iusques à ce que par la pratique de ceste reigle, il fournisse l'air & la volte entiere, sans venir à la rigueur.




A FIN qu'on ne soit confus, sur l'ordre qu'il faut tenir en finissant & fermant ces voltes terre à terre, on doit considerer, que si le cheual observe iustement le tour plus grand avec les pieds de deuant, & le moindre avec les pieds de derriere, portant le corps, avec le col droit & ferme, la volte se trouuera iustement finie, quand il arriuera des quatre pieds enséble, sur la droite ligne de la passade, sans qu'il soit besoing de ferrer le cheual de costé, ny l'auancer, que fort peu plus que la ronde & iuste proportion des voltes en les finissant: à cause que, comme il se void par la figure cy. apres representée, elles sont my-parties par la ligne de la passade.



M A I S si le manege se fait selon ceste autre figure, il faudra necessairement pousser & tenir d'auantage la crouppedu cheual dedans la volte, & l'auancer beaucoup plus en la finissant, à cause que la ligne de la passade, est à vne extremité du rond.





A piste des pieds de derriere pour entrer en la iustesse de la volte.

B piste des pieds de deuant, pour se remettre sur la passade, partant de la volte.

C piste des pieds de derriere, pour se remettre sur la ligne de la passade.

D passade.

Mais en serrant ainsi de costé ceste volte, il faudra sentir l'appuy de la teste du cheual, avec le caueson de dedans, afin de la pouuoir tirer & tenir en sa droite posture, si d'auenture il la vouloit porter en dehors, se retenant & se pliant, côme font ordinairement en telles occasions certains cheuaux foibles, paresseux, ramingues, ou mal dressez, pour ne pouuoir, ou ne vouloir tenir leurs forces vnies & disposees à l'obeissance perseuëe. D'autres font ceste faulx action, seulement pour auoir esté contraincts à telle iustesse, à force de coups d'esperon, ou de nerf, le soupçon desquels leur attire encores craintiuement la teste, avec le courage du costé qu'ils ont accoustumé d'estre battus. En quoy l'on peut iuger, qu'on ne doit iamais precipiter le cheual, par les douleurs & subiections extremes, aux iustesses plus subtiles & mal-aysees, que premier on n'aye tasché de les luy faire comprendre peu à peu, & par les plus beaux moyens de l'art. En fin, ie veux en cecy, que tousiours la teste ensemble le regard & l'affection du cheual, guydent toutes ces actions d'obeissance, tant en tournant, que par le droit, & en tout ce qu'il sera recherché, par les iustes mouuemens du cheualier.

Avec vns qui presumēt sçauoir beaucoup en ces iustesses, veulent qu'en resoluant & continuant le manege des voltes redoublées, terre à terre, le cheual se tienne droit dessus tous les quartiers de la volte, comme il se verra representé en l'une des deux figures suiuantes. Mais quant à moy (s'il est question de parler seulement du manege plus propre à venir aux mains) ie me tiens à la proportion que j'ay cy-deuant expliquée, allegant le combat de main de deux cheualiers accostez & ioints. Parce que si le cheual se trouue sur les lignes droites, à tous les coups qu'il passera dessus les quartiers en redoublant les voltes, de la largeur qu'elles sont necessaires pour le combat de l'espee, de ferme à ferme, il faut necessairemēt qu'il manie en portāt tout le corps dedans le circuit de la volte, & par ceste posture on peut donner moyen à l'ennemy diligēt de gaigner la croupe du cheual tant a iuste. Et si elles sont autāt estroites, côme doiuent estre les vraies demy-voltes des passades, il ne sera pas necessaire de les redoubler: car en fin, puis que le propre des voltes redoublées, n'est que pour enuironner diligemmēt & plusieurs fois, ce qu'on peut combattre, il n'est pas besoin de redoubler en vne place le manege, auquel le cheual tient tousiours le point, & centre de la volte avec les pieds de derriere, & qui occupe par consequent toute la place d'icelle, si ce n'est pour plaisir, & pour monstrier vne grande & iuste obeysance. Par ce discours, il semblera à quelque esprit subtil, que si le cheual tenoit le dedans



## Des Preceptes.

55

des voltes, avec les espauls, elles en seroient plus diligentes, comme elles pourroient bien estre, & mesmes estât ainsi faictes, le cheualier aura plus de moyen de ne se laisser pas gaigner la croupe de son cheual: mais d'autant que telles voltes n'ont grace, fermeté ny vigueur. Il vaut mieux qu'elles soient communément proportionnées, de façon que le cheual puisse également, & fermement soutenir son manège sur les hâches, laissant dedans iceluy vn vuide assez spacieux, sans que pour cela l'action libre des espauls du cheual soit empêchée, ny la commodité de porter ensemble la teste, la venue & le courage, deuant & dessus la piste de la iuste rondeur de la volte, selonc ceste figure, en laquelle la situation du corsage du cheual, est marquée de biays, & par les fers.

Volte susdite approuvée.

Volte susdite reprouvée pour le combat.



A situation du corsage du cheual, estant sur l'air du susdit manège.

Pour bien garder toutes ces proportions, il ne faut pas que le Cavalier aye faute de jugement ny de pratique, ny le cheual maque d'obeyssance ny de bon nerf: quoy qu'on trouue souvent aucuns cheuaux, de peu de force, & neantmoins naturellement tant obeyssans & bons à la main, qu'ils manient fort longuement & iustement terre à terre, & avec telle facilité, que presqu'un enfant de dix ans, les pourroit exercer: mais c'est vn manège d'obeyssance sans beaucoup de vigueur. Pour moy ie tiens que les voltes tant aysees, ne sont pas les meilleures pour le combat: au contraire qu'estant faictes vn peu sur l'esquine, elles apportent quelque furie, qui donne beaucoup plus de grace & de force, au cheualier & au cheual, & si elles apportent quelque incommodité à l'assiette du cheualier qui les pratique, elles incommodent aussi d'avantage, l'ennemy qu'il combat.

Je ne parleray point de l'estroite iustesse du changement de main, parce qu'elle n'est pas fort necessaire, au vray combat de l'espee en duel. Mais pour finir ces leçons ie diray encores, que le Cavalier doit tenir pour maxime, que pour si iuste & asseuré que le cheual se montre, aux demy-voltes des susdites passades, s'il n'est aucunes fois exercé lentement, en eslargissant & redoublant les voltes aux bouts des passades, il pourra estre en peu de temps tellement confus & desbauché, qu'au lieu de bien commander & former la demy-volte, il se couchera ou se rendra entier, ou pour le moins entrera en telle fougue, qu'il repartira à tous les coups licetieusement, premier qu'avoir serré la demy-volte, droit sur la ligne de la passade, sans attendre l'action du cheualier. Mais le redoubler des voltes, aucunes fois au galop ordinaire sur vne seule piste, servira de bon exercice. pour le rendre plus attentif au manège, & plus patient aux bouts des passades, & apres par consequent plus ayse, & plus iuste aux demy-voltes estroites.

Ce manège de voltes terre à terre, selonc la iustesse qu'on recherche tant en cetés,

est plus moderne que les voltes releuees & l'on ne me peut véritablement desnier que ie n'en sois l'auteur. Le Seigneur Iean Baptiste Pignatel nous a le premier appris, les iustesses des maneges releuez, & sur ces premieres proportions, j'ay commencé il y a plus de trente ans, l'usage de ces voltes terre à terre, & depuis ie les ay continuees & reduictes en la perfection que j'ay peu, & m'a semblé, qu'estant bien pratiquées, elles font bien paroistre l'obeyssance & gentillesse du cheual, embellissent son action & donnent beaucoup de grace au cheualier sçauant, & polly en cest art: Mais en fin ce n'est qu'un exercice de carriere. Car sans doute les voltes redoublees propres pour le combat, sont celles qui se font sur vne piste, & les demy-voltes des passades sur les hanches, comme j'ay dit en ces leçons. Toutesfois si le cheual a esté bien aiusé & facilité sur le passage & les voltes de deux pistes, le manège d'une seule piste ce trouuera plus perfit, plus libre & plus ferme en un mauuais terroir.



## REIGLES DES AIRS RELEVEZ SVR LES VOLTES REDOUBLEES & plus iustes.

### CHAPITRE XX.



**E**NTRE tous les plus beaux exercices, qui se peuuent apprendre au cheual, le manège des voltes releuees & redoublees, donne d'autant plus de contentement au Cavalier, que plus l'air en est gaillard & releué: mais aussi il luy couste beaucoup de peine, premier qu'auoir mis ensemble, toutes les vrayes proportions de ce manège: assauoir la fermeté & legeresse de l'appuy de la bouche: la disposition & l'égalité des battus bien accompagnées: le retroussement des bras: la iustesse du terroir, pareille à toutes mains: la facilité du tourner, & les fermes & droites postures de la teste, du col, des hanches & de la queue. Car le cheual peut fournir un bel air, sans que les voltes soient iustes ny égales: & bien qu'elles le soient, l'air peut estre inégal & confus. Aussi l'air & les voltes ensemble se peuuent rapporter par un bel ordre que la teste, le col, & la queue, seront en desordre, tout ainsi que la queue, le col, & la teste, estants en bonne posture, l'air & le terroir peuuent estre falsifiez: & le cheual peut estre dur d'épaules, de col, ou de bouche en tournant, qu'il ne laissera pas de manier iustement: & mesmes il pourra estre facile & leger sur la volte, qu'il ne tiendra pas la teste ny les hanches en leurs places, iustes & nécessaires. Tellement que pour bien & longuement faire consentir le cheual à toutes ces proportions ensemble, comme il est besoing en la perfection des voltes, il faut que le Cavalier, ait beaucoup de iugement, & de pratique en son art, mesmement quand il a affaire au cheual, qui de sa nature est pesant, de l'obeyssant, ou sans memoire.

CAR il arrive souuent que le cheual timide, malicieux ou trop sensible & colere, voire quelques fois celuy, qui est de meilleur temperament, se desplaist, s'auili, se cõfond, ou se defend en plusieurs & diuerses façons, estant recherché de la perfection des susdites voltes, iusques à ce qu'il y soit accoustumé par les bonnes reigles: & cõmunément il iette la croupe hors la iuste rondeur de son manège, ou se retient &




s'accule: ou entrant en grande inquietude, il trepigne, ou met en desordre la teste, ou la queue: ou se rend entier à quelque costé: ou dur à l'appuy de la main.

Il ne doute pas, que les bons Caualerices ne sçachent, que le cheual, qui neglige & amolit l'air de son manege, doit estre esueillé & animé, par la voix allegre de l'homme & celle de la gaulle: ensemble par les mouuemens hardis du bras, de la main & de la iambe du cheualier: & qu'il faut chasser viuement celuy qui s'accule: & chastier de l'esperon & du nerf, celuy qui se serre ou s'eslargit, le battant du costé qu'il fait la faute, iusques à ce qu'il soit remis sur sa iuste piste: qu'il faut aussi retenir patiemment, ou releuer & soustenir celuy, qui est en inquietude & qui trepigne, & tenir le col, la teste & la queue de celuy, qui est trop sensible & desdaigneux, par la fermeté des mains, des bras, & des iambes de celuy qui l'exerce. Toutes fois ce n'est pas assez de sçauoir proportionner l'ayde & le chastiment, selon le mouuement & la faute que le cheual fait: car il est necessaire que le bon maistre considere en effectuant ces remedes, s'ils se rapportent au naturel du cheual: autrement ils se trouueront ordinairement inutiles, & causeront des desordres: quoy qu'en apparence ils semblent estre bons, selon les fautes mal-iugees.

La diligence est aussi vne des plus belles parties, que le Caualerice puisse auoir: d'autant que les meilleurs secours & chastimens faits hors de leur temps, amènent aucune fois plus de confusion, que de iustesse ny d'obeyssance. En fin ie loue fort les remedes, qui corrigent & chastient proprement le cheual, toutes les fois qu'il a failly. Mais à la verité, j'estime beaucoup d'auantage, les reigles & les moyens qui le peuuent diuertir, ( sans beaucoup de violence ) des occasions de falsifier les mouuemens, & les iustes proportions, principalement des leçons estroites, propres aux voltes releuees de quelque bon air, par lesquelles on peut facilement cognoistre la suffisance, & le fonds du sçauoir du bon Caualerice: parce que c'est le manege plus nerveux, plus obserué & limité, & plus longuement soustenu, & auquel par consequent le Caualerice doit plus sagement & subtilement dispenser les forces, & disposition du cheual, en luy conseruant la franchise & la memoire, comme il se peut faire par les reigles & leçons, qui se verront cy apres expliquees, pourueu qu'elles soient bien entendues, & diligemment effectuees.

Pour mettre le cheual sur les leçons des voltes iustes, il doit estre au parauant desfourdy, & libre au trot & au galop à chaque main: doit aussi sçauoir parer, reculer & ceder d'un & d'autre costé, au chastiment & soupçon de l'esperon, & faire quelques pesades ou courbettes par le droit, pour le moins mediocrement bonnes.

Après il luy faudra apprendre le passage de la voltre, duquel doit naistre l'egalité de l'air, & l'obeyssance & iuste espace du manege. A cause de quoy, il faut que ce passage soit parfaitement rond, & qu'il aye deux pistes separees & limitees, selon les forces & disposition du cheual: l'une piste faicte avec les pieds de deuant, & l'autre avec ceux de derriere, comme il est icy figuré.



EN suyuant l'ordre de ces deux pistes, le cheual doit faire autant de mouuemens & de pas, avec les pieds de derriere, comme avec ceux de deuant : mais beaucoup plus petits, à cause que leur place & rondeur est la plus petite : & d'autant que le cerne des pieds de deuant est le plus grand, le cheual doit aussi necessairement faire les pas de deuant plus grands, & par consequent, il faut que l'action de l'espaule hors la volte, soit libre & fort auancee, afin que le bras passe & croyse en tous ces mouuemens, deuant & dessus celuy de dedans, pour auoir moyen de croistre le pas, sans falsifier la rondeur de leur circulaire, & sans mettre en desordre les pieds de derriere, qui doiuent aussi marcher en posant à chascun pas, celuy de dehors, deuant celuy de dedans : non pas tât ny si croysiez, que feront ceux de deuant, parce qu'ils ont beaucoup moins de tour à faire, mais en fin le cheual ne se doit iamais trouuer trois pieds ensemble en terre, en faisant ce passage.

IL faut bien noter en ce passage de volte, ces trois choses principales : assauoir premierement les mouuemens obseruez d'autant de pas avec les pieds de derriere, comme avec ceux de deuant : car communément quand le cheual se veut acculer, ou comment qu'il vueille autrement estre cir la vraye piste, & rondeur de la volte, il arreste les pieds de derriere en vne place, dont il ne les bouge, que ceux de deuant n'aient fait vn pas ou deux, & quelques fois trois, en desrobant le terroir de la volte, sans que le Cavalierice mal poly en ces iustesses, s'en aperçoie : encores ne sçay-je si tous ceux, qui sentent ce faux mouuement, ont la main assez diligente, & le talon assez friand, pour y remedier assez à temps, sans estonner ou troubler le cheual, quoy que la pluspart des hommes de cest art, pensent bien entendre la perfection de ce passage.

SECONDEMENT, que le mouuement de l'espaule hors la volte, soit libre & auantageux, afin que le bras de ce costé auance assez, & cheuale facilement à chascun pas dessus l'autre, & que par ce moyen l'occasion soit ostee au cheual trop sensible ou ramingue, de se faire entier, ou se plier & coucher, comme il aduient d'ordinaire en ces proportions, à cause du desplaisir, qu'il reçoit en la subiection des pieds de derriere, & des hanches, mesmes quand il est de sa nature desobeyssant & malicieux : en quoy l'on peut aucunes fois cognoistre l'erreur de ceux, qui chassent indifferemment les cheuaux entiers, en les battant de l'esperon, ou du nerf sur le flanc, ou sur la cuisse dedans la volte, quoy que les pieds de derriere, & les hanches, soient en bon lieu : ne iugeant pas que la durté du col & de la teste, procede seulement du mouuement retenu de l'espaule de dehors, à cause que la facilité & difficulté de l'une de ces parties, dependent indubitablement de l'autre : voyla pourquoy ie recommande si souuent en tous les

## Des Preceptes. 159


commencemens, le premier mouuement fait en portant la teste sur la piste, ou proportion de la volte.

EN apres il faut obseruer avec la franchise & facilité des pas vne iuste égalité en l'ordre d'iceux, sans laquelle le cheual ne pourra bien cōprendre, ny retenir les vrayes proportions de ce passage.

IL y a encores vne belle consideration en la distance de la piste, des pieds de derriere à celle de ceux de deuant, qui se doit garder selon le naturel du cheual, & selon que l'on veut qu'il porte les hanches, & tout le corps sur la volte: mais ie remets ceste explication en lieu plus à propos.


OR pour faire que par la pratique des bonnes reigles, le cheual puisse apprendre à bien proportionner ce passage, sans qu'il y soit contraint par les alpres, & incertains chastimens, qu'on void faire communément, & pour euitier que par les desordres d'iceux, il ne soit confus & rebuté, comme il aduient ordinairement, quād le naturel du cheual contraire beaucoup aux susdits chastimens, & mesmes quand le Caualerice est obstiné, & mal fondé en son art, il le faudra mener en quelque lieu plain & vny, auquel apres auoir mis la bride & le caueffon en bon appuy, on fera cheminer le cheual trois ou quatre pas par le droit, le Caualerice se figurāt en l'esprit, vne ligne ainsi qu'elle se void cy dessous, au bout de laquelle comme en la lettre B, il faudra tourner le cheual au temps, qu'il voudra poser la main de dedans en terre, le tenant si subiect du poing de la bride, & du caueffon, & avec la iambe contraire, qu'il ne puisse partir les pieds de derriere de ladite ligne, & de la lettre A, que premier il ayc fait vn quartier de volte, finy sur le C, comme il est icy figuré.

*Pour la main droite.*



CE quartier de volte finy, le cheual arriuant des pieds de deuant sur la lettre C, il le faudra encores faire cheminer par le droit, comme sur vne autre ligne angulaire, autant de pas & tout de mesmes, qu'il aura fait sur la premiere, & soudain luy faire refaire vn autre quartier de volte semblable au premier, selon ce second dessein.


*Pour la main droite.*





EN finissant ainsi iustement ce second quartier, des pieds de deuant sur la lettre C, il faudra de nouueau faire auancer le cheual par le droit, fuyuant vne troisieme & semblable ligne, & puis le tourner sans confusion, de mesmes qu'il est desia representé aux bouts des deux lignes precedées, gardant le mesme ordre, iusques à ce que la quatriesme ligne, ferme & finisse le quarré de ceste leçon, selon ces deux desseins.

*Pour la main droite.*




Le cheual de bonne nature comprendra facilement ceste leçon, en trois ou quatre caualcades; mais s'il est colere & desobeissant il pourra faire quelque difficulté à tenir les pieds de derriere fermes, sur la susdite lettre A, en faisant les quartiers de la volte: & pour s'opposer à la iustesse & facilité, il iettera communément la croupe en dehors, ou peut estre, la portera trop en dedans, principalement si premier on ne luy a appris à ceder librement de costé, au chastiment de l'un & de l'autre esperon, & au mouuement de la iambe & de la gaulle. Toutesfois le Caualerice ne doit vser de punitions seueres, en ces premieres fautes, si l'obstination du cheual ne le cōtraint: mais plustost le corriger & redresser peu à peu, en le remettant par des mediocres chastimens, sur les lignes droites, allant en auant & de costé. Car en fin ces trois ou quatre pas, ou plus ou moins, faits par le droit apres le quartier, doiuent seruir de remede pour oster l'occasion au cheual de falsifier la iuste proportion de la volte, quand il y est trop enclin, & pour luy redresser, ou plier le col, & luy tirer la teste du costé, qu'il se fera dur ou entier, sans vser de trop grande violence, afin de le disposer à refaire mieux les quartiers suiuaus: & s'il estoit tant obstiné, que par les plus doux moyens, il ne se voulust tenir en l'obeyssance de ces quartiers, il le faudra necessairement battre avec l'esperon ou le nerf, sur le flanc, la cuisse ou le costé qu'il fuyra, ou refusera la iustesse. Mais cela doit estre fait industrieusement, & selon qu'il aura recogneu son tēperamēt naturel: & en le chastiant, il le faudra soustenir & auancer, (ou comme i'ay desia dit) le pousser de costé sur la ligne, apres qu'il aura fait, pour le moins, deux pas en tournāt, commençant le quartier. Car il faut tousiours euitier tant que l'on peut, les occasions de faire


de faire desplaisir au cheual, nouveau, aprentif, mesme en cōmençant la volte d'autāt que avec l'obeissance, ce premier mouuēmt doit aussi estre accōpaigné de frāchise & de memoire, à cause que par iceluy, on doit ordōner & prendre ensemble, l'air, la mesure, & la iuste espace du manège: & partant le cheualier peut iuger, qu'il vaut beaucoup mieux que le cheual soit enclin à porter les hanches hors la volte, & la teste dedans icelle, que si naturellement il estoit dur & entier.

D'ORDINAIRE ceste reigle se doit faire, changeant souuent de place en diuers lieux, afin de tenir le cheual plus esueillé, & mesmes pour luy donner moins d'occasion de se desplaire en sa leçon. Toutesfois s'il est tant impatient & fougoux, ou de si peu de memoire, qu'il soit necessaire de luy faire refaire souuēt vne mesme chose, seulement en deux places obseruees, assauoir l'vne pour la main droite, & l'autre pour la main gauche, il sera bon deles tenir ordinairement assez pres l'vne de l'autre: & parce qu'il n'y a point de quartier en ceste reigle, qui se finisse à propos, pour tirer vne ligne en laquelle le cheual puisse aller, & reuenir commodément, de la figure de l'vne des mains, à celle de l'autre, sans faire quatre places, & quatre lignes, ie remettray ceste particularité de peu de consequence au Cavalierice, qui en sçaura bien prendre l'occasion.


pour la main gauche.




pour la main droite.




A mesure que le cheual comprendra & pratiquera librement ces proportions, il faudra retrancher peu à peu les pas, qui auront esté faits par le droit, sur les lignes figurees cy dessus, iusques à ioindre les quartiers, & par consequent arrondir la piste quarrée des pieds de derriere, comme celle de ceux de deuant. Et quand il aura ioint deux quartiers ensemble, qui feront vne demy-volte, selon le troisieme dessein, cy apres representé, soudain il faudra de nouveau auancer le cheual, enuiron deux pas par le droit, iusques au D, puis luy faire encores refaire la demy-volte, en assemblant les autres deux quartiers, comme il se peut aussi voir en la quatriesme de ces figures.

*Pour la main droite.*


1



2



3




4

**D** pour aller par le droit.**E** piste des pieds de devant, pour commencer & faire la demy-volte.**F** piste des pieds de derriere.**G** pour refaire l'autre demy-volte.


En retranchant encores peu à peu les pas par le droit, sur ceste quatriesme figure, la volte s'arrondira, & en fin se reduira en sa perfection, sans que le cheual s'en soit presque apperceu, quoy que de son naturel, il soit ennemy de la iustesse.




*Pour la main droite.*

SELON l'ordre des meilleures écoles, il faut auoir facilité le cheual, au iuste passage des voltes, auant que le mettre sur l'air, qu'on le veut dresser. Toutesfois il aduient d'ordinaire, qu'ayant asseuré & rendu facile à la iustesse du passage, le cheual colere, trop sensible & fougoux, ou malicieux, & le voulant apres rechercher à quel que air releué, sur le passage adiufté, il entre facilement en ses premieres inquietudes, & malicieuses defences, tellement que le Caualerice est souuent plus empelche, qu'il ne s'est trouué en luy faisant comprendre, les premieres & susdittes proportions de pas, non seulement à cause, que les commencemens de l'air sont incogneus au cheual : mais aussi, parce que desia, il pourra auoir entrepris auparauant plusieurs moyens de se deffendre à la bonne école, desquels il se ressouuiendra pour s'opposer à l'importunité de ces nouuelles leçons. Or c'est vne maxime, qu'il vaut beaucoup mieux que le cheual superbe, colere & malicieux, se defende fort longuement aux remedes de l'obeyssance, (pourueu qu'à la fin on le puisse vaincre,) que s'il y consentoit en peu de temps, & qu'il vint apres à recehoir en ces bizarres, & desobeyssantes humeurs, mesmemét quand ces recheutes arriuent souuent : car d'icelles procede la plus grâde obstination des cheuaux mal créés, qui ont passé par les mains de plusieurs Caualerices, qui tous n'ont peut estre, pas eu toutes ces consideracions. A cause dequoy, ie ne suis d'auis quel'on attende tousiours en ces leçons, ou nous en sommes, que le cheual, s'asseure, tant à la facilité du iuste passage, qu'il soit du tout exempt d'apprehensio, & de doute de tous les chastimens qu'il pourroit auoir receus, iusques à la perfection des iustes rondeurs de la volte de pas.

QUAND doncques le cheual sera arriué, iusques à la proportion de la susdite & derniere figure, par l'ordre bien pratiqué de toutes les leçons precedentes, il le faudra remettre sur la premiere figure carree, qui se voyt cy deffouz de nouueau representee, & au lieu de ces trois ou quatre pas par le droit, il n'en faudra faire qu'un ou deux & sur le reste de la ligne d'iceux, on leuera le cheual, luy faisant faire le mieux, & le plus doucement qu'il sera possible, vne ou deux battues, propres à l'air qu'on cognoistra que sa disposition pourra fournir : & l'ayant fait auancer paisiblement, apres les battues, encores quelque nombre de pas, sur la mesme droite ligne, on le fera tourner vn quartier de volte, gardant iustement en iceluy l'ordre premier du passage, & apres faudra continuer le mesme estil, sur toutes les lignes, & en tous les quartiers, iusques à ce que le cheual l'aura comptins & pratiqué.


*pour la main gauche.**pour la main droite.*

Ces longueurs des lignes, qui auancent plus que les quartiers ordinaires, ensemble les autres varietez qui se voyent en la figure suyuant, signifiēt que si le cheval est naturellemēt teragnol, ou trop flegmatique & timide, & qu'au lieu de leuer paisiblement les battuēs susdittes, sur les lignes droittes, il s'arreste, s'accule, ou s'auilisse : ou s'il est d'autre temperament, colere, sensible ou bizarre, & qu'il entre en fougue, & en inquietude, ou commēt que l'un ou l'autre retiēne ou haste ses pas, ou qu'il refuse de se haucer, ou qu'il se hausc en desordre, ou auant l'aduertissement du cheualier : lors il le faudra auancer allant le pas par le droit, au long de la ligne droite qui outre passe la figure premiere, afin de l'appaiser & disposer à faire mieux les pas, & les battuēs, & apres les auoir faites legerement, & par obeysfance le tourner doucement, & à loysir en quelque part de la ligne qu'il se trouuera droit & apaisē, & l'ayant iustement tournē sur ce quartier, il le faudra encores auancer, continuant la susdite reigle, en quelque part qu'il se trouue en estat d'obeir à ceste leçon, selon qu'il est icy representē.

*Pour la main droite.*

Le cheval ayant compris, & faisant libremēt ceste légō quaree, sans anō<sup>2</sup> chaler ou precipiter l'ordre des pas ou des batuēs par le droit, non plus que la iustesse des quartiers de la volte: lors il faudra augmēt ceste reigle, commençant à leuer le cheval, & le mettant sur son air, au mesme temps qu'il finira le quartier de pas, sur la ligne droite, sans s'arrester, ny luy laisser faire aucun pas, qu'il n'aye fait quatre ou cinq battuēs en auant, & droitēs dessus ladite ligne, apres lesquelles il le faudra encores auancer paisiblemēt, vn pas ou deux, pour refaire iustemēt l'autre quartier, tousiours commencé sur le pied de dedans ) comme i'ay desia dit, plus clairement ailleurs: ) continuant apres le mesme ordre en sa perfection, selon ceste autre figure prochaine: & si d'auenture le Caualerice auoit trop de peine à prendre toutes les fois, le temps de ce premier pas obserué, au moins il fera faire au cheval la premiere action de ces quartiers, en portant la tēte sur le costē qu'il tournera, sans toutesfois qu'il plie le col, ny retienne l'action des espaules.




*Pour la main droite.*

- A piste des pas avancez par le droit.  
 B piste du passage sur le quartier de volte.  
 C piste des battuës par le droit ayant finy le quartier.

Si le cheual recognoit le temps, & le lieu auquel il aura acoustumé de se mettre chaque fois à son air, finissant ou apres auoir finy au pas, les susdits quartiers : sans doute, li se disposera à se leuer de soy, premier qu'il arriue des pieds de deuant sur la ligne droite, & sur la lettre C, qui se void en la figure suyuante, & lors augmentant la leçon, il luy faudra ayder discrettement luy faisant commencer doucement son air, auant que le quartier de pas soit finy, & en telle sorte, que sans falsifier aucune des susdites proportions, il ferre ledit quartier par vne ou deux battuës aysees, continuant soudain apres icelles, son air par le droit, & sans interualle, selon l'ordre susdit : & apres à mesure qu'il comprendra & pratiquera patiemment & legerement ceste leçon, il luy faudra faire entreprendre peu à peu d'auantage, sur le tour & l'espace du quartier, à mesure qu'il prendra son air, comme il est cy apres figuré, iusques à ce qu'il commence & finisse le quartier iustement, & sagement, sans interrompre le vray ordre & l'egalité de ces battuës, ce qu'il fera en peu de temps, s'il y est nay, & si ces leçons sont bien obseruees,

Pour la main droite.

Pour la main droite.



D piste du passage des pieds de devant.

E piste des battues des pieds de devant pour serrer le quartier, &amp; finir par le droit.

E piste des pieds de derrière sur le dit passage.

G piste des pieds de derrière, relevant le manège pour serrer le quartier.

TOUTES les proportions de ces figures de justesse, qui se voyent cômme picquées, signifient la piste des battues de l'air du cheual, & celle du pas, ou du trot, est aussi représentée par les autres marques & rayes.


APRES que le cheual sçaura faire facilement, & iustement ces quartiers, sans interrompre la mesure de son air, il faudra raccourcir peu à peu, les lignes droites, & retrancher par consequent sur icelles, le nombre des battues, iusques à ce que sans plus aller par le droit, & en esslargissant & arrondissant les pistes des pieds de devant, & de ceux de derrière sur les quartiers, il puisse proportionner vne demy-volte, asssemblant deux quartiers, comme i'ay dit au passage precedent, apres laquelle il faudra auancer le cheual, vn pas ou deux, par le droit, comme il est icy de nouveau figuré, & puis l'arrester quelque espace de temps, & s'il est besoin le caresser sans partir de sa place.

*Pour la main droite.*



- A piste des pieds de devant faite au pas par le droit auant tourner.  
 E piste des pieds de derriere, qui accompagne au pas par le droit auant tourner.  
 B piste des pieds de devant faite au pas pour commencer le quartier de la volte.  
 F piste des pieds de derriere pour accompagner au pas par le droit commençant à tourner.  
 C piste des pieds de devant faite par les battues sur le quartier.  
 H piste des pieds de derriere, pour accompagner les battues.  
 D piste des battues faites avec les pieds de devant par le droit ayant acheué le quartier.  
 I piste des pieds de derriere accompagnant les battues, qui acheuent le quartier.

AYANT ainsi fait ceste demy-volte, & auancé le cheual quelque pas sur la ligne droite, il luy en faudra faire refaire vne autre semblable d'air, & de proportions du terroir, en assemblant les autres deux quartiers, comme il est cy apres figuré: & afin qu'en ces premieres leçons, le cheual resouue plus librement l'air & le tour de ces demy-voltes, il faudra commencer par vn pas ou deux, sur ledit tour, & apres faire le premier temps releué d'icelles, beaucoup moins contrainct & vn peu plus bas que les autres suyuaus: car sans doute ce commencement ayse donnera beaucoup de facilité à l'air, & à la iustesse: mais en faisant ce premier temps, il faut empescher diligemment que le cheual ne se ferre, endurcisse, ou se couche, comme il aduiendra souuent, si le Cavaliericen n'est expert & diligent.



- A piste des pieds de devant, auancant par le droit premier que commencer la demy-volte.  
 D piste des pieds de derriere accompagnant les pas surlits.  
 B piste des pieds de devant commençant au pas la demy-volte.  
 E piste des pieds de derriere accompagnant les pas, qui commencent la demy-volte.  
 C piste des pieds de devant & de l'air releué de la demy-volte.  
 F piste des pieds de derriere accompagnant l'air releué de la demy-volte.  
 G piste des pieds de devant, auancant le cheual par le droit soustenant l'air releué, duquel la demy-volte aura esté faite.  
 H piste des pieds de derriere accompagnant l'air releué, duquel la demy-volte aura esté faite.



Il se trouuera souvent, des chevaux tant sensibles & impatiens, que du commencement, au lieu de releuer également & sans fougue, les battues des susdits quartiers, ou demy-voltes, ils se ferreront trop ou trepigneront, & mesme refuseront aucune-fois de se haucer, qui sont indices de n'auoir point d'inclination aux maneges releuez: Quand cela aduiendra, il les faudra mettre à la règle d'une battue, suivie d'un pas, & soudain refaict & continuée, regeant ainsi les pas; entre les battues, sur la iuste piste, des susdites demy-voltes Et toutes les fois qu'il se hastera impatiemment, il faudra le retenir & arrester tout à fait, precisément sur l'endroit du iuste tertoir, auquel l'inquietude l'aura faisi, & premier que partir d'iceluy, le faire obeir legere-ment (& sans le laisser hastier) soit par la douceur ou la contrainte. Iugeant sur tout, selon le naturel du cheval, laquelle des deux pourra rendre plus d'effect. Et si outre celà, le cheval deuiet fort entier en ceste leçon, il sera necessaire de l'esslargir du derriere, & là faire les quatre pieds formans vne seule piste, la raiustant apres peu à peu, en diuerses caualcades, iusqu'à ce que le cheval aye compris, par bonne habitude, l'ordre & la facilité de la vraye proportion de ces leçons. Or tout ainsi qu'il faut que le Cavalierice soit soigneux de haucer beaucoup le deuant du cheval terragnol, principalement en faisant ces premieres leçons estroites & releues: ainsi doit-il empescher par douceur & patience, que celuy qui sera fort leger ou qui (sans mesure) se voudra esslancer, ne se hauce trop: Et soit que tout expres, le Cavalierice releue ou retienne, ainsi extraordinairement les battues, son dessein final doit estre, que le cheval, qui aura trop d'appui les face courtes & fort soutenues sur les hanches, & que celuy qui sera trop leger, les aduance d'auantage, autrement la leçon sera impar-faict.

A mesure que le cheval pratiquera la règle des dernieres demy-voltes, cy deuant figurées, il le faudra a tous les coups, moins auancer par le droit aux fins d'icelles, iusques à ce que sans confusion, il les puisse assembler, fournissant & arrondissant la volte entiere, apres laquelle il le faudra encores auancer vn pas ou deux par le droit, comme il est icy figuré par les fers,



Quand le cheval aura ainsiourny ceste volte entiere, que le Cavalierice luy sentira assez d'escole, de memoire, de force & de bonne inclination pour la redoubler, il augmentera l'ordre de la règle en ceste façon. Apres auoir arresté & caressé le cheval vn peu de temps, & selon qu'il aura librement obey, il luy fera faire vn pas ou deux en tournant tant pour luy dresser & attirer le col & la teste, sur le tour de la volte, & pour le tenir aduertý de la proportiõ de sa iuste piste, que pour luy doner moyé,

de se mettre plus facilement à son bon air, du quel sans l'interrompre, il taschera par les bonnes aydes de la main, de la iambe; & de la gaulle, propres à l'actiō & aux mouuemens de ceste leçon, de luy faire fournir vne volte & demie, de parfaite rondueur: & pour ioindre à ceste leçon, l'autre demy-volte, qui finira les deux voltes entieres, & luy en faire soustenir d'auantage, (s'il se peut, par la pratique des bones reigles, & capacite deses forces,) il faudra obseruer à tous les coups le mesme commencement susdit, d'un, ou deux pas sur le tour: car c'est vn moyen pour resoudre le cheual, & luy ayder à finir la volte plus facilement, attendant qu'il soit libre & asseuré à la iustesse du manège, & à l'égale cadance d'un bon air: & lors sans faire aucun pas, on le pourra mettre sus son air releué, estant en garde ferme & aduertie, & d'iceluy prendre la volte, à la seconde ou troisieme battue & en fin à tel temps qu'on vouldra,

PAR le discours de ces reigles quarrées, le Caualerice bien fondé doit faire iustes icy quatre iugemens principaux: Le premier, qu'elles sont propres au cheual, qui naturellemēt se desplait plus à tenir la croupe, & les pieds de derriere en quelle iuste proportion, dedas la ronde piste de ceux de deuant, qu'à toute autre obeissance, & auquel les chastimens violens sont du tout contraires: car le surprenant, comme i'ay dit, pour faire les quartiers de pas, cependant qu'il chemine par le droit, & lors qu'il veut faire le mouuement haussé & auancé de l'espaule & du bras, hors le coste qu'on le veut tourner, il ne peut en ce temps eslargir, & falsifier commodément la iuste place de la croupe, à cause que, comme i'ay ailleurs mieueu expliqué, la hanche, & la iambe de dehors, est naturellement occupee à soustenir le mouuement de l'espaule & du bras, qui par ceste surprinse (nettement rencontrée) auance, croisse & cheuale sur celuy de dedans, faisant en tournant la premiere action du quartier: de sorte que quād il veut comēcer de mettre la croupe en dehors, il faut necessairement que ce soit apres que ce premier pas est acheué, & lors qu'il hausse ensemble les mouuemens du pied de derriere hors la volte, & du bras de dedans: mais le Caualerice diligent, peut en ce second temps & mouuement, porter & auancer le cheual vlsant du soupçon ou chastiment de la iambe, & de l'esperon cōtraire de façon qu'il l'aura reduit sur la droite ligne, qui ferre le quartier, premier que la croupe se soit beaucoup esguerec. Ainsi il fera soudain cheminer par le droit sur ceste ligne, le cheual qui n'aura aucune occasion contrainte de partir les pieds de derriere, de dessus la piste de ceux de deuant: cependant le Caualerice aura moyen de choisir & reprendre encores de nouveau, le iust temps pour commencer l'autre quartier, quād le cheual posera la main de dedans en terre. Voyla comment la pratique de ces reigles quarrées, peut adiufter peu à peu, & sans violence la croupe, du cheual, & par consequent la teste & le col, sans presque qu'il s'apperçoie de la subiectiō.

Et par les pas qui se font sur ces lignes droites, le bon Caualerice doit seconder mēt iuger, que ces leçons peuuent aussi apporter beaucoup de remede au cheual, qui naturellemēt est leger à la main, & fort sensible: car les pas par le droit, refaits à chasque quarré, luy ostent l'occasion de se retenir trop, s'arrester ou s'accaler en, tournāt sur les hanches. Et par ainsi, c'est vn moyen de l'attirer & resoudre facilement & doucement, l'obeyssance & à la iustesse des voltes, luy laissant neantmoins viuement employer sa vigueur, sans luy faire hayr, ny trop craindre l'escole, ny la domination du cheualier.

Le troisieme iugement se doit faire, considerant que si le cheual a quelque manque de forte ou courage, la liberte qu'il sent en ces premieres leçons, chemi-

nant ainsi de pas par le droit, à tous les coups qu'il a finy par quelque subiection le quartier de la volte, est aussi cause qu'il se lasse, & s'estonne moins de l'obeyssance de l'escole.

En fin l'on doit aussi iuger que le cheual de nature trop colere, desobeyssant, & mesmes ennemy des proportions estroites, peut estre souuét diuert de beaucoup de fantasies licieueuses & malicieuses, par la generale largeur, & liberte de ces reigles quarees, & principalement par la licence de les eslargir, & estreoir, en allongeant & accourcissant les lignes droites, & en changeant de place selon les deportemens du cheual: & d'auantage s'il a le col foible, & la teste mal assuree, les iustes & diuers mouuements, qui se doiuent obseruer en ces leçons, par vne curieuse diligence, & sur tout par les actions subtiles, fermes & temperees, de la main du bon Caualerice, & par consequent des bons effects de la bride & du caueillon, seront autant de singuliers remedes, non seulement pour la fermeté de la teste & du col, mais pour la iuste & nerueuse posture de tout le corsage du cheual.



## LES MESMES REGLES QVAREES

APPROPRIEES AV CHEVAL QVI PESE

ou qui tire à la main.


### CHAPITRE XXI.

**Q**UOY que le propre des susdites leçons quarees, soit d'asseurer la bouche, la teste & le col du cheual, qui naturellement est leger à la main, & de bonne inclination: & mesmes de le maintenir en action pour resoudre en auât & par bô apuy de maî s'auigneur & sa dispositiô, ou au moins pour l'empescher sans vser de violence, qu'il ne s'acule ou s'eslargisse trop, cepédât qu'ô tasche à le bié reigler aux premieres iustesses des voltes. Les mesmes leçons ont aussi beaucoup d'effect à faciliter le cheual, qui au contraire pese ou tire à la main, & à luy alegerir les espauls, & l'appuy de la bouche: car l'obeyssance & la pratique des quartiers des voltes, estans ainsi faits & soustenus sur les hanches, tenant les pieds de derriere placez sur le mitan, & le point du circuit, que font ceux de deuant, ceste posture vnir, & r'accourcit par necessité toute l'action nerueuse du cheual, luy ramenant ses forces sur le derriere, & par consequēt, l'alegerit de deuant, & luy assure la croupe: & les pas qui se font par le droit sur les lignes, donnent aussi commodité au Caualerice de rendre la main au cheual, qu'il appuye trop à la bride, ensemble de prendre le temps du mouuement de l'espaul, & du bras de dehors, pour commencer le tour du quartier, & faciliter la iustesse, en auançant & croysant ce bras dessus celuy de dedans. Mais il faut en ceste occasion faire d'ordinaire les quartiers plus ramenez sur les hanches, principalement en les finissant, & les lignes beaucoup plus courtes, que si le cheual estoit leger de deuant, afin qu'il aye moins de loisir & de commodité de s'abandonner sur les espauls, & sur l'appuy de sa bride: & quand la lassitude ou le desplaisir de la subiection, l'inquietude ou la desobeissance, le fera extraordinairement peser ou tirer à la main,



il luy faudra quelquesfois faire proportionner les lignes droites, en reculant selon les figures cy apres representées. Assauoir, que ayant reculé depuis le bout & commencement de ceste ligne premiere, iusques à ce que les pieds de derriere soyent arriuez sur la lettre A, il le faudra tourner commençant le tour, en parrant les pieds de deuant du lieu où est la lettre B, & finissant par iceux, vn quartier de volte à la lettre C, sans que les pieds de derriere s'esguarent de leur iuste place, à laquelle se void ladite lettre A.

*Figure pour la main droite.*




D premiere ligne pour reculer iusques à la lettre A.

A PRES il le faudra encores faire reculer tout de mesme sur la secōde ligne, pour aller faire l'autre quartier, & cōtinuer la proportion de ceste reigle quarree: & à mesure qu'il perdra la fougue, ou le desir d'aller trop en auāt, & qu'il tiendra la teste releuee en bonne place, sans s'appuyer trop sur la bride, on l'auancera au lieu qu'il aura reculé sur les lignes droittes. Et tout ainsi que j'ay dit parlant du cheual leger de deuant, qu'ayant failly en ces iustesses, on le doit corriger sur les distances des quartiers, en le faisant cheminer en auāt & de costé, poussant la croupe, & tirant la teste sur la part qu'il aura refusé la iustesse, & la facilité du quartier, ie veux aussi qu'on face tout de mesmes, tant en faisant reculer, comme en auançant celuy, qui naturellement s'appuyera trop sur le mors, ou le caueillon. Mais s'il est sensible, apprehensif & colere, il faudra en l'auançant de biais & de costé, ou par le droit, sur ces quarres, le tenir ordinairement en quelque soupçon de s'arrester & de reculer, afin qu'il ne s'abandonne sur les espaules, ny sur l'appuy de la main. En reculant il doit aussi estre souvent tenu en quelque action disposée à s'auācer: pour empescher que ceste subiection retenue & acculée, le face deuenir retif, ou ramingue.

*Figure*

Figure de la main droite.




- D ligne pour reculer iusques à la lettre A.  
 E premier quartier.  
 F second quartier.  
 G troisieme quartier.  
 H quatrieme quartier.  
 I premiere ligne.

O n'en auançant ou reculant ainsi de biays le cheual, qui aura failly en la iustesse, il se faudra necessairement departir des droittes lignes, & par consequent ceste reigle ne fera plus qu'arrec, & semblera que les quartiers se placent en desordre. Toutefois, il faut considerer que ceste façon de cheminer en auant ou en arriere, sur la distance des quartiers, poussant toute l'action du corps de costé, est vn chastiment assez doux qui ne se limite, que selo que le cheual se dispose à l'obeyssance. Mais j'expliqueray mieux ailleurs, & mesmes par figures, ceste façon de cheminer en auant & de costé.

Il sera aussi presque impossible, en faisant reculer le cheual, de bien prendre le temps du mouuement de l'espaule, & du bras de dehors, pour le faire cheualer dessus celui de dedans, en commençant le tour du quartier. Mais d'autant qu'on ne doit rechercher ceste particuliere action d'espaule & de bras, que pour faire que le cheual rienne mieux, en tournant, la croupe dedans la ronde piste des pieds de deuant, sans s'acculer se confondre, ny retenir la vigueur, & mesmes qu'on ne le fait reculer, selo le bon ordre de ses reigles, que lors qu'on le sent trop desireux de s'auancer licetieusement, s'abandonnant trop sur l'appuy de la main. Il ne sera donc pas besoin en ceste occasion, de faire ce premier & tant auantageux mouuement de l'espaule, & du bras de dehors pour tourner: au contraire il faudra retenir le cheual, qui fera ces fautes, empeschant qu'il ne se charge sur les espaulles, ny sur l'appuy de la bride, ou du caueillon.

Pour arrondir ces leçons faites en reculant, il faudra retrancher peu à peu les pas faits sur les droites lignes, iusques à ce qu'o puisse ioindre deux quartiers, faisant sans interualle vne demy-volte soustenuë des hanches, sur le point de la lettre A, & commencee en partant les pieds deuant, du point de la lettre B, & finie comme sur le C, selon la figure suyuant. Apres on le fera encore reculer, sur la ligne droite iusqu'à ce que les pieds de derriere soiët arriuez comme sur la lettre A, & puis par vn bel ordre, assembler tout de mesmes les autres deux quartiers, faisant aussi l'autre moitié de la volte. En fin, il faut icy obseruer en reculant, tant en l'ordre des battues, comme en celuy du pas, les mesmes proportions que i'ay dit, aux precedêtes reigles, auancees & quarrées, hors mis que pour chastier & aliger sur les voltes le cheual qui pèse, ou qui tire à la main, il doit estre ordinairement plus retenu, & serré sur les hanches, en finissant ces demy-voltes. Sur tout, il luy faut tenir le corps droit, & luy faire aussi tousiours porter le col, la teste, & le courage, droit deuant sa piste entournant.

*Pour la main droite.*



D ligne de la piste pour reculer iusques à ce que les pieds de derriere soyent arriuez comme sur la lettre A, & ceux de deuant sur le B.

E piste des pieds de deuant pour tourner à main droite, iusques au C, finissant la demy-volte des quatre pieds sur la droite ligne.

F piste des pieds de derriere.

En raccourcissant peu à peu les droites lignes, ces deux demy voltes se pourront facilement conuertir en vne volte entiere: & pour la redoubler, il faudra comme i'ay dit augmenter accortement, tant les battues de l'air du cheual, que les pas assauoir de quartier en quartier, ou de demy, en demy-volte, iusques à la vraye portee de ses forces: & si en faisant ces leçons ramenées & serrées sur les hanches, le cheual perseuere en la durté ou pesanteur de teste, de bouche ou des espaules, il sera bon de changer aucunes fois de place en reculant, pour continuer ces demy-voltes, ou voltes entieres. Mais ce reculer doit tousiours estre proportionné selon l'appuy de la bouche du cheual, & l'obeyssance qu'il red: c'est à dire, qu'à mesure que le Cauallier seët que le cheual s'aligerit de deuant, & se soustiët la teste de soy, il le doit faire moins reculer & plus doucemēt, que s'il s'abandonnoit ou s'appuyoit d'auātage. Et lors qu'il est arriué à toute la legeresse que ses forces & stature luy peuuent maintenir, & que le col & la teste sont reduits en leur plus belle posture, & la bouche en son appui plus temperé, il faut cesser l'ordre ordinaire de ces reigles reculées, & neantmoins le reprendre, quand l'on sentira que le cheual vouldra reuenir en son imperfection,




Car si on attéd qu'il y soit reuenu du tout, le remede aura beaucoup moins d'effect: & toutainfi que le bon Caualerice doit aucunesfois remettre le cheual, qui de sa nature est leger à la main & aucunement ramingue, sur les leçons auancées par le droit, afin de le maintenir en la viue action de son air & de son manege, quoy qu'en maniant, il ne s'accule, ny ne retienne en aucune façon sa vigueur ny ses forces, ie veux aussi que de propos deliberé, il mette quelquefois sur ces leçons, de droit en droit, subiectes & reculees, le cheual qui a le deuant trop chargé, ou qui naturellement pese ou tire à la main, bien que par la pratique de la bonne escolle, il r'amine & soustienne son manege sur les hanches, & qu'il se tienne en son appuy plus leger: car en r'amenteuant ainsi aucunesfois à l'vn & à l'autre, les reigles par lesquelles ils auront esté gaignez, & reduits à l'obeyssance & franchise des iustes proportions de leur manege, sans doute ce sera vn moyen pour les tenir tousiours en bonne escolle.

Le bon Caualerice iugera facilement par le discours de ces leçons quarrées, faites sur les hanches & quelquefois en reculant, qu'elles peuuent beaucoup r'amener & amollir le cheual, qui a le deuant trop chargé, ou qui de sa nature à l'appuy de la bouche trop dur ou pesant. En quoy aussi les leçons bien données dedans l'escuyrie à la place du filet, les cordes du Cauesson estans attachées & arrestées aux poteaux ou en autres lieux autant ou plus commodes, ayderont fort à la legeresse & facilité de tous les airs, releuez tant du deuant que du derriere. Car sans doute l'habitude de ceste subiection, contrainte & limitée, retiendra, r'accourcira & releuera plus facilement le cheual pesant, chargé, terragnol ou desuni (qui toutesfois ne fera trop sensible ni apprehensif) que ne feront beaucoup d'autres remedes communs. Au contraire ces mesmes leçons si subiectes, pourront mettre en confusion ou desespoir le cheual fort ardent, sensible ou trop apprehensif, & auillir le debile ou timide. Et communement aussi augmenteront le vice de celuy, qui sera malicieux & r'amingue, quelque chose de beau, qu'on luy voye faire, cependat qu'il sera attaché au poteau ou qu'on l'exercera en lieu auparauant recognu & premedité. Et tant s'en faut, qu'il soit necessaire de r'accourcir l'action, & l'air reuelé du cheual singard, en ceste escolle tant contrainte & limitee en vne place, que plustost il le faut pouffer & chasser d'ordinaire, changeant diuersfemét de lieu en la plus part de ses mouuemens malicieusement retenus, mesmes quand il rabat, balotte ou saute, sans se vouloir aduancer ni appuyer à la main, qui est vn indice des desseins malicieux, par lesquels il se red à la fin du tout retif, s'il n'en est diuertit par la bonne pratique du Caualerice. Et pour vn precepte recommandable, ie veux qu'il se souuienne, que ce n'est sans cause, si l'ay dict cy-deuant en plusieurs lieux, qu'il faut necessairement que le cheual parte viuement à toute bride, qu'il pare legerement, neantmoins par vn ferme appuy de main qu'il tourne libre & déterminé, estroit & large, tant au galop qu'au trot également de chaque costé, premier qu'on le regle sur les voltes plus iustes & releuées: principalement en ces dernieres qui se font en reculant. Autrement le reculer continué d'ordinaire, donnera aucunesfois occasion au cheual pesant & impatient, mesmes s'il a le col trop dur & tendu, de se faire negligent ou entier sur les voltes, A cause que l'action tant ramenée est du tout contraire à la legere souplesse necessaire pour bien tourner. Mais si le cheual de quelque naturel qu'il soit à desia auparauant pratiqué la resolution des voltes basses, resoluës & redoublées, quand après le Caualerice le sentira disposer à tous les euenemens contraires à la franchise de tous les beaux airs releuez & bons maneges, il l'en pourra souuent diuertir en l'eslargissant, & le remettant bien à temps, sur les voltes de trot, de galop ou viuement terre à ter-

re, finissant par la liberté & determination d'icelles; les caualcades des leçons estre-  
tes, qui luy pourrônt auoir causé diuers accidens de fardonnez.

AFIN que le Caualerice puisse mieux comprendre l'ordre des susdites reigles, & leçons au commencement quarrées & à la fin peu à peu arondies, j'ay voulu discourir leur fuyte tout du long, sans faire des digressions sur les changemens de main: & mesmes, parce que ie n'entends pas que l'homme de cheual embarrasse, & trouble son esprit dans la confusion de ses iustesses modernes, premier qu'estre bien fondé en la pratique des bonnes escoles de son art, par lesquelles il se soit rendu capable, non seulement de pouuoir avecques diligence, & proprement obseruer toutes ces plus iustes & delicates proportions: mais aussi de bien iuger, quand le cheual meritera d'estre chastié ou caressé: quand en continuant la leçon, il luy faudra changer de place & donner relasche à l'une main, pour se mettre au stil de l'autre: & sur tout, quand il sera temps d'augmenter, & quelquesfois de diminuer l'ordre des leçons, selon ses forces & memoire, & l'estat de son temperament naturel: Et d'autant que les plus aduisez hommes de cheual, peuuent aucunesfois faillir en ces occasions, ie veux encores de nouueau expressement aduertir le Caualerice, que sans doute en pratiquant ces iustes leçons, il aduiendra rarement que le cheual consente & profite également aux deux mains: au contraire il sera communément plus enclin à bien faire en l'une qu'en l'autre, & le plus souuent à faire mal à toutes les deux: Or comment qu'il face, ie desire que le Caualerice aye tousiours ces reigles & proportions en la memoire, pour son subiect principal, & que neâtmoins il s'en departe quelquefois, cherchant ailleurs & par diuers moyens d'y disposer le cheual, qui ne peut ou ne veut bien cōprendre le vray ordre de nos iustesses. Assauoir, que si en comprenant à vne main, les bons effects de ces leçons, il obeit & cede diligemment aux bons mouuemens du cheualier, il luy faudra faire subtilement & iustement obseruer à ceste main, comme j'ay desia dit, l'ordre des figures cy deuant representees: & si à l'autre main, il se ferre ou s'accule, soit de nature, ou par quelque accident ou mutation, & qu'il perseuere en son imperfection, il doit estre eslargy, outre-passant s'il est besoin, les limites cy deuant figurees, & mesmes luy faisant arrondir sa leçon, en le resoluant au trot ou au galop, en diuers lieux, s'il s'endureit & se dispose à deuenir entier sur la volte. Au contraire s'il s'eslargit outre l'action & le dessein du Caualerice, il faudra en le chastiant, le retenir, l'estrecir, & aucunesfois s'il est obstiné, l'acculer dedans le general circuit des susdites reigles obseruees: tellement qu'en vne mesme leçon, on peut garder à la main plus aylee, le bon ordre premedité des figures plus iustes, & rechercher diuersement, & comme on pourra, en la plus difficile main, la necessaire resolution & facilité, du courage & de l'action du cheual, iusques à ce que peu à peu, il soit également reduit à la franchise & iustesse des susdites leçons, autant en vne main qu'en l'autre.

*Pour la main droite.*

Et si la continuation de ces reigles plus obseruées, faict souuēt entrer en inquietude malicieuse, ou en desespoir le cheual, qui de sa nature est sanguin, colere & impatient : ou si les mesmes leçons assoupissent le courage, & la vigueur de celuy, qui est d'humeur flegmatique ou melancolique, il sera aucunesfois necessaire d'interrompre l'ordre des iustes & susdites proportions, pour exercer l'un & l'autre, par des leçons rondes & d'une seule piste, assez longuement fournie, de quelque stil commū, neantmoins bien considéré, assaiuoir au trot & au petit galop, ayāt à faire au cheual, qui sera trop fougoux, qui tirera à la main, ou qui voudra sortir, ou du tout eschaper de l'escole, & assez rigoureusement au galop furieux, ou terre à terre, celuy qui retiendra ses forces, ou qui s'auilira : afin que par ces moyens bien obseruez, l'un se trouue plus sage, & l'autre plus déterminé, & que tous deux goustent mieux la douceur & les caresses, qu'ils receuront apres, en faisant les iustes leçons reiglées avec plus d'art & de patience, & que par ceste voye, ils se rendēt plus resolu à l'obeyssance, & en fin plus libres & assurez, à la perfectiō du plus beau & meilleur manège, que leurs forces pourront fournir.



## AUTRES REIGLES POVR LES VOLTES AIREES ET REDOVBLEES.

### CHAPITRE XXII.

**D**E toutes les reigles que i'ay pratiqué iusques à present, les quarrées dōt i'ay parlé, attirēt plus facilement aux airs, & à la iustesse des voltes, le cheual, qui naturellement est ennemy de l'obeyssance : soit lors qu'on commence à le dresser, ou quād on le veut remettre en bōne escolle estāt rebuté, ou autrement deibauché. Mais quād il se rencōtre leger à la main, accompagné de bonne inclinatio, d'assez de force & de legeresse, l'ordre qui se verra cy apres représenté se trouuerra plus aysé, d'autant qu'il s'y pratiquera moins d'actions différentes, & si ne lairra pas d'auoir beaucoup de bons effects. Or i'ay desia dit en plusieurs lieux, que pour bien disposer les esprits, les forces & les bons mou-



uemens du cheual nerueux, vigoureux & leger, aux meilleures & plus iustes leçons; il est à tous les coups necessaire de l'eschauffer, & desgourdir communément au trot, ou au galop, s'il a la vigueur de l'esquine trop retenue & nouce: car ce commencement d'exercice, n'est pas seulement propre à l'haleine, & à la memoire du cheual, ou à la facilité de tous les bons airs, & aux iustes proportions des plus beaux maneges: mais il peut souvent diuertir le cheual colere & superbe, de s'opposer obstinément à l'obeyssance de l'escole, & de se defendre, comme il fait aucunes fois, desdaignant tellement les remedes & chastimens ordinaires du Caualerice, qu'il s'en enfiut des punitions, & esquiauines si longues & rigoureuses, que tant s'en faut qu'en fin le cheual (outré de coups & de fatigue) vueille ou puisse bien respondre ny consentir à l'air ou à la iustesse de ses bonnes & plus obseruees leçons, qu'au contraire, il se trouue souvent si reculé de leur ordre, & quelquesfois tant estonné, confus, ou du tout rebuté, que pour le bien remettre en son premier, & meilleur estar d'obeyssance & de facilité, il n'y va pas moins de temps, de peine & d'industrie, qu'on aura auparavant employé à le reigler & reduire, iusques à sa dernière & plus avancée leçon. Toutesfois sur ce propos, & premier que discourir l'ordre des reigles proposees, ie donneray icy vn aduertissemēt, sur le naturel de certains cheuaux d'esquine, qui doiuent estre moins desgourdis auant leur leçon de iustesse, que beaucoup d'autres.

### D'AVCVNS CHEVAUX TENVS POUR RAMINGVES

*Et neantmoins de bonne nature.*

#### CHAPITRE XXIII.



E n'est pas assez desçauoir pourquoy, il est necessaire d'esnouoir ordinairement au trot, & aucunesfois au galop, le cheual, qui est naturellement leger, & vigoureux, premier que l'estrecir en quelque iuste proportion d'escole: il faut aussi iuger & limiter bien ce premier exercice, selon l'inclination & les forces de toutes sortes de cheuaux, sans s'arrester du tout aux actions plus apparentes. Car il y en a qui ont fort peu d'esquine, qui toutesfois accompagneront nerueusement quelque bel air, tant qu'ils auront leurs forces vnies: que si le Caualerice leur veut croistre l'haleine au trot ou au galop, longuement cōtinué, pensant par ce moyē leur faire fournir plus de vigueur & de gaillardise, il leur trouuera apres au contraire les forces tellement des-vnies, qu'au lieu de faire mieux, ils traifnerōt l'air de leur manège, sans allegresse ny resolution. Il s'en trouue aussi beaucoup d'autres, qui sont de fort bon naturel, & de grande esquine, qui neantmoins ont les membres foibles, & qui se retiennent, se courbent, & s'agrouppent en trottant, & en galoppant, & mesmes ne peuuent librement reloudre la course, à cause qu'ils n'osent distribuer généralement leurs forces & determinations, se desfians naturellement de l'incapacité des espauls, des iambes, des pasturons ou des pieds, principalement quand ils sont hauts à la terre: & tels cheuaux sont, ou doiuent estre tenus entre les bōs Caualerices, pour ramingues, parce qu'ils retiennent trop leur actiō nerueuse & legere, mais non pas pour retifs ny malicieux: d'autāt que l'irresolution ne leur procede que d'un sentimēt naturel, qu'ils ont de la debilité des membres: & peuēt souvent reussir à quelque bel air, & manège estroit & releué, estans dressez en bonne escole. Or quoy que la cōmune reigle, dōt l'on doit vser aux cheuaux, qui s'agrouppent trop aux premiers mouuemens de leur exercice, soit de les traouiller au trot ou au galop, iusques à ce

que la vigueur de l'esquine soit temperee, premier que commencer les proportions des iustes leçons: en ceux-cy, ie veux particulièrement aduertir le Cavalier, qu'ayât bien recogneu que leur determination n'est retenue par vn naturel desobeyssant, mais seulement par la deffiance des membres, par nature ou par accident debiles & incapables, il ne doit vser de chastimens & remedes trop rigoureux, ny attendre que la trop grande force qu'ils monstreront auoir à l'esquine soit du tout abattuë, par l'exercice du trot ou du galop, auant que les mettre sur l'ordre des reigles raccourcies & iustement obseruees. Car il vaut beaucoup mieux qu'ils fassent les premieres proportions de leurs iustes leçons, aucunemēt raboteuses & retenues, que si en leur voulât plustost temperer la generale force de l'esquine, & l'appuy de la main, on leur laissoit & affoiblissoit tant les espaules, les iambe, ou les iarrers, que venans bien tost apres à s'acculer, ou à s'abandoner sur la bride, ils n'eussent plus moyen de soustenir, & fournir legerement & viuement l'air, & la iustesse desdites leçons, iufques à la fin d'icelles, selon l'ordre des bonnes escoles, & mesmes en tous les airs gaillards & mediocres, lesquels se doiuent ordinaiement finir avec vigueur, afin de maintenir le cheual en courage: c'est en quoy le Cavalier ne doit pas seulement preuoir & faire election de l'air, qui est plus propre à l'inclination du cheual, mais aussi doit dispenser les forces d'iceluy, avec telle industrie & discretion, que toutes ses leçons puissent estre bie & vilement finies.

Il y a encor des cheuaux de manege, qui sont ramingues, lesquels crient aucunes fois en maniant, monstrans en cela leur malicieuse poltronerie, qui ne se doit pardonner: mais aussi y en a-il d'autres, qui crient en se mettans sur l'air de quelque manege releué, estans seulement agitez d'allegre esmotion de courage, & mesmes sentans en leurs forces de quoy fournir gaillardement à plus grand effort, qu'à celuy qu'on recherche en leur disposition. De sorte que le cheual qui crie par malice, faict de certains fauts falsifiez, ou autres actiōs mal plaisantes & desordonnees, qui tesmoignent son mauuais naturel, & particulièrement le desir qu'il a de ietter par terre le cheualier qui l'exerce: quant à celuy, qui crie de gaillardise & d'allegresse, il monstre souuent par ceste action aucunement licentieuse, qu'il se sent quelque force superflue, laquelle il employe legerement, renforçant de soy mesmes son air accoustumé, sans que pour cela le cheualier se trouue incommodé: ains plustost il en reçoit du contentement, & en assure son assiette: aussi ne le doit-on pas chastier comme cheual vicieux: mais il suffit de le tenir aduertý & en soupçon, que s'il continue à se dispenser en ses inegalitez, le chastiment est tout preparé pour le remettre à son air ordinaire & limité.

---

 PREMIERE LECON DES SVSDITES REIGLES.

## CHAPITRE XXIII.



**Q**VAND doncques le cheual de bon naturel, se trouuerra enclin au manege des voltes, de quelque air releué, & qu'il y sera disposé par vn bon fondement de trot, & de galop, & vne assez ferme & legere obeysance au parer, le Cavalier se pourra assurer de l'auoir en peu de temps apres reduit, (par les effects de ces autres reigles bien obseruees) à la perfection ou les forces le pourront accompagner: & pour luy commencer ces bonnes leçons d'air & de iustesse sur ces voltes, il le promenera d'vn bon pas d'escole, egal & bien aduertý, luy tenant la teste en sa meilleure & plus belle posture, & luy fera premierement propor-

tionner vne piste de deux lignes droittes, & fermées aux bouts d'icelles, par vn demy-tour, presque en forme oualle, cōme il est icy representé en ceste figure, & ne luy laissera elgarer en façon quelconque les pieds de derriere, de la piste, de ceux de deuant.

*Pour la main droite*




EN toutes les figures où se trouuent marquées par lignes, rayes ou points, sur les voltes & demy-voltes, les proportions & distances des pas ajustez, & des batues releuées, il ne faut obseruer les nombres des marques, ains seulement l'ordre des reigles & leçons expliquées.

APRES que le cheual aura bien recogneu ce premier passage à chasque main, le Caualerice pourra commencer au bout des lignes à luy faire esbaucher son air, sur la mesme piste encore cy apres figuree, luy faisant faire sur la lettre A, vne battuë, & soudain passant outre sur le demy-tour, l'auancera deux pas, apres lesquels & à l'instant, il luy fera refaire vne autre battuë, & puis encores deux pas, continuant ainsi iusques à la lettre B, cheminant apres sur l'autre ligne droite, sans interrompre son pas ordinaire, & sur l'autre lettre A, faudra encores en l'autre demy tour recommencer vne battuë, suyvie de deux pas aussi ioints, à vne autre battuë sans interualle, & apres encores deux ou trois pas, arriuant de cest ordre sur la lettre B, & cheminant apres par le droit, comme deuant, pour aller recommencer & continuer le mesme stil, iusques à ce qu'il soit temps d'en faire autant à l'autre main.

*Pour la main gauche.*

*Pour la main droite.*



C premiere ligne par le droit.

D piste de la demy-volte.

E piste pour aller changer de main.

F piste pour reprendre la premiere main.


CESTE leçon est tant spacieuse & siaysee, que le cheual aura bien peu de memoire, de bonne inclination ou de bon commencement d'escole, si en cinq ou six caual-




## Des Preceptes.

81

eades, il ne commence à la comprendre & y consentir. Or quand il respondra facilement à ladite leçon sans estre esmeu d'inquietude ny de malice, il faudra retrancher vn des deux ou trois pas, qui auront esté faits à toutes les distances des battues, de sorte qu'on l'induise à ce qu'il ne face plus à tous les coups, qu'un pas entre les battues, & vne battue entre les pas.




APRES que ceste leçon aura esté bien pratiquée, il la faudra augmenter en faisant deux battues iointes, & puis vn pas; pour refaire encores deux battues, continuant ainsi depuis la lettre A, iusques au B. Mais il ne faut que ces pas soient faits confusément, ny ces battues à force de subiection de main, de coups de gaule ny d'esperon: au contraire elles doivent naistre d'une certaine facilité d'ayde, libre & generale, qui au lieu de contraindre le cheual, le conuie à se hausser gayement, prenant néatmoins par obeysance, l'air de sa leçon, & regeant bien ces battues, desquelles) sans rompre la mesure) il tournera & fournira librement les bouts & demy-tours de ces figures,




QV'E s'il aduient que sur ces lignes droites le cheual, entrant en fougue, trépigne quelque air cõfus & retenu, ou que iettât la croupe d'un ou d'autre costé, il chemine de biays ou de trauers, ou cõment quel' impatience, le regret, ou l'extrême desir de se hausser malicieusement, le pousse à quelque autre fauceté premier qu'il arriue, ou arriuât sur le lieu de la lettre A, (auquel iusques icy, il aura accoustumé de cõmencer les battues des susdites leçons) alors au lieu de le tourner, ou de receuoir cest air licétieux, & volontaire, il le faudra auancer de pas ou de trot, ou le chasser plus viuement, selon son action trop retenue, & passant plus outre sur la ligne droite, le chastier (si son temp cra

ment se trouue disposé aux effects des bons chastimens) de l'esperon, de la gaulle, du caueffon, ou de la bride; ou l'asseurer paisiblement par vne aleure de pas alenti par le droit, si de nature il est fort sensible, ou say si par accident de quelque apprehensio extreme. Mais si recognoissant ce lieu de la lettre A, il luy desplaist fort de se hausser, ou si estant esmeu de quelque autre humeur colere & bizarre, il s'abandonne sur le deuât pour fuyr l'obeyssance, il faudra au cōtraire, le faire reculer sur la mesme ligne droite, selon qu'il se fera trop appuyé ou auancé. Sur tout, il faut bien iuger selon le temperament du cheual, la rudesse ou la douceur dont on doit vser en toutes ces occasions, principalement en ceste derniere action reculee, à cause qu'elle est la plus subiecte: & à l'endroit où il se trouuera plus disposé à la patience, & à la memoire, il le faudra tourner & remettre au stil de sa leçon, & non autrement: afin que par ces moyens bié pratiquez, il puisse cognoistre qu'il doit attendre l'aduertissement & les mouuemens du cheualier, sans se mettre de soy impatiemmēt, ou d'un courage ramingue, sur les battues & proportions de ces iustes leçons, auant leur temps & lieu, & afin aussi qu'il soit diuertie des folles impressions, qui luy font hayr & fuyr l'escole. Toutes ces considerations ne doiuent pas seulement accompagner ceste leçon, mais on les doit généralement obseruer à toutes les precedentes, & à celles qui s'ensuyuront.




Pour auancer les leçons du cheual, apres qu'il tournera ainsi librement, fournissant d'un bō air, égal & attendu, les bouts & demy-tours de la susditte & derniere reigle, il faudra augmenter les battues vne à vne, en continuât avec patience leur ordre, iusques à ce qu'il en face deux par le droit, premier que partir de la ligne, & puis prendre le demy-tour à la troisieme, empeschât curieusement qu'il ne trepigne, & ne haste les battues de son air, ny l'interrompe en aucune façon: & apres estre arriué sur l'autre ligne, en faire encores deux comme sur le B, de mesme ordre par le droit, premier quel arrester ny le mettre au pas, pour aller prendre l'autre main.



Si en ces commencemens, le cheual en tournant se monstre tant enclin à porter la croupe en dehors, ou trop en dedans, que par les remedes ordinaires, le Cavalier ne le puisse contraindre à tenir les pieds de derriere, dessus la piste de ceux de deuant, ie ne veux pour cela qu'il vse de grande violence, tandis qu'il le tournera: car l'excès de douleur des chastimens extraordinaires & rigoureux, ou l'estonnement d'iceux, le pourroyent rebuter, le faisant deuenir entier ou autrement confus, & ennemy de la volte, ou pour le moins son air, n'estant encores bien asseuré, en seroit interrompu, de façon que de long temps apres, il n'y seroit bien remis: mais ayant falsifié en tournant la susdite proportion, & cheminant apres par le droit, selon le stil de ceste reigle, il le faudra discrettement chastier, le dressant sur la ligne droite, avec l'esperon & le nerf, du costé qu'il aura fait la faute, de sorte que cedant aux chastimens, il aille comme de biais, tout ainsi que i'ay dit ailleurs, iusques à ce qu'il soit arriué droit sur ladite ligne. Apres il le faudra remettre à son air, pour tourner, & par ce remede, il comprendra & pratiquera peu à peu l'obeyssance, & particulierement la iuste place de la croupe, sans que le desplaisir d'estre trop battu luy face hayr l'air ou la volte.

Quoy que le cheual face bien & facilement toutes ces leçons, deux ou trois fois ou d'auantage, il ne les luy faut pour cela augmenter, s'il ne comprend & gouste les proportions de ce qu'il fait: autrement il en naistroit vne obeyssance confuse, & par consequent vn manege incertain & mal asseuré. A mesure donc que le cheual pratiquera ceste derniere reigle, il la faudra estreindre generalement, & peu à peu: assauoir, en approchant les lignes droites, l'une de l'autre, & en serrant vn peu & sans violence la croupe du cheual, dedans le demy-tour, iusques à ce que ses mouuemens, releuez soyent mediocrement soustenus sur les hanches, & que par ce moyen suruienne le bon commencement de la iuste, & ferme posture de la teste, du col, & de la queue, ensemble la souplesse & legeresse des espaulles, & le ply & retroussement des bras, dont procede la perfection des voltes.




Et pour rendre le cheual plus facile & resolu, non seulement aux leçons precedentes, mais aussi à celles, qui se trouueront cy apres expliquees, il luy faudra faire ioindre au dernier temps du tour & de l'air susdit, au lieu des batrues par le droit, vn demy-tour au pas, au trot, ou au galop, selon l'estat de son inclination, & de ses forces, cōtinuant à tourner ainsi de l'un ou de l'autre, sur vne rōde & seule piste, iusques à ce qu'il ait fourny ou redoublé le tour entier: assauoir au pas, ou au trot, s'il est fort sensible, fougoux & déterminé: & au trot plus hardy, ou au petit galop s'il est d'humeur plus retenuë: ou plus viuement au galop, en eslargissant la volte, ou changeant de pla-



ce, s'il est ramingue. Ceste reigle pratiquee proprement, & à son temps diuertira le cheual de plusieurs actions, & mutations contraires à l'obeyssance, & particulièrement quand il se retiendra ou s'acculera, & mesmes quand il sera en danger de deuenir entier. En finissant les voltes de pas, de trot ou de galop, on pourra parer le cheual sur la droite ligne, luy faisant faire par le droit, enuiron trois battues, s'il obeyt & respond avec patience & vigueur, & s'il a l'appuy de la bouche à plaine main. Mais s'il retient ses forces, ou s'il a l'appuy de la bouche foible, il faudra faire ces fins de voltes basses & auancees, & pour aller apres reprendre l'air, & le tour de la reigle precedente, soit d'un mesme costé, ou pour changer de main, il sera aucunes fois besoin de le remettre au trot sur la droite ligne, duquel trot, come du pas, on doit aussi obseruer les proportions lentes ou hardies, selon l'appuy de la bouche du cheual, & que son humeur se trouuera disposée: & si à vne main particulière, il tourne & fournit son air, sans aucune difficulté, il ne sera besoin en icelle de iordre souuent ces dernieres voltes de pas, de trot, ny de galop, à la leçon principale.

*Pour la main gauche.*


*Pour la main droite.*



*Pour la main droite.*


- C piste des pieds de deuant, sur la demy-volte releuee.
- D piste des pieds de derriere sur icelle demy-volte.
- E dem y-volte de trot.
- F pour changer de main.
- G pour reprendre la premiere main.

EN pratiquant ces leçons, il faudra accourcir peu à peu, les droites lignes, iusques à ce que le cheual n'aye plus affaire par le droit, qu'un pas de distance entre les battues finies & recommencees, & qu'en retranchant apres ce pas, la volte entiere se forme, s'arrondisse, & se fournisse, sans que l'air soit interrompu.



*Pour*

Pour redoubler ceste volte, il faudra arrester & caresser le cheual quelque espace de temps, apres qu'il l'aura entierement fournie, le tenant cependant raccourcy, & en action de reculer, s'il s'appuye trop à la main: ou de s'auancer, s'il se retient plus qu'il ne sera besoin. Apres on le fera cheminer par le droit, deux ou trois pas haltez ou retenus, selo qu'il distribuera ses forces à regret ou libremét, & puis de ce mesme pas (partant les pieds de deuant, cōme de la lettre A, ) on le tournera, luy faisant repredre la rôdeur de la volte, sur la lettre B, selo la figure cy apres representee, pour soudain le remettre à son air, & le cōtinuer d'une mesure égale, finissant des pieds de deuant sur la lettre C, s'il pese ou tire à la main, & s'il desire trop s'auancer, ou sur le lieu du D, si l'appuy de la bouche en est lēt & foible, & s'il a le courage irresolu. En fin on le pourra auancer sur la droite ligne, pour aller faire separemēt la leçon de l'autre main.



CEPENDANT que le cheual se fortifiera en l'air de son manege & en to<sup>9</sup> ces mouuemēts, & qu'il pratiquera l'action de ces deux voltes, on en pourra ioindre vne troisieme à ceste leçon, tellemēt qu'il fera trois voltes de l'ordre susdit, sans riē precipiter, auāt que chāger de place ny de main: & apres selo qu'il cōprendra les iustes proportions de son exercice, & qu'il se rendra obeyssant, il faudra retrācher peu à peu, le tēps auquel on l'aura assure à toutes les fins des susdites voltes, & diminuer aussi les pas, par lesquels on aura repris l'air, sur le tour & le lieu de la lettre B, iusques à ce que ioignant ainsi subtilemēt les battuēs de ce manege, sans aucun interualle, deux voltes se trouuēt entieremēt faictes & finies, sans que l'air des battuēs aye esté interrōpu: apres lesquelles, il faudra de nouueau arrester, & caresser vn peu de temps le cheual, pour luy dōner loisir de rasseurer sa memoire, ses forces & haleine, & luy faire encores recōmencer la troisieme volte, par deux ou trois pas, sur la rôdeur d'icelle, cōme deuant, afin que la leçon trop forte ne luy cōfonde les esprits & la vigiē: apres on pourra chāger de main & de place. Sās doute en peu de ces leçons patiemēt & subtilemēt obseruees, on reduira ceste troisieme volte, en la perfectiō des autres deux, & se pourra ioindre à icelles, par le mesme stil, si les forces du cheual sont suffisantes.



Si le cheual est desia auancé, iusques à ceste dernière leçon, seulement à vne main, & qu'à l'autre, il soit demeuré beaucoup en arriere, pour y auoir moins d'inclination, il le faudra souuent exercer au pas, ou au trot, à la main qu'il aura acquis plus de bonne pratique, cependant qu'on recherchera diuersement la facilité, & qu'on reglera & auancera peu à peu les leçons de la main difficile. Car si l'on continue tousiours l'air & la iustesse sur la main qui luy plaist, & à laquelle il a plus de propension, il retiendra sa franchise à la main, qui particulièrement luy est plus mal aysee pour mieux respondre & fournir à celle, qui naturellement, ou par quelque mutatio luy sera plus facile à laquelle neantmoins, ie n'entens que la leçon plus auancée, soit tant discontinuée, que la franche & iuste pratique s'en perde. Au contraire, ie veux, qu'à chasque caualcade on la face recognoistre, & rememoré au cheual, au moins vne ou deux fois: & pour luy cōseruer le courage, & faire quel'obeyssance & subiectiō del'escōle, luy desplaise moins, il luy faudra aucunes fois relascher l'ordre de son exercice plus contraint, luy donnant quelque leçon aisée au trot, ou au petit galop, à chasque main: neantmoins estre ciffant ou esslargissant, & hastant ou retenant les proportions du rond, du costé auquel il se voudra trop ferrer ou esslargir, retenir ou halter. Par ce moyen il se rendra tousiours attentif aux actions du cheualier, & reprendra vn autre iour plus gayement le stil de ces leçons plus estroites: & lors qu'il sera également auancé aux deux mains, encores faudra-il ordinairement commencer, & finir son manege par celle où il aura moins de facilité, se gardant bien sur tout de le presser & contraindre tant qu'il aye occasion de se rebuter.

Il auient souuent que le cheual foible, timide ou ramingue, ayāt esté dressé à quelque manege releué sur les voltes, retient en maniant sa vigueur & le bon appuy de la bouche, de façon que celuy qui l'exerce est contraint de le solliciter, par des aydes trop apparentes. A telles occasions ces proportions explicques & figurees bien entendues auront aucunes fois & en peu de temps de merueilleux effects, estāt pratiquées comme il s'ensuit. Doncques quand le Caualerice sentira que le cheual dressé deuient nonchalant ou ramingue sur le manege des voltes redoublées, il faut soudain qu'il aura fait vne moitié de volte, arriuant comme i'ay dit des quatre pieds dessus vne des susdites lignes droites, qu'il le pousse & face partir droit, sur ceste ligne, au trot, au galop ou à toute bride, & de la longueur qu'il sera necessaire, selon qu'il retiendra ses forces & son appuy de bouche, & en le retenant il le releuera discrettement sur ces battues pour luy faire encor proportionner vne moitié de volte, finie sur l'autre ligne parallele, & de nouueau le fera repartir sur ceste autre ligne, & en le parant le remettra de mesmes sur les battues de son air, pour continuer ces demy voltes, de la largeur qu'il conuiendra, selon que le cheual s'auancera ou retiendra. Il ne faut pas doubter, quel'aprehension d'estre poussé & chastié de ceste façon, sur ces departemens de main, ne donne quelque fermeté d'appuy de bouche, au cheual enclin & disposé à se retenir, & ne le tienne par consequent en action auancée & vigoureuse. Le sentant donc ainsi aerry & resolu, le Caualerice pourra, peu à peu, ioindre ces deux moitiés de volte, en raccourcissant les lignes droites, & faire que tel cheual, employera plus viuement ses forces sur le manege des voltes redoublées. Mais il ne le faudra pas chasser sur ces lignes droites & paralleles, avec rāt de violence ny s'y souuent, qu'il aye occasion de se mettre en quelque inquietude extreme. Brief en pratiquant tous les plus beaux artz, il faut necessairement auoir, cōme dit le discret Italien *sempre il ceruello in cōtra*.



## AVTRES REIGLES DES VOLTES

PROPRES AVX CHEVAUX NERVEUX ET GAIL-  
lards, qui ont l'appuy de la bouche à pleine main.

## CHAPITRE XXV.

**L**es leçons dont ie viens de discourir, estans bien obseruees à leur tēps cōuenable, peuuēt beaucoup seruir aux cheuaux, qui sont nais pour reüssir aux maneges des voltes releuees & redoublees, & particuliere- ment à ceux, qui de nature sont fort sensibles & legers à la main, & que pour auoir moins de force & de patience, que de legeresse, craignent trop la subiection des reigles plus estroites. Et pour ce, les susdites leçons sont commenees, presque en forme d'ouale, & continuees gaignāt peu à peu la rōdeur, sans que le cheual aye occasion, ny qu'il soit cōtraint de s'accourcir, & retenir beaucoup ses mouuemens, pour serrer aucun quartier ny demy-volte: mais au contraire, afin qu'il ait moyen de se maintenir d'ordinaire en action de s'auancer en s'adiustāt, mesmes de fortifier l'appuy de la bouche, s'il est foible de foy: Toutesfois si le cheual a la force assez solide, la bouche à pleine main, & la facilité de tourner viuement au trot, & au galop, également de chascque costé (plus inclin neantmoins à porter la croupe hors la volte, qu'à se retenir & acculer) le Canalerice cōmencera de l'adiuster, cherchant les moyens de luy faire vne demy-volte de pas, mediocrement rāme- nee sur les hanches, & limitee comme il est icy figuré.




**S**ELON les difficultez que le cheual fera en ceste premiete proportion, il faudra vser des moyens que i'ay cy deuant mis & figurez, principalement aux reigles des pas- fades: Toutesfois si deſia il ala teste aſſeuree, & qu'il chemine librement en arriere & de costé, par l'action de la main, & de la iambe du cheualier, & que de son naturel, il soit patient & craintif, on le pourra aucunes fois contraindre avec moins d'artifice, seulement en tenant le poing de la bride auancé, ferme, & tourné, de façon que le cheual puisse estre empelché (mesmement par la subiection de la corde du caueſſon, ou de la rene hors la volte) de s'acculer, se haſter ou trop auancer, de tourner trop la teste, ny plier le col, ny l'espaule, du costé qu'il ne veut tenir la croupe en sa iuste place, à laquelle cependant, il la faudrapouſſer par les chastimens ordinaires de l'estrieu. de l'esperon ou du nerf, faits avec art & iugement, du costé qu'il se ferrera, se fera en- tier ou s'ellargira.

**Q**YAND le cheual aura fait ceste demy-volte de pas, il le faudra faire cheminer vn peu par le droit, pour luy en faire former à la main mesme, vne autre semblable finie sur vne seule ligne, ayant la teste tournee du costé qu'il aura commecé la premiere, & apres le faudra auancer de nouueau, allant reprendre la iuste piste d'icelle, à son mesme lieu, ou s'il est besoin le tourner plus pres ou plus auant. Car tant plus il s'a-


Hh ij

bandonnera sur les espaulles, & s'appuyera sur la bride ou contre le caueſſon, tant moins le faudra-il auancer, ayant serré la demy-volte, & s'il se veut trop raccourcir & retenir, il le faudra viuemēt auancer d'auantage, afin que par ces moyens bien pratiquez, & le temps neceſſaire, on luy face recognoistre en quel estat d'obeiſſance, il doit tenir ſes forces, & ſon courage.




A premiere demy-volte ſuſdite.  
B ſeconde demy-volte.

En pratiquant à chaſque main ceſte premiere iuſteſſe au pas, de demy-volte en demy-volte, il faudra l'accourcir avec iugement & patience, la ligne & ſeparatiō de ces demy-voltes, gaignant peu à peu, le cerne de la volte entiere & parfaite.




I e ne redis pas particulièrement en toutes ces proportions, tous les mouuemens du cheual, en quelles parties d'iceluy, en quel temps ny comment ſe doiuent faire les aduertiffemens, aydes, ſouppçons, & chaſtimens, de la langue, de la voix, de la iambe, de l'eſtrieu, de l'eſperon, & de la gaeule: ny les occasions auſquelles il le faut brauer, menaſſer, eſueiller, battre, ou carreſſer: parçē que les leçons de ce Second Liure, ne ſe doiuent pas pratiquer par des Caualerices groſſiers, & malfondez en leur art.

A PRES que le cheual aura cōprins l'obeiſſance, de la ſuſdite volte de pas, & qu'il la paſſegera, redoublant iuſtement & pluſieurs fois à chaſque main, ſans fougue ny fingardiſe, il la faudra encores my partir par vne ligne droite, & ſeparer les demy-voltes, comme celle d'auarauant, afin d'auoir moyen de commencer, & fonder ſur ces demy-voltes, l'air du manege ſelon la diſpoſition du cheual, auquel deſia il doit auoir quelque cōmencement, faiſant au moins trois ou quatre battues de ſuite par le droit, plus bonnes quē mauuaiſes: & luy faudra faire recognoistre de nouueau, la premiere & ſuſdite reigle de pas, ſelon ce deſſein.




A YANT ainsi fait vne fois ou deux ceste piste d'un pas d'escole, nerveux & raccourcy, j'entends raccourcy, le cheual ayant l'appuy de la bouche à pleine main, & n'estant point ramingue, auquel comme j'ay dit au commencement, ceste règle est propre, il faudra observer le stil precedent de quelques demy voltes comencées, & faites de pas, iusques à moitié, & finies & ferrees par deux ou trois battues de l'air, que le cheual commencera à presenter & releuer.




Je diray icy en passant, qu'il ne faut pas trouuer estrange, si en la pluspart de toutes ces iustes leçons, on doit commencer le fondemét des airs, plustost en ferrant les demy-voltes, qu'en commençant de tourner. Car l'action releuee bien obseruee, en est la plus penible: C'est pourquoy ce premier quartier ne se fait que seulement au pas, principalement pour deux raisons. La premiere, que le cheual estant ainsi acheminé dessus la ronde proportion de sa demy-volte, & se trouuant pres de la fin d'icelle, il en prend son air plus facilement, & plus librement. L'autre est, qu'estât arriué doucement, iusques sur le lieu qu'o le veut hausser, sans que les pieds de derriere se soiét departis de leur iustesse, il en doit ferrer la demy-volte, avec plus d'ordre & de facilité.

SANS doute le cheual fera difficilement ceste premiere leçon, iusques à ce qu'il l'aye comprinse: c'est pourquoy toutes les fois qu'il aura failly, il faudra auoir la patience (l'ayât faict auâcer quelques pas par le droit, & sur la ligne droite) de le ramener par vn iuste passage, iusques à la lettre D, qui se void en la figure cy apres, qui mōstre que la iustesse se doit garder autant curieusement en ces retours, comme en la leçon principale, j'entends si le cheual est également libre à chascune main.






ESTANT iustement arriué par le retour à ceste lettre D, il le faudra encor<sup>e</sup>s auancer sur la ligne droite, iusques à la lettre A, pour luy faire refaire sagement la demy-volte, assauoir de pas, iusques au B, & apres l'acheuer & ferrer de son air, arriuant au C, & recommencer & persueuer en la mesme reigle, autant de fois qu'il respondra mal aux iustes proporti<sup>o</sup>ns de ceste demy-volte: & s'il estoit tât apprehensif, sensible, & d'humeur si colere, qu'au lieu de comprendre, lesdites proportions, & d'y cōsentir librement, il s'en estonnaist, & se perdist comme confus, ou qu'il entraist en quelque fougue extreme, il faudra faire doucemēt vn pas entre deux battuēs, & acheuer ainsi ce second quartier sur la lettre C, le flattant de la voix: & de la main droite sur le col, afin qu'aucc le temps ses pas retranchés subtilement l'vn apres l'autre, le quartier second, se trouue nettement fourny d'air, & de iustesse ensemble. Or estant ainsi fait & bien finy, il faudra encor<sup>e</sup>s faire d'vn mesme temps, & sans interualle, ordinairement deux ou trois battuēs auancees par le droit, & sur la ligne, assauoir si le cheual respond legerement: ou de ferme à ferme, s'il s'abandonne trop sur l'appuy de la main: & puis on le caressera selon l'obeyssance qu'il aura rendue, afin qu'ē s'appaisant & asseurāt, il s'apperçoioie de la satisfaction du cheualier. Apres il le faudra encor<sup>e</sup> auācer sur la ligne, pour faire vne autre demy-volte à la main mesme, & du tout semblable, cōme elle se void icy figurée.



Si en ceste autre demy-volte, le cheual fait au commencement quelque desordre, se trouuant confus, il le faudra chastier discrettement, selon qu'il aura failly, & puis l'ayant auancé quelque pas sur la ligne, le ramener encor<sup>e</sup>s à tous les coups par vne autre iuste demy-volte de pas, pour luy faire reparer sa faute, tout ainsi que ie viēs de dire à la demy-volte precedente, qui est icy de nouveau figurée.



A ligne droite, qui separe les demy-voltes de la susdite leçon.

B piste des pieds de devant faite au pas iusques au C.

C piste des pieds de devant prenant l'air releué.

D piste des pieds de devant faite par les battues de l'air releué, iusques à la lettre E.

F piste des pieds de derriere, sur le passage susdit.

G piste des pieds de derriere, accompagnée par l'air releué, iusques à la lettre H.

I piste des pieds de devant, faisant le retour, iusques à la lettre K, pour refaire la demy-volte principale.

L piste des pieds de derriere accompagnant le susdit retour, iusques à M.

EN tous ces commencemens d'air & de iustesse ensemble, il faut que le Cauale-  
rice, par la facilité de ses mouuemens, (dispose le courage & l'action du cheual, de  
forte que presque de soy mesme, il prenne l'air de ses battues, lesquelles il luy faut  
laisser commencer à son aise bassémér & avec peu d'ayde, releuât apres peu à peu les au-  
tres battues suyantes, & le tenant ordinairement auancé sur la vraye & generale  
rondeur de sa leçon, empescher sur tout, qu'il ne se haste trop, ny se desrobe de de-  
uant ny du derriere, qui sont les communs defordres, qu'il faut euitier en ces reigles  
de iustesse. Car si directement sur le lieu qu'il se doit, ou qu'on le veut premieremét  
hausser, & tout du premier temps, on le soustenoit & raccourcissoit, voulât former  
la premiere battue de son air, comme si desia il y estoit vfité & assuré, cela luy retiè-  
droit trop ses forces, & l'accuseroit, ou pour le moins l'empescheroit de tourner li-  
brement, en danger de le faire deuenir entier ou ramingue.

IE diray encore, que si le cheual falsifie ces proportions, en serrant mal les de-  
my-voltes, il faudra bien iuger son naturel en le chastiant, principalement en ces le-  
çons estroites & subtiles: car s'il est fort apprehensif, sensible & timide, & que pour  
eslargir trop la piste des pieds de derriere, en finissant ces demi-voltes, il recoiue sou-  
uent des chastimens rigoureux, soit de l'esperon, du nerf, du caueffon, ou de tous les  
trois ensemble, du costé qu'il se desrobera, la crainte d'estre trop asprement battu, le  
pourra tellement saisir, approchant du lieu auquel la demy-volte se doit finir, & où  
il aura accoustumé de recevoir ces chastimens rigoureux, que rompant & precipi-  
tant son air, il s'estrecira trop soudainement, ou, comme fuyant, portera la croupe  
rante dedans, qu'il sera contraint de serrer la demy-volte, en allant trop large de  
deuant, & presque de trauers, comme s'il estoit entier.

Et s'il est impatient, & d'humeur fort colere & aduste, le mesme chastiment cō-  
tinué avec extreme violence, pour la susdite faute, le pourra aussi mettre en defence  
ou en fuyte, cōme confus ou desesperé: c'est pourquoy aucunes fois, il vaudra mieu

luy pardonner quelques fautes, i'entends auant qu'il ait comprins ces reigles de patience & de memoire, & pourueu aussi qu'en faisant mal vne chose, il en face bien quel que autre qui serue au bô ordre de l'escole: car sans douter l'habitude des iustes & precedentes leçons de pas, & les aydes & chastimés mediocres, bien iugez & faits proprement & à leur temps, suffiront à le rendre aysé & obeysant, & si ce n'est si tost que le Caualerice impatient, desirera, au moins ce fera en luy conseruât la dispositiô, & le courage, & l'adiustant ensemble, qui est le vray moyen de rendre l'exercice plus parfait. Qu'il soit ainsi, on void communément que les cheuaux qui manient des plus beaux airs, & qui durent plus long téps en bonne escole, sont ceux qui ont esté moins contrainsts par la violence à l'ordre de leurs bonnes leçons: & qui par consequent n'ont point esté souuét estonnez, rebutez ou desesperez: car en fin, il faut que la delicateffe & perfection de tous les airs gaillards, naisse autant de l'allegresse du cœur du cheual, comme de l'obeyssance.


ET pour euitier que la contraincte & subiection, trop continuee d'ordinaire en ceste escole, ammene au courage du cheual, des mutations diuerfes & ennemies de la franchise necessaire aux bons maneges, & mesmes qu'il ne s'en rebute. Je suis d'auis que par caualcades extraordinaires & variees on separe aucunes fois, les susdites demy-voltes, comme par vne ligne droite semblable (en longueur) à celle des passages cy deuant figurees: car en ceste distance, le cheual se peut diuertir de plusieurs vices: soit en le mertant paisiblement au pas par le droict, s'il est faisi de trop grande inquietude: soit en l'arrestant & retenant sur ladite ligne, & mesmes le faisant reculer: s'il tire ou poise à la main: ou en le chassant & determinant s'il est ramingue, ou s'il s'auilit.

QUELQV'VN pensera, peut estre, que ie vueille qu'on obserue tousiours les plus doux remede's à toutes sortes de cheuaux, quelque chose qu'ils puissent faire: mais tât s'en faut, ie veux qu'on les flatte, quand il est temps d'vser de douceur, & qu'o les chastie à bon escient, lors qu'ils l'ont meritê, pourueu que ce soit par raison, assauoir selon les fautes qu'ils feront, & lors qu'ils sont disposez d'humeur & de memoire, à comprendre les effect's des bons chastimens ou des caresses, & non autrement. Mais ie remets la pratique de ces preceptes au Caualerice, qui en est capable.


QUANT aux cheuaux qui sont naturellement si pesans & poltrons, qu'ils ne respôdent & n'obeyssent à nul beau exercice, si ce n'est en tant qu'ils y sont contrainsts à force d'ayde de bras, de main, d'esperon & de nerf, ie suis d'auis qu'on les traite comme on fait aux galeres, à certains hommes vicieux, & neantmoins de leur goffe naturel, hebettez & paresseux, lesquels avec le temps & le continuel trauail, deuiennêt diligens, ayans esté ordinairement esueillez à coups de bastons.

OR reuenant à l'ordre de nos reigles: quand le cheual fera bien les susdites demy-voltes iustement commencees, & faites d'un pas égal sur le premier quartier, & acheuees de son air, sur le second, il faudra avec le temps augmenter les battues, vne à vne, selon qu'il retiendra & pratiquera ces leçons, gaignant par ce moyen peu à peu, sur les pas du premier quartier, & retrancher aussi les autres pas par le droit, sur la ligne, vn à vn, iusques à ce que les deux demy-voltes, soyent iointes ensemble & fournies, faisant la volte entiere sans interrompre l'air, ny falsifier la iustesse d'icelle.





Si en faisant ces leçons, le cheual s'endurcit ou s'abandonne sur l'appuy de la main, ie veux, au lieu que i'ay dit qu'on l'auance de pas, ayant fourny d'un bon air, & legerement ferré la demy-volte, pour en recommencer vn autre semblable, qu'o le face au contraire reculer sur la ligne droite, soudain qu'estant arriué en icelle il aura fait le dernier temps de son air, afin de le remettre par ce moyen en posture plus legere & retenue, & l'ayant vn peu arresté sur le lieu, qu'il aura fait le dernier pas en reculant, il le faudra encores auancer sur la ligne, ordinairement vn autre pas ayé & attendu pour prendre plus facilement, & continuer la demy-volte suyuant, & apres d'un meisme ordre le reste de la leçon, selon ceste autre figure, qui sans doute le raccourcira & releuera, deschargeant l'appuy de la main, de la superfluité qui pourra proceder de fougue ou pesanteur.




A ligne pour reculer iusques à ce que les pieds de derriere soient arriuez au lieu du B.

Pour mieux expliquer ceste leçon, le cheual estant droit sur la ligne, & desia party du bout d'icelle, & arriué des pieds de deuant, au lieu de la lettre A, il le faudra encores auancer ordinairement vn pas, pour d'iceluy commencer le tour de la demy-volte, lequel se doit finir iustement sur le B, de ceste autre figure.




Et si cependant le cheual s'est trop chargé sur l'appuy de la main, mesmement en ferrant ceste demy-volte, il le faudra faire reculer de pas, sur la ligne droite, selo qu'il pesera ou tirera, l'arrestant & luy rendant la main, les pieds de derriere estans passez, en reculant dessus la lettre A, de la figure suiuiante & ceux de deuant arriuez sur icelle lettre: apres on l'auancera encores vn peu sur la ligne, pour faire l'autre demy-volte semblable, & à la main mesme finie sur le C.



D premiere demy-volte à main droite.  
E ligne pour reculer.  
F puite de l'autre demy-volte à la main mesme.

Et pour continuer ceste reigle, il faudra encores reculer le cheual en ceste figure sur la ligne droite, iusques à ce que les pieds de deuant foiët sur la lettre A, ou plus ou moins, selon qu'il comprendra l'effect de sa leçon, recommençant encores la premiere demy-volte finie au B: & suiuiant ce styl à chasque main, le cheual se rendra obeyssant & leger, pourueu qu'auparauant il aye esté bien desgourdy, & resolu au manège estroit, & redoublé terre à terre, ou de galop: à faute de quoy ceste subiectiō en contraignant ses forces, luy empescheroit la facilité du tourner, & peut estre le rendroit en peu de temps entier.

Tout ainsi que i'ay dit aux reigles precedentes, que pour assembler les deux pistes des demy-voltes, sans troubler la memoire ny la force du cheual bon à la main, il faut retrancher patiemment les pas auancez par le droit, après lesdites demy-voltes bië fournies & bien serrees, ie veux aussi qu'à mesure que le cheual qui aura trop d'appuy, s'allegira en pratiquant ces dernieres leçons, on le face à tous les coups moins reculer sur la ligne, afin que par ce moyen, il puisse peu à peu approcher ces deux demy-voltes separees, & en fin les conuertir en la volte entiere.

*Pour la main droite.*

A ligne pour reculer.

B premiere demy-volte finie des pieds de devant au C.


D seconde demy-volte, finie des mains sur la lettre E.

F Volte fournie.

Pour eviter la confusion, les pistes des pieds de derriere ne sont point icy figurees aux demy-voltes.

C'ESTRE volte nouvellement apprinse, se doit finir & ferrer gardant vn bon ordre d'escole, comme i'ay dit ailleurs, assauoir en auançant le cheual sur la ligne, s'il est ramingue ou foible d'appuy: ou le retenant sur la rondeur de sa piste, si l'appuy de la bouche en est temperé, & s'il a librement & iustement obey: ou en le retenant plus subiect, & mesmes le tirât en arriere, si la fougue la pesanteur, ou la lassitude, le charge & l'endurcit sur les épaules & sur la bride.

Pour redoubler ceste volte, sans estonner ny surprendre le cheual, qui peu testre la fera mieux qu'il ne l'aura encores comprinse, il luy faudra faire refaire ( en la place que pour les susdites occasions, il se trouuerra ainsi auancé, reculé ou renu ) vne autre volte de sulte composee & mellee patiemment de pas & de battues, de son air, plus aisé, sans se departir des iustes proportions du terroir, comme il est icy figuré.




A ligne pour auancer le cheual, iusques à ce que les pieds de devant arriuent au B. s'estant aculé ou retenu en faisant la susdite volte, & aussi pour le reculer iusques à ce que les pieds de derriere soyent sur le C. ayant tiré ou pezé à la main en faisant la mesme volte.

D premiere volte de ceste leçon.

SELON que le cheual recognoistra ceste seconde volte, & qu'il se disposera à la



bien fournir, il faudra apres diminuer par vn bon ordre le temps, les caresses & les pas, qui auront esté faits par le droit, soit qu'il aille en auant ou en arriere, entre la fin de l'une des voltes, & le commencement de l'autre, retranchant aussi par mesme moyen les autres pas mellez en tournant, & augmentât par consequent les battues de l'air, sur ceste seconde volte, qu'on rendra ainsi (auec le temps necessaire) semblable à la premiere, & en fin iointe à icelle, sans interrompre l'égle mesure de l'air entier.




Et parce qu'il n'est aucun de ceux, qui se messent de pratiquer cest exercice qui ne pense bien sçauoir, qu'il faut reculer le cheual, qui a trop d'appuy & auancer celui qui se retient & s'accule. Je les aduise en general, que ce n'est pas assez pour les remedes de la pesanteur ou dureté, ny pour suffisamment resoudre l'action trop retenue. Et donneray icy vn precepte pour maxime. C'est qu'ayant affaire au cheual, qui poise ou tire à la main, tandis qu'il fournit les battues de quelque air ou manege releué, il ne se faut pour cela attacher trop à la bride, ny seulement auoir recours au reculer, car cest effort de main trop perseueré, pourroit causer vne plus grande dureté. Mais on doit receuoir subtilement la descente des battues abandonnées ou trop appuyées, par le ferme soutien de la bride ou du caueçon. Iustement au temps, que le cheual donne des mains en terre, relaschant soudain vn peu la main: & ce s'oultié doit estre accompagné de la contrainte ou rigueur necessaire, selon que le cheual chargera ou endurcira l'appuy & non d'auantage: par ce moyen il s'abandonnera beaucoup moins sur la bride & le caueçon, & aucunesfois point du tout en maniant.

Et lors qu'il s'accule, il ne suffit non plus de luy rendre seulement la liberté de la main, pour l'auancer: car l'égle mesure de son manege en pourra estre interrompue, ou la ferme situation de la teste desplacée, si à l'instant & mesme temps, l'action du cheual n'est directement poussée contre l'appuy de la main, par les iustes & hardis mouuemens des iambes du cheualier.

Pour rendre toutes ces reigles & iustesses plus intelligibles, ie n'ay voulu iustices icy, du tout interpreter la differéce, qu'il y a des proportions des voltes du pas, à celles des airs releuez, à cause de quoy, plusieurs pourront auoir desia iugé, que selon mon intention, le cheual doit garder indifferemment en l'une & en l'autre de ces voltes, l'ordre de ceste figure generale.


MAIS



Mais c'est chose qui ne se peut, d'autant qu'il est impossible au cheual de former son air releué, sans se raccourcir beaucoup plus que son assiette naturelle, à cause que l'action en est de foy ramenée, & soutenue sur les hanches. Tellement qu'il faut par nécessité, que communément les pieds de derriere s'auancent, eslargissant leur piste adiustee au pas, ou que ceux de deuant réculent, estreignant la rondeur de leur passage, ou que le deuant & le derriere ensemble, consentent également à ce raccourcissement general: ces differences se doiuent subtilement obseruer, en mettant le cheual à son air: assauoir que si de foy, il se retient ou s'estrecit, le Cavalierice fera le premier aduertissement, & mouuement de son ayde avecques les iambes, afin que par ce moyen les pieds de deuant gardent (durant le manège releué) leur piste auparavant arrondie au passage. Et s'il est disposé à s'esslargir, ou s'abandonner sur les espaulles, ou sur l'appuy de la bouche, il faudra au contraire, que pour releuer le manège, le Cavalierice face son premier mouuement par la subiection, & le secours de la main de la bride, afin que les pieds de derriere se tiennent en leur piste, desia limitée, par le iuste passage. Que si le cheual est obeyssant, & qu'il aye la disposition hardie, & neantmoins temperée, le Cavalierice le pourra également assembler, autant deuant comme derriere, en faisant l'action ordinaire de la main, & de la iambe en mesme temps, pour luy resoudre son air, & son manège, de ferme à ferme: mais s'il est leger, & bon à la main, il rendra plus de vigueur, & de disposition estant généralement aduancé outre la piste du passage des pieds de deuant, en prenant son air.

D'autre part, quand le cheual passe la volte, son action est tousiours soutenue par vn pied de deuant, & vn autre de derriere, lesquels sont ferme en terre, cependant que les autres deux sont en l'air: tellement que par ce moyen, la piste de deuant, & celle de derriere, se font en mesme temps. Mais quand il releue son air, & l'auance sur la volte, il change tous ses mouuemens: car les deux pieds de deuant se haussent ensemble les premiers: & tandis qu'ils descendent ceux de derriere se leuent de terre également, pour parfaire & continuer les battus. De façon, que ceux de deuant étant plustost auancez, doiuent aussi necessairement redonner plustost en terre, que ceux de derriere, & par consequent, le cheual ne peut arriuer en mesme temps, sur les droites lignes trauesées, comme quand ceste volte se fait au pas: Et outre tout cela, quand le cheual releue son manège, il ne raccourcit pas seulement toute son action mais pour fortifier la posture, par laquelle il soutient & accompagne l'air de sa disposition, il eslargit les iambes de derriere, tenant les pieds pour le moins, deux fois plus loing l'un de l'autre, que quand il passe la volte, & par consequent, il fait les pistes differentes.


VOYLA en quoy il faut iuger, que puis que le cheual s'accourcit ainsi en chageant la proportion, & les mouuemens de son passage, pour se mettre à son air releué & auancé, il ne peut ordinairement auoir toute la croupe dedans la volte, gardant en toutes les battues son assiette droicte sur les lignes traueserses, s'as tenir les deux pieds de derriere acculez, & comme condamnez au centre de la volte, ou allant trop de costé & de trauers, sans regarder sa piste, & faisant presque autant de battues au manege releué, comme de pas au iuste passage, qui sont deux proportions, que ie ne veux approuuer, estans si cōtraintes que l'air du cheual n'en peut estre gaillard, ny la volte determinée.



IL faut donc que le cheual porte le corps en tournant, comme de biays, tenant les deux pieds de derriere dedans la rondeur generale de la volte: assauoir s'il manie à courbettes rabattues. Car tout ainsi que cest air est ferré, le manege le doit estre aussi: & s'il va à groupades, vn pied de derriere tiendra le dedans de la volte, & l'autre marchera au mitan de la piste, de ceux de deuant, afin que la croupe estant en plus de liberté, puisse plus gayement accompagner l'action des espaules: & s'il a la force, & la disposition pour fournir gaillardement son manege à caprioles, il faudra pour donner plus d'espace, de vigueur & de legeresse aux sauts, que les deux pieds de derriere suyuent ceux de deuant, tenant neantmoins avec vne hanche, vn peu le dedans de la volte, pour rendre par ceste action le manege plus iuste & plus parfait, & l'assiette du cheualier moins incommodee, & par consequnt plus belle.

Et parce que la pluspart des cheuaux de manege, ont plus d'inclination à porter la croupe hors la volte, que dedans icelle, il est necessaire pour les tenir en iustesse, de faire le passage de tous les airs, en tenant toute la croupe dedas la piste des pieds de deuant, mesmes si le cheual est nerueux, & s'il a la bouche à pleine main, & principalement s'il est trop chargé de deuant: car ceste action luy tenant les hanches en posture estroite, serree & subiecte, luy rendra d'autant plus leger le deuant.



*Pour la main droite.*

Demy air,

Groupades.


Caprioles.

A piste des pieds de deuant, fourmissans l'air releué des susdits maneges.


B piste des pieds de derriere, accompagnans &amp; soustenans les airs des susdits maneges

C piste des pieds de derriere, sur le passage susdit.

S'IL est fort leger à la main, & que naturellement il desrobe moins la croupe en dehors, quand il resould son air & son manège, il faudra aussi que son passage se face plus estroit de derriere, que son manège releué, assavoir comme sur les lignes figurees de biays, en tous les quartiers: car vne plus grande subiection, luy pourroit retenir sa disposition quand il releueroit & resouldroit son manège.




LE cheval qui a beaucoup plus de legeresse que de force & qui est fort sensible & aucunemēt timide, doit estre d'ordinaire passé d'un pas fort, & resolu, sur la volte d'une seule piste: c'est à dire, faite aussi large des pieds de derriere, comme de ceux de deuant, & quelques fois chassé vn peu au trot, sur la mesme piste, afin que plus librement & legerement, il puisse fournir son air: & au contraire des autres, on le doit adiuſter peu à peu, cōmençant à luy ferrer la croupe, apres qu'il aura fait en tournant, vn temps, ou deux de son air, sans pour cela interrompre sa mesure, ny estre cir la piste des pieds de deuant. Et si en mettant fin au manège releué, on luy veut cōtinuer son trot en tournant, ou son passage, sans l'arreſter ny luy faire ferrer la volte, (comme il est aucunes fois neceſſaire pour luy maintenir le courage, & l'action auancee, & afin aussi que par ce moyen, il soit empesché de se trop ferrer ou retenir,) il luy faudra faire eslargir seulement la iuste piste des pieds de derriere, lesquels on remettra soudain apres la derniere battue de son air, sur la piste de ceux de deuant.



- A piste de la susdite volte de trot.  
 B piste de l'air releué.  
 C piste en adiustant les pieds de derriere au manege releué.  
 D piste des pieds de derriere pour reprendre la seule rondeur de la volte de trot.

Si le cheval tel qu'il soit, fournit rondement & iustement son manege tant au pas côme en le releuant, sans premediter aucun lieu pour serrer les voltes, & que le Cavalierice luy vueille faire finir son air, en fermant iustement lesdites voltes en diuers lieux, il faut que ce soit par vne action estrecie, auancee, & comme dessus vne des lignes trauessees aux quartiers:



Or il y a en cecy vne des susdites considerations, qu'il faut soigneusement entendre: c'est que si le manege est tant estroit & contraint, que le cheval porte ordinairement le corps acculé, ou trauesse dedans le circuit de la volte, comme i'ay desia dit, & figuré, il la pourra serrer & finir, par vne battue ferme ou auancee par le droit, arriuât en tel quartier qu'il voudra. Mais si la croupe du cheval accompagne plus librement l'air du manege, fait de biays (assauoir plus auance, resolu, & neantmoins iustement obserué) il faudra que les pieds de deuant, arriuans par necessité les premiers dessus lesdites lignes trauessees, se haussent encores vne ou deux fois, & qu'ils redonnent soudain en terre, en la place d'où ils partiront, ou vn peu plus auant par le droit: afin que par ces temps & battues, les pieds de derriere se puissent rager dessus la mesme ligne, droit à droit de ceux de deuant, pour bien fermer la iuste rōdeur de la volte: & encores faut-il apres faire communément vne battue ferme, pour rendre ceste fin en sa perfection.

Les quatre

Les quatre quartiers, qui se voyent marquez de biays ou de droict, sur ces voltes figurees, signifie la posture du corps du cheual, cependant qu'il manie, & non la quantité des courbettes ou groupades. Quant à la mesure des voltes & au nombre des battues, dont elles doiuent estre fournies, il faut qu'elles soient proportionnées à la nature des cheuaux. Si le cheual est fort leger, & qu'il se plaife à resfoudre diligemment le manege redoublé: il faudra souuent, que la volte soit estroicte & compoſee, par conſequent de moins de battues que l'ordinaire. Car de la faire trop large elle ne pourroit estre toute fournie en peu de battues, à cause de la grande diſtance, qu'il y auroit de l'une à l'autre. De la vouloir faire fournir à vn tel cheual en pluſieurs battues d'auantage, ce ſeroit retenir trop la legereté de ſon action accouſtume: Et ſon naturel ne les pouuant gayement proportionner, le manege en ſeroit trop lent & conſtraint. La meſme proportion que l'on garde au cheual de fort leger appuy, doit aucunes fois estre obſeruee à celuy qui eſt dur & chargé de deuant, quoy qu'il ſoit d'un naturel contraire. Car le cheual peſant, aura moins d'occafion d'endurcir & abandonner ſon appuy & tous les mouuements ſe trouueront plus aylez en vne volte eſtroicte pourueu qu'elle ſoit aſſez ſoute nue ſur les hanches: parce qu'il fera moins de battues, que n'en pas en vne large, où il faut de neceſſité qu'il s'auance & qu'il ſe charge plus ſur le deuant, à cause de ſa peſanteur ioincte au trop grand nombre des battues, qui luy feront encor plus appelantir & endurcir l'appuy de la main, & ſi il en fournira moins de tours. Ainſi le cheual trop chargé ne peut que difficilement fournir à tant de temps & battues qu'une volte large demande, pour l'incommodité de ſon grand poids, non plus que le cheual gaillard & fort leger à la main, à cause de la delicateſſe de ſon appuy de bouche & de ſa diligente diſpoſition, qui requiert plus de briedeté. Toutes fois ceſtuy cy doit estre moins ramené ſur les hanches que ceſt autre.

Il y en a d'autres, qui ont plus de force & de diſpoſition, qui auſſi ſont trop ſouples de la main en auant, auſquels eſt neceſſaire de tenir la volte plus ſpacieuſe, auancee & fournie de plus grand nombre de battues, afin d'auoir moyé de les pouſſer, & reſoudre contre le vray appuy de la bride, & de leur tenir le col plus droit, en plus ferme poſture, & la teſte aſſeuree en bon lieu: d'autres, qui ont les mouuemens des hanches, tant licentieux & deſordonnez, ou ſi peu d'inclination aux iuſteſſes plus limitees, qu'en tournant ils veulent touſiours porter, & deſrober les pieds de derriere en libreté, hors le circuit arrondy de la volte, auſquels il faut auſſi neceſſairement eſlargir le manege, & faire les battues de leurs airs plus retenues, ſoute nues, trauerſees, & en plus grand nombre, que la reigle generale ne requiert, afin de les tenir par ceſte ſubiection plus droits: auancez & releuez ſur la vraye piſte limitee, & mieux appuyez ſur l'ayde de la main. Mais ſi le cheual eſt bien proportionné de ſtature, & accompaigné de bonne inclination, d'aſſez de force, & de legerreſſe, pour ſoutenir l'eſſort & la facilité requiſe à quelque beau manege releué, on pourra garder la mediocrité, tant en l'égle & gaillarde meſure de l'air, qu'en la iuſteſſe du terroir. En fin, ie ne limite ny aux vns, ny aux autres, aucun nombre de battues, pourueu que les voltes ne ſoient trop larges, ny trop eſtroictes, & que l'air ne ſoit inegal, precipité ny retenu.

Aux endroits où les quatre fers ſe trouueront marquez, il faut auſſi conſiderer, que c'eſt pour repreſenter plus facilement le plan, & la poſture du cheual, comme ſ'il eſtoit arreſté, ſur la iuſteſſe de la volte: car de les peindre ſelon les mouuemens que le cheual fait en maniant, meſme de quelque air releué, la figure ſemble-



roit trop confuse à la pluspart de ceux, qui la voudroient bien comprendre, s'ils n'estoient bons maîtres: parce que tandis, que le cheual releue & soustient l'air de ces battues, il se dispose & fortifie, par vne action nerueuse & fort raccourcie, posant les pieds de derriere si pres de ceux de deuant, à chascun temps pour s'auancer, soit sur la rondeur de la volte, ou par le droit, que pour bié représenter ceste piste si meslee, il faudroit faire des figures difficiles, qui arresteroient trop l'esprit du Lecteur, en des proportions, qui se peuuent beaucoup mieus comprendre par la pratique de l'exercice, que bien expliquer par escrit.



## AVTRES REIGLES PROPRES

AVX CHEVAVX IMPATIENS QVI PEVVENT FACILEMENT DEVENIR ENTIERES ET DVRS A L'APPV DE la main, lesquels neantmoins on veut dresser à quelque manège.

### CHAPITRE XXVI.



**L**E suis asseuré que de long temps ne se trouueront pas beaucoup d'Escuyers, qui sçachent bien pratiquer les reigles de ce secôd liure: car les vns, pour auoir trop de routine à la vieille & plus commune escole de cest art, ne pourront assez patiemment arrester leurs esprits & actions, au vray ordre de toutes les iustes & necessaires proportions comprises en ces preceptes: Et mesme en l'exercice ne cognoistront ou ne sentiront suffisamment quand le cheual sera ou ne sera pas parfaitement aux vrais endroits du terroir, où les lignes, quartiers, demy-ronds, voltes entieres, & autres traits de toutes ces figures, se doiuent imaginer & obseruer exactement, durant la leçon: Et faisant par ces erreurs, la pluspart des choses qu'ils comprendront, hors de leurs temps & places, la confusion suruiendra facilement, qui amenera plusieurs desordres. D'autres pour n'auoir assez de pratique en la susdite & vieille escole, plus furieuse que bien consideree, (& comme j'ay dict ailleurs) s'estans trop ou trop tost arrestez en nos iustesses plus limitees, contraindront & retiendront, mal à propos en icelles, le courage & les forces du cheual: Et souuent aussi telles fautes naistront, seulement de la rudesse ou de la debilité de la main mal conduite. D'autres manquans de iugement & d'industrie ne sçauront pas diuertir le cheual de plusieurs & diuers mouuemens du tout contraires à l'obeyssance & à la franchise, ny par consequent le disposer à la facilité des plus iustes proportiôs. Et ce qui est encores pis, les meilleurs maîtres auront aucunesfois entrepris de dresser des cheuaux coleres, impatiens, bizarres & obstinez, que leurs plus beaux artifices ne suffiront pas à les pouoir bien ranger aux bonnes leçons estroitement obseruees. Et parce que de là ie preuoy qu'il y en a de l'ordre des regles iusqu'icy deduictes & figu-

rees, plusieurs de ces cheuaux tant desobeyssans (entre autres vices) retiendront aucunes fois leur vigueur & gaillardise, s'acculeront ou se feront entiers, principalement aux premieres leçons de quelque air releué. Je suis d'aduis, cela aduenant qu'on change l'ordre des leçons precedentes les faisant de droict en droict au long d'une muraille, parce qu'elle sera propre à diuertir aucunes fois beaucoup d'inquietudes, qui peuuent alterer le courage du cheual impatient, & le rendre plus incapable de memoire & d'obeyssance: Car sans doute le mettant paisiblement par le droict sur vne passade assez lóue il en apprehendera moins la nouuelle & incogneue subiection & iustesse des voltes: Et en le chastiant, ou recherchant par douceur sur icelle passade, on luy pourra faire recognoistre, la faute qu'il aura faite en tournant, comme il est cy apres expliqué.

OR doncques quand le cheual sera desgourdy & bien commence, comme i'ay dict cy deuant en diuers lieux; & mesmes qu'il sçaura iustement passer au moins les quartiers & demy-voltes precedentes, il le faudra mettre assez pres de la muraille sur vne ligne droicte: assauoir au pas ou au trot selon que volontairement il s'aduancera ou se retiendra, & qu'il rendra l'appuy de la bride pesant ou leger. L'ayant ainsi fait cheminer enuiron vingt cinq pas, si le Cavalierice sent qu'il tire ou poise tant soit peu à la main, il l'arrestera sur les hanches à vn bout de ligne, & le trouuant leger & bien disposé, il ne l'arrestera point, mais (comme aussi apres l'auoir paré, il le mettra sur son air releué, luy faisant faire par le droict d'ordinaire trois bonnes battues retenues ou aduancées, selon la disposition de son courage & de l'appuy de la bouche.

Ligne de la muraille.

---

Ligne de la passade.

---


SOVDAIN que le cheual aura fait la troisieme de ces battues & presque au mesme temps qu'il donnera des mains en terre, comme au lieu de la lettre A. le Cavalierice luy tirera la teste diligemment sur la volte, le sollicitant pour le mettre

Kk ij

au pas resolu, & luy en faire fournir vn quartier, & sur la fin d'iceluy le rehausser, pour luy faire rabattre trois autres temps semblables sur la ligne marquee B, faisant à la fin du troisieme encor' la mesme action aduertie, de la bride ou du cauefson avec celle des iambes, pour luy tirer la teste sur le tour, & luy faire refaire au pas les deux parts des trois d'un autre quartier, finissans sur la ligne & la lettre C, & en cest endroiçt le faudra tenir & hausser comme deuant.


Ligne de la muraille.

Ligne de la passade.



QVAND le cheual aura finy, ou en finissant ainsi la troisieme de ces battues sur la lettre C. Il le faudra remettre au pas comme auparauant, & d'iceluy le tourner arrondissant la volte deux fois ou d'auantage par vne seule piste, comme il est representé en ceste figure.

Ligne de la muraille.



F piste des pieds de derriere pour aller suiure celle des pieds de deuant en arrondissant la volte au trot.




## Des Preceptes.


105

APRÈS on luy fera fermer ceste leçon sur la ligne de la passade en cheminant de biays, assauoir en auant & de costé, iusqu'à ce que les pieds de deuant soyent au lieu où se void la lettre D. & ceux de derriere sur E. comme il est cy apres figuré, & en la mesme place il le faudra encor hausser au moins trois fois, luy tenant le corps & le col bien droit dessus la ligne de la passade.

Ligne de la muraille.




QUAND le cheval aura satisfait à l'ordre de ceste leçon en vn costé, il le faudra aduancer & mener par le droit, iusqu'au lieu qu'on aura premedité pour faire de mesme à l'autre main.



F pisse que les pieds de derriere doiuent faire cependant que ceux de deuant vont reprendre la ligne de la passade par le tret marqué G.


Kk iij

A YANT bien pratiqué ceste leçon aux deux mains, & apres que le cheual l'aura comprinse & retenuë, on continuera encor' à le mettre par le droict, comme i'ay dict, & au lieu des trois premieres & susdites battues droites & faites au bout de la passade, il n'en faudra faire que deux, & soudain aduancer le cheual vn ou deux pas en tournant, & apres luy faire releuer vne ou deux battues suiues d'un autre pas ou deux pour refaire encor' vn autre battue ou deux, continuant ainsi iusqu'à la lettre C. qui limite les deux parts, dont la troisieme finiroit le second quartier de ceste volte. Et quand il sera arriué des quatre pieds ensemble, sur la ligne de la lettre C. on luy fera battre legeremēt & en vne place, trois mesures de son air, comme i'ay dict à la leçon precedente, gardant sur tout la iustesse du terroir, selon les figures representees, comme aussi l'égalité en tous les mouuemens necessaires, bien qu'ils soyent plusieurs fois refaits ou repris.



A l'instant que la troisieme de ces battues faites de ferme à ferme sera finie il faudra encor' arrondir deux voltes au pas, par vne seule piste, & puis reprendre la ligne de la passade, en serrant le manege, comme i'ay cy deuant figuré, & qu'il est encor icy representé, pour refaire trois autres battues fermes, les pieds de deuant estant comme sur le D. ceux de derriere sur E. & apres on continuera la mesme leçon à l'autre main.

F piste des pieds de derriere pour aller reprendre la ligne de la passade en serrant la volte.



PAR l'habitude de ceste leçon assez continuée, le cheual conuertiira facilement ces pas en bônes battues, de sorte qu'il fournira les parties susdites de la demi-volte ( desia esbauchee comme i'ay dit ) sans interrompre l'egale mesure de son air releué.



Si du commencement il fait difficulté de bien ranger les battues de son air, sur toute la susdite & derniere proportion, il la faudra commencer cheminant au pas, comme iusqu'au lieu où se void la lettre B. en la figure suiuiante : & à mesure qu'il se rendra facile à releuer & bien battre la mesure de son air, on retranchera encor' ces pas iusques aux premieres battues faictes par le droict sur la lettre A.


Ligne de la muraille.



Kk iiij




SOVDAIN il faudra encor arrondir la volte entiere au moins vne fois, par vne seule piste faicte allant le pas, remettant & redressant le cheual du mesme passage sur la ligne paralele qui accompagnera celle de la muraille, pour luy faire encor releuer par le droict, trois ou quatre bonnes battues de son air, comme sur les lettres D. E. & puis passer outre au long d'icelle ligne, pour aller à la place de l'autre main, continuer ceste leçon.




F piste de l'air releué en tournant.  
G piste faicte au trot pour arrondir la volte.

POV augmenter l'ordre de ces battues sur l'entiere rondeur de ces leçons, il faudra gagner comme pied à pied sur la piste desia arrondie au pas ou au trot: Assavoir qu'ayant nettement releué, en tournant; la premiere & susdicte proportion, iusqu'à la lettre C. & apres en acheuant au pas l'entiere rondeur de la volte, on mettra le cheual à son air releué en passant comme sur la lettre H. continuant l'egale mesure desia aprise & limitée iusques au C. & à mesme temps faudra estre cir & aiuster la piste des pieds de derriere, comme il est marqué en la figure suiuiante, gardant apres l'ordre precedent: mais beaucoup plus serré, pour se remettre sur la ligne droicte & principale, premier que d'aller changer de main.




I piste des pieds de dextiere en releuant le manege.

EN augmentant ainsi chaque fois d'une battue, sur le terroir arrondy & limité, par le iuste passage, sans doute la volte entiere se trouuerra en peu de caualcades du tout releuee & nettement fournie d'air & de iustesse, hormis la distance, qui se void entre le C. & le G. laquelle se doit encore reseruer, pour tirer la teste du cheual sur la piste en faisant au pas la premiere action de ces dernieres voltes qu'on voudra releuer, afin que par ce moyen le cheual se rende plus souple en tournant: Car si les fins de routes ces premieres proportions de voltes releuees, se faisoient d'ordinaire dessus la ligne de la passade, le cheual impatient pourroit prendre, vicieusement l'occasion de se ferrer trop pres de la muraille, se couchant ou se faisant entier pour euitier l'obeyssance & facilité necessaire au redoublement des voltes.




APRES la derniere battue faicte sur le C. il faudra encor faire à l'instant vne volte de pas, affaioir d'une ou de deux pistes, selon que le cheual se rendra dur ou souple en tournant.



H piste des batues de ceste volte.  
K piste de la volte faicte au pas.

POUR rendre le cheual plus attentif & facile en ces reigles, il faudra aucunes-  
fois prendre la volte du costé de la muraille: c'est à dire qu'en la place qu'on l'aura  
tourné à main gauche, on luy donnera la leçon de la droite: Et pour ce faire, la ligne  
de la passade doit estre vn peu plus esloignée de la muraille, comme il se peut com-  
prendre par ceste autre figure: & sans doubte telle varieté bien praticquée, diuertira  
le cheual impatient de beaucoup d'inquietudes contraires à la franchise & aux iu-  
stesses des plus beaux maneges.



APRES l'habitude suffisante de toutes ces leçons discourues & figurées, si le  
Caualerice recognoist & sent à son cheual assez de force, de legeresse & d'escole,  
pour doubler & redoubler les voltes releues, il pourra gaigner peu à peu, augmen-  
tant à tous les coups d'vne battue sur la piste iustement arrondie, comme i'ay dict:  
Et à mesure que le cheual se rendra facile, mesmement à l'action du tourner, il luy  
faudra faire serrer les voltes, plus pres de la ligne de la passade, iusques à ce qu'il fa-  
celibrement toutes les fins sur icelle ligne. Cest ordre le pourra empescher de de-  
uenir entier: mais si le Caualerice est sage, il se gardera sur tout, d'entreprendre plus  
d'effort que le cheual ne pourra viuement fournir.







## Des Preceptes.

III


Pour rendre le cheual plus libre en ces leçons estroittes, il les faudra aucunes-fois destendre & varier, par vne proportion plus large & quarree : A sçauoir que ayant arrondy au pas vne volte d'une piste & de mediocre largeur, on mettra le cheual au trot sur la mesme piste, pour luy en faire accompagner enuiron deux tours, & apres l'arrester sur les hanches, comme en la ligne de la lettre A : & sur icelle luy faire battre legerement trois ou quatre temps de son air.




En finissant la derniere des susdites battues, il luy faudra tirer la teste sur la mesme main, pour l'aduanccer assez viuement, le remettant au trot, en la mesme piste arrondie, pour luy en faire encor fournir vn tour & demy, & soudain le bien arrester, comme sur la ligne marquee B. Et puis le rehaucer comme deuant, & le remettre tout de mesme au trot resolu sur le rond.



Ayant assez continué ceste reigle d'un costé, il faudra changer demain reuenant sur la mesme piste, & garder la mesme proportion.




Reprenant apres la main premierement exercée ; il faudra faire les arrests en ces autres places figurées par les lignes gardant cest ordre indifferemment de chaque costé iusqu'à la fin de la leçon.



Quand le

QVAND le cheual aura bien comprins deux ou trois telles caualcades, on raccourcira leur ordre: Assauoir que l'ayant vn peu trotté & desgourdy en la susdite rondeur, on le parera & haussera de nouveau, comme sur la ligne de la lettre A. Et au lieu de le mettre soudain au trot, comme auparauant, on l'aduancera au pas, tournant iusques sur la ligne du B. de la figure suiuite, & apres l'auoir rehaussé on le fera encor cheminer & tourner de pas pour aller faire les semblables battues sur la ligne du C. & puis encor le remettre au mesme pas iusqu'à la ligne du D. continuant ainsi enuiron trois tours, suiuis à l'instant de deux autres de trot, premier que changer de main, ny que donner haleine au cheual de bon nerf.

ET pour rendre le chéual plus souple, ou moins entier en ces leçons, il luy faudra mettre la croupe vn peu en dehors, & luy tirer aussi vn peu la teste dedans la volte, estant arriué sur chaque ligne droite, & premier que luy faire commencer les battues.




L'HABITUDE de ceste leçon ainsi quarree & souuent arrondie, rendra le chéual si ayse & leger, que de soy (& à cause de l'estil precedent) il reduira en peu de téps les pas de toutes les encogneures (marquées E.) en battues aduancées, pour se rendre sur les lignes, ou il pensera soutenir son air de ferme à ferme: Tellement que par ce seul moyen, accompagné des subtils mouuemens du bon Caualerice, il arrondira peu à peu vne volte entiere de son air releué, sans l'interrompre, apres laquelle il faudra augmenter les battues, peu à peu, de quarre en quarre, finissant d'ordinaire au trot sur la rondeur d'une seule pifte.





AVC VNE SFOI sil faudra varier aussi ces leçons, seulement, par quelque galopade léte & legere à chafque main, sur des rôds de mediocre espace, & reuenir apres aux proportions precedentes & proposées au long d'une muraille. Car sans doubte le cheual s'y remettra beaucoup plus gayement ou avec moins de contrainte, que si on n'auoit vsé de telles diuersitez.



Ligne de la muraille.



AFIN que le Cavalier pratique toutes ces reigles avec bon iugémēt, il se doit fouuenir, qu'en toutes les proportions qui se trouueront escrites & figurees, mesmement en ce second liure, i'ay voulu représenter leurs ordres mieus rangez, tant en la iustesse du terroir, qu'aux mouuemens que le cheual bien commencé doit faire, pour paruenir facilement & de leçon en leçon iusqu'aux perfections de tous les maneges, qui donnent plus de grace & de contentement: c'est pourquoy i'ay limité precisément les lieux, qui se voyent marquez, comme aussi les nombres des pas, des battues & des tours: Mais si le cheual est tant rebelle & obstiné, que non obstant qu'il soit aduerty & guidé par les bons mouuemens de la main, & de la iambe du cheualier, au lieu de ceder aux susdites proportions, il refuse ou s'oppose directement à l'ordre d'icelles, pour lors le Cavalier ne doit garder autres regles, que les vrais moyens de diuertir ou chastier tel cheual, l'essargissant au mesme endroit, qu'il se vouldra trop estressir, le serrant où il se vouldra trop essargir, le chassant du lieu, où il se vouldra retenir & acculer, & le retenant quand il se vouldra trop aduancer, & en fin ne luy permettant iamais telles faucetez. Et encor' que par les bons remedes on le rende, comme vaincu, directement sur les iustes lieux, premeditez pour les pas adiuſtez & les battues limitees, si neantmoins tous les mouuemens qu'il y rendra ne sont propres à la franchise & facilité du bon exercice, il ne faudra recevoir pour nombre ny satisfaction d'escole quelque chose qu'il face par malice, par inquietude, ou par poltronerie, ny refuser l'obeyſſance recherchee quand ils y presente franchement: sur tout en ces executions, on ne doit se rendre insatiable, ny se contenter de peu. Et partant il faut tousiours obseruer la douceur, la rigueur, & la mediocrité necessaire, qui ne se peuuent iuger que par la cognoissance du naturel & des forces du cheual, ny bien mettre en effect, que par vne grande & facile pratique: Et sans ceste obseruation l'escole est confuse. I'ay redict tout expres en diuers lieux quasi ce mesme precepte, pource qu'il n'est pas moins important en cest art, qu'est le timon au vaisseau, qui nauigue en pleine mer.

Il n'ay pas tousiours obserué ces preceptes. Car en ma ieunesse i'ay fait les defordres que font encor plusieurs Cavaliers mal fondez, qui en exerçant les cheuaux d'escole (soit au trot, au galop, ou aux airs releuez & plus gaillards) n'ont autre soin ny consideration, que de leur faire fournir furieusement l'exercice (bien ou mal entrepris) persueuant iusqu'à l'extremité des forces qu'ils leur sentent à l'esquie-

rendre de grands efforts & pour accabler leurs forces, sans auoir esgard si tout ce qu'ils leur font faire ou permettent qu'ils facent durant leurs leçons, iusqu'aux moindres mouuemens, peut seruir à la facilité des bons maneges: Et tant s'en faut que les regles de cest art se doiuent ainsi pratiquer sommairement que au rebours il est tres-necessaire, que le bon Cavalier aye d'ordinaire l'esprit tendu & diligent à preuenir les causes, ou corriger les fautes, qui peuuent rendre le cheual negligent, confus, ou desobeissant, & à rechercher & suiure les vrais moyens de le gainer & faire flechir à l'obeissance & facilité de ce qu'on le recherche. Par ainsi il faut souuēt se despartir de l'ordre des leçons & proportions premeditées, quoy qu'elles ayent esté bien conceües, & s'acoustumer à travailler attentiuement à l'escole, selon les diuerfes occasions promptement & bien iugées, & s'il est possible sans en perdre le temps de pas vne, mesmement par ignorance ou negligence, autrement cest art est incogneu & par consequent les leçons se trouuent inutiles,

Il scay qu'à l'escole du premier liure i'ay dict, que les leçons de trot doiuent estre soustenues d'un mesme nerf du comencement iusqu'à la fin, & celles du galop fournies aussi des mesmes airs & vigueur qu'elles auront esté commencees: Mais cela se doit entendre quand le cheual distribue libremēt ses forces & legeresse, sans fougue, ny singardize & seulement par les iustes mouuemens du cheualier.





## DIVERS PRECEPTES SVR CES PLUS AVANCEES LECONS

ET MESMES QVAND LE CHEVAL EST TELLEMENT  
rebuté, & ennemy del'escole, que les remedes ordinaires, ny  
apportent plus des effectz suffisantz.

### CHAPITRE XXVII:

**L**Vs QV'ES aux dernieres leçons, de toutes les susdictes reigles des voltes, le Cavalierice pourra avoir monstré son industrie, son sçavoir & la bône pratique de son art: mais la preuue n'en sera pas moindre, si apres il peut empescher que le cheual face quelque mutation suffisante de le reculer, iusques aux premieres reigles, comme il aduient souvent: parce que beaucoup de cheuaux consentent plus facilement & respondent avec plus de vigueur, aux leçons de suyte, qu'ils acheminent peu à peu, & de reigle en reigle, à la iustesse des maneges, propres à leurs forces & disposition, qu'ils ne se resoluent, y estans arrivez, à les continuer longuement en leurs vrayes proportions. La raison est, que cependant qu'ils comprennent, ou bien tost apres qu'ils ont compris, & aucunement pratiqué chacune de leurs leçons, elles sont ou doiuent estre suiuiues bien à propos, d'un autre leçon nouvelle, augmentee d'art & d'effort, ou au moins differente des precedentes, en quelques mouuemens & proportions: tellement que ces diuersitez occupent diuersement, & douterement les esprits, les forces, & particulièrement l'attention du cheual nerveux & courageux, & partant le peuuent souvent diuertir de plusieurs inquietudes ou fantasies, & resolutions licencieuses & d'esobeyssantes, ausquelles il n'a bonnement loysir de s'y refoudre, ny à peine d'y penser: & quand bien il n'aura pas beaucoup de force, il aduendra aucunes fois que la diligence, par laquelle tous les susdits mouuemens de iustesse se doiuent obseruer, & lesquels il n'aura encores peu bierecognoistre, le tiendra ordinairement en tel soupçon de faillir, & par consequent d'estre chastié, qu'il offrira fort librement toute sa vigueur & dispositiō, pour respondre à l'actiō du Cavalierice: ioinct aussi qu'au parauant que les leçons reiglees, & peu à peu fournies, ayēt atteint la pl<sup>re</sup> haute portee de la force du cheual, il a moins d'ocasiō de se rebuter. Or afin qu'il s'assure, & se maintiēne en la iuste pratique des susdites & dernieres leçons, il ne luy faudra pas tāt continuer les caualcades fortes, nouvellement apprinses, & encores irresoluës, que l'effort excessif, ou l'ennuy de refaire trop souvent vne mesme chose, le puisse mettre en tel desordre, que comme confus auily, ou desesperé, il oublie ou refuse tout à fait les principales proportiōs de toutes

ces leçons iustes & plus obseruées. Et pour euitter ces accidens, le Caualerice doit bien iuger par le bon ordre des susdites reigles & leçons, quand elles arriuent à peu pres au plus hault point des forces & disposition du cheual: & lors au lieu d'entreprendre d'auantage, & mesmes premier que venir en ces extremités, il luy donnera quelque relasche d'escole, le remettant souuent, selò qu'il luy recognoistra le courage disposé sur des reigles moins difficiles, qu'il aye auparauant recogneuës & pratiquées: & mesmes luy faisant faire en diuers iours, entre deux de ses caualcades plus auancées d'air & de iustesse, vne mediocre leçon de trot raccourcy, s'il a la bouche à pleine main, ou de trot plus resolu, & quelquesfois de galop, s'il a l'appuy assez leger: & ne le faudra exercer au plus souuent, que de deux iours l'un, le tenant tousiours en vigueur & legeresse, s'il se rend obeysant, & par ces moyens on le maintiendra en haleine, en courage, & en sa plus auancee iustesse.

CESTE escole ne se rapporte pas à l'opinion des Caualerices, qui veulent indifferement qu'on sollicite le cheual souuent, & beaucoup à la fois, pour le contraindre rigoureusement à ce qu'on le voudra dresser (quoy que par le travail continuel, il se harasse & amaigrisse) iusques à ce qu'il soit paruenu aux plus fortes, & plus iustes proportions de l'air & du manege, qu'on luy aura fait entreprendre, avec dessein de le repatrier & restaurer apres, par les caresses & leçons plus douces & plus courtes, ou moins continuees. Ie scay que ceste reigle peut aucunes fois reüssir: mais si tous ceux, qui la gardent exactement vouloient receuoir mon aduis, ils n'en vseroient que selon le bon iugement, qu'ils auroient premierement fait du temperament naturel, & des forces du cheual. Car s'il se trouue ayant l'inclination corrigible, la vigueur del'esquine assez nerueuse, les iambes assez fermes, les pieds assez forts, & la complexion assez robuste, pour resister assez long temps à l'exercice, & aux remedes tant seueres, cōtraints & perseuerer: il pourra par les effects d'iceux estre à la fin vaincu, & rangé au but de l'entreprinse, que le Caualerice hardy, & bien fondé aura fait. Mais si le cheual est foible de memoire sensible & timide, quoy qu'il soit au reste assez fort, & bien party en tous ses membres, ou qu'il soit courageux, & neantmoins de douce humeur, & que l'esquine & les membres en soient despourueus des forces necessaires, il sera trop mal aysé, & le plus souuent impossible, que par la violence ordinaire, & le travail excessif du susdit styl rigoureux, il puisse paruenir en si peu de temps, ny peut estre iamais, à ce que le Caualerice impatient le voudra contraindre, sans considerer qu'à mesure qu'il pensera auancer l'ordre de ces leçons, les membres de son cheual se debileront, & par consequent ses reigles, & ses peines se conuertiront en desordres & confusions, & si d'auenture il perseuere à la rigueur des chastimens, & moyens precipitez, pensant tirer des forces du cheual, ce qui ne sera plus en elles, il le trouuera bien tost apres auily, rebuté ou desesperé.

Ov si le cheual nerueux, vigoureux, & assez fort sur ces membres, est impatient colere, & fier de son humeur, il aduiendra facilement que l'importunité de la subiectiō tant estroictement continuee sans relasche, ou les douleurs & particuliers desplaisirs d'une infinité de diuers chastimés faits, peut estre hors de temps, ou avec trop de seuerité & de confusion, luy feront tellement haïr l'escole, qu'apres il se laissera creuer & assommer de coups, & de travail, ou se mettra en deuoir de se defendre, par des moyens presque enragez, ou à l'extremité se precipitera soy mesmes, hazardant le Caualerice en quelque peril desesperé, plustost que de se laisser contraindre par la force aux iustes proportions des airs & maneges, qu'il pourroit bien fournir estant plusagement disposé à l'obeyssance del'escole, par la patience & bonne pratique de celuy qui l'exerce. Ce sont choses, qui arriuent communément aux lieux esquels



on void bien & mal, exercer grand nombre de bons & de mauuais cheuaux.

I'AY autresfois, & long temps esté curieux de rechercher les occasiōs de remettre les cheuaux, qui estoient ainsi rebutez & abandonnez : en quoy, ie puis dire avec verité, que le bon heur m'a souuēt, & fauorablement guydé. Car ie n'en ay pas seulement remis vne grande partie en bonne escole: mais les Caualerices, qui les auoient auparavant entrepris, & en fin quittez, comme incorrigibles, ( par mutations confuses ou malicieuses ) neantmoins les ont veus depuis manier, avec plus de facilité & de iustesse qu'ils n'auoient encores fait. Je puis asseurer d'auantage, qu'il ne s'en est estropie ny perdu aucun, pour quelque trauail ny chastiment, que ie luy aye donné. De la cōmença à naistre le peu de reputation, en laquelle ie puis auoir esté tenu entre les hommes de cheual. Or pour r'appaier & remettre ces cheuaux rebelles, confus, rebutez, ou desesperez, ie n'vfois pas des moyens ordinaires de l'art, recognoissant que c'eust esté en vain: d'autant qu'ils leurs estoient trop odieux: au cōtraire, le premier & plus grand soing que i'auois en tel cas, estoit de leur en faire perdre la memoire, & quand apres ie les voulois rechercher, c'estoit en lieu où il n'y auoit nulle piste, ny apparée d'escole, & en temps qu'ils n'estoyent en aucun soupçon des desplaisirs, par lesquels ils s'estoyent rendus tant ennemis de l'obeyssance cōtrainte: & pour les premiers remedes, apres les auoir laissez quelque temps en repos, ie les menoais assez souuent à la chasse, les faisant promener, trotter & galopper, à trauers les champs, selon que ie les sentoies disposer, d'humeurs & de forces, sans toutesfois les fascher ny presser aucunement, si ie n'y estois contraint par quelque grande necessité, & avec le temps quand ie cognoissois qu'ils auoyent perdu l'apprehension de l'escole rigoureuse, ie les conuoies diuersement, par cautelle & en lieux non suspects, à se mettre comme d'eux mesmes sur les bōs airs de leurs leçons, aucunesfois allant le pas ou le trot, ou le petit galop, vne fois en les arrestant, & vne autre sans les arrester: quelquefois par le droit, & à vn autre temps sur les voltes, les caressant quand ils respondoient librement, & ne les contraignant en façon quelconque, lors qu'ils refusoient les aydes, & aduertissemens de la langue, de la gaule, de la main & de la iambe: mais plustost les diuertissant des desplaisirs & soupçons, que ie preuoyois en iceux, en faisant semblant de suyure la chasse, ou en allant vers d'autres cheuaux, ou par quelque autre moyen, qui me venoit à propos: & selon que ie les sentoies en bonne ou mauuaise humeur, ie les recherchois de nouveau, ou les laissois r'asseurer: & quand ie n'auois moyen de les mener à la chasse, ie leur faisois faire pour le moins, deux fois la sepmaine enuiron deux lieues par pais, ou d'auantage, allant veoir quelqu'un de mes amis. Ce pendant quand ie les sentoies en quelque vigueur & disposition temperee, & en tranquillité d'esprit & de memoire, & me trouuant ez lieux commodes, ie leur presentois à tous les coups gayement, ou lentement quelque proportion d'air & de manege, & par ces moyens ie les gaignois peu à peu, si bien qu'aucunesfois ils respondoient librement à tout ce que ie les recherchois ainsi à l'impourueu: & pour les faire paroistre deuant quelques hommes de cheual, ce n'estoit iamais le matin, à cause que c'eust esté à semblable heure, qu'ils auoient autrefois receu leurs plus grands tourmens & desplaisirs, ny en escole ou autre lieu, qui leur fust tant soit peu suspect: mais c'estoit communement sur le soir, qui est le vray temps que le cheual se mōstre plus gaillard, & plus beau: & apres les auoir assez longuement & doucement promenez par le droit en diuers lieux, fust-ce à la ville ou aux champs, & principalement sans s'aquerelle, trosse-queuē, ny autre particulier equipage de carriere, qui les importunast ny tint en alarme d'escole. Lors quand ie les sentoies en bon humeur & hors de soupçon, ie les mettois doucement en leur plus beau manege, choisissant le lieu du terroir, qui me sembloit plus cōmode, là où aucunesfois ils rendoyēt vne telle franchise, qu'on trou-



uoit estrange de les voir reduits si paisibles, & si bien manians, qu'ils paroissent: Mais apres qu'ils estoient hors de mes mains, & que quelques vns, qui ne scauoient pas le stiel que i'auois tenu, pensoient faire les beaux cheualiers & bons Caualerices, en maniant lesdits cheuaux, il aduenoit communément que les vns receuoient quelque plaisir, pour vne ou deux caualcades: mais voulans apres continuer, il leur estoit impossible d'en tirer aucune satisfaction. Les autres receuoient à la premiere fois l'affront entier, de s'estre presentez en bonne compaignee, pour faire voir leur galanterie, & la dexterité des cheuaux, qu'on auoit veu tres-bien faire vn iour ou deux auparavant, & neantmoins n'en pouuoient iouyr, que comme des plus ignorans, ou plus vicieux cheuaux qu'on eust sceu trouuer: & ce qu'ils trompoit en cela, estoit que pensans faire mieux paroistre eux, & les cheuaux, ils les preparent bien trouffez, & accommodez de ce qui les pouoit embellir, & mesmes les faisoient mener en main avec les lunettes, & leur conseruoient curieusement le courage, la vigueur & la disposition de l'esquine, iusques au lieu premedité pour l'exercice: comme sans doute l'on doit faire à la pluspart des cheuaux qui se maintiennent en l'obeyssance d'une bonne escole: mais au contraire tous ces apprests ne seruoient aux cheuaux malicieux & rufes, que d'autant d'aduertissemens qu'on les menoit à leur escole ennemie, ou au lieu qu'ils deuoient encores recevoir les desplaisirs, par lesquels ils auoient auparavant esté rebutez & desesperes: de façon que les cheualiers, qui pensoient faire merueilles, les trouuoient au contraire tellement disposez à se defendre, ou à faire des actes si malicieux & vilains, qu'il ne leur en restoit que la honte & le desplaisir.

C'EST en quoy on peut apprendre qu'en semblables occasions, le Caualerice doit regler ses leçons, aydes & chastimens, par vn si bon ordre propre au naturel du cheual, qu'il y aye moyen de se bien preualoir des forces & disposition d'iceluy, & de le faire consentir par vne habitude bien reiglee, à l'air & à la iustesse du manege qu'il luy voudra apprendre: qu'estant arriué par la fuyte des bonnes leçons, au plus grand effort que le cheual pourra librement fournir, il ne doit entreprendre d'auantage: mais plustost luy donner souuent quelque relasche & soulagement en ses plus estroites, iustes, & fortes proportions de manege, attendant que par l'aage, la bonne nourriture, le soin de celuy qui le pensera de la main, & le continuel & temperé exercice de l'escole, nature se soit fortifiée d'auantage, pour pouoir apres augmenter l'effort & la facilité de l'exercice apprins & obserué: que pour rappaiser & repatrier le cheual colere, sensible & malicieux, qui comme par desesper, ou par aduersion se sera rebuté & rendu extremement ennemy de l'escole, il ne doit tousiours vser de rigueur en ses remedes: mais plustost se departir ordinairement de tout ce qui le peut auoir plus offensé, & s'il est possible luy en faire perdre la memoire: que par les mesmes moyens que le cheual aura esté bien dressé, appaisé, ou remis en escole, il y doit estre maintenu: & en fin que l'exercice auquel le cheual consent plus librement, & plus long téps est celuy, qui se rapporte plus à son inclination, mesmes quand il y a fait habitude par le temps necessaire, & l'ordre des bonnes leçons.



# REIGLES POVR LES CHANGEMENS DE MAIN DES VOLTES REDOVBLEES.


## CHAPITRE XXVIII.

**L**En'ay point encores parlé en ce Second Liure, de l'ordre qu'il faut tenir en changeant de main, de ferme à ferme sur les voltes redou-  
bles, parce que ie ne suis pas d'avis qu'on se departe des voltes sepa-  
rees, iusques à ce que le cheual y soit bien fondé, iuste & assuré: d'au-  
tant que le changement de main, pour estre bien proportionné  
en son vray téps & lieu, se doit faire par vne actiō si incruelle, obey-  
sante & limitée, que bié que le cheual soit desia facile & réiglé à son air, & à son ma-  
nege, si outre ce, il n'a le courage fort franc, ceste action le pourra bien tost desbau-  
cher de sa bonne escole, au lieu de l'auancer, comme ie diray particulièrement aux  
occasions expressees. Par cest erreur il aduiuent souuent, qu'aucuns Caualerices ayans  
mal iugé de la capacité de quelque cheual, qu'ils ont veu en bonne main, peut estre  
bien commencé, & maniant desia d'un assez bel air, selon son naturel & ses forces, se  
promettét d'aborder, de le pouuoit ranger & reduire à plus d'obeyssance & de per-  
fection: neantmoins venant à l'effect, ils se trouuent tant esloignez de leur pensee,  
qu'ils sont cōtraints à leur honte de reuenir & s'arrester en l'estat qu'ils l'ont trouué,  
& quelquesfois à beaucoup moins. C'est pourquoy i'ay desia dit ailleurs, & veux en-  
cores redire sur ce propos, que tout ainsi que le bon Caualerice ne doit iamais laisser  
les forces du cheual en arriere & inutiles, estans propres à bien teüisir à quelque bon  
exercice, il ne le doit nō plus rechercher par extreme contrainte, en ce qu'il ne peut  
fournir que par de trop grāds efforts: mais plustost qu'il se cōtente de ce qu'il pour-  
ra tirer de l'inclination, & des forces du cheual, par les bons moyens de l'art bien en-  
tendus & proprement pratiquez, sans l'accabler ny precipiter, & qu'il augmēte sa-  
gement l'ordre des leçons, de son plus fort & plus iuste manege, seulement tāt qu'il  
recognoistra & sentira en nature, de quoy pouuoir vigoureusement fournir.

A FIN donc que le cheual puisse apprendre à changer, & reprendre iustemēt cha-  
que main, en maniant & redoublant d'un bon ordre soustenu, & continué en un cir-  
cuit limité: le Caualerice luy doit auoir premierement bien assuré la bonne posture  
du col, & de la teste, le temperament de l'appuy de la bouche, l'air de ses leçons, &  
la facilité du manege des voltes ordinairement triplees, (afin de luy rendre, quand il  
fera temps, les doubles plus faciles): & principalement il doit obseruer, que le cheuel  
soit assez nerveux & leger, pour soustenir gaillardement, & d'une haleine un bon  
air égal, & bien formé, sans estre interrompu sur les voltes doubles, iustes & reprin-  
ses de ferme à ferme, ny sur la fin d'icelles: & mesmes qu'il ne luy recognoisse aucun

indice de deuenir entier, sur peine que le manege se trouuerra à la fin incertain, forcé, & par cōsequent, beaucoup moins plaissant, que s'il auoit esté limité à l'ordre des voltes, iustement redoublées & separes d'air, & communement de place, pour chāger de main, laissant à tous les coups prendre haleine & force au cheual, qui en aura faute.

Il se peut faire plusieurs bonnes leçons, propres à faciliter le changement, & reprise de volte, desquelles i'expliqueray seulement les plus necessaires. Mais premièrement i'aduise le Caualerice, qui les voudra pratiquer, que pour si assuré que son cheual puisse estre, aux fusdites & dernières leçons, encores luy doit-il faire quelques caualcades, sur les voltes estroites au trot raccourcy & resolu, ou au galop retenu ou déterminé, selon qu'il aura l'appuy de la bouche pesant, dur, ferme, léger ou foible, luy faisant souuent changer de main, sans l'arrester, iusques à la fin du manege, ny l'escarter d'un iuste rond, qui correspōde à ses forces, & à sa stature, si ce n'est en gardant l'ordre de ces pourtraits, plus amplement expliquez au premier liure, & non iusques icy figurez.




A piste pour aller prendre la volte de main gauche.

B piste pour reprendre la volte de main droite.

Ces t exercice bas estant proprement fait, desnouera les mouuemens du cheual mesmement sur le changemēt de main: & luy seruira cōme pour l'aduer tir de quelque autre action plus soustenue, sera cause, outre qu'il reprendra plus librement son manege releué, qu'il comprēdra plustost les premieres leçons des fusdites reprises. Or pour les commencer, il faut premierement desgourdir, & temperer les forces du cheual: car s'il estoit trop en esquine, ou trop las, il pourroit faire quelque desordre, qui donneroit occasion au Caualerice de le battre, pour le refoudre ou pour luy aider: & ce desplaisir viendrait mal à propos, d'autant que tous les commencemens mesmes des iustes les plus obseruees, se doiuent plustost fonder par douceur & caresse que par la seuerité: afin que la difficulté de l'escole en desplaise moins au cheual.

Ayant ainsi bien disposé les forces, & l'attention du cheual, on luy fera iustement faire à vne main, deux voltes de son air, les finissant par vn, ou au plus deux réps fermes & vn peu auancez, pour le dresser, en posant les quatre pieds, comme sur vne droite ligne, qui my-partisse la rondeur de la piste.





L'AVANT adjusté en ceste place limitée, il le faudra faire reculer doucement quelque pas, pour le remettre sur la vraye rondeur de sa leçon, & apres luy tirer vn peu la teste à l'autre main, & soudain l'acheminer en icelle des pieds de deuant, enuiron deux pas de passage obserué, sans que les pieds de derriere se partent de la ligne marquée, où se void la lettre A, & sans faire nouuelle piste, pour reprendre son manege releué: & apres il fera encores de cest autre costé, deux voltes égales aux premieres, d'espace de temps, & de iustesse.


Pour la main gauche.





Ces autres deux voltes estans finies sur la ligne droite, en la susdite place, on observera patiemment le mesme ordre, pour reprendre & faire encor les voltes de l'autre main: & en pratiquant ainsi sagement cestil, sans partir d'vne piste & iuste rondeur, il faudra peu à peu, accourcir le temps auquel on aura arresté le cheual, apres auoir bien fait les deux battues fermes, par lesquelles à tous les coups, il aura esté dressé, & asseuré sur la ligne, à la fin des voltes de chasque main: & bien tost apres les deux pas, par lesquels on fait faire au cheual, avec la teste & les espaules, la premiere action de la volte, qu'on veut recommencer ou reprendre, se pourront facilement

M m iij

retrancher, l'un apres l'autre en haussant plustost le cheual, & par ce moyen son air ne sera plus interrompu en changeant de main: tellement que pour rendre apres ces reprints plus iustes, il ne faudra faire qu'une battue ferme, & un peu auée sur la ligne, ayant ferré la volte.



Si en faisant ceste leçon, le cheual se trouue trop leger ou retenu, il faudra auancer d'auantage les battues, qui le redressent, premier que changer de main, dessus la ligne qui my-partit la volte, cōme il est cy apres representé, en la premiere des deux figures: & au contraire s'il endurecit l'appuy de la bride, plus qu'à pleine main il faudra faire les battues dernieres, plus retenues en vne place, & quelques fois le reculer soudain à l'in d'icelles, pour changer de main, là où il se trouuera alegery, gardant tousiours les iustes proportiōs de ces voltes, en quelque part qu'elles se facēt, selon l'obeissance que le cheual rendra.



DE L'ERREVR DE CEVX QVI PENSENT QVIL  
*ne font pas beaucoup d'art, pour maintenir les cheuaux de manege en bonne  
 escole, ayans esté bien dressez.*

## CHAPITRE XXIX.




Le vulgaire pense, qu'un mediocre sçauoir soit suffisant pour main-  
 tenir en bonne escole, plusieurs fortes de cheuaux, pourueu qu'ils  
 ayent esté bien dressez, en quoy l'on se trompe fort. Car il faut que  
 pour ce faire, le Caualerice soit autant, ou plus sçauant, qu'il doit  
 estre pour les entreprendre, n'ayans nulle bonne adresse, & les ren-  
 dre bien manians: qu'il soit vray, on void communément des ieun-

nes escoliers de cest art, qui desgourdiront des cheuaux nouueaux apprentifs, & mes-  
 mes quelquesfois les reduiront pour vn téps, soit par hazard ou autrement, à quel-  
 que bon manege: à cause que le cheual ignorant peut tellement apprehender &  
 soupçonner les aydes & chastimens, qu'il n'aura encores bien recogneus, que pour  
 y vouloir respondre, il fera plusieurs & tels efforts à nature, qu'il fournira beaucoup  
 plus de bõ air & de iustesse, qu'il ne fera quelque temps apres auoir pratiqué le styl,  
 & l'escole de son ieune ou nouueau Caualerice, qui perdra bien tost son latin, quád  
 il voudra passer plus outre: & le plus souuent estant au fonds de son sçauoir, il trou-  
 uera le cheual rebuté, lors qu'il cuidera l'auoir bien dresse. Or c'est vne maxime,  
 qu'il n'appartient qu'aux plus sages & excellens maistres, de bien repatrier & remet-  
 tre les cheuaux desbauchez, confus & rebutez: car il ne faut pas seulement qu'ils en  
 recognoissent les humeurs & complexions naturelles: mais aussi que par aucuns de-  
 portemens & indices, ils iugent tout ce qui les peut auoir trop offencez, & confon-  
 dus; & qu'ils les sçachent exercer, & rassurer par des reigles & remedes porpres à  
 les diuertir des soupçons qui leur fait hayr l'escole.

C'est aussi vn tesmoignage assez facile, qu'il n'y a que seulement les meilleurs  
 maistres qui puissent maintenir le cheual dresse en bonne & iuste escole, puis que l'on  
 void la pluspart des vieux cheuaux de manege, qui s'aperçoient presque d'aussi  
 tost qu'ils ont quelqu'un sur eux, s'il est bon ou mauuais homme de cheual: si bien  
 qu'estas recherchez par vn cheualier qui n'aye assez de force sur la selle, ils n'en font  
 conte, & semble proprement qu'ils s'en moquent: & au contraire recognoissans  
 qu'ils ont à faire au bon Caualerice, soudain ils se disposent à l'air, & à l'obeyssance  
 de leur manege, ou en ce qu'ils font recherchez. Je pourrois icy alleguer vne infinité  
 de traits malins & cauteleux, trop longs à discourir, que j'ay veu faire à plusieurs  
 vieux cheuaux d'escole, entre lesquels ie m'asseure, qu'ils s'en trouueroit de si esmer-  
 ueillables, qu'on n'en pourroit bonnement croire la verité. Voila pourquoy ie ne  
 me veux amuser à les escrire. En fin l'on voit fort peu de cheuaux bien dressez & ad-  
 iustez, à quelque manege gaillard, qui ne soyent passez par les reigles d'un bon mai-  
 stre, & ordinairement de plusieurs, tous lesquels ils peuuent souuent auoir prati-  
 qué la pluspart des meilleurs aydes, chastimens & diuers moyens de l'art, à quoy  
 peut estre ils se feront tant opiniastrément & longuement defendus, premier que  
 vouloir librement consentir à l'air & à la iustesse de leurs leçons, qu'ils auront beau-  
 coup & maintesfois troublé l'esprit de leurs meilleurs Caualerices: & mesmes l'on  
 void assez souuent, que les cheuaux dressez & mieux adiestez, font naturellement  
 plusieurs mutations en leurs exercices, plus aucunesfois à cause des humeurs bizar-  
 res & differentes, dont ils sont compolez, que par les fautes des Caualerices. Tant



fen faut donc que le cheualier, qui n'a pas beaucoup de sonas en cest art, puisse affermer ou tenir long téps en bon & iuste exercice, les cheuaux de manege, qui par vne longue habitude & routine d'escole, se seront rendus cauteleux & ruez, que les plus excellens maistres sont assez empeschez, à inuenter tous les iours de nouueaux & subtils moyens propres à les faire consentir à l'obeyssance de la bonne escole.



## AVTRES REIGLES COMMVNEMENT


PLVS PROPRES A REMETTRE EN ESCOLE LES  
cheuaux de grand force, & bons à la main, qui desia ont esté dressez,  
& qui sont desbauchez & hors de iustesse.

### CHAPITRE XXX.


**L**ne faut pas trouuer estrange, si la plus commune difficulté de la iustesse des voltes, consiste à l'ordre que le cheual doit tenir avec les pieds de derriere, d'autant que le cheualier, estant assis & porté sur le deuant du cheual, tenant la bride en sa main, & ayant ordinairement la veüe sur la posture de la teste & du col, ou sur l'action des espaulles, & des bras d'iceluy, & mesmes toutes les aydes & chastimens estans comme portez sur les fautes, qu'il peut faire en ses parties de deuant, il luy doit estre aussi plus aisé, de proportionner iustement les mouuemens, que le cheual fait avecques les espaulles & les bras, que de garder l'ordre limité des pieds de derriere, & de la croupe: Toutesfois il est necessaire, que la facilité de l'un & de l'autre, soit commune au bon maistre. Car il ne doit pas mieux voir tout ce que le cheual fait du deuant en maniant, que cognoistre & sentir ce qu'il faict du derriere, iusques aux moindres faucetez, tant des hanches, de la queüe, des jarrets que des pieds: & pour vser plus sagement des remedes propres aux fautes ordinaires, que le cheual fait en la iustesse des voltes, il faut considerer que quand celuy, qui n'est point naturellement ramingue se ferre, portant les hanches trop dedans la volte, il monstre en cela vn indice commun, qu'il n'a pas beaucoup de force, ou qu'il est trop sensible, apprehensif & craintif, & quand il est fort mal-aysé de l'épéscher qu'il ne jette la croupe trop en dehors, c'est signe qu'il doit estre plus malicieux, vindicatif, & ennemy de l'escole. Or quand le cheual a la teste & la bouche ferme, qu'il est libre au trot & au galop à chaque main, & que toutesfois les plus estroits & iustes passages des leçons cy deuant écrites & figurees, ne fussent pas à l'empescher de ietter souuent la croupe hors la volte, lors qu'il releue son manege dessus quelque air gaillard, ie veux que sans luy laisser ployer le col, ny le corps, on le face cheminer de costé & de traucers, ayant les pieds de deuant, comme dessus ceste ligne de la lettre A, & ceux de derriere dessus celle du B.




L'AYANT fait cheminer de ceste façon quelque nombre de pas, selon l'obeyfance qu'il rendra, il luy faudra arrefter & retenir les pieds de derriere, cômé en la place de la lettre C, & cependant le faire tourner avec ceux de deuant, fans qu'il s'accule ny s'auance, iufques à ce qu'ils soyent arriuez fur la lettre D, & soudain formant vn angle avec les pieds de derriere, le faire encore cheminer en trauers, cômé deuant.




IL faudra continuer ceste figure, gardant le mefme ordre, iufques à ce qu'elle foit quarrée & fermée, & fi le cheual a l'appuy de la bouche trop dur ou pesant, la cômme, diré de quelque lieu assez eftroit, & en fermé de quatre, ou au moins de trois assez hautes murailles, qui accompaignét & limitent vn efpace quarré, propre à ceste reigle, donnera beaucoup de foulagement au Caualerice, & à la bouche du cheual: car ce fera vn moyen propre à la legeresse & à la memoire d'iceluy, joint que les leçons eftroittes, qui se donnent ordinairement en lieu en fermé & limité, feruent fouuënt à refoudre le cheual impatient, à manier en peu d'efpace, eftant enuironé de plusieurs perfonnes: mais aucune fois ceste fubiection peut auilir celuy, qui de fa nature eft timide, mefmement s'il a manqué de force.



A P R E S huy auoir bien fait recognoistre, & pratiqué ce passage quarré & trauersé, il le faudra mettre à son air releué, en arriuant des pieds de deuant, comme à la lettre E, & d'iceluy tourner sur l'appuy des hanches, iusques à la lettre F, luy tenant les pieds de derriere subiects à la place du C, cōme i'ay dit au premier angle, cōtinuant apres à le faire cheminer de trauers au pas, sur toutes les lignes droites iusques aux coings d'icelles.




Q V A N D le cheual comprendra, & fera bien la fufdite leçon, il faudra diminuer du passage trauersé, & augmenter d'autant le tour & les battues, selon la proportion cy apres figurée: à ſçauoir que les pieds de deuant eſtant arriuez de pas, & de coſté, iusques à la lettre E, il faudra hauſſer le cheual en le tournât de ſon air releué, ſans interrompre la meſure, que premier les pieds de deuant n'ayent donné deſſus le lieu de F, & cependant les pieds de derriere ſouſtiendront l'air & la ſubiection, & neantmoins accompagneront le manege releué, ſuyuant la piſte repreſentee par C, cōtinuât apres le paſſage trauersé ſur les lignes droites, iusques à la lettre G, pour ſoudain reprendre l'air releué, & d'iceluy encores tourner aſſez large & à loiſir, fermant & finiſſant ceſte reigle, par meſme ordre ſur la lettre H.



A F I N



AFIN que le cheual desobeyssant & cauteleux, ne remarque tant les endroits obferuez en ceste leçon, qu'en iceux il vueille de soy ordinairement commencer & finir à son gré l'ordre du passage, de l'air releué & du terroir, il faudra aucunes fois tourner la figure de ceste reigle, côme elle se void cy apres representee, gardant tousiours les mesmes proportions: car par ce moyen, il premeditera moins ses mouuemens, & se rendra par consequent plus attentif à ceux du cheualier.




I piste des pieds de deuant, fournissant l'air releué sur la demy-volte de ceste leçon.

K piste des pieds de derriere, tenant le dedans d'icelle demy-volte.


L piste des pieds de deuant sur le passage trauersé.

M piste des pieds de derriere accompagnant le passage trauersé.


APRÈS que le cheual aura ainsi bien, & facilement pratiqué le passage, & les bariques de ceste leçon, le Cavalierice la luy fera estreindre en diminuant peu à peu les pas, faits de costé sur les lignes droites, iusques à ce que par ce moyen la volte soit arrondie, & fournie egallement d'air & de iustesse.



Si en faisant ces dernieres reigles, le cheual se rend trop léger, se marche ou s'accule, on l'avancera quelques pas le droit, apres l'auoir fait aller de costé, & quand les pieds de deuant seront arriuez comme sur la lettre A, soudain il luy faudra faire proportionner au pas, vn quartier de volte, finy sur le B, sans que les pieds de derriere partent du lieu du C, & soudain le faire encor aller de costé, comme auparauant, pour continuer la chose mesme, de carre en carre, selon ceste figure.


*Pour la main gauche.*

En retranchant peu à peu, & bien à temps les pas que le cheual fait, tāt allant de traucrs que par le droit, ceste proportion d'escole se pourra arrôdir, iusques en sa perfection: ce qui se peut facilement comprêdre, par la pratique des reigles precedêtes. Et si le cheual au lieu d'estre trop leger, est si pesant & si dur à l'appuy de la main, que ceste reigle ne le puisse suffisamment aligerir, elle se doit faire scélô l'autre figure d'icy apres: assauoir, que le cheual allant de costé, comme i'ay dit, & se treuant arriué des pieds de deuant, côme sur la lettre O, on le reculera, iusques à ce qu'ils soyent sur la lettre A, & ceux de derriere sur le C, & de là, il le faudra tourner court au pas, vn quartier de volte, iusques au B, continuant la chose mesme, de quartier en quartier, gardant l'ordre de ceste figure: & du mesme style l'arrondir peu apeu, à mesure que le cheual se rendra leger & facile: & par ces moyens bien pratiquez, on verra en peu de temps des effets fort profitables. Sur tout, il faut empescher qu'en reculant ny en tournât, le cheual ne porte la croupe trop en dedans ny la teste tant soit peu en dehors.

*Pour la main gauche.*

PARCE que iem'assure, qu'il se pourra souuent trouuer des cheuaux rusez & coleres, tant desobeissans, dépiteux & obstinez, que ces leçons (quoy qu'elles ayent beaucoup de singuliers effects, pour l'obeissance de la croupe) ne suffiront pas à la tenir assez subiecte dedans la volte, sans que l'action du cheualier en soit trop occupée & contrainte, ie veux qu'on exerce aucunes fois le cheual de tel naturel, au long & pres d'une longue & droite muraille, & qu'en passegeant iustement la volte, on la luy face releuer & refoudre sur son air, ayant la teste pretique au droit, & face à face de la muraille (hors mis vn pas ou deux pour mieux prendre l'air de ces battues sur le tour) & que soudain qu'il aura ferré la volte, au mesme lieu, qu'il l'aura commencée, on le pousse & chaste en dedans & de trauers, avec l'esperon, le nerf, & le soutien du caueillon du costé hors la volte, luy tenant cependant le front, droit à droit, & assez pres de ceste muraille: & quand il aura obey, cheminant librement ainsi de costé & de trauers, ordinairement enuiron six pas, il le faudra tourner tout court à la main mesme sans l'arrester, le remettant encore à son air, & luy faisant faire vne autre volte releuee, semblable, commencée & finie, face à face de ceste muraille, & à l'instant, s'il a trop eslargy la piste des pieds de derriere, le chastier & rechasser de nouveau du mesme costé, pour aller continuer & refaire plusieurs fois, s'il est besoin, la chose mesme, sans toutes fois accabler tant les forces, & les esprits du cheual, qu'il se rebute, s'auilisse, ou desespere.

Figure pour la main droite.



A ligne de la muraille.

B ligne de la piste des pieds de deuant, sur le passage de costé & trauersé.

C ligne de la piste des pieds de derriere, sur iceluy passage.


ENCOREs aduiendra-il aucunes fois, que nonobstant l'estroite subiectiõ de ceste reigle, le cheual extremement malicieux & desobeissant, desrobera en quelque façon peu, ou beaucoup la croupe en dehors, des aussi tost qu'il commencera à tourner, partant de la contrainte de la muraille, & par ceste action falsifiera la volte en eslargissant la piste des pieds de derriere, iusques à ce que pour la ferrer, il se voye encores reuenu pres de ceste muraille, qui par necessité le rassemblera & redressera, estant face à face d'icelle: ou s'il ne s'oppose par ce moyen à la iustesse, & facilité de la volte, il appesantira malicieusement, ou retiendra & refusera tout à fait les mouuemens releuez des espaulles: ou comme de rage abandonnera tellement son action generale: sur l'appuy de la main, que le Caualerice tant soit-il le nerueux, n'en pourra bonnement supporter le poids ou la durté.

OR en quelque sorte que par tels moyens, le cheual contrarie ou se defende, le



Caualetice doit vser bien à propos, de quelques chastimens propres & ordinaires, afin seulement de luy faire sentir & cognoistre, qu'il n'est pas exempt de la punition de ses fautes malicieuses. Car d'entreprendre de le contraindre du tout, à l'obeyssance & facilité de l'air, & de la iustesse, d'une leçon de patience & de memoire, à force de coups, de tourmens & de travail, cependant qu'il sera en ceste humeur tant aduiste & maligne, cela pourroit par aduerture reussir, ayant affaire à quelque cheual, qui eust plus de force & de disposition, que de fougue & de courage: mais estât colere, sensible & courageux, il suruiendrait facilement vne telle egalité entre la desobeyssance & le chastiment, qu'il en naistroit non seulement le hazard, d'auilir & rebuter du tout le cheual: mais aussi de luy amener tel accident en la santé, que peut estre, il en vaudroit moins toute sa vie, ou se perdrait tout à fait. Il vaudra d'oc mieux rechercher en l'art, les expedients plus assurez: à sçauoir qu'au lieu de hausser le cheual, comme i'ay dit, en prenant la volte, partant de la face de la muraille, on le meine doucement par son iuste passage bien obserué, iusques à la lettre A, qui est marquée cy apres en la premiere figure, & qu'arriuant à ladite lettre, on le mette avec peu d'ayde, legerement & lentement à son air, pour d'iceluy ferrer la volte, en se rendant iustement au droit de la muraille ou se void la lettre B, le faisant apres aller de costé & de trauers, & le remettant sur la volte, selon la susdite reigle, & à mesure qu'il s'apaisera & s'asseurera, il faudra subtilement augmenter les temps de son air releué, gagnant par la patience peu à peu, sur le iuste espace de la volte, iusques à la perfection d'icelle, comme il est icy figuré.

*Pour la main droite.*



C ligne de la muraille.  
D ligne du passage des pieds de deuant, allant de costé.  
E ligne de la piste des pieds de derriere, sur iceluy passage, de costé.

PAR ces quatre ronds, i'en entens pas que la volte releuee, doiue estre entiere-  
ment fournie en quatre fois, c'est seulement vne demonstration abregee, par laquel-  
le on peut comprendre l'ordre de ceste regle. Mais en l'execution; il faudra gagner  
pied à pied, les batues de l'air du cheual, sur son iuste passage, & aucunes fois les di-  
minuer selon qu'il se disposera, bien ou mal à l'obeyssance: & partant le nombre des  
tours ne doit estre obserué que par le bon iugement du Caualetice.

SELON que le cheual pratiquera facilement le styl de ceste reigle de volte, il luy  
faudra sagement augmenter en icelle, l'ordre du manège releué de quartier en quar-

tier sur son passage, sans rien alterer, doublant peu à peu, & en fin triplant ou plus s'il se peut les voltes entieres, par les mesmes moyens, & tout ainsi que j'ay dit aux reigles precedentes, diminuant aussi ou eslargissant peu ou beaucoup l'ordre susdit, selon qu'on cognoistra que le cheual s'estonnera de la trop forte leçon, ou qu'il se disposera à ne vouloir plus consentir à la franchise de l'air, ou à la subiection limitée de la iustesse. Car vne des maximes, que le Cavalierice doit observer plus curieusement, en toutes ces reigles & leçons, est de conserver tousiours le courage & la memoire au cheual apprehensif, & de bonne inclination, & de prevenir & diuertir celuy, qui est colere adulte & bizarre, des fantasies licencieuses par lesquelles, il se peut opposer & defendre à l'obeyssance, & aux reglemens de la bonne escole.

PAR toutes ces considerations ioinctes aux bons effects des susdites reigles, sans doute le bon Cavalierice reduira en peu de temps le cheual, à la perfectiō qu'il pourra paruenir. En fin les effects de ces leçons bien pratiquees, assemblent les forces du cheual, luy assubiectissent la crouppe, luy arrestent la memoire, luy assurent la teste, la bouche & la queue, & par mesme moyē l'alegerissent, pourueu que le Cavalierice soit bien fondé, & qu'il aye l'ayde & l'action de la main subtile & temperee, ensemble tous les autres mouuemens fermes, faciles & diligents. Mais aussi les mesmes leçons peuuent endurcir & retenir la facilité du tourner, n'estans aucunes fois eslargies, & souuent finies au trot, ou au galop, sur vne ronde & seule piste, cōme ie viens de dire, principalement quand le cheual est trop chargé d'espaules, ou quand il a le col naturellement dur ou tendu. Voila pourquoy j'ay dit en diuers lieux, que notāment la facilité des voltes releuees & plus iustes, doit naistre du manege terré à terre, diligent & resolu.

#### POUR ASSOVLPIR ET RESOVDRE SVR LA VOLTE;

*l'action du cheual d'escole, sans le des-adjuster, quand par quelque accident contraint ou mutation malicieuse, il endureit le mouuement des espaules, le col & l'appuy de la bouche deuenant entier en son manege plus iuste & plus observé.*

#### CHAPITRE XXXI.


**Q**VAND le Cavalierice impatient veut hastier, & precipiter l'ordre des plus iustes leçons sur les voltes, sans quelques fois les eslargir, donnant loisir au cheual de les comprendre & pratiquer, pour peu à peu le disposer, de l'une en l'autre, en leur perfectiō, sans doute au lieu de l'adjuster & resoudre, il luy donne plusieurs occasions cōfuses: principalement de se ferrer & se faire entier: à cause que la pluspart des chastimens plus estroits, estans ordinairement faits du costé hors la volte, & en peu de temps trop continuez, le conuertissent en tels defordres, que le cheual colere & sensible, en perd la patience, & s'il est fort apprehensif & melancolique, il s'intimide de façon, que aucunes fois en vne caualcade, il semble que l'un & l'autre ne recognoissent plus les vrayes proportions, & libres mouuemens duiust manege des voltes, & qu'ils ne se souuiennent que seulement de ceder trop craintiement aux chastimens, le seul soupçon desquels les ferre si fort de costé dedans la volte, qu'ils en deuennent durs à la main, & entiers. C'est en quoy le Cavalierice encores mal fondé en son art, peut apprendre qu'il luy vaut mieux se tenir à l'ordre des reigles plus cōmunes, que d'entreprendre celles, qui ne peuēt bien reüssir qu'à ceux, qui ont ensemble, beaucoup de iugement, de sçauoir & de pratique.

POUR remedier à tel accident, qui est l'un des plus contraires, à la franchise de tous les plus beaux manèges, l'on doit communément vser du trot libre & estedu, & souuent du galop resolu, chassant de l'un ou de l'autre, le cheual sur la volte d'une piste, par l'action libre & auancee du bras, & de la main de la bride, & par les chastimens ordinaires, mesmes del'esperon du costé qu'il s'estrecit, & souuent de la gaulle sur le nez hors la volte, toutesfois discrettement: car par ce moyen, il se peut resoudre & diuertir des impressions ou mauuaises habitudes, qui le font retenir, endurcir, & trop serrer. Neantmoins puis que la iustesse des reigles plus estroites, aura desia esté cause de ceste fausse mutation, le cheual apprehensif, ou malicieux, pourra facilement reuenir à la mesme faute, quand apres on le voudra restrecir: à cause dequoy on doit aucunesfois pratiquer vne autre reigle, propre à le faciliter sur la volte, sans luy des-vnir les forces, comme il pourroit aduenir en luy donnant la susdite liberte du trot, & en le chassant & abandonnant au galop sur la volte d'une piste.

OR doc en quelque endroit de la volte, que le cheual endurecira plus fort l'appuy de la bride, soit au passage, ou en maniant de son air releué, tenant le col trop bandé, & retenant les vrais & necessaires mouuemens des espaulles, avec le courage singard & desobeyssant, ou du tout auily, & se serrant, portant ou tenant tout le corps d'une piece, dedans ou au trauers la volte, pour ne la vouloir fournir ny regarder: Lors ie veux qu'au lieu de le determiner au trot ou au galop, sur vne plus large piste de la volte, on le chastie du costé qu'il se trouuerra ainsi dur & entier, le poussant au pas de trauers, & assez rudement de l'autre costé avec l'esperon, le nerf, & l'ayde du caueçon, seulement tant qu'il sera besoin selon son obstination: & que soudain qu'il aura cédé à ce chastiment fait de costé & de trauers, on le remette à l'ordre de son manège en la place qu'il se rendra plus obeyssant & leger, selon l'ordre qui se void representé, par la figure cy apres.

POUR bien comprendre ceste figure, il faut auoir en memoire les proportiôs des voltes precedentes, iustes & redoubles, soit de celles où le cheual tient les quatre pieds dessus vne seule rondeur, ou celles auxquelles la piste ronde des pieds de deuât, & celle de ceux de derriere, se font separément l'une dedans l'autre: & qu'en quelque endroit d'icelles, qu'on aye voulu chastier le cheual entier, en le poussant de trauers hors la volte, avec l'esperon & le nerf, ce soit maintenant côme en partant les pieds de deuât du lieu de la lettre A, & ceux de derriere de la lettre B, cedant au chastimēt en s'elargissant de costé, sans se departir des lignes droites & trauersees, iusques aux lettres C, & D, qui signifiēt le lieu auquel le cheual cōsentira à ce remede & chastiment, & là où pendant ceste obeyssance, il le faudra ramener tout court & remettre à son manège, soit de pas ou par les batues de son air releué, où au trot sur vne piste pour continuer à la main mesme qu'il aura fait la difficulté, recommençant & refaisant les semblables chastimens, sur tous les lieux que le cheual s'endurcira, & se mettra en la susdite defence. Et s'il a l'appuy de la bouche trop dur où pesant, la commodité d'une muraille sera fort vtile, pour l'alegerir, finissant souuent les voltes ou luy tenant le front pres de la muraille, & soudain le faisant aller de costé face à face & au long d'icelle.



*Figure pour la main gauche.*

E piste des pieds de devant, sur le passage trauersé de la lettre A, iusques au C.  
 F piste des pieds de derriere, sur iceluy passage, trauersé de la lettre B, iusques au D.

LE bon Caualerice iugera facilement, que ceste reigle bié pratiquée sert de remède au cheual d'escole, qui par quelque accident se fait entier: qu'elle luy tient les forces vnies, à cause qu'il ne peut aller iustement de costé, sans se raccourcir: qu'elle luy interrompt l'action faulse & retenuë de la croupe, par laquelle il s'endurcit, & se retiët refusant de tourner librement, d'autant qu'il est ainsi poussé sur le costé opposite: qu'elle luy attire la teste avec le courage dessus la piste de la volte mal-aysee, par l'importunité & la douleur des chastimens, mesmes de ceux de l'esperon, faits seulement dedans icelle, & souuent pres des espauls: qu'elle ne le peut desadiuster, estât ordinairement soustenu du ferme & temperé appuy de la main, & par consequent tenu en posture raccourcie & assez subiecte. Toutesfois il se trouuerra aucunes fois des cheuaux tant obstinez, estonnez ou confus, que ceste reigle ne leur apportera pas beaucoup de facilité, mesmement si elle est trop continuee, sans estre aux bones occasions relaschee & eslargie: partant il sera necessaire de l'arrondir souuët au trot ou au galop, à l'instant que le cheual aura librement cedé de costé, mesmes en finissant ces leçons & chastimens seueres. Car apres par ce moyen, il en apprehendra moins l'estroite subiection, & y reuiendra plus librement aux caualcades suiuanes. En fin ceste reigle obseruée avec bon iugement, sans doute apportera beaucoup de bons effets à la facilité de la volte.

**ADVERTISSEMENT NOTABLE POVR LA CORRESPONDANCE** qu'on doit obseruer aux actions ordinaires du caueſſon, avec celles de la bride, en exerçant les cheuaux encor mal aſſez aux bons maneges.

## CHAPITRE XXXII.



N dressant les cheuaux d'escole, on peut faire facilement deux erreurs fort communes: l'une vñant trop de la contrainte de la bride, negligent la pluspart des aydes du caueſſon: L'autre en s'attachant trop aux cordes & à l'appuy du caueſſon, laissant presque du tout inutiles les bons effects, qui necessairement doiuent naistre de l'action de la bride, mesmement en tournant de chascun costé. Par la premiere de ces fautes le cheual, qui a l'appuy plus qu'à pleine main, est ordinairement ulceré en la bouche, & à la barbe. Et de l'autre viét que le cheual de quelque naturel qu'il soit, se trouue dur ou entier, quand on le veut faire manier sans caueſſon. C'est pourquoy ie desire, que le Cavalier se souuienne & tiéne pour maxime, qu'en tous les mouuemens de la main, qui seruent pour aduertir le cheual en maniant de la volonté du cheualier, l'action du caueſſon doit estre tousiours suiue de celle de la bride propre au mesme effect: Car l'utilité du caueſſon est de guider & attirer le cheual poulain ou ignorant, à la facilité des iustes mouuemens de la main de la bride. Ceste experience se void & se sent lors, que l'on est dessus le cheual, qu'on a accoustumé, d'exercer avec le caueſſon sans l'observation de ses preceptes, lequel parera legèrement avec la seule bride, finissant & retenant la violence d'un partir de main furieux, ou d'une course poussee à toute bride, parce que d'ordinaire en tel subiect l'action des rennes & celle des cordes auront esté faictes necessairement ensemble. Mais le voulant faire manier, sans doute il se trouuera souuent dur ou entier. A cause qu' auparauant on luy aura appris à tourner par l'action du caueſſon, sans que les rennes ayent aydé, que seulement à luy tenir la teste ramence.

POVR



POVR ADIVSTER ET  
BIEN AFFINER LE MANEGE  
DV CHEVAL QVI AVRA ESTE  
DRESSE' AVX VOLTES RELEVÉES ET RE-  
doublees à demy-air, selon les regles precedentes,  
ou autrement.


CHAPITRE XXXIII.

**P**LSIEURS personnes discourans à leur aysé de cest art, se meslent de bien iuger les vraies iustesses des plus beaux airs, & maneges de nos escoles: que s'ils sçauoient en combien d'actions, & de proportions subtilement gardées, consiste la perfection d'un tel exercice, la plupart de ceux, qui le pensent bien entendre en parleroient peut estre moins hardiment, qu'ils ne font deuant les bons maistres. Je diray d'auantage que, entre ceux qui sont tenus pour excellens Caualerices, il y en a peu, qui soient bien capables de la iuste pratique de telles proportions, quoy qu'ils ayent long temps trauaillé, & acquis beaucoup de sçauoir en leur art. Car l'observation facile de ces iustesses est vne partie particuliere, qui ne se laisse pas comprendre à tous les esprits qui les recherchent: & qu'il soit vray, l'on voit ordinairement par toutes les bonnes escoles aucuns cheuaux differemment mal nais & vicieux, qui par les moyens du bon maistre, sont en fin rendus paisibles, resolus & bien manians, i'entends fermes de bouche, de col, & de teste, fort obeyssans au parer, & à tourner également à chaque main. En quoy à la verité, il faut confesser que ce sont preuues tres-apparentes, de la suffisance du bon Caualerice. Mais si est-ce qu'apres tout cela, il y a beaucoup à dire, que tous obseruent la iustesse si exactement & facilement qu'elle se doit, & que ie desire qu'elle soit gardée. L'on ne void non plus en ce temps que fort peu de cheuaux, qui se puissent bien adiufter & finir, ie dis mesmes au Royaume de Naples, où sont les harats, qui en souloyent tant produire, & i'esperay entendre d'où cela procede, en lieu plus express, afin qu'on ne s'esbahisse plus s'il y a maintenant peu de cheuaux bien dressez en France, où la Caualerie se void ordinairement, & long téps y a, occupée en d'autres exercices, qu'aux plus beaux & delicats airs, & maneges de nos escoles: aussi les meilleurs Caualerices ne seruent plus auourd'huy aux escuyries de la plupart des grands, que comme d'instruments pour gouverner les cheuaux, & les faire bien penser.

Or pour entrer au styl des reigles, qu'il faut garder en la perfection des iustesses, plus obseruees sur les voltes ayrees & redoublees, ie veux premierement aduertir le Caualerice, qu'il sera mal-aysé que le cheual y puisse bien paruenir pour y durer long temps, si de son naturel, il est fort impatient & colere: parce que les inquietudes



luy feront communement faire plusieurs mouuemens diuers & inégaux. Et par maxime, il est presque impossible de tenir long temps en iuste escole le cheual, qui durant son exercice plus obserué tient ordinairement le courage occupé & rendu ailleurs, qu'aux leçons qu'on luy donne: il faut donc nécessairement qu'il soit patient & aucunemēt memoratif, & pour bien soustenir & fournir l'effort du manège gaillard & releué, il doit aussi estre nerueux, & bon à la main: outre ce, premier que l'estrecir sur les plus iustes proportions des voltes, il doit estre bien assuré de teste & de bouche, & surtout bien esbauché, à l'air & au manège, qui se rapportera mieux à sa disposition & gaillardise naturelle. Estant ainsi complexionné, & ayant desia vne assez bonne pratique d'escole, le Caualerice luy pourra affiner, & resoudre son air & son manège, en le mettant premierement au iuste passage des voltes, & luy faisant faire la piste des pieds de derriere, dedans celle de ceux de deuant, luy tenant le col, & le corps droit & ferme, sans le trop raccourcir, ny le laisser trop des-vny: mais gardant diligemment l'ordre cy deuant expliqué dessus ceste figure, & sur tout le faisant regarder sur sa piste.




Si le cheual desia dressé ou nouveau apprentif / toutesfois libre au manège de galop n'a encor reconnu la iustesse de ce passage, il la luy faudra apprendre par les leçons precedentes, qui se rapporteront plus à son naturel, & comme il se peut aussi en peu de caualcades, par ceste autre regle proprement praticquee. Sçauoir est, que le cheual estant des quatre pieds ensemble comme sur vne droicte ligne, on luy fera faire au pas vn quartier de volte commencé, en partant les pieds de deuant du lieu, où se void la lettre B. & finir sur le point de la lettre C. en vne autre ligne droicte, sans que les pieds de derriere se soient partis de l'espace où se voit la lettre, A. tout ainsi que i'ay dict & figuré cy deuant en diuers lieux.

*Pour la main droicte.*




## Des Preceptes. 139


SOVDAIN qu'il aura bien proportionné ce premier quartier de volte, gardant aux pas l'ordre assez expliqué cy deuant, on l'aduancera en le faisant cheminer de biais : C'est à dire en auant & de costé comme iusques sur vn' autre ligne droicte pareille à la premiere, les pieds de deuant faisans leur piste, comme sur le tret marqué D, & ceux de derriere sur l'autre tret marqué E, ainsi qu'il est representé par cest' autre figure, empeschant sur tout, qu'il ne se retiène trop & qu'il ne plie le corps ny le col, & mesmes qu'il ne tienne la teste, le regard ny le courage sur le costé opposite.



ESTANT iustement arriué sur ceste seconde ligne, si le chéual est fort impatient il le faudra arrester & retenir droicte ment en icelle quelque espace de temps : & s'il obeit sagement & sans fougue, il ne sera besoin de l'arrester, mais soudain que les quatre pieds seront precisément sur la ditteline secóde, on luy fera refaire du mesme pas vn autre & semblable quartier, & puis on l'aduancera alant en auant & de costé, comme auparauant, selon ceste autre figure.



EN ceste troisieme ligne, il faudra aussi faire vn troisieme quartier du tout pareil au premier & second, aduanceant apres le cheual par vn' autre semblable piste, comme iusques à vne quatrieme ligne, ainsi qu'il se void cy apres.



Pour finir cette premiere figure, il faudra encor faire semblablement vn autre quartier, alant apres reprendre la place de la premiere ligne, en faisant cheminer le cheual en auant & de costé, comme aux autres pistes, marquees, D, E.









## Des Preceptes.

142

Il faudra continuer ceste leçon, iusques à ce que le cheual l'aura comprinse, & qu'il la fera sans difficulté, apres on la pourra arrondir, en retranchant peu à peu les pas qui auront este faits en auant & de biays, & à mesure qu'on approchera les quartiers, il faudra aussi croistre vn peu leurs espaces, tant par la piste des pieds de deuant, que de ceux de derriere, comme il se peut voir par ces quatre figures de suite.

*Pour la main droite.*





EN ces leçons on doit observer l'égalité des pas, tant en tournant, qu'en allant de biays, tout ainsi que j'ay dict parlât de quelques regles precedentes, & principalement il faut empêcher que le cheual ne s'accule, ny s'elargisse, & ne se retiène, ne se haste trop en faisant les quartiers: Et en allant de biays, qu'il ne chemine plus ny moins de costé qu'en auant, & que la croupe ne demeure en arriere, ny s'aduance trop: mais qu'elle accompagne les espauls par vne droicte posture, selon ce, qui se peut iuger par les lignes des quartiers, & les fers pourtraicts sur les distances desdits quartiers & sur les lignes marquees D, E.


CESTE regle bien pratiquee apporte telle briueté, que si par le moyen d'icelle le Caualcric ne rend le cheual libre & iuste au passage des voltes redoublees & plus parfaites, en trois caualcades au plus, sans doubte il y aura quelque defaut en sa capacité, encor' que le cheual n'ait iamais esté adiufté en aucun passage estroit: & quoy qu'il soit fougoux ou ramingue & de foible ou dur appuy de bouche, pourueu toutesfois, que defia il trotte & galoppel librement à toutes mains assez estroitement.

AYANT bien apprins au cheual ceste proportion ronde & double, il luy faudra faire recognoistre quatre quartiers en icelle, comme j'ay dit aux regles precedentes, & qu'il est cy apres de nouveau figuré, assauoir en le tenant ferme, & luy faisant paisiblement faire droit dessus la ligne de chacun d'iceux, communément deux ou trois battues de son air, sans l'acculer ny trop auancer: & puis suyure l'ordre du passage, ainsi de quartier en quartier, gardât le nombre des voltes à chaque

## Des Preceptes.


143

main, selon que le cheual obeïra à la leçon, & qu'il l'a comprendra: & changeant de place, ou continuant ceste leçon, sans partir d'un lieu obserué, selon l'inquietude ou la patience, que le Cavalierice luy reconnoïstra Car il faut tousiours eiter tant qu'il se peultes desdains, & plus grands desplaisirs, qui peuuent suruenir au cheual sensible, en toutes ces reigles de memoire & de iustesse, principalement aux commencemens.




APRES que le cheual aura ainsi reconnu le circuit limité de sa leçon, il le faudra mettre à son air releué dessus la iuste piste, & d'iceluy luy faire faire vn des quartiers, & puis vn autre de pas, & apres vn autre par ses battues: & encores vn autre de pas, l'arrestant vn peu de temps dessus chascue ligne des quartiers, où il finira ceux qu'il aura releuez: continuant patiemment ce styl, d'ordinaire trois voltes, & plus ou moins, s'il est besoin à chascue main, (premier que changer) sans haster ny interrompre la mesure de son vray air releué, ny l'ordre du passage appris & bien obserué, ny falsifier les iustes proportions de la volte representee par la figure, qui se void cy apres. Et pour bien comprendre ces proportions, il faut plustost auoir leu, & bien entendu l'explication d'aucunes reigles precedentes, qui apprennent que toutes les fois, que le cheual se met à son air releué dessus la volte, il raccourcit beaucoup son plan naturel & sa posture, de laquelle il fait le iuste passage, & que necessairement il porte le corps, comme de biais dedans la rondeur de sa piste, tant qu'il soustient son manege releué, selon les plus belles reigles: & qu'en finissant lesdites battues, les pieds de derriere reculent à l'instant, reprenant leurs pistes du iuste passage, l'entends si le Cavalierice, qui exerce le cheual, est diligent & capable d'effectuer toutes les leçons contenues en ce second Liure.



*Pour la main droite.*

QVAND le cheual aura comprins, & bien pratiqué la leçon susdite, il luy faudra faire fournir de son air, deux quartiers de suite, qui feront vne demy-volte, commençant à la lettre A, & l'arrester vn peu de temps (soudain qu'il l'aura finie) comme dessus la ligne de la lettre B, qui se void cy apres figuree: sans s'amuser à luy faire battre plus d'vne mesure ferme, pour luy redresser le corps dessus la ligne droite, pourueu que l'air d'icelle mesure, iuste & nettement battu: & si par icelle battue, il ne peut estre bien redressé, il le faudra adiufter au pas, en le chassant discrettement, ou le menassant du costé qu'il manquera ou qu'il aura manqué: car par ce moyen il recognoistra en peu de temps, sans s'endurcir, estreindre ny acculer, qu'en ferrant la demy volte, il se doit rendre des quatre pieds, iustement dessus la droite ligne au premier temps d'apres celuy, dont il y sera arriué des pieds de deuant.

POUR esclaircir la cause, pourquoy ie veux que le cheual ne face en ceste reigle, qu'vn temps ferme en ferrant la demy-volte: c'est par ce, que s'il estoit accoustumé d'en faire d'auantage, il feroit apres plus de difficulté à continuer son air, en tournant & en augmentant l'ordre de ses leçons sans s'arrester.


*Pour la main droite.*

Si le cheual n'a bien obserué les iustes proportiōs, & facilité de ceste demy-volte il le faudra doucement ramener (sans passer que fort peu plus auant) par l'ordre du iuste passage & sur la mesme piste, iusques dessus la ligne de la lettre A, dont il sera desia

fera desia party releuant son air: en laquelle y estant bien adiuſté, on luy fera recommencer par vn ou deux pas, la meſme demy-volte, & l'acheuer de nouueau par son air, deſſus la ligne de la lettre B, le r'amenant encores apres, s'il n'a assez bien fait, par la piſte du ſuldit paſſege, pour refaire la choſe meſme: continuant ainſi ces retours & reprinſes, iuſques à ce qu'il aye iuſtement & nettement releué, reſolu & bien proportionné, la demy-volte releuee, ou pour le moins, le mieux qu'il ſe pourra, ſelon ſa capacité: & apres l'auoir careſſé, il faudra paſſer outre deſſus la rondeur de la volte, luy faiſant faire autant à l'autre moitié de la prochaine figure, qui ſe verra cy apres: & pour l'attirer plus facilement à la iuſteſſe de ces demy-voltes, il faudra à tous les commencemens d'icelles, le faire doucement cheminer vn pas ou deux deſſus la piſte arrondie & adiuſtee, & en ce temps luy tirer vn peu la teſte du coſté qu'il tournera, auât que le mettre à ſon air, ny que luy permettre qu'il ſ'y mette de ſoy: & meſmes luy laiſſer faire assez lentement la premiere battuë.

CESTE reigle ſera ainſi continuee de demy en demy-volte, iuſques à ce qu'il ſoit temps de changer de main, pour en faire autant à l'autre coſté, aſſauoir lors que le cheual aura librement reſpondu, & ſatisfait à ceſte leçon, par les iuſtes mouuemens du cheualier: mais il ne faut pas le tourner ou trauailler ſi longuement & ſeulement à vne main, que le deſplaiſir luy face naiſtre quelque vice. Sur tout, il faut empêcher qu'il ne ſe haſte en faiſant ſon paſſege, ny eſtât à ſon air releué, car comme i'ay desia dit ailleurs, & que ie veux expreſſément redire, c'eſt vne maxime notable, que toutes les fois que le cheual voudra de ſoy ferrer le paſſege, ou r'abatre les battuës de ſon air, premier qu'il aye compris & pratiqué les proportions de la leçon qu'on luy dōne, il mōſtrera en cela vn indice de deſplaiſir ou d'inquietude, qui le diſpoſera biē toſt à deuenir entier ou à ſe rebuter du tout, ſi le Caualerice n'a le iugement bon, & l'experience des moyens, qui le peuuent diuertir de ces faux euenemens, au contraire de l'opinion de ceux, qui prennent ceſte crainte ou ſin garde obeyſſance de paſſege, & ceſte conſuſe preſteſſe de battuës, pour bon commencement d'eſcole iuſte.

*Pour la main droite.*




C piſte de la demy-volte releuee.


D piſte du retour au pas adiuſté, pour aller mieux faire ce qui aura eſté faiſté.

Pp

QUAND le cheual commencera à bien faire ceste leçon, il faudra aucunes fois tourner les testes de la figure, comme elle est cy apres representee, gardant curieusement l'ordre susdit: car par ce moyen le cheual se rendra plus attentif, & se disposera mieux à la leçon suyuant.



A mesure que le cheual s'assurera en la facilité de ceste leçon, il faudra retrancher peu à peu le temps, auquel ordinairement on l'aura arresté dessus les lignes, à toutes les fins des demy-voltes: afin que par la diminution de ce temps, les deux demy-voltes se puissent ioindre, faisant la volte iuste & entiere, sans que le cheual en soit troublé, ny qu'il aye occasion de rompre, ou alterer l'égalité de son air releué: en quoy il est necessaire, que le Cavalier soit patient & subtil au styl & en la pratique de ces reigles: & tout ainsi qu'on aura tenu le cheual quelque temps dessus la ligne, pour (selon ses deportemens) l'assurer, caresser, auancer, reculer, ou luy rendre la main, ayant bien ou mal ferré les demy-voltes, il luy faudra faire de mesmes, quand il aura fourni la volte entiere, premier que la luy faire recommencer: & par tel moyen luy faire continuer son air releué, en ioignant les deux voltes pour doubler, & en fin redoubler son manege.




OR en doublant, & redoublant ces voltes aires & iustes, il faut que le Cavalier aye continuellement les quatre quartiers d'icelles en la memoire, lesquels il doit observer en quatre endroits iustement limitez, sur la place en laquelle il donnera ceste leçon: & toutes les fois qu'il sentira que le cheual falsifiera les iustes proportions de la volte, il l'arrestera tout court dessus le quartier qu'il se trouuera, le chastiant sage-



ment du costé qu'il aura failly, pour soudain le ramener, & luy faire recognoistre & reparer sa faute, au mesme lieu qu'elle aura esté faicte, gardant diligemment l'ordre de la figure qui est cy apres: sçauoir que si le cheual en maniant de son air releué, falsifie la volte comme au quartier, qui se void entre la ligne de la lettre A, & celle du B, il le faudra arrester en l'adiutant par vn temps ferme ou deux au plus, droit dessus ceste ligne du B, & à l'instât, sâs le caresser ny retenir d'auâtage, le faire retourner paisiblement au pas, par les pistes du iuste passage, iusques dessus la ligne du D, & luy ayant laissé asseurer vn peu en icelle les quatre pieds, ensemble l'haleine, la memoire & l'appuy de la bouche, il le faudra ramener par son iuste & susdit passage, iusques à la ligne de la lettre A, & en arriuant des quatre pieds droit dessus icelle, on le remettra doucement & legeremêt à son air, luy faisant refaire d'iceluy le mesme quartier, qu'il aura mal faict, assauoir qui est entre les lettres A, & B, le tenant si proprement aduertý & sujet avec la iambe, la gaulle, & la main, que s'il est possible, il ne traine ny se haste, s'eslargisse, ny se serre trop: & si la seconde fois, il ne proportionne iustemêt ledit quartier, il luy faudra encores faire recommencer la mesme & susdite reprise, ie ne veux pas seulement dire deux, ny trois fois, mais bien vne douzaine s'il est besoin, & en fin, iusques à ce qu'il aye iustement & facilement obey: & s'il est naturellement timide ou trop sensible, il ne le faudra pas ordinairement battre à routes les faulsetez qu'il fera en ces iustesses, car les retours continuez & les reprises, luy seruiron de chastimens, si l'on y obserue la patience & la diligence requise.

QVAND le Caualerice sentira, que le cheual aura satisfait à la diligence, & iustesse des battus & du terroir, il passera outre sans interrompre l'egalité de son air releué, ny l'arrester que pour finir la volte, iustement faite & fournie, si ce n'est qu'il se sente manquer en quelque autre quartier, auquel si cela est, il le doit encores de nouveau arrester tout court, & si c'est comme dessus la ligne de la lettre C, il le ramenera doucement par son iuste passage, iusques dessus la ligne de la lettre A, pour luy faire de nouveau recognoistre, & reparer sa faute en quelque endroit, qu'il l'aye faite.




E piste de l'air releué.

F piste du passage pour retourner à la reprise du manège releué.


Pour expliquer particulièrement pourquoy, ie veux que le cheual reprenne à toutes les susdites fautes, deux quartiers de la volte, n'en ayant falsifié qu'un: c'est afin que reuenant doucement au pas par le quartier, qui semble estre superflu, le cheual aye plus de loisir, & d'occasion de recognoistre l'endroit sur lequel il aura

faillly, que s'il y estoit surprins plus estroitement, & mesmes pour auoir moyen de le mettre plus facilement en posture, & en action d'obeyssance par le iuste passage, avant qu'il soit arriué, ou en arriuant sur l'endroit qu'il aura falsifié: & afin aussi qu'estant acheminé par le passage, iusques au quartier qu'on luy voudra faire releuer & adiufter, il puisse reloudre avec plus de vigueur, & de iustesse son air, & tous ses mouuemens.



APRES que le cheual aura bien recogneu, & fait l'habitude de toutes ces iustes proportions également à chasque main, si le Caualerice luy sent assez de force, de disposition & de franchise, pour soustenir son air releué d'un mesme nerf, en changeant, reprenant & redoublant les susdites voltes, il pourra commencer à luy apprendre l'action, & la iustesse du changement de main & des reprises en gardant l'ordre de ceste figure.

*Pour la main droite.*




ASSA VOIR, apres que le cheual aura fait deux voltes entieres bien fournies, & finies comme dessus la ligne de la lettre A, il le faudra faire passer plus outre en tournant, le mettant à son iuste passage, & d'iceluy suyure la rondeur de son manege, iusques à la lettre B, à laquelle sans l'arrester on l'aduertira par les communes aydes propres à son air, & principalement celles de la langue & de la gaule: afin qu'il releue legerement ce dernier quartier de volte, & qu'il le serre droitement sur la ligne de la lettre A, ou les fers se voyét marquez en ceste figure, faisât neâtmoins les battues plus basses & moins hardies que l'ordinaire, & tenant les pieds de derriere plus retenus & subiects qu'il se pourra sur leur piste plus estroite, sans estre acculez, au con-

traire presque de la reigle generale des proportions précédées: afin qu'il ayë moyen en ceste occasion d'arriuer plus facilement des quatre pieds sur ladite ligne, en ferrât ce quartier releué, sans faire à la fin d'iceluy, plus d'un temps ferme, par le droit iusques à la lettre A, & sans deuancer & delborder le vray circuit de la volte.

Le cheual ayant ainsi bien finy, & ferré ce quartier releué sur la droite ligne, & la lettre A, au moyen de ceste batuë, faire par le droit, il luy faudra faire prendre la volte de l'autre main, par la batuë suyuante, sans l'arrester ny luy interrompre aucunement la mesure de l'air releué, luy tenant encor les pieds de derriere sur ladite ligne, & en la mesme piste (accompagnant neantmoins les battuës) iusques à ce que le premier temps, & mouvement du changement soit fait: apres lequel on doit remettre les pieds de derriere, sans rompre l'egalité de l'air des battues, au general espace de leur iuste piste, pour mieux accompagner la disposition du manège, côme il est representé en la figure cy apres.

Si le cheual estant surprins par ceste nouvelle leçon du changement, ne répond librement & nettement aux iustes proportions, il ne le faudra pour cela battre ny menacer: mais le remettre doucement à son passage, comme sur la lettre B, & d'ice luy passant outre luy faire ferrer la demy-volte, sur la lettre C, & soudain le ramener par la piste encores iustement & sagement au pas, pour le remettre à son air, en repassant sur le B, faisant le susdit quartier releué, & le finissant sur la lettre A, pour continuer apres le changement de main, tout ainsi que ie viens de dire: & pour faciliter d'auantage (en ceste premiere proportion) l'obeyssance & les mouuemens du cheual, le premier temps du changement de volte, se doit aussi faire plus bas, & vn peu plus auancé que les battues ordinaires du corps du manège.

*Pour la main gauche.*



D piste du susdit passage: soit qu'on la vueille faire plus large ou plus estroite, que celle du manège releué

E piste des battues en tournant plus large ou plus estroite, que le passage.



F piste generale de la volte releuée & fournie.

La difference de ces deux figures est que en l'une, la piste de l'air releué ce veoit marquée, tenant le dehors de la volte, & en l'autre la mesme piste tient le dedans, qui ne signifie autre chose sinon que en ces leçons le Caualierice, doit faire ladite piste plus estroite ou plus large que celle du passage, selon que le cheual s'appuyera trop ou peu à la main, comme i'ay dit en quelques leçons precedentes.



P E U T estre que de la seconde ou troisieme fois, ny en vne ou deux caualcades, le cheual ne pourra pas bien comprendre, ou ne voudra librement consentir à la facilité & perfection de ce changement de main : comment que ce soit, autant de fois qu'il manquera en iceluy, soit au temps de son air releué, ou en la iustesse du terroir, aussi souuent le faudra-il ramener, ( par le retour que ie viens de dire) sur la lettre A, le chastiant aucunes fois pour tascher à luy faire reparer sa faute, au lieu qu'il l'aura faite, & gardant tousiours entierement l'ordre susdit : mais quand il obeyra facilement & iustement on le refoudra passant outre, & continuant le cours & tour de la volte commencee, & bien changee, iusques à ce qu'elle soit fournie, doublee, & en fin iustement ferree sur la ligne & lettre A, soustenant sur tout l'égalité de ses battues : & soudain il luy faudra encores faire passer du mesme costé, trois quartiers de volte, iusques à la lettre B, marquée en la figure cy apres : & en le passant sur ladite lettre, le mettre à son air pour releuer & finir le dernier quartier de ladite volte, sur la lettre A, & puis d'un mesme temps reprendre la main droite, sur la piste marquée E, selon cest ordre diligemment obserué : l'arrestant s'il est besoin au lieu du C, & mesmes le faire retourner iustement sur la ligne, & sur la lettre A, comme j'ay dit au premier changement, pour recommencer ceste reprise indifferemment à chascque main, toutes les fois qu'il la fera mal.

*Pour la main gauche.*



D piste du passage.

LES trois quartiers de volte de pas, qui suivent en ceste reigle les voltes entieres & releuées, se font afin que le cheual ne se dispose à s'arrester de soy, sur la ligne de la lettre A, l'ayant desia recogneuë, & par consequent, afin qu'il s'accoustume à rendre plus de franchise en son iuste manège : ce styl est aussi necessaire à faciliter l'air, & l'estroite obeyssance du dernier & susdit quartier, afin que par le moyen d'iceluy, le cheual soit moins surprins, & incommodé en ces plus iustes leçons, du changement de main. Mais apres que le cheual aura bié recogneu les proportions limitees de ce changement de main, & qu'il aura fait de chascque costé l'habitude, & facilité de l'action, & des iustes mouuemens d'icelles proportions, il ne sera plus besoin de faire lesdits quartiers de pas, & partant il les faudra retrancher du tout, afin que les voltes releuées se fournissent d'une haleine & de mesme vigueur, égalemēt doublees, chāgees, & reprises de ferme à ferme, & en fin redoublees, sans que l'air en soit interrompu ny amorty, continuant ainsi iustement le manège, tāt que les forces du cheual en pourront fermement, & gaillardement soustenir l'effort.

## Des Préceptes.

151

IE ſçay que le cheual ſe refoudra plus facilement, & pluſtoſt à ce changement de volte, de ferme à ferme, ne faiſant à tous les coups, qu'une demy-volte releuee à chaque main. Toutesfois, ſi tel ſtyl eſt continué, en peu de temps le cheual ſe trouuerra beaucoup moins libre & déterminé, ſur le manege des voltes finies & redoublées, qu'il n'aura auparauant eſté, & pource ie ſuis d'aduis, qu'on ſe tienne à ceſt ordre dernier.

Si le cheual a l'appuy de la bouche dur, ou trop peſant, les fuſdites reigles ſe trouueront plus profitables, eſtans faiſtes aupres d'une aſſez haulte muraille: parce que les proportions auxquelles le cheual tirera à la main, ou ſ'abandonnera d'auantage ſur ledit appuy, ſe pourront commencer & finir, approchant le front du cheual ſi pres de la muraille, que ſans le trop grand effort de la bride ou du caueſſon, il ſera contraint de ſe ramener, ſerrer & aliger.

Pour rendre apres le cheual plus attentif à ces proportions, & aux iuſtes mouuemens du cheualier, il luy faudra faire aucunes fois changer de main, en diuers endroits de la volte, ſans obſeruer aucun nombre des tours, pourueu que ce ſoit ſur les droites lignes des quartiers: & principalement on l'aduertira, & le diſpoſera diligemment à la iuſte & neceſſaire obeyſſance, cependant qu'il fera & ſerrera le quartier ſur lequel on voudra changer ou reprendre les voltes, & meſmes ayant mal changé ſoudain on l'arreſtera, & ramenera patiemment au pas ſur la piſte de la volte, pour luy faire reparer ſa faute en ſon vray lieu, ſelon l'ordre des reigles fuſdites.

Or inſqu'à icy'ay dit qu'auant changer de main, il faut faire vne battuë droite & quelques fois deux deſſus la ligne diametrale des voltes, c'eſt l'ordre commun des bonnes eſcolles, & la pluſpart des hommes de cheual, tiennent que ceſte proportion monſtre avec la grace, l'obeſſance du cheual bien dreſſé, en attendant ſouſtenu ſur les hanches & deſſus vne ligne droite, l'action & l'aduertiſſement du cheualier, pour bien changer de main: Ceſte reigle eſt belle & bonne & n'apporte point de conſuſion, toutesfois il eſt certain que le plus ſouuent au lieu qu'on dit que le cheual atant l'action du cheualier, par ſes fermes battuës faiſtes par le droit c'eſt pluſtoſt que le cheualier atant que par icelles, il aye aiuſté le cheual, là où il doit eſtre pour bien changer ou reprendre la volte: Mais pour rendre ſes changemens & reprints de main, en leur vraye perfection, il ne faudra plus attendre que la fuſdite battuë ſoit faiſte de ferme à ferme ſur la ligne diametrale, ains ſoudain que le cheual en tournant iuſtement, aura donné des pieds de deuant ſur ladite ligne & au temps qu'il arriuera de ceux de derriere ſur icelle, le cheualier tournera ſubitement la main faiſant ſon changement ou reprintſe des voltes. En ceſte action ie redits encor qu'il faut curieusement obſeruer que le cheual ne ſe retienne, s'accule & ne ſe plie, qu'il ne falſifie les rondeurs des iuſtes piſtes, qu'il ne porte ou ne laiſſe tant ſoit peu la teſte hors la volte, que le premier temps du changement ou reprintſe ſe commence avec la teſte du cheual aſſauoir, en luy faiſant regarder le dedans de la volte, ſans luy faire ny laiſſer plier le col, & que ce premier temps ſoit vn peu moins hault & moins contrainct que les autres, afin que le cheual en obeyſſant, puiſſe mieux & plus gayement diſtribuer ſa vigueur: Il y a peu de perſonnes qui pratiquent ou comprennent aſſez facilement ces dernieres proportions, non ſeulement à cauſe de la difficulté des iuſtes & neceſſaires actions & mouuemens qu'il faut diligemment & nettement obſeruer, mais parce qu'elles leur ſont incogneues, comme les meilleurs maiſtres peuuent iuger par les eſſais: Car comme i'ay dit cy deuant au lieu que la vraye & facile obſeruation de toutes ces reigles & proportions, embellit la poſture du cheual & le rend leger, iuſte & fort libre en ſon manege, la ſauce pratique des meſmes reigles fait qu'il ſe mer en

extreme fougue, ou qu'il deuient en peu de temps auily, entier ou ramingue, qu'il se plie & porte le col & la teste du tout hors la piste de la volte: actions tres desagreables, fauces & directement contraires à la grace & franchise de tous les bons maneges, & mesmes on void d'ordinaire que ceux qui exercent tels cheuaux, se soustiennent tous panchez du costé hors la volte, aprochant fort du cheual la iambe du mesme costé, & tenant l'autre eslargie & situee comme vn auiron de galere; & encor on leur voit faire certains autres gestes & mouuemens de teste, de corps & de bras, qui font paroistre vne trop grande atention, & qui repugnent aussi à la bien seance & gentillesse du cheualier ennemy de ses mauuaises habitudes & pedanteries de cest art. Ce n'est pas assez d'auoir l'affiette belle, seulement allant au pas, il faut cependat que le cheual manie de tous les plus gaillards & plus beaux airs, que le cheualier soit droit & libre sur le mitan du siege de la selle, qu'il ne baisse ny tourne la teste & ne face aucune mine desagrecable du visage, ny mauuais geste des bras, que les iambes soyent également droites & rendues, sans faire l'escarquillé ny le caigneu. Que s'il est besoyn d'empescher que le cheual se serre ou s'elargisse en maniant, ou se iette de costé, allant par le droit, ce soit en le pressant de l'estrieu, de l'esperon, ou seulement du gras de la iambe necessaire, sans que l'autre part de sa iuste situation ny le corps non plus: Ce sont obseruations à la Danuille tres-belles, & qu'il faut par vn bon heur auoir veues & considerees en leur merueilleux subiect pour les pouuoir bien obseruer, & sans icelles, il est impossible de bien sentir les vrayes iustesses des voltes, ny d'y pouuoir long temps maintenir le cheual bien dressé: Car si cependant qu'on le porte ou pousse d'un costé, avec la iambe oposite, on elargit beaucoup l'autre, il faut necessairement que le corps de celuy qui fait telle faute, panche de ce costé oposite, & outre ceste fascheuse difformité, si le cheual fort obeysant, cede trop à l'esperon ou à la iambe qui le pousse, & que le cheualier se vueille retenir en vn lieu limité avec la iambe qui se trouue trop esloignee de son iuste lieu, elle partira de si loing pour faire son action, assez diligéte, que le cheual ne pourra assez tost bien cognoistre si ce doit estre vn aduertissement, vn ayde ou vn chastiment, & par ceste incertitude, il fera souuent quelque desordre pensant bien obeyr, mesmes à cause que ceux qui font telles grimasses ne faillent iamais à elargir encor trop la iambe, qui estoit pres du cheual, cependant & à mesure qu'ils approchent celle qu'ils auoient desia trop escartee, & à mesme temps portent aussi le corps & la teste de l'autre costé: Il est fort ayse à iuger que la iambe doit estre ordinairement situee en tel lieu qu'avec la bien seance, elle puisse faire toutes ses iustes actions en leur vray temps, & avec le moins d'apparence qu'il se pourra, & parce qu'il y a quelque rapport de cest exercice à la musique, ie dis que ceux qui se plaisent à iouer du lut, de l'espinette, des violes, & de tous les plus beaux & honorables instrumens, manquent tousiours d'autant de grace & de diligence qu'ils haussent trop les doigts en cherchant & prenant les tons sur le manche ou le clavier de leurs instrumens. Les meilleurs tireurs d'espee sont ceux qui estans en vne mesure de presence escartent ou esbranlent moins leurs armes, pour feintes ny autres actions hardies que puissent faire ceux qu'ils ont en teste raschant de gagner l'occasion ou la brefuete de quelque beau temps, il en aduiet tout de mesmes en tous les honnestes exercices où il faut precisement obseruer l'ordre & l'egalité de certains nombres & mesures qui en rendent les proportions, excellentes & rares: Je reuiens donc à mes maximes qu'il faut necessairement que le cheualier gentil & scauat en cest art, aye toute son affiette, ferme, iuste, libre, & droite pour bien sentir les mouuemens que le cheual d'escole & bien dressé fait en maniant afin d'auoir moyen de le chastier assez subtilement des fautes qu'il fera, & principalement de les preuenir & empescher à quoy la fermeté des hanches est vne partie tres-necessaire.



Et à ce propos, ie diray que s'il y a quelque ame bien nee, qui desire voir bien exercer ce que ie viens de dire cy dessus, voire les choses les plus difficiles, dont ie parle en mon present liure, qu'il regarde exactement faire le Seigneur Pietro Vincenſo de Lup. Italien de nation, qui l'a longuement pratiqué ſoubs moy, & lors il receura du contentement, tant il le verra trauailler de bonne grace, & faire les reigles & iustesses de nostre art, ou i'ay le plus employé ma ieunesse, qui me le fait extremement louer, & dire ſans flaterie que c'est vn tres-digne & parfait cheualier

SANS doute, par la bõne pratique de tous ces preceptes, & le tẽps neceſſaire, le bon Caualerice reduira le cheual à la plus iuste obeyſſance, & plus belle dextérité, qu'il pourra paruenir par les moyens de l'art, deſquels doit naistre la perfection, des plus beaux & neceſſaires exercices, qui se peuuent apprendre au cheual: luy rendant en fin le courage franc, l'action des membres libres, l'haleine en son meilleur eſtat, la bouche ſaine & aſſeuree, la teſte ferme & ſituee en bon lieu, le col droit, & en ſa plus belle poſture, le tronc de la queuẽ arreſté, comme immobile entre les ſeſſes: & avec tout cela la courſe droite, tride & determinee, l'arreſt ſeur, ayſé & leger, le manege reſolu, facile, iuste & ferme, également à chaque main, & l'air de ſa legeresse & diſpoſition, ſoit hault, mediocre ou moindre, & tant ſur les voltes que par le droit, aſſeuree en la meſure, & cadance plus egale, plus nette & mieux ſouſtenue.

IE recomanderay encoires icy au Caualerice curieux ces preceptes particuliers & principaux, aſſauoir que toutes & quantes fois, qu'il aura reduit le cheual, qui naturellement ſera fort colere ou apprehenſif, à la meilleure & plus iuste eſcole, que ſes forces & inclination pourront fournir, il ne la luy doit trop ſouuent cõtinuer eſtroitement obſeruee, ſur peine qu'il luy verra bien toſt faire quelque faulſe mutation: mais pluſtoſt aucunes fois, il elargira expreſſement ſon manege, par quelques leçons plus ayſees, neantmoins limitees, & auparauant recogneues: car outre que ceſte liberte conſeruera le courage & la franchise du cheual, il ſera apres beaucoup plus facile à le radiuſter quand on voudra, que ſi l'eſtroite ſubiection trop perſeuerce, l'a-uoit rebuté ou fait ennemy de l'eſcole.

SVR tout, i'aduieſceluy qui ne recognoiſtra en ſoy beaucoup de facilité aux aydes, & chaſtimens neceſſaires en ces grandes iuſteſſes, qu'il ne les doit entreprendre ſeul: car elles ne rẽuſſiront qu'à ceux, qui auront vne ſubtile & diligente pratique, en toutes les ſuſdites proportions, & meſmes qui ſeront ſecours d'une grande inclination à les bien comprendre.

IE redis & aduertis notamment, que tant que le cheual manie de quelque air, qu'il ait eſté bien dreſſé, le cheualier face ſes aydes generales, avec telle diligence & ſubtilité, que nonobſtant qu'elles ſoyent hardies & fortes, ſon action de corps & de membres, n'en ſoit apperceuẽ qu'à peine des plus experimentez & clair-voyans, afin qu'il ſemble aux aſſiſtans, que le cheual comprẽne la volonte de celuy qui l'exerce, & qu'il y conſente ſans eſtre beaucoup aydẽ ny contraint, & qu'il paroiſſe auſſi, que les mouuemens gaillards qu'on verra faire au cheualier, ſeruent plus pour embellir ſon geſte & ſon aſſiette, que pour forcer le cheual à ce qu'on luy verra faire de plus excellent.

## OBSERVATIONS APRES LA LECON OV L'EXERCICE du cheual d'escolle.

## CHAPITRE XXXIII.

**L'**A y dit sommairement en quelques préceptes precedens qu'apres auoir donné vne bonne leçon au cheual d'escolle, elle peut estre confirmée par la discretion, & bonne pratique de celuy qui le promenera estant dessus, iusques à ce que la chaleur extraordinaire luy sera passée, & qu'il sera temps de le mettre en sa place de l'escurie, mais j'ay reserué en ce lieu de faire entendre les distinctions qui se trouueront ample-  
ment desdviçtes. Le bon Caualerice doit donc sçauoir, que si durant le temps qu'il aura donné vne leçon de patience au cheual de manege, il le trouue faisy d'une grande obstination ou inquietude, & que pour le vaincre il aye fallu necessairement auoir recours aux chastimens rigoureux, sans doute si celuy qui le promenera apres l'exercice est homme de cheual il pourra par sa discretion apporter beaucoup d'utilité aubõ dessein du caualerice. Car en promenant iuditieusement le cheual impatient & colere, il aura moyen de l'appaier & diuertir de sa fougue ou trop grande apprehension, en gardant bien à propos le bon ordre de sa leçon, & par consequent de le rendre plus capable de memoire, & de consentir à la leçon suiuiante.

**S'** le cheual entier & dur à quelque main, s'est deffendu durant la caualcade qu'on luy aura fait, taschant à luy debander & amollir le col & luy faire regarder la volte, le bon escolier pourra aussi en le promenant long temps & paisiblement apres l'exercice le diuertir aucunesfois de son obstination, & mesmes, le recherchant doucement au temps qu'il le trouuera disposé à quelque obeysance, il aura moyen sans le violenter, de luy plier le col & luy mettre la teste là où il n'aura voulu regarder que par grande contraincte, de sorte que par l'habitude de ses longues promenades d'escolle apres la leçon ou l'exercice, le cheual se pourra en moins de temps rendre souple sur la volte à laquelle il se sera opiniastrement deffendu: que si on n'auoit vñe que des contrainctes ordinaires.

**Q**UAND le cheual trop sensible & apprehensif ne peut comprendre ny attendre le bon ordre des leçons qu'on luy donne, & que par grande inquietude il precipite ses forces & son haleine, qu'il se haste trop au passage des leçons estroictes ou qu'il trespigne confusement les batues de quelque air releué, sans doute on pourra souuent remedier à sa fougue, & impatience, & luy faire moins hayr où craindre les iustes observations de la bonne escolle, en le promenant patiemment & assez long temps apres l'exercice sur les proportions de ses bonnes leçons.

**S'** le cheual a la bouche tant foible ou si molle qu'il ne vucille ou ne puisse sans grande difficulté prendre aucun ferme & temperé appuy de main durant ses caualcades d'escolle. Il aduiendra aucunesfois que les bonnes & assez longues promenades apres ses leçons luy donneront quelque occasion & moyen de se refoudre peu à peu à l'appuy de la bonne main, qui le conduira & soustiendra en ses promenades bien confiderces & necessaires.

**M**AIS si le cheual naturellement poissant ou debile s'est seulement trop appuyé

sur le mors où le caueſſon en la caualcade par laquelle le Caualerice aura taſché de l'alegerir, & qu'il l'aura recogneue propre à l'aſſembler & ramener en quelque poſture releuee & ſouſtenüe, il ne faudra que perſonne monte deſſus apres tel exercice pour le promener, car eſtant las & deſuny, il pourroit ſans doute prendre trop d'appuy & meſmes il ſera neceſſaire de le mettre dans l'eſcurie, apres luy auoir doucement fait faire en main enuiron cent cinquante pas.

Et de quelquesdes ſuſdits naturels & temperaments qu'il puiſſe eſtre, quand en ſon manege à l'eſcolle il reſpond plus librement & gayement au bon ordre de ſes leçons, qu'il n'aura fait auparauant, il faudra faire la caualcade moins longue & le mettre ou ramener en main à l'eſcurie ſoudain que le Caualerice ſera deſcendu, car ſi on le promenoit long temps apres la leçon ou l'exercice, il ſe ſouuiendrait beaucoup moins de ſa leçon & du plaifir qu'il auroit receu aux iuſtes proportions de ſon manege auquel auſſi il reſpondroit où fourniroit avec moins de gaillardie & de gayeté en la caualcade ſuiuante.

A vs s y les longues promenades apres l'exercice de l'eſcolle conformement ou aſſoupiſſent indifferemment la vigueur & legerieſſe des cheuaux melancoliques, aduſtes & timides: & parce qu'il aduiendra ſouuent que le cheual aura deux ou trois ou plus des ſuſdits vices ou imperfections contraires, à quoy on ne pourra remedier que par des contraires moyens, & que voulant oſter ou corriger l'vne des imperfections, on pourra augmenter l'autre. En ce cas il faudra que le bon Caualerice conſidere, où il y aura plus de neceſſité, & ſur tout qu'il ſoit pourueu d'vne grande diſcretion pour n'vſer des moyens de ſon art, principalement des grandes contrainctes que bien à temps & à propos.

E n France on promene beaucoup plus long temps qu'on ne faiſt ailleurs indifferemment les cheuaux de manege apres l'exercice, c'eſt pourquoy pluſieurs Eſcuyers de grande eſcurie penſeront que ſ'ils font autrement la ſanté de leurs cheuaux en patira, mais c'eſt choſe qui n'eſt pas à craindre quand les eſcuries ſont bonnes & que ſoudain qu'on y a mis le cheual eſchauffé & mouillé de ſa ſueur, on luy met force paille freſche deſſous la ſelle ou la couuerte, qu'on luy eſſuye & frotte la teſte autour des aureilles avec l'eſpouſſette de toille, qu'o luy laue & nettoye, principalement ſi c'eſt en l'eſté, avec de l'eau claire, & l'eſponge nette, les yeux, le nez, le dedans des naſeaux, les lippes, la barbe & le fondement, parties qui en tel temps ſe trouueront communement chargees de pouſſiere meſlee avec la ſueur: qu'vn peu apres on le frotte generally iuſques à ce qu'il ſoit ſec, & qu'eſtant ainſi bié eſſuyé & rafreſchy, on luy laue les iambes avec de l'eau freſche & non froide, ſans luy mouiller les genitoires & le ventre, ſi ce n'eſt apres qu'il aura mangé, & quand on l'abreuuera en quelque riuieſe qui ne ſoit non plus trop froide. Car ſi cependât que par quelques mouuemens violés, le cheual a toute la maſſe du ſang eſchauffee, bien qu'il ne ſue plus, on luy laue les genitoires & le ventre, en luy iettant indifferettement trop grande quantité d'eau fort froide, en ſes parties extremement ſenſibles, il eſt à craindre qu'il ſ'en enſuiue de grandes trenchees, & qui pis eſt que par vne grande repercution ou ſoudaine retraction, vn des genitoires entrant entierement dedans le corps, le cheual ſe trouue encordé, maladie cogneue par les moindres mareschaux d'Italie, fort incogneue en France & indubitablement mortelle ſi on ne peut retirer le genitoire entré & retenu par vn inteſtin, en fin le cheual fort eſchauffé par quelque exercice violent, eſtant ainſi bien penſé & gouverné ſans eſtre promené, reçoit vn plaifir & bien pareil à celuy que ſent l'homme vi-



goureux, extrêmement las & enflammé pour auoir long temps ioué à la paume prenant vne chemise blanche & se mettant dans vn bon liét.



## POVR MAINTENIR EN BONNE

ESCOLLE LES CHEVAVX DRESSEZ AVX

airs des caprioles & du galop gaillard.

### CHAPITRE XXXV.



Après les derniers preceptes du premier Liure, on peut voir clairement l'ordre qu'il faut tenir pour bien apprendre au cheual suffisamment nerveux, & qui a le corps assez léger, les airs des caprioles & du galop gaillard, & pour ne vouloir vier de trop de redittes, ie ne représenteray en ce second Traicté d'autres reigles, m'assurant que les hommes de cheual, qui comprendront bien celles, qui se trouueront iusques icy expliquées & figurees, n'auront non plus de difficulté en la pratique des sauts, sur les voltes & par le droit qu'à celles des airs precedens, à cause que tous se doiuent indifferemment fonder sur les forces suffisantes du cheual, sur l'inclination qu'il y aura, sur le ferme & léger appuy de la bouche, & sur la resolutio du manege, du trot & du galop également facilité à chascune main : & la difference generale, qui se trouuera en la iustesse, n'est sinon, d'autant qu'entre tous les airs, le mouvement du saut estant le plus violent, plus grand & plus estendu, l'action en doit estre moins retenuë sur les hanches, que celles des courbettes & groupades, & par consequent il faut tenir les proportions du terroir mesmemet des pieds de derrière, plus spacieuses, & les leçons plus courtes.

Sur ce sujet, ie diray encores seulement, que pour rendre les sauts esgaux d'action, de vigueur & de temps par le droit, & principalement sur les voltes, il est necessaire que le Caualerice sçache tousiours conseruer au cheual de bon naturel, la force & le courage qu'il employe franchement à l'ordre, & à l'obeyssance des bonnes leçons : & luy abatte & consumer la gaillardise superflue, par laquelle il se licencie trop, retenant ou precipitant sa disposition, ou se defendant estant malicieux & obstiné : & sans doute l'exercice du trot, & du galop bien pratiqué, est ordinairement propre à ces effects moderatifs, comme i'ay desia dit en diuers propos, mais parce que la perfection du manege des caprioles, despend de plusieurs considerations plus particulieres & communément moins entendues, que l'ordre de tous les autres airs, que nous recherchons par nos reigles, le Caualerice se doit souuenir que d'ordinaire les chevaux, qui outre beaucoup d'inclination aux sauts d'esquine, sont naturellement capricieux : & ceux qui outre cela ont plus de vigueur & de courage, ne monstreront pas les effects de leur superbe, & bizarre humeur, seulement estans recherchez, de ce qu'ils n'ont iamais apprins : mais aussi apres qu'ils ont long temps, & vne infinité de fois comprins & pratiqué les vrayes proportions de l'air & du manege, qu'ils peuvent vigoureusement & iustement fournir : de sorte qu'il semble aucunes fois, qu'ils inuentent malicieusement plus de defences differentes, que le Caualerice ne trouue de moyens

de moyens pour les vaincre & reduire à l'ordre, & à la subiection de la bonne escolle, qui pour l'heure leur desplaist: & montrâs encore vn témoignage euident, de leur cauteleuse colere, tant qu'ils en sont possédez, ils consentiront librement à toutes sortes d'exercices qu'ils auront apprins, hors mis à celuy duquel pour lors, ils refusent l'ordre & la iustesse, & lequel neantmoins il sçauront tres-bien faire, & le feront & soustiendront gayement quand d'eux-mesmes, ils y aurôt l'humeur & la volonté disposée. Or toutes les fois que en ceste occasiō, le cheual se presentelibremēt au trot & au galop, seulement pour euitier l'obeyssance de ces iustes leçons, on peut iuger que la malignité de son courage, n'est pas diuertie: mais au contraire le cheual malicieux, qui toutes les fois que venant à refuser le temps & la proportion des bōs sauts, aura coustumierement esté appaisé au trot, ou chassé & déterminé au galop, ne craindra pas beaucoup de refaire la mesme faute, sur l'esperance d'estre quite, pour vnelongue galopade, qui en tel temps se r'apportera plus à la malignité, qu'elle ne sera propre à vaincre son obstination: & si en ces occasions le Cavalierice se resfoult de gaigner, & chastier le cheual par la rigueur, sans se départir des proportions estroittes, qu'iceluy cheual rejettera par quelque caprice, ou pour auoir le courage occupé & tendu ailleurs qu'à l'escole, il en pourra venir à bout s'il est de naturel doux & corrigible. Mais si de son temperament, il est colere & fort aduste, le plus souuent il le rendra tant obstiné, que tous les chastimens & les aydes, & mesmes les caresses, qu'on pratiquera pour le rengier & remettre à l'air, & à la iustesse de son plus beau & releué manege, luy augmenteront le feu de la desobeyssance: & suruiendra de pis, que durant son obstination, les efforts ou le long travail, luy consumeront du tout la gaye disposition & les forces plus solides: & telles parties principales, venant plustost à manquer que son opiniaistreté, lors on recherchera en vain l'actiō des bons sauts, Il est vray que si en ces extremitéz le cheual se rend comme vaincu, faisant tout ce qu'il pourra pour fournir au mouuement & à la volonté du Cavalierice, il faudra recevoir ceste obeyssance, comme si l'actiō en estoit plus parfaite. Mais le pis que i'y voy, est qu'entre les cheuaux de ce naturel, rebelle & desloyal, ils'en trouue qui apres auoir consommé presque toute leur vigueur, en constant contre le cheualier qui les exerce, & ne se pouuans plus defendre, ils sont semblant de vouloir obeyr comme vaincus & rendus, mais c'est seulement pour eschapper le supplice des chastimens de l'escole: & qu'il soit ainsi, nous voyons ordinairement qu'aussi tost qu'ils ont reprins tant soit peu de force avecquē l'haleine, ils ne cedent plus qu'à la iusdite extremité, & quelquesfois point du tout. En ces occasions les maîtres plus excellens ont assez de subiect pour monstrier les plus singuliers effects de leur sçauoir, non seulement en voulant chastier seuerement les fautes malicieuses: car tels cheuaux n'ignorent aucun remede commun: mais sur tout en recognoissant quand ils sont disposez au chastiment, & mesmes en vsant de diuers moyens propres à les diuertir, lesquels ne se peuuent bonnement enseigner par maximes, ny reigles ordinaires, ny apprendre que par vne bonne & longue pratique: c'est pourquoy ie ne diray, sinon que le sage & bon Cavalierice, ne doit vouloir contraindre par violence le cheual colere & vindicatif, en ce qu'il ne luy recognoist aucun naturel ny capacité: & quand par l'ordre de ses bonnes leçons, il l'aura dressé à quelque air gaillard, il ne l'en doit apres rechercher, le sentant esmeu de trop grande apprehension, ou en inquietude extraordinaire, & en humeur de desobeyr. Car il aduient souuent que tel cheual aura librement employé ses forces & son courage, à fournir ses premieres leçons estroittes releuees, encore incogneues, qu'apres les auoir bien comprises & pratiquees, il neglige & mesprise quand il luy plaist, les moyens par lesquels il a esté reduit à la facilité de son plus iuste manege. Je confesse que telles fautes ne sont point pardonnables, sans quelque particulier & necessai-

re deffein: mais elles se doiuent soigneufement euitier, mefmement ayant affaire aux cheuaux fauteurs & courageux, parce que les aspres chastimens fort longs, & fouuent continuez, leur peuuent diuerfement causer plusieurs vices, & tels que pour les en diuertir, il faudra vfer de remedes du tout contraires, à l'action des fauts. Ce font les defordres, desquels procede que plusieurs cheuaux, gaillards & vigoureux, estans ainfi rebutez, ne se peuuent plus remettre en leur premiere iustesse. Tellement que pour euitier ces euenemens, il faut necessairement tenir le cheual fauteur en alegresse, & en longue haleine, sans luy abatre trop la nerueuse gaillardise de l'esquine: mais en ceste facilité d'haleine, plusieurs hommes de cheual se sont trompez, d'autant qu'elle ne peut seruir en nos reigles plus iustes, n'estant secondee de la sincerité du courage du cheual: à cause de quoy l'on ne doit faire estat de l'haleine, qui est augmentee par les longues caualcades, qui se font en chastiant les fautes du cheual, colere & irrité. Car les violens desplaisirs qu'il reçoit en icelles, le tiennent quelque temps apres en diuers soupçons, qui empeschent ceste franchise necessaire aux bons fauts: au contraire, on se peut tres-bien preualoir de l'haleine, qui est fortifiée peu à peu, par l'exercice moderé, qui se fait à deffein premedité, durant lequel le cheual est en paisible temperament, & qu'il ne reçoit aucune grande douleur, ny importunité. Voyla pourquoy, quand autrefois j'ay voulu bien faire paroistre le cheual dressé à quelque air gaillard, le iour auparauant, & mefmes sur le soir apres l'auoir fort peu recherché, en son manege estroit & plus releué, j'ay tasché à le faire assez longuement trotter & galopper à toutes mains, ou par le droit, viuement ou lentement selon qu'il estoit ramigue ou déterminé, sans l'offencer beaucoup: afin de trouuer le lendemain son humeur plus gaye, ses forces plus souples & sa disposition plus solide, que si à l'heure & sur le lieu que ie pensois le faire bien aller, il m'eust plustost fallu pratiquer, peut estre en vain, les moyens de temperer sa vigueur superflue: & si l'action resoluë des fauts le dispoisoit à quelque fougue desbordée, premier que ceste émotion rebelle auint, ie cherchois l'occasion, & le lieu propre de pouuoir faire la fin de l'exercice, ou de la leçon par quelque air mediocre & plus soustenu sur les hanches, si le cheual auoit l'appuy de la bouche assez ferme, ou au petit galop, s'il estoit leger à la main, ou qu'il retint son courage: car c'est vne reigle principale pour faire moins hayr l'escole estroite au cheual gaillard, & fort sensible, mefmement s'il est trop apprehensif. En fin pour le tenir en bon estat de gaillardise & de iustesse, ie suis d'aduis que iamais s'il est possible on ne le face manier de son air plus difficile, tant que ses forces seront trop liees & retenues, ou trop des-vnies, ny lors qu'il est en sa plus bizarre humeur, & sur tout, qu'on luy face plus craindre que recognoistre les moyens qu'on peut auoir de le contraindre à l'obeyssance de l'escole.



## DISCOVRS INSTRVCTIF SVR LA DEMANDE QVI

*se fait souuent en combien de temps vn cheual peut estre bien dressé.*

## CHAPITRE XXXV.

**L**aduiuent d'ordinaire, qu'aucuns Cavaliers impatiens ou curieux, s'informent des Caualerices, en combien de temps vn cheual peut estre bien dressé, & le plus souuent ils s'adressent à tels, d'ot leurs responses ne sont pas moins incertaines, qu'ils sont incertains en leur cauoir: en cecy ie tiens, que si le cheual n'a esté estrapassé, qu'il soit desia en ses forces plus nerueuses, sain de bonne nature, & bon à la main, il sera dressé au manège que sa vigueur pourra fournir, en vn an, & affiné en la iustesse & à l'air, qui seront propres à sa disposition & memoire, en quatre ou cinq mois de plus: pourueu qu'il passe par les reigles d'un bon maistre, & aussi qu'au bout de ce temps, il ayt atteint au moins l'aage de cinq à six ans: mais s'il est si ieune que ses forces assez fermes, ne soyent encores faites, il luy sera impossible de respondre à l'obeyssance des leçons estroites, penibles, & necessaires: quoy qu'il monstre au commencement quelque vigueur allegre, & vne facile inclination aux airs plus gail-lards: car quand ceste gaillardise luy manquera en l'effort de l'exercice, si le Cauale-ric tafche à le contraindre par les chastimens rigoureux, les leçons se trouueront tousiours mal finies, & par consequēt inutiles: & si pour vouloir precipiter le temps requis, ceste seuerité est continuee, le ieune cheual sera plustost desesperé, & auily, ou foulé, que bien dressé. Tellement qu'il est necessaire de l'exercer peu à peu, pour luy conseruer ou accroistre le courage, & la disposition naturelle, attendant l'aage, qui le pourra rendre capable des leçons plus estroites & plus fortes.

Si le cheual assez fort, leger & d'aage suffisant, se trouue de mauuais naturel, au lieu de comprendre & respondre à l'ordre des bonnes leçons, qu'on luy voudra dō-ner: au contraire, sentant & recognoissant son courage & sa vigueur, il employera d'ordinaire ses forces plus viues à se defendre: & le Caualerice neluy pouuant, ny deuant pardonner ses fautes rebelles & malicieuses, mettra la pluspart du temps, & de ses peines, à cōbattre les bizarres fantaisies de ce cheual mal né, qui ne se rendra le plus souuent, que par la longueur du temps, & mesmes iusques à ce qu'il se sente accablé par le trauail excessif, & les chastimens rigoureux & perseuerer: & l'ayant vaincu, il y va encores vne autre lōgueur de temps pour l'adoucir, l'asseurer, & luy laisser restaurer les forces & le courage: & apres faut encor' commencer à le reigler aux leçons plus estroites, qui peut estre se trouueront tant contraires, à son naturel desobeyssant, qu'il n'y voudra consentir que par la rigueur des chastimens plus vio-lens: de sorte qu'il faudra façonner vn manège du tout contraint, & par consequēt confus & incertain, principalement à cause de la continuē apprehension, que le che-u-al aura des maux receus, pour ne vouloir ou ne pouuoir facilement faire, ce qu'on recherchera en luy, contre son inclination. Toutesfois il s'en dresse beaucoup par des moyens, qui les contraignent rigoureusement à la iuste obeyssance de l'ecole: mais ils ne peuuent estre bien facilitez & confirmez en leurs maneges, que par vne longue habitude, & iusques à ce qu'à mesure que les chastimens auront esté retran-chez, ils en ayent aussi perdu la trop grande apprehension: & par maxime, pour si bien qu'on voye aucunes fois manier le cheual de telle nature, s'il n'a perdu le trop grand soupçon des apres chastimens, il ne continuera pas long temps la mesure, ny la iustesse d'un beau manège, & encores moins si l'air en est releué. S'il plaist à

Dieu, ie traicteray encor' des moyens de l'art plus violens, & qui par leur rigueur sont propres à plier & contraindre sans desordre, le cheual en plusieurs actions d'obeyssance & de iustesse, quoy que son inclination y contrarie: mais ces moyens doiuent estre effectuez & conduits par vn bon iugement, comme l'on pourra voir au discours, que i'espere ioindre en ces preceptes: & ce qui est cause que ie n'en veux encor' escrire, est, qu'il ne se trouue que trop d'hômes de cheual, disposez à la rigueur, & bien peu, qui soyent assez patiens & industrieux, pour pratiquer proprement les bonnes reigles, & plus iustes proportions de cest art.

Si le cheual est vieux, mal dressé, ou du tout ignorant de l'ordre de nos escoles, & qu'on vueille commencer à le façonner à quelque manège d'obeyssance estroitement obseruee, il semblera à plusieurs qu'il verra exercer, qu'on fera tort à sa vieillesse, le recherchant & le voulant contraindre en des choses, à quoy il ne doit plus estre propre, puis qu'en sa ieunesse ou en son aage plus vigoureux, elles ne luy ont esté apprinses & accoustumees: & à la verité, ce iugement procedera d'une grande apparence: Car outre que d'ordinaire le vieux cheual n'a plus le courage si allegre, ny la disposition si nerveuse, qu'il peut auoir autrefois eu, quand il se despice de quelque importunité, il faut que le Cavalier, par vne industrie accompagnée de grande patience, cherche plus de moyens diuers, & propres à l'appaiser & assurer, & qu'il y employe autant de temps, que s'il auoit à faire à vn ieune cheual: & qui pis est s'il est vieux, courageux & d'humeur colere, il n'vfera pas de si folles bourades qu'on void souuent faire aux ieunes: mais il oubliera moins les desplaisirs qu'on luy aura faits, & gardera tousiours quelque vindiète ou moyen de se defendre, ou du tout se perdra comme confus & auili, selon l'humeur qui le possedera. Si est-ce que outre tout cela, i'entreprendrois avec plus d'assurance, de dresser vn vieux cheual sain, vigoureux de bonne nature, & qui n'eust point de vice enuieilly & irremediable, qu'un ieune naturellemēt desobeissant & malicieux, bié qu'il fust assez disposé & vigoureux. I'en ay adressé quelques vns en mon temps, qui ont bien manité de beaux airs releuez & differens, qui auoyent pour le moins dix ans, n'ayant encor fait courbette, grouppe ny fault, & entre autres vn qui estoit de l'escuyrie de Monseigneur le Connestable d'apresent. Ce cheual auoit esté peu auparauant amené de barbarie: son poil estoit gris argentin, auoit pour le moins quinze ans, & encor pis estoit à demi foulé des quatre iambes, fort apprehensif, mesmement du feu & du bruit des harquebusades, & ne se pouuoit estendre ny resoudre à la determinatiō de la course, tant pour n'y auoir le naturel disposé, que pour la douleur & meffiance des iambes de deuant, mal seines: vray est, qu'il auoit assez de force, & de son humeur estoit sanguin melancolique, qui est vn temperament desirable, pour la facilité de tous les plus beaux & iustes exercices de cest art, quoy que ce fust, ie n'en faisois point d'estat, mesmement à cause que pour vn barbe, il n'estoit point viste à la course: mais parce que ie luy vis faire vn iour quelque action racolte & nerveuse, il me sembla, quoy que nature ne luy permist de resoudre sa vigueur en courant, que neantmoins il en deuoit auoir assez, pour fournir à quelque exercice plus vny, & releué, à quoy il me sembloit que ie l'eusse peu rendre bien allant, s'il eust esté plus sain & moins vieux: ce que ne pouuant estre, i'en portois quelque regret, qui m'amena la consideration que ce cheual n'estoit assez beau pour la housse, suffisamment fort pour le combat, ny déterminé pour la bague, & ne seruoit que de nombre en l'escuirie: mais que tel qu'il estoit ayant recogneu son temperament & sa force, ie deuois essayer en luy les effects de quelques leçons, que i'auois conceues peu de iours auparauant: de sorte que ie me mis après, pour le disposer aux proportions d'icelles, continuant de l'exercer le plus industrieusement que ie pouuois: il me donna beaucoup de peine

durant vn mois, parce qu'il estoit terragnol, & aucunes fois impatient, & m'occasionna contremoy vouloir de luy faire en diuerfes fois, trois chastimens fort aspres & rigoureux, quoy que sur toutes choses ils se doiuent euitier en voulant dresser vn vieux cheual: parce que s'il s'auiust, il est fort mal aysé de le remettre en courage: & s'il se remet la vigueur ne luy dure, que tant qu'on ne le cherche plus aux exercices difficiles: car apres, la moindre contrainte l'estonne. La troisieme de ces esquiauines fut si longue & si violente, à cause de son obstination extraordinaire, que Monseigneur le Conestable qui estoit present, ensemble tous ceux qui la veirent donner, pensoyent qu'il en deult mourir: & ce qui rendit son tourment plus aspre fut, que le chastiment se fit sans partir de la place, où il s'estoit opiniastré, & de laquelle il estoit voulu partir plusieurs fois licentieusement, pour fuir l'obeyssance de l'escole. En fin, il s'efforça à faire ce que par caprice, il auoit refusé avec extreme opiniastré, quoy qu'auparauant il eust appris à le bien faire: lors le sentant vaincu, ie mis pied à terre, & l'ayant fait promener longuement, ie le renuoyé en l'escuierie: c'estoit en la saison de l'hyuer, & environ quatre heures du soir: ie pense que ceste nuit Môdit Seigneur, & Madame la Conestable, enuoyerét voir vingt fois, si le cheual estoit mort, ou malade, ne pouuant croire qu'il deult eschapper, des accidens, qu'il leur sembloit que ce grand effort luy deuot amener: le lendemain au matin, ils trouuerent encores plus estrange, voyant de la fenestre de leur chambre, qu'un page estoit dessus ce cheual, & qu'il me l'amenoit au lieu où l'auois accoustumé de trauailler: Là où aussi tost qu'il fut arriué, ie montay dessus, curieux de recognoistre seulement la memoire & apprehension qu'il pouuoit auoir des maux, qu'il s'estoit fait faire le soir auparauant: & à dessein, le menay paisiblement en la mesme place, où il les auoit soufferts, en laquelle (quoy qu'il fut extremement harassé) il se mit soudain en posture aduertie, & r'acote, tremblant comme si les tranches l'eussent tenu en extreme douleur, & en fièvre, & lors que ie le voulois flatter & appaiser allant doucement au pas, il se vouloit mettre à tous les coups à l'air, & au manège auquel il n'auoit nullement voulu respondre le soir deuant, iusques à l'extremité de la cōtrainte que ie viens de raconter. Et au lieu que ie le pésois trouuer foible, ou auily, la crainte qu'il auoit faisi en la place recogneuë, où il estoit, & la memoire d'y auoir esté vaincu, en sa defense tant opiniastrée, luy faisoit faire vn tel effort à nature, que le sentant ainsi disposé, ie l'aduertis vn peu, luy presentât le manège qu'il auoit si fort reietté, à quoy soudain il consentit fournissant si legerement, & avec tant de vigueur & de iustesse, que ie fus esmerueillé de ceste grande franchise: qui fut cause, que ie descédis soudain, & le fis promener & caresser environ vne heure sur la mesme place si bié recogneuë, qu'il n'en approcha plus exempt de crainte, & sans se mettre en alarme: ie fus huit iours apres sans monter dessus, durant lesquels ie le fis bien traiter, & depuis il ne me fit de fordre en ses leçons, qu'il ne fust réparé en vne ou deux caualcades: & en deux mois & demy, il fut si bien dressé, que ie suis asseuré qu'il n'y auoit cheual en France, qui maniaist à groupades plus nettement, n'y avec plus de grace & de iustesse, que faisoit celui-là, tant sur les voltes, que par le droit. Ie scay que s'il n'eust eu l'inclination assez bonne & facile, & qu'il eust esté despourueu des forces & vigueur, que ie luy auois descouuertes, il n'eust fallu beaucoup plus de temps à le dresser & peut estre, n'eust iamais fourny vn manège si égal & releué: & si de son temperament, il eust esté fort colere aduste, ou flegmatique, ce grand chastiment l'eust facilement desesperé, rebuté ou auily. Par toutes ces raisons on peut iuger que le téps pour dresser vn cheual, ne se doit ny ne se peut limiter, que par la capacité du naturel, des forces & de la legeresse, que le bon Caualerice y recognoist.

Le discours que i'ay fait de ce vieux cheual, n'a pas esté en intention de représen-



ter quelque chose merueilleuse; mais seulement à dessein, pour faciliter l'explicatio des reigles, & l'ordre qu'il faut obseruer en semblables occasions, & mesmes afin de faire mieux comprendre au Lecteur, les particularitez plus notables. Assauoir que si en exerçant vn cheual de quelque aage qu'il soit, on recognoist que de sa nature ou par accident, il ne soit nullement propre pour reussir à la legeresse, & gaillardise des airs raccourcis & releuez: sans le rechercher d'auantage on le doit dresser à quelque manège, duquel la proportion assez spacieuse, & neantmoins limitée, luy donne moyen de pouuoir distribuer librement sa vigueur, autrement le temps & la peine qu'on y employera n'apportera que du desplaisir. Car en fin, il n'y a forte d'artifice qui puisse rien, là où il ne trouue sujet, ny matiere propre à ses bons effects.

Qv e si nature d'elle mesme, ou pour quelque euenement estrange, empesche le cheual fort nerveux, de distribuer franchement ses forces, à la resolution de la course, & à la diligence & facilité necessaire au manège de guerre, & du combat de main, il vaudra mieux changer de dessein, & regler ce cheual à quelque exercice qu'il puisse fournir, par le consentement & l'aide de nature, sans desassembler, ny mesmes du tout desnoier ses forces & disposition. N'ayant toutes ces considerations, tout ce qu'on pensera auoir bien finy par vn grand & long traual, ne durera d'ordinaire que iulques à ce que le cheual aye eu le temps, & le séjour suffisant de reprédre sa vigueur naturelle, pour se pouuoir de nouveau opposer, à ce qu'on le voudra cōtraindre outre son inclination.

E t quand le cheual refuse malicieusement tout à fait, ce qui luy a esté bien appris, & qu'il a souuent pratiqué, s'il perseuer en sa desobeissance, il le faut vaincre par tous les moyens plus propres qu'on pourra choisir, soyent ils doux ou seueres, selon la reigle generale: ce que i'approuue avec les plus grands personnages de cest art, qui ont esté deuant nous, & ceux qui sont à present: toutesfois en cecy, il y a des exceptions fort notables. Car quoy que l'on face, on doit tousiours bien considerer le temperament naturel, & les mutations que le cheual fera, durant le tourment & les douleurs qu'il receura: parce que s'il est colere & fort sensible, étant longuement contrainct & battu, il entrera facilement en confusion fougouze, oubliant ou refusant toute obeyssance, & lors les chastimens rigoureux le mettront en plus grand desesperoir: & s'il est flegmatique ou autrement temperé, & qu'estant timidé par vn grand & long chastiment, il s'estonne trop, la rudesse perseueeree l'auilira du tout: c'est pourquoy en donnant vn grand chastiment, le bon Caualerice doit auoir tousiours l'esprit tendu, à bien recognoistre à quoy le cheual se dispose, durant le tourment merité, afin de continuer, augmenter, diminuer, (ou à la necessité) du tout cesser la rigueur, selon qu'il iugera les diuers mouuemens, qui se feront en la nature & au courage de son cheual: car comme i'ay dit cy deuant, les chastimens ne luy peuuent estre viles, si ce n'est entât qu'il se trouue capable de les comprédre & d'y ceder, & respōdre avec vigueur ou volonté.

O n peut aussi apprendre en ce mesme discours, qu'apres auoir chastié par vne grāde & longue esquiuiue, le cheual obstiné en quelque desobeissance, il est bō le lendemain, ou deux iours apres de remōter dessus s'il est possible, seulement pour recognoistre paisiblement les effects du chastiment, afin que selon qu'on aura senty le cheual disposé, on premedite apres avec plus de considerations, de loisir, & plus seurement, l'ordre & les moyens qu'il faudra tenir en l'exerçant.



# DIVERS PRECEPTES PARTICVLIERS.

## CHAPITRE XXXVI.



EST beaucoup de sçauoir bien desgourdir, faciliter & resoudre le cheual, tant sur les voltes que par le droit, l'asseurer & allegier au parer, & de pratiquer proprement les plus belles reigles de tous les airs & maneges, des meilleures escolles: mais outre cela, il faut necessairement que le bon Cauaierice soit curieux, d'euitier beaucoup de choses, qui peuuent troubler les esprits, & sur tout, la memoire de cest animal, qui en a fort peu, principalement en l'exercice des leçons, plus iustement obseruees, autrement il trauuillera maintesfois en vain: & souuent ces occasions naistront de l'offense de la bride trop rude, ou mal ordonnee, ou de la ferrure trop contrainte, ou de la dureté du terroir, si les pieds sont foibles & douloureux, ou (si le cheual est fort sensible) de quelque importunité qu'il s'etira de la selle, mal faite & mal fournie, ou du harnois neuf ou mal agence, mesmement autour des oreilles, & dessous la queue, ou de quelque boucle ou ardillon, ou des esperons trop grâds, trop pointus, & non accoustumez: c'est pourquoy la bardelle a esté inuentee, & que nous ne voulôs voir croupiere, ny poitral en nos escolles ordinaires, aussi que nous vîons communément d'esperons qui ne piquent pas beaucoup. Car c'est vne maxime, que le cheual non plus que l'homme, ne peut que fort difficilement arrester sa memoire en quelque chose reiglee, tant qu'il est persecuté de quelque douleur extraordinaire, & mesmes tant plus qu'elle est violente.

TOUT ainsi que la douleur, & l'importunité de la bride trop rude, peut empêcher le cheual d'aymer l'escole, quand au contraire l'emboucheur luy dōne beaucoup de plaisir, il s'y peut tellement arrester, qu'il en comprend moins la nouuelle leçon qu'on luy donne, & mesmes il s'en voit, qui estants en furie & inquietude, font des mouuemens & des gestes, avec la teste & la bouche, en maschant leurs emboucheures mouuantes & saououreuses, qu'il semble proprement, qu'ils les doiuent aualer: & de là leur vient aucunesfois le vice de boire leurs mords: pour les prendre avec les grosses dents. En tel cas l'on se doit preualoir du simple canon, & mesmes il est bon aucunesfois d'oster la Siciliane, quand le cheual est leger à la main, qu'il a la langue fort sensible & mouuante, & le cerueau mal arreté, remettant les effects des brides plus plaisantes au temps qu'il fera dressé assuré & adiuaté.

Si le cheual est battu furieusement, & long temps par le palefrenier, ou quelque

autre estant à l'estable, il peut entrer en telle apprehension & desplaisir des coups, receus mal à propos, que pour si bien qu'il aye esté adiufté à quelque manege, il se trouuera si confus & desbauché, qu'il faudra aucunes fois, huiet ou dix caualcades de patience pour le remettre: c'est pourquoy les valets, se doiuent bié garder de battre trop rigoureusement le cheual de manege, si ce n'est pour quelque occasion qui, apporte vne grande necessité.

VNE grande peur peut aussi tant troubler la memoire, & le courage du cheual apprehensif, qu'il en dubliera pour quelque temps l'ordre de ses plus iustes leçons, en quoy le Caualerice doit auoir beaucoup de considerations, & d'ingenieux moyens pour recognoistre d'où proceda la muration qu'il trouue en son cheual, & pour le rassurer & remettre en escole.

IL faut aussi considerer, que si le cheual est naturellement colere, fort sensible, & encores mal assure à son iuste manege, le travail estroit & continué en la plus chaude saison de l'esté, luy augmentera l'impatience & la fougue, principalement là où les mouches le tourmenteront: & les inquietudes luy faisant falsifier par plusieurs mouuemens diuers & desordonnez, ses leçons plus auancees, le Caualerice ne se pourra peut estre, empêcher de le battre rigoureusement: de façon que l'apprehension & la douleur des aspres chastimens, ioints aux incommoditez precedentes, le mettront ordinairement en telle action, qu'il sera presque impossible de luy faire goustier ou comprendre aucune iustesse bien obseruee, & fort facile de le rebuter, & particulièrement les cheuaux qui de nature, sont fort coleres adultes, estants exercez durant les plus grandes chaleurs, se trouuent souuent possedez par des mouuemens malicieux, vindicatifs & comme frenetiques.

POUR vn tesmoignage ordinaire, que les grandes chaleurs se rapportent au temperament du cheual fougoux & desobeyssant, on void d'ordinaire que presque aussi tost qu'il est recherché de quelque iustesse, qui luy desplaist, ou le contraind tant soit peu, il suë plus que s'il auoit galoppé vnelieu de long, & au contraire celuy qui est de bonne nature, ne s'eschauffe que seulement par le travail qu'on luy donne. Tellement que ie suis d'aduis, que les exercices plus contrainsts, auxquels la patience est plus requise, soyent referuez aux autres saisons plus temperées, & que durant les chaleurs plus vehementes, on se tienne à l'escole large, & plus facile, seulement pour conseruer l'halcine, & la commune obeyssance du cheual de manege.

LA fumee, les poussieres espaisées, & les grands vents, sont aussi cōtraires aux iustes reigles de cest exercice, à cause que donnants aux yeux, aux narines, & aux oreilles du cheual, il ne peut bien comprendre ny retenir la leçon de patience, & bien reiglee: & s'il est bizarre & despitueux, au lieu de consentir aux mouuemens du cheualier, estant ainsi importuné, il s'opposera & s'obstinera d'auantage.

IVSQUES à ce que le cheual soit pour le moins, aucunement assure aux leçons des iustesses qui luy auront esté, ou seront plus difficiles à comprendre, il se faudra departir pour l'exercer en icelles, des grands chemins auxquels, il puisse voir passer & repasser d'autres animaux & des charrettes: euitant aussi les lieux, qui l'estonneront trop, & les bruiets & obieets extraordinaires, qui luy pourroient arrester la veüe ou le courage, en quelque endroit particulier, soit craignant la chose remarquee, ou desirant s'en approcher, mesmes là où il voye ou sente des iumets, ou autres cheuaux



desquels il soit amoureux ou ennemy : car toutes ces choses sont bien fort contraires aux plus iustes escoles.

Si le cheual a tant de mouuemens & d'inquietudes, que durant qu'on le recherche en ses iustes leçons, il s'amuse confusément à diuerfes choses qu'il voit, qu'il oit, ou qu'il côçoit, & que les lieux limitez & enfermez, l'auilissent ou l'estônent trop, il fera bon del'exercer souuēt la nuit, pourueu que le temps soit calme, & en lieu qu'il ne voye autour de soy, aucune ombre particuliere, ny piste ou apparée de chemin, ny de maison, estable, porte, ou passage, qu'il reconnoisse pour faire la retraicte, ny cheual ou autre bestial, & mesmes qu'il les puisse entendre ny sentir : & par ce moyen on luy pourra aucunes fois arrester la memoire : & d'autant que lors que le cheual est eschauffé, & en fueur, les rayons de la Lune, sont bien fort dommageables à sa santé, il le faudra promener apres l'exercice en quelque lieu couuert, & hors du serain : & soit qu'on l'exerce de nuit, ou de iour, en le ramenant au logis, il faudra tenir vn autre chemin, que celuy par lequel on l'aura conduit au lieu del'exercice, & de la leçon : afin qu'il ne s'accoustume à tenir son courage rendu avec son action du costé qu'il pensera auoir recogneu pour retourner à l'estable.

En telles occasions, on peut aucunes fois tirer quelque vtilité des lunettes, en les mettant au cheual soudain qu'il aura finy vne bonne leçon estroite, non pas tât afin qu'il ne reconnoisse le chemin du logis, que pour empescher (au moins durant vne heure, apres qu'il aura esté exercé) qu'il ne voye quelque obiect, auquel il puisse, tant occuper sa veüe & ses esprits, qu'il en oublie l'ordre de son iuste exercice : mais de luy boucher ordinairement les yeux, pour le mener à l'escole, ie n'approuue pas ceste habitude, d'autant que tant s'en faut, qu'elle serue à bien disposer le cheual aux bones reigles, que c'est plustost vn moyen pour le rendre impatient & sauuage, principalement si de son naturel, il est fougoux ou vicieux : & qu'il soit ainsi, il y a aucuns hommes accorts, qui font profession d'achepter & vendre des cheuaux, qui pour les faire paroistre plus deliberez & furieux, que n'est leur coustume, les tiennent ordinairement seuls, & dedans des estables fort obscures : afin que les sortant tout à coup au large, & à la clarté, la plupart des choses qu'ils verront mesmement d'autres cheuaux, les mettent en quelque action esueillée & extraordinaire. Or les lunettes font les mesmes effets : car il n'ya cheual vigoureux, tant soit-il paisible, que si on l'a tenu quelque temps sans luy laisser voir l'air, & que luy desbouchant apres soudainement les yeux, il se trouue parmi d'autres cheuaux, ou en quelque part qu'il soit, il ne s'amuse aucunes fois plustost à ce qu'il verra diuersement, que à la iuste obeysance d'un manege bien obserué. Je diray d'auantage, qu'il est bon que le cheual d'escole desia bien auancé aux iustes proportions, & mesmes s'il est melancolique ou timide, voye manier d'autres cheuaux, qui aillent facilement de quelques airs gaillards, parce que aucunes fois cela l'esueillera, & l'incitera de faire plus gayement la leçon : & pour tirer de ce precepte vne preuue fort commune, l'on peut voir d'ordinaire que le cheual vigoureux, & frais de seiour, se presente de soy, desireux de partir de la main, ou de faire quelque autre mouuement leger & nerueux, oyant ou voyant pres de soy, courir ou sauter d'autres cheuaux. Je sçay que plusieurs diront qu'il est mal aysé de mener en main sans lunettes, vn cheual allegre, sans que la gaillardise luy face faire plusieurs desordres, par lesquels il aura souuent la bouche offenecce, ou qu'il blesse celui qui le tiendra, ou luy eschappe : aussi ne suis-je pas, d'auis qu'on meine en main le cheual de manege, qui de son humeur est folastre ou querelleux, au contraire, ie veux qu'on y face monter vn page, ou autre qui le conduise sagement sans le rechercher en façon quelconque, & qu'il le sache retenir ou chaf-

ser, si d'aüenture il veut faire quelque trait licentieux : toutes fois n'ayant point ces commoditez, & pour eüiter le plus grand de ces desordres, encores vaudrail mieux le mener main, avec les lunettes que sans icelles : en fin, ie les remets en mon usage, pour faire tenir les cheuaux fascheux deuant vne porte, attendant le maistre, ou pour les mener à la forge, & durât le temps qu'on les ferte, afin de diuertir plusieurs euenemens preiudiciables, aufquels vn laquais ny vn palefrenier ne sçauront bien remedier : mais il y a long temps que i'ay banni les lunettes de mon escole, & ne m'en fers que par contrainte.

Si quelqu'un s'esmerueille, de ce que ie veux qu'on obserue tousiours, tant de considerations, en exerçant les cheuaux irresolus, ou mal nez à l'obeissance des iustes maneges, ie l'aduise, que la permission d'un seul desordre de demi-quart d'heure suffit, aucunes fois, pour reculer les bonnes leçons, de tels cheuaux, autant ou plus qu'on les aura peu aduancer en deux ans, avec beaucoup de soin & de peine. C'est pourquoy (en cest exercice) il est si mal-aisé de patienter, les desordres, que font les escoliers, desquels les esprits ne peuuent comprendre, que ce qui se faict de plus commun & moins parfait.

#### DIFFINITION DES REIGLES ET

*leçons precedentes.*

#### CHAPITRE XXXVII.



Si ie voulois continuer d'escrire les defences que le cheual desobeissant & malicieux, fait ordinairement, ne voulant ceder à la volôté du cheualier : & particulierement en combien d'actions, il peut negliger ou falsifier l'air & l'ordre des plus iustes leçons : ensemble les moyens par lesquels estant à l'escole, on le peut diuertir des mouuemens diuers, qui se font en son temperament, mesmes s'il est de nature bizarre : & les moyens de l'attirer à l'obeyssece, soit par la douceur & le réps, ou pour le contraindre par les remedes & chastimens rigoureux, le discours en seroit infiny. Il suffira donc pour ceste fois, que i'aye expliqué les reigles principales, en la pratique desquelles, ie suis asseuré, que le Caualerice sçauant, & inuentif en son art, trouuera beaucoup d'autres belles proportions qui en dependent : mais aussi si la faute de iugement & d'experience, par les mesmes reigles, il pourra confusément rebuter plusieurs cheuaux de differens naturels : car il en trouuera, qui au lieu de bien respondre à l'ordre limité des leçons plus estroites & plus iustes, au contraire se feront entiers, sauiliront ou entreront en extreme fougue, & quelques fois en desespoir : d'autres qui au lieu de dispenser vigoureusement, & librement leurs forces & courage, en quelque proportion plus spacieuse, & neantmoins obseruee, s'abandonneront sur l'appuy de la main, s'essargiront trop, ou comment que ce soit, desvnront tellement leurs forces, que l'exercice en sera inutile & desordonné, à faute d'auoir esté bien desgourdis & facilitez, auant qu'estre mis en la subiection des iustesses plus retenues, ou parauenture, par ce que le Caualerice aura mal choisi les reigles propres aux complexions, & inclinations de tels cheuaux : & communément il aduendra qu'un seul cheual fera durant ses escoles, toutes les susdites defèces, & faulsetez, par plusieurs mutations variables, si le bon Caualerice ny pouruoit sagement, premier qu'il y soit disposé : vstant en ce seul cheual diuersement, & selon les necessitez des aydes, chastimens & reigles diffentes, que i'ay cy deuant appropriées

à plusieurs cheuaux de differens naturels, r'apportant toutesfois en ce cheual, particulier, comme en tous les autres, le trauail de l'escole à la capacité de ses forces, tant de l'esquine & des membres, que de l'haleine & du courage. C'est en quoy l'homme de cheual doit iuger, qu'il ne se peut bonnement preualoir des bons effets de pas vne des susdites & plus iustes leçons, sans auoir bien pratiqué toutes les autres, & en general qu'elles ne luy peuuent non plus bien reüssir, si ce n'est en tât qu'il y sçait, & selô qu'il y peut disposer le naturel, & les forces du cheual: & encores toutes ces choses ne suffirôt pas à la perfectiô des plus belles reigles, si celuy qui en vsera n'al'esprit curieux & patient, & si tous ces mouuemens ne sont si subtils, & temperez que par leur fermeté & diligence, toutes les proportions desdites reigles, soyent iustement & délicatement obseruees en leurs temps & lieux propres & necessaires. Combien voit-on de cheualiers, ayans le iugemêt fort bon & beaucoup de sçauoir en cest art, qui neantmoins estans à cheual, leurs deportemens sont negligens ou precipitez: & d'autres, qui ont avec la docte experience, lassiete belle, & qui prennent & accompagnent les temps ordinaires de tous les airs & maneges, par des aydes esgalles, ayées & bien mesurees qui pour tout cela n'ont iamais peu trouuer proprement la facilité de bien ioindre leur action generale à celle du cheual, quand il manie de quelque bon air: & sans ceste partie que ie ne puis bien expliquer, les plus belles proportions ne peuuent estre assez iustemêt, & nettement obseruees: d'autres que premier qu'auoir esté bien esbauchez & desnoiez en la pratique de la premiere escole large & plus commune, ont fort bien aprins les temps de tous les airs, & des plus iustes aydes & chastimens des plus excellens maneges, ie dis si bien, que pour quelques caualcades, ils feront aucunes fois mieux aller les cheuaux dressez que ne sçauront faire les maistres mesmes, qui les ont continuellemêt exercez: mais aussi les rebuterôt ils souuent continuant à les manier: à cause que n'estans vstiez, que seulement aux iustesses plus estroictement gardees, ils contraindront les cheuaux, par tant de subiection & de seuerité, que bien tost ils en seront auilis, confus ou tellement irritez, que ceste escole si subiecte leur semblera vn supplice ou pour le moindre desordre qui en naistra, ce sera la dureté de la bouche, ou la pesanteur de l'appuy d'icelle: Surquoy, ie veux notamment aduertir celuy, qui pensera estre suffisamment fondé pour bien pratiquer les reigles & leçons, qui sont en ce second Liure, que si en exerçant, & sur tout en voulant affiner le cheual, à quelque iuste manege, il ne luy augmente ou pour le moins ne luy conserue la legeresse & facilité de la bouche, & la franchise du courage, il se pourra asseurer qu'il y aura encores quelque defaut en sa capacité: & si par le discours & les figures de ce Liure, il semble à d'aucuns, que l'escole en doiue estre trop longue, ie les aduise que veritablement, il est necessaire que l'homme, bien qu'il soit indultueux, aye long temps vaqué à la poursuyte de cest art, & tellement trauaillé: que les cordes du caueßon luy ayent fait naistre maintesfois, les cals & les empoules aux mains, premier qu'estre bien paruenü à la vraye pratique de ceste escole: mais apres il aura moyen par les bons effets d'icelle, de reduire si facilement, & en si peu de temps le cheual à l'obeyssance & perfection, qu'il se pourra tirer du naturel & des forces d'iceluy, que si outre le sçauoir, la diligence & la iustesse du Cavalierice, il n'est suffisamment pourueu de bon iugement & de patience, il sera plus à craindre (pour beaucoup de raisons) qu'il aye dressez ses cheuaux trop tost que trop tard: en fin toutes les bonnes reigles, qui paroistront estranges à ceux qui en seront ignorans, ne sont inuentees que pour faciliter l'obeyssance, & le iuste manege au cheual, qui n'y a point d'inclination: car quand il consent librement à la iustesse, on n'a que faire de tant d'artifice, si ce n'est pour abbreger le temps & la peine, ou afin qu'il oublie moins ce qu'on luy monstre.



AVTRESFOIS pour faire voir à quelques miens amis, l'excellence des susdites reigles, j'ay expressément entrepris aucuns cheuaux de diuerses nations & téperamens, qui auoient desia la teste passablement ferme, partoyent rondement de la main, paroyent assez facilement, & qui tournoyent librement d'un & d'autre costé, au trot & au galop: mais qui n'auoyent iamais haussé le deuant, ausquels j'ay fait iustement redoubler à chasque main des bonnes voltes releues de differens airs: & à la fin d'icelles soustenir par le droit leurs mesures & battues égales, tât que leurs forcés pouuoÿt fournir: les vns en deux mois, les autres en vn, d'aucuns en quinze ou vingt caualcades, & ne diray pas seulement que la pluspart fussent cheuaux d'Espaigne, Turcs ou Barbes, communément mal nez à tels exercices: mais il y a eu en ce nombre des iumets, qui sont d'ordinaire beaucoup plus mal-aysez à dresser que les cheuaux, non pas à la determinatiô de la course: car la vistesse & la fuite est propre à leur temperament, qui se trouue generalement accompagné de timidité & l'apprehension, ny au manege terre à terre: d'autant que l'exercice bas & ferré se r'apporte, aussi à ce naturel apprehensif & craintif: mais pour bien reussir aux airs releuez & également soustenus, il s'en trouue rarement, qui ayent le courage capable, ny la ceruelle assez solide principalement sur les voltes redoublées. Or apres auoir ainsi reduit en si peu de terme ces cheuaux ou iuments, au susdit estat de legeresse, d'obeyssance & de iustesse, ie les remettois aux premieres reigles, tant pour euitier les accidens, qui pouuoient facilement naistre de la brieueté du styl, par lequel ie les auois exercez, que pour mieux fonder & refondre leurs airs & maneges, sur vn bon ordre de leçons conprinſes & retenës par le temps neccessaire: j'ay voulu dire cecy, afin que le Cavalierice remarque, & se souuienne qu'il n'est rien de plus requis en la perfectiô de cest art, que de cognoistre & se sçauoir preualoir du temps, auquel le cheual est disposé à l'obeyssance: & que tout ce qu'il luy sçauroit apprendre de plus beau, en hastât trop l'ordre de ses reigles (quoy qu'elles soyent bonnes, & qu'en icelles, il garde curieusement & proprement toutes les plus iustes proportions) se cōuertira plusieurs fois en diuerses mutations estranges & desordonnees: & que l'obeyssance qui desplaist moins au cheual noble & courageux, & celle qu'il peut rendre plus long temps, doit naistre de la franchise à laquelle il aura esté gaigné, & accoustumé peu à peu, par la suyte des leçons attendues & bien pratiquées, selon les reigles cy deuant expliquées & figurees, & tant plus quand l'exercice se r'apporte à son inclination.





## DISCOVRS PARTICVLIER:

## CHAPITRE XXXIX.



OMMUNEMENT les Caualerices paresseux, ou desia harassés par le long travail continué, ioinct à la quantité des ans, veulent qu'on croye que les leçons qu'ils font donner au cheual, par vn bon escolier, seruient autant comme s'ils l'exerçoient eux-mesmes: allegans pour raison, que le maistre estant à pied, void mieux les fautes que le cheual fait en tous ses mouuemens que s'il estoit dessus: ceste excuse est accompagnée de quelque apparence. Toutesfois, si faut-il confesser que

par la veüe on ne peut si bien iuger l'intention bonne ou mauuaise du cheual ny la durté, pesanteur ou facilité des espaules, du col & de la reste, ny l'appuy de la bouche, ny la force & debilité de l'esquaine, comme quand on le sent estant dessus: Pour tout cela, ie ne veux pas dire qu'un bon escolier ne puisse desgourdir, resoudre & bien esbaucher le cheual. Mais à la verité, il est necessaire que le maistre mesmes luy donne les plus iustes leçons, avec ordre & patience, à peine que si pour l'adiuster & affiner en son manège, il y fait monter quelque autre, pensant luy faire effectuer les proportions qu'il dira, ses paroles & gestes; & la plus part des deportemens, par lesquels il se voudra faire entendre, troubleront tellement la memoire du cheual, qu'il ne pourra retenir que le desplaisir qu'il en receura: & quoy que l'escolier qui l'exercera, soit beaucoup auancé en cest art, si est-ce que si par sa negligence ou pour quelque autre defaut, il fait crier & tourmenter son maistre, la leçon ne seruira qu'à luy seul: car en fin, la voix de l'homme estant furieuse & variable, & la parole rude, tient tousiours le cheual d'escole en soupçon d'auoir failly, ou d'estre recherché de quelque action extraordinaire & violente: & cependant qu'il est en ces mouuemens douteux il ne peut comprendre l'ordre du iuste exercice qu'on luy veut apprendre. Mais on trouue à present en France si peu de bons escoliers en cest art, que les maistres sont contraincts d'exercer eux-mesmes, la pluspart des cheuaux qu'ils veulent bien dresser: toutesfois ce n'est pas qu'on ne voye aux escuyries des grands, beaucoup de pages souuent occupez à monter à cheual, ny que nos François ayent communément faute d'inclinatio à cest exercice: i'ay desia dit ailleurs, que plustost cela procede de l'inconstance, qui ne leur permet de perseuerer en la chose qu'ils voudroyent sçauoir, iusques à ce que la pratique des bonnes leçons, & le temps necessaire, les ayt rendus capables de la perfection qu'il y peut auoir, laquelle ne s'acquiert que par la longue peine, accompagnée de la curiosité volontaire & passionnée. Et la cause particuliere de telle irresolution, est que ceste ieunesse se trouue cōposée d'enfans d'assez bonnes maisons, qui neantmoins tant qu'ils sont Pages, endurent beaucoup d'incommoditez & sont nourris, ou le doiuent estre, en grande crainte sous la discipline de leurs escuyers. Ayans apres laissé l'habit de la verge, la foudaine iouyssance de ceste premiere liberté, & ce nouueau tiltre de Monsieur, commence à leur donner vn tel sentiment de vanité, qu'il y va vn assez long espace de temps, premier que la violence de ce contentement soit temperée. Durant ce temps, la pluspart d'iceux sont diuersement tentez des passions de l'amour, du ieu, de la chasse, de la court, de l'oisiuete cazaniere, ou quelques particulieres desbauches & dissolutions, qui comme à l'enui font ce sèble, à qui premier les aura. Or quelque party de ceux-là, qu'ils gaigne,

ils le trouuent si naturel & si doux, & le goustent avec tant de soin & d'affectiō, qu'il ne faut plus faire estat, de leur pouuoir persuader autre occupatiō plus louable, & mesmes aucuns des plus grands Seigneurs, de tel aage tombent facilement en semblables licences estans paruenus au temps (qui ce leur semble) les exēpte des aspres reprimandes de leurs Gouverneurs, jagoit que ceux qui iouissent des plus grands biens & honneurs, doiuent estre tousiours accompaignez des plus nobles & genereux desirs.

COMBIEN ya-il de ieunes hommes, parmi la noblesse Françoisse, qui de leur naturel sont propres, pour atteindre à la cognoissance des plus belles sciences, ou du moins à plusieurs parties, qui les feroient honorer, en tous les lieux, où ils voudroient honnestement paroistre: lesquels neantmoins font ce tort à nature, d'employer & consommer leurs aages, en telles licences & voluptez, qu'il ne leur en reuient que le blasme, & en fin vn regret extreme. Je m'assure que quelque Gentil-hōme de nom plus que d'effet, dira effrontemēt surce propos, qu'il ne veut pas estre Docteur, Musicien, Escuyer, Escrimeur, Baladin, voltigeur, Peintre, Mathématicien, Ingenieur, ny autre tel qu'il vouldra nommer: Et d'autant qu'il sera presomptueux, ou ignorant, il se moquera de tous les plus beaux arts, propres au Gentil-homme bien né: ou s'il y a quelque commencement, dira qu'il en sçait assez pour son vſage, & qu'il a moyen de se passer de tout ce qu'il en pourroit apprendre d'auantage, comme si tant de belles qualitez n'estoient deuës qu'à ceux, qui ont faute de biens. Tels courages tiennēt peu de la generosité de tant d'hommes vertueux & excellens, que la France a cy deuant produits. Je demanderois volontiers à ceste multitude de gens, si peu amateurs des vertus, si quand on a veu aucuns de nos Roys, & plusieurs Princes & grāds Seigneurs, vaquer ordinairement à plusieurs beaux & honorables exercices, si c'estoit par necessité de biens, ou s'ils laissoient pour les affaires de l'estat, ny pour les plaisirs de l'amour, de la chasse, ou du jeu, de faire manier presque tous les iours des cheuaux gaillards & bien dressez, de faire quelque partie à courir la bague, ou de s'exercer armez ou autrement pour estre remarquez en faisant mieux, que beaucoup d'autres qui paroissoient aux tournois & combats, qui pour lors se pratiquoyent souuent à pied & à cheual, ny d'employer aucunes heures à la lecture de quelques bons liures, pour façonner leurs mœurs, & à la Musique, à la danſe, à la peinture, ou à quelque autre honneste & recreatiue occupation: c'estoyent leurs deportemens ordinaires, s'estudians d'auoir grace & dextérité, pour se rendre plus agreables à vn chacun, & neantmoins estimez & redoutez. Quelque autre qui ne sera pas moins d'espourueu de bon naturel, dira aussi, pensant s'excuser, qu'il n'est pas assez riche, pour pouuoir long temps continuer ceste façon de viure, qui n'appartient qu'à ceux qui ont beaucoup de reuenu, pour y fournir abondamment: sans doutel homme irresolu & negligent, est incapable d'honneur: veritablement si vne infinité de beaux esprits, qui de tout temps, se sont faits admirer par leurs genereuses curiositez, se fussent laissez vaincre à tant de difficultez, leur memoire ne seroit pas honoree & immortelle, comme elle est.

Nous voyons cōmunément, que ceux qui font les plus grandes despenſes, pour apprendre quelque honneste exercice, ne se rendent pas les plus sçauans, qui est vn certain tesmoignage, que les principaux moyens de paruenir à quelque perfection louable, doiuent naistre d'un courage desireux d'honneur merité, & qui perseuere en ce beau & genereux dessein.

Si l'on veut considerer les finances, que depuis trente ans en çà, la Noblesse Fran-



goise, à transporté en Italie, la plupart expressément pour s'exercer à cheual, l'on s'estonnera qu'il en soit reuenu, si peu d'excellens en cest art, & ie suis asseuré qu'aucuns de ceux qui se sont rendus plus experts, ont moins despensé que beaucoup d'autres, qui avec grands frais sont demeurez presque ignorans: & de franche memoire, ie puis dire auoir veu traualler le Sieur de Pleuvinel, en d'aussi bonnes escolles, qu'on eust sceu trouuer en tout le monde: mais tant s'en faut qu'il luy coustast de son bien, que s'il fust tombé en quelque necessité, ie scay que ses maistres ne luy eussent non plus espargné leurs moyens, que s'il eust esté leur propre parent: Son bon naturel avec le soing, la patience & la diligence qu'il mettoit à bien apprendre, le faisoient aymer & l'ont en fin rendu tel, qu'il est pres de nostre Roy.

IL ne faut nullement douter, que l'homme vertueux qui a quelque perfection particuliere, ne soit tres-aylé d'auoir des apprentifs si bons imitateurs, qu'ils decorét euidentement son sçauoir en diuers lieux: & aussi est-ce à la verité le plus precieux salaire, qu'il en pourroit receuoir: ie ne suis pas de ceux qui ont beaucoup apprins ayât esgard à l'extreme peine que j'ay eu toute ma vie, espris d'un perpetuel desir, de sçauoir quelque chose, qui me peult faire admettre en la compagnie & conuersation des personnes d'honneur: mais tel que ie suis, ie reputerois à vn grand heur, si au nombre de ceux, qui ont esté esleuez sous ma charge, il s'en fust rencontré de semblables en inclination, au Sieur de Mont-marin, Gentil-homme du pays de Bourbonnois, si bien né, qu'il ne s'est pas contenté d'auoir esté nourry sept ou huit ans page, à la grande eueuirie du Roy, faisant ordinairement plusieurs beaux exercices, & s'estre rendu vn des bons hommes de cheual, qui fust de son temps en l'escuyrie: mais desirieux d'apprendre d'auantage, & d'atteindre à ce, qu'il le faict honorer, il a voulu depuis expressément suyure presque toute l'Italie, recherchant continuellement les meilleures escolles de cest art, pour le moins dix ans. Encores plusieurs ieunes barbes diront, qu'à present on n'a plus le temps que la Noblesse souloit employer à toutes ces gentillesces, à faute d'occupation meilleure, & que les hommes courageux ont assez de quoy s'exercer avec plus d'honneur, au mestier de la guerre, ce sont des excuses mal fondees, sinon qu'on vueille croire que ceux, qui les alleguent soyét tous les iours attachez aux combats, & dedans le sang & le carnage, iusques aux coudes: mais on sçait assez que les gens de guerre passent en oisiveté, la plupart des heures du iour, qu'ils pourroyent neantmoins employer si leur naturel s'y adonnoit, à lire quelques gestes braues & memorables, & à plusieurs exercices de corps, qui les diuertiroient d'une infinité de pensees deshonestes, & desagrecables à Dieu, & par consequent les rendroyent non seulement plus gens de bien & plus sages: mais plus indultrieux & aduisez en leurs conceptions, & aux combats plus adroits, resolués & forts, qu'on ne les void communement.

A qui se void plus seant qu'à l'homme de guerre, la crainte des iugemens de Dieu, la franchise, la prudence, la pieté, & mesmes la grace & facilité en tous les exercices martiaux: n'est-ce pas proprement l'honneur, qui doit estre son principal but? Pourquoy donc deuroit-il si librement exposer sa vie, & patir tant de peines, n'estoit ce genereux desir de pouuoir mourir vertueusement, laissant de soy vne memoire honorable à la posterité, & particulierement à sa lignee? sont ce parties qu'il faille remettre aux personnes basses de cœur & d'extraction? si les vertus auoyét tousiours esté bannies des troupes militaires, à quelle fin, tant de braues & honestes esprits, se seroyent voulu preualoir du tiltre de soldat? seroit-ce pour exercer les vols, extorsions, assassins, & vne infinité de vilains actes, semblables à ceux que la plupart de nos guerriers font en ce temps au grand regret des bons chefs, qui toutesfois,

pour les tyranniques insolences, commises à leurs occasions, sentiront peut estre quoy qu'il tarde le iugement de Dieu, mesmes à faute d'auoir fait regner la iustice en leurs troupes.

IL ne faut pas croire que ce fust l'intention de la Noblesse, & autres hommes de bonnes maisons, qui de leur bon gré, ou par expres commandement paternel ont voulu rendre beaucoup de subiection portant les armes, ny de plusieurs qui les portent à present: mais plustost pour apprendre sous le deuoir du soldat, comme en vne escole de vertu, le respect & la fidelité que le bon subiect doit à son Prince naturel & souuerain, & l'affectiō au bien & repos de sa patrie, recherchant les hazards plus perilleux pour acquerir l'honneur, & pour le sçauoir conseruer, preferant par ce braue desir la prud'homie & bonne reputation à son propre sang, & à toutes les cōmoditez de ce monde: telles actions & desportemens dependent de ce qu'on souloit nommer discipline militaire.

L'AY tousiours admiré les personnes capables de telles resolutiōs, pour les auoir souuent recogneus, propres à bien reussir à tout ce qu'ils entreprennent, contre l'opinion de ceux, qui disent que l'homme ne se doit occuper qu'à vn art, pour y deuenir bon maistre. Non pas peut estre celuy, qui ayme plus le repos & la volupté, qu'il ne desire sçauoir bien faire beaucoup de choses loüables: mais quant à moy, ie tiens que la vigueur d'un naturel curieux accompagné d'un bon iugement, ne se limite pas ainsi, & que celuy qui se red excellent en quelque beau exercice, doit estre capable d'en bien faire pour le moins trois ou quatre, sans que l'un d'iceux empesche la perfection de l'autre, pourueu que l'escolier perseuere en ce desir, & que l'executiō, s'en ensuiue. Je diray plus que tant s'en faut que la pratique de plusieurs exercices difficiles, rendent confus le bon entendement, que c'est plustost vn moyen d'ayder à le resoudre & affiner d'auantage avec moins de contrainte: car quand l'esprit se lasse d'estre trop longuement tendu à vne chose malaysee, il peut se r'afraichir & reprendre sa force, en quelque autre subiect honneste auquel il se plaise, quoy que l'occupation en soit penible. De sorte que par ceste varieté, l'entendement est soulagé en s'exercant tousiours, & communément la perfection d'une chose en attire vne autre, si elle est desia acheminee, bien que les exercices en soyent aucunement differents: en quoy le contentement suruiet, qui arreste plus facilement les esprits, & qui engendre de nouueaux & plus hauts desirs, & partant le vice est chassé en euitant l'oisuēté. Toutes ces raisons sont assez apparentes en la façon de viure de ceux qui n'ont voulu occuper la subtilité de leurs bōs esprits qu'en vn seul art, & mesmes tant plus la pratique en est rare & belle. Qu'il soit ainsi, la pluspart deuiēnt quoy qu'ils tardent bizarres, paresseux, & trop subiects à leurs plaisirs desbordez, & cela ne procede sinon, de ce que d'ordinaire ils ont donné relasche à leurs esprits par l'oisuēté du corps: en laquelle le vice leur a presenté tant d'obiects & d'alechemens, pour arrester leurs volontez, qu'ils se sont rendus indignes de la vertu profanee & negligee, apres l'auoir acquise.

IE ne fais pas ces discours, me presumant de pouuoir persuader les esprits nonchalans à s'adonner aux plus honnestes exercices: car ie me sens trop foible de iugement, de doctrine, & de façon de parler: c'est seulement pour l'extreme desplaisir que ie recois depuis quelque temps, voyant si peu paroistre en ce Royaume, les hommes rares en plusieurs belles parties, acquises par grand labeur: ie sçay que les desordres de nos guerres Ciuiles, ont peu apporter quelque excuse: mais ceste cōsideratiō ne m'exempte pas du regret, avec lequel ie mourray, n'ayant peu faire en ma nation

pour beaucoup de ieunesse bié née, ce que ie me promettois en mes ans plus vigoureux, principalement pour ma ville natale. Mais au lieu de me reccueillir comme son enfant, apres vn soin extreme, accompagné d'une infinité de peines, que j'ay long temps souffert en diuers lieux, esperant luy en rapporter quelque vtilité & en receuoir au moins quelque honneur, elle m'a chassé par sa feuerité coustumiere, comme marastre avec plus de rigueur, que si i'eusse esté barbare, plein de tous vices. Cè n'est pas le seul fleau, par lequel il a plu à Dieu, me faire recognoistre mes pechez : mais c'est bien celuy, qui m'a apporté plus d'amertume.

PEUT estre qu'on pensera lisant cecy, que suyuant la coustume de ceux, qui font profession des arts bien seants aux grands, & autres personnes de qualité, qui portét les armes, ie vueille que celuy du Caualerice soit preferé à tous autres, ou que comme l'Orateur pauvre ou auare, qui presche pour la besasse, ie me plaigne tacitement ne m'estant peu enrichir de biens de fortune, en quoy l'on pourra mal iuger : car ie me suis assez curieusement meslé d'autres choses hautes, que de dresser des cheuaux : & si j'ay choisi cest art pour ma vacation ordinaire, c'est parce qu'il m'a semblé plus conuenable à mon humeur, que d'autres exercices honorables, auxquels ie n'ay pas moins employé le trauail du corps & de l'esprit. Et pour me defendre du blafme de l'auarice, ie suis asseuré qu'il se trouuera encores au temps où nous sommes vn bon nombre d'honnestes personnes, qui tesmoigneront qu'ayant recherché de participer à l'acquisition que j'ay faite par mes trauaux, ils m'ont trouué disposé à les contenter, sans en pretendre ny esperer autre recompense, qu'une franche amitié, comme volontairement aussi, ie donne ce mien petit labeur, tel qu'il est, à ceux qui s'en voudrôt preualoir : & s'il demeure quelque temps sans honneur, à cause de nos troubles, qui desbauchent la pluspart des plus beaux esprits, au moins i'espere qu'à l'aduenir, il pourra estre recherché de tels, qui estans bien nez, tiendront quelque compte de ma liberalité, quoy qu'elle soit de peu de merite.

Rr iij







D'OV PROCEDE QV'A  
PRESENT ON VOID SI PEV DE  
BONS CHEVAVX, ET DES IVGEMENS DIVERS,  
qu'aucuns font de la suffisance des Caualerices.

CHAPITRE XL.



En n'est pas sans cause, si depuis enuiron vingtrans en ça, les François se plaignent de ne voir plus la quantité de beaux & bons chevaux, qu'on souloit auparauant recouurer à pris raisonnable: car la France n'en est pas seulement necessiteuse: mais presque la plus grande partie de la Chrestienté ressent ceste incommodité, laquelle se recognoist principalement en la ville de Naples, où l'on a veu autresfois en vn Carnauai, cent chevaux gaillards, allans excellentemēt bien de tous les plus beaux airs, qui se peuuent exercer, & pour le moins mil autres courriers, & genets, des plus parfaits en beauté & bonté, qu'on eust sceu desirer pour la guerre: & maintenant c'est beaucoup, d'y voir six chevaux, qui aillēt bien, quoy qu'il y ait des escoles bien reiglees. Cela vient premierement du nombre incroyable de Caualerie, qui s'est ruinee & dissipee aux guerres ciuiles de France, & de Flandres: secondement de l'auarice des Napolitains, qui du temps que les chevaux estoient bons, & à bon marché parmy eux, ont fait abastardir leurs haras, les aimās mieux peupler de mulēts, à cause que pour lors, ils en retiroient plus de profit. En mesme temps beaucoup de Noblesse Françoisē, a esté en Italie, pour s'exercer à cheual, chacun d'eux faisant dessein de retourner en leurs pays, bons hōmes de cheual, ou pour le moins bien montez, en quoy ils ont esté communément trompez, tant parce qu'en si peu de temps, qu'ils auoient premedité, l'on ne deuient pas bon Caualerice, que pour le peu de bons chevaux, qu'ils y ont trouuē en vente. Toutesfois, ceux qui ont eu necessairement affaire de grands chevaux pour la guerre, pour querelles particulieres, ou pour monstrier au retour de leur voyage, ce qu'ils auoient apprins à cheual, ont en cela si peu espargné l'argent, que d'une vieille rosse, qui faisoit encores quelques courbettes ou voltes à pieces rapportees, ou ie ne sçay comment ayrees, ils en ont aucunesfois payé sept ou huit cent ducats. Tellement que ceux qui auoient desia fait abastardir leurs haras, les voulans apres restaurer & r'anoblir, sur l'esperāce d'un plus grand gain, ont esté expressēmēt plusieurs fois aux villes capitales de leur Royaume, pensans recouurer à mediocre prix, comme auparauāt, quelques chevaux vigoureux, & de belle taille: mais voyans que les François acheptoient prodigalemēt, iusques aux plus vieux estelōs, pourueu qu'il leur souuint encores de quelque saut, ils ont esté contrainsts de faire monter leurs iuments, aux chevaux qu'ils ont peu recouurer, & le pis a esté que la pluspart des iuments, qui desia auoient esté montees & réplies par les asnes, n'ont plus retenu du cheual, ou n'ot fait que de bastardailles.

Tiercemēt les Princes & principaux Seigneurs du Royaume de Naples, se sont laissez si bien gagner à l'humeur Espagnole, à cause de nos insolēces detestables, qu'ils ont conuertty les plus beaux & braues exercices, que leurs deuanciers sçauoiēt tres-bien faire à cheual & à pied, en vne certaine grauité froide, qui consiste seulement en la contenance de sçauoir, & pouuoir beaucoup, desdaignant les choses qu'on ne peut, ou desquelles on est ignorant: tellement qu'au lieu qu'on souloit voir d'ordinaire à Naples, l'estrade de Tollede peuplee de beaucoup de Noblesse genereuse, qui comme à l'enuy paroissoient deuant les Dames, faisans bien aller de differens airs, les plus gaillards cheuaux du monde, maintenant on n'y trouue plus qu'une grāde quantité de ieunesse oyfue, qui se promeine sur des haquenees ou cheuaux de pas, aussi mollement que font en Castille vn tas de vieux cheualiers, qui ne s'esloignerēt iamais de leurs maisons, & qui n'ont en leur vie apprins vertu ou partie plus singuliere, que seulement à faire bonne mine, selon leur accoustumee, & altere façon: & pour auoir moyen d'euter plus graument ces lentes & superbes promenades, les meilleurs haras d'Italie, (desquels sont autresfois sortis les plus nerveux, & legers cheuaux du monde,) ont aussi esté reduits aux plus petits genets, qu'o'y ait oncques veu, c'est pourquoy on n'y voit plus telle caualerie, qu'il y souloit auoir.

D'ESPAIGNE ne vient plus aussi, que fort peu de tels cheuaux, que les gens de guerre de ce temps recherchent, à cause de la grande quantité qui en sont sortis depuis les troubles de France: toutesfois, ie pense qu'ils n'ont pas autresfois esté meilleurs que ceux, qui sont bons à present, & que leur ancienne & bonne reputation, vient du temps qu'il n'y auoit que fort peu de bons hōmes de cheual, & que les gens de guerre se contenoient, que leurs cheuaux de combat courussent, & s'arrestassent à l'Allemande, & qu'ils fissent cinq ou six passades, d'une haleine au galop, tournant à chaque main, sans beaucoup de iustesse: car les haras Dandelousie, doiuent estre pluſtost fortifiez qu'affoiblis, à cause des beaux & forts estelons, courſiers & genets du Royaume de Naples, qui depuis y ont esté amenez.

Les mesmes guerres, sont aussi cause, que nous voyons si peu de bons cheuaux d'Allemagne, à l'occasion des attelages d'artillerie, & autres charrois & attirals qu'il a fallu ordinairement fournir aux armées, & de l'usage commun des coches & charriots, qui depuis vingt ans se voyent en Frāce, ioinct aussi que presque tous les cheuaux de couble, qu'on nous ameine, passant l'aage de trente mois, ont desia monté des iuments, & mesmes sont engendrez d'autres poulains trop ieunes & foibles. Car c'est chose asseuree, que les Allemans qui ont des haras, ne vendent iamais les poulains, qu'au parauāt ils ne leur ayent fait emplir les iuments, s'ils ont assez de vigueur pour les monter: c'est pourquoy à present on rencontre, si peu de cheuaux d'Allemagne, qui soient assez nerveux & gaillards.

Quant aux cheuaux Turcs & barbes, les Frāçois en ont de tout tēps & iusques à present recouuert fort peu de bōs, tāt à cause de la lōgueur des voyages, que pour la difficulté des embarquemēs & passages. Or en ceste pl<sup>e</sup> grāde necessitē de cheuaux il est encores suruenū que pour vn Caualerie, qu'il y souloit auoir, on en void plusieurs, & beaucoup pl<sup>us</sup> de ceux, qui pēsēt estre bōs mailtres, que de ceux qui le sōt: tellement qu'il est fort mal-aysē, de trouuer des cheuaux de quelque natiō qu'ils puissent venir, qui soyent assez accomplis pour leur usage & contentemēt: & sur les difficultez qu'ils trouuent en ce qu'ils eslayent de tirer bien ou mal, de toutes sortes de cheuaux, il se voit encores d'autres cheualiers, plus ou moins experts, qui sont plusieurs & diuers iugemens de la capacité des Caualerices, disans que les plus rudes &

seueres sôt ceux, qui dressent mieux les rouffins ou frisôs, & autres cheuaux de Germanie: qu'il y en a d'autres plus subtils & discrets, desquels le sçauoir n'est conuenable que pour dresser les cheuaux d'Italie, d'autres plus patiens & plus doux, qui sont seulement propres pour les cheuaux d'Espagne ou Turcs, Barbes & autres, qui viennent de tous ces pays chauds & secs: Ces petits iugemens sont bons pour en parler deuant ceux, qui n'ont pas beaucoup de fonds en cest art. Mais les meilleurs hommes de cheual, se doiuent mocquer de ces erreurs. Car le Caualerice ne se peut dire maistre, si la premiere fois ou tout au plus, la troisieme qu'il recherchera le cheual de quelque nation qu'il soit, & quelque poil, marques & autres indices qu'on voye en luy, il n'en recognoist la generale inclination & les forces, soit par la physionomie, ou par les indices de ses actions: & mesmes si au moyen de ceste cognoissance, il ne le sçait exercer, & reigler par des leçons propres, à ce que nature le rendra capable, soit pour la campagne ou pour la carriere: ie sçay qu'on me peut alleguer des hommes, qui n'ont iamais bien entendu ces preceptes, qui toutefois à force d'exercice, d'aydes & de coups, ont dressé des cheuaux, qui ont fort bien manié de differens airs, & ie l'aduouë: mais aussi pour vn, qui par auenture leur fera bien reüssi, sans doute ils en auront gasté beaucoup d'autres: car il faut necessairement que les cheuaux, qui sans estre bien-tost rebutez ou estropiez, resistent long temps sous la discipline de certains cerueaux, presumptueux & hazardeux, soient extremement nerveux & de forte complexion, & au reste composez de façon qu'ils patissent paisiblement toutes sortes de rigueurs & chastimens, bons & mauuais. Je sçay aussi qu'il y en peut auoir d'autres, qui n'ont pas beaucoup de sçauoir, & qui toutesfois par la douceur, & vne longue patience pourront aucunes fois assez bien dresser quelque cheual facile & de bonne humeur: mais aussi est-il certain, que pour vn qu'ils rencontrerôt propre à leur portee, il leur en serôt passez plusieurs autres par les mains, lesquels ils auront laissez en arriere, à faute d'auoir sceu bien pratiquer les reigles, & les moyens qui les eust peu contraindre à fournir, & bien employer leur dispositiô, & leur force incogneuë, & par consequent inutile, à faute d'art & de iugement. Pour moy, i'estime ceux-cy beaucoup plus que les autres, qui n'ont recours qu'à la violence: d'autant que par ceste patience & longueur, il semble qu'ils attendent que nature & le temps avec leur peu d'ayde, fortifient & alegerissent peu à peu le cheual, & le reduisent à la longue (comme il aduient aucunes fois) à ce qu'ils n'osent ou ne veulent d'eux-mesmes entreprendre, se deffians de leur capacite. Or les vns & les autres peuent estre hommes de cheual, puis qu'ils dressent des cheuaux: mais il leur manque beaucoup de parties, pour meriter le tiltre de Maistre, Car l'incogruite n'est pas moindre de pardonner ordinairement au cheual de disobeyssant, qui retiët sa disposition & sa force, que d'estre trop rude à celui qui est sensible: & de bone nature: d'autre part, ce n'est pas assez d'estre patient ou violent & seuer, ny d'auoir l'affiette belle & forte, la main ferme & diligente, la iambe droite & libre, le temps facile & iuste, & le talon friant & gaillard, cöbien que ce soient de belles parties, ny d'auoir beaucoup de gestes, & sçauoir dire, *va pian piano, di passo, trota, galoppa, esfeigné, escapa, corre, para, escore, halsa, ainta, volta, aronda, alarga, auiua, auiusta, ferma ferra*. Et plusieurs autres termes communs & criars, retenus de quelque bon maistre Italien, & peut estre mal entendus. Ce n'est pas tout non plus de cognoistre les iustesses des plus belles reigles, ny de sçauoir qu'il faut que le cheual bien dressé soit desgourdy, obeyssant assure de col, de teste, de bouche & de queue: que l'air de son exercice soit libre, egal & net, que la proportion de son manege soit iuste pareillement autant à l'vne main, comme en l'autre, & que selon les fautes grandes ou petites, il faille vsar discrettement des chastimens grands ou petits: tous ces preceptes sont beaux & bons. Mais ordinairement il aduiendra que le cheual meritera selon les defauts de ses



mouuemens extérieurs, vn grand & aspre chastiment, que toutes fois n'estant nullement disposé d'en comprétre les effects, soit pour estre hors d'haleine & de memoire, auily, ou en action trop esmeuë & violente, ou si la faute ne procede que de legeresse, & gayeté de cœur, l'on pourra faillir en le battant rudement : ou peut estre, ne fera-il en apparence, que le mouuement d'une petite faute, que le Caualerice recognoissant au temps d'icelle, par des indices prompts & suffisans, que ce cheual est disposé, pour en faire vne plus grande, il sera necessaire pour le corriger de la petite desia aduenue, & le diuertir par vn mesme remede & en mesme temps de la prochaine & plus grande, d'vser d'un chastiment extraordinaire, & mesmes aucunes fois de l'esueller, aduertir, ou brauer, par quelques coups d'esperon ou de gaulle, quoy qu'il ne face point de faute, mais seulement pour luy arrester mieux les esprits, & la memoire à l'ordre de sa leçon : il ne suffit non plus de faire par plusieurs moyens que le cheual responde & obeyse à la leçon, par l'action extérieure, quoy qu'elle paroisse bonne & iuste, il faut cognoistre si le courage y consent & l'accompagne d'un bon air, selon la pratique des leçons, & bons commencemens d'escole qu'il aura : & sans ceste franchise, le Caualerice ne doit se contenter, ny cesser de le rechercher par tous les moyens qu'il pensera le pouuoir attirer & gagner, soit par la douceur ou par la force : Toutes fois si apres qu'il se sera longuement & opiniaitremēt defendu, quasi iusques à l'extremité de son haleine & de ses forces, il se red, & se met en deuoir d'obeir à sa leçon, le sage Caualerice doit receuoir paisiblement ceste obeyssance, en le quittant pour ceste fois, & mettant soudain pied à terre, ou le laissant en repos, & le caressant : combien que l'actiō extérieure reste imparfaite, pour ne la pouuoir mieux fournir : & si d'auenture il est quelque fois opiniait, & tellemēt esmeu de colere, ou en tel effroy ou desespoir, qu'il soit du tout impossible de le pouuoir gagner & faire consentir à la leçon, qu'il apprehendera si fort : il faut aussi necessairement (pour euiuer qu'il ne se rebute,) que le bon Caualerice aye le iugement, & la pratique de le diuertir de ses mauuaises fantasies, en changeant & finissant l'exercice, par quelque stil du tout contraire à la leçon, qu'il luy aura tant despleu : afin que les derniers mouuemens, luy ostent la memoire de la cause des maux, & tourmens qu'il aura receus en son obstination. Car ne le pouuāt vaincre, ce seroit vn desordre fort grand de le laisser sur le desplaisir d'un chastimēt violent & inutile, qui au lieu de le corriger le pourroit rebuter ou rendre plus rebelle. Et combien que la leçon longuement debatue, & en fin quittee, soit apres necessaire, si ne se doit-elle refaire, & continuer que selō, & à mesure que le cheual en perdra la trop grande apprehension & qu'il se repatriera. Or de quelque nature qu'il puisse estre, sans doute, premier qu'il soit bien dressé & adiuſté, il entrera souuent en des soupçons & inquietudes, qui luy ferōt faire des diuerſes mutations, quelques fois fort estranges, selon l'humeur, qui le dominera : tellement que pour l'en diuertir, & pour le remettre en estat de comprendre l'ordre, & l'air de ses bonnes leçons (auparauant pratiquees,) il se faudra plusieurs fois departir des plus belles & iustes proportions, pour vser de beaucoup de diuersitez, quasi ou du tout contraires à la iustesse : tellement qu'aucuns ignorans les iugeront pour vray desordres & faulsetez combien que selon l'art, & les occasions elles soyēt necessaires : & quand bien le cheual fuyra, ou s'opposera à l'obeissance de l'escole, par des moyens nouueaux & inopinez, l'occasion mesmes d'iceux, doit faire naistre à l'instant, autant de nouueaux remedes au iugement, & à l'inuention du bon Caualerice. Il faut donc que celui, qui est bon maistre en ceste profession, soit industrieux & sage, & qu'il cognoisse par vne docte & curieuse pratique, les complexion, inclination, & forces du cheual, de quelque nation, & temperament qu'il soit, & que par les viues raisons, & l'experience de l'art, il sçache choisir l'exercice, qui sera plus propre au naturel d'iceluy : que tousiours il reigle & proportionne ces leçons, chastimens

& careffe, au consentement, au pouuoir & à la memoire, ou à la malice, de sobeyssance & obltination du cheual, sans iamais se laisser transporter à la colere ny aux desirs de mesurez: car c'est proprement ignorance, de ne se sçauoir discrettement preualoir (quand il est temps) de ce qui se peut trouuer aux forces, & disposition du cheual: & temerité d'entreprendre & d'en vouloir tirer ce qui ne se doit que par les bonnes raisons & vrais moyens de l'art: En quoy l'experience nous apprend assez, que, cōme i'ay dit cy deuant, les plus rares & excellentes reigles & leçons, sont celles qui peuuent pluſtoſt confondre & rebuter le cheual, si elles ne sont appropriées à sa capacité, & sur vn bon fondement d'escole, propre à les recevoir.

Le bon maistre doit aussi auoir le iugement, & la discretion de croistre & diminuer l'exercice, les aydes & chastimens, selon qu'il cognoistra que le cheual se fortifiera de nourriture, de courage, de memoire, de pratique, de legeresse & d'haleine, afin de le maintenir tousiours en bon estat, en bonne escole, en l'egalité de l'air, de son manege, & communément autant en obeysſſance, qu'en esquine & gaillardise: ou en particulier plus ou moins, selon qu'il se trouuera de bonne ou mauuaise fantaisie, & que la disposition sera solide & nerueuse, ou procedante seulement d'allegresse, & de legereté. Mais si le Caualerice n'a l'esprit bon & curieux, & s'il n'est patient & bien né, il luy sera impossible de iamais bien comprendre & pratiquer toutes ces raisons, quelque travail qu'il se donne à la poursuite de son art: car combien que l'exercice en soit fort plaisant, si est-ce que la diuersité des humeurs & complexions, qui se trouuent aux cheuaux qu'on entreprend, & des desplaisantes mutations qu'ils font ordinairement, & quelquefois en vn quart d'heure, & lors qu'ils deuroient estre gaignez & resoluſ, à ce qu'on les aura long temps auparauant recherchez peuuent souuent donner tel subiect de meſcontentement & de colere, que si en telles occasions les mouuemens de l'homme ne sont rétenus & guidez par les forces d'vn iugement solide, ioinct à vn bon naturel, il s'en ensuit vne infinité de desordres rigoureux & mal seants, qui se voyent assez frequents aux plus grossieres & desordonnees escoles. Par toutes les susdites parties, le Caualerice peut meriter le tiltre de Maistre: & sans icelles quelque prouision d'autres discours meslez qu'il aye premeditez en sa memoire, la pluspart de ses leçons, se conuertiront en confusion: s'il est rude & seuer, ses aydes & chastimens seront communément autant de desordres: s'il est patient & doux, ses careſſes & douces façons de faire demeureront souuent inutiles: mais au contraire, s'il est maistre, il luy sera autant ayſé de recognoistre l'inclination, & les forces des cheuaux d'Allemagne, comme de ceux d'Italie, & de ceux d'Eſpaigne: cōme de Turcs & Barbes, & indifferemment de tous ceux des autres nations, & selon leur naturel il les pourra exercer par des moyens bien considerez, se rendant au besoin violent patient & doux, vsant de chastimens, de careſſes & d'aydes propres à leurs actions, mouuemens & capacitez: & consequemment les reduira beaucoup mieux à la perfection qu'ils pourront atteindre, que ne feront ceux desquels le sçauoir consiste seulement en certaine pratique furieuse & mal fondée.



## TABLE DV SECOND LIVRE des preceptes du S<sup>r</sup> de la Brouë.



Proposition generale pour les leçons de ce second liure. Chap. 1.  
pag. 7.

Effects principaux du trot & du galop qui peuvent disposer les  
bonnes parties que le cheual doit auoir pour rendre les plus  
beaux maneges en leur perfection. Chap. 2. pag. 9.

Premier aduertissement sur la iustesse de tous les airs & maneges,  
& pour alegier & faciliter l'appuy de la bouche du cheual, qui poise ou qui tire à  
la main. Chap. 3. pag. 10.

Quand le cheual refuse de galopper aux ronds plus communs soit à faute de prati-  
que ou estant rebuté. Chap. 4. pag. 14.

Les cheuaux qui tirent plus à la main en galoppant par le droict que sur les ronds,  
Chap. 5. pag. 16.

Regles pour estreindre & adiuſter le cheual aux voltes du trot. Chap. 7. pag. 18.

Quand le cheual iette la croupe hors la volte du trot. Chap. 8. pag. 20.

Regles pour les voltes de galop. Chap. 9. pag. 22.

Quand le cheual apprehende trop les esbrillades, & tous les mouuemens de la main  
de la bride. Chap. 10. pag. 25.

Iugement sur les temperaments de la main du Caualerie. Chap. 11. pag. 27.

Precepte touchant le naturel du cheual qui se presente plus librement à l'auter qu'à  
manier terre à terre. Chap. 12. pag. 28.

Regles des plus iustes proportions qui se peuvent obseruer en tous les plus beaux  
maneges. Chap. 13. pag. 29.

De l'obeissance du cheual allant de costé par les experts mouuemens du Caualerie.  
Chap. 14. pag. 30.

Regles des passades & demy voltes. Chap. 15. pag. 36.

Seconde Regle des passades & demi voltes, terre à terre. Chap. 16. pag. 43.

Troisieme regle des susdites passades & demy-voltes. Chap. 17. pag. 44.

Passade à demy-air. Chap. 18. pag. 48.

Voltes entieres & redoublées terre à terre & à demy air. Chap. 19. pag. 50.

Regles des airs releuez, sur les voltes redoublées & plus iustes. Chap. 20. pag. 56.

Les mesmes regles carrées appropriées au cheual qui pèse ou qui tire à la main.  
Chap. 21. pag. 71.

Autres regles pour les voltes airées & redoublées. Chap. 22. pag. 77.

D'aucuns cheuaux tenus pour ramingues, & neantmoins de bonne nature. Chap.  
23. pag. 78.

Premiere leçon des susdites regles. Chap. 24. pag. 79.

Autres regles des voltes propres aux cheuaux nerveux & gaillards, qui ont l'appuy de  
la bouche à pleine main. Chap. 25. pag. 86.

Autres regles propres aux cheuaux impatiens qui peuvent facilement deuenir en-  
tiers & durs à l'appuy de la main, lesquels neantmoins on veut dresser à quelque



## Table des preceptes.

manège.	Chap. 26. pag. 102.
Diuers preceptes sur ces plus auancées leçons, & meſmes quand le cheual eſt tellement rebuté, & ennemy de l'eſcole, que les remedes ordinaires n'y apportent plus des effets ſuffiſans.	Chap. 27. pag. 117.
Regles pour les changemens de main des voltes redoublées.	Chap. 28. pag. 121.
De l'erreur de ceux qui penſent qu'il ne faut pas beaucoup d'art, pour maintenir les cheuaux de manège en bonne eſcole, ayant eſté bien dreſſez.	Chap. 29. pag. 125.
Autres reigles cômunement plus propres à remettre en eſcolle les cheuaux de grâd force, & bons à la main, qui deſia ont eſté dreſſez, & qui ſont deſbauchez & hors de iuſteſſe.	Chap. 30. pag. 126.
Pour aſſouplir & reſoudre ſur la volte l'actiô du cheual d'eſcole, ſans le deſ-adiuſter, quand par quelque accident eſt cōtrainct ou mutation malicieuſe, il endureit le mouuemēt des eſpaules, le col & l'appuy de la bouche, deuenāt entier en ſon manège plus iuſte & plus obſerué.	Chap. 31. pag. 133.
Aduertiffement notable pour la correſpondance, qu'on doit obſeruer aux actions ordinaires du caueſſon, avec celles de la bride, en exerçant les cheuaux encor mal aſſeurez aux bons manèges.	Chap. 32. pag. 136.
Pour adiuſter & bien affiner le manège du cheual qui aura eſté dreſſé aux voltes releuées & redoublées à demy air, ſelon les reigles precedentes, ou autrement.	Chap. 33. pag. 137.
Pour maintenir en bonne eſcole les cheuaux dreſſez aux airs de caprioles & du galop gaillard,	Chap. 35. pag. 156.
Discours inſtructif ſur la demande qui ſe faiçt ſouuent en combien de temps vn cheual peut eſtre bien dreſſé.	Chap. 36. pag. 155.
Diuers preceptes particuliers.	Chap. 37. pag. 166.
Diffinition des reigles & leçons precedentes.	Chap. 38. pag. 162.
Discours particulier.	Chap. 39. pag. 165.
D'où procéde qu'à preſent on void ſi peu de bons cheuaux, & de ſingemens diuers qu'aucuns font de la ſuffiſance des Caualerices.	Chap. 40. pag. 170.

# TROISIEME LIVRE DES PRECEPTES DV

SIEVR DE LA BROVE,

TRAICTANS DES MOYENS

propres à bien emboucher  
le cheual.



A PARIS,

Chez la vefue ABEL l'ANGELIER, au premier pillier de  
la grand' falle du Palais.

M. DC. X.

*Avec Privilège du Roy.*







A MONSIEUR LE  
BARON DE BELLE-GARDE  
GRAND ESCUYER DE FRANCE.

**M**ONSIEUR,  
Je ne fais nul doute que vous n'ayez souvent ouy dire, qu'en mes plus  
vertes années, j'ay beaucoup travaillé à plusieurs exercices qui me  
sembloient propres à l'homme bien né, & principalement à celuy de  
la carrière: A quoy ie n'ay pas eu moins d'inclination, qu'aux autres  
occupations, que j'ay plus affectionnées que les biens de fortune, &  
que ma santé: comme il paroist par le peu de moyens que j'ay acquis,  
& en l'indisposition de ma personne, qui ne me permet plus de mon-  
strer par effect le profit que ma curiosité, & mes peines extremes m'a-  
voient apporté: Ce qui est cause qu'aucuns de mes plus chers amis, voyans desja ma vigueur pres-  
que du tout consumée, m'ont long temps y a prié & sollicité, de mettre par escrit l'ordre & les  
reigles generales, que j'ay tenu en exerçant les cheuaux d'escole: ce que ie ne leur auois osé accor-  
der, me sentant despourueu de discours, & de style propre pour bien expliquer mes conceptions par  
escrit, n'ayant iamais estudié, ny gueres leu que dedans mes heures. Toutesfois j'ay depuis con-  
sideré qu'ils pourroient concevoir en leurs opinions, que mon refus procederoit de quelque de-  
faut d'amitié: & pour preuenir ceste impression, j'ay voulu employer à leur contentement le loi-  
sir, qui s'est aucunesfois présentée, à bastir, comme j'ay peu, un œuvre mal poly, lequel neantmoins  
m'a semblé aucunement receuable entre les Canalliers. Or (Monsieur, ) ie vous en ay dedié  
ce troisieme Liure, comme à l'un des plus accöplis Seigneurs de ce Royaume, qui en scaura tres-  
bien iuger, & aussi pour vous rendre quelque tesmoignage apparent de l'inclination & desir que  
j'ay de vous faire tres-humble seruiçe, à quoy vostre vertu ne m'oblige pas seulement, mais aussi  
tous ceux qui ont plus de perfections, desquels vous vous rendez de vostre grace, comme pere &  
protecteur. Ce n'est pas pourtant que ie presume estre tenu en ce rang, & que ie ne recognoisse  
assez mon incapacité: mais il est certain que ie suis du nombre de ceux, qui admirent vos merites,  
& vostre doux & genereux naturel: & mesmes qui vous aiment & reuerent avec plus d'affec-  
tion & d'humilité. Receuez donc s'il vous plaist, Monsieur, selon vostre courtoisie con-  
stumiere, l'offre que ie vous fais de ce mien labeur: & bien qu'il ne soit digne de vous estre presen-  
té, ie vous supplie tres-humblement de le vouloir honorer de vostre faueur, & vous assurer,  
Monsieur, que ie seray tousiours

Vostre tres-humble & tres-obéissant seruiteur,  
SALOMON DE LA BROVE.



## Sonnet.

**D**'vn genereux labour & d'une ame diuine  
 Dans la BROVE conioincts, nasquirent deux iumeaux  
 Le merite, & l'honneur, venerables flambeaux  
 Costoyans sa vertu qui le monde illumine.

Heureux en luy l'honneur, deuant qui ne chemine  
 Le merite auancé, mais pareillement beaux  
 En naissant, en croissant, ensemble vont esgaux,  
 Ainsi qu'un beau Soleil, vn beau iour auoisine.

Heureuse sa vertu, qui porte sur le front  
 Le bien faire & bien dire, & qui sa gloire font  
 Entrer dedans les Cieux par des portes si belles.

Heureux Canalerice, en qui la brane main  
 Trouua contre la mort, deux voyes immortelles,  
 Où les plus Grands à peine y trouuent vn chemin.

PELLETIER ANG.

## SONNET.

**N**ourrissons de Pallas, qui ennemis du vice  
 Recherchez la vertu qui vous doit animer,  
 Icy vous apprendrez, pour vous faire esti-  
 mer,  
 Les Preceptes diuins du vray Caualerice.

La BROVE fils de Mars parfait en l'exercice  
 Du vaillant Tyndaride, au milieu d'une Mer  
 De perils & d' hazars nous apprend à ramer,  
 Pour fuyr les douceurs d'une trompeuse Circe.

Braue & riche d'honneur il est nostre Castor,  
 Qui nous despart les fruits de son Royal thesor,  
 Pour nous rendre immortels aux dangers de Bellone.

Heureux cil qui pourra ses vertus imiter,  
 Il sera nouveau fils de Lede & Iupiter,  
 Digne d'environner son chef d'une couronne.

LA CROIX MARON.

## SONNET.

**C**heualier nompareil qui desdaignant la terre  
 Portes ton vol plus haut que les Astres ne  
 sont,  
 Que beaux sont tes escrits, qui par l'Europe vont  
 Ietter vn plus grand bruit que le bruit du tonnerre.

Tu formes à ton gré le mouuement qui erre,  
 Du pied-viste Cheual sous les arts qui te font  
 Avoir l'audace au cœur, les Lauriers sur le front,  
 Sur ton front qui le front de toute Grace enferme.

Le noble desormais se bien-heure en ton heur  
 Et reçoit son maintien de ta seule faueur,  
 Faueur qui fauorise & sa gloire & sa vie.

A ton premier Soleil tu denances les vieux,  
 Desrobant aux suuans l'espoir de faire mieux,  
 Et tu remplis de los ton nom & ta patrie.

PONT-AYMERY.



## P R E F A C E.



ET O N la commune opinion des hommes de cheual de ce temps, l'inuention d'une infinité de brides différentes, doit estre la plus recommandable partie du Cavalierice, pour reduire le cheual en obeissance. Et particulièrement les Allemans s'arrestent tant en cela, que ie me suis souuent esmerueillé de la grande diuersité d'emboucheures, branches & gourmettes que j'ay veu en leur vsage, d'où nous tirons vne preuue fort apparente, qu'ils ne sont bien fondez en ceste profession. Car si l'art de bien dresser les cheuaux, est à present mieux entendu, & plus enrichy de bon-

nes reigles qu'il n'a esté du passé, lon doit par consequent vsfer moins des diuersitez des brides qu'on souloit long temps y a rechercher curieusement en France & en Italie, à faute de meilleurs moyens. En ceste erreur ie pardonne plus volontiers les fautes que les Reistres font, que ie ne supporte avec patience le mauuais iugement de tous les autres cheualiers, qui pensent estre bien à cheual: parce que les Allemans n'ayans encor assez de bonne experience en cest art, ont recours à la violence des brides, pensans qu'elles puissent contraindre le cheual à ce qu'ils ne leur scauent apprendre par l'ordre des bonnes leçons: & mesmes ils se contentent de leurs cheuaux, pourueu que la bouche en soit fresche; qu'ils trottent legerement, & quelquesfois galoppent & tournent diligemment à chascue main, sans partir d'une place, & sans obseruer beaucoup d'egalité, de iustesse ny de mesure. Or pour ces effects la bride confuse n'empesche pas que la bouche ne soit escumeuse: au contraire elle donne souuent occasion à la langue sensible d'estre en continuel mouuement, à cause de la quantité des pieces mouuantes & différentes, qui peuuent estre en icelle bride, & si n'offense pas ordinairement les barres & genciues en allant le pas, le trot, ou le galop, comme quand on recherche le cheual de tant d'autres efforts, de maneges & de iustesses difficiles, qu'on voit exercer en nos escholes modernes: mais les bons Cavalierices doyuent plustost hayr que practiquer tant de diuerses façons de mords, & se tenir aux vrayes reigles & leçons, qui peuuent gagner par vn bon ordre & peu à peu le naturel & le consentement du cheual, pour le ranger, avec le temps necessaire, à la resolution de la course, & à l'obeissance & facilité de l'arrest & du manege, avec le simple canon & le caueillon: car apres il sera fort facile de le bien emboucher. Pourtant ce n'est pas à dire que lors que le cheual est dressé, l'ayde de la bride, faicte par raison, n'apporte beaucoup de facilité au vray temperament de l'appuy de la bouche, & à la iuste posture du col & de la teste: mais d'entreprendre ces choses sur l'esperance que les seuls effects de la bride y puissent apporter la commodité, ou la contrainte totale,



ie tiens que c'est proprement n'auoir point de raison : & m'esbahis de ce qu'il y a encores tant de personnes qui pensent qu'une bride, comment qu'elle soit inuentee, puisse faire deuenir la bouche bonne au cheual qui naturellement l'a faulſe, ou trop pleine, trop descharnee, trop estroite, trop grande, trop petite, trop sensible, trop dure, ou qui seulement l'a mauuaise & corrompue par quelque autre accident ou improportion : ou si le cheual estant en la plus grande furie de sa course, ne s'arreste facilement, soit pour estre trop las & hors d'haleine, ou ayant la maschoire trop grande ou trop serree, le col naturellement renuersé ou trop vouté, trop gros, trop court, ou trop long, les espaules, les iambes, & les pieds de deuant, ou les reins foibles ou autrement imparfaits, ne fera - ce pas faulx iugement de croire, que ceste bride proposee apporte d'elle-mesme la reparation de tant de defauts, dont le moindre peut rendre le cheual incapable de bien s'arrester & manier? Et quoy qu'il soit exempt de tous les empeschemens naturels & accidentals, si on ne luy a iamais appris à bien tourner ny à parer, ou si naturellement il est pesant ou fougoux, malicieux & desobeissant, quelle apparence y peut-il auoir qu'il ne faille que l'artifice d'une bride pour le rendre sain, nerueux, leger, libre, ferme & bien maniant, ny que par ce seul remede on puisse donner le iugement & la pratique des bons maneges à celuy qui recherche les effects de ceste bride, lequel sera peut-estre mauuais homme de cheual? Si telles choses estoient faisables, nous dresserions les cheuaux, & les hommes avec beaucoup moins de temps & de peine, sans partir de la boutique de l'esperonnier, en ordonnant des mords, qui eussent ceste propriété miraculeuse d'apprendre en vn instant à l'homme, & au cheual ce qu'ils n'auroient encores seu, & mesme ce qui seroit hors de leur capacité naturelle. Il y a ce me semble de quoy se moquer de ceux qui sur l'esperance de recouurer vne bride telle qu'ils imaginent, achepient chereement vn cheual si dur ou esgaré de bouche, que le meilleur Caualerice du monde pourroit estre fort empesché à le rendre bon à la main, & que lors qu'ils se trouuent trompez en telles opinions mal fondees, on leur oyt dire, i'ay vn cheual qui vaudroit mille escus s'il estoit bien embouché : cela se doit entendre le plus souuent qu'il a la bouche si faulſe, endurcie ou corrompue qu'il n'en vaut pas cent, quoy qu'il reste il soit fort & vigoureux : tellemēt qu'ils font valoir à leur compte, la bride qu'ils desirent en vain, neuf cens escus plus que le cheual : & si fortuitement ils en rencontrent vne qui le tiennent en quelque subiection & legeresse extraordinaire, sans doute vn temps apres ils se plaignent, disans que ceste bride n'est plus si bonne qu'elle souloit estre : mais s'ils recherchent bien la cause de ce changement, ils trouueront que la bride a retenu sa façon & premiere forme, & que la difficulté de l'obeissance procede, de ce que le cheual a desia la bouche tellement meurtrie ou ulcerée (par le continuel & douloureux tourment de l'emboucheure trop rude) qu'il en peut estre deuenu confus, & comme desesperé : & quoy qu'il ne soit recherché d'autre exercice ny effort plus aspre que d'aller par pays faisant quelque long voyage, il aduendra d'ordinaire que tant plus il fera de longues iournees, tant plus la bride semblera affoiblie au cheualier peu experimenté, qui ne considerera pas que la lassitude peut contraindre son cheual à porter la teste basse, & abandonnee sur l'appuy d'icelle bride, l'ayant recogneuë & quelque temps accoustumee, laquelle paraenture pourra faire ses premiers effects apres que le cheual sera seiourné, ou en haleine, ou plus accoustumé au travail.

P A R toutes ces considerations le Caualerice peut iuger que la plus necessaire faculté de la bouche du cheual doit proceder premierement de la legeresse, bonne inclination & franchise d'iceluy, de la capacité naturelle de ses membres, & apres du bon estat auquel ses forces & haleine se peuvent disposer par l'exercice de l'escole fa-

gement consideré & bien practiqué, sans quoy les rares effets qu'on se promet de la bride, ne sont gueres moins incertains que l'espoir de ceux qui entreprennent à faire la pierre philosophale: & quant à moy, ie suis d'auis que les esprits qui se plaisent à ordonner proprement les plus belles emboucheures reseruent leur curiosité pour l'employer quand le cheual sera exempt, (par son adresse & obeissance,) des efforts & châtimens qui luy pourrout offenser les barres & la barbe, & qu'il sera seulement besoin de luy embellir la bouche par le plaisir de l'emboucheure delicatement proportionnee. En quoy il faut obseruer beaucoup de parties principales, qui se trouueront expliquées en ce troisieme liure, non pas peut-estre avec des raisons tant subtiles ny de si belles figures, que j'aurois peu représenter, si i'eusse voulu orner cest œuvre de la quantité des plus beaux pourtraits que j'ay faits en mon temps, & que ie ferois bien encore si ie voulois visiter ma memoire: mais parce qu'apres auoir long temps recherché beaucoup de particularitez en la pratique d'une infinité de brides, ie me suis reduit à vn petit nombre, qui ne sont des plus rares ny des plus communs, & lesquelles j'ay trouué moins confuses, & par consequent moins estranges à Nature: aussi ay-je voulu en icelles limiter le discours, que pour ceste fois ie delibere mettre en lumiere sur les moyens de bien embrider le cheual selon son naturel. Et ce qui est encores cause que ie n'ay passé plus outre, est l'assurance que j'ay que deffunct le Sieur Pyrrre Anthoine Ferrare a trauaillé pour le moins trente ans, recherchant les perfections de tant de caueffons, segettes, camarres, emboucheures, branches, & gourmettes, qu'il a peu descouurir: de maniere que sçachant, comme ie fais, qu'il a esté non seulement des plus excellens Caualerices de son temps: mais aussi tres-capable en beaucoup d'autres belles & honnestes qualitez, (qui se trouuent rarement en vn seul Cheualier,) & principalement en la peinture, ie ne doute nullement que les descriptions & pourtraits, de son liure, ne paroissent sur tous ceux qui auront esté auparauant imprimez. Puis doncques qu'il ne se peut faire mieux qu'il a fait, & que ie me suis plus arresté aux bonnes regles de l'exercice, qu'aux particuliers moyens des brides extraordinaires, il me suffit de représenter simplement, à celuy qui recherchera mon auis, les communes proportions que ie garde en embouchant & embridant le cheual, & si le Lecteur ne descouure tant de subtilité qu'il desirera, pour le moins il se pourra asseurer que mon imitation luy fera conseruer la bouche du cheual saine, entiere, droite, iuste, & l'appuy d'icelle en bon temperament, sans vser de plus grand artifice.





# MAXIMES GENERALES

## QV'IL FAVT OBSERVER

### POVR BIEN ORDONNER

la bride du cheual d'escole.

#### CHAPITRE PREMIER.



Es Caualerices moins sçauans en leur art, sont ceux qui entreprennent plus hardiment d'ordonner des brides extraordinaires, mesmement pour les cheuaux qui ont la bouche mal-aysee, quoy qu'ils ne les ayent veus, & sans en auoir autre cognoissance que seulement par le rapport de tels, qui le plus souuent n'ont en leur vie rien sceu de cest art, on peut en cela descouurir vne vraye ignorance, ou presumption: car les meilleurs maistres se faillent souuent en la iustesse des brides, quoy qu'ils ayent veu & consideré à leur ayse, & plus d'une fois le cheual qu'ils veulent emboucher: c'est pourquoy on le doit premierement voir trauailler selon ce qu'il sçaura faire, ou pour le moins le recognoistre par le droict, en allant au tror, en galoppant, en courant, & à l'arrest: afin de pouuoir iuger par ses actions communes d'où procede la difficulté de la bouche: & faut necessairement tenir par maxime, que l'appuy plus propre à tous les plus beaux & necessaires exercices, que le cheual peut faire dessous l'homme, est celuy qui se trouue ferme & leger, c'est à dire, qui ne s'esbranle par les fermes, & diuers mouuemens de la bonne main, ny ne s'abandonne par la liberté d'icelle. Le Caualerice bien aduisé doit donc curieusement rechercher les moyens des brides bien considerees, pour asseurer & resoudre les bouches trop sensibles ou esgarees, esueiller ou allegierir celles qui sont sourdes & pesantes, ramener ou assujettir (entant qu'il se peut) celles qui sont trop fortes: & pour ce faire, il doit sçauoir qu'il y a en la bride quatre parties principales, qui sont l'emboucheure, l'œil, la gourmette, & la branche, desquelles dependent plusieurs effets differens, & ausquelles il est aussi necessaire d'observer separément beaucoup de proportions differentes, afin que tout ce qui sera ordonné pour loger dedans la bouche du cheual, se rapporte aux qualitez & formes de la fente d'icelle, des léures, genciues, barres & escaillons, du canal, de la langue, & du palais: & que ce qui est dedié pour le dehors de la bouche, soit aussi propre à la forme de la barbe, & à celles de la teste & du col, ensemble à la capacité des membres, comme il se trouuera cy-apres expliqué par ordre.




# Des Preceptes.

9


EMBOUCHEURES POUR LES CHEVAUX,  
*qui ont la bouche naturellement legere.*

## CHAPITRE II.


**A** PRES que le cheual sera allegery avec le simple canon, & libre pour le moins aux maneges de guerre, & qu'on aura bien consideré le naturel de sa bouche, si on cognoist que les barres soyent assez sensibles, & que la langue ne soit trop haulte, ou trop grosse, ny les léures trop grandes, ou trop espaisces, ceste premiere escache luy sera propre pour quelque temps à cause qu'elle appuyera esgalement par tout, sans beaucoup differer du simple canon.



Si en ceste premiere escache la langue ne peut auoir son mouuement assez libre, soit à cause de la grosseur excessiue, ou pour n'auoir sa place naturelle assez spacieuse dedans son canal; cest autre escache à demy-fourchette luy donnera vn peu plus de liberté, luy faisant aussi la bouche plus frefche & plus belle.



Et si ceste liberté n'est suffisante pour bien loger la langue, qui sera trop haulte ou trop grosse, il faudra tenir la fourchette vn peu plus haute, ou faire la montee à la façon d'vn demy-pied de chat, ou d'vn col d'oye, selon ces autres trois pourtraits,




Mais en ses emboucheures ouuertes, comme generally en toutes les autres qui se trouueront cy-apres figurees, il faut garder les mesures representees, & sur tout la distance des deux endroits, qui doiuent appuyer dessus les barres, & lesquels sont icy monstres par les poinctes de ce compas : car outre qu'ils reseruent la place limitee pour la langue, c'est aussi la proportion de laquelle despend le principal effect de l'emboucheure necessaire pour la legeresse & facilite de la bouche du cheual.


## Des Preceptes.

II

IL faut aussi particulièrement considerer en ces escaches, mesmement aux plus simples qu'elles laissent l'escaillon plus libre que ne font la plupart des autres emboucheures, à cause que leur forme va en diminuant depuis le banquet, iusques au ply du mitan & occupans par ceste diminution moins de place sur les barres, elles sont propres pour les cheuaux, qui ont la fente de la bouche petite, & que les barres n'en sont trop dures, ny trop charnues, pourueu que l'escache ne soit trop grosse au droict du chapperon, & qu'elle ait la forme de ce dessin.



QUANT à la ceciliane, si la fente de la bouche est grande, ie suis d'aduis qu'on la face tenir à l'œil, par vn ply sans touret, & qu'elle ne soit que de deux pieces: & si la bouche est peu ou mediocrement fendue, la ceciliane ordinaire de trois pieces, qui tiennent à l'œil par vn touret, luy donnera plus de plaisir, à cause qu'elle remplira moins & sera plus mouuante: comment qu'elle soit faicte, il faut bien prendre garde que les plis, tant des tourets que de la ceciliane, soyent si bien tournez & polis, qu'ils ne puissent blesser en façon quelconque la jouë du cheual, dedans ny dehors.






*QUAND LA BOUCHE DV CHEVAL EST PEV  
fendue, & que les barres en sont de leger appuy.*

## CHAPITRE III.

**I**L y a desia long temps, qu'on a laissé l'vsage commun des emboucheures à oliues, parce qu'elles ne donnent point de liberté à la langue, ny d'espace vuide à la léure: toutesfois elles sont propres & aucunesfois nécessaires aux bouches, qui ont la fente si petite, que presque l'emboucheure ne trouue point de place, pour appuyer dessus la barre, sans toucher & offenser l'escailon. En telle occasion on peut vser des oliues, à cause qu'elles n'occupent pas beaucoup de place dessus les barres, ny aux genciues & léures. Et d'autant que la langue estant trop pressée, ne peut rafraeschir ny embellir la bouche, ny par consequent faciliter l'appuy de la main, il est nécessaire de donner ordinairement quelque montee à ses oliues, comme il se voit cy dessous: & par ce moyen le cheval qui sera naturellement leger à la main, & qui neâtmoins aura la bouche trop petite, se trouuera mieux embouché que s'il auoit vne autre emboucheure, qui remplit dauantage: mais si les léures sont trop grandes ou trop espais, il y aura vne difficulté, à laquelle il faudra remedier, comme il se trouuera cy apres expliqué.




QUAND


*QUAND LA FENTE DE LA BOUCHE DV CHEVAL  
est trop petite, & que les leures sont dures & espais,es, quoy que les  
barres soyent assez sensibles.*

## CHAPITRE. IIII.

**L**E cheual qui a la bouche trop petite, a communément aussi les leures dures & fort espais,es, & l'appuy des barres dur ou faux: toutesfois il s'en trouue ausquels ces imperfections de fentes & de leures n'empeschent pas que les barres ne soyent assez sensibles, pourueu que l'emboucheure, (quoy qu'elle soit douce) puisse appuyer nettement dessus icelles, & au vray lieu où cest appuy se doit faire: & par ce que les oliues precedentes ne defarment pas les genciues, mais plustost presfont & eslargissent les leures, & que par consequent l'appuy en est plus dur, ou plus sourd, il est necessaire en telle occasion de faire l'emboucheure comme elle se void cy apres figuree: car la rouelle rangera la leure grosse & importune, en la place vuide de la lettre b, & par ce moyen le point du c, qui est en la demie oliue, appuyera iustement & sans difficulté sur le vray lieu de la barre.



Si au lieu de ceste demie oliue, il y a vne piece qui apporte la mesme forme, & celle de la rouelle ensemble, l'emboucheure en sera plus ferme & plus iuste: mais elle donnera moins de plaisir au cheual.




*QUAND LES PROPORTIONS DE LA BOUCHE*

*du cheual sont generally bons, & que l'appuy en est naturellement temperé.*


CHAPITRE V.



**Q**UAND la bouche du cheual est bien proportionnée & de bon temperamment, c'est à dire qu'elle n'est trop petite, trop sensible, trop charnuë, ny trop dure, l'escache à bouton qui se verra cy-apres figurée la deura bien emboucher: à cause que si la fante d'icelle bouche est assez grande, le bouton ou balotte appuyera dessus la barre, en la iuste place du vray appuy, sans importuner ny toucher l'escailon: & si le temperamment naturel de la barre & gencieue, rend l'appuy commun à pleine main, ce bouton estant bien logé, apportera quelque subiection & legeresse extraordinaire, sans rompre, meurtrir n'y offenser aucune partie de la bouche: & outre la commodité du vuide, qui se void entre la distance des deux boutôs, le roulé mouuement d'iceux conuiera d'auantage le cheual, à s'esgayer par le plaisir de la langue, en la place limitée entre la ligne de la lettre a, & le ply du mitan de l'emboucheure: & si les leures & yenciues ne sont naturellement trop, ny assez charnuës, la grosseur du chaperon de l'escache couurira, & garnira suffisamment ceste partie: tellement que toute l'emboucheure pourra appuyer par tout, sans laisser beaucoup de vuide inutile, ny offenser la bouche en aucun lieu.



Et pour donner vn peu plus d'espace, & de plaisir à la langue, il sera bon de faire les en:boucl:ures, de façon que les plis du mitan se trouuent plus hauts que l'ordinaire, comme il est icy representé: mais il ne faut pas que la montée de ceste liberté, soit plus haulte qu'elle se voit en ce dessein: car si elle l'estoit, toute l'emboucheure ensembleroit vne action desordonnée, dont les boutons en trebuchant, ou en se serrant trop, donneroient occasion au cheual de tenir la bouche ouuerte, & de faire les forces.






A V C V N S nomment la montée de ceste emboucheure, col rompu, les autres l'appellent: montant, l'vn mot est aussi propre que l'autre.



# Des Preceptes.

15

Si en exerçant le cheual avec ceste emboucheure à col rompu la langue se trouue encores si pressée qu'elle en deuienne enflée, & noire bluaistre, lors on luy doit ordonner vne espace plus grand, tout ainsi que l'ay dit aux emboucheures precedentes, & qu'il est encores icy figuré.



AVTRES EMBOVCHEURES POVR LES SVSDITES  
bouches, qui ont l'appuy à pleine main, & qui sont  
mediocrement fendues.


## CHAPITRE VI.

**I**'A y desia dit au premier Liure, parlant des diuers appuys des bouches differentes, que celuy que nous nommons à pleine main, se doit entendre pour le mediocre, assauoir, qui n'est trop sensible ny trop dur, auquel les susdites escaches & balottes sont propres : & d'autant qu'il y a des cheuaux qui ont la langue grosse ou haulte, à laquelle ne se peut bonnement donner place suffisante, qu'elle ne prenne occasion de sortir ou pèdre hors la bouche, ou de faire tenir ordinairement la bouche ouuerte, mesmement quand la montee est si haulte qu'elle touche le palais trop charnu, ou qu'elle arriue pres d'iceluy ; quand nonobstant ces imperfections les bar-

b ij

res font de leger & ferme appuy, il est bon d'vser de poires renuersees à l'emboucheure: parce qu'estant logees comme elles se verront en ces plus proches figures, elles peuuent donner telle place à la langue, qu'elle ne sera tant pressee, que soustenir trop l'emboucheure, & deffendant la barre plus que de besoin, l'appuy de la main en soit assoupy, & la langue ne trouuera tant de liberté qu'elle ne puisse aucunement soulager les barres & genciues, & n'aura beaucoup d'occasion de prendre & s'abandonner sortant de la bouche. Mais ces poires appuieront vn peu plus fort dessus les barres que les balottes des escaches precedentes: à cause que la pance du fonds de la poire est plus abatue & plate à l'endroit de la lettre a, que n'est la rondeur de la balotte là où se voit la lettre e: ces poires donneront aussi plus d'espace à la léure, là où se voit la lettre i: toutesfois elles n'accompagneront pas assez la genciue bien proportionnee, parce que leur grosseur commence à diminuer trop pres de l'appuy, qui se fait dessus la barre: & en cela elles tiennent aucunement de la rudesse & incommodité des rouelles: c'est pourquoy il faudra appliquer ceste forme de poires aux bouches, qui seront plus solides que sensibles.


P O U R les bouches de la susdite forme & nature, aucuns vsent en ces poires renuersees d'vne emboucheure ouuerte & entiere: & pour moy, ie l'approuue communément pour fort bonne, pourueu que la montee soit proportionnee, comme elle est icy apres. Car outre les commoditez que la langue & les léures trouuent aux vuides, & concautez qui se voyent au dessus de la ligne tiree sous ladite emboucheure, ensemble le ferme & principal appuy, que la plus haulte rondeur de la poire estant iustement logee, fait dessus les barres, aussi ceste forme d'emboucheure entiere, & par consequent limitee en sa mesure, apporte vne telle esgalité en son mouuement general, que la bouche esgaree ou falsifiee, en peut estre assuree avec le temps & la bonne main: au contraire de l'opinion de ceux, qui tiennent par maxime que les emboucheures entieres offensent plus les bouches, que celles qui se plient. Sur tout il faut bien prendre garde, que l'appuy des barres se face en cest emboucheure ouuerte & d'vne piece, à l'endroit où se void la lettre A, dessous la ligne.



## Des Preceptes.

17

Il y a de bons Caualerics, qui font d'aduis que la summité de la montee de ceste emboucheure entiere soit pliee & renuersee du costé de la langue, ie l'approuue, assauoir quand il est necessaire de faire la liberté si haulte, que le palais en puisse estre touché, & importuné: car par le moyen de ce ply, ou tour le palais est garenty de ceste importanité: mais si la langue se peut passer de la montee extraordinaire, il me semble que c'est erreur de la tenuerfer, parce que la langue en est d'autant incommodée, & que la seconde montee icy figuree n'est si haulte, qu'elle puisse toucher le palais.



En ces poires renuersees, on peut aussi vser des precedentes façons de libertez de langue telles qu'il sera necessaire, selon les occasions susdites.

---

POVR LES BOUCHES FOIBLES,  
ou trop sensibles.


### CHAPITRE VII.

**I**L y a des cheuaux, qui ont la bouche foible, ou tant sensible, qu'ils n'osent se resoudre au ferme appuy de la main: les vns pour ne pouuoir patir aucune incommodité dessus les barres & genciues; les autres craignant d'auoir la langue & les léures pressées: d'autres qui apprehendent trop la douleur de la barbe: tellement qu'il est fort mal-aylé & presque impossible de leur asseurer la bouche, la teste, ny le col, tant qu'ils sont saisis de tels soupçons. L'ay desia dict, parlant des plus consequens effects de l'exercice du galop: que les galoppades larges ou longues, & sans fougue peuuent seruir de principal remede à ses irresolutions d'appuy, & les raisons en sont assez clairement expliquées au premier & second liure. Mais pour monstrier les commoditez que l'emboucheure y peut apporter, j'ay voulu presenter la canne qui se trouuera cy-apres figuree, laquelle donnera plus d'occasion au cheual, qui craindra seulement la douleur des barres, de s'asseurer


b iij



sur l'appuy de la main, que ne feront toutes les emboucheures precedentes, tant à cause de la grosseur esgale, & vnie, que parce que la langue, quoy qu'elle soit assez enfoncée dedans son canal, la soustendra avec les leures, & par consequent les barres en seront d'autant soulagees; ioinct aussi qu'estant ainsi d'une piece, elle demeurera ordinairement en mesme situation dedans la bouche du cheual, quelque mouuement que face la main du cheualier.




Et si d'auenture la bouche n'est assez fendue, pour receuoir ceste emboucheure, sans que les leures & les jouës en soyent incommodees, il faudra oster la ceciliane: & si cela ne suffit, on fera la canne en ceste autre forme, qui donnera communément moins d'appuy que la premiere: mais elle se logera plus aisément dedans la bouche peu fendue, à cause de l'espace vuide, où se voit la lettre A, auquel la leure trouuera peut-estre la place suffisante: & en ceste seconde canne on pourra oster aussi s'il est besoin la ceciliane, afin de tenir l'emboucheure plus haulte, laissant l'escaillon franc du dommage d'icelle, sans offenser ny incommoder la joue du cheual.




Si la langue du cheual est fort basse, ou menue, & que les barres soyent trop sensibles; la canne se peut faire de ceste autre façon, laquelle soulagera les barres plus que ne feront les deux premieres: à cause qu'estant ainsi pansue, elle appuyera d'auantage dessus le milieu de la langue, mais ne desarmera pas tant la barrie, comme la precedente emboucheure qui perd sa grosseur tout à coup, pour donner place à la leure. Celle-cy ne pressera pas beaucoup la leure; à cause que la grosseur va en diminuant du milieu, iusques au ply du banquet. En fin ces cannes seront propres; iusques à ce que les


Il faut que les cannes soient faites, & que le cheual soit asseuré aux bons & fermes mouuementits de la main du cheualier, & apres il faudra vser d'autres emboucheures, selon les diuer-  
les proportions & temperatures de la bouche.



Il est aysé à iuger par ces explications, que ces cannes sont propres pour asseurer, à l'appuy de la main, les barres qui sont offensées, ou trop delicates, quand la langue est assez basse ou menue, & qu'elle ne craint point le poix, & l'importunité de l'emboucheure, comme ie viens de dire. Mais quand elle est haulte, grosse, ou trop sensible, & que le poix de l'emboucheure l'esslargist, la noircist, ou la tourmente par quelque douleur, il est necessaire (au lieu de ces cannes) d'vser de ce campanel d'une piece, car il pressera beaucoup moins la langue, & si ne laissera pas de refoudre peu à peu la barre trop sensible, au ferme, & temperé appuy de la bonne main.




PAR ceste petite figure, on peut voir comme il faut que soyent faits les noyaux, & plis de toutes les susdites emboucheures entieres, afin que ces cannes & campanels se puissent mieux faire separément.



b iiij



L'EMBOUCHEURE cy-deuant figuree appuyera egalemt par tout dedans la bouche: toutesfois si les léures en sont espaisſes, ceſt autre campanel l'embouchera mieux, par ce qu'il donnera quelque eſpace libre à la léure, entre la hauteur du fonceau, & le ply du banquet, où ſe voit la lettre e, & par conſequent deſarmera d'autant la gencive: Et outre qu'il donnera ceſte place à la léure, il preſſera moins la langue à cauſe que les hauteurs & rondeurs des deux fonceaux, ſont plus voiſines: & ce iugement ſe peut faire par le vuide marqué a, qui eſt repreſenté entre le mitan de l'emboucheur, & la ligne tirée au deſſous.



OUTRE les aſſeurances que le cheual trop ſenſible de bouche peut trouuer aux proportions & ſituations de ſes dernières emboucheures, il y a encores en icelles vne autre commodité conſiderable. Aſſauoir que quand on rameine la teſte du cheual, ou comment que le cheualier tire les reſnes à ſoy, le noyau de l'emboucheure tourne dedans la canne, ou le campanel d'une piece ſans que l'une ny l'autre emboucheure roule deſſus la barre, ny la langue, comme ſont le canon & l'eſcache: tellement que l'appuy ſe faiſant par ce moyen avec moins de mouuement, le cheual ſ'y doit reſoudre plus commodément. Toutesfois le canon & l'eſcache ſimples ne laiſſent pas de ſeruir auſſi à drefſer & aſſeurer la bouche offenſée ou trop ſenſible. Quant aux cheuaux qui battent à la main, craignans extraordinairement la douleur de la barbe, ie remets l'explication des remedes au diſcours des yeux des branches & des gourmettes qui ſe trouueront cy-apres.

EN l'vſage des ſuſdites eſcaches à bouton ouuertes, & meſmement des poires renuerſées, il faut tenir ordinairement la montee plus baſſe, que ſi l'emboucheure eſtoit ſimple & ordinaire, à cauſe que le bouton ou balote, & la groſſeur de la poire, appuyans iuſtement deſſus la barre, tiennent la montee plus haute, d'autant qu'il y a de la ligne du b, iuſques à celle du c, c'eſt à dire autant que l'endroit du bouton ou poire, qui appuye ſur la barre, a de hauteur: & pour mieux faire comprendre ceſte proportion, j'ay voulu ainſi repreſenter l'une moitié d'emboucheure avec le bouton ou la poire, & l'autre toute ſimple.





LA distance de ces boutons & poires est vne des mesures qu'il faut garder avec plus de recommandation, mesmement quand l'emboucheure est ouuerte: parce que ceste distance limite les endroits des barres, qui doiuent souffrir le principal appuy de la bride, & desquels endroits despend l'obeissance, subiection, legeresse, & fermette de la bouche du cheual, selon ce que le mors y apporter par sa iuste forme & proportion.



Et quoy qu'en ces occasions l'observation moins limitee, soit commune à la montee & liberté qu'on donne aux emboucheures: à cause que d'ordinaire en diuers cheuaux on trouue les langues plus dissemblables que ne sont les distances des barres, si est-ce que ie voudrois qu'on gardast généralement la haulteur de ces libertez pourtraittes, qui peut-estresembleroit trop basses à quel ques-vns: toutesfois s'ils sont bons Caualerices, ils cognoistront par la bonne experience, qu'il vaut mieux que la langue soustienne vn peu l'emboucheure, quoy que aucunesfois elle rende l'appuy de la main vn peu moins leger, que si ayant trop de liberté elle sortoit, & pendoit cōme abandonnee hors la bouche, ou que la montee, approchant trop du palais, donnast occasion au cheual de tenir la bouche ouuerte: & pour rendre ceste explication plus facile, i'ay voulu ainsi representer par ces figures la façon de bien mesurer telles proportions, tant aux escaches simples, qu'à celles à bouton.

IL faut tenir ces escaches grosses ou menues, selon que la bouche du cheual sera beaucoup, mediocrement, ou peu fendue, ou que les léures & iouës seront espais, ou tenues: & les grosseurs des poires se garderont aussi selon que la bouche sera beaucoup ou peu fendue, afin que toutes les proportions se rapportent si bien, qu'il n'y ayt rien de contrainct, ny de confus.


*QUAND LA BOUCHE EST MEDIOCREMENT  
fendue, & que les barres sont assez sensibles & les léures trop espais.*


## CHAPITRE VIII.

**S**I en l'usage des escaches susdites, les léures du cheual s'elargissent au droit & au dessous de l'emboucheure, faisant comme vn gros borb hors la bouche, & derriere le banquet, cela mōstrera qu'elles sont trop charnues: & que par consequent la grosseur de l'escache les charge trop: mais quand tel cas aduiendra, il faudra entailler les boutons ou poires en vne emboucheure à couplet, afin que la léure trouue plus de place entre les boutons & le ply du banquet, comme il est representé par ces pourtraits.



Si la langue n'a quelque grosseur excessiue, ou autre imperfection extraordinaire, il se faudra tenir, selon qu'elle sera haute, aux proportions des precedentes montees & libertez, qui se voyent encores icy figurees. Et la barre estant trop despourueue de chair, ou la bouche fendue si hault, que pour la mieux garnir & remplir, il soit besoin de croistre ceste commune grosseur de balotte, il faudra considerer, en ce faisant, la proportion & nature des léures: afin que sans occasion necessaire, la grosseur extraordinaire de la balotte ne retranche trop la liberte de la léure, qui doit estre entre le ply du banquet, & la balotte.






AVTRES EMBOVCHEVRES PROPRES AVX BOVCHEs  
*qui sont un peu plus grandes que l'ordinaire, & qui neantmoins ont les barres  
assez sensibles, comme i'ay dit cy-deuant.*

## CHAPITRE IX.

**I**L y a des bouches grandes & sensibles, qui pour bien gouster la vraye fer-  
messe de la main, veulent estre beaucoup remplies: quand cela est, il faut  
vser de campanels en ceste façon, à sçauoir si la langue est subtile, ou af-  
sez enfoncée en son canal, car autrement elle se trouueroit trop pressée.



LA plupart des hommes de cheual, tiennent que ceste emboucheure à campanels,  
donne beaucoup plus de liberré à la langue qu'elle ne fait, & se figurent ceste liberré  
en l'espace qui se void entre la ligne de la lettre a, & le ply du mitan de l'emboucheu-  
re: mais pour voir clairement en quoy ils se trompent, il faut considérer que la hau-  
teur du fonceau du campanel, à laquelle ils prennent ceste liberré au point de la let-  
tre b, n'appuye pas en lieu qu'elle puisse laisser tant de vuide, pour la place de la lan-  
gue: car l'extremité de ceste rondeur, & grosseur, se loge entre la genciue & la leure:



& le poinct de l'endroit qui appuye dessus la barre, est celuy auquel se void la lettre c, selon les vrayes proportions que les caualerics mieux fondez obseruent en la iustesse des emboucheures : tellement que presque il ne reste non plus de place pour la langue, qu'en vn simple canon. Quant au vuide qui est entre le fonceau du campanel, & le ply du banquet, où est la lettre d, c'est l'endroit où la leure doit prendre sa place, tant pour desarmer la genciue, s'il est besoin, que pour donner autant de moyen à l'emboucheure d'appuyer esgalement par tout sans incommoder ny offenser aucune partie en la bouche du cheual.

EXPLICATION DV MOT ARMER SELON L'OCCASION  
*susdire, & la difference qu'on doit faire de la barre à la genciue.*

CHAPITRE X.




AR ce mot armer, on ne doit pas seulement entendre l'action que le cheual fait en courbant trop l'arc du col, baissant le front, & appuyant les branches du mors contre la poitrine; cela se peut bien appeller armer, entant que le cheual ne donne iamais dedas vne trouppessee avec tant d'assurance, tenant le nez tant soit peu trop aduancé, comme quand le hault du front se trouue le premier: de sorte que par ceste action il semble que le cheual se mette en garde pour vouloir heurter, ou soustenir vn choc: c'est pourquoy on nomme ceste posture armer: toutesfois la pluspart des cheuaux, qui sont ordinairement telle contenance, monstrent par icelle les moyens malicieux, par lesquels ils defendent les barres, les leures, & la langue, en s'opposant aux bons effects de la bride, comme nous dirons en lieu plus expres. Mais quand on parle particulièrement des emboucheures, & de ce qu'on y met pour desarmer les genciues, cela se doit entendre, les moyens d'empescher que la leure trop grande, ou trop espaisse ne se loge entre la genciue, & enuiron l'endroit de l'emboucheure, qui doit appuyer & faire son effect aupres, & au dessus de l'escaillon. Et parce que plusieurs hommes de cheual prennent la barre, & la genciue indifferemment l'une pour l'autre, ie les aduise que pour mieux comprendre les iustes proportions de l'emboucheure, la genciue se doit entendre proprement tout ce qui est de plus solide au dessous de la sommité de la barre, descendant au fonds de la leure.


Pour reuenir à nostre emboucheure à campanel, ie rediray qu'elle pourra estre propre à resoudre la barre sensible, au ferme & temperé appuy de la main: à cause que le campanel remplit beaucoup, & porte esgalement par tout, & mesme qu'il n'a rien qui soit aspre ny raboteux, là où se voit en la susdite figuré la lettre c, qui est le vray endroit qui doit appuyer dessus la sommité de la barre: & le fonceau d'iceluy campanel separe de la genciue la leure trop charnue, & la loge aisément entre soy, & le ply du banquet, en la place de la lettre d, tellement que gardant bien toutes ces mesures & proportions, le cheual qui aura la bouche de la susdite nature, s'en trouuera bien embouché, pourueu, comme i'ay desia dit, que la langue ne soit trop haulte, ny trop grosse: & si lon recognoist en ceste emboucheure que la langue n'y puisse trouuer sa place suffisante, il luy faudra donner son espace necessaire par des montees, & libertez semblables aux precedentes, comme il se void en ces autres figures.

IL ya vne nature de leure, qui n'est pas trop espaisse: mais bien si large & si molle qu'elle couure & arme facilement la genciue, & se trouuant pressée par l'emboucheure, elle fait que la bouche du cheual demeure ouuerte, ou au moins amortie, & par  
con-

consequēt appesantit l'appuy de la main, à cause qu'elle empesche que ce qui doit appuyer dessus la genciue, ne peut prendre librement & nettement sa vraye place: or en telle occasion, ce campanel sera fort propre estant bien logé, parce que, comme i'ay dit cy-deuant, le fonceau d'iceluy met & arreste la léure entré soy, & le ply de l'emboucheure, qui accolle le banquet, & par ce moyen la genciue demeure nette dessous ce qui doit appuyer dessus icelle: & d'autant que d'ordinaire, ces leures sont les moins charnues, & celles qui laissent plus de vuide entre elles & les genciues, il faut aussi tenir le fonceau du campanel plus hault que si elles estoient plus espaisces, afin de les mieux separer de la genciue: mais sans telle neccesité, ceste proportion figuree sera communément bonne.




Si le fonceau de ce campanel est plat, il separera mieux la léure dure & espaisce de la genciue, sans la faire border en dehors: mais quand la léure est large & tenve, le fonceau voulté est propre à la desfarmer, & remplir ensemble.




AVTRES EMBOÛCHEVRES QVI SONT PROPRES  
*aussi pour les cheuaux, qui ont les barres sensibles, & la langue assez menue,  
ou suffisamment enfoncée dedans son canal.*

## CHAPITRE XI.

**I**L y a ainsi que, comme i'ay dit cy-deuant, il y a plusieurs personnes qui pensent que le campanel simple & ordinaire donne beaucoup plus de liberté à la langue du cheual qu'il ne fait, aussi font-ils la même erreur en l'emboucheure des poires. Je ne veux pas dire que la langue ne trouue quelque soulagement en cest espace, qui se voit icy dessous entre la lettre a, & le ply de l'emboucheure : Mais à la verité c'est trop peu, pour estre dit liberté, comme il se peut comprendre par ceste figure.



Et s'il y en a qui pour accroistre le peu de liberté de ceste emboucheure ny autre, hors mis le simple canon, la facent monter depuis le ply du banquet, iusques à celui du mitan, l'action en sera faulce dedans la bouche du cheual: car la mâchoire se trouuera trop pressée & serrée par le dehors: tellement que pour bien asséoir l'emboucheure en son lieu plus propre, il est nécessaire qu'elle soit droite, depuis le ply du banquet iusques à l'endroit du B, qui est le poinct iuste & limité, où se doit faire le vray appuy sur la barre, comme il est icy représenté. Mais passé ce poinct, on peut haulser le ply de l'emboucheure, s'il est besoin.



CESTE emboucheure donc se trouuera douce & plaisante pour le cheual, qui sera naturellement léger à la main, & qui aura la langue subtile: elle ne desarmera pas tant comme le campanel: mais embouchera plus proprement la bouche, qui ne sera trop fendue, & qui aura la léure bien proportionnée; & mesmes résoudra souuent à l'appuy de la main, les barres qui seront fort sensibles, à cause que la grosseur & rondeur de la poire accompagne plus doucement la descente de la gencieve, que ne fait



la forme du fonceau du campanel. Et pour donner place à la langue, qui se trouuera trop pressée sous l'appuy de ceste emboucheure, il faudra vsfer des libertez & montees cy-deuant figurees, hors-mis de celle à col rompu, qui selon les portraits precedés ne seroit suffisante, à cause que la poire estant logee en la façon qu'elle est cy-dessus representee, ne hausse pas tant l'emboucheure, comme fait la balotte, qui est entaillée aux escaches, & autres emboucheures, qui comme on a peu voir, representent les plis du mitan ou les montees plus hautes que l'ordinaire. Il faudra donc vsfer en la necessité des langues grosses ou trop hautes de ces campanels & poires simples & ordinaires, & des libertez & montees precedentes & plus commodes: gardant sur tout la distance des iustes endroits, qui doiuent appuyer dessus les barres.


AVCUNs tiennent ces campanels & poires de telle longueur qu'il n'y a qu'un fal, Fal; est à & quelquesfois rien entre le fonceau ou grosseur d'icelles, & le ply du banquet: mais quant à moy, ie n'vsfe pas souuent de telles proportions, parce que communément elles pesent & pressent avec tant d'incommoditez par les extremittez des grosseurs, que les léures s'elargissent, faisant comme vn gros bord, qui est aucunefois estraint & offensé entre l'emboucheure & le crochet de la gourmette, de telle sorte qu'outre l'incommodité qui en procede, le cheual en fait vne contenance fort des-agreable. Ce qui particulièrement me desplaist dauantage des effects de telles emboucheures, est qu'on voit paroistre les fonceaux des campanels, ou les grosseurs des poires, & mesmes l'escailon du cheual en est descouuert, chose tres-mal seante: car vne des particularitez qui embellist la bouche du cheual, est quand la léure se voit si proprement logée, qu'elle empesche de voir l'emboucheure: il faut aussi considerer en ces emboucheures, que tant plus on laisse d'espace pour la léure, tant plus faut-il faire les fonceaux des campanels, ou les culs des poires petits, parce que pour donner ceste liberté, on les approche tant des escailons, que sans ceste preuoyance ils en seront offensés ou incommodez.

QUAND LE CHEVAL EST LEGER A LA MAIN,  
 & qu'il a la bouche fort fendue, & la langue assez basse.

## CHAPITRE XII.




Il y a des bouches fort fendues, qui ont les barres & genciues bien proportionnees, & de leger & téperé appuy, tant que l'emboucheure demeure en sa iuste place dessus les barres: mais aucunesfois estés eschauffees elles boient la bride, & lors il se fait vn desordre qui desplace tellement toute l'emboucheure & la gourmette, que l'appuy en est du tout falsifié. En telle occasion, il est necessaire d'vsfer d'emboucheures qui remplissent assez. A quoy les imperiales, qui sont cy-apres figurees, apportent souuent beaucoup de commodité: parce qu'elles garnissent suffisamment depuis la place de l'appuy de la barre, iusques à l'extremité de la fente de la bouche.




ON peut iuger par ceste figure, que si la langue du cheual est large, grosse, ou haute, la distance qui se void entre les deux escaches, & celle de la ligne marquee A, iufques à la piece du mitan de l'emboucheure, luy donnera quelque commodité; & si ceste piece du mitan est faicte comme ceste autre petite figure marquee A, la liberté en sera vn peu plus spacieuse, & par consequent la bride plus plaisante.







Ces deux emboucheures feront communément vn mesme effect, hors-mis que les oliues seront plus propres pour les bouches moins fresches, à cause qu'elles n'occuperont pas trop de place en leur ferme appuy, & aussi qu'elles rouleront par le mouvement de la langue: & les escaches emboucheront mieux les bouches esgarees & fort sensibles, parce que leur appuy se fera avec moins de mouuemens.

La difference qu'il y a de ceste emboucheure suyuant à la premiere imperiale, qui paroist estre du tout semblable, depend de la longueur de la piece du mitan & par consequent de la distance des deux escaches: & celles icy estans plus voisines, seront plus propres aux bouches estroictes de canal & de barres.






PARCE que deffous l'appuy des oliues & escaches la léure peut estre aucunes-  
 fois trop contrainte, il se faudra seruir en telle necessité des autres imperiales à cam-  
 panelles, ou à poires, qui sont cy-apres representees, lesquelles rempliront dauantage  
 & plus proprement: à cause qu'elles donneront quelque place vuyde à la léure espais-  
 se, & desarmeront d'autant la genciue: mais il faudra vser des poires aux barres plus  
 sensibles: toutesfois ce n'est pas à dire que le campanel ayt rien de foy, qui puisse of-  
 fenser la barre, beaucoup plus que la poire: car l'appuy principal de l'un & de l'autre,  
 se fait indifferement au poinct de la lettre e, qui est vn endroit où il n'y a rien de  
 rude ny raboteux, c'est seulement parce que la poire accompagne plus plaisamment  
 la genciue à cause de sa rondeur plus vnies: mais le campanel la desarme dauantage: &  
 c'est vne maxime, que tant plus lon empesche que la langue, la genciue, ou la léure  
 supportent l'emboucheure, tant plus la barre souffre viuement la durté de l'appuy.



# Des Preceptes.

31


D'ONCQVES ces emboucheures donneront quelque liberté à la langue mouuante & subtile, & si elle est fort basse, on pourra entailler à la piece du mitan vne petite rouëlle, ou vne pommette qui luy apportera quelque plaisir dauantage; & aucunes fois la rouëlle estant assez haulte diuertira la langue trop longue, foible, ou pesante de fortir de la bouche, si elle y est accoustumee: mais la langue estant trop haulte, ces pommettes & rouëlles la presseront incommodément, & la feront deuenir noire, parce qu'elles occuperont la liberté, qui pourroit estre entre la ligne de la lettre A, & la piece du mitan de l'emboucheure, comme il est icy representé.



IE diray ailleurs les effets de ces campanels faillis, que ie n'ay mis en ce lieu que seulement pour accompagner la figure de ceste emboucheure.



Si aux susdites formes, & temperament de fente, de barre, de genciue, & de léure la langue se trouue si grosse ou si haulte, qu'elle ne se puisse loger en la liberté de ces imperiales, sans estre trop pressée, il faudra lors vsfer des autres emboucheures ouuertes, & de deux prises, qui sont cy-apres figurees, proportionnant en icelles la montée selon l'action & la haulteur de la langue, à sçauoir ny trop haulte, ny trop basse, & la piece qui doit appuyer dessus la barre, selon aussi la nature de la bouche, c'est à dire, ny trop rude, trop douce, trop grosse, ny trop petite.



POVR LES BOVCHES QVI ONT L'APPVY PLUS  
dur, ou plus pesant qu'à pleine main.

#### CHAPITRE XIII.

**Q**VAND le cheval a l'appuy de la bouche plus dur, ou plus pesant qu'à pleine main, il faut considerer d'où procede ceste duresse ou pesanteur: car elle peut naistre de foiblesse naturelle, ou de quelque douleur particuliere & accidentale, qui le tiendra aux iambes, ou aux pieds, ou de trop de fougue & d'apprehension, ou à faute d'hableine, & aucunesfois seulement de confusion, ou de desesperoir: quād telles imperfections ameineront la difficulté de la bouche, ie suis d'avis qu'on ayt, comme i'ay desia dit ailleurs, le premier recours au temps necessaire, à la bonne nourriture, aux remedes de la santé, & apres au moderé & bon exercice d'escole, bien & patiemment pratiqué, avec le simple mors à canon, & le caueillon, afin de disposer peu à peu le cheval aux bons effects d'une bride plus iuste, & plus artificielle.


IL faut encores considerer que le cheval peut aussi-tost tirer ou peser à la main, à cause de l'epaisseur excessiue de la langue, ou des léures & genciues, qui deffendront trop les barres de l'appuy des douces emboucheures, que pour la duresse des barres.

OR quand la barre, qui rendra l'appuy plus fort ou pesant qu'à pleine main, sera plus dure que trop charnue, & de mediocre haulteur, & que la langue ne sera trop haulte, ny les léures & genciues trop espaisles, on pourra vier de melons: car à cause





## Des Preceptes. 33

de leur grosseur & rondeur, ceste barre n'en sera si tost offensée qu'elle seroit de quelque autre emboucheure rude, qui remplist moins: & ces melons estans faits à côstes arrondies, comme ils sont icy figurez, le cheual en pourra craindre l'appuy, & par consequent en rendra plus d'obeissance & de legeresse, que s'ils estoient vnis:





Si en ce melon la lèvre se trouue trop pressée, ou s'il est tant soustenu par icelle que le vray appuy de la barre en soit empesché ou falsifié, le campanel ou la poire gaude-ronnée, qui se verront cy-apres, desarmeront beaucoup dauatage, & garniront commodément la bouché fort fendue, mesmement si elle n'est trop charnue: & la poire sera moins rude que le campanel, pour les raisons cy-deuant deduites, sur le propos des emboucheures precedentes: & pour esclarcir ceux qui voudront bien sçauoir laquelle de ces trois dernieres pieces offense plus la barre, ie diray que c'est presque indifferent: car si le melon par sa grosseur & rondeur appuye plus amplement dessus la barre au droit de la lettre A, le campanel & la poire accompagnent mieux la descente de la genciue, iusques au point de la lettre E: & partant la barre n'est presque ny plus ny moins offensée de l'une de ces emboucheures, que des autres, hors-mis que d'autant que le campanel desarme plus que la poire, ny le melon, il doit aussi appuyer dessus la barre & genciue plus viuement, c'est à dire, avec moins d'empeschement, & cela le peut rendre aucunement plus fort. Toutesfois si l'extremité du fonceau, là où se void la mesme lettre e, descend si bas qu'il puisse faire vn second, & assez ferme appuy au fons de la genciue, la barre en sera d'autant soulagée. C'est vne proportion particuliere, que i'expliqueray mieux en lieu plus expres.





CESTE poire ainsi gauderonnee se peut mettre à la renuerse pour la commodité de la langue, selon les occasions que j'ay desia dit au discours des premieres poires: mais à cause des gauderons, l'emboucheure en sera fort rude. Voyla pourquoy ie n'approuue pas qu'on en vse, si le cheual n'a la bouche extraordinairement grande, & la barre fort espaisse, & presque insensible: quant aux campanels vnies ou gauderonnez, ie ne suis non plus d'avis qu'on les renuerse: car sans doute le trenchant & ioincture du fonceau offenserá trop la barre & la genciue, si l'emboucheure est iustement située dans la bouche du cheual: & si la distance de ces campanels est trop spacieuse, l'appuy trebuchera & coulera par le dehors des barres, & par consequent aussi se treuera faux.

QUAND la dureté extraordinaire des barres vient d'abondance du chair, ou autrement de leur excessiue espaisseur, & mesmement si elles sont fort basses, les rouëles d'icy apres seront aucunesfois propres à telle forme & temperament de barres: par ce que ces rouëles estans plattes & assez haultes, elles appuieront plus viuement, & à cause aussi que les léures se trouueront placees & arrestees en ce vuide, qui se voit au lieu de la lettre a, de sorte qu'elles ne pourront deffendre les barres: mais ie n'entends pas que pour cest effect on face communément les rouëles plus haultes, ny plus plattes qu'elles sont icy figurees: au contraire ie blasme l'vsage de celles, qui par leur haulteur & viuacité meurtrissent & vlcèrent les barres & genciues.




## Des Preceptes.

35

a de liberté, tant plus la barre & genciue souffre viuement la violence de l'appuy de l'emboucheure, il ne faut pas seulement proportionner la montée de la liberté selon la haulteur de la langue: mais elle se doit aussi rapporter au temperament de la barre: & comme j'ay dit ailleurs, ces montees se doyuent mesurer au poinct là où se fait l'appuy dessus la barre: & pour compasser iustement les haulteurs qu'on voudra donner aux libertez de la langue, en faisant les portraits, il faut tirer les lignes qui se verront cy-apres en la prochaine figure, & garder l'ordre des poincts monstrez par les compas: & pour verifier les mesures iustes de la bride, qui aura esté ordonnee, ou telle autre qu'on voudra, il se faudra seruir d'un peu de fil ou ficelle, au lieu des lignes representees. On pourra voir aussi (en la même figure) par la demonstration du compas plus hault, comme lon doit mesurer la largeur generale de l'emboucheure.

POUR bien loger dedans la bouche du cheual, non seulement ces rouëlls, mais aussi les balottes, melons, & poires renuersees; il faut recognoistre soigneusement la distance des barres, & sur tout leurs haulteurs: & tant plus on les trouuera haultes, tant plus faudra-il tenir les rouëlls basses, espais, & arrondies, ou haultes & plates, selon que les barres seront basses: car si on vloit d'une rouëlle fort haute sur une barre assez releuee, l'emboucheure se trouueroit trop voisine du palais: & si la rouëlle estoit trop plate, l'appuy en seroit si aspre qu'il en blesseroit & falsifieroit la barre, & toute la genciue: à cause que les barres haultes sont communément les plus sensibles & delicates, d'autant qu'elles sont moins pourueues de chair que les basses, & que par leur haulteur elles donnent plus d'espace & de commodité à la langue en son canal: & par consequent soustiennent l'action de l'emboucheure avec moins de foulagement; c'est pourquoy elles doiuent estre plus conseruees: & au contraire les plus basses sont d'ordinaire comme insensibles, parce qu'elles sont trop rondes, espais, & charnues, & que par ces imperfections la langue ne pouuant auoir espace suffisant en son canal, ayde beaucoup à telles barres, pour soutenir & endurcir l'appuy de l'emboucheure, mesmement quand elle n'est point ouuerte. Et pource on doit aucunesfois emboucher la bouche de ceste nature avec des rouëlls plates, pour rendre leur appuy plus fort: & assez haultes, pour laisser la langue plus libre.





Le bon homme de cheual iugera facilement par ceste emboucheure figuree, qu'en toutes les montees & libertez, la commune mesure qui se compasse faisant vn des poincts du compas, là où se voit la lettre o, & l'autre à la lettre v, est faulse sans aucun doute: car l'appuy de la barre ne se fait pas à l'endroit de la lettre d'embas, ny la langue ne peut arriuer à celuy de la lettre d'enhaut.

Je sçay que l'espace de la liberté, qui se voit entre ces roüelles se trouuera plus large que la premiere mesure: mais c'est parce que faisant leur effect avec plus de violence que les emboucheures precedentes, elles doiuent appuyer plus sur le dehors de la barre, & pour ceste raison, j'ay dit qu'elles sont propres aux barres espais, dures & basses: & pour empescher qu'elles ne tres-buchent hors la genciue, à cause de ceste largeur de liberté, il faut qu'elles soient en taillees vn peu en biais, comme il est représenté en leur figure: & notamment ie diray encores sur ce propos, que si le cheual tire ou pese à la main, & que la bouche se blesse facilement, il est necessaire d'augmenter discrettement la rudesse & subiection de la gourmette, soit en la forme, ou en la mesure: & si la barbe est trop sensible, & l'interieur de la bouche assez solide, il faut par conséquent que l'appuy de la gourmette soit doux, & celuy qui se fait sur la barre assez fort, pourueu qu'il n'en blesse aucune partie. I'expliqueray ailleurs la difference des gourmettes, & celles que j'approuue plus pour mon vſage.

RECEPTE PRINCIPAL, POVR BIEN LOGER SVR LA  
barre, la partie de l'emboucheure propre pour le vray appuy de la main.

CHAPITRE XIII.



L n'est celuy qui se melle de bien emboucher le cheual, qui ne soit soigneux de chercher les moyens d'appuyer l'emboucheure dessus les barres, enuiron vn petit demy-doigt plus hault que l'escailon: mais tous les Caualerices ne sçauent pas bien le poinct du iuste lieu, auquel se doit faire ce vray appuy, mesmement quand l'emboucheure donne liberté à la langue, soit estant ouuerte, ou par la haulteur, ou grosseur de ce qu'ils veulent loger dessus la barre: & la pluspart de ceux qui ont plus de subtilité, tachent par leur industrie de limiter cest appuy, iustement dessus la summité & le trenchant de la barre: qu'il soit ainsi, ils veulent que les poincts des endroits de l'emboucheure, qu'ils dedient pour la iustesse de l'appuy, n'ayent communément qu'vn poulce de distance de l'un à l'autre, laissant cest espace pour la liberté de la langue: mais en ceste mesure ils peuuent faire vne erreur fort grande. Car il faut considerer la proportion naturelle de l'os de la maschoire du cheual, lequel, comme lon peut voir par l'anatomie, est caué en ceste partie par le dedans, afin de donner à la langue la place que nous nommons le canal, & par le dehors, il est comme demy rond, & au haut de la barre du costé du canal, l'extremité de l'os est presque trenchante, à cause que c'est l'endroit auquel le canal commence sa concauité, & mesmes il en est moins charnu qu'en autre part. Or si le plus fort appuy de l'emboucheure se fait dessus ceste partie plus haulte, sans doute le peu de chair qu'il y a d'ordinaire, se trouuant fort pressée entre le trenchant de l'os & le fer, aucunes fois sera tellement offensée, que la douleur contraindra le cheual à tenir la bouche ouuerte, & cherchant les moyens d'esquiuier & desrober les barres, fera souuent les forces ou quelque autre contenance desagréable, qui tesmoignera le desplaisir qu'il receura en l'importunité, & incertitude de cest appuy.

Il faut donc que le principal appuy de l'emboucheure se face pres de l'escailon, sans le toucher, & en ceste demy-rondeur, qui est au hault de la barre du costé de dehors

# Des Preceptes.

37

hors : mais tout ainsi qu'on doit euitier que cest appuy ne se face directement dessus la partie trenchante, là où le canal commence sa concauité, il se faut aussi bien garder de faire l'appuy, tant à l'extremité du dehors de la barre, que l'emboucheure puisse trebucher dessus le bas de la genciue : car la situation de l'emboucheure en seroit faulse, & par consequent son appuy desordonné : & pour mieux garder la commune iustesse de ceste mesure, ie l'ay voulu obseruer en toutes, ou en la pluspart de ces emboucheures figurees.

## EMBOUCHEURES PROPRES AUX CHEVAUX QUI


*ont les barres hautes & dures, & la bouche sèche.*

### CHAPITRE XV.



Vo y que i'aye dit cy-deuant que d'ordinaire les barres hautes sont les plus sensibles, si est-ce qu'il se trouue aucunesfois des chevaux, qui de leur naturel ne laissent pas pour ceste hauteur, de les auoir dures ou encallies par accidents, sur lesquelles on ne doit que par grâde necessité appuyer balottes, rouëlle, poire renuersee, ny autres pieces, qui par leurs formes tiennēt l'emboucheure releuee : car si tel


appuy se faisoit iustemēt au hault de la barre de ceste nature, il en seroit trop violent, à cause qu'il ne pourroit estre soustenu, ny accompagné de la genciue, (estant trop droite) ny la léure, ny mesmes que fort peu de la langue : & si l'appuy en estoit fait sur la rondeur du costé hors la barre, l'emboucheure trebucheroit facilement en descendant par la genciue, n'y trouuant place suffisante pour s'arrester assez fermement. En telle occasion le campanel gauderonné & precedent sera propre aussi cest autre Fally, fait campanel fally, parce qu'en appuyant dessus la barre il accompagnera aucunement à fals, ou la descente de la genciue, estant ainsi fait en grossissant par le dehors : & selon que la rouëlle. léure sera large, espaisse, ou platte, il luy faudra laisser son espace nécessaire, ostant ou adioustant vne piece en ce campanel fally, qui est icy figuré ; & outre que ceste emboucheure garnira proprement telle barre & genciue, elle rendra souuent par ses mouuemens roulez la bouche fraîche, pourueu que la langue ne soit naturellement immobile, & qu'elle ayt sa place & liberté suffisante.



Il semblera peut-estre à quelqu'un que selon les proportions precedentes la distance de ces campanels fallis soit trop estroite, à cause qu'ils appuyeront dessus l'endroit extreme de la barre, que i'ay cy-deuāt reserué : mais ie veux aduertir ceux qui seront en ce doute, qu'en ceste exception il n'y a point de danger que ce campanel, appuyant dessus la barre, ariue iusques au bord du canal, parce qu'estant formé en grossissant par le dehors, il accompagnera la proportion de la genciue en telle sorte, que le plus ferme appuy de l'emboucheure se fera aux lieux de la lettre A,

representez en ceste autre & prochaine figure, & par consequent la barre sera entièrement garnie, sans que l'endroit extreme de la lettre E, puisse trop presser la partie plus sensible de la barre qui, comme j'ay dit, finit sa demie rondeur par la concavité du canal. Suyuant ces raisons il est permis en ceste necessité de faire l'appuy de ce campanel en couurant & trauerfant du tout la barre & genciue.

CE campanel fally paroistra aussi plus rude que ceux qui sont gauderonnez en long, à cause qu'il est de plusieurs pieces plattes, & gauderonnees: mais ce fera tout le contraire: en quoy il faut considerer que les rouelles appuyent au long de la barre, & que les gauderons des campanels precedents la trauerfent, & partant l'appuy en est plus violant: toutesfois ceste difference n'est pas grande, pourueu que les extremittez des rouelles, comme des gauderons, soient bien arrondies, que leur largeur soit egale, & que les campanels ne soient plus petits que les poires. Car quoy que plusieurs tiennent que les emboucheures, auxquelles il y a moins de fer, soient les plus douces, si est-ce que l'experience nous apprend assez, que communément celles qui remplissent dauantage, offensent moins les barres; j'entends si le subiect des appuys en est semblable: voila pourquoy l'appuy de la bride se doit faire d'ordinaire avec moins de fer dessus la barre espaisse, & trop charnue, que si elle estoit haulte & sensible.



CE dernier campanel se pourra faire entier, & gauderonné en rond, de façon qu'il semblera estre de plusieurs pieces: mais parce qu'il aura moins de mouuemens, il donnera moins de subiect à la bouche seche de se rafraichir & humecter.




*QUAND LES BARRES SE ROMPENT, OV  
meurtrissent facilement sous le ferme, & temperé appuy de  
l'emboucheure, mesmement quand elle est ouuerte.*

## CHAPITRE XVI.



EST vn grand desplaisir au Caualerice, quand d'aussi tost qu'il veut ramener & mettre en bon lieu la teste du cheual qu'il exerce, ou qu'il le veut resoudre à vn ferme & temperé appuy de bouche, il en void sortir le sang, ou qu'il sent à la main quelque mouuement faux & irresolu. Aucunesfois cela procede de la haulteur excessiue, ou de la delicateste naturelle de la barre: car par ceste haulteur superflue, le canal se trouue plus creux, auquel par consequent la langue se loge si commodément, qu'elle en est moins contrainte de soustenir, s'il est besoin, l'appuy de l'emboucheure, quoy qu'elle soit fermee. D'autre-part les barres haultes sont d'ordinaire les plus sensibiles, parce (comme i'ay desia dit) qu'elles sont moins charnues, que celles qui sont basses. Ceste tendresse extraordinaire de barre peut naistre aussi des meurtrisseures & vlceres, que la diuersité des emboucheures mal ordonnees y auront fait si souuent, que les cicatrices n'en auront peu estre bien consolidees en si peu de temps que le Caualerice impatient se fera faict à croire.


LES mesmes imperfections peuuent aussi venir de ce que la langue estant trop haulte ou grosse, aura esté si fort pressée par les emboucheures fermees & trop plates, qu'elle en sera esbreechee, & ordinairement vlcerée; ou qu'ad les léures auront esté trop estraintes ou bleesées par des pieces mal polies, ou mal iointes. Il faudra donc bien iuger la cause de ce sang, & du battement de main: Et si ceste delicateste de barre ne procede que du propre naturel, on vsera du simple mors à canon, ou des canes & autres emboucheures precedentes, que i'ay representé plus propres à la tendresse de la bouche, iusques à ce qu'elle soit asseuree aux fermes mouuemens de la bonne main: ou si la barre qui estant saine auroit peu souffrir naturellement & sans incommodité, vn ferme appuy, se trouue corrompue par les vlceres souuent suruenus, ou par les cicatrices mal guaries, ces emboucheures plus proches leur apporteront commodité & soulagement: d'autant que par la haulteur des demy-poires, & à cause de leur distance extraordinairement eslargie, l'appuy principal d'icelles se fera par le dehors de la barre dessus le fons de la genciue: de sorte que par ce moyen la barre sera garantie de la pesanteur & incommodité de l'appuy de telle emboucheure.



Si l'irresolution de l'appuy de la bouche ne vient que de la langue, ou de la léure offensées, il suffira de leur donner, comme i'ay desia dit en autres diuers lieux, telle

place au mitan de l'emboucheure, & contre le ply du banquet, qu'elles puissent estre garenties de l'incommodité, & de la douleur qui contraindra le cheual à ciandre la bride, & à battre à la main.

OR en ces demy-poires logees, comme elles sont icy deuant figurees, il faut considerer vne difference notable: assauoir que si elles ne sont que desarmer la genciue de la barre trop espaisse, ou trop grande, le principal appuy de l'emboucheure en sera incertain, & offensera tousiours la barre mal saine & corrompue: mais si les demy-poires sont assez haultes, pour appuyer dessus le fonds de la genciue, la barre en pourra estre d'autant soulagee. Je sçay bien que cest appuy est extraordinaire, & que sans necessité il ne se doit pratiquer: toutesfois i'ay autrfois eu en ma charge des cheuaux qui auoyent les barres trop haultes, trop sensibiles, ou trop proches l'une de l'autre, lesquels ayans plusieurs fois refusé les commoditez de maintes brides differentes, & iustement proportionnees, il a fallu que ie les aye embouchez de façon que pour vn temps l'appuy de l'emboucheure se soit entierement fait par le dehors au fonds de la genciue, sans que chose quelconque ayt touché le dessus de la barre; & par ce seul moyen ces cheuaux ont en fin porté la teste & le col en belle & bonne posture, & mesmes ont obey legerement, aux fermes actions de la bonne main, quoy qu'il semblaît à voir leurs mors, qu'ils fussent mal ordonnez, & qu'ils trebuchassent au dehors de la barre, à cause de la distance des demy-poires ou rouëlles, qui estoit beaucoup plus large que l'ordinaire: & voicy le dessein d'une emboucheure, qui semble estre faulx, avec laquelle i'ay assureé vne bouche la plus estroite de barres, plus corrompue, & en tout mal-aysee, qu'on eust sçeu voir.



EN ceste occasion la haulteur & grosseur de ces rouëlles & demy-poires, se doit obseruer selon que la barre sera haulte, tant afin qu'elle ne reçoie aucune incommodité, à faulte que l'emboucheure ne soit soutenue assez hault, que pour euitier que la genciue soit trop violente par la haulteur superflue des rouëlles: & la difference des effets de ces deux appuys est que la rouëlle sera propre pour la genciue, moins haulte & plus espaisse, à cause qu'elle appuyera plus viuement: & la demy-poire pour celle qui sera moins charnue & plus sensible, parce qu'elle garnira & remplira dauantage par le dehors & partant on peut aussi iuger que l'appuy de l'emboucheure, qui se fait avec plus de grosseur & de rondeur vnie & bien polie, est plus doux que celuy, qui occupe moins de place dans la bouche du cheual.

QUAND LA LANGVE EST TROP HAVLTE, LE  
palais trop charnu, & la maschoire fort estroite.

## CHAPITRE XVII.




NE des plus grandes difficultez qu'on ayt trouué, iusques depuis environ vingt ans en ça à bien emboucher le cheual, a esté quand il a eu ensemble la langue grosse ou fort haulte, le palais trop plein, & la maschoire trop estroite. La raison est, que ne donnant la liberté suffisante à ceste grosseur de langue, elle s'enflait & se noircissoit en l'exercice, sous l'appuy de l'emboucheur, qui est vne imperfection, (outre sa malseance) dont l'appuy de la bouche est assoupy: & quand on tenoit la montée de la liberté assez haulte, elle touchoit & pouffoit le palais trop charnu, lors que le cheualier vouloit ramener & mettre la teste & le col du cheual en bon lieu, & par ce moyen la bouche demouroit necessairement ouuerte, les maschoires faisant souuent les forces, ou quelque autre contenance desagreable: à quoy on n'auoit sceu trouuer le vray remede, iusques à ce que le Sieur Iean Baptiste Pignarel inuenta ce padane, qu'on nomme à la Pignatelle, lequel fait ensemble plusieurs bons effects propres aux faldites imperfections: car par sa commodité on peut donner tant de liberté qu'on veut à la langue trop grosse ou trop haulte, sans offenser le palais, encore qu'il soit fort plein, & sans contraindre la bouche de demeurer ouuerte: à cause qu'en ramenant la teste du cheual par l'action de la branche, ce padane ne peut violenter en aucune sorte le palais, ains il cede & trebuche en arriere aussi-tost qu'il y touche: outre ce, il garantit la barre du dommage qu'elle receuoit par les plis des autres padanes antiques & communs, qui se lient à l'emboucheur, lesquels n'offensent pas seulement les barres, mais ils empeschent que ce qui doit estre destiné pour appuyer des fusicelles, ne se peut iustement loger ny arrester en son vray lieu: qu'il soit ainsi, les bons Caualerices scauent par experience que si l'appuy de l'emboucheur à padane commun se fait iustement, comme il doit estre, dessus la barre, les plis d'iceluy se trouuent si pres l'un de l'autre, & occupent tellement le passage de la langue, qu'elle ne peut qu'à grande difficulté entrer dedans l'espace de telle montée.

L'AY memoire d'auoir veu vn cheual d'Espagne, lequel ayant passé la langue par force dedans vn tel padane, elle s'enfla si fort durant l'exercice, seulement d'un quart-d'heure que quand le pallefrenier le voulut desbrider, ce cheual qui auoit la bouche sensible & fort delicate, se sentant ainsi retenu entre les plis du padane, haussa la teste, & se cabra de telle violence, qu'il s'arracha la langue: ie pourrois encorès dire d'autres accidens, que j'ay veus arriuer pour d'occasions semblables: mais le discours en seroit peut estre trouué prolix: il me suffit donc que ceux qui auront tant soit peu de ingement en cest art pourront considerer que ce n'est sans cause, si nous auons laissé presque du tout l'vsage de tels padanes.


LES montees d'une piece, & celles à pied de chat, à fourchette, & à couldoye, occupent beaucoup moins l'entree de la liberté de la langue, que ne font ces anciens padanes: toutesfois encorès donnent-elles quelque incommodité, mesmement quand la maschoire est fort estroite: c'est en quoy sont propres & necessaires les emboures à la pignatelle cy-apres figurees, là où se voyent les demy-paires renuersees, les campanels, les balottes, & les rouelles, monstrant estue faites & entaillées de façon, qu'elles laissent le passage de la langue vuide & net: & par ce moyen on peut mieux situer le vray appuy dessus les barres trop voisines, qui par consequent tiennent la






langue trop haulte. Il est vray que ces padanes à la pignatelle ne se peuuent accommoder, pour bien faire leurs meilleurs effects, qu'ils ne tiennent de l'entier, & les emboucheurs entiers donnent communément moins de plaisir, que celles qui se plient. Mais il faut considérer qu'en la bouche du cheual lon ne peut assez remedier à vne imperfection particuliere & mal-aysee, sans diminuer la commodité de quelque autre partie.




Si la léure du cheual est tant espaisse, ou grande, qu'elle couure ou arme trop la barre & genciue, la rouelle qui se voit en ceste autre figure, remediera à telle imperfection. On peut aussi veoir en la mesme figure, comment les padanes à la pignatelle doiuent estre liez aux emboucheurs dedans ces poires, campanels & balottes.





d iiij







## LES MORENS DESQUELS ON PEUT VSER A

*l'emboucheure du cheual, pour ayder à luy ramener la teste, quand il porte le nez trop auancé, & pour l'empescher de passer la langue dessus l'emboucheure.*


## CHAPITRE XVIII.




Le cheual qui tient le nez trop auancé, se peut souuent ramener par les bons & differens effects de l'emboucheure, de l'œil, & de la branche, pourueu que l'appuy de la bouche ne soit trop dur, & que le bon exercice ayt desia tellement augmenté l'haleine de tel cheual, qu'il en soit plus fortifié, defgourdy, & allegery : & le commun remede des emboucheures, auquel les Caualerices souloyent anciennement auoir recours (en telles imperfections) estoit de faire les padanes, ou autres montees, d'une piece, fort haultes, & comunément garnies à la cime, de coquilles ou de rouëllles: de façon qu'à mesure que les branches reculoient, ces excessiues haulteurs de padanes auancoient, pouffans & forçans le palais de la bouche en lieu si hault, que souuent le cheual estoit contraint de se ramener pensant se garentir de ceste importunité, comme font les mulets qui seruent à la selle, auxquels on a accoustumé d'vser de padanes, qui ont presque demy-pied de haulteur: mais de ce remede naissoient d'autres imperfections. Car par la violence qu'il faisoit au hault du palais, il contraindroit la bouche de demeurer ouuerte: & quand pour empescher ceste desagreceable contenance, on estreffissoit extremement la muserolle, la vraye action de la branche du mors en estoit communément empeschée, à cause de la haulteur du padane: tellement que la branche demeureroit trop auancée, encor que le cheualier tirast les rennes plus qu'à plaine main, que la gourmette fust assez large, & la barbe bien proportionnée: de façon que de ceste contrainte trop violente procedoit aucunes fois le desesperoir du cheual sensible, colere, & impatient. Depuis nous auons pratiqué d'autres moyens moins ennemis de nature, & entr'autres le padane fort hault fait à la pignatelle, lequel, outre les susdits bons effects, peut ramener le nez du cheual, en luy touchant & charouillant le palais assez hault, sans pour cela luy faire ouurir la bouche, ny empescher le cours libre de la branche, quoy que la muserolle soit fort estreuite: & d'auantage ce padane oste la commodité à la langue, de passer dessus l'emboucheure, tant à cause de sa haulteur extraordinaire, que parce qu'il cede & s'auance estant pouffé par la langue.




Si la grande haulteur de ce padane donne occasion au cheual d'abandonner & laisser pendre la langue hors de la bouche, il faudra retrancher l'espace superflu par la limite d'une barre ou trancheville, qui trauersera la liberté, comme il est icy figuré.



PAR le discours de ces emboucheures, lon doit iuger que toutes celles qui sont ouuertes peuuent ramener le nez du cheual, i'entends si le col en est assez souple, bien proportionné, & les maschoires assez vuidees; & pourueu aussi que les montees des emboucheures soyent assez haultes; mais il se pourra trouuer plusieurs cheuaux, qui porteront le nez trop auancé, & qui seront tant sensibles de bouche, que peut-estre ils souffriront difficilement la haulteur & l'importunité de tels padanes, & qui auront la langue si basse qu'elle n'aura nullement besoin de si grande liberté: à ceux-là il faudra vser de trebuchets aux emboucheures entieres, ou à fourchette, comme ils sont representez en ces autres pourtraits, donnant neantmoins la place qui sera necessaire à la langue: & là où se voyent deux pommettes ou coquilles au hault du trebuchet, cela represente vn empeschement qu'on peut donner au cheual, qui est accoustumé de mettre la langue dessus l'emboucheure, mesmement quand il trouue moyen de la passer à costé du trebuchet simple & ordinaire.





On peut recognoistre par les figures de ces trebuchets, qu'ils occupent moins de place dedans la bouche du cheual, que ne font les padanes à la pignatelle : & que neantmoins, par les mesmes raisons cy-deuant deduites, ils peuuent autant ramener la teste, mais non pas donner tant de liberté à la langue : aussi faut-il approprier l'une & l'autre de ces montees à la nature & aux proportions de la bouche : en fin ce n'est pas seulement l'effort que l'ancien padane peut faire contre le palais, qui ramene le nez du cheual : mais beaucoup plus proprement, quand la montee, arriuant en lieu plus haut que l'ordinaire, luy chatouille ou aucunement importune la langue & le palais sans douleur ny rudesse : & mesmes le cheual se ramene souuent par l'action qu'il fait en retirant la langue, pour rechercher & faire tourner plus à son ayse les pommertes, rouëlls, fals ou patinoïstres, qu'on met aux sommets des montees cy deuant representees.


*AVTRE EMBOUCHEURE PROPRE A RAMENER LA*  
*reste du cheual, qui s'abandonne dessus l'appuy de la bride, tenant le nez trop avancé.*

#### CHAPITRE XIX.


**E** m'assure que plusieurs hommes de cheual blasmeront les gourmettes bastardes, en ayans vñe peut-estre mal à propos, soit pour n'auoir esté bien faictes, ou à faute d'auoir bien recognu l'inclination des cheuaux qu'ils en auront embouchez, ou les proportions particulieres de la teste, de la bouche, & du col d'iceux, & mesmes qu'il semble, à voir sommairement la gourmette ainsi faicte d'une piece, ioincte à la montee entiere & si haulte, que ceste forme d'emboucheure doie apporter beaucoup de rudesse & de confusion à la bouche du cheual : mais au contraire elle luy peut aucunesfois assseuer, alligerir, & ranger la teste en bonne posture, quand il s'abandonne sur l'appuy des brides plus cōmunes, tenant le nez trop avancé : à cause que ceste emboucheure estant entiere n'a point de mouuement faux, ny esgaré : la haulteur de la montee le ramene : la gourmette, estant iustement mesuree, & tenant au ply de la sommité de la montee, empesche que l'emboucheure trebuche, & qu'elle offense ny violente le palais : & quand le cheual boit la bride, ceste gourmette l'en peut aucunesfois mieux empescher, que celle qui tient à l'œil, pourueu que la barbe soit bien proportionnee ; parce que la gourmette est aucunement retenue au lieu de son vray appuy, par la iouë à l'ex-




tremité de la fente de la bouche : mais pour bien vser de ces emboucheures, il est necessaire d'auoir bien recogneu toutes les parties de la bouche, & de la barbe du cheual, celles du col & de la maschoire, & sur tout son temperament naturel.



Pour bien garder les iustes mesures & proportions de ces genettes, on doit tenir la montee communément de la mesme haulteur, qu'il faudroit faire l'œil de la branche, si on vouloit vser de la gourmette ordinaire : i'entens iusques à l'endroit de la lettre A, qui se voit en l'une de ces deux plus prochaines figures, duquel endroit ie parleray plus clairement ailleurs : & si ceste haulteur fait ouurir la bouche au cheual, qui aura le palais trop plain, ou qui sera naturellement impatient & desdaigneux, ou pour quelque autre occasion, lors il faudra courber en arriere ceste montee, comme elle est representee en ceste autre figure : car par ce moyen le palais sera garenty de telle incommodité : mais la gourmette se doit tenir d'autant plus courte, pour appuyer iustement en son vray lieu.



Je rediray encores qu'il est necessaire de garder plus de iustesse en ceste façon de gourmette, qu'on ne fait en toutes les autres: parce qu'elle ne se peut eslargir ny estre-  
sir, & pour l'ordinaire, estant libre d'appuy, c'est à dire ayant les rennes abandonnees,  
elle doit descendre vn doigt plus bas que la vraye place de l'appuy de la barbe, mes-  
mement la montee estant de la haulteur de l'œil, & la branche de cõmune force, afin  
qu'en tirant les rennes, les branches puissent auoir leur action plus ferme pour ra-  
mener, & mesmes pour empescher que l'emboucheure ne trebuche, ainsi qu'il ad-  
uiuent qu'ad ceste gourmette n'est tenuë, comme vn poinct plus courte que les com-  
munes. Quant au plus ou au moins, ie le remets au bon iugement du Caualerice ex-  
perimenté, qui sçaura bien recognoistre la complexion & capacite du cheual, qu'il  
voudra emboucher, cõme aussi le tour de la branche, à laquelle la mesure de la gour-  
mette se doit rapporter, selon que ie traicteray apres le discours de ces emboucheu-  
res. Sur tout, il faut bien considerer la proportion de ceste gourmette: car celles qui  
se font d'ordinaire en Espagne, en Turquie, ou en Barbarie, sont presques rondes, &  
par consequent faulses: & qu'il soit vray, en la bouche du cheual ( soit dedans ou de-  
hors, & mesmement là où ceste gourmette se loge, ) il n'y a point de rondeur depuis  
le hault de la montee de ceste emboucheure iusques au bas de la gourmette, si ce n'est  
tant que dure le demy-tour de la barbe, qui doit estre esgalement accollée en la par-  
tie que la bride prend la fermeté de son vray appuy, laquelle contient autant qu'il y  
a de distance de la lettre A, iusques au B, & ceste esgalité s'observe, afin que le cheual  
n'ayt point occasion de tourner la bouche faisant les forces, ou quelque autre action  
faulße, estant plus offensé en vn endroit qu'en vn autre.




QUAND LE CHEVAL TIENT LA BOUCHE  
*trop close, ou trop ouverte.*

CHAPITRE XX.



AVANT qu'il est aysé de faire par l'emboucheure, que le cheual ne serre trop les dents estant bridé, il est difficile de l'empescher qu'il ne la tiennne trop ouverte, quand il y est enclin, ou accoustumé. Or tout ainsi que les montees à la genette que ie viens de représenter, sont propres à ramener le nez du cheual, par les mesmes effects elles l'empeschent aucunesfois de tenir la bouche trop fermee, & souuent la luy font trop ouvrir. Mais vne pommette au dessus du padane, ou de la montee à fourchette, ou de la ceciliane qui soit d'une mesme piece, ou qui tiennne ferme, comme il est icy figuré, sera plus vtile à cest effect, principalement quand le cheual n'aura besoin de beaucoup d'ouverture, ou liberté pour la langue.





QVAND au cheual, qui naturellement, ou par mauuaife habitude ouure trop la bouche, ie ne ſçay moyen plus aſſeuré, que de luy faire la liberté de la langue, ou la montee de l'emboucheure moins haulte que l'ordinaire, & tenir la muſerolle beaucoup plus ſerree & plus baſſe que ſa commune place: & ce remede n'eſtant ſuffiſant, il y faudra adiouſter vne petite ſeguette, ou autre muſerolle de fer, couſûe ou clouee à celle de la teſtieres ſi proprement qu'on ne ſ'en puiſſe apperceuoir, & de telle façon, que lors qu'il voudra forcer ceſte muſerolle pour ouurir la bouche, il ſe chaſtie ſoy-mesmes en s'offenſant le nez: & parce que lors que le cheual ouure la bouche, penſant ſe garantir des effets de la bride, ou pour quelque autre occaſion, ou vice, il fait ceſte action ſeulement avec la maſchoire, à cauſe que c'eſt la partie qui naturellement fait ſes mouuemens en auant, en arriere, & de coſté, qui ouure & ferme la bouche, & en laquelle auſſi ſe fait l'appuy de la bride, duquel deſpend l'occaſion, qui amene le dedain du cheual, & les moyens qu'il cherche d'ouurir trop la bouche, & de faire les forces: En telles imperfections on doit encores vſer d'une chenette de fer, longue enuiron de demy-pied, laquelle tienne ſemblablement à la muſerolle de la teſtiere, & à l'endroit qui garnit le deſſous de la maſchoire, afin que la douleur que le cheual receura en ceſte partie, le chaſtie ce pendant qu'il fera ſa deſagréable contenance. Ceſte chenette aura ſouuent plus d'effect, que la ſeguette miſe ſur le nez; à cauſe que tout le deuant de la face du cheual eſt de la meſme piece du front, iuſques au cartilage du nez, & par conſequent tient touſiours ferme, ſi ce n'eſt tant que la teſte & le col font quelque mouuement.



QUAND LA LANGVE DV CHEVAL SORT  
Et pend hors de la bouche.

#### CHAPITRE XXI.

**L**Es Cavaliers curieux ont inventé plusieurs sortes d'emboucheures, pour empêcher que le cheval mette la langue hors la bouche: ie ne les veux représenter icy par figures, non plus que pratiquer en effect. Aux vnes ils font entailler au mitan vne rouelle fort haulte, qui appuye pesamment dessus la langue: Aux autres on met vn padane d'une piece tourné en bas, qui sert aussi quand le cheval estraint trop les dents estant bridé: & sans doute ces remedes peuvent aucunesfois empêcher la sortie de la langue: A d'autres on met vne piece qui descend iusques aux dents plus basses, en laquelle il y a vn retour, qui reçoit & soustient le bout de la langue abandonnée: & à d'autres on met des petites pointes qui picquent & offensent la langue, quand elle s'estend & s'allonge trop: tous ces moyens tendent & seruent aucunement à vn seul effect: mais le plus souvent ils apportent tant d'incommoditez, que par mon aduis on n'en vsera iamais. Car les importunités, que tels engins fâcheux donnent au cheval, luy font ordinairement faire des contenance diuerses, autant ou plus defagreaibles, que s'il abandonnoit la langue hors la bouche. Or quand il ne la voudra tenir droite & close, estant embouché d'une bonne bride ordinaire, & bien proportionnée, qui n'ayt trop, ny peu de liberté, on fera beaucoup mieux de luy couper autant de langue, comme

il en pendra plus bas que les dents:& si aucuns craignēt que cela apporte quel que preiudice, ils se peuuent asseurer que le cheual n'en scauroit perdre quatre repas , & qu'apres huiēt iours de sejour, il y aura aussi peu de danger de monter dessus, & s'en seruir, comme auparavant que la langue fust accourcie: & pour la bien couper, il la luy faudra prendre, & fort ferrer à l'endroit qu'on voudra avec vn instrument de fer, qui soit fait de la façon qu'il est icy-apres figuré, & puis en la couppant d'vn couteau fort trenchant, suyure le demytour de cest instrument, & par ce moyen, le bout qui restera à la langue, reprendra presque sa premiere forme.





POVR estancher le sang, il faudra lauer la langue avec de fort vinaigre, & du sel, & pour la nourriture du cheual, on luy donnera du son au lieu d'auoine, durant enuiron six iours: & afin qu'il soit pluſtoſt guery, on le tiendra deux heures le iour embouché d'un filet enuoloppé de drapeaux, qui ſoyent imbibez de miel roſat: & parce que pluſieurs ſont en l'erreur de penſer que le cheual qui a la langue coupee ne mange pluſ ſi bien ſon auoine, comme il faiſoit auparauant, & meſmes qu'il ne peut pluſ hannir, ie les aſſeure qu'il n'en aduiendra aucun changement, pourueu qu'on ne coupe la langue, qu'autant qu'elle pendra & ſortira pluſ que les dents baſſes.


IL faut bien conſiderer que le propre de ce remede eſt ſeulement quand le cheual eſtant bridé, tient la langue ordinairement trop eſtendue, ſortant vne partie d'icelle, comme immobile hors de la bouche: car il y a d'autres langues ſenſibles & ſerpentines, qui ſont de differente nature, leſquelles ſortent ſouuent enuiron quatre doigtz, ſ'arreſtans fort peu dedans ny dehors la bouche, meſmement quand le cheual eſt en quelque inquietude, ou que telle ſorte de langue a pluſ de liberté qu'il n'eſt beſoin, lors on doit communément vſer d'emboucheures fermees & pluſ plattes qu'aux autres langues, qui ſont moins actiues & mouuantes: d'autant que par la diligence du mouuement que celles icy ſont en ſortant ſouuent de la bouche, & ſe renfermant auſſi-toſt deſſous l'emboucheure, elles ſont paroistre leur menué forme, ou la ſuffiſante place que nature leur a donnee dedans le canal de la machoire: & quand telles langues ſont occupees à ſouſtenir l'appuy de l'emboucheure, elles ont beaucoup moins de commodité de ſortir ſi ſouuent de la bouche: toutesſois ſi avec ce mouuement ſerpentin, la langue eſt trop longue, encores ſera-il bon de couper ce qu'il y aura de ſuperflu.

QUAND LE CHEVAL TIENT ORDINAIREMENT  
la langue trop retiree.

CHAPITRE XXII.



IL y a des cheuaux qui ne peuuent ſouffrir aucune ſorte d'emboucheure deſſus la langue, & pour leur deſenſe ou mauuiſe couſtume, eſtans bridez ils la retirent & doublent de façon, qu'il ſemble à les voir en telle action, qu'ils ſoyent ſans langue, & outre ce, pour auoir pluſ de commodité de la retirer & redoubler le pluſ ſouuent, ils ſe ramènent trop: aucuns auſſi pour la meſme ou autre difficulté, retirent la langue & la paſſent deſſus l'emboucheure, ſ'ils y peuuent trouuer paſſage, & les vns & les autres tiennent par meſme moyen la bouche trop ouuerte. Or quant à ceux qui pour garantir la langue de l'appuy de l'emboucheure la cachent, la doublent, & la retiennent pres du goſier, il leur faut neceſſairement donner liberté au montant des emboucheures: & d'autant que les montees communes les pourroyent ramener trop, ou leur faire ouurir la bouche dauantage, le padane qui recule à la pignatelle, ſera en cecy beaucoup pluſ propre: & ſ'il eſt fait de la façon qu'il ſe void icy apres figuré, ſans doute la langue ſ'y logera pluſ commodément, à cauſe que la façon de ceſte montee donne pluſ d'eſpace, & accompagne mieux la forme naturelle de la langue, que ne ſont les padanes ordinaires.



La bauerette qui est en l'une de ces figures, doit estre en ce subiect de la longueur qu'elle se voit pourtraicte. La raison est, que le cheual qui prend plaisir aux iouets quelon met aux emboucheures, les va tousiours cherchant du mitan de la langue tirant vers la pointe: tellement que pour se iouer à la pommette, ou telle autre chose mouuâte qu'on aura mis au bas de ceste bauerette, ou pour y sauouer quelque friandise qui luy plaïse & qui soit attachee au mesme lieu, il sera contrainct d'allonger & passer la langue dessous la voulte de ce padane: & au contraire si on mettoit des anneaux ou autres jeux au hault de la montee, ce seroit vne occasion de luy faire retirer la langue pour chercher avec la pointe d'icelle le subiect du plaïsant mouuement qu'il sentiroit: & si aucuns se souuenans de quelque discours precedent, pensent que

la voute de ce padane face tenir au cheual la bouche ouuerte : ils doiuent considerer que ceste voute est accommodee au padane à la pignatelle, afin que si en ramenant la teste du cheual, & en assurant l'appuy de la bouche, la voute arriue au palais, elle cede & recule plustost, que le pousser ny violenter en aucune façon. Toutesfois il ne se faut pas tousiours asseurer qu'en soustenant la posture racourcie du col, & de la teste du cheual, ceste montee recule si facilement, comme quand on en fait l'experience la tenant en la main : mais c'est vn des meilleurs remedes qui se puisse pratiquer aux susdites imperfections.

EN ceste occasion, il faut aussi considerer que tant plus le cheual, dessous l'homme, est en ceruelle & en inquietude, c'est lors qu'il retire la langue dauantage, & qu'il est presque impossible de le contraindre à l'allôger & tenir dessous l'emboucheure, tant qu'il est viuement tendu d'esprit & de nerf, soit d' apprehension de quelque aspre chastiment, ou sur l'attente & le desir de quelque mouuement nerveux, & gaillard : de façon que luy voulant faire gouster & accoustumer la commodité de ce padane, il est necessaire pour quelque temps de le diuertir du soupçon de l'escole, & mesmes de tous les exercices plus vigoureux & racourcis, au lieu desquels il le faut faire continuellement cheminer au long des chemins, allant le pas lent & abandonné, & souuent au trot foible & sans ferme appuy de main, & aucunesfois le faire galopper lentement sans aucune fougue, luy tenant d'ordinaire du sel dans vn drapeau, ou quelque autre friandise, attachee au bas de la bauerette : estant ainsi appaisé & asseuré, ce travail continuel & sans vigueur luy pourra donner occasion, (en allongeant le col, & en auançant le nez,) d'allôger aussi la langue la passant dessous le padane, & par ce moyen patiemment pratiqué, il se pourra accoustumer avec le temps à la tenir dedans le canal, & dessous l'ouerture & montee de l'emboucheure : & si, nonobstant tout cela, plusieurs cheuaux perseuerent long temps en la susdite imperfection, il ne s'en faudra esmeruiller : car de toutes les plus faulces actions qu'ils puissent faire de la bouche, celle-cy est vne des moins corrigibles.

PAR la commodité du mesme padane, on peut empescher que le cheual passe la langue dessus l'emboucheure : mais si la langue n'est trop haulte ou trop grosse, & que la maschoire soit tant estroite, que la largeur de la susdite liberté face trebucher hors la barre ce qui doit iustement appuyer dessus icelle, lors il sera bon de tenir la montee plus estroite, & beaucoup plus basse, y adioustant vn trebuchet ordinaire, tel que ie l'ay desia figuré : & si avec ceste imperfection de barres la fente de la bouche est fort grande, l'emboucheure à l'imperiale bien faicte, & proprement accommodee avec le trebuchet, pourra faire le mesme effect. Et parce que le cheual peut auoir fait vne telle habitude de ce vice, que la langue ne trouuant plus le passage accoustumé entre le palais, & le mittan de l'emboucheure, en cherchera d'autre par les costez du trebuchet, à lors ie suis d'auis que pour l'empescher on double, ou triple la sommité de ce trebuchet, comme il est cy-apres figuré, & aussi pour vne ayde ordinaire & necessaire qu'on tienna la muserolle fort serree, y mettant, s'il est besoin, la seguerette, ensemble la chenette que i'ay ailleurs representee : mais si le cheual est tant sensible & colere, que la douleur de ceste seguerette le puisse despiter, & mettre en confusion, il en faudra rabattre les dents, & la rendre vnue, ou s'arrester à la commune subiection de la seule muserolle de cuir bien serree.



ENCORE ie presenteray icy vne sorte d'emboucheure qui commence à monter à la façon d'un pied de char, en laquelle le cheual ne trouue chose quelconque dessus la langue, & c'est par le moyen d'une demye-gourmette à la genette forte, & d'une



## Des Préceptes:

57


pièce, qui tient fermement les deux costez de l'emboucheure en leur iustesse: mais parce qu'il semble que le cheual qui en est embouché, tiennne tousiours la langue dessus son mors, se monstrant fort des-agreable par ce geste, ie remettray l'vsage de telle emboucheure à plusieurs Caualerices, qui parauanture l'estimeront plus que ie ne fais.



*QUAND LE CHEVAL TIENT ORDINAIREMENT LA teste, ou le nez sur vne main, à laquelle il tourne aussi plus facilement.*

## CHAPITRE XXIII.

**L**Es plus ingenieux esprits, qui se font exercez & longuement arrestez en la pratique de cest art, ont diuersement inuenté plusieurs moyens, pour pouuoir contraindre le cheual, qui est dur & entier, ou qui, dessous l'homme, porte la teste ou le nez ordinairement plus sur vne main que sur l'autre, à luy redresser le col, le front, & la bouche, & l'attirer à vne bonne & belle posture. Entre autres subtils moyens, ils ont vſé, comme aucuns font encores, de certaines emboucheures, qui font chacune deux appuys differents, dont l'vn presse dessus la barre beaucoup plus fort que l'autre, & pensent par ce moyen attirer plus commodément la teste du cheual du costé qu'il est plus dur, ou sur lequel il ne veut apporter le front, & le nez en iuste situation: voicy deux subiects de telles emboucheures.



Ces emboucheures contraignent aucunesfois le cheual à tourner, ou à dresser la teste du costé qu'il est dur ou entier, à cause dequoy ie n'en veux reprobuer du tout la pratique: mais parce que ie l'ay trouuee souuent incertaine, i'aduertis celly qui n'en ſçaura bien les effects, que ſans doute il les trouuera ordinairement contraires ou variables en diuers cheuaux, dequoy il ne ſe deura eſmerueille: car ſi en allant par le droit cōſtes emboucheures peuuēt contraindre le cheual à porter la teste du costé de la barre & genciue, qui ſe trouuera plus preſſee & offenſee: auſſi en le voulāt tourner de l'autre costé, la meſme douleur luy peut par conſequent retenir la teste, & le courage, hors la volte, au contraire de l'action naturelle, & neceſſaire à la facilité du tourner: à

cause que cependant que lon tourne la main de la bride sur la volte, la renne hors icelle, est la plus tendue, faisant en la bouche le plus fort appuy de son costé.

ON doit en cecy encores considerer, que si pour ceder à ceste action de renne quel-que cheual porte la teste du costé que l'emboucheure l'offense plus viuement, il s'en trouuera d'autres qui pour fuyr la mesme douleur, tourneront la teste, ou le nez au contraire, c'est à dire, du costé qu'ils seront moins offenzés: tellement que les voulant contraindre à tourner, ou à tenir le nez du costé qu'ils sont plus durs, aux vns il faudra faire l'appuy plus rude sur la barre ou genciue opposite, & aux autres tout au rebours. Pour ces incertitudes, ie suis d'auis qu'en telles occasions, le sage Cavalier, ce ayt son principal recours à l'habitude des reigles de la bonne escole, exerçant ses cheuaux avec le simple canon, secondé & secouru du caueillon, ou s'il est besoin de la faulx renne, selon ce que i'en ay dit aux leçons rangees, & non seulement à l'artifice de tant de diuerses emboucheures, aspres & mal-faisantes, qui se pratiquent communément à faulte de capacité.

QUELQV'VN pourra dire, que ie fais paroistre en ce Liure beaucoup d'emboucheures, qui ne sont pas de mon inuention, ce que ie confesse librement: mais ie monstre celles que ie pratique d'ordinaire, & telles qu'elles sont, ie les ay corrigees apres auoir expérimenté l'imperfection de beaucoup d'autres, & mesmes i'explique & fais comme toucher au doigt, ou au moins le mieux que ie puis leurs vraiseffects, & par consequent les proportions exterieures, & interieures de la bouche du cheual: ce qu'autre deuant moy n'a encores assez clairement escrit: & tant s'en faut que i'aye voulu figurer dauantage de brides, que si ie pouuois retrancher & faire perdre la memoire de la pluspart de celles, que plusieurs hommes de cheual ignorans ou hasardeux mettent en v'sage, ie le ferois: d'autant qu'il semble qu'elles ne sont pas seulement assez rudes & fortes pour alterer & falsifier les barres, genciues, escaillons, langue, palais, léures & barbe du cheual, qui en est embouché: mais aussi presques pour luy rompre l'os de la maschoire: tellement que par ces desordres, l'incapacité de tels Cavaliers se recognoist euidentement, mesmes en ce qu'ils ne sçauent, ou ne considerent pas, que la pluspart des parties internes de la bouche du cheual, & particulièrement celles qui sont plus offenzées par les efforts de la bride, sont composées de muscles, & toutes entierement despourueues de cuyr, qui ne se peuuent offenser sans estre falsifiées: & ce qui est plus à craindre en telles fautes, est que la violence des emboucheures si rudes peut faire telle fracture ou blesseure à la barre & genciue, & à la barbe, qu'apres il sera impossible de pouoir consolider suffisamment les cicatrices, mesmement quand il y aura perdition de substance: & quand bien avec le temps & les bons remedes, nature aura regeneré & remply les places concauees, & ruynees, ce sera de cals beaucoup moins solides, & plus subiects à estre offenzés & rompus, que la partie entiere & naturelle: tellement que pour moy, ie me tiens à ce que i'en ay dit ailleurs, sans me vouloir plus traualier, comme i'ay fait autresfois, à figurer vn plus grand nombre d'emboucheures, m'assurant que celles qui se trouueront representees iusques icy, suffiront entant qu'il se peut supplir par la bride à l'improportion & intemperie de la bouche, sans la rompre ny falsifier. Et si la difficulté ou desobeissance du cheual procede d'ailleurs que du naturel de la bouche, i'entens qu'on y remedie par les leçons bien reglees, ou autres bons moyens de l'art, & principalement qu'on ayt esgard à la necessité, qui peut contraindre le cheual, soit par debilité naturelle ou accidentale, à s'abandonner sur l'appuy de la bride: & apres on se pourra facilement passer de l'v'sage des mors plus rudes, extraordinaires, & du tout ennemis de nature.




P O U R si bien que l'emboucheure puisse estre proportionnée, elle aura fort peu d'effect sans le secours de la gourmette, qui en son vray nerf, & laquelle prend neantmoins sa force & commodité de la iuste haulteur & forme de l'œil, i'entens en l'usage des brides modernes: car les premieres inuentees n'auoyent point d'œil, qui fust de la mesme piece de la branche, comme il se peut encores voir par les mors à la Morisque, & à la genette, qui sont les moins changez, & ausquels la gourmette tient au sommet de l'emboucheure: mais depuis que cest art a esté facilité & enrichy de plusieurs belles & iustes reigles d'escole: & mesmes de plus excellentes inuentions de mors, que nos deuanciers n'auoyent sceu trouuer, on a fait la gourmette d'autre façon, & avec beaucoup de raison, pratiqué l'œil qui est vne partie de la branche, dequoy ie traiteray separément, ensemble des differens effects du banquet, pour rendre apres plus intelligibles ceux de la gourmette, pour laquelle ceste proportion d'œil a esté inuentee.

## EFFECTS DIFFERENTS DV BANQUET, ET DE L'OEIL.

### CHAPITRE XXIII.



N toutes sortes d'emboucheures, il faut obseruer au ply du banquet diuersement certaines iustesses bien considerees: car tant plus il est long, il en est d'autant fortifié, & de la iuste proportion d'iceluy depend vne bonne partie des effects de l'œil, comme i'expliqueray cy-apres.



Q V A N D le banquet est de la longueur de ce ply, la haulteur de l'œil doit auoir environ le trauers de quatre doigts, mesurant selon la commune coustume: assauoir de l'en-


# Des Preceptes.

61

de l'endroit auquel se voit cy-apres la lettre A, iusques E. Mais il faut que la mesure plus certaine de ceste partie se prenne sur la ligne du milieu du ply du banquet: parce que c'est le point & principal subiect du ferme appuy de l'emboucheure, & de là ceste mesure doit faire l'autre point à l'endroit de l'œil, marqué Y, où la gourmette s'arreste estant en sa iuste place: car ce qui est plus haut ne sert que de commodité pour attacher le porte-mors: tellement que pour bien mesurer la haulteur de l'œil selon l'art, il faut obseruer les deux poinçts de ce compas.

Pour voir facilement que la iuste mesure du banquet est necessaire, & que celle qui en la haulteur de l'œil s'obserue seulement par la distance des deux lettres A, E, est trop incertaine, on doit cōsiderer que si le banquet estoit plus court, ou plus long, qu'il est representé en ces figures, la gourmette de commune mesure se trouueroit plus basse, ou plus haulte, quoy que l'œil n'eust que la haulteur ordinaire, qui se mesure, & se donne en la demonstration des susdites lettres A, E. C'est en quoy on peut certainement iuger que la iuste mesure de l'œil despend en partie de celle du banquet, & que la vraye haulteur, qu'il faut donner en ces proportions pour la commodité de la gourmette, se doit prendre selon les poinçts de ce compas.

IL faut bien considerer routes les proportions de ceste figure: car pour faire qu'en ramenant la teste du cheual, l'œil se trouue plus droit au long de la jouë, que toute la bride ensemble trebuche moins, & mesmes que la gourmette s'arreste plus facilement en son vray lieu de la barbe, il est necessaire que le banquet soit droict dedans le ply de l'emboucheure, & l'œil vn peu reculé, comme il est icy representé par la ligne droicte marquee O.



OCCASIONS POVR LESQUELLES ON DOIT FAIRE  
*l'œil de la branche plus hault, ou plus bas que la mesure ordinaire.*

## CHAPITRE XXV.



**S**ANS doute les vrayz effets de plusieurs parties contenuës aux proportions de la bride, sont mal recognees de la pluspart de ceux qui vont à cheual, & particulièrement celle de l'œil: car selon la commune opinion, l'œil, qui est plus hault que la mesure ordinaire, releue la teste du cheual, & quand il est plus bas, il fait le contraire: mais tāt s'en faut que ceste reigle soit veritable, que l'œil qui mōte plus qu'une mediocre proportion contrainst le cheual à se ramener, & souuent à s'armer, à cause que par la haulteur excessiue de ceste partie, l'action de la gourmette est d'autant fortifiée, & par consequent apporte plus de subiection: & quand l'œil est assez bas il tient le cheual moins contrainst: parce que la gourmette a moins de force.

OR puis que le propre de l'œil, est de fortifier l'effect necessaire de la gourmette, si iuste haulteur se doit obseruer selon que la fente de la bouche du cheual est grande, mediocre, ou petite, afin que la gourmette, faisant sa ferme & iuste action, s'arreste à son vray lieu de la barbe, & ces proportions n'estans proprement obseruees, la bride ne peut estre bien appuyee, ny la muserolle logee en bon lieu: & qu'il soit ainsi, si la fente de la bouche est trop grande, & l'œil de la branche fort hault, sans doute il faudra tenir quelque longueur extraordinaire en la gourmette, ou elle montera trop quand on voudra ramener le cheual, ou pour le moins elle s'arrestera plus difficilement au vray lieu de la barre, & mesmes la muserolle se trouuera trop haulte avec moins de moyen d'empescher le cheual de tenir la bouche ouuerte, que si elle estoit basse. Et la fente de la bouche estant fort petite, & l'œil fort bas, la gourmette descendra trop, & la muserolle sera presque sur les narines du cheual: tellement que pour bien proportionner ces parties, il est necessaire que la bouche estant peu fendue, la haulteur de l'œil excede celle de la mesure ordinaire par une iuste proportion: & si la fente de la bouche est fort petite, il faut par consequent que l'œil monte plus que la mediocre haulteur.

ENCOR faut-il sçauoir, que tout ainsi que (selon que j'ay diēt cy-deuant) les poires & campanels, qui appuyent à la renuerse, melons, balottes, & rouelles haussent plus la liberté & montee qu'on donne à la langue, que ne font les canons, escaches, oliues simples & ordinaires, ny que les poires & campanels appliquez à l'ancienne & commune façon: aussi par les mesmes raisons l'œil se peut trouuer plus hault, & par consequent la branche d'autant accourcie, (sçauoir quand les rennes sont tirees iustes au iuste & ferme appuy) quoy que par la preuue du compas la vraye longueur semble auoir esté bien ordonnée.

## POVR APPROPRIER IVSTEMENT LA CECILIANE.

## CHAPITRE XXVI.



**P**OUR bien loger l'emboucheure dedans la bouche peu fendue, il est necessaire de tenir le banquet plus court que la mesure generale, afin que la ceciliane se trouue assez basse, & qu'elle incommode moins la iouë, & l'escaillon du cheual: & si la fente de la bouche est fort grande, il faut au contraire que le banquet soit assez long pour pouuoir ioindre (s'il est besoin) au ply de l'emboucheure vne prise, ou au moins pour donner commodité de faire arriuer la ceciliane à l'extremite de la fente,



## Des Preceptes.

63

sans y apporter difformité, & mesmes, afin que par ce moyen l'appuy de l'emboucheure soit mieux arresté en sa vraye place, sur la barre.

EN ces propositions, on doit encores garder necessairement vne autre iustesse particuliere, mesmement aux bouches mediocrement fendues: assauoir que si la partie de l'emboucheure, qui appuye dessus la barre, tient plus haulte, ou plus basse l'emboucheure que l'ordinaire, il faut retrancher, ou croistre d'autant la hauteur de l'œil, afin que le vray appuy ne soit alteré ny affoibly.

IL se faut aussi souuenir que l'œil qui paroist fort hault, sied fort mal quand la branche est courte, comme fait aussi l'œil fort bas, quand la branche est fort longue; & outre la mal-seance, ces imperfections empeschent les meilleurs effects de la gourmette, & par consequent qu'on ne peut temperer l'appuy de l'emboucheure, comme quand toutes les proportions se rapportent.


COMMENT que ce soit, lon ne se doit departir de l'ordinaire hauteur de l'œil, si ce n'est comme i'ay desia dit, pour contraindre extraordinairement le cheual, qui est trop mal-ayse à se ramener en bonne posture de teste, & de col, ou pour affoiblir l'appuy de l'emboucheure ou de la gourmette, quand la bouche, ou la barbe sont trop sensibles. Toutesfois il y a en cecy vne autre difficulté notable: c'est que si le col du cheual est trop droit, soit pour estre mal tourné, ou n'ayant assez d'espace entre les deux os de la maschoire, sans doute l'excessive hauteur de l'œil n'y apportera point de facilité: mais plustost endurcira dauantage l'appuy de la bouche, lors que le cheual se trouuera trop contrainct en ce que nature ne luy pourra permettre.

IL y a vne autre occasion, pour la quelle l'ordinaire hauteur de l'œil se peut licitement augmenter ou diminuer, c'est que la barbe du cheual estant trop petite, ou trop platte, il est permis de tenir l'œil plus hault, pour donner à la gourmette la force necessaire à l'appuy de l'emboucheure, & si la barbe est trop grande, il est bon aussi que l'œil soit plus bas pour euitier la necessité de tenir la gourmette si longue qu'elle en soit difforme.

TOUT ainsi que le cheual ne peut estre bien embouché, si toutes les parties de l'emboucheure ne sont logees en leurs vrais lieux dedans la bouche, esgalement de chaque costé, & si proprement qu'elles ne facent aucune sorte de meurtrisseure, ny de bleseure, & que neantmoins l'appuy en soit vif & solide; la mesme diligence se doit garder aux iustesses, & diuerses propositions des gourmettes; car de leurs bons effects despend la perfection de cest appuy.

IL faut donc considerer, que cependant qu'on tire le fonds des branches du mors en arriere, soit pour arrester le cheual ou seulement pour luy ramener la teste, la gourmette fait sa principale action, en s'arrestant au vray lieu de la barbe, qui est en ceste partie demy-ronde & plus menue, du fonds de la maschoire, là où se void la difference du cuir, plus barbu, à celui qui ne l'est point, & ioignant l'endroit où la lippe de dessous commence sa forme: par ainsi ceste partie se doit conseruer saine & entiere en son vray naturel. Car si les contusions ou playes souuent suruenues, y engendroyent des cicatrices calluses, sans doute (outre que le sentiment n'en seroit plus vraiment naturel) avecques peu d'effort les vlceres se renouelleroient, de sorte que par tels desordres l'appuy de la bride ne pourroit estre ferme ny leger: c'est pourquoy les Caualerices garnissent communément la barbe d'une chaine de trois esles

ronds & assez gros, afin que par ceste rondeur & grosseur l'effort de la gourmette s'y puisse faire sans entamer le cuyr de la barbe: & pour tenir commodément ces trois essés ou chainons en cest endroit de la barbe, le reste de la gourmette est composé de deux longs crochets, qui tiennent chacun par vn ply à l'œil, & qui sont enchesnez aux essés, par vne maille de chaque costé, comme on void communément, à toutes les bonnes brides, & qu'il est représenté au dessein cy-apres: & notamment il faut que les trois essés accompagnent seulement tant que dure la demy-rondeur de la barbe: & selon la commune reigle, les longs crochets doiuent descendre, & iustement arriuer au coude de la branche, sans toutesfois le toucher, comme i'ay cy-deuant représenté: quant aux deux mailles, il n'y a point de mesure qu'on doie exactement observer, que selon qu'elle est nécessaire pour parfaire la iuste & generale longueur de la gourmette, qui se doit rapporter aux proportions de la barbe du cheual, & à sa durté ou delicateffe, comme aussi à l'interieur de la bouche, & consequemment à la rudesse ou douceur de l'emboucheure, & à la gaillardise, ou foiblesse du tour de la branche: & pour bien observer ceste iustesse, ie rediray qu'une maille suffit de chaque costé entre le crochet & l'essé: car quand il y en a plus d'une part que d'autre, l'action de la gourmette en est tellement incommodee & faisiée, qu'elle ne garnist pas esgalement la barbe, & par cōsequent l'appuy general de la bride n'en peut estre iuste, ny assez plaissant à la main: & si on void communément aux gourmettes deux ou trois mailles du costé du crocher ouuert, ce ne doit estre que seulement pour donner plus de liberté au cheual, en luy laissant l'appuy de la bride à demy, ou s'il est besoin du tout desbandé, pour le trouuer apres plus leger, quand on luy a remis la gourmette en sa iustesse: & pour tenir la gourmette à la iuste mesure, il faut d'ordinaire, que l'essé du mitan arriue à vn poulce ou enuiron plus bas, que l'endroit de sa ferme action, pendant que l'appuy de la main est abandonné.



IL faut que toutes ces proportions soyent diligemment obseruees, mesmes celle qui se void aux plus des crochets, car estans acoudez, comme nos esperonniers mal instruits les font communément, l'appuy ne se fait que seulement des endroits qui sont marquez en la prochaine figure, par lettres A, E, & tout le reste de la longueur du crochet demeure separé de la joue du cheual, laissant inutile la place vuide, qui est representee par la ligne droicte, où se void la lettre O, & au contraire le crochet doit toucher esgalement la joue par toute sa longueur, comme il est ayse à iuger par cest autre crochet ouuert.




QUAND LA BARBE DV CHEVAL  
*est trop delicate.*


## CHAPITRE XXVII.

**A**Y dict ailleurs que les gourmettes, qui ont les esles gros & ronds, offensent moins la barbe en appuyant, que celles qui sont plus menuës: toutesfois parce qu'il ne se peut faire qu'en ces esles il n'y ayt tousiours ie ne sçay quoy d'inegal & bossu, & aussi qu'il se trouue souuent des cheuaux qui ont la barbe tant sensible, que la moindre douleur ou incommodité qu'ils sentent en icelle partie, les fait battre à la main, les blesse, ou comment que ce soit, leur interrompt la memoire, & le ferme & temperé appuy de la bouche, il sera bon d'vser en telle occasion d'une piece entiere, vnüe & bien polie, qui garnisse proprement la barbe au lieu des trois esles de la gourmette commune, comme lon peut iuger par ces figures.






Si le cheval a la barbe tant sensible, que toutes ces gourmiettes l'offensent nonobstant leur douceur, alors il sera bon de luy appliquer celles de cuyr, ou de chanure trenné, ou de sangle doublee, n'ayant que enuiron vn grand poulce de large, comme il est icy figuré, perseuerant avec patience, iusques à ce qu'il soit asseuré à l'appuy de la bride: & par ce moyen sagement pratiqué, on le pourra resouldre (avec le temps, & l'ordinaire action de la bonne main,) pour le moins à l'usage de la plus douce gourmiette de fer.



QUAND LA BARBE DV CHEVAL EST DVRE,  
pour estre trop charnue, ou trop couuverte du poil.

#### CHAPITRE XXVIII.

**P**LVSIEURS cheuaux tirent ou pesent à la main, pour auoir le cuyr de la barbe tant espars, ou tant armé de poil, qu'ils ne craignent nullemēt la subiection des gourmettes cy-dessus représentées: mais pour tout cela, ie ne voudrois, s'il estoit possible, qu'on y fust des remedes extraordinaires & plus rudes: neantmoins y estant contraint par l'obstination, ou negligence naturelle du cheual, i'approuue que pour quelques iours on se serue de la gourmette de trois eses quarrez, & suffisamment gros, pourueu qu'on puisse conseruer la barbe entiere & saine. Je ne veux représenter d'autres remedes plus violents, parce que i'en suis ennemy: mais aduenant que le cheual perseuere trop en sa fougue ou pesanteur, ie le remets à l'exercice de la bonne escole & aux bons effects du caueffon, ou de la seguerre, selon les reigles deduites sur ces occasions aux Liures premier & second.



*QUAND LA GOURMETTE NE S'ARRESTE EN SON  
propre lieu de la barbe, cependant que par la ferme action de la bride on soustient, ou  
qu'on ramene le cheual en sa plus belle posture.*

#### CHAPITRE XXIX.




NE des choses qui nous sont plus difficiles en la iustesse des brides, est d'arrester la gourmette à son vray lieu de la barbe, cependant qu'on pare le cheual, ou qu'on en soustient le ferme appuy de la bouche: Aſſavoir quand en icelle partie, l'os de la mâchoire est trop droit, trop estroit, trop plat, ou trop despourueu de chair: neantmoins aucuns Caualerices ingenieux ont diuerſement inuenté des moyens pour retenir la gourmette en ceste partie limitée, nonobſtant les ſuſdites imperfections: les vns en arreſtant les deux crochets par certaines petites liaiſons, qui tiennent aux extremités de l'emboucheure, contre le ply du banquet: d'autres par des petites cheſnes, qui tiennent à l'eſſe du mitan de la gourmette, & aux cheſnettes des branches: d'autres avec vne fourchette de fer, qui ſe loge au long & entre les deux os de la mâchoire, & qui tient par le bout droit (fait en vis) à la muſerolle de la teſtiere dans vne eſcrouë, & le bout fourchu acroche & tient la gourmette là où elle eſt arreſtee par la vis & l'eſcrouë. Encorès pourrois-je dire d'autres inſtrumens leſquels ie ne veux diſcourir, pratiquer, ny figurer, laiſſant ceſte curioſité à ceux qui recherchent plus les effects differens d'une infinité de brides antiqués & modernes, que la pratique des bonnes reigles de l'exercice. En cecy ie repréſenteray ſeulement mon ſtyle plus commun. ſçauoir eſt, deux crochets beaucoup plus longs que les precedents, leſquels par leur longueur extraordinaire, & par la façon dont ils ſont pliez & courbez, retiendront mieux l'appuy de la gourmette, au lieu plus propre de la barbe, que s'ils n'arriuoient que iuſques au coude de la branche.



## Des Preceptes.

69

A FIN que ces derniers crochets n'allongent la iuste mesure de la gourmette, il faut tenir les mailles plus courtes que celles qu'on fait ordinairement, & au lieu de trois esles, n'en mettre que deux, qui tiendront à vn anneau fait vn peu en ouale, lequel fera son ferme appuy au poinct du milieu de la barbe, estant ainsi logé au milieu de la gourmette, comme il est icy representé.



IL faut bien considerer comment ces longs crochets sont figurez, car de leur tour & façon despend le subiect & le moyen qui retient souvent l'appuy de la gourmette, au vray lieu de la barbe mal proportionnée.


O V T R E que ceste dernière gourmette, qui a les crochets si longs, s'arreste mieux en son appuy & propre lieu de la barbe : cest appuy en est beaucoup plus esgal, que celui des gourmettes ordinaires : & qu'il soit ainsi, on peut voir en la prochaine figure d'icy-apres, que les trois esles sont enchevillées, de façon qu'elles appuyent sur la partie fenestre de la barbe, des deux costez acoudez & arondis, qui forment ces esles marquez par la lettre A, & d'une rondeur plate marquee Y, & sur la partie dextre de deux rondeurs plates marquees O. & d'un coude & costé de rondeur marqué V, & mesmes l'une des mailles se trouue de plat & l'autre de costé : tellement qu'en les accrochant au iuste point, il faut nécessairement tordre un peu la gourmette, & partant il y a de la faulxeté, qui peut offenser la barbe plus d'une part que d'autre, & en l'appuy de la gourmette précédente & moderne, l'esgalité est obseruee en la situation de toutes les pieces.




EN la façon de ces gourmettes on peut facilement iuger la commodité de celle ou se void la preuue de l'appuy, qui se fait plus esgal : car tout ainsi que les deux esles, & les deux mailles précédentes sont figurees en pareille perspective, en effect elles garnissent aussi la barbe de mesme sorte : quant à l'anneau ou ouale du mitan, il ne peut faire



qu'une action au lieu de son appuy limité: tellement que ie soustiens ceste proportion moderne mieux consideree, & plus vtile que l'autre.

EN la difficulté de bien & iustement arrester le ferme appuy de la gourmette au propre lieu de la barbe du cheual, les cordelles de foyes tressées ou torfées, iâzerans & autres gourmettes de chefnons, ou d'une piece, qui tiennent à la cime de la montée de l'emboucheure, & lesquelles sont appropriées pour faire leur appuy couuertement entre la lippe de dessous & la genciue, estans bien appliquees, peuuent arrester & afermir l'appuy de l'emboucheure au vray lieu de la barre, & de la genciue: & mesmes empeschent que la langue ne sorte par le costé de l'emboucheure: toutesfois i'en remets l'usage commun à ceux qui l'approuuent plus que moy, si ce n'est à la necessité & seulement pour vn iour ou deux, quand le cheual aura trop d'inclination à boire son mors: à quoy lesdites gourmettes secrettes & couuertes, apportent vn remede tres-assuré: & afin d'en comprendre mieux la forme & les effects, en voicy quelques figures.









IE ſçay que la dernière gourmette figuree, à laquelle ſont les eſſes plus longs que la meſure ordinaire, ny les emboucheures précédentes garnies de deux prinſes, n'empêcheront pas touſiours que le cheual ne boiue la bride, coulant la maſchoire deſſous l'appuy d'icelle gourmette, principalement quand il ſera en quelque action fort craintiue, ou hors d'haleine, ou extrêmement las, ou qu'il ſentira des douleurs ou debilitéez extraordinaires, en quelque membre particulier, ou généralement en tous: car ce ſont les vrayes occaſions, qui contraignent le cheual à ſ'abandonner tout confus, ou eſtonné ſur l'appuy de la main. Au contraire ſi eſtant en ſes forces, il ramène & ſouſtient legerement, & preſque de ſoy, ſa poſture racolte & releuee, ſans doute l'emboucheure & la gourmette appuyeront facilement ſur les parties de la bouche & de la barbe, où ſe doit faire ce vray appuy. Voila pourquoy ie ſuis d'auis que pour bien diſpoſer le cheual aux bons effets des ſuſdites emboucheures & gourmettes, on le fortifie & aligeriſſe, premièrement en luy accroiſſant l'haleine, la diſpoſition, l'aſſurance, & par conſéquent la facilité de ſon manege par l'exercice de la bonne eſcole, modèſtement continué, & ſ'il a quelque maladie ou douleur, qui luy empêche la legerreſſe, qu'on y pouruoie par des bons remedes: & par ce moyen la bonne bride ſe trouuera beaucoup plus excellente.

DES proportions iuſques icy repreſentees par figures & raiſons, l'homme de cheual peut iuger que les bons effets des emboucheures bien ordonnees, naiſſent en partie du ſoin, qu'on doit auoir à tenir le cheual en obeſſance, ſans luy bleſſer ny meurtrir la bouche: mais pluſtoſt en la contraignant, l'embellir, la rafraîſchir, & luy donner appuy temperé, par les commoditez & plaiſirs des pieces contenues en ces emboucheures, leſquelles doiuent garnir & remplir proprement les concauitez inutiles de la bouche, ſans les offenſer, comme auſſi il eſt neceſſaire, que les parties plus haultes de la bouche, ſoyent logees proprement aux endroits, qui ſont vuides en l'emboucheure, afin qu'elle appuye commodément par tout. Par le meſme diſcours le Caualerice peut auſſi comprendre, que le propre de l'œil & de la gourmette, eſt de fortifier l'appuy de l'emboucheure, & par conſéquent de retenir l'action par laquelle le cheual ſ'auance trop: encores faut-il entendre que les branches qui ſont à preſent en l'vſage de nos eſcoles, ont eſté inuentees par les bons maiſtres, plus pour ramener, former & ſouſtenir vne belle poſture de col & de teſte, que pour arreſter par violence la fouge & la courſe du cheual effrené. Ceſte preuue ſe void ſouuent en la pratique des mords plus antiques, comme les bridons à l'Angloïſe, & à l'Eſcoſſoïſe, & les brides à la genette, à la Turqueſque, & à la Moreſque, qui peuuent retenir le cheual: mais à faute de nos branches, les façons de tels mords ne luy ramènent ny ſouſtiennent la teſte en bonne ny belle ſituation. Or pour bien vſer des commoditez, qui procedent des branches modernes, il me ſemble qu'il faut neceſſairement obſeruer les preceptes que j'ay diſcours au premier Liure, & auſſi ceux qui ſe trouueront cy-apres deduits & figurez.






POVR BIEN GARDER LA IVSTE  
HAULTEVR DV COUDE  
de la branche.

CHAPITRE XXX.



OMBIEN que j'aye discoursu au premier Liure les communs effets du coude de la branche, ie diray encores que pour ne faire point d'erreur trop grossiere en ceste partie, il faut garder les proportions qui sont cy-apres figurees; sçauoir est, que pour maintenir en belle posture le cheual, qui a le garbe du col bien tourné, la teste en bon lieu, & duquell'appuy de la bouche est leger, on doit limiter la haulteur de ce coude, là où se voit en la prochaine figure, & sur le banquet la ligne marquee B, & pour ramener le col allongé ou abandonné, & le nez trop auancé, il faudra haulser à la forge le tour du coude, iusques à la ligne marquee A : & si l'appuy de la bouche est foible, ou le col trop souple, mesmement en l'action qui arme le cheual contre sa poitrine, on gardera le point de la ligne du C : mais il est necessaire que le reste du trait de la branche forte ou foible, se rapporte à ces trois proportions, selon l'vtilité qu'on vouldra tirer de leurs bons effets, comme ie diray : autrement la reigle sera inutile.

CE coude de branche se peut faire de plusieurs autres façons : toutesfois s'il est plus bas, que ce que ie represente en ceste figure, il en aura moins de grace, & rendra l'appuy de la bouche trop incertain; & s'il est plus haut, il pourra faire naistre l'occasion de desplacer l'appuy de la gourmette du iuste lieu de la barbe, conuiant par mesme moyen le cheual à boire la bride, s'il y a tant soit peu d'inclination. C'est en quoy on void encor' vne preuue que la iuste mesure du coude despend en partie de celle du banquet : parce que le banquet estant trop court, ou trop long, il fait paroistre le tour du coude trop hault, ou trop bas, si on ne luy a donné quelque forme extraordinaire.



## EXPLICATION DES BRANCHES


*gaillardes, ou foibles.*

## CHAPITRE XXXI.



Vis que le propre de la branche est, de mettre le col & la teste du cheual en belle & ferme posture, il est donc necessaire de la tenir gaillarde, foible, & de mediocre force, selon que le cheual sera facile ou mal-ayse à ramener: & pour bien comprendre en quoy consistent les differens effects de la branche, il faut considerer la ligne qui est tiree en la prochaine figure, & qui prend son origine de la droite proportion du banquet, & que tant plus le trou du touret de la rozette sera auancé & esloigné de ceste ligne, assauoir du costé de la lettre A, d'autant plus la branche renforcera l'action de la gourmette: & tant plus aussi ce touret sera reculé de la ligne, approchant de la lettre E, tant plus la branche se trouuera foible, parce qu'elle approchera plus facilement de la poitrine: & aboutissant sur la ligne, au point marqué O, elle commencera à prendre nom de gaillarde, ou hardie. Or quand la branche se trouue trop gaillarde, il est necessaire de tenir la gourmette d'autant plus longue: & au contraire la branche estant trop foible, il faut accourcir la gourmette: afin que par leurs proportions bien rapportees, l'appuy de l'emboucheure se puisse temperer. Quant aux differentes longueurs des branches, i'en parleray aux occasions plus necessaires.





LES COMMUNS EFFECTS DE LA ROZETTE  
*de la branche.*

## CHAPITRE XXXII.

**L**A rozette est vne partie, qui embellist plus la branche qu'elle n'est necessaire à ramener, ny à soustenir la teste du cheual: car sans la forme de ceste rozette, on a bon moyen de tourner la branche; de façon que le bout d'embas se troque en tel poinct qu'on veult, comme il se peut iuger par la dernière proportion cy-deuant figurée, & qu'on verra mieulx en lieu plus à propos: toutesfois la rozette peut affoiblir la branche, qui a le tour du coude trop fermé, & qui auance beaucoup, à cause qu'elle recule le trou du touret, & par mesme moyen elle desarme & soustient: c'est pourquoy on la fait plus grande, ou plus petite, & diuersement auancée ou reculée.


POVR LE CHEVAL QUI NATVRELLEMENT  
*tient le col & la teste en belle & legere posture.*

## CHAPITRE XXXIII.



**A**VANT que passer plus outre, ie veux aduertir de nouveau celuy qui trauaille son esprit à rechercher subtilement l'artifice des brides extraordinaires, qu'il n'en trouuera point, qui seulement de soy puisse long temps changer & forcer la naturelle stature du cheual, qui par quelque necessité portera de mauuaise grace le col & la teste, & que les moyens incertains trop continuez ameneront l'incommodité de quelque autre accident, qui se trouuera souuent plus desplaisant & preiudiciable, que l'imperfection, à laquelle on aura pensé remedier, par la violence du mors trop rude ou confusement appliqué: au contraire les bons effets de la bride bien ordonnée, ioincts au continuel exercice de la bõne escole, pourront beaucoup ayder à nature, & mesmes aucunesfois la gaigner par l'habitude bien reglee, qui avec le téps changera l'action faulse, quoy qu'elle soit naturelle, à vne qui sera bonne, ou moins mauuaise, comme i'expliqueray par ordre: mais premier ie représenteray la branche commune qu'il faut au cheual, qui de son inclination porte en beau lieu le col & la teste, & duquel l'appuy de la bouche est ferme & leger: & mesmes afin que ceste bonne & naturelle posture ne s'abandonne sur l'appuy, ny se ramene trop, mais plus tost qu'elle soit maintenue, & soustenue par la commodité de la branche, qui se void cy-apres figuree, laquelle ne se trouuera gaillarde ny foible, comme il se peut voir par la preuue de la ligne droite, qui vient du banquet, & cy-deuant interpretee & marquee par la lettre O.

QVAND l'œil du mors est plus haut, que le coude à plus de tour, & que la rozette est plus ouuerre que les proportiōs qui sont icy figurees, sans doute il y a quelque difformité. Toutes-  
fois pour ayder aux remedes de quelques imperfections, il se faudra necessairement dispenser: Mais ie suis d'avis qu'apres on reuienne, s'il est possible, au moins à vne mediocrité.






---

**QUAND LE CHEVAL TIENT ORDINAIREMENT**  
*le nez trop auancé par mauuaise habitude, ou pour estre trop  
chargé de col, ou de teste.*

## CHAPITRE XXXIIII.

**P**LVSIEVS sujets peuuent donner occasion au cheual, de tenir le nez trop auancé, principalement la mauuaise habitude, la nonchalance & pesanteur naturelle, la foiblesse, la lassitude extreme, la faulx stature du col, & l'imperfection des maschoires trop voisines : or quand il porte le col & le nez trop allongé seulement par accoustumance, par paresse, ou pour estre beaucoup chargé de chair sur le deuant, & que neantmoins l'arc du col est bien tourné, & la maschoire suffisamment ouuerte, il faudra tenir l'œil de son mors vn peu plus hault & moins reculé, & la branche plus gaillarde que la commune façon, comme elle est icy figuree.




*QUAND LE CHEVAL PORTE LE COL ESTENDU  
& le nez trop auancé, seulement par débilité.*


## CHAPITRE XXXV.



ON peut iuger par la figure cy-deuant representee, que la branche ainsi gaillarde ramenera le col & la teste du cheual, qui sera trop allongé ou estendu de la main en auant. Toutesfois, s'il tient le nez bas & auancé à faulte de force, ie ne veux pas qu'on pense que l'artifice de ceste branche, ny quoy qu'elle soit autremét faite, luy puisse fortifier les mébres foibles, qui l'abandonnerôt sur l'appuy de la main, lors qu'il ne pourra fournir à ce qu'on le voudra contraindre outre la capacité: c'est en quoy ie n'approuue pas qu'on tasche à ramener le cheual de tel naturel, seulement par la contrainte de la branche: mais plustost ie suis d'auis qu'on la tienne vn peu longuette, & plus reculee qu'il ne semblera estre necessaire en apparence, cependant que les forces du cheual serôt vnies: & veux qu'on repare ce qui s'affoiblira de la branche par la môtee, qui se pourra faire à l'emboucheure, quoy qu'elle ne soit nullement vtile à l'interieur de la bouche, pourueu que ceste montee n'offense le palais, ny les barres, & qu'elle soit si bien ordonnée, que son effect, propre à ramener, joint à la mediocre force de la branche, tiennent le col & la teste du cheual en sa place racolte, plus belle, & plus ferme, en luy foulageant, ou luy foulant moins les membres, què si la branche estoit plus hardie. Et pour mieux comprendre ce precepte, il faut scauoir que la branche assez foible & longue resoulte le cheual, qui a la bouche fine, au ferme appuy de la main, & mesmes luy soustient l'action de l'arrest, sans luy precipiter les forces, à cause qu'elle arriue facilement à la poitrine, & par conséquent la bouche en est foulagee, ensemble la barbe: & celle qui est courte & fort auancee se trouuant par ceste forme, & en son appuy, plus esloignée de la poitrine, violente dauantage la bouche, la barbe, & la malchoire du cheual, & luy estonne les membres, mesmement quand ils sont debiles, à cause des efforts douteux & incertains qu'il fait souuent tout à coup, sans donner temps d'estre soustenu craignant la rude action de ceste branche trop gaillarde: par ainsi il vaut mieux en telle occasion qu'elle soit ordinairement trop longue, que trop courte; & pour la faire de façon qu'elle puisse mieux assubiectir & soustenir ensemble, il la faut proportionner comme elle est cy-apres figuree: car estant ainsi tournée, elle aura la force de ramener, d'autant qu'elle auance au milieu plus que la ligne du banquet, iusques à la lettre A: & soustindra, l'autre moitié, estant reculee, & aboutie au poinct de la lettre E, selon la figure suivante.









LA susdite branche estant ainsi droicte par le bout du touret, aura autant d'effect, & souvent plus de fermeté & de soustien, mais moins de grace que celle qui aboutit par le retour d'une rozette bien faicte : toutesfois, l'approuue fort ce qui decore la posture du cheual : & par ce qu'en son ornement, la branche du mors est vne des parties, qui contente plus la veüe de celuy qui facilement s'arreste à la beauté de tel animal, ie suis d'avis qu'on enrichisse communément la façon de la branche de quelque rozette bien faicte, qui toutesfois soit utile : & afin que sa forme n'aye gueres moins d'effect que la branche precedente, il faudra garder les mesures & proportions de ceste figure.

EN ces façons de branches , il faut considerer que si la proportion qui descend du coude, & qui deuance la ligne du banquet marquée 'A', finit par le jarrèt, la gaillardise de sa premiere action, plus haulte que la ligne marquée E, qui trauerse la branche, le cheual en fera plus soustenu, & moins ramené; que si ceste partie gaillarde, gardant sa forme auancée, accompaignoit plus bas la generale longueur de la branche.






A v contraire de la susdite branche, celle qui est cy-apres figuree change sa premiere action plus bas que la ligne marquee E, en descendant & reculant apres comme la precedente, iusques au bout de la longueur generale marquee O: & par telle proportion, elle doit soutenir moins, & ramenera dauantage.



Et parce qu'il semblera peut-estre à quelque homme de cheual, que la forme commune des branches susdites, soit moins belle que si elles estoient droictes, & vnies au mitan, j'ay voulu représenter les figures suiuant, qui feront presque les mesmes effects des precedentes, comme il sera aysé à iuger par la preuue des lignes, qui se verront pourtraites.



ENTRE ceux qui aiment la propreté, il y en aura qui trouueront plus belle la façon de quelqu'vnes de ces rozettes, que d'autres diuerfement figurees : mais ils ne doiuent tant arrefter à la bien-seance, qu'ils ne considerent (comme i'ay desia representé) que tant plus le tour de la rozette s'estend en arriere, tant plus la branche en est affoiblie, quoy que iusques au commencement de la rozette la branche auance & surpasse beaucoup la droite ligne du banquet, par la premiere action hardie, descendant du tour du coude.

PAR le recueil des raisons & proportions iusques icy deduites, le bon Caualerice pourra facilement comprendre la façon de la branche, qui sera necessaire pour soutenir plus que ramener le cheual, qui en auançant le nez tiendra le col trop bas, soit de son naturel, ou par mauuaise habitude, ou contraint par quelque particuliere debilité de membres : & pour ramener plus que soutenir celuy, qui ayant ainsi le nez trop auancé, tiendra le col plus estendu par le droit, qu'il ne portera la teste basse : & par consequent il iugera avec plus de facilité les effects mediocres de toutes les parties de la branche, qui se rapporteront mieux à la plus belle posture du cheual, quand de sa naturelle inclination il tiendra fermement & legerement le col & la teste en bon lieu : mais il y a encores d'autres difficultez, qui se trouueront cy-apres discourus.

#### QUAND LE CHEVAL TIENT LA TESTE TROP

*haulte & le nez trop auancé pour auoir la proportion du col faulx, ou la  
maschoire trop serree.*

#### CHAPITRE XXXVI.



Es cheuaux qui se ramènent plus difficilement, sont ceux qui ont le col renuerfè, c'est à dire tourné en hault, & fort gros au dessous : & mesmes quand les maschoires sont trop serrees : en telles imperfections, les branches gaillardes amènent plus de desordres que de bons remedes : car quand nature s'oppose du tout à la souplesse du col, & aux autres parties, par lesquelles le cheual se pourroit suffisamment ramener, lors il n'y a sorte d'artifice violent, qui en fin ne se trouue non seulement inutile, mais souuent le subiect de plusieurs defenses que le cheual fait, & de diuers mouuemens de desesper, qui luy suruiennent estant trop recherché & contraint en ce qui n'est en la capacité de ses forces, non plus qu'à son inclination, & tant plus s'il est apprehensif & colere de son temperament. Tant s'en faut donc qu'en ces empeschemens naturels la branche qui auance beaucoup soit necessaire, qu'au contraire elle doit estre plustost foible que trop gaillarde : afin que le cheual ainsi mal proportionné de la main en auant, ayt moins d'occasion de craindre l'effort de la brâche trop hardie, & que par l'habitude de l'exercice bien considéré, & propre aux susdites imperfections il cōsente & s'assure peu à peu à la plus belle action & forme, que sa stature luy pourra permettre. A quoy le sage Caualerice doit auoir esgard avec beaucoup de soin, afin de ne tomber en l'erreur cōmune de ceux, qui par la violence de certains mords rudes, & mal entendus, pensent pouuoir contraindre le cheual à ce qu'il n'a iamais appris, quoy que d'autre part nature y contrarie : & ce qui plus confirme en cecy leur indiscretion, est que auparauant que le cheual s'arreste librement, soit de sa propre inclination, ou par la pratique des bonnes leçons, ils le font ordinairement partir & courir, precipitans sa vigueur & son courage à toute bride, & si souuent que





quand bien il auroit sa generale proportion aysee, & la bouche legere & fort fine, les courtes furieuses tant continuees luy endurciroyent, ou esgareroyent infalliblement l'appuy de la main, à mesure que la violente agitation de telles courtes luy augmenteroit la fougue, ou accableroit ses forces. Partant ie laisse iuger à l'homme de cheual, qui aura l'esprit bien composé, si l'entreprise de tels Caualerices mal fondez peut reüssir selon ce qu'ils desirent, & se promettent.

Il faut donc necessairement que le cheual, qui de son naturel est empesché de bien former la vraye & necessaire courbure de l'arc du col, & qui a le gosier tant espais de gros muscles & tendons, qu'il ne peut auoir son entree & place suffisante entre les deux os des machoires, se gaigne par douceur, en luy ostant patiemment la fougue & confuse apprehension, tant de la furie des courtes & des aspres arrests, souuent surpris ou faits hors de temps, que des offenses receuës dans la bouche, & à la barbe par la bride trop rude, qui seront cause qu'il tirera à la main, haussant le nez extraordinairement, ou qu'il esgarera le ferme appuy de la bouche, faisant aucunesfois l'un & l'autre desordre ensemble: à quoy vn des plus certains remedes est de luy accroistre l'haleine par l'exercice moderé, & sur tout en l'accoustumant à parer souuent sans violence, premierement en allant au pas, & apres au trot, & puis au galop, & en fin en courant, & le faisant reculer à tous les coups sans grande contrainte, pratiquant ainsi tous ces moyens selon les reigles discourues aux Liures precedens: car par telle diligence on le pourra avec le temps faire consentir librement à l'action de la bonne bride, & par consequent à la facilité de quelque bonne posture de col & de teste, & à l'obeyssance de l'arrest: & pour le gaigner avec plus de commodité, il le faudra emboucher de façon, que la montee de son emboucheure, arriuant au palais, le ramene plus que la force de la branche; sans routesfois l'offenser en aucune partie de la bouche: mais au contraire l'accommoder & embellir, obseruant les preceptes contenus en l'explication des emboucheures cy-deuant figurees.


Et pour proportionner la branche, de façon qu'elle apporte aussi quelque ayde à ramener le col trop droit ou renuerse, & le nez trop haussé, il faut que l'œil soit vn peu plus haut que la mesure mediocre, afin qu'il fortifie d'autant l'action de la gourmette: le coude doit estre aussi plus serré que la commune façon, pour auancer la branche iusques au point de la lettre A, qui se voit en la figure cy-apres: car ceste premiere action hardie le pourra attirer à quelque subiection basse: mais il faudra que la rozette recule plus que la ligne du banquet: car par ce moyen le cheual s'estonnera moins du premier aduantage que ceste branche monstre, iusques à la lettre A.

Des



Precep. 91



T E L L E s branches seront propres au cheual , qui ayant le gosier fort plein & tendu , & les maschoires trop serrees , sera naturellement contraint de tenir le nez auancé : mais si outre tout cela , il a le col tant renuerfé , que quand le cheualier le voudra arrester , il se puisse armer & defendre , en appuyant la branche contre le gosier pres la maschoire , alors il faudra tenir l'œil plus bas , & la branche plus courte , gardant au reste l'ordre des proportions , qui sont icy representees.







PLVSIEURS Cheualiers, apres auoir essayé beaucoup de branches differentes, & n'auoir peu par icelles faciliter l'appuy de la bouche du cheual, qui a le col fort renuersé, & qui s'arme, se seruent à l'extremité de vrayes mords à la genette, ausquels sans doute il se trouue aucunes fois quelque commodité, à cause qu'en la branche d'iceux il n'y a forme ny longueur, qui puisse bien arriuer au lieu que le cheual la voudroit appuyer pour s'opposer à l'effect de l'emboucheure & de la gourmette: & pour ramener le cheual qui tient la teste fort haulte, & le nez fort auancé, aucuns Caualerices se seruent d'ordinaire du chastiment, & des commoditez de la camarre. Pour moy, ie n'approuue ny ne blafme l'usage de la branche à la genette, parce que si le cheual en est par fois arresté, aussi elle luy esgare souuent la teste, qui est vne desplaisante & dangereuse imperfection, & ne luy soulage aucunement la bouche, les espaulles, ny les iambes: mais pour ayder à ramener la teste de tels cheuaux, ie tiens que la pratique de la camarre peut beaucoup seruir, moyennant que la muslerolle n'en soit trop rude, ny les longues qui s'attacheront aux sangles trop tendues, mesmement si le cheual est colere, & fort sensible: & pour se bien preualoir de l'utilité que ce remede peut apporter, il faut sagement obseruer les preceptes, qui se trouueront au premier Liure sur le discours des cheuaux, qui ont besoin des effects de la camarre, & de ceux qui ne peuuent endurer aucun appuy rude dessus le nez.

*QUAND LE CHEVAL S'ARME EN BAISSANT LA  
teste, & en appuyant les bouts des branches de son mors contre la poitrine.*

#### CHAPITRE XXXVII.



A pluspart des ieunes cheuaux font diuersement quelque action desagréable, au commencement qu'on leur fait recognoistre la bride, mesmement ceux qui sont bizarres & d'humeur colere: & selon que l'emboucheure est rude, & mal-plaisante, il y en a qui secouent la teste d'un & d'autre costé, ou en hault & en bas: & des autres qui tiennent souuent le nez auancé, & bandé, ou dans la bouche & faisans les forces, ou mettent la langue dessus l'emboucheure: d'autres, qui taschent à se desbrider avec les pieds & iambes de deuant, & ceux qui sont pis que tout cela, ayant le col trop souple ou trop courbé, baissent la teste & appuyent les branches de leurs mords contre la poitrine: toutes les autres imperfections se peuuent plus facilement corriger par les bons moyens de l'art, que ceste dernière: car les fermes & subtils mouuemens de la bonne main assurent avec le temps le col & la teste du cheual, & par l'exercice de la bonne escole, le racourcissent, & l'assurent à l'appuy temperé du caueson & de la bride, propres aux proportions & nature de la bouche, & par consequent l'encoleure fait l'habitude, & facilité de son plus bel arc, & le front celle de sa droicte & ferme situation: mais quand le cheual malicieux, qui naturellement a le col fort souple, ou trop vouté, a recogneu le moyen de se defendre aux effects de la bride, en baissant le front, & appuyant les branches contre la poitrine, il est presque impossible de le desarmer de ceste defense, mesmes par l'artifice & les commoditez particulieres, & plus subtiles de l'emboucheure, des branches, ny de la gourmette, à cause qu'il n'y a nulle action en la bride, qui pousse directement le nez du cheual en auant, & toutes le peuuent ramener: de sorte que si à tel cheual on applique la branche gailarde ou courte, il aura plus d'occasion de se ferrer d'auantage, pour auoir recours à ce faux appuy, par lequel il se defend, & si on la tient foible ou longue, elle arriuera plus commodément en ce mesme appuy. Voila pourquoy il ne faut trouuer estrange, si les Caualerices remedient si peu à tels vices.


## Des Preceptes:

95


P V I S donc que le propre des principaux effects de la bride, est de retenir & raccourcir l'action du cheual, il vaut mieux se servir en ceste occasion, des yeux & des branches, qui ramencent moins, que de celles qui sont plus fortes, recherchant d'ailleurs la legereffe & facilité de la bouche, par quelque subiection de gourmette, ou emboucheure, qui sans montee, ou forme estrange appuyent vn peu rudement sur la barre, & sur la barbe; sans toutesfois meurtrir ny blesser l'vne ny l'autre partie: quant à la longueur des branches, elle se doit rapporter à la taille, ou à la posture du cheual: mais pour les façons ordinaires que i'approuue, elles sont representees en ces figures.







Les branches cy-dessus figurees n'empescheront pas que le cheual ne se deffende par le susdit & faux appuy : mais elles luy donneront moins d'occasion de baïsser la teste pour s'armer, que ne feront beaucoup d'autres plus auancees par le bas : & pour donner à ces branches plus de force, (en incommodant la souplesse du col, par laquelle le cheual fait la faulxe action trop ramenee & appuyee) on peut tirer quelque ayde d'un certain billot canallé, long temps y a en v'sage, que la sousgorge de la testiere tient arresté entre le gosier & le hault des maschoires du cheual : mais d'autant que ce remede est grossier & fort malscant, mesmes aux cheuaux de legere taille, il vaudra mieux se seruir d'une boule de bois bien ronde, qui par le moyen de la sousgorge se peut facilement loger, & plus couuertement, entre le grosier & les deux os de la maschoire, & ceste boule doit estre garnie, comme elle est icy representee.





## Des Preceptes. 99

LA grosseur de ceste boule se doit proportionner selon l'eschancrure de la plus haulte distance des maschoires, parce qu'estant trop petite elle demeureroit du tout enclouée, & inutile entre les deux os des maschoires, & si elle estoit trop grosse, la grosseur exceffue la rendroit trop apparente, & la feroit souuent tourner de quelque costé, deslogeant de la vraye place où elle doit estre arrestee: mais estant faicte & accommodée avec iuste proportion, elle se pourra facilement arrester assez hault contre le gosier, à cause que la separation des maschoires est faicte en estreccissant par bas: & ceste iustesse se doit entendre quand la moitié de la boule entre dedans ladicte separation des maschoires, & que le gosier rencontre l'autre moitié: par ce moyen le cheual pourra estre aucunesfois empesché de se ramener trop: & afin que la boule paroisse moins, il la faudra peindre ou couvrir de drap, ou de veloux, de la couleur que sera le cheual qui en aura besoin, ou telle qu'on voudra.

ENCORE ay-ie practiqué plusieurs autres moyens, pour empeschier que le cheual n'appuyast trop les branches de son mors contre la poitrine, & mesmes ie faisois grand cas de certaines pointes ou moulettes pointues, mises aux bouts d'embas des branches: afin que le cheual s'offensast & se chastiaist soy-mesmes, en se voulant armer contre le col, ou la poitrine: mais il y a long temps que j'ay laissé l'usage de ce remede, pour en auoir veu naistre pour le moins autant de desordres, que d'utilitez.


EN fin l'action que le cheual fait du col & de la teste, quand il s'arme par l'appuy de la poitrine, & des brâches de son mors, & celle qu'il doit faire des hanches & des espauls, pour parer & manier legerement, sont tant contraires qu'elles ne peuuent estre faictes ensemble: c'est pourquoy il est si mal-aylé de faciliter les arrefts des cheuaux, qui se couurent trop en baissant le front.

*QUAND LE CHEVAL TREND L'EMBOUCHEURE, OV  
la branche de son mors avec les dents pour eschapper, forçant  
le bras & la main du cheualier.*

### CHAPITRE XXXVIII.



AR les discours & preceptes precedents on aura peu comprendre que Nature donne souuēt au cheual plusieurs moyens de se defendre contre les bons effects de la bride: & que tant plus il est malicieux, tant moins il se trouue de remedes à ses deffenses, principalement quand il y est long temps accoustumé & endurecy: or vn des plus dangereux moyens qu'il scauroit trouuer, pour s'opposer à l'obeyssance, est de prendre l'emboucheure avec les grosses dents, ou la branche avec celles de deuant, taschant d'arracher les rennes de la main du cheualier, comme il aduiuent aucunesfois: neantmoins les empeschemens de tels vices sont assez faciles: car en accommodant vne chesnette ronde, ou vn assez large ruban de soye, qui passe entre la lippe dessous, & la genciue du cheual, & qui tiennē à la montee de l'emboucheure, si elle est ouuerte, ou aupres du ply du banquet estant fermee, ou à l'œil de la branche, comme j'ay desia monstre par les figures precedentes, ces moyens empeschent que le cheual puisse haulser & boire la bride, & par consequent qu'il se faisisse de l'emboucheure avec les grosses dents; & afin qu'il ne puisse prendre la branche, il y faut seulement ioinde vne piece, qui croise enuiron l'endroit qu'il la peut mordre, & qui tiennē & soit arrestee par deux fortes viz, pour auoir moyen de l'oster & remettre quand on voudra, comme il est icy representé.



## Des Préceptes.

101

EN telles occasions, i'ay autresfois vſé de certaines branches assez longues, qui estoient pliees de façon, que depuis le milieu d'icelles iusques au touret de la renne, elles s'esloignoient tant l'une de l'autre, que le dessous du col pouuoit entrer facilement entre les deux, & n'estoyent arrestees que seulement au mitan par vne forte chennette: ce remede, ioinct à celuy du billot ou de la boulle susdite, m'a souuent aydé en ceste imperfection, & peut aussi seruir au cheual, qui en tournant plie le col, soit malicieusement, ou pour l'auoir trop souple, ou à faute de force, ou de bon exercice: mais la pratique en est si malseante, que ie la laisse maintenant à ceux qui l'approuueront plus que moy: me contentant aussi d'en auoir dict quelque chose, sans représenter la figure.

---

LE VRAY MOYEN DE BIEN MESVRER LA  
*longueur de la branche.*


---

### CHAPITRE XXXIX.



EX qui iusques à present se sont meslez de discourir des brides bien considerees, ont donné les longueurs des branches, mesurant du fonds du bâquet, ou du plus hault du coude d'icelles, iusques au trou du touret des rennes: en quoy ils ont fait l'erreur mesme que i'ay cy-deuant reprouuee, parlant de la haulteur de l'œil: car le banquet estant plus court, ou plus long que la proportion ordinaire, peut d'autant accroistre ou diminuer la longueur generale de la branche, quelque iuste mesure qui ayt esté iugee par ceste reigle incertaine. Mais pour bien ordonner les susdites longueurs, il est necessaire de tenir vn des poincts du compas au mitan du banquet marqué A, & l'autre au mitan du trou du gros touret, sur la lettre B, comme il se voit par la figure suyuant. La raison de ce precepte est aysee à comprendre, puis que le principal appuy qui s'arreste sur les barres, & l'effort de la branche se font par l'action du noyau de l'emboucheure, qui se doit aussi terminer iustement au mitan du ply du banquet: & parrant ceste reigle est plus approuuable.





## DE LA BIEN-SEANCE DES BOVCETTES.

## CHAPITRE XL.



OVr si bien que la bride soit elabouree, encore se doit-elle embellir par l'agencement des boucettes choisies à propos, à sçavoir, petites, mediocres, ou grandes, selon la stature du cheual, qu'on en voudra accommoder. Car ce seroit vn mauuais rapport de parer vn petit cheual avec de grandes boucettes, comme aussi d'en bailler de trop petites à vn qui feust fort grand. Or outre les diuerſes façons des boucettes, du temps present, les plus haultes sont celles, que i'approuue moins, parce qu'elles font paroistre la bouche du cheual trop large. Partant ie desire, qu'on se serue communément de celles, qui sont basses, & encore ie suis d'auis qu'on tienne fort bas les petits tuyaux, qui les soustiennent sur les trous de l'œil, & de la sousbarbe de la branche, ausquels sont inuestis les clous, qui attachent & retiennent les boucettes.

LA CAUSE POVRQVOY LES FIGVRES DE CE LIVRE  
n'ont esté iointes & reduites en mords entierement fournis  
& differens.

## CHAPITRE XLI.



Es moins sçauants en cest art, seront ceux qui trouueront plus estrange, que ie n'aye figuré en ce Liure les mords entiers & garnis, à l'imitation de plusieurs Caualerices, qui ont escrit & mis leurs reigles en lumiere: mais les mieux entendus cognoistront, que i'ay fait ce que mes deuanciers deuoient faire. Car pour bien embrider le cheual, il faut necessairement que les formes & temperaments de toutes les parties de la bouche, de la barbe, de la maschoire, du col, de ses paules, & mesmes des forces de tous les autres principaux membres d'iceluy, soyent bien & separément considerees, premier que iuger & refoudre l'entiere composition de la bride: & faisant autrement on se trompe, d'autant qu'il y a des occasions differentes, cy-deuant deduites, qui peuuent rendre l'appuy de la bouche differemment bon, ou mauuais: partant i'ay voulu monſtrer & discourir ainsi par ordre separé toutes les fusdites propositions, afin que le Caualerice curieux puisse mieux composer & ordonner les mords, selon la stature, le naturel, & la capacité du cheual.

L'ORDRE QVIL FAVT TENIR EN DONNANT AV  
cheual vne bride neuue, ou qui luy est incogneue, & la deffinition  
de ce troisieme Liure.

## CHAPITRE XLII.



Le cheual qui est de bonne inclination, & qui a l'appuy de la bouche naturellement ferme & léger, reçoit paisiblement toutes sortes de mords qu'on luy essaye: mais celuy qui est d'humeur colere & bizarre, ou qui a la bouche, ou la barbe trop dure ou trop sensible, ne se gaigne pas tousiours si facilement: au contraire, il aduient d'ordinaire que pour si proprement que la bride puisse estre faicte, s'il en reçoit quelque desplaisir premier que l'auoir bien goustee & recogneue, il ne l'ayme de long temps apres, & aucunesfois, pour ceste seule occasion, ne se plaist, ou ne s'assure iamais bien sur l'appuy d'icelle: c'est pourquoy quand le sage Caualerice veut emboucher de quelque nouveau mords le cheual fort sensible, apprehensif, ou capricieux, il luy doit donner au moins deux iours pour le mascher, & recognoistre avec quelque friandise: assauoir le premier iour en le tenant bridé dedans l'ecuyerie, & le second en le promenant doucement estant dessus, laissant la gourmette plus longue que son iuste point: & encores la premiere & seconde fois qu'il l'exercera, avec la nouvelle bride, il se doit soigneusement garder de luy offenser tant soit peu la bouche, ny luy faire autrement desplaisir; afin qu'apres il trouue plus d'assurance à ladite bride, ou qu'il ayt moins d'occasion de la hayr, ou craindre.

Celuy qui recherchera necessairement, ou par curiosité les bons effects des emboucheures, gourmettes & branches, qui sont figurees en ce troisieme Liure, travaillera son esprit confusement & souuent en vain, s'il ne cognoist bien toutes les proportions & qualitez de la bouche, de la barbe, de la maschoire, & du col, ensemble le courage, l'inclination, & la suffisance, ou incapacité, des forces generales & particulieres de tous les membres du cheual qu'il voudra proprement embrider. Mais par la cognoissance du naturel de toutes ses parties, il pourra faire eslection de l'emboucheure, qui se rapportera mieux à l'interieur, & au temperament de la bouche, de l'œil, & de la gourmette, qui sera plus necessaire à la forme & nature de la fente, & de la barbe: & de la branche, qui façonnera & soustiendra legerement la plus belle & ferme situation du col & de la teste du cheual: de sorte que par l'assemblément & les commoditez de toutes ces proportions bien iugées, la bride se trouuera proprement & iustement composee, pour donner appuy solide à la bouche foible, ou trop sensible: allegier celle qui tirera ou s'appuyera plus qu'à pleine main: ramener & courber l'arc du col, qui sera estendu, ou le redresser aucunement estant trop courbé: assurer ou baisser la teste esgarée, ou portee trop hault, & l'auancer & haulser, si en couurant le nez, elle presente trop le dessus du front: toutes fois la bride, comment qu'elle puisse estre faicte, n'aura pas telles perfections, n'estant conduite par l'esprit sçauant & bien experimenté en cest exercice, & secondé de la main subtile & diligente, mesmes si le naturel du cheual contraire directement aux bons remedes de l'art: à cause dequoy, ie ne fais nul doute, que tel qui ne sera pas des plus sçauans Caualerices, ayant recherché en ces preceptes les moyens de contraindre le cheual, (par la violence de quelques mords estranges, & rudes) en ce qui ne se doit par raison esperer, & n'estant peu paruenir à son desir desmesuré, il ne demeure aucunesfois mal edifié de moy: sur quoy ie veux de nouveau confirmer les protestations desia faictes



en diuers lieux, que mon intention n'a pas esté d'adresser ce mien labeur, que seule-  
ment à ceux qui seront assez sçauants, pour ioindre & accommoder avec prudence  
l'artifice representé par toutes les figures de ces derniers traictez, aux reigles & leçons  
des deux Liures precedents, sçachant bien qu'il n'appartient point à d'autre d'en com-  
prendre & receuoir le contentement & l'vtilité qui en peut naistre.

Pour estre plus confirmé en l'assurance qu'on doit auoir, que les effects plus  
necessaires, & qui se peuuent premediter, aux proportions des brides bien consi-  
derées, sont incertains, & le plus souuent inutiles, n'estans appropriez par vn clair  
iugement, au bon estat d'obeyssance & de manège, auquel le cheual doit estre au-  
paravant reduit, avec le canon simple & le cauellon, le cheualier pourra facilement  
voir, en l'experience de toutes les raisons susdites, que si le cheual de sa nature, ou  
à faute d'auoir esté bien exercé, est paresseux, mal disposé d'haleine, ou subiect à  
estre saisy d'apprehension craintive, ou d'extreme fougue, sans doute, estant longue-  
ment recherché de quelque effort, on luy verra ouurir & tourner la bouche, alterer  
grossir, & noircir la langue, enfler ou renuerser les leures, & mesmes auancer le nez,  
roidissant le col, & tirant durement les rennes, pour s'opposer à l'action de la main  
du cheualier, ou s'abandonner pesamment sur l'appuy d'icelle: & contre ces vi-  
ces naisans ainsi de difficulté de respiration, de poltrone ou debile lassitude, de ti-  
midité, de crainte extraordinaire, ou de grande inquietude, l'artifice de la bride, en  
quelque sorte qu'elle puisse estre faicte, demeurera presque sans aucun bon effect.  
Au contraire, si par l'art & la patience, le cheual a esté desia gaigné, fortifié, facilité,  
& en fin rendu paisible, attentif & asseuré aux actions & mouuements du bon Caua-  
lerice, en bonne haleine, en facile obeyssance d'escole, & aussi conserué en esquine  
& allegresse supportable, sans doute la bouche se pourra trouuer en l'exercice, fer-  
mee, droicte & fraische par la iuste situation de l'emboucheure bien ordonnée: & la  
reste avec le col, en belle & legere posture, par l'action ramenante, & le soustien de  
la branche bien proportionnée de tour & de longueur, mesmement par l'appuy de  
la bonne gourmette, iustement arresté en son lieu de la barbe necessairement limité:  
c'est mon but principal & commun en cest art, auquel tout exprez j'ay voulu reuenir  
pour faire ceste fin.

*Par grand labeur & patience  
S'acquiert ceste belle science,  
Et sans ces deux moyens parfaicts  
On n'en peut voir les beaux effects.*

FIN DV TROISIESME LIVRE.



TABLE DV TROISIESME LIVRE  
DES PRECEPTES DV SIEVR  
DE LA BROVE.



- AXIMES* generales qu'il faut observer pour bien ordonner la bride du  
cheval d'escole. Chap. 1. pag. 8.  
Emboucheure pour les cheuaux, qui ont la bouche naturellement legere.  
Chap. 2. 9  
Quand la bouche du cheual est peu fendue, & que les barres en sont de leger  
appuy. Chap. 3. 12  
Quand la fente de la bouche du cheual est trop petite, & que les léures sont dures & espais-  
ses, quoy que les barres soyent assez sensibles. Chap. 4. 13  
Quand les proportions de la bouche du cheual sont. generalement bonnes, & que l'appuy en est  
naturellement temperé. Chap. 5. 14  
Autres emboucheures pour les susdites bouches qui ont l'appuy à pleine main, & qui sont me-  
diocrement fendues. Chap. 6. 15  
Pour les bouches foibles, ou trop sensibles. Chap. 7. 17  
Autres emboucheures propres aux bouches un peu plus grandes que l'ordinaire, & qui neant-  
moins ont les barres assez sensibles, comme i'ay dit cy-deuant. Chap. 9. 23  
Explication du mot armer selon l'occasion susdite, & la difference qu'on doit faire de la barre à  
la gencive. Chap. 10. 24  
Quand le cheual est leger à la main, & qui a la bouche fendue, & la langue assez basse. Chap. 12. pag. 27  
Pour les bouches qui ont l'appuy plus dur, ou plus pesant qu'à pleine main. Chap. 13. 32  
Precepte principal pour bien loger sur la barre, la partie de l'emboucheure, propre pour le vray  
appuy de la main. Chap. 14. 36  
Emboucheures propres aux cheuaux qui ont les barres hautes & dures, & la bouche seiche.  
Chap. 15. 37  
Quand les barres se rompent ou meurtrissent facilement sous le ferme & temperé appuy de  
l'emboucheure, mesmement quand elle est ouuerie. Chap. 16. 39  
Quand la langue est trop haute, le palais trop charnu, & la machoire fort estroicte. Chap. 17. 41  
Les moyens desquels on peut user à l'emboucheure du cheual, pour ayder à luy ramener la teste,  
quand il porte le nez trop auancé, & pour l'empescher de passer la langue dessus l'embou-  
cheure. Chap. 18. 45  
Autre emboucheure propre à ramener la teste du cheual, qui s'abandonne dessus l'appuy de la  
bride tenant le nez trop auancé. Chap. 19. 47  
Quand le cheual tient la bouche trop close, ou trop ouuerte. Chap. 20. 50  
Quand la langue du cheual pend & sort hors de la bouche. Chap. 21. 52  
Quand le cheual tient ordinairement la langue trop retiree. Chap. 22. 54

Quand le cheual tient ordinairement la teste ou le nez sur vne main, à laquelle il tourne aussi plus facilement. Chap. 23.	50
Effects differents du banquet & de l'œil. Chap. 24.	68
Occasions pour lesquelles on doit faire l'œil de la branche plus haut ou plus bas que la mesure ordinaire. Chap. 25.	62
Pour approprier iustement la ceciliante. Chap. 26.	Ibid.
Quand la barbe du cheual est trop delicate. Chap. 27.	65
Quand la barbe du cheual est dure pour estre trop charnue, ou trop couuverte de poil. Chap. 28.	67
Quand la gourmette ne s'arreste en son propre lieu de la barbe, cependant que par la ferme action de la bride on soustient, ou qu'on ramene le cheual en sa plus belle posture. Chap. 29.	68
Pour bien garder la iuste hauteur du coule de la branche. Chap. 30.	75
Explication des branches gaillardes, ou foibles. Chap. 31.	77
Les communs effects de la rosette de la branche. Chap. 32.	79
Pour le cheual qui naturellement tient le col & la teste en belle & legere posture. Chap. 33.	Ibid.
Quand le cheual tient ordinairement le nez trop auancé par mauuaise habitude, ou pour estre trop chargé de col, ou de teste. Chap. 34.	81
Quand le cheual porte le col trop estendu & le nez trop auancé, seulement par debilité. Chap. 35.	83
Quand le cheual tient la teste trop haute, & le nez trop auancé pour auoir la proportion du col faulx ou la machoire trop serree. Chap. 36.	89
Quand le cheual s'arme en baissant la teste, & en appuyant les bouts des branches de son mors contre la poitrine. Chap. 37.	94
Quand le cheual prend l'emboucheure ou la branche de son mors avec les dents pour eschapper forçant le bras & la main du cheualier. Chap. 38.	99
Le vray moyen de bien mesurer la longueur de la branche. Chap. 39.	101
De la bien-seance des Boucettes. Chap. 40.	Ibid.
La cause pourquoy les figures de ce Liure n'ont esté ioinctes & reduites en mors entierement fournis & differents. Chap. 41.	103
L'ordre qu'il faut tenir en donnant au cheual vne bride neufue, ou qui luy est incognue, & la disinition de ce troisieme Liure. Chap. 42.	104

Fin de la table du troisieme Liure.



## PRIVILEGE DV ROY.



ENRY par la grace de Dieu Roy de France & de Navarre. A nos amez & feaux Conseillers Les gens tenans nos Cours de Parlement, Preuost de Paris, Bailly de Rouan, Seneschaux de Lyon, Thoulouse, Bordeaux, & Poictou, ou leurs Lieutenants, & à tous nos autres Iusticiers & Officiers qu'il appartiendra, Salut. Nostre bien amee François de Louvain, veufue de feu Abel l'Angelier, viuant marchand Libraire iuré en nostre ville & vniuersité de Paris, nous a fait remonstrer, qu'ayant ledit defunct en vertu de nos Lettres de permission fait imprimer vn Liure intitulé *Le Cauderice François, Composé par Salomon de la Broue*, seroit aduenu son decez; puis lequel, afin qu'elle ne fust frustrée des labeurs du defunct, nous luy aurions concedé, continué & confirmé les mesmes permissions d'imprimer octroyées audit defunct. Et d'autant qu'avec beaucoup de soin, & à grands frais elle auroit iceluy fait reuoir, corriger, & augmenter de plusieurs leçons & corrections du mesme Auteur, lequel Liure elle desireroit volontiers faire reimprimer avec lesdites correctiōs & augmentations: Mais craignant qu'autres Libraires & Imprimeurs voulussent faire le semblable sous pretexte dudit changement, correction & augmentation, & par ce moyen la priuer du fruit qu'elle s'estoit promis de ses labeurs & despens, elle nous a tres-humblement supplié & requis luy vouloit octroyer nos Lettres necessaires. A CES CAUSES desirant bien & fauorablement traicter ladite veufue l'Angelier, & qu'elle puisse tirer la recompense du bien que le public recoit de son travail & despense: A VOS permis & octroyé, permettons & octroyons par ces presentes à ladite veufue l'Angelier de reimprimer, ou faire reimprimer de nouveau, vendre & distribuer par tout nostre Royaume, pays, terres & seigneuries de nostre obeissance le Liure cy-dessus mentionné, en toutes les formes & manieres que bon luy semblera, avec lesdites additions & augmentations; faisans tres-expresses inhibitions & deffenses à tous autres de quelque qualité qu'ils soyent ou puissent estre de les imprimer, vendre, ny distribuer sous pretexte de quelque addition, changement ou deguïsement, sinon ceux qui auront esté & seront imprimez par ladite veufue l'Angelier, ou de son vouloir & consentement: Et ce pour le temps & terme de dix ans, à conter du iour que ledit Liure aura esté acheué de reimprimer: declarans à ces fins tous les autres exemplaires quels qu'ils soyent, ou puissent estre, acquis & confisquez à ladite veufue l'Angelier, lesquels elle pourra faire saisir, nonobstant oppositions ou appellations quelconques, pour lesquels ne voulons estre différé, & outre seront les contreuenans multez de telles amandes que les iuges aduiseront. Si vous mandons, & à chacun de vous commettons que du contenu en ces presentes vous fâictes iouyr & vser ladite veufue durant ledit temps, cessant & faisant cesser tous troubles & empeschemens au contraire. Voulons en oultre qu'en mettant au commencement, ou à la fin dudit Liure le contenu au present Priuilege, il soit tenu pour deument signifié. Et pource que de ces presentes lon pourra auoir affaire en plusieurs & diuers lieux, nous voulons qu'au vidimus d'icelles fait sous le seel Royal, ou par l'un de nos amez & feaux Conseillers, Notaires & Secretaires, foy soit adioustee comme au present original. Car tel est nostre plaisir. Donné à Paris le 7. iour d'Auril, l'an de grace mil six cens dix, & de nostre regne le vingt-vniemesme.

Par le Roy en son Conseil,

DESPORTES.



# AVIS DV SIEVR DE LA BROVE SVR LE DEBVOIR DE L'ESCVYER DE GRANDE ESCVYRIE.

**D**'AVTANT que les actions communes des plus grands Princes ou Seigneurs sont les plus esclairees, elles doibuent estre tousiours sainctement & genereusement conceuës, & puis guidees par l'honneur & la preud'homme: & mesmes en l'economie de leurs maisons, l'amour & la crainte de Dieu, & par consequent la iustice, le respect, la paix, & la fidelité y doibuent regner avec tant de recommandation & d'autorité entre leurs domestiques, que l'exemple en soit comme vne-escole de vertu. Mais tousiours la prudence du maistre doit accorder & tenir la mesure de ceste diuine harmonie: Car manquant le soing & la preuoyance de telle conduite, sans doute la presumption assistee d'un nombre infiny de desirs desmesurez n'en perd point le temps: Ains soudain se mesle, & donnant esfrontement iusqu'aux lieux plus reservez fait telle entree à la tyrannie, que bien tost apres elle establist plusieurs autres vices detestables, qui engendrent des desordres, & par fois des spectacles diuers, par lesquels les gens de bien peuuent clairement comprendre beaucoup d'effets des iugemens de Dieu. Si ie voulois icy mettre en auant aucunes choses que i'ay apprises aux suites des Cours & aux grandes maisons, tant dedans que dehors ce Royaume, i'esmouuerois la matiere de plusieurs discours exemplaires & veritables, dont ie ne me scaurois desmesler au gré de tous ceux que i' imagine, sans dissimuler les causes principales: Ce seul respect m'a fait retrancher l'entreprinse d'en dire d'auantage. La reduisant donc comme au petit pied, ie laisse aux grands la preuoyance des choses honnestes, qui leur peut donner bonne reputation, & à chacun de leurs domestiques le soing de se bien acquitter des charges qu'ils ont. Et m'arrestant à ce qui a esté de ma principale vacation, ie diray seulement le debuoir, auquel l'honneur obligel'homme qui sert en qualité d'Escuyer de grande Escuyrie: Estat qui à la verité est assez propre pour paroistre galemment aux lieux où la vanité precede la sagesse: Parce qu'au moyen d'iceluy l'homme encor plus ieune que sage peut faire le Paon estant d'ordinaire richement vestu, & bien souuét d'un vieux habit de son maistre: & se trouuant aussi quand il luy plaist, non seulement à cheual monté cōme vn saint George, mais encore honoré, seruy & communément suiuy de plusieurs Pages bigarés, qui branlent craintiuement sous les commandemens, donant vn grand esclat à ses vains deportemens. Et ce qui s'en remarque de plus plaisant est l'imitation d'aucuns gestes, mots & accents, par lesquels on iuge qu'il s' imagine aucunes fois, que rien ne se voit de plus semblable, que la grace de son Seigneur &

## DISCOVRS SVR LE DEBVOIR

la sienne. Ainsi par ces apparences legeres, il peut souuent donner carriere aux vaines conceptions de son esprit licentieux: & telles parties sont bien tost apprises, & accoustumees. Mais s'ils s'arrestent plus à bien aymer & seruir son maistre, qu'à toutes ces folies, le debvoir de son estat luy apprestera tant d'occasions difficiles, qu'il se trouuera bien empesché d'y fournir suffisamment: ie ne dy pas seulement difficiles, mais tant penibles & peu profitables, que j'ay maintefois pensé que Dieu destinoit à telle vacation (comme à vn supplice couuert) certains esprits bizarrez & mal arrestez. Aussi voit-on mourir la plus part de telles gens pauures, ou du tout estropiez, & le plus souuent saiz de ces deux furieuses importunittez ensemble, dont ie ne suis pas exempt & lesquelles me tiendroient de plus court, si de loing l'exemple d'autrui ne m'eust apporté quelque preuoyance.

OR donc l'Escuyer de grande Escuyrie se doit resouldre prenant ce tiltre, d'affectionner son art, afin d'en attendre l'excellence: & sur tout d'aymer son maistre, plus que toutes les choses du monde: autrement il luy fera trop mal-aisé d'en supporter les diuerses passions, & de se priuer long temps des plaisirs & voluptez, qu'il doit aussi tost bannir de soy: principalement la paresse, l'affectiō passionnee du jeu & de l'amour, & la libre conuersation de ses amis plus priez, mesmement tant que la grande Escuyrie accompagnera le maistre: Car c'est le temps qui apporte plus de necessité, que l'Escuyer se rende subiect & attentif à sa charge, à cause que nul autre ne peut suffisamment tenir sa place, mesmes quand le maistre se veut exercer sur ses cheuaux de Carriere. Et le plus souuent telles parties se font lors que l'Escuyer y pense moins: Toutesfois si en tel temps il ne se trouue à propos (quelque estroite & longue subiection qu'il ait auparavant renduë) son excuse doit estre soudaine, ou peut estre qu'elle sera preuenue d'une mine renfrongnee, ou de tel reproche: Il paroist bien que vous desdaignez vostre charge, puis qu'on ne vous trouue iamais qu'ad'ay affaire de vous. Je m'assure qu'il semblera à plusieurs que telles paroles peuuent alterer vne ame fort sensible: neantmoins elles ne doiuent apporter que le seul desplaisir de n'auoir peu les euitier. Car celuy qui en apparence, ou couuertement s'irrite contre son maistre, pour quelque chose qu'il luy die en le reprenant (sans l'outrager) met en doubte la vraye amitié & la libre affection qui produit & nourrit le respect & l'honneste crainte, dont le bon seruiteur ne se doit iamais departir. Et parce qu'estant à la Cour, ou aux armées, tous les domestiques des grands, & particulièrement les Escuyers doiuent rendre plus de subiection & de peine qu'en tous autres lieux, mesmement tant plus les maistres sont braues & galans: Aussi en telles occasions la raison veut (ce me semble) qu'ils ayent plus de soing & de constance en leurs charges.

DONCQVES durant le temps que le grand courtise, ou qu'il est plus courtisé, l'Escuyer doit estre tousiours curieux de faire paroistre si proprement & avec tant de grace, tout ce qui dependra de soy & de sa charge, que les plus habiles Cheualiers de la Cour soient comme contrains d'en rechercher diuersement quelque imitation, soit faisans aller ou manier les cheuaux gaillards & bien dressez ou en la bien-seance des selles, harnois, estrieux, bossettes & sacquerelles: Et mesmes aux facons differētes des Caparassons, Gillets, Crinieres & Châfrains, Panaches, Lancées & Banderoles, qui apportent ensemble plus de Majesté, de furie & de gaillardise aux entrees de Camp, Maneges, Courfes & combats, qui se font



se font aucunes fois en armee, ou en masque : & doit sçauoir bien ordonner la lice & les commoditez des armes completes, pour rompre des lances au rencontre ou autrement, & pour combattre à l'espee, à cheual & à la barriere. Il faut aussi que les cheuaux de son Escuyrie soient paisibles, fort aisez en leurs Maneges, & si bien nourris, pensez & gouuernez, qu'on n'en voye point d'autres plus obeïssans, plus sains, plus beaux, ny plus asseurez. Et en les communs deportemens, mesmes aux habits, il doit obseruer vn soing continuël, qui se rapporte à l'humeur de son maistre : Car s'il veut estre tousiours brauement paré, seruant vn Seigneur accoustumé à s'habiller modestement, il aduicadra souuent qu'on prendra l'Escuyer magnifique avec son clincant & ses plumes, pour son seigneur : A cause aussi que d'ordinaire faisant son debuoir (estant à cheual) on n'en voit point qui en soit plus pres. Et quoy que pour vne fois ou deux cela se passe en risée, si est-ce que la continuation pourra agasser l'esprit de tel maistre, que la reprimende, ou querelle d'Alleman en sera dangereuse, principalement si par la mesme vanité, cet Escuyer se plaist à faire le beau, estant deuant ou avec les dames, que le maistre verra de bon œil. Au contraire si le Prince ou seigneur se plaist à l'excellence de tous les plus beaux & genereux exercices, & aussi à la magnificence & propreté de ses habits & de tout son equipage, & que son Escuyer soit fort grossier en ses gestes & communes façons, & vestu d'ordinaire comme vn Paylan endimanché, ceste contrariété effacera quelque chose de la grace du maistre. Et encores que plusieurs personnes qui verront cest autre Escuyer mecanique à la teste d'une troupe de noblesse bien equipée, ne le prennent que pour vn valet presomptueux, ou tout au plus pour vn suyuant de douzaine trop auancé : si est-ce que ceux qui le cõgnoïstront, soient hommes ou femmes, s'asseureront que monsieur son maistre n'en fera pas loing : Desorte qu'il n'ya point d'apparence, qu'un Prince accort & magnifique puisse trouuer bon, que les honnestes personnes, mesmement les dames, iugent ainsi aucunes fois sa presence par celle d'un homme mal basti, qui selon mon opinion sera souuent renuoyé à la mesnagerie, à la garnison, ou au village avec les cheuaux moins necessaires, attendant qu'on ait affaire de luy. En fin ie suis d'aduiz qu'on tasche tousiours à ce façonner & habiller selon l'inclination & au gré de celuy que l'on sert : Et ceux qui ne le font, peuuent monstrer en cest endroit quelque presumption, ou lascheté de courage, ou vn defaut d'amitié, ou de iugement. Je sçay qu'aucuns s'excuseront sur la mescognoissance du maistre ingrat ou auare : & peut estre qu'il ne le sera pas, mais il retiendra par fois sa liberalité à l'endroit de tel, qui consommeroit beaucoup plus de moyens qu'il n'aura de merite : & plustost à l'hazard du jeu ou à l'entretien des femmes deshonnestes, ou à quelque autre vice, qu'à paroistre à l'honneur & au contentement de son bienfacteur : quoy qu'il en soit mon desir est, que l'observation de la propreté dont ie parle, se garde en tout ce qui despend de la charge de l'Escuyer, & beaucoup plus aux choses, qui particulierement sont reseruees pour la personne du maistre : A sçauoir s'il est de grande stature, il faudra ordonner les selles de carriere assez hautes deuant & derriere, afin qu'estant à cheual son corps ne semble estre trop long : & s'il est de petite taille, les arçons se doiuent tenir moins hauts que la mesure ordinaire : Affin aussi que ses hanches & ses reins ne se cachent trop dedans le siege de la selle. Quant au volume des Cartons, tant plus il sera grand tant moins fera-il paroistre la iambe longue, mesmement si la façon des estrieux est plus haute, que ce que i'en ay dit & figuré au premier liure des preceptes, Il faut aussi obseruer les façons des harnois se-

#### DISCOVRS SVR LE DEBVOIR

4  
 lon les tailles des cheuaux & les occasions qui se presenteront. Et par mon aduis, quand le Seigneur voudra marcher par les ruës d'une ville, sur vn cheual de sa grande Escuyrie, soit en housse, ou legerement botté, ce cheual doit estre d'assez petite, ou mediocre taille, bien releué, leger à la main, paisible entre les autres cheuaux, & fort aduerty en son aller de pas, sans qu'il soit besoing de le talonner pour le tenir esueillé. Et s'il est Genet d'Espagne, Turc, Barbe, ou d'autre semblable stature, il ne le faudra harnacher, comme on seuloit faire, avec des houppes grandes & en quantité: Car outre qu'elles empeschent de bien voir la forme & la grace du cheual noble & fort deschargé, l'vsage n'en est à present digne d'un gentil Cavalier, mesmement d'un grand, si ce n'est estant en masque, ou pour faire quelque entrée de Camp, ou de ville en armes sur vn grand courfier: Mais d'ordinaire on garnira les cheuaux nobles avec des harnois estroits & simples, faits du plus beau cuir noir qui se pourra trouuer, & de la plus belle, delicate, & moins chargée façon, qu'on sçaura inuenter selon le temps, faissant dorer ou argenter, s'il est besoing, toutes les boucles, afin qu'elles se rapportent au mords & aux estrieux argentez ou dorez qu'on vouldra faire seruir: Et si la selle est de couleur on peut aussi faire aucunes fois les harnois doubles & estroits de cuir de Leuant de la mesme couleur: Ou si pour accompagner la grande housse de velours, ou pour quelque autre occasion necessaire, on veut aussi faire le harnois de velours, il ne doit auoir qu'un ou deux pendant à la croupiere, & le cuir qu'on y mettra dedans, doit estre tenuë estroit & assez fort, & les houppes petites & legeres: Et pour maxime il ne faut iamais mettre de sacquerelles à tels cheuaux: ny les trousser en aucune forte, sans la contrainte & importunité des crotttes, mais on leur doit conseruer soigneusement avec les crins, les queuës longues, amples, nettement desmelées, & souuent peignées à sec, sans arracher le poil, les laissant tousiours estendues en leur naturel: Car quand tels cheuaux manient à demy air, ou à courbettes rabatues, leurs queuës doibuent presque trainer en terre ondoyantes en toutes les batues de leurs Maneges, & tenans neantmoins les troncs fermes, sans faire aucun faux mouuement, pour quelques aydes & chastimens d'esperon ou de gaule, qu'ils puissent receuoir & sentir: & n'estans dressez que terre à terre & pour la campagne, il est beau aussi de voir leurs queuës droictes, assurees & estendues durant leurs exercices, soit en galoppant, ou en courant: par ce que ceste partie embellist & accompagne la determination des cheuaux grands coureurs, qui viennent de toutes les contrees de Leuant.

Il se trouue aussi certains petits cheuaux frisons, fort propres pour se promener par les villes, pourueu qu'ils soient de beau poil, assez sensibles & courageux, qu'ils ayent la bouche fresche & belle, qu'ils partent furieusement de la main & qu'ils parent sur les hanches legerement, & d'un ferme & temperé appuy de bouche & de teste. A ceux-cy les harnois estroits & doubles sont plus seants, que les simples: Et quand on les trouffe, il se monstrent plus nains & plus racolts: toutes fois si les queuës en sont assurees, longues & assez fournies de poil iusqu'au bout, ie laisse indifferent de les trousser, ou de ne les trousser pas.

Qvov qu'il en soit, quand l'Escuyer presentera le cheual au maistre pour y monter, il doit premier estre assuré, quel equipage en soit entierement bien ordonné & ajusté, & sur tout, que l'emboucheur soit bien situee au lieu de

son vray appuy, que la gourmette soit en sa mesure plus necessaire, que la selle soit assez auancee: bien mise & sanglee estroitement, que les estruieres soient au point de la iuste affiette du maistre, gardant la difference de la housse, de la botte legere & pour la campagne: Car il faut estre plus tendu & fermement appuyé sur les estrieux estant à la carriere ou allant par vne bonne ville legerement boté, que si on alloit en housse ou aux champs, & aussi qu'il soit bien ferré: Et si la caualcade ne se fait que pour se promener, ou pour aller en visite, sans sortir ou s'elloigner de la Cité, il faut qu'un grand laquay soit pourueu d'une caueffane de velours, bien faicte, & proprement garnie de fers dorez ou argétez, & d'un gros cordon de soye suffisammēt long, au bout duquel y ait vne houppes belle & assez grande: Car cest instrument ne donne pas seulement le moyen de tenir le cheual en main sans luy gaster la bouche, attendant le maistre deuant vne porte, ou en quelque autre lieu, mais encore l'usage, en a plus de grace, & represente plus honorablemēt la grandeur du maistre, que ne fait la façon cōmune de voir vn Page ou laquay arresté en vne rue, & monté sur le cheual de grande Escuyrie apprellé pour vn Prince ou grand Seigneur: Et outre que le cheual, qui aura long temps esté en vne place ou promené, portant vn laquay, se trouuera avec moins de vigueur, quād le maistre y sera remonté, que si l'on l'auoit tenu en main, il aduiedra d'ordinaire que ce laquay laissera en montant ou descédant quelque marque de sa fortize & sallété aux estrieux au corps de la selle ou sur la crouppe du cheual.

L'approuue en telles occasions certaines vergettes, qu'en Italie les estaffiers portent en leurs pochettes, pour nettoier diligemment la selle & le harnois, ou la housse du cheual, qui attend le maistre en lieu poudreux.

Ie ne m'amuseray à dire icy comme il faut que l'Escuyer ayde au maistre pour monter à cheual ou pour descendre, par-ce que c'est chose facile & fort ordinaire: mais ie luy recomande le respect & l'humilité, qu'il doit obseruer en faisant sa charge, & sur tout de ne faire le bouffon, ny le rieur avec son Seigneur, quoy que par quelque apparence on iuge que ce soit son plaisir: Car telle sorte de priuauté ameine coustumierement vn mespris qui tombe tost ou tard sur celuy qui s'y laisse follement engager. Et si d'auanture l'Escuyer a quelque plaisant mot à dire à son Seigneur, ie luy conseille que ce ne soit point en le seruant. Et quand bien son maistre le voudra aucunes fois inciter, & mesmes contraindre de se ioüer trop priuement avec luy en paroles ou en effects, s'il est sage il monstrera par sa modestie l'honneste crainte, qu'il aura de consentir trop librement à ceste dangereuse familiarité, qui avec le temps se peut facilement conuertir en haine.

Et d'autant qu'il faut que les bons cheuaux soient nourris & pensez par vn bon reglement ordonné de l'Escuyer: C'est aussi à luy d'en auoir le soing, & de les voir au moins deux fois le iour. A sçauoir le matin à l'escole, ou à l'Escuyrie, l'apres-disnee, tournez & tenus au filet: & le soir il se doit trouuer au coucher du maistre, pour sçauoir si le lendemain il voudra mōter à cheual, & à quelle heure: & d'ordinaire il faut qu'il soit des derniers, qui sortent de la chābre de son Seigneur apres qu'il est retiré & couché: Et si d'auenture en tel temps l'Escuyer est occupé ailleurs, il doit faire tenir vn Page attentif, pour entendre & luy venir rapporter diligēment, ce qu'en son absence le maistre aura demandé, qui despēde de l'Escuyrie. Et pour maxime l'Escuyer ne se doit iamais coucher (s'il est possible) sans visiter les cheuaux, s'informāt s'ils ont biē mangé leur auoyne, & regardāt



## DISCOVRS SVR LE DEBVOIR

s'ils sont bien placez & attachez, s'ils ont assez de foin ou de paille dedans la mangeoire, si la litiere est bien faicte, & si la lampe est en lieu seur: Par mesme moyen, il pourra ordonner les cheuaux qu'il vouldra qu'on selle le iour suyuant, ensemble leurs equipages, & l'heure qu'ils deuront estre prests. Et si le maistre a dit au soir, qu'on luy accommode ses cheuaux de Carriere, il sera bon d'oster vers la minuit le foin ou la paille à ceux qui de nature seront plus charnuz ou moins gaillards, afin qu'au matin en l'exercice ils soustiennent les airs de leurs Maneges avec plus d'halene de legeresse & de vigueur: & notamment les cheuaux dressez ou qu'on dresse pour la Carriere, & sur tous ceux qui faultent, doiuent estre nourris plus sobrement que les autres, mesmement de foin & d'eau, tant afin de conseruer leur disposition plus legere & necessaire, que pour eiter qu'ils deuiennent avec le temps foullez ou pouffis, comme l'on voit souuent, par les continuel efforts de tous les airs releuez & des courues violentes: Bref l'abondance du foin leur eschauffe le foye & les altere, & le boire beaucoup les rend foibles & pesans. Je remets en temps & lieu plus spacieux les preceptes de bien nourrir & gouuerner les cheuaux de grande Escuyrie: & sans m'elgarer d'auantage ie dis ( reuenant à mon subiect principal ) que ce-pendant que l'Escuyer ordonne l'equipage des cheuaux d'ecole, qu'il veut conduire à la carriere, accommodez pour l'exercice de son Seigneur, il se doit souuenir que ceux qui sont dressez aux airs du galop gaillard ou des caprioles, ne doiuent point auoir de faulces brayes à leurs harnois, & qu'il faut necessairement qu'ils ayent les queuës trouffees avec leurs sacquerelles, afin que par tel agencement, les faulces ce montrent plus cours, plus hauts & plus gaillardement finis: Mais les faulces brayes accompagneront mieux l'air des groupades, pourueu que le cheual soit assez grand & trauerse.

Quand il fera temps de brider les cheuaux pour partir, les Pages, qui seront commandez pour les mener, se doiuent tenir prests, ayant toutes les eguillettes de leurs chausses bien attachees, les pourpoints & iuppes entierement boutonnees, les ceintures ceintes, les chappeaux garnis de cordons, leurs bas de chausses tirez & les foulliers nets & bien chauflez.

Estant ainsi proprement disposez ils monteront sur les cheuaux, soudain qu'on les aura tournez en leurs places de l'Escuyrie, ausquelles ces Pages se tiendront arreztez iusques à ce que les palefreniers auront acheué d'accómoder leurs cheuaux: Ce-pendant l'Escuyer regardera diligemment si leur equipage est entierement fourny, & si bien agencé que toutes les pieces en soient arreztees en leurs points iustes & limitez: & principalement il s'assurera que chacun d'iceux soit bridé du mors, qu'il luy embellira plus la bouche, & qui en rendra l'appuy plus leger & temperé: Que les estrieux de tous ensemble soient au point du maistre, selon ce que l'en ay desia dit. Apres il fera sortir les Pages en pourpoint ou en iuppe, ayants chacun vne ou deux bonnes gaules en la main, marchans au pas & au rang qui leur sera ordonné. Et pour maxime, durant que le Prince ou Seigneur pique ou veut piquer ses cheuaux, aucun des Pages, qui se voyent à cheual sur la carriere, ne doit auoir manteau, bottes, estrieux, ny esperons.

Il faut que ses Pages & cheuaux soiét accópagnez d'un mareschal, pourueu de Bouvoir, de Brochoir, de Tenailles & de quelque quatité de cloux bós & bié affilez. Ils doiuent estre suiuis aussi, d'un bon Palefrenier, qui n'oublie pas vn couteau bien

bien trenchant, & vn fort poinçon, & qui porte deffous son manteau des vergettes, vne espouffette de toille, vne esponge abbeuuee d'eau nette & claire: Car en quelque part que soit la Carriere, ou le lieu dedié pour l'exercice, le maistre y doit trouuer à son arriuee & premier abord, ses cheuaux nets, polis & en bel ordre. Il faut aussi notamment considerer que le promener trop long temps consomme l'allegresse & legeresse du cheual d'escole. Et pourtant il sera bon aucunesfois de faire tenir les Pages & cheuaux arrestez & bien rengez en lieu commode. Et quoy que l'Escuyer se promette que sans doubte aucune chose ne manquera sur la Carriere pour les courses de la bague. Il ne doit laisser pour cela de faire prouision d'une belle & bonne lance, d'une douille, d'une bague & d'un baston de potence, qu'il fera porter avec soy, autrement il se pourra trouuer en l'extreme peine, qu'il ne fouuiet auoir quelquesfois esté, ayant manqué à telle preuoyance,

Il est aussi necessaire, premier que le maistre soit arriué à la Carriere, que les cheuaux ayent recogneu les lieux plus propres pour les Maneges & pour les courses: & mesmes s'il y a quelque cheual qui soit coustumier de faire des actions licentieuses & incommodes, se mettant trop sur l'esquine quand on commence à le vouloir faire bien aller, il sera bon de luy auoir desia abbatu & temperé la vigueur superflüe, & corrigé tous ses faux & rudes mouuemets, afin que le maistre trouue plus de facilité & de contentement en l'exercice: Et soit qu'il face bien ou mal manier ses cheuaux, l'Escuyer, ny autre des siens, ne doit apres essayer de les faire mieux aller: mais la correction necessaire sera remise à la premiere caualcade de l'escole ordinaire. Et si le Seigneur curieux trouue bon estant à cheual que son Escuyer luy apprenne quelque chose de son art, la douceur, l'honneur, le respect & la discretion, doibuent tousiours accompagner toutes les paroles & façons de faire de l'Escuyer, tant en reprenant les fautes plus communes de son Seigneur & maistre, que pour couurir acortement celles qui sont moins cogneues des assistans. Et d'autant que les babilars importunent les plus honnestes personnes, ie luy conseille & recommande la brieueté à son langage, principalement quand il parlera de son art mesmes à son maistre.

Il faut icy noter pour maxime, que pour si bien que le cheual gaillard soit dressé, & quoy qu'il soit fort leger & de bonne nature, sans doubte il fera quelque difficulté à bien manier, estant paré de caparasson, & de panaches, si auparavant on ne l'a exercé au moins vne ou deux fois, de iour ou de nuict, avec tel equipage, & mesmes si on ne l'a asseuré au bruit des trompettes.

Encor veux-je dire que toutes les fois que le Prince ou Seigneur s'exerce à picquer les cheuaux de Manege, il est bien seant à l'Escuyer d'estre habillé & boyté plus proprement que la façon ordinaire, mesmes pour monstrier vne recognoissance de l'honneur qu'il reçoit par la presence de son maistre: Toutesfois ce n'est pas le temps que ie suis d'aduiz qu'il se presente pour faire aller les cheuaux plus gaillards & mieux dressez, s'il ne luy est expressément commandé Car i'ay desia dit qu'en telles occasions nul ne doit paroistre faisant micux que le chef, mesmement qui a passé vingtrans de son aage.

Je n'approuue non plus que l'Escuyer coure la bague pour faire l'excellent

homme d'armes, tant que son Seigneur & maistre s'occupera à tel exercice, si auparavant il ne luy a commandé d'estre de sa partie. Au contraire il faut qu'il ne bouge du partir de la course pour bailler à temps & à propos la lance au maistre, & pour luy dire tout bas & modestement, les fautes qu'il luy aura veu faire en courant, i'entends si cest Escuyer en est capable, & pourveu aussi que son maistre prenne ses preceptes en bonne part: Encôres doit-il auoir ordonné vn grand Page, ou autre homme à cheual, pour se tenir pres de la potence, ayant le soing d'accommoder la bague, & sur tout qu'il sçache le trou de la hauteur de la potence, & le poinct ajusté au baston pour les courses du maistre, & à l'arrest d'icelles vn laquay diligent se tiendra attentif & prest à prendre la lance du maistre toutes les fois qu'il aura couru, pour soudain la rapporter & garder aupres de l'Escuyer iusques à ce qu'il la demandera.

Et parce que selon quelques vieux preceptes, il est mal seant à celuy qui est à cheual pour manier deuant vn grand, de descourir sa teste en saluant ceux qu'il veut respecter, i'aduouë que l'Escuyer est priuilegié d'estre communément couuert en seruant son maistre, mesmes luy apprenant les regles de son art, quand il pique ses cheuaux: Mais si nonobstant ces anciennes opinions, mon aduis est receu, l'Escuyer osterà humblement son Chapeau, en se presentant deuant son Seigneur pour commencer à faire manier le cheual qu'il voudra monstrier, & rendra la mesme humilité soudain qu'il aura finy l'exercice.



**L** O V T E S les obseruations iusques icy deduictes sont assez aisees, ayant esgard au soing & à la peine que l'Escuyer doit auoir seruant bien son Seigneur & maistre, quand il est en vne armee: Car pour lors sa charge ne s'estend pas seulement sur les cheuaux de guerre, mais beaucoup d'autres choses fatigables se trouuant sous la conduicte, come i'expliqueray par ordre en discourant de ce qui despend de sa diligence.

Pour commécer, ie dis, que ce pendant qu'on dresse l'equipage du Prince qui se prepare pour aller à l'armee, il faut que son Escuyer preuoye diligemment à tout ce qui sera necessaire pour les commoditez des cheuaux, & de tous ceux qui deuront seruir à l'Escuyrie: A sçauoir, que tous les cheuaux soient bien ferrez, que toutes les selles soient bonnes & entierement fournies, principalement de sangles fortes, avec les surfaits, de bons harnois neufs & doubles, & d'estrieux renforcez: Que chascun cheual aye vn mors bien ordonné, & duquel toute la garniture soit composee de pieces plus fortes que delicatement façonnees, mesmement les plis du mitan de l'emboucheure, la gourmette, les gros tourets du font des branches, & les anneaux des renes: que chascun mors soit bien mis & ajusté à la testiere, selon la faicte de la bouche du cheual & le lieu de l'escaillon. Et pour euitier les inconueniens qui peuuent arriuer aux combats, quand les emboucheures, les gourmettes, ou les branches trop vives, & les tou-

rets &




rets & aneaux se rompent, comme aussi les porte-mords & les bouts des renes qui ont esté si souvent mouillez, que le cuir en est devenu pourry, il faudra bien plier les susdictes brides, testieres & renes assemblees, montees, & ajustees, (au moins celles qu'on voudra reserver pour la personne du maistre) & les conserver dedans le coffre ou garde-robbe de l'Escuyrie en leur force & bonté, pour en user avec plus d'assurance aux meilleures occasions: Encores doit-on visiter les porte-mords, bouts de renes, gourmettes, gros tourets & aneaux, toutes les fois qu'on s'en voudra servir: Ce pendant il faudra faire mener les chevaux avec leurs vieux harnois & mords à canon, qui outre la conservation des bouches saines & entieres, telles emboucheures seront aussi cause que les brides reservees, & par consequent moins accoustumees, en auront plus d'effect au besoing.


IL faut aussi que l'Escuyer soit pourueu d'un argentier fidele & vigilant d'un bon maistre Palfrenier, monté d'un bon courtaut ou d'un fort bider, & d'autant d'hommes qu'il faudra pour penser chacun trois chevaux, dont au moins l'un de ces hommes allant aux champs soit monté sur un courtaut: d'un mareschal bien expert, d'un felier & d'un armurier, tous bien assortis de leurs outils plus portatifs, & d'estoffes propres à leurs arts.

Outre ce l'Escuyer preuoyant ne laissera de mettre dedans la garde-robbe six mords de communé façon, six licols bien garnis de bonnes & fortes boucles, aneaux, & longues, six filets, six paires de langles & surfaits, six trousses queues, trois harnois neufs proprement faits, pour en user quand aucunes fois on voudra parer quelque cheval pour la personne du maistre, six paires d'estriueres, trois paires d'estrieux bien faits, dont au moins les uns soient dorez, deux paires de branches, qui ne soient trop longues, trop courtes, trop gaillardes ny trop foibles, les vnes dorees, les autres blanches & toutes faites de façon, qu'on y puisse mettre & oster quand on voudra diuerses emboucheures, qu'il faut aussi auoir apprestees, avec trois ou quatre paires de belles bossettes dorees, qui se puissent fermement accommoder en icelles branches par des viz & des elcrouës propres à cet effect, deux autres harnois de combat, desquels les testieres soient fourrees, entre deux cuirs, de chaines de fer à la iazeranc, iusques aux porte-mords, & les renes iusques enuiron le iustepoinct de la main: un bon capparrasson de beuffle qui soit double, & fait de façon qu'il ne descende que iusques enuiron deux doigts plus bas que le ventre du cheval: & qu'aux endroits des flancs & des pallerôs des espaules iusqu'à la selle, il y ait des pieces de toile picquees d'œilliers, accommodees entre les deux peaux de beuffle, afin qu'estant dans la meslee d'un combat de main, le cheval ne puisse facilement estre tué de coup d'espee, n'y qu'à peine de coup de lance ou de picque, cinq ou six douzaines de fortes & logues esguillettes de bon chamois bien ferees, deux beaux panaches assez gros, & beaucoup moins hauts que ceux qu'on desdie pour les mascarades ou combats de Carriere, l'un pour la sallade, & l'autre pour le châfrain, deux forts arrests avec leurs viz renforcees & ajustees aux elcrouës des armes du maistre, trois ou quatre fers de lance bien acerez & trempez, une douille, une bague & un fer de lance de Carriere, cinq ou six cordons avec les houpes pour mettre au bout de la lance de guerre, autant de banderolles bien inuentees, un petit estoc ou autre instrument propre à desmonter & monter des roüers de pistolets, cinq ou six douzaines de Cartouches prestes à charger, deux liures de bonne poudre fine pour les pistolets, une bonne espee de

du cil & vn poignard, deux faux fourreaux de cuir de vache, deux ceintures de beufle à porter sur les armes, six mortiers à esclairez complets de cire & de meches, comme ils sont representez en ceste figure.



Il aura encores deux fuzils garnis, deux lanternes de toile ciree froncees, cinq ou six liures de grosse bougie, vn peloton de grosse fisselle, Trois douzaines de tire-fonds assez forts pour l'attache des chevaux, six chandeliers de fer, trois pour planter à coups de marteau, & trois faits en viz, tels qu'ils sont icy figurez, pour faire tenir au bois es lieux plus commodes.



Il fera prouision aussi de trois paires d'entraues, vn caueffon garny, vne grande housse de velours & vne autre de drap, des vergettes, vne belle caucane à tenir les cheuaux en main, vn sachet plein de gourmettes, de crochets, de gros tourrets, de forts aneaux de renes, de cessilienes, de chesnettes, & de membres d'esperô, vne hache, vne serpe, vn marteau de tapissier, quatre ou cinq douzaines de forts cloux à erochet, de fortes tenailles, six estrilles, six peignes & six esponges, vne paire de forces, trois sacs de toille à mettre l'auoine, ou telle autre chose de quoy il pourra auoir besoing. Quant aux armes du maistre reservees pour parade, ie suis d'auis que les ayant nettoyees & mises en leurs bourses, on les accomode avec du foin ou de la laine dedans vn petit tonneau net, par dedans, & gouldronné par le dehors, si bien qu'elles ne puissent branler, se froisser ny estre gastees, par la pluye, ny les eaux des ruisseaux ou riuieres, & l'armurier aura la charge de ce tonneau.

TOUTES ces choses doivent estre reservees pour la necessité: Et d'auantage l'Escuyer doit auoir vn soing particulier pour la commodité, mettant dedans vn coffre de commune grandeur plusieurs choses, dont il ne se peut bonnement passer, principalement la prouision de chemises, mouchoirs & autre linge necessaire, deux accoustremens complets propres à la saison & à l'usage des armes, avec les bas de chausses de Sarge, deux paires de Tricoules de drap & trois paires de toille, vne paire de gamaches de drap pour en vser aucunes fois allant à pied, dix ou douze aulnes de ruban large de filozelle, deux paires de grosses bottes de campagne & autant d'esperons, & outre les fouliers de son usage commun, il en doit auoir de reservee au moins deux paires, qui soient assez gros & forts pour resister au froid ou à l'eau, six garnitures d'esperons de bon cuir de vache, trois bonnes paires de gants, vne paire de mitaines de drap bien doublees ou fourrees, six douzaines d'esguillettes, deux chappeaux pour les champs, ses communes besongnes de nuit complètes, trois mains de papier & vne escritoire tousiours bien garnie de plumes, caniuet, cire, & ancre.

Il doit mettre aussi dedans vne assez grande male de cuir, vne paillasse, vn matelas, vn sac estroit ioint à vn petit estrapontin de mesme largeur, & longueur pour seruir de cheuet, vne bonne couuerte assez grande pour se couvrir en double quand il sera besoing, & vn petit pauillon de sarge.

Toutes ces prouisions, & encores la male des Pages pleine de leur linge & de quelques autres commoditez, le sac des palefreniers, la male ou le sac du sellier, la malete de l'armurier, vn petit coffre du mareschal, qui contiennent leurs outils, avec quelques estoifes plus necessaires, doivent estre chargees sur vne bonne charrette attelée de trois cheuaux forts & bien harnachez: Sur icelle charrette faut aussi porter en vn sac autant de fillets, de sacoches & de tire-fonds qu'il y aura de cheuaux à l'Escuyrie: & d'ailleurs deux cribles; vn picotin, deux ou trois fourches de bois, quatre seaux de gros cuir boüilli, vne corde propre à puiser de l'eau: il est besoing aussi que ceste charrette soit couuerte de gros drap double de toille, afin que la pluye y apporte moins de dommage.

Le maistre palefrenier doit auoir la charge de tenir proprement tout ce qui sera dedans la garde-robbe, de laquelle il gardera la clef: & de plus ce sera à luy d'auoir le soin de faire bien placer, attacher, nourrir, penser, ferrer & seller les




cheuaux, de visiter souuent leurs selles, & pouruoir qu'elles ne les blessent, de tenir nettement les mords estrieux & harnois, & les accommoder à leurs iustes poinçts ordinaires, de regler & solliciter tous les autres palefreniers de l'Efcuyrie en ce qu'ils auront à faire pour bien penser de la main les cheuaux, selon le vouloir de l'Efcuyer.

Tous des Pages de l'Efcuyrie doibuent estre pourueuz chacun au moins d'un bon accoustrement complet, mesmes de quatre chemises, d'une bonne paire de bottes, d'une paire de souilliers doubles, d'un bourlet de hausse-col au haut duquel il y ait un bord, ou colet bas & assez fort, pour y attacher de petites courroyes propres à porter les brassals du maistre, quand il sera besoing, ensemble d'un bonnet, pour empescher qu'ils ne fassissent la coiffe de l'accoustrement de teste du maistre, quand aucunes fois on y mettra des panaches, & par consequent au temps qu'on ne le pourra porter dedans sa bourse à l'arçon de la selle.

Chaque cheual doit auoir sa couuerte de drap ou de toille selon la saison: Et pour voyager il faudra que ceste couuerte soit sans criniere, & beaucoup moins grande que celles qu'on fait faire pour ne bouger d'un lieu.

Quand l'Efcuyrie marchera le maistre palefrenier portera à l'arçon de la selle une ferriere, où il y ait quatre ou cinq tire-fonds, qui puissent seruir au besoing aux attaches des cheuaux & autres occasions, une suffisante quantité de crochets de fer assez forts, qui se plantent à viz ou autrement, comme ils sont cy apres figurez, pour y pendre quand on pourra les selles à la façon des Reistres, une alaisne assez forte, & des fils de cordonnier tous prests à mettre en besongne, un peloton de fisselle, & ne doit estre despourueu d'un bon couteau & d'un fort poinçon.



Le maistre palefrenier ira le premier seruant de guide à la teste des grands cheuaux, ausquels les Pages feront garder, à la campagne, le même rang qu'ils auront accoustumé de tenir estants placez à leurs attaches ordinaire: & chaque Page aura le bouton du colet de son manteau bien attaché premier que monter à cheual, & ne portera point d'espee ny autre sorte d'armes que de celles du maistre: Toutesfois s'il y en a quelqu'un qui soit desia homme, & prest à mettre hors de Page, il n'y aura point de mal qu'on luy permette de porter son espee seulement.

Chacun d'eux portera le licol de son cheual pendu à l'arçon de la selle, du costé contraire à celui du crin, & la couuerte proprement pliee & attachee à vne courtoye de porte-manteau, qui tiendra au chappellet des faux estrieux: & le mareschal suivra tousiours les cheuaux, portant sa ferriere bien fournie & aussi son estuy: & s'il y a plus de grands cheuaux que de Pages, il y faudra faire monter autant de Palefreniers, qui neantmoins ne porteront rien de leur bagage, ny chose quelconque, non plus que les Pages. Plusieurs trouueront estrange que ie n'ayme mieux que ces cheuaux de reste soient menez en main: Mais ie sçay que s'ils ont un peu plus de peine portant un palefrenier, en reuencheils en font mieux penſez & plus à propos.

Estans à vne lieuë ou enuiron pres du logis, le maistre palefrenier s'aduançera au grand trot avec l'autre palefrenier, qui sera monté sur un courtaut express (comme j'ay dit cy deuant) afin de recognoistre eux deux ensemble le lieu où l'Escuyrie pourra loger, & aussi pour auoir loisir de nettoier la place & les mangeoires, s'il y en a, ou de planter des tire-fonds ou piquets, premier que les cheuaux soient arriuez: & à mesure qu'on les logera, ils feront placez à leur rang accoustumé, là où chaque Page tiendra son cheual par la tene, iusques à ce qu'on luy ait frotté les iambes, que le licol soit attaché, & qu'il soit desbridé: Et les cheuaux qui à faute de Pages auront esté menez par des palefreniers, doiuent, estre attachez avec le licol soudain qu'ils seront logez & non avec les renes, si on ne veut auoir souuent le desſeſſin de les voir rompus.

Ce-pendant qu'on frottera les cheuaux, le maistre palefrenier plantera des cheuilles propres à mettre toutes les brides, & premier qu'ils soient desſellez, il doit aussi auoir préparé la commodité qu'il pourra trouuer, pour pendre les selles aux susdicts crochets de fer, par les crampons de cuir qui seront desia attachez deſſoubz la teste de l'arçon au droit du garot du cheual: Et ne pouuant vser des crochets, il cherchera quelque autre moyen propre à conseruer les selles.

Le Page qui portera les brassals, gantelets & tassettes du maistre aura le soing de les tenir nettement: celui qui aura la charge de l'accoutrement de teste en fera de même. Et par-ce qu'il est souuent nécessaire de faire porter la sallade; ou le casque à l'arçon de la selle, ie suis d'aduis qu'on soit pourueu de bourses, ou saccoches de cuir fourrees de frize, & accommodees avec des bourlets, qui empeschent (tant qu'il se pourra) que le cheual en soit offencé à l'espaule. Quand à la propreté de la cuirasse & du pistolet du Seigneur,

vn valet de chambre curieux & diligent en doit auoir le soing & la charge: en fin chacun des susdits sera tenu de conseruer ce qui luy aura esté recom-mandé.

Encor que i'aye protesté en quelque endroit des liures precedens de ne me vouloir amuser à escrire l'ordre qu'il faut tenir pour bien nourrir les grands cheuaux, si ne l'airay ie pourtant de dire en ce lieu, que durant le temps qu'ils voyagent, ou bien quand ils auront autrement fort trauaillé, il est nécessaire (pour euitier beaucoup de maladies) de leur faire manger d'ordinaire vn picotin d'auoine auant boire, & leur donner le reste de la disnee ou souppee apres qu'ils auront beu: Car par ce moyen le changement des eaux, & mesmes les cruditez de celles qui seront plus froides, leur apporteront beaucoup moins de dommage: Aussi ie veux icy recommander à l'Escuyer de ne se coucher aucune nuit, sans estre asseuré que la porte de l'Escuyrie soit bien fermee, qu'il y ait de l'eau à l'estable, & que la lampe y soit allumee bien fournie & logee en lieu seur.

Quand le Prince ou Seigneur ira à la guerre l'Escuyer menera d'ordinaire quatre cheuaux de combat, dont au moins le plus fort aye vne selle armee, & que tous soient bien equippez de sangles, sur-faiz & harnois: Et pour les ferrer & penser à la nécessité il fera marcher avec soy son mareschal, vn palefrenier à cheual, & vn garçon d'Escuyrie à pied, & laissera le maître palefrenier assisté du garçon du mareschal, pour conduire & gouverner le reste des grands cheuaux avec leur equippage. Au partir du logis l'Escuyer s'armera de toutes pieces hors-mis la Sallade & les gantelets, qu'un Page ou son valet luy portera: & si estant paresseux ou trop delicat il ne peut, ou ne veut supporter l'incommodité des armes, il sera en danger de se trouuer tant empesché aux allarmes, en armant & mettant à cheual son Seigneur, qu'il n'aura le loisir de prendre ses armes, s'il ne veut demeurer des derniers au temps & au lieu qu'il doit estre plus auance & plus pres de son maître. C'est pourquoy il me semble qu'il fera bien de s'armer avec beaucoup moins de poids, que si la charge qu'il fait ne l'obligeoit à estre plus long temps armé que tous les autres domestiques: il doit aussi estre curieux d'auoir ses armes si bien faictes, qu'à peine on puisse cognoistre s'il a sa cuirasse sur le dos, ayant sa calaque ceinte & boutonnée: Et mesmes portant ses tassettes, brassals, gantelets & sallade, il faut que tout soit si proprement agencé & arresté en si iustes poincts (comme aussi l'espee à son costé) que rien ne branle ny claque en trottant, courant & maniant non plus presque que s'il n'alloit que le pas, & neantmoins que ses mouuemens puissent estre libres le fourreau de son espee doit estre tousiours garny d'un bon couteau qui trenche bien & d'un poinçon assez fort, qui soit percé à deux doigts pres de la poincte. Et à chascun costé de sa calaque doit estre vne pochette assez grande, non seulement pour tenir son mouchoir, & ses gants: mais où il y puisse auoir d'ordinaire demy douzaine de longues esguillettes de chamois, vne ou deux iarretieres de ruban de fil-ouellé, assez longues & fortes pour attacher plusieurs choses des commoditez du maître & des siennes, qui se pourront desfaire ou rompre en diuerses occasions: cinq ou six petits coings de bois propres pour faire tenir (s'il est besoing) les veuës de la Sallade, aux vrais lieux qu'elles doivent estre



en la teste du maistre, quand estant armé il veut auoir le visage descouuert. Et par ce qu'il n'y a pas beaucoup d'Escuyers qui sçachent comme il faut proprement garder ces proportions, elles se voyent icy figurees.



Ie ne parleray point de la façon des autres pieces du harnois complet pour l'homme d'armes ou cheual leger, à cause qu'elles ont esté moins changees que l'accoustrement de teste: Et quelque nouueauté que iusques icy les plus curieux & subtils Cheualiers y ayent peu apporter, il me semble qu'ils n'en ont point rencontré, qui puisse donner tant de grace & de gaillardise, que fait la Sallade bien proportionnée & proprement armée: mais aussi i'aduouë qu'elle sied tres-mal quand les veuës ne sont bien accommodees: Et pour garder leur plus belle situation, n'estant du tout closes, elles doibuent estre mises d'ordinaire comme on les voit representees en la susdicte figure: Car outre que la lame de bauliere donne vn certain ombrage, qui rend l'air du visage plus martial, elle peut encores deffendre les coups d'espee qui arriuent de haut en bas, & la viñiere accompagne aussi par derriere ceste grace, non pas peut estre si bien que voudront aucuns des plus experts Cheualiers, qui ne la trouueront du tout assez renuersée. Quoy qu'il en soit ie tiens qu'elle doibt estre ainsi, par ce que le panache aura sa place plus libre, que si elle estoit plus en arriere, & mesmes qu'on la pourra baisser & clorre plus facilement au besoing.

Reprenant la suite de mon premier discours, ie dis que si la caualcade s'entreprend si longue, qu'il soit besoing d'y mettre plus de dix-huict ou vingt heures de temps, l'Escuyer fera mettre dedans la ferriere ou le bissac du

Palefrenier, quelque portion de bougie, vn fuzil & vn mortier à esclairer. Et en marchant soit de iour ou de nuict, il se tiendra deuant son maistre ayant les grands chevaux rengez à la file deuant soy : & sur celuy où le Seigneur voudra estre monté pour combattre, il y aura vn Page diligent & bien instruit, qui en temps & lieu de soubçon tiendra ses pieds dedans les estrieux de sia ajustez à la selle au poinct du maistre, ensemble dedans ceux de son chappellet, de sorte qu'il ait deux estrieux en chascun pied, afin que suruenant quelque occasion fort pressante, en se iettant promptement, en terre avec son chappellet, le cheual se trouue prest pour la commodité du maistre, en moins de tēps que si les estrieux estoient trouvez. Autresfois quand Monseigneur & maistre alloit à la guerre, & que son cheual plus reserué pour le combat s'appuyoit naturellement trop à la main en traueillant, j'ay obserué de le laisser bridé de son canon simple & ordinaire, tant qu'un Page le menoit, luy faisant porter ce pendant à l'arçon de la selle son mors plus ferme, mieux ordonné & bien ajusté à ses bonnes & fortes renes & testiere, pour en vser quand mondit Seigneur vouloit monter sur ce cheual : & par ce moyen (sans doubte) il le trouuoit de plus leger appuy & plus obeissant : Toutesfois ie ne suis pas d'aduis que ce precepte se pratique, si lon n'est assuré d'estre aduertys des approches des ennemis si à propos : qu'on n'en puisse estre surprins.

Par tous les logis que le Seigneur fera en lieu suspect, mesmement la nuict, l'Escuyer se rendra curieux de bien recognoistre les aduenues & le champ ordonné pour s'assembler aduenant l'alarme : & pour si peu d'apparence qu'il iuge que les ennemis y puissent faire quelque entreprise, il fera tenir sellé le meilleur cheual qu'il aura pour son maistre, & vn autre pour soy, soudain qu'ils auront repeu & qu'on les aura pensez : & s'ils ont tant traouillé que le repos leur soit fort necessaire, il n'y aura point danger de les laisser coucher avec la selle, pourueu qu'il y ait beaucoup de paille à la litiere. Et en tous les lieux soubçonneux, il couchera dedans l'Escuyrie sans se desbotter ny despoüiller, ayant toutes ces armes ensemble pendues & rengez pres de soy, là où il aura peu faire planter des cloux propres à cet effect, lesquels tout expres il fera tousiours porter à son vallet dedans vne petite ferriere à la Reistre, où il y ait encores de petites & fortes tenailles, vn brochoir avec quelque quantité de cloux à ferrer bien affilez, des membrats d'esperon, du noir d'Allemagne à noircir, vne petite esponge, & des brosses pour nettoier les bottes & harnois : Car telle diligence se doit obseruer aux armées, comme à la Cour ou aux villes : & notamment la ferriere du palefrenier ne doit iamais estre despourueu de deux ou trois gourmettes & autant de ceciliens, tourets, aneaux, boucles & chesnettes : Mesmes l'Escuyer doit visiter les porte-mords & bouts de renes des chevaux de combat si souuent qu'il n'en puisse aduenir des accidens d'angereux, desquels on ne se peult assez excuser en disant, ie ne pensois pas que tel mal-heur arriuaist : il doit aussi auoir & porter sur luy, vne bonne montre & des tablettes, & se trouuer toutes les nuicts au coucher de son Seigneur, pour voir si les valets de chambre ont bien accroché & rengé toutes ses armes, ou autrement bien accommodees dedans la chambre du corps, ou les Pages se doivent tousiours rendre pour estre armez & des-armez. Et premier que l'Escuyer se retire, il doit scauoir le temps que le maistre voudra monter à cheual, & puis il commandera au trompette de sonner boutte selle, soit avec la sourdine ou autrement à l'heure bien considerée selon la volonté du maistre. A ceste cause & pour beaucoup d'autres principalement,

pallement pour seruir aux allarmes qui peuuent aduenir, le trompette doit coucher d'ordinaire au logis du maistre, & prendre tous les soirs instruction de l'Escuyer de la grande Escuyrie, l'entends estant à l'armée, parce que c'est le temps que les grands cheuaux sont logez plus pres du maistre: mais en temps de paix la petite Escuyrie est communément la plus proche, & par conséquent celuy qui la commandé est (comme l'on dit) à son tour: Toutesfois en quelque part & occasion que le Seigneur se dispose pour paroistre brauement à cheual, soit en armes, en masque, ou autrement aux exercices de la Carriere, sans doubte l'Escuyer de la grande Escuyrie doit estre preferé comme celuy de la petite, aux voyages plus communs & à la chasse.

Quand le chef estant armé & monté sur vn cheual de guerre disposera l'ordre du combat à la veüe des ennemis, ou comme il pensera venir bien tost aux mains, l'Escuyer de la grande Escuyrie marchera tousiours plus pres de luy que tout autre, soit deuant, à costé ou derriere en quelque part qu'il aille, ne respectant en cela personne de la troupe: car alors son rang est par tout, où son maistre va ou vient.

Lors que le Seigneur voudra aller à la charge, l'Escuyer fera mettre les Pages à la queue de la troupe, les ayans desia instruits d'aualler les estrieux ajustez aux selles, de ne s'escarter trop ny se laisser prendre, de ne bailler leurs cheuaux qu'au Seigneur, ou à luy, & de se tenir les vns sur la main droite, & les autres sur la gauche, en suyuant la troupe selon qu'il pensera les pouuoir trouuer plus à propos à la necessité. Il fera mettre aussi le trompette à vne aile de la troupe & vn peu à l'escart, afin qu'il ne se perde à l'abord & au premier choc du combat: & l'aduertira sur tout qu'il tiennel'œil tant qu'il pourra sur la personne du maistre, & qu'il ne sonne rien que par le commandement expres du Seigneur ou des chefs: Car il faut considerer en cecy que la volonté du chef se doit entendre par la voix & prononciation du son de la trompette: & si le trompette pert de veüe le chef dedans la meslee, il se tiendra le plus pres qu'il pourra de l'enseigne ou cornette arboree, parce que c'est le lieu où le chef mesme se doit rendre apres auoir commandé à celuy qui porte le drapeau de donner là où il luy aura semblé que la charge & le combat se doit faire: & s'il aduient autrement, la confusion inopinée, à cause aucunesfois des partialitez, pourra amener tel desordre, que peut estre outre l'empeschement de la victoire, l'honneur du chef en patira. Iasoit qu'il n'aye iamais manqué de fidelité, de courage ny de resolution.

En abordant les ennemis & se meslant au combat, l'Escuyer doit arrester sa veüe avec toute son ambition & son courage à la conseruation de la personne de son Seigneur & maistre, ayant mieux mourir que le quitter ou perdre: & si le cheual du Seigneur se trouue outré, fort blessé, tué, ou que pour quelque autre accident il soit deuenu incapable de le seruir, l'Escuyer luy en doit à l'instant bailler vn meilleur, s'il se trouue à propos, ou mettât soudain pied à terre raschera de le monter sur le sien, quelque chose qui luy puisse aduenir & fust-ce la mort mesme. Je sçay qu'en telles occasions celuy qui a l'ame genereuse, s'enflame d'un violent desir de paroistre & se signaler, faisant à la veüe de plusieurs Caualliers quelque braue & particulier trait de son courage & coup de sa main: toutesfois si en tel temps l'Escuyer (faisant sa charge) se ioué à se separer du costé de son maistre, sans doubte il le pourra facilement perdre, mesmes à cau-



## DISCOVRS SVR LE DEBVOIR

se de quelque obscurité, ou de la fumee, ou poussiere, qui se voyent d'ordinaire aux grands combats opiniaistrez: ce pendant telle infortune, ou tel bon heur peut aduenir au maistre, que l'Escuyer portera tant qu'il viura le blafme, & l'extreme regret d'auoir manqué au besoing à son deuoir: Et le pis que ie considere en cecy est, que ce desplaisir aduient aucunes fois à tel bon seruiteur, qui a rendu beaucoup d'annees vne grande subiection aupres de son maistre, esperant rencontrer l'heure & l'occasion propre à luy resmoigner à sa veuë l'humble affection & fidelité qu'il a vouë à son seruice: de sorte que ce qu'il a tant esperé sera fortuitement aduenü à tel, qui n'y aura pas seulement pensé: en fin tous ceux qui chargent les ennemis & qui se meilent, doiuent en combatant escouter & suiure les commandemens de leurs chefs par leur propre voix, ou par l'office du trompette, & se renger tousiours sous leur enseigne: car en gardant ces deux maxims ils demeurent quittes de ce qui les oblige en telles occasions: Mais l'Escuyer ne doit auoir autre dessein, qu'à ce tenir si pres de la personne de son Seigneur & maistre, que nul ne se puisse trouuer plus à propos pour le secourir & le seruir à la necessité. Et s'il est homme de bon iugement & de courage, il pourra aucunes fois soulager beaucoup son Seigneur, en luy faisant entendre modestement des choses qu'il verra, ou cognoitra auxquelles peut estre personne n'aura pour lors pensé ny regardé: neantmoins si par son bon aduis ou aduertissement le maistre s'acquiert la gloire de quelque effect honorable, soit en la victoire du combat, ou se desmeillant d'un grand danger, ou en vne braveretraitte, l'Escuyer ne doit iamais parler ny faire semblant de se souuenir d'auoir esté en partie cause du bien suruenü à la louange du maistre, soit que d'autres le publient, ou que nul ne le sache, ou n'en veuille parler: Et si d'auenture quelq'un qui aymera mieux son ambition, ou sa liberté que la personne & l'honneur de son maistre, trouue ceste subiection trop estroite, ie luy conseille d'elire quelque vacation plus libre, que celle d'Escuyer d'Escuyrie.

**L** O v s les preceptes expliquez iusques icy ne se doiuent pas seulement observer avec beaucoup de soing & de diligence à leurs vrais temps & occasions, mais le mesme deuoir, & principalement celuy de la conscience, oblige encores l'Escuyer d'Escuyrie, à s'acquitter dignement de la nourriture & instruction des Pages, qui s'eleuent sous sa charge & gouvernement: Car d'ordinaire ceste ieunesse est issuë de noble extraction, & sans doute leurs parés les donnent aux Princes & Seigneurs, esperans que sous le nom & rang de Page ils apprennent si bien l'honneur & la civilité, qu'estés deuenus hommes ils mostrent aussi vne grande difference de leurs actions à celles d'une infinité d'autres, qui auroient esté moins vertueusement nourris: & quand il aduient au contraire le blafme en tombe sur le maistre, mesmes il ne se peut que ceux qui ont plus d'interest à tel domage ne diminuënt beaucoup de leur affection auparauant voüee aux maisons, où ces enfans auroient perdu, ou mal employé l'age & le temps plus propre à les disposer & acheminer à la vertu. Neantmoins il semble que toutes ces considerations sont à present reiectees de la plus part des grandes maisons. Qu'il soit ainsi, on voit fort peu de Seigneurs qui se daignent informer de l'instruction qu'on donne à leurs Pages: Quant aux Escuyers ie m'assure qu'il y en a aucuns, qui en sont soigneux & qui perseverent en ce deuoir, selonc leur capacité & bon naturel, d'autres qui ne leur apprennent ny bien ny mal, & d'autres aussi qui par leur exemple les induisent à vice, soit par vne infinite de vilains & detestables mots prononcez à tous propos deuant & à l'oye de ceste ieunesse, par les dissimulations & menteries ordinairement inuentees & assurees, par le jeu de cartes & dez, par l'arrogance, par l'amour

des-honneste, pour lequel ils font aucunes fois faire les messages secrets aux Pages, qui ont la façon plus gentille & la parole plus facile, par la gourmandise & yurongnerie, ou autre falleté, & possible par tous ses desordres ensemble, & beaucoup d'autres, qui peuuent corrompre & perdre à la longue les plus beaux esprits. Partant il ne se faut esmerveiller si les hommes, qui ont esté si mal esleuez, sont fort vicieux, & mesmes s'ils manquent d'affection & de fidelité à ceux qui les pouuoient obliger par vne meilleure nourriture : & si les maistres, qui les ont ainsi nourris, se plaignent de n'en retirer les seruices & contentemens qu'ils en auoient esperé, ou qu'on leur aura proposé, ils se doiuent aussi repentir d'en auoir eu moins de soing, que des bestes brustes, qu'ils ont voulu affectionner : Car c'est chose commune de voir aux grandes maisons des hommes entretenus & gagez expressement pour bien gouuerner & dresfer les cheuaux, chiens & oyseaux, desquels le maistre veut tirer vtilité ou plaisir : Mais pour les Pages, encor qu'ils soient gentils-hommes & bien nez, il suffit en d'aucuns lieux, qu'ils ayent seulement la vie, l'habit de liuree, qu'ils sçachent porter les plats & les flambeaux, & point d'autre bonne instruction, ou aussi peu que les laquais. Cela estant, comment peuuent-ils bien aymer & craindre Dieu, n'ayant appris à le recognoître, & seruir & d'où leur viendra l'honneste crainte d'estre tachez du detestable reproche d'ingratitude, si iamais ils n'ont comprins par preceptes, ny par exemples, que c'est qu'obligation & deuoir, ou bien quel desir d'honneur & de vertu peut conceuoir celuy qui n'a encor gousté que vice, & qui ( peut-estre ) en a faict vn cal perpetuel en ses complexions & volonte, par vne trop longue habitude : Communément les premieres impressions sont celles que l'homme retient plus long temps : Il vaudroit donc mieux à ce cōpte, que les nobles entretinsent leurs enfans aux colleges bien ordonnez, ou aux villes mieux policees, leur faisant apprendre les bonnes lettres & les plus honnestes exercices de corps, propres à leurs qualitez, iusqu'à ce qu'ils fussent assez grands pour commencer à porter les armes : Car par ce moyen ils pourroient deuenir vertueux & recherchez, mesmes des plus grands : Ou si ( au rebours ) on veut commencer à leur faire si tost mandier l'amitié des Princes & Seigneurs, & à pratiquer les faueurs, au pris de leur liberté, au moins les peres qui donnent si volontairement leurs enfans, deuoyent tascher, ce me semble, de faire tels presents sous l'esperance de les voir vn iour sages, bien appris & deuément honorez : Par consequent ils doiuent aussi adresfer leurs dons si precieux à tels, qui par l'exemple de leurs mœurs conuiënt ceux qui les approchent & les seruent, à s'adonner à l'honneur, & à la vertu : Car il est certain que le maistre curieux de se tenir à son deuoir principalement enuers Dieu & son Prince, ou legitime superieur, peut imprimer par ses loüables deportemens aux ames des domestiques de sa maison & de plusieurs autres qu'il pratiquent, beaucoup de desirs honnestes & genereux, qui s'opposeront aux tentations pernicieuses, & sur tout à l'infidelité, d'autant que l'homme retient tout le temps de sa vie beaucoup des complections bonnes ou mauuaises de ceux qui l'ont esleué. Il est donc necessaire que les Escuyers, qui ont des Pages en charge aux grandes maisons, soient ennemis du vice, bien entendus en l'art dont ils portent le tiltre, & s'il se peut en plusieurs autres beaux exercices : Et aussi qu'ils soiēt curieux & amateurs du bien de telle ieunesse, & que tousiours elle leur soit recommandee, tant par l'integrité de leurs consciences, que par l'affection qu'ils auront à l'honneur de leurs maistres & au leur mesmes.

Doncques l'Eſcuyer nourrira les Pages à l'amour & à la crainte de Dieu, & les reprenant des vices & inſtruifant à l'honneur & à la vertu, leur repréſentera ſouuent la reuerence qu'ils doiuent à leurs ſupérieurs legitimes, l'obligation qu'ils ont à leur Seigneur & maître, qu'ils faiſt bien enſeigner & eſleuer. Auſſi il les accouſtmera vn honneſte delportement, par lequel on les voye ordinairement ſobres, propres, & humbles, non ſeulement à l'endroit de ceux qui leur peuuent commander, ains généralement en leurs repas, en paroles & en l'agencement de leurs habits: bref en tous leurs communs geſtes: & pour les façonner en ceſte ciuilité, il vſera differemment de la rigueur ou douceur qu'il cognoitra eſtre neceſſaire à la diſpoſition du naturel de chacun d'iceux. Il ne ſe iouëra iamais à eux en paroles ny en effets, & ne leur tiendra propos, qui ne tende à l'honneur & à la vertu. Et ſur tous les vices communs, il taſchera de leur faire deteſter le blaſpheme, la menſonge & diſſimulation, les ieux de Cartes & dez, la gourmandiſe, l'iuongnerie & la paillardiſe: il les fera viure en amitié entre eux, afin que dès leur enfance, ils facent vne habitude de bié aymer, & qu'ils comencent à conſiderer que manqué ceſte partie, l'homme ne peut eſtre digne de conuerſer avec les perſonnes vertueuſes & bien nees. Tous les matins premier que les faire monter à cheual, il les menera à l'Egliſe prier Dieu & au moins les Dimanches leur fera ouyr la Meſſe, & regardera par fois durât ce téps, ſi aucun d'iceux mâque à tenir ſon mâteau droit ſur ſes deux eſpaules, les genoux en terre & à lire dedâs ſes heures, ſans auoir les yeux ny l'eſprit occupez ailleurs qu'à la priere.

En quelque ſaiſon qu'ils montent à cheual, ils porteront les juppes, Caſaques ou ſayes de la liuree du maître, & ſeront ſi proprement veſtus qu'il n'y ait rien à dire à faute de diligence: Car c'eſt vne maxime qu'il les faut rendre propres eu cet aage, ou à grand peine le ſeront-ils de leur vie. Pource doncques on ne leur doit iamais permettre d'eſtre à pied n'y à cheual, deboutonnez, deſtachés, mal-ceints, ny mal-chauffez, ſoit de ſouliers ou de bottes, d'auoir les bas mal tendus, ny de porter mal leurs manteaux & chapeaux.

En les exerçant à cheual il faudra que ce ſoit ſur des cheuaux propres à leurs aages & forces, afin qu'au lieu de les rendre adroits & bien entenduz en tel exercice, on ne les face eſtropier, ou par-adventure mourir, comme il eſt aucunes fois aduenü par la temerité, ou ignorance des Eſcuyers inconfiderez, qui ont manqué à ce ſoing recommandable: Et d'autant qu'on a accouſtumé de leur faire promener les cheuaux deuant & apres l'exercice, il me ſemble que l'Eſcuyer doit conſiderer, ſi lors que ces enfans ſe ſeront eſchauffez au travail, le froid ou le vent leur pourra cauſer quelque maladie: Car ſi l'on a ſoing de la ſanté des cheuaux, à plus forte raiſon le doit-on auoir des Pages, qui d'ordinaire ſont nez de bon lieu, & qui le plus ſouuent n'oſent ſe plaindre.

Outre ce l'Eſcuyer les doit faire manger avec ſoy pour les accouſtmer au ſilence & à la ſobriété, & auſſi ſ'il eſt poſſible, les doit faire coucher en ſon logis meſmement lors qu'ils ſont preſts à eſtre mis hors de Page, & par conſequent capables des vices propres à tel aage.

Il leur doit defendre tres expreſſément la conuerſation des vieieux, & les perſuader, ou contraindre d'acoſter d'ordinaire ( avec douceur & humilité) quelque honneſte perſonne: Car outre qu'ils en pourront tirer du profit, c'eſt



autant d'honneur au maistre & à l'Efcuyer, de voir ses Pages. si honnestes & bien apprins, que les gens de vertu se plaissent à les entretenir & les auoir en leur compagnie.

Aussi l'Efcuyer leur apprendra en temps paisible à bien dancer, à cause que c'est vn exercice qui donne quelque grace & assurance, qui s'estend en toutes les autres dexteritez que le caualier peut acquerir, & encore les exercer à voltiger & à tirer des armes, parce que tels exercices ne sont point inutiles aux gens de guerre, & vne ou deux heures du iour, les fera lire en quelque beau liure, qui leur apprendra à preferer l'honneur de Dieu, l'honnesteté & la vertu à toutes les choses du monde: & d'autant qu'on ne voit pas souuent qu'un seul homme soit né & bien fondé en tant de belles & honnestes parties ensemble: Au moins, Je prie messieurs les Efcuyers d'Efcuyrie de vouloir apprendre ce qu'ils scauent faire de plus honneste aux Pages, qui sont nourris sous leurs charges, taschans liberalement de les reduire tels que par l'heureuse loiiange publicce entre les sages, ou moins vicieux, cest honneur soit également partagé, aux vns, pour s'estre rendus capables d'une belle & vertueuse nourriture, & aux autres pour s'estre dignement acquitez de leur deuoir, & soit que pour les exercices ils leur apprennent à manier, ou à dresser des cheuaux de campagne & de carriere, à tirer des armes, à voltiger, ou à dancer, qu'ils n'imitent iamais la façon mal seante & inutile d'aucuns Caualerisses, & de certains escrimeurs, voltigeurs ou baladins mal polis en leurs arts, lesquels monstrent tousiours des gestes & contenance en leurs exercices, qui sentent trop à la routine des plus communes escoles. Pour expliquer briuelement ce que ie desire que le caualier observe en ce qu'il peut faire de plus galant, c'est qu'il garde exactement tout l'artifice necessaire à la perfection, & que neantmoins il face paroistre telle facilité en ses actions, qu'on iuge que la grace procede plus d'un excellent naturel que d'artifice.

Tout ainsi que l'Efcuyer se doit rendre curieux de faire abhorrer & craindre à ses Pages le blafme de nonchalance & falleté, il doit aussi tascher à leur faire hayr la curiosité de ceux, qui desja en tel age commencent à se flatter, monstrent vn trop grande inclination à la mollesse, ou vanité, en frisant leurs cheueux, ou les laissant croistre beaucoup plus que le commun, seulement pour faire les beaux ou les mauuais garçons: Aussi en perçant leurs oreilles à la Morefque, ou à l'Egiphtienne, pour y attacher ou pendre des ioyaux, des babioles, ou quelques autres affecteries: Je scay qu'en ce Royaume plusieurs personnes de mérite, se laissent legerement gagner à l'opinion que ceste curiosité sert pour la bien seance: mais pourtant ie ne puis approuuer que l'homme vertueux & braueaye raison de se vouloir parer des ornemens qui sont communs aux femmes, & mesmes aux plus mondaines & lasciuies: D'ailleurs on a souuent recogneu qu'il est presque impossible, que celuy qui s'ayme & s'ate plus qu'il ne doit, puisse estre bon amy d'autre que de soy-mesme: en sa volupté.

Ainsi doncques l'Efcuyer tiendra la plus part du temps les Pages en quelque honneste occupation, mesmes pour euitier qu'ils ne s'addonnent aux vices plus incorrigibles: & parce qu'une trop grande contrainte peut assoupir la vigueur de l'esprit fort apprehensif; ie suis d'aduis qu'on leur permette aucunes fois qu'ils se iouent volontairement, s'exercant à courir, à sauter & à luit-

ter, ou aux ieux de la paulme, du balon & du Palemail, à ietter la barre ou la pierre: Car ce sont exercices qui fortifient le corps & le courage, & qui d'ordinaire plaisent à telle ieunesse.

Quand l'Escuyer verra que le Page sera desia prest à quitter l'habit de la verge, il monstrera d'en faire moins de compte, & le tiendra en plus grande crainte & subiection qu'il n'aura fait long temps auparavant: Par-ce que c'est le dernier moyen, dont il doit user pour confirmer la douceur & l'honnesteté qu'il desirera que ce ieune homme retienne de sa bonne nourriture: Et le iour deuant qu'il laisse l'habit de Page, l'Escuyer gardant encor son autorité, luy remostrera la grace que Dieu luy aura faite, d'auoir esté honorablement nourry & bien instruit, l'obligation infinie qu'il en aura à son Seigneur & maistre, & le blasme qu'il pourra acquerir manquant, au moins d'un affectionné desir, d'y satisfaire par ses seruices tres-humbles: & finira sa remontrance en luy representant l'horreur des vices, auquel il l'aura cogneu plus enclin.

Soudain que le ieune homme aura vestu ses habillemens d'hors de Page, il ira trouuer & saluer son Escuyer, qui des-lors luy doit monstrer vn visage d'amy familier, & le menant à l'escart luy conseillera gracieusement d'estre toujours curieux de rechercher les choses bonnes & honnestes, de continuer en l'amour & crainte de Dieu, d'estre bening & respectueux, & sur tout d'auoir l'honneur en telle recommandation & d'en estre si jaloux, que sans difficulté il le prefere à toutes les choses de ce monde, sans exception de la vie: Apres il le presentera à son Seigneur & maistre, luy ayant desia fait premediter quelques mots pour luy rendre graces briefuement & avec la plus grande humilité qu'il luy sera possible, des biens & honneurs dont il se recognoistra son redeuable: Aussi pour luy faire entendre l'affection & l'espoir qu'il aura de luy en rendre tant de seruices, qu'il ne puisse iamais avec iuste occasion se repentir de l'auoir nourry & fait bien esleuer sous les honnestes loix de sa maison.

Par vn tel soing l'Escuyer vertueux, pourra obliger à son Seigneur & à soy la noblesse qu'il aura si honnestement esleuee, & s'acquerir autant d'honnestes amis, qui sans doute ne manqueront iamais à l'honorer & respecter, & d'ailleurs beaucoup de personnes d'honneur & de qualité, à qui ces gentils-hommes appartiendront, au moins l'aimeront & luy sçauront gré d'auoir fait à leur contentement, si louable nourriture. Mais si au contraire, il est tant mal aduisé d'entreprendre & cuidoier obliger par tels moyens, quelque valet de peu, ou autre creature lasche de courage & mal nee, pensant quoy qu'il tarde, en retirer honneur ou soulagement, il trouuera à la fin d'une infinité de lōgs traux mal employez & inutiles, qu'il est impossible qu'un esprit lasche & miserable, puisse iamais bien comprendre les choses belles & honorables, du tout contraires à sa nature: mais que plustost il sera fort propre à recompenser l'amitié & affection de son bon maistre, par telle ingratitude qu'il apprendra avec beaucoup de regret, que d'une matiere mauuaise & vile, on ne sçauoit faire un honneste homme.

Il me semble que l'ordre que j'ay dict se deuroit obseruer en la nourriture des Pages qui s'esleuent aux grâdes maisons, afin que les maistres en retirassent l'honneur, la fidelité & les seruices qu'ils en esperent: Car si au contraire ils les laissent adonner & plier au vice durant ceste poincte de leur aage, sans doute il est à craindre

craindre qu'ils deuiennent mescognoissans se trouuant en leur liberté.

Les grands qui se flattent d'ordinaire iusques à ce persuader que l'affection & la peine de ceux qui les seruent, & mesmes de leurs domestiques, est suffisamment satisfaiete par le seul honneur d'estre aduoüez pour leurs seruiteurs, n'approuueront pas mon aduis, si ce n'est en ce qui serapportera particulièrement à leur desir & vtilité: mais au moins ie m'oze promettre que les plus prudents & genereux prendront en bonne part le zele, qui m'a poussé à m'acquiter du debuoir auquel m'a franchise ma abstaint. Je ne fay non plus de doubte que plusieurs Escuyers ne trouuent ces loix trop difficiles, aymât mieux auoir moins de merite & plus de liberté: ny aussi qu'il n'y en ait de si bien nez & qui auront l'ame si bonne & desireuse du vray honneur, qu'ils ne garderont pas seulement l'ordre de tous ces preceptes, mais peut estre les surpasseront selon mon desir.














1391-740



